

T. 057

505

تعبیر مسیله



مؤلفی :

آلمانیا ضابطلرندن « غریبه نکرل »

مترجمی :

مهندسخانه بری هایون سفریه وتعمیه تطبیقاتی معلمی ارکان حربیه
قول اغاسی عثمان ثنائی

طابع وناشری : حسن فرید

معارف نظارت جلیله سنک (۱۱) ایلول (۱۳۱۵) و (۱۸) جمادی الاول
(۱۳۱۷) تاریخلی و ۳۱۴ نومرولی رخصتنامه سیله طبع ایدلمشدر .

درساعات

« فریدییه » مطبعه سی باب عالی جاده سنده نومرو ۳۸

۱۳۱۷

۴ عبودیت و تحدیث نعمت {

» پادشاهم چوق یشا «

جناب حق سو کیلی پادشاهمز ، خلیفه ذیشان افندیمز
حضر تلرینی الی الابد سریر شوکتصیر هایونلرنده پایدار
وبرقرار بیورسون ، آمین بحرمة سیدالنبین والمرسلین ..

ممالك محروسه شاهانهك هر كوشه سی بر نور دریاسنه
منقلب اولدینی شودور کزین معارفده هر کس قدر تنک یتدیکی
نسبتده بونجه الطاف و عنایاتک تحدیث نعمتی ولویکده بر
اولسون اوده مک ایستر . چونکه انسانده کی وظیفه عبودیت
ونعمتک شانی بونی بویله اقتضایتدیرر .

بربری اوزرینه ییغلمش قالمش اولان بونجه عصر لر آراسندن
چیقه رق تابزم قولانغمز قدر کلان برعکس صدا ، بوکون ،
حقیقت ! جهانده بر مثالی اولماش ، اولیان و اولیه جق قدر
بیولک بر پادشاه مراحم و معارف اکنتاهک سایه شهر یار یلرنده
نائل اولدیغمز نعم کونا کوندن طولانی بزى تبریک ایدیور .

نه موطلی بزه ؛ ز علی الخصوص ، نه موطلی شو عصر دلارای

«مارفه که ، «غازی سلطان عبدالحمید خان ثانی» کبی برسلطان
اکمل السلاطینک حمایهٔ ملوکانه لرنده نائل فیوضات و تجلیات
نور انور اولیور و اولیورز .

اوت ! برپادشاه که ، تبعهٔ شاهانه لرینک ترقی و سعادتتی
ممکن اولدینی قدر دهـا ایلری کوتورمک ایچون کیجه لی ،
کوندوزلی بر مشغولیت ایچنده لطفاً اعمال افکار بیوریورلر ؛
شبهه ـیز ، بوقدر بیوک برپادشاهک قوللری هر زمان و هر یرده
اغور میامن موفور حضرت خلافت پناهیلرنده سوینه ، سوینه
وحتی کوله ، کوله فدای جان ایتمکی جانه منت بیلورلر .

بنده لری ایسه هم ، سایهٔ ترقیاتوایهٔ حضرت پادشاهیده
نائل اولدینم الطاف و عنایاتک حق شکر اتنی ایفایه چالیشمق ،
هم ده سوکیلی پادشاه همز افندمز حضرت لرینک ضابطان و شاگردان
قوللرینی عسکرلک صنعتی اوزرینه یازلمش برچوق و متنوع
مسائلک حل و معالعه سندن ممنون و مستفید ایلیمک مقصد
عبودیتکارانه سیله آلمانیا محررین مشهورهٔ عسکریه سندن بیکباشی
(غریبه نکه دل) لک (تعیه منـئله لری) نامـنده کی اثر مکملنی

ترجمه به جسارت ایلدم . قلم عاجزانه مدن چیقدینی ایچون بو
ترجمه نك بر قیمت و مزیتی اولسه دخی آلمان و سائر اجنبی
لسانلرده یوزیکلرجه نسخه سی طبع ایدلش اولان پك مشهور
وپك ییوك بر اثر ك تركه ده یالکز موجودیتی بيله بر قیمت
عمومیه نی حائر اولور فکرنده ایم . مصنوعات و آثار الهیه دن بشقه
هیچ برشیده کمال تام اوله میه جفی محقق بولندیغندن ترجمه ده
کور یله جك بعض قصور لر دن طولایي سلاح آرقداش لرمك
سلاح باشنه ایتیه جکلرندن امین اوله بیلورم .

بك ۱۸ آغستوس ۳۱۵

عثمان ثنائی

مقدمه

(تعییه مسئله لری) نامیله نشرایده جکمز بواثر، اسمنندن ده
آ کلاشیلدینی وجهله تعیه او کر نمک، ای و مکمل برضابط
اولق ایچون دنیاده ایکنجی برمثالی اولیان بردینه در. شو
صره لرده ضابطلریمزده کوریلان مطالعه هوسلری اثر
مذکورک بیوک بررغبث ایله قبول ایدیه جکنه اک آجیق
بردیلدر.

یالکز آلمانیا و فرانسه اردولرنده دکل، بتون اردولرده
شواثر جسیمی اوقوماش برضابط یوقدر دیسه م یالان
سویلیمه مش اولورم. عجبا اثرک بودرجه اهمیت قازانمش اولسی
نه دن ایلری کلیور؟ شبهه سز، بر کره مؤلفنک اقتدار عظیمندن،
بر کره ده آنی اوقویان هر ضابطک حقیقه صنعت حرب او کر نمش
اولسنی تأمین ایلمسندن ایلری کلیور. او یله ایسه، بزی جدآ
عسکرایده جک، تجربه لی برر قوماندان یاپه جق اولان شو
اثری اوقویه لم. هم بر کره، ایکی کره دکل؛ هر زمان اوقویه لم.
(تعییه مسئله لری) نک قیمت حقیقه سنی کو سترمک ایچون

اوزون سوزلر سويلمکه حاجت يوق . يالکز بروجہ آتی نشر
ایدیلان فہرس مندرجات آنک نصل برخزینہ قیمتدار اولدیغنی
کوستر مکہ مع زیادہ کافیدر .



فهرس مندرجات

برنجی مکتوب

مدخل

تعییه اوزرینه یازیلان مکتوبلردن مقصد. مسئله لر فصل حل ایدیلور،
اوکادائر ایضاحات. امرنمونه لرینک قیمتی و مسئله لرك مطالعه سی اوزرینه
نصایح ، برامرده نظر دقته آله جق شرائط .

برنجی مسئله — ایلری یوروش .

برایلری یوروش ایچون امرنمونه سی . برایلری یوروش امرینه
دائر مثال .

ایکنجی مکتوب

ایلری یوروش

بریول اتخابی ایچون ملاحظات . بر تیموریونك مكملأ تخریی
وموقتاً ایشلدلسنك منی . دشمنك وضعیتنه دائر ملاحظات . مستقل
سواری وپیشدار سواریسی . اقسام غنا کر . یوروش امری . امرك
توزیع ساعتی . دشمن اوزرینه معلومات . باش قوماندانك مرامی .
عزیمت ساعتی . سنهك اون ایکی آینده طلوع وغروب شمسك ساعت
وسطیسی . ایلرو یوروشده استکشاف . پیشدار وقسم کلی . آغرقلر
مفرزه قوماندانك یری . بر یوروش قولنك دریندنکنی حساب ایتك .
یوروش ایچون امر .

ایکنجی مسئله — یان یوروش

اوچنجی مکتوب

یان یوروش

بریان مفرزه سنك وظیفه سی . مختلف یوللرك مناقشه سی . اجتماع

حلی . دشمنك يورويشى . برجانبداره لزوم وارمى ، يوقى ؟ بريان يورويش ايچون انقسام عساكر . بريورويش قولنده نشانچى طابورلرينك يرى ، طويچينك يرى . يوله كيرمزدن اول اجتماع ايچون امر . حرکت امرى .

اوچنچى مسئله — قوناقلر ويان يورويش .

دردنجى مکتوب

قوناقلر ويان يورويش

قوناقلرك انتخابى وعسكريننده تقسيمى اوزرينه ملاحظات . دشمنك مقصود و مرامى . بريان يورويش ايچون انقسام عساكر . كيجه قوناقلرى . عزيمت ساعتك حسابى . اجتماع ايچون امر . يورويش ايچون امر . يورويش امرينه دائر ملاحظات .

دردنجى مسئله — بريول قولنك استقامتى دكيشديرمك

بشنجى مکتوب

بريول قولنك استقامتى دكيشديرمك

ويريله جك امره دائر ملاحظات . يورويش ائناسنده امرى . نقلی . قوماندانك قرارى . پيشدارك وظيفه سى . مفرزه امرى .
بشنجى مسئله — برقافله نك محافظه سى

التنجى مکتوب

برقافله نك محافظه سى

برقافله نك محافظه سنده راست كلنه جك مشكلات . برقافله نك محافظه سى ايچون آله جق ترتيبات . سوارينك استكشافى اوزرينه طومانسز بارونك تأثيرى . يول انتخابى . عزيمت ساعتك حسـ

محافظه عسکرینک انقسامی . مفرزه قوماندانک قراری . اجتماع وپورویش امرلری .

آلتنجی مسئله — برپیشدار امری . برپیشدار امرینک نمونه سی .

یدنچی مکتوب

برپیشدار امری

پیشدار قوماندانک آلهجنی ترتیبات . پیشدارک اجتماعی . انقسام عساكر . عزیمت ساعتک حسابی . ایلری قره غوللر ایچون امر . پیشدار امری . پیشدار امرینه دائر ملاحظات .

یدنچی مسئله — بر رجعت ایچون امر . بر رجعت ایچون امر نمونه سی .

سکزنچی مکتوب

بر رجعت ایچون امر

یول انتخابی . مفرزه نك مقصدی . رجعت ایتک ایچون قرار . رجعت اثناسنده عسکرک انقسامی . بر رجعت حرکته سوارى وپیاده نك وظیفه سی . بر رجعتده استحکام و طوحنینک وظیفه سی . انقسام عساكر . دمدارک قسم کلیه مسافه سی و مفرزه قوماندانک یری . سکزنچی مسئله — بر دمدار امری .

طقوزنجی مکتوب

بر دمدار امری

امرك ترینه دائر ملاحظات . دشمنی طور دیرمق ایچون بر موقع انتخابی . بر دمدارک انقسامی و پیشدارله مقایسه سی . دمدار ایچون اجتماع امری .

طقوزنجی مسئله — بریان مفرزه سنک رجعتی

اوتنجى مکتوب

بريان مفروزه سنک رجعتی

یان مفروزه سنک یولی و مقصدی . مفروزه قوماندانک قراری .
اجتماع امرلری . انقسام عسا کر . رجعت یوروشی ایچون امر .
اوتنجی مسئله — بر مغلوبیتدن صکره رجعت .

اون برنجی مکتوب

بر مغلوبیتدن صکره رجعت

مختلف یوللر . امر ویرمک ایچون ملاحظات . انقسام عسا کر
ورجعت امری .

اون برنجی مسئله — ایلری یوروش .

اون ایکنجی مکتوب

ایلری یوروش

یوروشک هدفی . ایلری یوروش اوزرینه ملاحظات و مفروزه
امری .

اون ایکنجی مسئله — تعرضی محاربه . بر تعرضی محاربه ایچون
ویریله جک امرک نمونه سی .

اون اوچنجی مکتوب

تعرضی محاربه

امرویرلدیکی زمان یول قولنده مختلف قدمه لرك وضعیتی . دشمنک
وضعیتی . یاندن هجوم ویا جبهه دن هجوم . هجوم اصلی و نمایش . جناح لردن
نریسنه هجوم ایتمه نك اسبابی . هجوم جبهه سنک امتدادی . امرک

توزیعی . هجوم طوبخیسنگ وظیفه‌سی . هجوم پیاده‌سنگ وظیفه‌سی .
هجوم اصلی نمایش هجومدن فصل وزده آریلور؟ احتیاطلر واستحکام
بلوکی . هجوم انسانده سوارینک وظیفه‌سی . سیار خسته‌خانه طاقتک
یری . جبخانک تجدید واکالی . محاربه انسانده مفرزه قوماندانک
یری . مفرزه امری . هجوم ترتیباتک قروکیسی . دو مانسز باروتک
تعیه اوزرینه تأثیری .

اون اوچنجی مسئله — ایلری یوریش . تصادفی محاربه .

اون دردنجی مکتوب

ایلری یوریش ، تصادفی محاربه

ایلری یوریش ایچون مفرزه امری . هجومدن اول ملاحظات ،
هجومده پیشدارک وظیفه‌سی . مفرزه امری و بونک اوزرینه مطالعه .
اون دردنجی مسئله — برمدافعه موضعی اشغال ایتک . برمدافعه
موضعی اشغال ایتک ایچون امر نمونه‌سی .

اون بشنجی مکتوب

برمدافعه موضعی اشغال ایتک ایچون امر . بکلمه موضعی ویا
مدافعه موضعی . بر موضع انتخابی اوزرینه مناقشات . طوبجی و پیاده .
جبهده مدافعه‌نک قیمتی . موضعک یانلری و کریلری . جبهه‌نک
امتدادی . موضعک منطقه‌لره آیرلمسی . منطقه احتیاطلری واحتیاط
عمومی . جبخانه‌نک تجدید واکالی . موضعک اشغال ایچون مفرزه‌به
امر . برمدافعه محاربه‌سنگ امرینه دائر قواعد . قطعاتک انقسامی
کوسترن قروکی . بر بکلمه موضعی اشغال ایتک ایچون امر نمونه‌سی .
اون بشنجی مسئله — رجعت . بکلمه موضعی . مدافعه موضعی .

اون آلتنجى مکتوب

رجعت . بکلمه موضعی . مدافعه موضعی

مفرزه قوماندانك قرارى . امر و تعليمات . رجعتك اصول
اجراسى . رجعت ايچون مفرزه امرى . برمدافعه موضعك انتخابى .
بکلمه موضعی . بر بکلمه موضعی طوتيلوركن سوارينك وظيفهسى .
طوبحينك یرى . مدافعه ايشلرى . بکلمه موضعی طوتمق ايچون
مفرزه امرى . موضع اصلينك اشغالى . احتياط عمومينك یرى .
موضع اصلى ي طوتمق ايچون مفرزه امرى . سيار خسته خانه .
اون التنجى مسئله — بريان مفرزه سنك هجومى .

اون يدنجى مکتوب

بريان مفرزه سنك هجومى

مختلف مقياسده خريطه لر قوللانمق . دشمنه دائر كلان معلوماتى
اي تقدير ايتك . مفرزه قوماندانك قرارى . دشمنك وضعيتى
تقدير ايتك . هجوم طوبحيسنك وظيفهسى . پياده و سوارينك وظيفهسى .
مفرزه امرى .

اون يدنجى مسئله -- پيشدار محاربهسى .

اون سكرنجى مکتوب

پيشدار محاربهسى .

دشمنه دائر كلان حوادثلرك ايوجه تقديرى . قوماندانك قرارى .
مختلف موضعلرك قيمته دائر مناقشات . بکلمه موضعده طوران بر
مفرزه سواريسنك وظيفهسى . سوارينك آياقده جنكى . سوارى به
ويريله جك امر . محاربه اثناسنده كلان راپورلر . و محاربه نك
اصول جريانى

اون سكرنجى مسئله — برپشدارك قوناقلره يرلشمسى .
ايلرى قرهغوللر . ايلرى قرهغوللر امرينك نمونهسى .

اون طقوزنجى مکتوب

برپشدارك قوناقلره يرلشمسى . ايلرى قرهغوللر . پشدار
امرى . ايلرى قرهغول امرى . ايلرى قرهغوللر قوتى . ايلرى
قرهغول خطك اتخابى . هجوم حائنده ايلرى قرهغوللر اصول
حركاتى . پشدار قسم كليسنك ىرى . قوناق قوماندانى . قوناق
نوبتى ضابطى . اغرلقلر . پشدار امرى . قوناقلر قروكىسى
وعسكر بيشنده تقسيمى . داخل و خارجى قرهغوللر . سلاح باشنه
بوريسى چالدينى زمان اجتماع محلى .

اون طقوزنجى مسئله — ايلرى قرهغوللر .
ايلرى قرهغول ترتيباتنه دائر قروكى . مختلف ايلرى قرهغوللر
ايچون امر نمونهسى .

يكرمنجى مکتوب

ايلرى قرهغوللر — ايلرى قرهغول ترتيباتنه دائر قروكى .
ايلرى قرهغوللر انقساى . ايلرى قرهغول سواريسى و كوزته چكى
خط . ايلرى قرهغول بلوكلرى . ايلرى قرهغول ترتيباتنك درينلكى .
ايلرى قرهغول سواريسنه امر . كيجه ائناسنده ايلرى قرهغول
سواريسنك وظيفهسى . سوارينك ايلرى ده دشمنله تماسده بولنسى .
قرهغول بلوك منطقهلرى واتصال يوللرى . كيجه ائناسنده پياده
كشف قوللرى . ايلرى قرهغول قسم كليسنك ىرى . ايلرى قرهغول
امرى . ايلرى قرهغول ترتيباتنك قروكىسى . ايلرى قرهغول
سواريسنك ىرى .

يکرمنجي مسئله — ايلرى قره غوللرى امرى .

يکرمى برنجى مکتوب

ايلرى قره غوللر امرى .

ايلرى قره غوللر ايچون ير انتخاب ايتمك . ايلرى قره غوللر سوارى وپياده سى . يمك پيشورمك و ارزاق توزيع ايتمك . ايلرى قره غول موضعك بلوك منطقه لرينه تقسيمى . قېو پوسته سى . ايلرى قره غوللر قسم كليسنك ىرى . ايلرى قره غوللر امرى . كوندوزين ايلرى قره غوللر سواريسنك ىرى . كوندوزين ايلرى قره غول بلوكلر يله قسم كليسنك ىرى . كيجه ترتيباتى .

يکرمى ايكنجى مکتوب

ايلرى قره غوللر . برخط مياھه نعرض ايتمك . ايلزى قره غوللردن مقصد . مختلف قدمه لر بيننده كى مناسبات . بر هجوم و قوعنده ياپيله جق حرکات . قوناق امرلرى . ايلرى قره غوللر ايچون قروكى ايله ايرتسى كون ويريله جك امرى . برخط مياھه تعرض ايچون قرار . مختلف هجوم نقطه لر ينك انتخابى اوزرينه مناقشات . مختلف صنفلر ك وظيفه لرى . اجتماع ايچون پيشدار امرى . هجوم ايچون پيشدار امرى .

— مدخل —

ارکان حرب مکتبه کیرمک ایستیان کنج ضابطلر برقاچ کره کندیلرینه بعض تعیه مسئلهلری ترتیب ایده رک صکره اولنلر طرفندن حل ای دیله جک اولان شو مسئلهلرک تصیحنی بندن رجا ایتدیلر . شهبه سز، بن اولنلرک رجاسنی قبول ایتدم . مسئلهلردن برچوخی مخا بره طرزنده ترتیب اولندی . بوندن برسوری مکتوبلر میدانه کلدی که، بن اولنلری مواقع عسکریده بولنان سلاح آرقداشلرک استفاده سنی تأمین ایلمک هوسیه برر، بررصریه قویدم ودها زیاده کمال ایتدم . زیرا مواقع عسکریده کی آرقداشلرمر هر زمان بولندقلری یرلرده کندی شهبه لرینی حل ایده جک و تعیه جه ترقیلرینه یاردم ایله جک اسکی ضابطلره تصادف ایده مزلر . کرچک، شو خدمتی کوره بیه جک ضابطلرک عددی پک چوق دکل، بالعکس پک آذرر . هم، بو کبی ضابطلر بولنسه بیه آنلر کندی وظیفه لریه پک زیاده مشغول اولدقلرندن دیدیکمز مسئلهلرک ترتیب و مؤاخذه سیله اوزون اوزادییه اوغراشه مزلر . باخصوص خواجه و طلبه ایکیسی بریرده بولنمز لر و بناء علیه کندی فکرلرینی مخا بره یولیه یورو تمکه مجبوریت کوردرلر سه اووقت ایش بسبتون زور اولور . اوندن بشقه بواصول . برچوخی کندی مسلک لرنده هنوز ایلک خطوه یی آتمش اولان ضابطانک منافعی حقیله تأمین ایده مز .

بونک ایچون چالیشقان کنج ضابطلر اکثریا کندی کندیلرینه مطالعه ایتمه ک مجبوردرلر . فقط شهبه سز اولنلر نه قدر ذکی و چالیشقان اولورسه اولسونلرینه ک چوق تعیه مسئلهلر نه حلی ناقابل مشکلاته اوغراش بولورلر . یالکیز تعلیم نامه لر و تنبیه اوزرینه یانلش اثرلر

مطالعه سیله ایش بیتمز . بونلر اولسه اولسه، فن حرب اوکرنمک ایستیانلر ایچون بر حاضرلق اوله بیلور .

اوندن بشقه کنج ضابطلره تعیه قواعدینه دائر اولان مسائلی برر، بررقله آلدیرمقدن نه چیقار؟ بالعکس . تحریر آ یایله حق وظیفه لرده اصل ایش بوقواعدی بر مسئله نك حله وبالخاصه امرلرک تنظیمه اویدیرمقدر . بناءً علیه قوماندا ایتک صنعتی هیچ کیمسه نزدنده قولای بر شی دکلدیر و بونی هیچ بر کتسایدن، نظری بر صورتده اوکرنمک ممکن اوله مز . قوماندا ایتک صنعتی اوکرنمک ایچون یالکر بر واطه وارکه . اوده تعیه مسئله لری حل ایتدکر . ارکان حرب درس لرینی کورمه دن کندی فکر نجه تعیه مسئله لری ترتیب ایتک واونلری طوغری بر یولده حل ایتک ایچون فوق العاده بر یارادیلش ایستر . شمدی یه قدر نشر ایدیلان اثرلر مثلاً (وردی) نك حیره شایان (مطالعه لری) ویا (زیریکی) نك (سوق الجیش و تعیه مسئله لری) کنج ضابطلرک پک اوقدر ایشنه کاز . چونکه اواثرلر، هم پک بیوک بحثلر اوزرینه قورلمش لر هم ده کنج ضابطلرده پک چوق معلومات اولدیغنی فرض ایدره ک ترتیب ایدلمش لردر . سز اونلری ده صکره اوقورسکز . کندی تجربه مله سویلرمکه، برانسان فن حرب اوکرنمک ویا ارکان حرب مکتنه کیره بیلیمک ایچون یلان اوکجه هر شیئی اوکرنه ایم دعواسنه دوشمه ملی . بالعکس اوفاقدن باشلا یه رق اووجه ایله یوریملیدر . برکره شو خصوصده لازم کلان معلوماتک اک مهملری بلندکدن صکره آرتق ایشک اوتیه سی قولای اولور .

بیم تعیه مکتوبلریمه کلنجه؛ سز کندی کندیکزه اوچه بیله جک بر زمانه ایریشنجه یه قدر اونلری هیچ الدن بر افیکز . چونکه اونلر

ایچەدن ایخهیه تدقیق ایدیورسه سزك ایچون مطلق شو بیوك فائده
حصوله كلور .

مراق ایتیمك! بن سزك جانكزی صیقاچق کبی آغر سؤالدر
ترتیب ایتدم . بالعکس ترتیب ایتدیکم سؤالدر پك بسیطدر . وبونی
مخصوص اويله یایدم . ذاتاً شو صوك سەنەلرده امتحانه کیرمك ایچون
ترتیب ایدیلان سؤالدر پك زور برشی دکلدرلر . هم تجربه کوسترمشدرکه
تعییه حقیه اوکرنه بیلیمك ایچون ایلک اوکجه بویه الک قولای مسئلهلر
ایله اوغراشمق لازم کلور . هر حالده، بوکبی مسئلهلر، کوچ و حقیقه
اوزاق اولالردن دها فائده لیدرلر .

ذاتاً مسابقه امتحانی ایچون ترتیب ایدیلان پروغرامده او قودیلحق
تعییه اوزرینه شو سوزلری کوریورز : « تعیه تطبیقه دن ویریه جک
سؤال الدن کلدیکی قدر بسیط اولملی و بروجه ایله دوشونلمیلدرکه
امتحانه کیره جکدر همه حال برقرار ویرمهک و آنک اسبابنی سویلمهک
مجبور اولسونلر » .

ایشته بونک ایچون بن مختلف مسئلهلری اويله مخصوص اوزون
اوزادییه مناقشه ایده جکم . سزه اعتراف ایدرمکه، حل ایدیه جک
مسئلهلری بو قدر اوزاتمامقده اوله بیلوردی . لکن بأس یوق! بن
بعض تکرارلردن چکنمیه جکم . زیرا تجربه ایله بیلورم، عجمیلر ایچون
پك چوق اختصارک فائده سی پك آذرر . وحتی بعض کره اوندن زیان
بیله کوریلور . کذلک ، موضوع بحث اولان نقطه لر ایله آرقداشلر مک
حل ایتدکلری مسئلهلرده اکثریا کوزیمه ایلشان خطالر اوزرینه ده
مخصوص اوزون اوزادییه سوزلر سویلیه جکم .

بناءً علیه بنم تعیه مکتوبلرم ، برنجی درجه ده ارکان حرب مکتبته

کیره جک اولان کنج ضابطلرک ایشنه پک چوق یارایه جقلر، ثانیاً ارکان حرب سیاحتلریله مانوره لره کیده جکلرک ونجه ییللردن بری قطعات عسکریه باشنده قاله رق معلومات نظریه لری آرزچوق اسکیمش اولانلرک استفاده لرینی تأمین ایلله جکلر در .

بویازدیغیم تعیه مکتوبلریچون (میچ) خریطه سنی انتخاب ایتدم .
(۱:۲۵۰۰۰۰) مقیاسنده کی خریطه نك درت پاقته سی پک او قوناقلیدر . و پک متحول براراضی تشکیل ایدر . بو خصوص عجبیلر ایچون شهبه سزپک اپی برشیدر . اوندن بشقه اولنرک شویله الدن اله کزملری مؤخرآ (۱۸۷۰) تاریخ عسکر یسنک بو اراضی یه عائد اولان قسملرینی مطالعه جهده اپی قولایلغی موجب اوله جقدر .

بتون مسئله لری یالکز بر فکر عمومی یه ربط ایده جک یرده بالعکس ، بن اکثریا هر مسئله ایچون یکی بر وضعیت دوشوندم . بو خصوص سزک پک زیاده ایشکزه کله جکدر . چونکه اوسایه ده سز هر هانکی بر وضعیت عسکریه اوزرینه چار چابوق بر فکر بیان ایتک ملکه سنی قازانمش اوله جقسکز . ذاتاً خریطه اوزرنده استحکاملر کوسترلمدیکه چون (میچ) اکثریا آچیق بر شهر کبی تلقی ایدیلله جکدر .

ضابط امتحانلرکزی ویردکدن صکره قیش کونلری عسکری اثرلری ورساله لری مطالعه سیله وقت کچوره رک اووجه ایلله معلوماتکزک اکلانه چالشدیفکزی فرض ایدیورم . لکن سز بندن اپی بیلورسکزکه وظائف یومیه ایلله پک زیاده مشغول بولمه کز شمده یه قدر پک چوق شیلری انجه دن انجه یه تدقیق ایلمکزه مانع اولمشدر . بونک ایچون رجا ایدرم ، اولجه اوکر ندیککز معلومات عسکریه اوزرینه برازا احتیاطلی کورینشمدن وایکیده بر سزجه پک اسکی پوسکی شیلر صاییلله بیان

ماده لر حقننه سوز سويليشمدن طولايي بنى معذور طوتكتز . صكره سز كندى كنديكزه بوسوزلرك ، بو احتياطلرك نافله شيلر اولمديغنى تصديق ايدرسكز . چونكه اوسايهده برچوق اكسيكلرككز اكمل ايدلديكنى كورمى اوله جقسكز .

ايلاك مسئلهلرك حلنه كيريشمهدن شمدى سزه سويليه جكم نصيحتلره برر ، برر قولاق ويريكر . اولنرى برر قاعده ، برر اساس كى بلله يكر . اوله عسكرى مكتبلرنده « تعيه تدريسايچون رهبر » نام اترك اك صوك باصامش نسخه سنده كى صوف ثائه تعليمنامه لرينى ايجه بر كوزدن كچوريكر . كندى صنفكردن بشقه صنفلركده بتون يورويش واجتماع نظاملرينه ، مانوره ومحاربه ترتيباتلرينه دائر صاغلام برنكر ايدنمه كز لازم كلور . برده سزه توصيه ايدرم ؛ پياده تعليمنامه سنك ايكنجى قسمنى ده اوقويكر . اوراده اوته كى صنفلره تطبيق اولتور بر سوري قواعد بولورسكز . پياده صنفندن اولمان ضابطلر بوصنفه دائر هر شيئى كمال اعتنايله نه قدر چوق مطالعه ايتسه لر ينه آزدور . چونكه پيادادولرك روحنى واساسنى تشكيل ايدر . صحراطو پيچى تعليمنامه سنك دردنجى قسمى ده ايوجه بر كوزدن كچورلمش اولمايدور . بوتعليمنامه ده كوره جكسكز كه پياده يه دائر اولان قواعدك بر قسمى عينا تكرار ايداشدور . خصوص مذكور شهبه يوق ؛ شمدىكى زمان تعيه سنه اجراى ناثير ايدن اسباب اوزرينه سزده پك صاغلام برنكر اويانديره جقدور . خدمت سفريه وانداخت نظامنامه لر ينك مطالعه سيله بستانون اكمل ايديلان شو حاضر لقلر سزى تعيه نك اقسام نظريه سنه آليشدرمغه كفايت ايدم جكلردور . بونلكه برابر ؛ سز اك چوق ينه كندى صنفكرك خدمت سفريه نظامنامه سنى بيايمكه مجبورسكز .

حاصلی «تعییه تدریساتیچون رهبر» نام ائردن محاربه یه داتر قواعد عمومیله حرکات صغیره یی و مسکون برلرک محاربه لرینی ده مطالعه ایتمه کز لازم کله جکدر . بنم فکر بجه بونلر سزک ایچون کافیدر . (وهدل) ک دیدیکی کبی بنده ضابطلرک کوچوکدن بیوکه نئقال ایتیه رک بردن مباحث عالیله مطالعه ایتلمرینه راضی دکم . زیر ابواصول اونلرک ذهنلرینی قاریشدر مقدن بشقه برتیجه ویره مز . هم نه لزوم وار ! تعلیمنامه لر شو صوک زمانلرده تعیه اوزرینه بحث ایدن کتابلرک اکیا بولریدر . برچوق کره لر نظ دقتکزی تعلیمنامه لرک بعض ماده لرینه جلب ایده جکم . بناء علیه سزده کوره جکسکزره ، پک آجیق برلسان ایله یازلمش اولان قواعدی آکلامق ، اونلری احوال مشکله یه تطبیق ایتمکدن دهاقولایدیر . لکن بنم یازدیغ تعیه مسئله لرینی انجه دن انجه یه تدقیق ایده رک اکصوکره اوغرا دیغکر مشکلاته غلبه ایتمش اولدیغکزی کورورسکزر .

مسئله لرک حلیله اوغرا شدیغکر صرده یالکزر «تعییه رهبری» نام اثر ایله مختلف صنفلرک تعلیمنامه لرینی و خدمت سفریه نظامنامه سنی یانکزرده بولندیریکزر ، بشقه هیچ برشیته لزوم یوقدر . مسئله وخریطه کزه ایلک کوز کردیرم جککزر آن ایله ، قلمکزدن صوک حرف چیقنجه یه قدر کجه جک زمان آره سنده کی وقتکزی بیلکزر و آنی او یله جه قوللانمغه چالیشکزر . اوندن بشقه هر مسئله یی براو طور ووشده یعنی آره لق ویرمکسزین حل ایتمه ک باقیکزر . هر یکی مسئله کنندیسندن اول حل ایدلمش اولان مسئله دن ده ازر زمانه محتاج اوله جقدر . اگر کنندیکزه کووه نیرسه کز ، و مسئله کزک ویریلان زمانده بیتور یله جکنه امین ایسه کز شبهه یوق دهاسکونته چالیشور وکوزل کوزل مسئله کزی حل ایتمش اولورسکزر . شو خصوص سزک طرز افاده کزله یازیکرده ایجه دقت ایتمش اولمکزه یاردم ایده جکدر .

اساساً كوزل حل ايدلمش اولان بر تعيه مسئله سی فنا بریازی واقاده ايله یازلمش ایه قیمت اصلیه سندن پك چوق شی غائب ایدر. بر آرتجربه سی اولان کسه سزك تعیه مسئله لری حل ایتمکده ملکه کز وارمی ، یوقی بوراسنی یالکز بر کوزاوجیه باقسه آکلایه بیلور .

سزه ویردیکم مسئله لرك حلدده تمامیه اصابت ایدیکز ویا ایتمه یکز ؛ بونك پك اهمیتی یوق . تعیه اوزرینه یاییلان مسئله لرك ذاتاً بر قاج درلو حللری شایان قبولدر . انسان ایش باشنه کچنجه ، عین مقصده ، شه سز بر قاج بولدن کیده بیلور . وپك چوق کورلمشده که تعیه جه بر مسئله حل ایدیلورکن ، اتخاذاولان فلان ویافلان تدبیره هیچ بروجهله اعتراض ایتمه حقمز اوله مز . مکر او تدبیر لردن دهامؤثر بر تدبیر بولمیش اولسون . سز انجق حل ایتدیککز مسئله لری نم جل ایتدکلمله و افکار کزی ینه نم افکارمله مقایسه ایدرك تعیه حرکاتجه سرعت نظر وانتقال صاحی اوله جقسکز . اوندن بشقه اک متحول تعیه وضعیتلرینی برر ، برر کوزدن کجیرر وانلری انجهدن انجهیه تدقیق ایلر سه کز مطلق پك آز وقت صکره اک ساکن فکری انسانلر یرینه کچمش بولنورسکز .

وظیفه لر مزك باشلانغچنده سزه اورنك اولق اوزره ویره جکم امر نمونه لری جانکزی ویا ذهنکزی هیچ صیقمسون . خدمته کیردیککز کوندن بری شه سز تعیه مباحثی اوزرینه بعض اشکال محدودیه قابلمامکزی بر چوق کردلر سزه نصیحت ایتشلردر . بویوله نصیحت ویرنلرك حقاری واردی . بونکه برابر بن ، ینه بر چوق اورنکلرك ، بر چوق نمونه لرك ذهنکزه قاله جق وجهله بیلنمسی سزدن ایسترم . لکن شونی بیهوده ایستمیورم . بالعکس او واسطه ايله سز علی الخصوص ایلک زمانلرده بیلنمسی لازم کلن بر چوق مهم شیلری

اونو تمقن قورتیلورسکز . اولیه ایسه تعیه ایچون سزه کوستره جکم بعض نمونه لرم یالککز برواسطه مطالعه در . یوقسه بشقه هیچ بر شی دکدرلر . برازوقت صکره سزیواش یواش اونلردن آیراغه آلیشورسکز و بنم بالخاصه سزی بویوله آلشدیرمش اولمق ایچون اوزمان ویره جکم مسئله لری : یالکز سزجه معلوم اولان اور نکله تطبیق ایله حل اولنه میه جق طرزده ترتیب ایله جکم . حاصلی سز ایشک اساسنی او کرشمس اوله جغکز زمان ، صورت عمومیده نمونه واورنک دینلن شیر تفرعات قیلندن اولور . بونکله برابر ، قوللانیله جق شکلر اولیه کیفی برطاقم شیر دکدرلر . بالعکس اونلر تطبیقاده کوریلن احتیاجات صحیحهدن میدانه کلورلر .

قوماندا ایتک صنعتی . هر برحاله کوره معقول واساسلی امرلر ویرمکن عبارتدرکه بوامرلرک برچوغی شهه سز اشکال عادیهدن فرقلی اوله جقلردر .

قوماندا نلق عملیاتنده . بن هر درلو نمونه واورنکلرک دشمنی یم . و بنم اعتقادجه ، مختلف اورنکلر بر صنعتی او کرتمک ایچون لازم کلن آلتلردن بشقه هیچ برشی دکدرلر . حضرده وسفرده برچوق تجربه لر کورمش اولان براسکی ضابطک ویره جکی امرلر ایله هنوزایشه باشلایان کنج رضابطک ویره جکی امرلر آراسنده طاغلقدر فرق واردر . دیدیکم نمونه لر : همان اردولرک هپسنده قوللانیلور و خدمت سفریه نظامنامه سنک آریجه بر بحث مهمنی تشکیل ایدرلر .

مسئله لری حل ایدم جککزوقت اشاغیده کی وجهله حرکت ایتکیزی توصیه ایلرم :

۱ — اونتری خریطه اوزرنده تعقیب ایدم رک برقاچ کرده دقتله اوقومق ؛

۲ — اراضی بی وبالخاصه یوللرک هپسینی خریطه اوزرنده ایدن اینی به مطالعه ایتمک . شو مطالعه اثناسنده یالکر خریطه ده کی بیوک خطلری کورمکه اولمز ؛ بالعکس کندیگری الیوکسک برنقطه ده فرض ایدرک مسئله حل ایدله جک منطقه نك هر کوشه سنی پانوراما سیر ایدرکی سیر ایتمک وانقک کذلک هرجهتی برکوزدن کچیرمک ایستر . اوندن بشقه سزکندی کندیگریز آئیده کی شیلری برربرر صورملیسکر :

شو بولندینم نقطه دن عجا مسکون یلردن هانکیلرینی کوره بیایورم ؛ هانکی یولاری قسماً ویا کاملاً تفریق ایده بیایورم ! بنم خط اقم عجا هانکیسی اوله جقدر ؛ عجا نظرم هانکی جهتن اورمانلر . تپلر ، مسکون یلرلر و سائر بوکی شیلرله تحد ایدلمش بولنه جقدر . بوخصوص ایجه دقت و ملکه ایستر . خریطه اوزرنده اراضی نه قدر عارضه لی ایسه دیدیکمز شیلری تطبیق ایده بیامک ایچون او قدر زیاده دقت لازمدر . بزم قوللانه جغمز خریطه لر یک مکمل اولدقلری ایچون شو خصوصده سزی برپارچه بولدن چیقارمش اوله جقلر . یعنی سز او کوزده لم خریطه لر اوزرنده هیچ زحمت چکمه کسزین هر شیء قولایجه سنه کورمش اوله جقسکر . کاشکی خریطه لر مز بر آزدها ننا اولسه لردی ده سز . اراضی بی کشف و تقدیر خصوصنده ده اچوق ملکه ایدنمش اولسیدیکر . لکن بوهر حالده یک بیوک برنقالق دیمک دکلدز ؛

۳ — کندی وضعیت کزایله خصمک وضعیتینی حرفی حرنه بلایمک .. بونک ایچون ده سز کندیگری ، هیئت ارکانه برلکده معین برنقطه اوزرینه چقیمش بر قوماندان رینه قویکیز . شو صرده مطلق کندی قطعانگری کوردکن بشقه خصم قطعاتی ، سز جه دو و نولمش اولان یلردده کورمکز لازمدر . نه قدر ایو دوشونه بیلورسه کز . مسئله کزی شبهه سز او قدر ایو حل ایتمش اوله جقسکر ؛

۴ — (نصیه تدریساً بچون رهبر) نام اتردن مختلف صنف لک تعلیم نامه لرنده ، سفریه نظام نامه سنک مسئله کزه تعلق اولان بحثلرینی تکرار تکرار او قویکیز . شبهه یوق ، سز بوبله یاپارسه کز وظیفه کزی بر آزد ها کچ اکال ایتمش اولور سکر لکن وقت کزی هیچ بوش یره صرف ایتمش اولور سکر . هر نه وقت که بر شبهه یه دوشدیک کزی آکلار سکر ؛ هیچ طور میک همان تعلیم نامه یه بر کره دها کوز کزد ریکز ؛ بوسزک ایچون اک کوزل بر اصولدر ؛

۵ — مانوره ویوروش یا بق ایچون ده آرادن کچه جک زمان ایله بر یردن بشقه یره کتیمکده صرف ایدیله جک زمانی مسئله کزده کی معلومه نظر آایوجه حساب ایتک ؛ بو خصوصده مسافه لری طوغری اولچمک و بزجه دشمنک تعقیب ایتمی محتمل اولان استقامت لری ده عینله تقدیر ایلکم لازمدر . موضع لره کلنجه آنلرکده جهه لر یله درینا کلرینی ، ایودن ایویه اولچیکز ؛

۶ — سز یوروش یا به جفکز ویا بر یری طومش اوله جفکز انشاده خصمک سزه قارشى آله بیله جکی ترتیبائی ایوجه دوشونملى . عجمیل بر مسئله یی حل ایدرکن اکثر یا کندیلری یوروش اجرا ایتدکلری صروده دشمنی یرنده ثابت فرض ایدیورلر ؛ بوايه شبهه سز پک دهشتلی خطا لر ندر .

۷ — یا بیله جق سی اوریه صا غلام بر قرار ویرملى . یاریم تدیر لرله ایش کورمکدن پک زیاده چکینکیز . اکر تعرض ایچون قرار ویرمش ایسه کز ، قطعات کزله و کال شدتله دشمن اوزرینه هجوم ایدیکز . اکر رجعت ایتک ایسترسه کز ، هیچ سبب قضاى اولتقسزین کیدوبده ایکی اوج کیلومتره اوزاقده طور میکز . ایلک اوکجه نه ایستدیک کزی بیلکیز ، صکره آنی کال جدیت و قرار ایله یاپیکز ؛

۸ - قطعات انقسامی اوجہ برکوزدن کچورملی . برمسودہ کاغدی اوزرنده وانقسام عسا کر جدولنده کی قطعات هر بریسنه رلریخی کوستریکنز . صوکره بونی بر دفعه دها کوزدن کچیریکنز ، اووجهله کسه بی اونوتوب اونوتمدیفکری آکلارسکنز . چونکه عجمیلر اکثریابعض قطعات عسکریه بی اونوتورلر . باشمدن کچمشدر ، ای بیایم که انقسام عسا کردن حصوله کلن قطعاتی وبالخاصه سوارینک انقسام عسا کری مطلق تصحیح اولنق لازمکایر .

۹ — الكصوركه امرمى يازمه نك صر سى كلور . بونك ايجون اصلا هيچ برشى اونو تيمه جق بر حاله كلنجه يه قدر بنم اورنكلر يمى قوللانيكلز . ايلك دفعه لر يازيله جق امرك بر مسوده سنى ياقمق و مسوده ياييلور كن اشاغيده كى شيلره دقت اتمك لازمدر . بر امر اوله بيلديكى قدر قيصة يازمليدر . قيصة عباره لر قولاي آكلا شيلور . اوزون سورن جمله لر عسكر ايشلرينه كلز . بونك ايجون امر كزى بيوك بردقته او قويكلز و باقكلز اكر بعض يرلرى دها چيزمك الكزدن كلور سه همان چيزيكلز : وارسون دها قيصة اولسون ، نه باس وار ! تعبيراتك ايو سنى انتخاب ايتكمده ك جدى اوليكلز . ايلك او كجه ياييلان مسوده ده چيزيله جك اپى فضلّه سوزلر بولور سكلز ، لكن بوكا هيچ جانكلز صيقلمسون ، زيرا ، سرك ايجون اصل اوله سى فائده لدر .

« مسوده سندہا کبھیکی ویا زیادہ سی اولیان برامر هیچ برشیدہ یاراماز. »
 اولدینی زمان انک قویہ سنی آله حق اولانلر آنی اختصار ایتمک قایمشورلر.
 طبعی شویله برشی یا تمغه هیچ بر زمان مساعده ویرلز. چونکہ معیت
 ضابطانی احوالاً برامرک صورتی آله جققری زمان داغماونک بعض

برلرینی اکیسک یایمه جقلرندن امین دکلدلرلر . وهر وقت اونلره شوپله بر
اعتماد کوستریله مز . بو محذوردن چکنمک ایچون امرلر بروجه آتی ویرلمش
اولمی که آنک صورتی آله جقلر حرفی حرنه آلفه مجبور اولسونلر .
امرلرده : یایله جق ترتیبندن هیچ برشیئک سبی سویلنلما ملی . چونکه
اکر بر امر کوزل یازلمش ایسه ترنیاتک اسبابی کندی کندینه بللی اولور .
بر حرکت امری خسته لر ایله یاره لیلره : اداره ایشلرینه ، پولیس خدمت لرینه
وهر جنس عرفخاللر ایله لایحه لره دائر یایله جق معاملهلر دن بحث
ایتمز . سز آنحق پک نادراً جیخانه نك اكمال و تجدیدی ایچون آله جق
تدایر اوزرینه قلم یوریتش اوله جقسکز . چونکه بونلرک هپسی حرکت
امرلرندن کلیاً فرقلی اولان یومیه امرلر نده ذکر ایدیلورلر . بر امر مطلقاً
آچیق یازلمش اولمیدر . اجرا آتده اکر بعض یا کلشقلر کوریلورسه ،
بوقباح امری ویرن کیسمه یه عائددر . چونکه او ، امری یازارایکن ،
قاریشقلغه سبب اوله جق هر درلوسوزلر دن چکنمکه مجبور دی .

بونک ایچون دینه بیلورکه : بر امر نه قدر ایتو ترتیب ایدلمش ایسه ،
اجرا آتی ده اوقدر ایوا اولور . تطبیقاتده امرلر ، کوندریله جکلری آدملرک
اوصاف طبیعه سنه کوره ، آنلرک زکی و غبی ازیلش لرینه نظر آیا زملیدرلر .
لکن تعیه مسئله لرینه کلنجه بوراده ضابطلرک هپسی مکمل آدملر اولمق
اوزره فرض ایدیلورلر . بونکله برابر . امر کوندریله جک آدملر عجبا
هانکی حده قدر ، وضعیت عمومی اوزرینه بر فکر ایدنمش اوله بیلورلر ؟
وسزک دوشوندیککز نقطه لری عجا اونلری الکز بر امر اوقومقله آ کلایه
بیله جکلر میدر ؟ یوقسه اون نقطه لره سزک ویردیککز معنادن بشقه معنامی
ویره جکلر در ؟ ایشته بورالرینی بیامک ایجاب ایدر . او یله ایسه ، بردفعه
کندیکزی امر آله جق ذاتک یرینه قوییکز وسزه او ، امر کلدیکی زمان

نه یایمش اوله جفکزی کندیکزدن برصوریکز. بویه یایارسه کز یازیله جق امردها درست یازیلور. امرلر قیصه، اولمقدن زیاده آچیق اولمیدرلر. بونک ایچون اگر قیصه برتیمیر قوللان دیککز وقت اوندن مبهم بر معنا چیقارسه، همان اونی براقه زق یرینه آچیق بر عباره یازیکز.

اما قیصه امر یازه جغز دیبه هیچ بروقت آکلاشلما زامرلر یازمیکز. یا کلش مغالره کلن تعیرلردن کذلک: پک زیاده چکینکز: مثلاً ساغده. صولده، ایلریده، کیریده، اوتده، و بریده کی تعیرلری قوللانمیکز. بالعکس اونلر یرینه جغرائیانک نقاط اصلیه سنی قوییکز. اووقت هیچ یا کلش اولمز سکز. مثلاً: [«ورنی» نک صولنده] دیه جک یرده [«ورنی» نک غربنده] دیککز. اگر «فلان کویک جنوب مخرجنده» دیمک لازم کلورسه، اووقت بر کره باقکز، کویک جنوب طرئنده بشقه بر مخرجی دها یوقایسه اوله دیککز. کوچک بیوک فصل اولورایسه اولسون مسکون یرلردن بحث ایدلجکه قولای قولای برخیلی یا کلشاقلر ظهور ایدیه بیایر. مثلاً برقاج مخرج اولدینی زمان «جنوب غربی مخرجنده» یازمیکز: لکن [«س» استقامتنده کی مخرجده] ویا [«س» ه کیدن یولک مبدأنده] یازیکز. کذلک یکی یکی بر طاقم اصطلاحلر و یبانهجی کلملر قوللانمقدن چکینکز. شوخصوصده الصولک طبع ایدلش اولان تعلیمنامه لر سزک ره برکز اولسون ..

بر امر قیطی اولمیدر. زیرا. بویه اولمزایسه، او. امر شدتله اجرا ایدیه مز. «الذن کلدی کی قدر»، «اگر اوله بیلورسه» و «احواله نظر آ» کی اسکی بوسکی نه قدر سوز و ارایسه اونلرک هپسنی امرلردن طر دایدیکز! بر امر ویرلدی بی زمان اونک مسئولیتی امر ویرن کسه کندی اوزرینه آلمی، یوقسه آنک بر قسمی معیت ضابطانه یو کتمکه چالشمایلد

مادون یالکز قطعی بر امر سایه سنده ، کندیلکندن ایش کوره بیلیمک
اقدارینی حازر بولور . چونکه او ، امر ، وضعیت حقیقه یه ، مادونک
خاصه طبعیه سنه و مافوقه قارشو اولان فکر تبغه نظراً ترتیب ایدلمشدر .
وضعیت نه قدر کوچ اولور ایسه ، امرلرده اوقدر زیاده کسکین و آجیق
یازمیلدر لر . بناء علیه اگر امرلر یگری یازدیغکز صرده کنندی شبهه گزی
اورتمک ایچون مخصوص او یله بعض قالی و مشکوک تعیر لر سچر سه کز
بو پک بیوک برخطاوله جقدر . بر امره درج اولنان ترتیبات هیچ بر زمان
مادونلرک حقوقه ایلشمه میلدر . بو ، یالکز ، وظائف یومیه تطبیقاتنده
دکل ، مطالعه ایشلرنده بیله الکچوق وقوعه کلن بر قصوردر . او یله ایسه
امرلر گزی یازار کن شو خصوصه بر آزا احتیاطلی اولیکز . اصولاً ، قلده
آلدیغکز امر مادونک کندیلکندن یاپه میه جنی ترتیباتی کو ستر میلدر .
اونک ایچون سز ، اجرا آنده کی تفصیلاتی آنک رأینه بزاقیکز . و علی -
الخصوص امرکز مادونه کیتیمک ایچون اپی زمانه محتاج اولور و امر
یازیلور کن سزک قبول ایتدیگکز وضعیت بستیون دکیشه بیلور سه ، او وقت
امرک اجرا سنی مادونک رأینه براقعی هیچ اونو تمیکز . اوت ، سز
مادونکزه یالکز وظیفه سنی کو ستریکز ! اونی باشه چیقار مق اونک
بورجیدر .

قوماندانک رتبه سی نه درجه بیوک ایسه ، اونک ویره جکی امرلرده
اودرجه عمومی وقیصه اولور لر . تطبیقاتنده لزوم کورر سه کز ، تعقیب
ایدیلان مقصدک حصوله مانع اوله جق تشبثاته بر چاره بولمق ایچون همان
انلره مداخله ایده بیلور سکز . شو خصوصه سزی هیچ بر شی منع ایده مز .
بر امر ، پک اوزاق اولان بر استقباله کوز دیکمه میلدر . بالعکس اونک
هدفی دائماً بولینیلان زمان ایله تماسده قالمیلدر .

وقتسز یازیلان برامریک نادراً اجرا اولنه بیلور. آتی ویرن قوماندان
برکرده دشمنک الدینی ترتیبانی کشف ایدمهز، نایباً راست کله وقوعه
کله جک احتمالاته قارشوده هیچ بر حاضر لقمده بولنه مز. بونک ایچون اکثریا
او، امری بوزمغه مجبور اولور. «امر. امر اوزرینه ویرمک امر سزک
دیمکدر. «ضرب مثلنی دوشونکیز! اولجه ویریلان برامری پک چوق
دکیشدیرمک عسکری بوشنه یورمق و مادونک مافوقه اولان امنیتتی محو
ایتمک دیمکدر. کذلک امر لریکنزده بر چوق احتمالاته کیریشمکدن چکینکیز.
چونکه بو حال هم نفا برشیدر. وهم نافله یره امر لریکنزی اوزاتمش اولور.
شبهه سز، برامر اجرا اولورکن بعض احوال محتمله ده ظهور ایدمه بیلور.
واکر دیگر احتمالاتک وقوعی کشف ایدلدیکی زمان بونلر هیچ خاطره
کلامش ایسه لر، طبعی مادون قوماندانلر اولنره قارشو نه یابه جقلری
بیلمیه جکلر در. برامرده «فلان ویا فلان شی» مطلق اوله جق! دیمکدن
چکینامیلدر. زیرا. اکر حقیقت او مولدینی کبی چقمز ایسه او وقت
مادونک مافوقه اولان امنیتتی بسبتون محو اولور. بالعکس مادون قوماندانلر،
تشبث اولنان هدفه وارمق ایچون امرک مقصدی نه ایسه آتی آچیقندن
آچیغه بیلملیدر لر.

کله جک مکتوبده بن سزه بوقاعده نک استثنالرنندن بحث ایدمه حکم.
برامرده زمان ایله مکان. هیچ بر خطا وقوعه کله جک وجهله قطعی و صاعلام
کوسترملیدر. بونک ایچون سزه خدمت سفریه نظامنامه سنک بورابه عائد
اولان بحثی او قومنی توصیه ایدرم: چونکه بن اوبجنی تکرار ایتمکدن
بشقه نه یابه بیلورم: اکایوسی سز کندیکنز اوقور، دها کوزل استفاده
ایدرسکنز. اوکله ایله اقسامک (۵) ی اراسنده کی ساتلر ایچون
«اقسام» دیمکدن ایسه «اوکله دن صکره» دیمکی ترجیح ایدرم. زیرا

او وجهله یعنی اقشام ساعت «۱» ی «۱۵» دقیقه بکه دینلورسه بوافاده هرکسک قوللاندینی لساندن آریله رق برخیلی شبهه لرویا کلاشقلرد سبیت ویرمش اوله بیلور . ساعتی کوستر رکن ، دقیقه لری ده پک آجیق یازیکز . کرک فرانسزجه وکرک (پولونز) جه یازلمش بعض قاریشیق اسم خالصره تصادف ایدرسه کز اولری خریطه اوزرنده کی شیرایله حرفی حرفنه مقایسه ایدیکز . هر نه قدر سفریه نظامنامه سنک کوستر دیکی اشکال پک بسیطایسه ده اولردا قولا نامازلر . اونک ایچون سزایشه باشلادیغکز آنده دخی پک اینجه دوشونمکه آلیشکز .

چونکه دقتسزلقدن ایلری کلان بریا کلاشاق قدر انسانک جانی صیقان هیچ برشی یوقدر . خدمت سفریه نظامنامه سنک بتون تعایات وقواعدی ظن ایتیمکز که اوله برارایه ییغامش تفصیلاتدن عبارتدر . بالعکس اولر تحارب سفریه اوزرینه میدانه کلش الهمهم شیردندر . بونک ایچون آنلری اونو تمق کندی ایستککزله قویه دوشمک دیمکدر . برکره انقسام عساکرایله امرکزی کچل دقت ایله یامش اولدقدن صکره یازدیغکز شیء تکرارودها اوقوناقلی بریولده قویه ایدیکز . یازیکز دایما کوزل و آجیق اولمق ایچون شبهه سز الکزده ایجه ادمان کورمش بولمیدر . ای ترتیب ایدلمش برامر . یکنظرده آکلاشامش اوله بیاملیدر . تطبیقات امر لرنده اوقوناقلی برامر الکیزاده مقبوله کچر . زیرا هرکس اوراده کندی حصه سنه دوشن وظیفه یی برباقیشه آکلایه بیلور . ایشه باشلامق ایچون بن سزده پک قولای برسؤال ویریورم . یعنی سزایلیک اوکجه برحرکت امری یازمغه مجبور سکز .

برنجی مسئلہ

(« مچ » خریطہ سیلہ « ورنی » پانٹھ سی)

دشمن مملکت بندہ ، میر آلائی ۱۰ قوماندان سندھ اولان برمفرزہ (۹۸ نجی پیادہ آلائی ، ۹ نجی دراغون الاینک برنجی وایکنجی بلوکاری ، ۲۱ نجی طوپیجی الاینک ۷ نجی بطریہ سی ۱۶ نجی استحکام طاہورینک برنجی بلوکی ، و برسیار خستہ خانہ طاقی) ۱۸۸۹ سنہ سی ۳:۲ تموزی لی یہ بون لک جنوبندہ اردو کاہدہ کچر مشدر (« ورنی » پانٹھ سی) . اردو کاہک امنیتی دیگر قطعات ایلہ تأمین ایدلش بولنیور . تموزک ۲ نجی کونی آفشام ساعت (۹) ی (۳۰) دقیقہ کچر لک بومفرزہ ایرتسی صباح ، برقچ کون ترہ نلرک ایشلمسی ممکن اولہ میہ جق وچہلہ (پهلتر) استاسیونندہ شمندو فرخطنی کسمک ایچون امر آلور . مفرزہ نک امدادیہ تخصیص اولنان قوای عسکرہ (دہلم) اوزرینہ یوروش اجرا ایتکندہ بولنیورلر . دشمن سواری کشف قوللری ، تموزک (۲) نجی کونی اوکلہ دن صکرہ ینہ (مچ) لک جنوبندہ کورلمشلرلد [*] . آلمان معلومات صحیحہ یہ کورہ دشمنک پیادہ و طوپیجیسی (آنیللی) دہ اردو کاہ قورمشدر [۰۰] .

یاسیلہ جق وظیفہ

- ۱ — تموزک (۲) نجی آفشامی میر آلائی (۱) طرفندن ویریلان امر ؛
- ۲ — اسباب موجبہ نک برر برر تشریحی ؛
- ۳ — اردو کاہدن ایرلدقندن برنجی ساعت صکرہ یوروش ترتیبانک قروکیسی .

سزہ یاردم ایتک ایچون صورت عمو میہ دہ بر جرکت امرینک اورنیکلہ ایلری یوروش امرینہ دائر آریجہ بر مثال ویریورم . شمدیکی حالہ سز بومالدن آنجق بر درجہ یہ قدر فائدہ کورہ بیایر سکر . وظیفہ کزی قولایلا تمق ایچون بوندن بشقہ هیچ بر معاونندہ بولنیمہ جقم . سز کندی بیلدیککز لہ ایشہ باشلایکزر . بو وچہلہ اولدن اکتساب ایتش اولدینکزر — معلوماتک شمدیکی حالہ سز دہ نہ قدری قالدینغی آکلار سکر .

[۰] مچ آجیق برشهر اولق اوزرہ تصور ایدیلور .

[۰۰] مچ خریطہ سندہ

كله جك مکتوبم ، سزجه شېهلی ظن ایدیله بیله جك اولان بعض نقطه لری ایضاح ایده جکدر . سیکزدن فائده کورمک ایسترسه کز ؛ يك چوق زمان صرفه مجبور اولسه کز بیله ینه وظیفه کزی کاملاً برباشنه یا بملیسکز . سزی صیقیه رق دها زیاده راحت چالیشدی رmq ایچون بعض مشکل نقطه لری شمیدین سزه سویله بیلوردم ؛ هیچ برشی بنی بوندن منع ایده مز . لکن او یله یامیه جغم ، زیرا ایسترمکه سز دها اوزون ، دها چابوق و دها امین بر صورتده چالیشمەنک یولنی او کرشمس اوله سکز .

طبیعی مسئله کزی حل ایدرکی بعض یا کشلر یابه جقسکز . لکن بوندن سزک ایچون بیوک بر فئالق چیماز ؛ بالعکس ، فائده کورورسکز . علی الخصوص تعیه درس لرندە . اکثر یا خطا ایدە رک بر قاچ شی او کره نیامش اولور . سوسلی قروکیلر یابه جغز دیه بوش یره وقتکزی غائب ایتمکز .

یا لکز لزوم قنلی کوریلورسه ، اووقت آنلری تیض ایدیکز . لکن ، یورویش قولنک هر قسمه عائد اوزونانی کال دقنله اولجیکز . چونکه ایستیلان بر زمانده یورویش قولنک فلان و یا فلان قسمی ، عجبا هانکی نقطه ده بولنیور ، شوراسنی ابوجه تعین ایده . بیلمکز يك لازمدر . یورویش ترتیبانه عائد قروکیلری اکال ایتمەدن صاقین بنم ایکنجی ، مکتوبمی او قومیکز !

حرکت امری مومیه سی

محل

تاریخ ، ساعت

مفرزه امری

- ۱ - دشمن ایله بری طرف قطعائی اوزرینه معلومات .
- ۲ - مفرزه نك وظیفه سی (قوماندانك افکاری صورت عمومیه ده ذکر اولنور) .
- ۳ - پیشداره عائد ترتیبات (عزیمت ساعتی ، عزیمت محلی ، یوروش پولی ارتباط ویا کشف خدمتی . خصوصی وظیفه لر) .
- ۴ - قدم کللی به عائد ترتیبات (پیشداره اولان مسافه ، یا خود عزیمت زمانی . عزیمت محلی) .
- ۵ - جانبدار ایچون ترتیبات (۳ نمره - ده کی کبی بالخاصه کشف خدماتی نظر دفته آنور . (اگر لزوم کوریلور سه جانبدارک هانکی نقطه ده آیریله جنی سویلنور) .
- ۶ - ایلری قره قوللره عائد ترتیبات (ایلری قره قوللرک ایرتسی کونکی یورویشده قوله نصل کیره جکاری ذکرایدیلور .)
- ۷ - آغرلقلره عائد ترتیبات (کیچک قومانداسنده بولنه جق ، قول نهایتی نه قدر اوزاقدن تعقیب ایدیه جک وسائر خصوصیات) .
- ۸ - حرکتک ایلک زمانلر ندرت قوماندانك بولنه جنم بر . امضا

- انقسام عساکر
- ۱ - پیشدار : قوماندانك اسمی .
پباده .
سواری .
طوپچی .
استحکام .
خسته خانه طاقی (مستثناحال)
 - ۲ - قدم کللی (یورویش نظامی)
قوماندانك اسمی ذکرایدان «
سواری (مخبره سواریسی) .
پباده .
طوپچی .
پباده .
استحکام .
خسته خانه طاقی .
 - ۳ - جانبدار (صاغ ویا صول) :
قوماندانك اسمی .
« دیکرلری پیشدار ایچون اولدینی کبی » .
امر نه بولده ونه واسطه ایله قطعات عسکریه به نوطه ایتدیرلمش
ایسه بورایه یازیلور .

بر ایلری یورویش ایچون ویریلان امره مثال

(ذ) نك شمالنده کی اردو کا

۱۱ نیشان ۸۹ کیجه ساعت ۱۱:۵۱

مفرزه امری

۱ — دشمن پیاده سی (س) و (ی) ده، سواری کشف قولری ایسه (و) ده کورلمشدر. اوچنجی پیاده فرقه سی یارین (م) دن (ن) اوزرینه حرکت ایده جکدر. ۲ — مفرزه یارین (ل) اوزرینه کیده. جکدر.

۳ — پیشدار صباحك (۶) پیچنده حرکتله (ب) دن (ل) ه کیدن بولی تعقیب ایده جکدر. و (د)، (ه)، (ف) جهتلرینی کشف ایتدیر. دکن بشقه اوچنجی پیاده فرقه سیله ارتباطده بولنه جقدر.

۴ — قسم کلی پیشداری (۷۰۰) متره مسا. فه دن تعقیب ابلیه جکدر.

۵ — صاغ جانبدار یارین صباح ساعت (۵) ی (۴۰) کچه حرکتله (ح) اوزرندن (ت) به کیده جک و (ع)، (ب)، (و) نقطه لرینی کشف ایده جکدر.

۶ — ایلری قره قولر، پیشدار باشی آنلرک خدا سندن کچنجه به قدر یرلی یرلرنده قاله جقدردر.

۷ — بیوک آغر قلر برنجی سواری بلوکندن برکوک ضابط و برقاج سواری حمایه سنخده اولقی اوزره (ر) به قدر قسم کلی بی (۲) کیلومتره مسافه دن تعقیب ایده جکدر و اوراده یکی اصلری بکلیه جکدردر.

۸ — بن قسم کلینک باش طرفنده یوری به جکم. میر آلی

(۱)

انقسام عسا کر.

۱ — پیشدار : بیکباشی (ب) .. برنجی پیاده آلاینک برنجی طا بوری. برنجی دراغون آلائی (دردنجی بلوک اکسیک) برنجی استحکام طا بورینک برنجی بلوکی.

۲ — قسم کلی (ویورویش نظامی): برنجی دراغون آلاینک برنجی بلوکندن برکوک ضابط و (۸) سواری. برنجی پیاده آلاینک ایکنجی طا بوری. برنجی آلایک برنجی طویچی طا بوری (اوچنجی بطریه اکسیک) . برنجی پیاده آلاینک اوچنجی طا بوری. برسیار خسته خانه طاقی.

۳ — صاغ جانبدار : یوزباشی (ف). برنجی آویجی طا بورینک برنجی بلوکی، برنجی دراغون آلاینک دردنجی بلوکی.

(جزء و تام قوماندانیلرینه نوطه ایتدیراشدر. یا خود آغزندن سویلنمشدر).

اگر سواری پیشداره ملحق اوله جق یرده مستقل براقلمش ایسه اوزمان (اتقسام عساکر) جدولنک باش طرفنه و (۱) نومرولی ماده یه کچوریلور (قو . ماندانک اسمی ذکر اولنور) . شو حاله نظراً امرک (۳) نومرولی ماده سی : مستقل سواری ایچون ترتیباتی (عزیمت زمانی ، عزیمت عملی ، یورویش یولی ، ارتباط و استکشاف خدمتی) کوستر . لکن بوهیچ برزمان پیشداری ، کندی امنیت خصوصیه سنی تسهیل ایچون لازم کلن سواریدن محروم براقه من . اگر مسئله ده ایلری قره قولدن فلان بحث ایدلامش ایسه امرک (۶۰) نومرولی ماده سی خذف اولنور .

ایکنجی مکتوب

ایلری یوریش

اگر بنم سزه ویردیکم نصیحتلره کوره مسئله کزی حل ایتمش ایسه کز امینم اونک ایچون اک آز اوچ درت ساعتاق برزمان صرف ایتمشکزدرد . لکن ، باس یوق ، تجربه ایله بیلورمکه ، بوزمان سزک ایچون پک بیسوک برشی دکلدرد . هم سز یواش ، یواش ملکه کز ایلرولدیکه ، بویله شیلری ده اآز زمانده حل ایده بیله جکسکزد . برمفرزه هر هانکی برایش یایغمه مأمور اولوب (سزک مسئله کزده برشمندوفر قطع ایتمه) عین زمانده کندیسنی امین برحالده طوتمغده مجبور اولنجه ، یوزی دشمن طرفته متوجه وایش محلتک اپی ایلروسنده یرلشمایدر .

تنیه — تخریراً ویریلان برامرده اسم خاصلرایله هر ماده نك باش طرفنده کی ایلک کله لینی برر کره ایچنه آلق پک ایودر .

بويله ياييلورسه ، ايشجیلر هیچ اولمزرسه محاربه نك برقسمنده دشمن آتشندن متأثر اولمقسزین وظیفه لرینه دوام ایدرلر ویا ایشلرینی بسبتون اكمال ایتمش بولنورلر . هم ، بوایشجیلرک یالککز دشمن پیاده آتشندن دکل طوپچی آتشنندن ده محفوظ قالملری لازمدر . بناءً علیه دشمندن ستر ایدیله جك ایشجیلر ایله اصل مفرزه آردهنده کی مسافه نی تعیین ایچون بوفکری اساس طوتملیدر .

اگر بوچشید بر عملیات ، آرزوق ایلریده کائن برته ایله اورتلمش بولنورسه ده ایواولور . فی الحقیقه ایلریده شویله برته وارسه مفرزه نك کوچك بر قسمی (بوراده استحکام بلوکیدرکه . پیاده صنفی حین حاجتده اوکیاردم ایدم جکدر) . ایش ایله مشغول بولندینی صرهدده : اکیبوك قسمیله اوراسنی طوتمق لازم کلور . بزه کلنجه شهه سز : وظیفه مزنی دشمن کورمکسزین باشه چیقارمش اوله بیله جکز . چونکه اوکمزده « مرسیله میچ » دن « بهووی - لابس » ، قدر اوزایان برته وار . مسئله مزده کی مفرزه نك یوروش هدفده ایشته بوراسیدر .

دیدیکمز تهیه وارمق ایچون اکیوزل یول « غره و - لاهوت » دن کچن یولدر . کرچه بونک بر آرز غره بنده « شه ریزه ی » دن کچن ایکنجی بر یول وارسه ده بر چوقا کریلری بوکریلری اولدیییچون اولککندن ده اوزون سوردر . برده او ، برنجیسی قدر ایو دکدر ؛ باخصوص « هوپتال » اورمانلرندن کچن قسمی ایجه فنادر . هیچ برشی اولمسه بیله « لی یه هون » اردو کاهنده قالدیجه آنک « اورنی » ایله « شه زنی » آراسنده کی پارچه سی نه حالده در بللی دکل : برده عجیبا براوجندن تا اوتته کینه قدر طوپچینک حرکتده مساعد میدر ، اوراسی ده بیانمزر .

آغاچلق یرلردن کچن بوقیل یوللر ، باخصوص برقاچ کون یاغور
دوشدکن صکره ، اکثریا چامور ایچنه کومیلورلر ، که بو محذوری بزه
خریطه لر کوستره مز .

تطبیقاتده ایسه دائماً او یله دکل ، بالعکس برکشف قوی کوندره رک
بعضاً شو دیدیکمز خصوصی آکلامق ممکن اولور . لکن خریطه
اوزرنده کی ایشلره کلنجه اوراده برآز احتیاطی بولنق و آزاجق ده
اوزون اولسه بیله بیوک یول اوزرنده قالمق ده ایودر . بعض اوراق
تفک طولاشقلرک نه زیانی وار ؛ عسکر ده سرعتله یورور ، ده
راحت ایدر ودها آز یورولور .

« هویتال » اورمانلردن کچلدیکی حالده شبهه سز ، بیوک یولدن کیدلدیکنه
نظراً مفرزه نك « په لتر » اوزرینه اولان یوروشی ، دشمندها کیزی
طوتلمش اولور . لکن بوفانده بزى قطعياً امین اولدیغمز بریولی قبوله
مجبور ایتمه لیدر . کذلک ، ایلک اوکجه « غره و — لاهوت » یولنی تعقیب
ایده رک صکره « شه زنی » دن « په لتر » اوزرینه کیتمکده ممکن ایدی .
اکرمقصدیالکمز « په لتر » استاسیونى الدها یتمکن عبارت اولسه ایدی ،
بویول همان همان بیوک یول قدرایو قطع ایدیله جک مسافه کذلک اوکا
مساوی اولوردی .

لکن مفرزه نك اک بیوک برپارچه سی « په لتر » استاسیونک
شالنده کی تپه اوزرینه کیتمکه مجبور اولدیغندن « شه زنی » دن کچمک
ایچون آرتق بر سبب معقول کوستریله مز .

او یله ایسه ، یوللرک هروجه ایله اک ایوسی اولان بیوک یول
تعقیب ایدیله جکدر . فقط بو ، « په لتر » استاسیوننده شمندوفری

کسمکه مأمور اولان اقسام عسکریه « شه زنی » دن کچمه جکلر دیمک دکلدر .

یوروشی حاضر لامق ایچون یالکز تعقیب ایدیله جک یولک حالی دوشونمکه قالملی ، بالعکس اونک هراییکی یانسنده کی اراضی بی ده ایودن ایویه آکلامق لازمدر .

اولا سزک ، صول یانکزده « هویتال » اورمانلری ، صاغ یانکزده « مه کلوو » ک شرقده کی اورمانک پارچه لری و « شامهل » بیوک اورمانیله « آرس — لاکنه کسی » نک غربنده کی اورمانلر وار .

یولکز بونجه کیدن اراضینک اقسام سائرسی اپی آچقدر . کشافلر « غره و — لاهوت » ویا « پی رره ژو » نک جنوب شرقیسنده (۲۷۰۰۸)

راقلی تپه به واصل اولدقلری زمان پک اعلا اوزاقده کی اراضی بی کشف

ایده بیله جکلدر . یالکز شمالده « مرسیله میچ » ایله « به ووی — لابس »

آراسنده کی تپه اولنرک نظرلرینی تحدید ایتیش اوله جقدر . بوتپه نک اک

یوکسک نقطه سندن ایسه « میچ » ایله « بل قرووا » تپه لرینه قدر اولان

ارضی تمامیله کوزیکور . یاعجبادشمنک کندیسی نه کبی شیلر کوره جکلدر ؟

شبهه سز ، اونک کشافلرینی « مرسیله میچ » تپه لرینه قدر کلمکدن منع ایتیش

اوله میه جغز . وبرکره اورایه کلدیلمی ، سز « پی رره ژو » نک جنوب

شرقیسنده (۲۷۰۰۸) راقلی تپه نک شمال اتکلرندن اینمکه باشلادیغکز

آندن اعتباراً اونلر سزی کوره جکلدر . چونکه سز یولکزرک کچدیکی

صرتلرک هر بریسی اوزرنده کورلمش اوله جقسکز .

دشمن کندی کشافلرینی سزک یوروش قولکزرک جوارینه قدر

سورمکه چالیشه جقدر . بوکشافلر ایسه شبهه سز ، یوریدیگکز یولک

صاغ ووصولده کی اورمانلردن استفاده ایدرک نظرکزدن مستوراً
ایلرولمکه غیرت ایدم جکلردر . بونک ایچون آله جق استکشاف
ترتیباتنده، دیدیکم اورمانلری ده حساب قاتیگز .

سزک بولندیفکز وضعیت اساساً پک بسیطدر . چونکه قطعات
عسکریه کز اردوگاهلرده وطویلی برحالد بولنیورلر . سزک یایه جفکز
شی یالکز بریوله کیرمکدر . سزه ویریلان مسئله اوتده بریده بولنان
سائر دوست قطعاتدن بحث ایتمور . کذلک ایلری قره غوللراوزرینه ده
برشی سویلنمش دکلدر . اوپله ایسه شوخصولرده بوش یره قفا
یورمییکز . وشمندوفر ی بشقه یرلرده کسمک ایچون بلکه دها
اساسلی سبیلروار ایکن نیچون «په لتر» استاسیوننده کسمک ایجاب
ایتدیکنه دائر بوشنه اوزلمییکز . ویریلان سؤالک مندرجاتی هر نه ایسه
اوکا نظراً ایش کورمکه آلیشکز . بونک دها اوته سی سزک نه کزه
کرك ! عجمیلر اکثر یابویله یاییورلر ؛ آنک ایچون بنده سزه شویله
نصیحت ایدیورم . ویریلان سؤالده سزه شمندوفر خطی «په لتر»
استاسیوننده کسیکز ! دیمشلردر ؛ سز یالکز اون یاییکز . بشقه
هیچ برشی دوشونمییکز .

مسئله کزده «شمندوفر خطی کسمک ایچون امر آلور» دیدیکم زمان
مخصوص «برقاچ کون تره نلرک ایشلمسی تمکن اولیه جق وجه ایله» سوزینی
ده علاوه ایتمش ایدم . چونکه برتمور یولنک تخریبیله ، ایشلتلمسنگ منی
بیننده بیوک فرق واردر . تخریب دیمک ، برشمندوفرک هفته لرله ویا
آیلرله ایشلمسنگی منع ایتک دیمکدر . بو پک مهم برتشبدر . آنک
ایچون اون ییاردو قوماندانی ویا باشلی باشنه حرکت ایدن قول اردو
قوماندانلری امر ایدم بیلورلر . بویله برامر ویریلنجه ، اک مهم

کوبریلر ، تونلر ، وکچیدر قوللانمیه جق برحاله قونیلورلرکه ، بونلرک تعمیرلری پک چوق زمان ایسترو یالکیز استحکام ، یاخود شمندوفر عسکرلری طرفندن اجرا اولنه بیلورلر .

بر تیمور یولنی ساده جه کسمک دیمک ، اونک ایشلدلمسنی بر قاج ساعت ویا بر قاج کون تعطیل ایتدرمک دیمکدر . بوکی حاللرده کسیلان شمندوفر ی چار چابوق تعمیر ایده بیلیمک لزومی واردر . واولد قجه بیوک جزؤ نام قوماندانلرندن هر هانکیسی ایسترسه ، علی الخصوص دشمن طوپراغنده ، شویله بر عملیات یایمغه مأذوند .

بر تیمور یولنی کسمک ایچون قوللانیه جق الایو واسطه لر ، آنک اقسام فوقانیه سندن بعضلرینی قالدیرمق ، ایشلمه مالزیه سنی تخریب ایتک ویولی قیامقدن عبارتدر . اگر ادم استحکام عسکری وارسه شبهه سز بوایشلرک هپسی اوکا یایدیریلور . سواری ده کدک اودرلو ایشلرایچون لازم کلان آلات وادوات ایله مجهز بولنور . لزوم کوریا نجه بوخصوصه پیاده دن تدارک ایدلمش اولان ایشجیلرده قوللانیلور .

مکمل بر تخریبات یایمق ایستیلورسه ، اووقت ایجه زمان صرف ایتک لازم کلور . بوکی حاللرده محافظ قطعاتی ، شمندوفرک ایشلدلمسنی منع ایتک کی بسط حرکتلرده کندن زیاده بر زمان دشمنی طور دبرمغه مجبوریت کورورلر . اگر دشمنک تقریبی شویله بر عملیاتک اجرایی منع ایدرکی اولورسه اوزمان هیچ اولمزه تیمور یولنی برویا بر قاج یردن کسمکک چالیشمق لازمدر . بر چوق کونلر شمندوفرک ایشلمسینه مانع اولمق ایستلیدیکی حالده ، چاره سز ، اولد قجه مهم وجدی ایشلره احتیاج کوریلور . ایشته بزده اونک ایچون مسئله مز ده بللی باشلی برمفرزه یی حرکت حالنده بولندر مش ایدک .

سز دشمنه دائرہ بالکڑ برشی بیلورسکز کہ، اودہ تموزک ایکنجی کونی
 اوکله دن صکره دشمن پیاده وطوبخچینسک « آنتیلی » اردو کاھندہ
 بولنش اولسیدر . احتمال تموزک ($\frac{2}{3}$) کیجہ سنی دشمن اورادہ
 کچورہ جکدر . « میچ » ک اوتہ لرینہ کوندرمش اولدی سوارینہ
 کلنجه او، یا « آنتیلی » اردو کاھندہ تکرار دونه جک ویا خود کیجہ بی
 شهر جھتندہ کچورہ جکدر . ہر حالہ سزک دشمنہ دائرہ اولان معلو-
 ماتکز ہم پک آز وہم پک اوقدر کسیدریمہ شیر دکلدرد . سز
 دشمنک قوتی بیلیمورسکز ؛ اولہ ایسہ آنک عددجہ سزدن فائق
 اولدیغی قبولہ مجبورسکز . « آنتیلی » دہ طوبجی اولدیغہ کورہ
 شہہ سز، اورادہ ایکی ویا اوچ طاہوردن آشاغی پیادہ اولہ مز . چونکہ
 بوندن دہا ضعیف پیادہ قطعہ لرینہ طوبجی ویرمک عادت دکلدرد .
 « میچ » قصبہ سی ، شہہ سز ، دشمنک یاپدینی یورویشک برنجی
 ہدفیدر . زیرا ، دشمن ہونجہ منابی شامل اولان قوجہ برقصہ یہ اصلا
 اہمیت ویرمہ مزک ایدہ مز . ہم ، دشمن کشف قوللرینک « میچ »
 قدر کوندرمش اوللری ہونی پک اعلا اثبات ایدیور . اولہ ایسہ ،
 تموزک (۳) نجی کونی صباحی دشمنک « آنتیلی » دن « میچ »
 اوزرینہ یورویش پاہنجی ، کوز ایلہ کورلمش کبی ، قبول ایدیہ بیلور .
 لکن ، دشمن سزک مفرزہ کزک ایلری یورویشندن عجبا ساعت
 قاچدہ خبر آلہ حق و ہونک اوزرینہ او، ینہ اسکی استقامتندہ می
 یوری یہ جک ؛ یوقسہ طوغریدن طوغری یہ سزہ راست کلمک ایچون
 « میچ » ک شرق طرفہ می صاہہ جقدر ؛ سز اورالرینی بیلیمورسکز .
 بو، ہر حالہ دوشونیلہ جک براحتالدر . دشمن سوارینسک اوجہ تارده

کز ندیکنه باقیلورسه ، یا، شهرک جنوبنده خصم قطعاتی بولندیغنی اها-
لیدن ایشندیکی ویاخود سزک سواریکزک بعض قسملرینه راست
کلدیکی آکلاشیلور . هر حالده آنک یارین صباح جنوب استقامتده
استکشاف اجرا ایتدیره جکی بسبیلیدر . اولیه ایسه ایر ویا کج ایکی
جهت سواریسنک بربریه چارپشمق اوزره اولدینی پک اومولور .
مفرزهک یورویشنی اورتمکه موفق اولق ایچون (بوده تمامیه بللی
دکل) سواریکزک عددجه ، دشمن سواریسندن برآز چوق
اولسی لازم کلور . لکن شمدییه قدر سز بوکا دائر هیچ برشی
بیلیمورسکز ، بوکی ترددلر ایسه حربده برر قاعده یرینی طوتارلر .
قطعات عسکریهک سوق واداره سی نیچون او قدر زوردر بیلور -
میسکر ، اوت بومشکلات خصمک قوتی ، حرکاتی و مرامی
حقیقته نصلسه اولهجه طانیق پک نادراً ممکن اولسندن ایلری
کلیور . بالعکس ، دائماً اکسیک وپک مجمل حوادثلر اوزرینه
یورنیلدیکيچون قطعات عسکریهک سوقنده بالطبع چوق مشکلات
چکیلور . سز ، آزه چوق اینانلمغه دکرلری اولان معلوماته نظراً
وضعیت عمومیه بی تقدیر ایتمکده نه قدر مهارت کوسترسه کز، یابه جفکز
ترتیبات او قدر ایو اولور .

عملیاتده ، آزه چوق اصابت ایدوب ایتدیکیزی سزه بیلیدر -
تهجک شی، ایلک اوکجه سواریکزدن کلهجک راپورلر اوله جقدر .
بونک ایچون سواریکزک بردم استکشافدن کری طور مامسنه دقت
ایدیکز . برده خاطر کرده قالسونکه ، دوست مملکتلرده حرکت
ایدن قطعات عسکریه ، عمومیت اوزره دشمن مملکتلرنده حرکت ایدنلردن
زیاده خصمه دائر معلومات ایدنمش اولورلر .

شمدی بزکړک دشمن پیاده سنک وکړک مفرزه مزک «مه رسیله»
مچ ، تپه سته کلک ایچون نه قدر زمانه محتاج اولدیغی آرتق حساب
ایده بیلورز .

بویولر اوزرنده هیچ برصیقندی به اوغرامقسزین راحت راحت
یوریان و صنوف ثلثه دن ترکب ایدن مفرزه لړک برکیلومتره لك مسافه یی
(۱۲) دقیقه ده آلدقلى قبول ایدیلور ، بوسزک خاطر کزده قالسون .
تعییه وضعیتى بشقه درلو حرکت مجبور ایتدجکه ، بیوک موله لری ده حساب
قائمق لازم کلور .

یالکز پیاده دن ترکب ایدن برکوچک قول ، احوال مساعدده ،
برکیلومتره لك یری (۱۱) دقیقه ده واکر مسافه قیصه ایسه (۱۰)
دقیقه ده آلور .

استکشافده بولنه رق عمومیت اوزره سرعتی وعادتا یوریان
سواری برکیلومتره یی (۶) دقیقه ده آلور . ابتدالده امنیت زیاده
اولدینی زمان سواری ، دشمنله تماس حاصل ایدنجه به قدر ، اصولاً
دها چابوق یورور . سواری بیوک اراضی پارچه لپینی کورمکه
الویریشلی اولان نقطه لر اوزرنده ایجه زمان طورمغه مجبوردر .
شو صروده شبهه سز ، ایلری حرکت خصوصی آرتق یکنسق جریان
ایده مز . بن سزک نظر دقتکزی شو نقطه لړک هپسی اوزرینه جلب
ایدیورم .

چونکه ، عجمیلر ، اکثریا کشفه کیدن سوارینک سرعتی
آشوری درجده مبالغه لره دوشورورلر . بونکله برابر ، سوارینک
سرعتی آشوری درجه آغرا لاشدرمش اولقده ابو برشی دکلدر .
کړچک ، خاطر کزده قالسون که وقت حضرده سواری وپیاده نک

يابدینی کجی ، اراضینک هرکوشه سنی، دیلیم دیلیم کزیمک، اکثریا غیر ممکندر. بو، پک اوزون برایشدر. وپک نادرا لزوملی کوریلور. دشمن سوارینسک کوچک اقسامی ده عمومیت اوزره پک آچیقده کزیرلر . موجودلری اپی زیاده اولان جزؤتاملرایسه کندیلرینی تمایله دشمن نظرندن صاقلایه مزلر .

یوللرک حالی فنا ، هوا غیر مساعد (صیجاق ، روزکار)، عسکر پک یورغون، وایجه اوزون یوقوشلر اولدینی وکیجه یورویشلری یابدینی زمان برکیلومترهک یول آلق ایچون (۱۲) دقیقه دن زیاده وقت ایستر . شواحتماللرک لزوم کوستردیکی حسابلر، هر حال خصوصیده نظر دفته آله جق شیلردر . « برونزار دوشه لندروف » ک سویلدیکنه کوره ترمومتره (۲۵) سانتیغراده یقین برشی کوستردیکی وقت (۱۰) کیلومترهک بریول آلق ایچون علی العاده صرف اولسان زمانه (۳۰) دقیقه دهها علاوه ایتمک لازم کلور . اگر صیجاق پک زیاده ایسه طبعی بوسویلدیکمزدن بیوک برشی علاوه ایتمک لزوم کوریلور . کیجه یورویشلری، کوندوزین یاییلان یورویشلر ایچون صرف ایدیلان زمانک یاریسی قدر فضله بر زمانه محتاجدر . اگر اراضی قومسال ، ویا قایاق اولورسه ینه (۱۰) کیلومترهک بریول ایچون صرف ایدیله جک زمانه (۲۰ : ۳۰) واکر یاغموور ویا خود قاریاغیورسه (۱۵ : ۲۰) ؛ پک کوتلی بریل اسیورسه (۴۰ : ۶۰) ؛ طاعلق یرلرده ، وادیلر بونجه کیدن کوزل یوللرک خارچنده ، زمینک میلنه کوره (۳۰ : ۶۰) دقیقه دهها علاوه ایتمک لزوم واردر .

اوله ایسه ، « لی یه هون » ک جنوبنده کی اردوگاه ایله « مرسیله مچ » تپه سی بیننده کی مسافه یی اولچیورم . بومسافه (۱۲) کیلومتره .

در . مسافه لركزى و باخصوص يوللارك اكرى بوكرى قسملرينى اولچيوركن حسابكزى پك كنىش طوتيكز . اكر تصادفاً سز ، اصل مسافه يى بريازم كيلومتره فضله كوسترمش اولورسه كز بوندن سزك ايچون (۶) دقيقه لىق فضله بر زمانه احتياج واردر . شوسيله سزك ايچون ، كيديله جك يره (۶) دقيقه كچ كىتمك كې بر محذور حاصل اولور . حال بوكه اكر (۶) دقيقه اول كيدلمش اولسه بوندن هيچ بر فنالق حصوله كلز . مسافه يى اولچمك ايچون پركاريكزى (۵۰۰) متره آچيكز ! صكره ، اوكا كوره مسافه كزى كنىش ، كنىش اولچيكز . اكر ، اليكزده بر منحنى اولچيسى وارسه اكرى بوكرى يرلى يواس يواس اولچيكز ؛ و اكر باركير اوزرنده ايسه كز ، باش پارمغكزك ايلك بوكم قسمى سزه پك اعلا اولچليك ايدى بيلور .

۳رى (۱۲) دقيقه ده آلتىق اوزره (۱۲) كيلو متره يى قطع ايتك ايچون پياده اوچيكز ، (۱۴۴) دقيقه يعنى (۲) بچق ساعت صرف ايدى جكدر . دشمنه كلنجه « آتيللى » دن « مرسيله مچ » ته سنك الك بوكسك نقطه سنه قدر ، اوده (۱۶) كيلومتره لك بريول يوريمكه مجبوردركه ، بونك ايچون (۱۹۲) دقيقه يعنى (۳) ساعت بر چاريك زمان صرف ايديله جكدر . ايكي طرفك بر آنده يوله چيقمش اولديغى فرض ايدرسهك ، شبهه سز . ميرالاي (۱) بو هدفه دشمندن (۴۵) دقيقه اول يتشمش بولنه جقدر .

« مرسيله مچ » ته سنى طوتمق ايچون شمديدن ده بعض ترتيبات سويامك ، يا خود فلان ويا فلان قطعه لرك « شهزنى » دن كچه رك « پلتر » اوزرينه كىتملرينى امر ايتك بيوك خطالردن صايلور . چونكه بو يولده آله جق ترتيبات پك وقتسز بر ترتيبات يرينه كچر .

شمیدی سزه لازم کلان ، هرشیدن اول عسکرکزی بریوله قومقدرد ،
 بوندن صکره سی ایچون صره کلدجکه یکی دن امرار ویررسکز . سزک
 « مرسی » تپه سنه گلزدن اول محاربه به طوتشمش اولیه جفکزی کیم
 بیلور ؟ ویاخود احتمال که سزیا لکز « شهزنی » به کیدن یول آغزینه
 قدر کله بيلمش اوله جقسکز .

برجانبدار مفرزه سی چقارمغه لزوم یوقدر . وشمیدیک سزک
 اوککزده سواریدن بشقه برشی بولنیور . دشمن پیاده سی سزک ایچون
 آنجق اپی وقت صکره تمکلی اوله بیلور . بناء علیه یوروش یولنک
 ایکی طرفده امنیت واستکشاف خدماقی سواریدن بشقه هیچ بر شیه
 لزوم کوسترمز . کله جک مکتوبمده سزکله جانبدارلر اوزرینه ایجه
 قونشورز . « برمفرزه طوبلی یوریملی ولزوم قطعی کورلمدکجه پارچه لزه
 آیرلاملی در » قاعده سنه کوره مسئله کزده کی مفرزه دخی یالکز بریول
 اوزرنده یوری به جکدر .

شمیدی به قدر سویلیدیکم ملاحظه لک نتیجه سی بودرکه : مفرزه
 دشمندن اول کندی هدفنه یتشه بيله جک وجهله ایلک (رنجی) ساعتده
 یوروشه باشلا یه رق ویالکز بر قولده « مرسیله میچ » تپه سنه کیدن بیوک
 یول اوزرنده حرکت ایلیمه جکدر . سوارسی ده کندی اوکنجه
 یوری به جکدر .

بیلیورسکزکه ، اراضینک شکل ووضیعتی دشمن سوارسی بر آن اول
 « مرسیله میچ » تپه سندن قوغمش اولمکزی ایجاب ایتدیریور . احتمال
 پیاده کز بوتپه به کلنجه به قدر سواریکز آقاده جنک ایدرک اوراسنی
 الده بولندیره بيله جکدر . کرچه بو ، محقق دکدر . لکن ، هر
 فصل اولورسه اولسون ، سواری مفرزه نک ایجه ایلریسنده بولمغه

مجبور در . و سواری دشمن سوار یسیله نه قدر صیقیجه تماسده بولور ایسه شهبه سز ، یوروشنی اونستبه آغلاشدیرر . سواری کندی وظیفه سنی کورمک ایچون پک چوق سربست قالمغه محتاجدر . بونکه برابر ، کریسنده یور بیان پیاده ایله ارتباطی محافظه یه ده مجبور در . چونکه ایلریده بر محاربه یه کریشمش بولور سه آنجق او ارتباط سایه . سنده پیاده نک معاونتی کوره بیایور .

بو آکلاشله قدن صکره ، سز سوار یکنزی شمدی سویله جکم ایکی اصولدن بر یسنه کوره قوللانه بیلور سکز . یعنی سز اونی یاه بستیون مفرزه قوماندانی اداره سنه ویره رک مستقل سواری کبی حرکت ایتدیرر سکز که ، اوزمان آنکه پیشدار بینه پک بیوک بر مسافه بر اقیایور ، یا خود پیشدار قوماندانه ویره رک پیشدار سوار یسی اولق اوزره حرکت ایتدیرر سکز . سز که مسئله کرده ، سواری بی شوایکی اصولدن هانکیسنه نظر آلیسترسه کز او یله جه قوللانه بیلور سکز .

سوارینک مستقلاً حرکت ایده بیله جکنه دائر اولان برهانلر مز شونلردر : بر آزاوول سویلدیکمز باقارایسه ک ، سوارینک وظیفه سی بر آن اول « مرسیله میچ » تپه سنه یرلشمکدر . بناء علیه ، اگر دشمن عدداً چوق دکل ایسه ، آنی قوغمق وقوت ایله ایش کورمک ، واستکشاف ایتک ایچون مطلق ایجه انسانک ایلروده بولنسی لازم کلور . ضابط کشف قوللریله سائر اوفق تفک کشف قوللرک دشمن اوکنده قولای ، قولای حرکت ایتکده کی فائده لری انکار اولنه مز . لکن اونلر استکشاف خدمتی انجق ، (۱۸۷۰) فرانسز سوار یسنک یاپدینی کبی ، دشمن سوار یسی کندی وظیفه سنی اجرا ایتدیکی زمان تأمین ایده بیلور لر .

مسئله كزده كى كې ، اكر ايكى طرف سوارىسى بر بى اوزرىنه يورويورلر ايسه ، جبهه نك قوتلى اولمى لازم كاور . باخصوص سوارى يالكر ايلرىسنى كشف ايتك دكل . عين زمانده بزم كندى حر كاتمى ده اورتمكه مجبور ايسه قوتك دها زياده لشمسى ايجاب ايلر .

بونك ايجون سوارىنك مانوره جهاپى سربست براقلمغه احتياجى واردر . وشبهه سز ، سوارى پيشدار نه قدر آز تابع اولورسه دها ، زياده سربست بولمغه مجبوردر . بر پيشدار قوماندانى طيى كندى سوارىسنى حر كاتى ، يورويشده بالخاصه كندى امنيتك ايجاب ايتدير . ديكى ، قدر سربست بولنديرمق ايتير . حال بوكه . مفرزه قوماندانى وضعيت عموميه ده كوزل واقف اولديغيچون سوارى به بك چوق استقلال ويره بيلور . بر شرط ايله كه . سوارى بو استقلالى سوي استعمال ايدنجه مفرزه قوماندانى آنى منع ايدر .

سوارى ، بزم مسئله ده اولديغى كې ، كندى وظيفه سنى پيشدارك حدود حر كاتى خارجنده ويا پيشدار ايجاب ايدن محلله ره گلزدن اول يانمغه مجبور اولورسه اوزمان مستقل براقلميدر . برده شونى اونوتمايلى كه : مستقل سوارى كوندره جكي راپورلرى طوغريدن طوغرى به مفرزه قوماندانه كوندرمليدر . چونكه مفرزه قوماندانى شبهه سز ، اونلرى ، پيشدار قوماندانندن دها ايو تقدير ايد بيلور . فى الحقيقه پيشدار قوماندانى ، اكثرا حوالده وضعيت عموميه دن يالكر كندى يورويشى ايجون قطعاً لازم كلان شىي بيلور . وسوارى ، پيشداره الحاق ايدلدىكى زمان ، اولوركه مفرزه قوماندانجه بك مهم اولان بر راپور ، پيشدار قوماندانى طرفندن ايودن ايو به تقدير ايدلمش بولنه مز .

سوارینک پیشداره الحاقی ایجاب ایدن شیءده بوسویله جکمز نکردن عبارتدر : احتمال بزم سواریمز پک آز وقت صکره دشمن سواریسله بولیشور. اگر بونک اوزرینه سوارى آرتق ایلرولیه میورسه، لمبى ایشه پیشدار مداخله ایدر. بونک ایچون اویله زمانلرده سوارى یله پیشدارک یالکز بر قومانده آلتنده بولمسی دها ایودر. جوارده قوتلی ردشمن سواریسنک بولیشی سواریمزک پیشداره الحاق اولمسنه دائر رسیدر. بزم سواریمزک پیشداره ویرلمسی ایجاب ایدن ایکنجی بر سبب دها وارکه. اوده سواریمزک ضعیف بولمسیدر. بر طاقی پیشداره : مخاربه ایچون برخیلی سوارى قسم کلّیه. بر قاج قسم ده بیوک اغر لقلره ویرلدکن سکره ایکی سوارى بلوکندن کیری یه نه قالور ؟ شهبه سز قالسه قالسه هایت بر بچق بلوک قدر بر شی قالور. بودرجه ضعیف بر سوارى. آنجق ک خصوصى بر وظیفه یه مأمور اولدینی زمان مستقلاً کوندر یله بیلور. کن هر حالده پک ضعیف بولندیغیچون ینه سوارى عمومیت اوزره لدن چیقارلمش اولمز. چونکه بر باشنه محاربه ایدم بیلیمک ایچون قوتی افی دکدر.

بتون شوسبیلره قارشو، بن ینه بوراده سواریمزى مستقل کوندرمک یستیورم. زبرا، بویه اولورسه او. پیشدارک حدود حرکاتی خارجنده پهجنی وظیفه سنیه. استکشافدن عبارتدر : دها سربست بر حالده اجرا یدر ولزوم کورنجه قوت ایلده ایش کورمکه چالیشور.

عمومیت اوزره سز شونی بلله ییکزکه : مفرزه لرده سوارى صولاً پیشداره الحاق ایدیلور. یالکز مستثنا اولدق سوارینک وتی چوق اولورسه. اوزمان مستقل بر اقیلور. چوق دیدمسه. سز وندن، یورویشک امنیتى بر بلوک وحتی دها آز بر سوارى ايله

استحصال ایتک ممکن اولدقدن فضله الده اوچ بلوک ودها زیاده سواری قالدیغنی آکلییکز . بالعکس اگر مفرزه نك ، یورویشده امنیتنی استحصال ایدمک قدر بیله سواریسی یوقسه یعنی سواری پک آز ایسه ، اوله وقلرده سواری بی مستقل اوزاقلره کوندرمک بیوک خطالردن صایلور .

اک آز ایکی سواری بلوکنه مالک اولان بر مفرزه ده سواری نك مستقل قوللانلمسی بعض مستتنا حالله کوره در . یوقسه عمومیت اوزره بوسواری مستقل کوندرلر .

سواری مستقل کوندریله بیلیمک ایچون پیشدارک حدود حرکاتی خارجنده ، یا اورایه پک یقین ویا ده ایلریده معین بریده اجرا ایدیهلک خصوصی بروظیفه سی اولق لازم کلور .

چونکه هر زمان سواری بی مستقل حرکت ایتدیرمکدن بعض محذورلر چیقار : احتمال سواری کندیسنه ویریلان استقلالی سوی استعمال ایدر . واحتمال بسبتون قوماندانک الدن چیقارده لزوم کوردلیکی زمان ایش باشنده بولنه مز .

مفرزه نك مختلف قسملرینه لازم کلان سواریلری آیریرکن سواریمزک ایجه ضعیف اولقله برابر کوچ بروظیفهیه مأمور اولدیغنی دوشونملی یز . وبو سایه ده بلوکلردن لزوملی لزومسز عسکرلرک آلمانا - مسنه چالیشملی یز . برکزه مفرزه قوماندانی ایچون تخمیناً برکوچک ضابط ایله (۶) سواری یتیشور . بیوک آغرقلره کلنجه اورایه ده برضابط و (۸) آتلی ویرلسه کافیدر . پیشدار قوماندانی کندیسنه لازم کلان برقاج سواری بی پیشداره ویرلش اولان سواریدن آیریر . اگر مستتنا اوله رق یانکزرده پک چوق سواری بولنورسه ،

اوزمان هیچ قورقیکز ، قسم کلی یه برطاق ویریکز (بوطاق قسم کلینک باشنده یورور) . بوتدیر فائده لی برشیدر . باخصوص بریان یوروش یابیلورکن یاخودمفرزه قبالی وعارضه لی یرلردن کچوبده احوال عمومیه نظرأ قسم کلینک دشمن سواریلری طرفندن باصقینه اوغرامسی ملحوظ ایسه اوزمان قول قوماندانی بوندن بعض کشف قوللری چیقاره بیلور . کذلک ایلریده ، اگر قسم کلی ، پیشدارک تعقیب ایلدیکی یولدن بشقه بریوله صابه جق اولورسه اووقت ینه آنک باش طرفنده یوریان کوچک برسواری قطعه سنه لزوم واردر . بوحال بعضاً وقوعه کلور . و اوصره ده اگر قول باشنده برسواری قطعه سی بولنیه جق اولورسه ، دیدیکمزکی پک زیاده صیقندی چکیلور .

پیشدار پیاده سنک قوتی موجودک $(\frac{1}{4} : \frac{1}{3})$ آره سنده دکیشور . لکن هر حالده پیشدار آریلورکن جزو تام تشکیلاتی بوزماق لازم کلور . بزبوراده طابورلردن هر هانکی بریسنی پیشداره ویریورز . کیری یه قالان پیاده ایسه قسم کلی ده بولنه جقدر . الکزده بریطریه دن بشقه طوبخیکز اولمادیغیچون سزاوونی شبهه سز قسم کایده براقه جقسکز . بطریه امنیتده بولنق ایچسون آنی باش طرفده دکل ، برنجی طابوردن صکره یوریده جقسکز . استحکام بلوکی شبهه سز ، پیشداره ویریه جکدر . اگر برحاده فلان چیقمزسه ، بو بلوک ، و قتیله « پهلتر » اوزرینه برتدافی قولتق یاپه جق ودرحال ایش باشنه کچه جکدر . سائر حاللرده ، استحکام نفرلرینی قسم کلی یه ویرمکده اوله . بیلور . لکن اگر اولدن ده ، ایلریده یاییله جق بعض ایشلر اولدینی آکلاشیلورسه اوزمان استحکام یا کاملاً ویا قسمأ پیشداره آلنور . اگر یوروش ائساننده اوزرندن کجیله جک برنهر وارسه ودشمن

طرفند بونك كوپريلرى يىقلمش ويا دشمن يول اوزرينه برچوق موانع يىغمش اولورسه ويا اك صكره سزك مسئله كزده اولدینی كبی استحكام عسكرلری بر آن اول ایشه باشلامق مجبوریتده بولنورسه او وقت اولنر پیشداره ویریلورلر . حاصلی ، تعقیب ایدیلان یؤل ، بعض كوپرلر اوزرندن كچدكه استحكام عسكری دائما پیشداره الحاق اولنور . واستحكامك پیشدارده یری . پیشدار باشك نهایتی در .

سیار خسته خانه طاقی عمومیت اوزره قسم کلینك نهایتده یورور . بر مفرزه یه ، برسیار خسته خانه طاقندن زیاده ویرمك نادر در . بونك وظیفه سی شهسز ، محاربه ، بعض نقطه لرده ایجه شدت پیدا ایدرك ضایعات چوغالمغه یوز طوتدینی زمان باشلار . اووقته قدر ایسه ، قطعات عسكریه نك كندیلرینه مخصوص اولان حکیملری . جراحلری و دستگیره جیلری کافیدر .

کندی یوروش نظامی تعیین ایتك پیشدار قوماندانك وظیفه . سیدر . سز یالکیز اونك اداره سنه ویرله جك قطعات عسكریه یی سویلمكه اکتفا ایدرسکز ...

انقسام عساكر جدول كزده بوقطعات صنف صنف كوسترملیدرلر . قسم کلی یه كلنجه . اوراده قطعات عسكریه نك بولنه جقلری صردی ، مفرزه قوماندانی (قسم کلی « و یوروش نظامی ») عنوانی آلتسده برر برر كندیسی تعیین ایدر . امرده ، قسم کلی ایچوز خصوصی بر قوماندان كوسترمله لزوم یوقدر . اويله ایسه سفریه نظامنامه سنده دینلیدیکی کبی هان یوروش نظامی كوستریکز . بوسایده ، ویردیكکز . امر قیصه وانقسام عساكر جدول كزده يك بسیط اولور . اوندن . بشقه . شهسز ، معیت قوماندانار كزدن هر بریسی قول ایچند ،

مانکی صره یی اشغال ایتش بولنه جفتی ویریلان امرده کورورسه پک
چوق ممنون قاله جقدر . بر آرمه یه طویلانش بیوک جزؤ تاملره کلنجه ،
وزمان ایشک ایچنه سائر بعض ملاحظات کیرر ؛ یوروش نظامی ،
و وقت یالکز قسم کلیده کی قطعات عسکریه یول قولنه کیره جکلری
مان اونلره برر برر سویلنور .

ایشته بز ، انقسام عساکر اوزرینه ایجاب ایدن قرارمزی ده
آرتق ویرمش بولنیوروز . وین شو انقسام عساکر جدولنی سزک
یچون شمذیلک ایکی شکلده یعنی سوارینک مستقل ویا ملحق اولیشنه
ظراً ترتیب ایدیورم :

انقسام عساکر

۱ — پیشدار : بیکباشی (ب) .

(۹۸) نجی پیاده آلاینک برنجی طاہوری .

(۹) نجی دراغون آلاینک برنجی وایکنجی بلوکلری .

(۱۶) نجی استحکام طاہورینک برنجی بلوکی .

۱ — قسم کلی (یوروش نظامی) .

(۹) نجی دراغون آلاینک برنجی بلوکنندن برکوچک ضابط

(۶) سوارى .

(۹۸) نجی پیاده آلاینک ایکنجی طاہوری .

(۳۱) نجی طویجی آلاینک (۷) نجی بطریه سی .

(۹۸) نجی پیاده آلاینک اوچنجی طاہوری .

برسیار خسته خانه طاقی .

یاخود شویله :

- ۱ — مستقل سواری : یوزباشی (ق) .
- (۹) نجی دراغون آلاینک برنجی (برطاقم اکسیک) وایکنجی بلوکی .
- ۲ — پیشدار : بیکباشی (ب) .
- (۹۸) نجی پیاده آلاینک برنجی طاہوری .
- (۹) نجی دراغون آلاینک برنجی بلوکنندن برطاقم .
- (۱۶) نجی استحکام طاہورینک برنجی بلوکی .
- ۳ — قسم کلی (ویوریش نظامی) .
- (۹) نجی دراغون آلاینک برنجی بلوکنندن برکوچک ضابط
- و (۶) سواری .
- (۹۸) نجی پیاده آلاینک ایکنجی طاہوری .
- (۳۱) نجی طویجی آلاینک (۷) نجی بطریه سی .
- (۹۸) نجی پیاده آلاینک (۳) نجی طاہوری .
- برسیار خسته خانه طاقی .

انقسام عساکری بویله جه یازدقدن صکره برکره اوقوییکز .
باقیکز ، عجبا مفرزه کزدن برشی اونو تماشسکزمی ، یوقسه
اونو تماشسکزمیدر ؟

محل ، تاریخ وساعت بو وجه ایله کوسترملش اوله بیلورلر :
« لییه هون » ک جنوبنده کی اردوکاه

۲ — ۷ — ۸۹ — ۱۰ « کیجه »

امرده کی ساعت ، آنک یازملغه باشلادیغی زمانده کی ساعت دکل
بالعکس امرک کوندردلیکی ویا دها ترکجه سی حرکت ایدلدیکی زمانده کی
ساعتدر . مفرزه قوماندانی کندی تعلیماتی کیجه ساعت (۳۰ « ۹) ده
آلمش ایدی . بونک ایچون ساعت (۱۰) دن اول ممکن دکل امر

ویره مزدی . هیچ برشی یازمن دن اول ، مفرزه قوماندانی برکزه کندیسنه کلان تعلیماتی پک دقتی اوقوملیدر . خریطه سنه ایوجه برکوز کزدیرملی واکر وارسه ، یاوریه بر آژ مذاکره ایتلیدر . شو صرده امرک عینتی آله جق اولان ضابطانی چاغرمق لازم کلور . بوضابطلرک هپسی بر آره یه طوبلانمهدن امر یازدیریه مز . شبه سز اونلرک برر برر کلسیچون زمان ایسترکه ، امر کرده کی تاریخی کوستره جککز وقت آنی بهمه حال حساب قاتملیسکزر . سز بدفعه شو دیدکلری میز ایجه دن ایجه یه حساب ایدیکز . چونکه صکره قاریشام ، امرکزی یازمق ویازدیرمی ایچون وقت بوله مزسکزر . کیجه امرکزی کاملاً ویرمکدن ایسه بهض کره ، قیصه برامر ویره رک ایرتسی کون قطعات عسکریه نک حرکتدن اول بولنه جقلری اجتماع محلله اجتماع زمانی کوسترمکله اکتفا ایده بیلورسکزر . شمذیلک بونقطه اوزرینه سزکله اوزون بویلی کوریشمکه وقم یوق ، سزه اونوی یالکزر بر اشارت ایتمککم کافیدر ایلریده ینه بوبخت اوزرینه کلورز ، انشاء ..

امر بو وجهله قلمه آله جقدر :

۱ : نومرو - دشمنک پیاده و طوبچیسی « آنتیلی » اردو کاهنده بولنیور . بعض سواری کشف قولاری « میچ ک جنونده کوراشلردر . بزی تقویه ایتمکه مخصوص اولان قطعات « دهلم » اوزرینه یوربورلر . شمذیکی حالده دشمنه دائر معلوماتز مسئله ده نه کوسترملش ایسه اوندن عبارتدر ، فضله برکله یوقدر . لکن هر زمان بویله اولماز . کرچک ، مادون اولان ضابطلره مقصد عمومی کی کوزدن غائب ایتیمه جک وجهله کندی وظیفه لرینی پایه بیلیمک ایچون نه قدر معلومات ویرمک لازم ایسه آنجق اوقدر ویریلور . بو آلره کافیدر . بناء علیه سز یازدیغکز امرده اونلرک

ایشنه کلیان معلوماتی ویرمکدن البت چکینورسکز . معیتکزه فنا برتائیر
کوستره جک اولان فناحواد نلری الدن کلدیکی قدرسکوت ایله کچشدر رر سکز
ویا خود اونلری تخفیف ایدهرک سویلر سکز . بالعکس ایوحواد نلری
دائما سویلر سکز . نته کم بوراده ، سزک ایچون « دهلم » دن کله جک اولان
قوای امدادیه بی سویلدیکز .

ویردیککز امر بر چوق اللردن نکه جکدر ، بونی اونوتیمکز .
اوندن بشقه دائما قطعات عسکریه کزک قوه مضویه سنی بوزه جق
آدملرک اکسیک اولمديغنی ده خاطر دن چیقار میکز . دیگر اوتده
بریده بولنان دوست قطعاتدن بحث ایتکه لزوم یوقدر .

نومرو — ۲ : مفرزه یارین ، مرسیله مچ « اوزرینه حرکت ایده جکدر .
تعقیب ایلدیککز وظیفه بی برر ، برر مادونلر کزه آچق فائده -
سزدر . لکن بوخصوصه دائر اونلره سویله جککز شی ، بکنمک
بعض احوال ظهورنده آنلر وضعیت عمومییه کوره وکنیدلکرندن
ایش کوره بیله جک قدر اولماید .

بووجه ایله ، وظیفه کزی باشه چیقاره مامش اولسه کز ، مثلا
دشمن عددجه سزدن پک بیوک قطعات ایله وسزدن اول « پلتر »
استاسیونی طوتمش اولسه بیله مادونلر کزک سزه قارشو میرلدانمغه
اصلا یوزلری اوله مز . یعنی سز اوسایده برچوق بوش بوغازلرک
آغزینی قپامش اولور سکز .

برده ، شونقطه نظر دن وقوعه کله جک یا کلشقلر ، قطعات عسکریه نک
کندی قوماندانلرینه اولان امنیتتی کوکندن محو ایدر . و سکره دن بونک
تعمیری ایسه حقیقه پک زور اولور . حاصلی بودرلویامه نک اک تهاکلی
نتیجه سی قطعات عسکریه نک محاربه جه اولان اقتدارینی آزالتمقد .

سز هم پک احتیاطی کورینکز ، هم ده یاپیله جق حرکاتک سرینی اورته یه قویماغه چالیشکز . سز بر کره « مرسیله مچ » تپه سنه کلکه باقیکز . یوقسه کلدکن صکره اورایه نیچون کلش اولدیفکزی مادونلرکزک هپسنه سویلمک خصوصنده بول بول وقت بولورسکز . بونکه برابر ، مفرزه قوماندانی ، تعقیب ایدیه جک وظیفه نکل پلانی ضابطلرندن هیچ بریسنه سویله میه جکدر ، دیمک ایستیمورم . بالعکس کندیسندن صکره الکاسکی اولان ضابطه و خصوصیه سواری قوماندانه مقصدینی برربر افاده ایده جکدر . سواری قوماندانی اوسایه ده مؤخرآ کوندره جکی راپورلرده مفرزه قوماندانجه الک مهم اولان حوادثلری یازمغه موفق اولور . برده اکر سواری قوماندانی ، شمندوفرک ، اولجه سویلنایردن کیسیله بیلیمک احتمالی آز اولدیفنی کورورسه او وقت کندیالکندن یا « پلتر » ده ویا بشقه یرده شمندوفری کسمکه چالیشور . فرصت کلش ایکن برده (سوارینک صحرا عملیاتی اوزرینه تعالیمات) نام اثری برکوزدن کچوریکز . سز اوراده پک ایو شیلر بولورسکز . خصوصیه نهرلردن کچید حرکتلریله سوارینک یاهجنی تخریبات ایشلرینه دائر پک چوق شیلر اوکره نورسکز .

برده ، مفرزه قوماندانی ده او کیجه ، استحکام بلوکی قوماندانا . ننه ایشی خبر ویرر واستحکام بلوکنک یاهجنی وظیفه ده دائر آنکه بر پارچه مذاکره ایدرسه ، پک ایو ایتش اولور . چونکه مذکور بلوک یوزباشیسی یاپیله جق بعض تدارکات وارسه اونلری یایمق ایچون وقت بولور .

ایلریده وقوعی محتمل اولان بر رجعت حرکتندن امرده اصلا بحث ایدلر . بونکه برابر ، مفرزه قوماندانی کندیسندن پک قوتلی

بر دشمنه راست کلورسه نه بپاه جفتی دها اولجه دوشونمکه مجبوردر .
لکن قطعات عسکریه دیدیکمز کی یوریمکدن بشسقه برشی دوشونمکه
مجبور دکلدرد .

خط رجعتندن ده بحث ایتمکه اصلا لزوم یوقدر . چونکه عمومیت
اوزره کلینان یولدن کری یه دونیلور . بیوک آغرلقلر اکثریا خط
رجعت بویجه یورورلر .

نومرو - - - ۳ : امرکزه « بن بویه امر ایدرم . » یاخود « بویه ایسترم »
دیمک فائده سز ، حتی فضله در .

شمدی حرکت ساعتی تعیین ایتمکه صره کادی . بونک ایچون ذاتاً
سزه شویه بر خط اساس ویرلشدر : مفرزه « پهلر » استاسیوننک
شالنده کی تپیه « ممکن اولدینی قدر ارکندن » کلکه مجبوردر . معین
برنقطه اوزرینه ممکن اولدینی قدر ارکن کک احتیاجی بلکه بتون تعیه
وظائفنده موجوددر . لکن چکدنیله جک بر خصوص وارکه ، اوده بستیون
ارکندن یوله چیقماق قدر . بارکیرلره ایدیه جک دقت واعتالردن طولانی
آنجق شفق سوکدکدن بر ساعت صکره قطعات عسکریه کزی یوله
چیقاره بیلورسکز . حتی قطعات عسکریه ایچون لازم کلان اوافق تفک
استراحت زمانلرینی برر ، برر دوشونور ایسه ک بوندن دها کچ بویه
یوله چیقماق ایجاب ایلر . مع هذا پک صیجاق موسملرده شو استراحت
جهتی پک نظر دفته آلمانلیدر . یعنی قطعات عسکریه دیدیکمز کی
ارکندن یوله چیقماش اولمیلیدر . عمومیت اوزره ، برقوناغه نسبه ، بر
اردوگاه دها ارکندن ترک اولنه بیلور .

تموزک ایلک کونلرنده ، کونش ساعت (۴) ده طوغار . بونک
ایچون سز حرکت زمانکزی الک ارکن ساعت (۵) اولمق اوزره

کوستره بیلورسکز . بویله یاپدیغکز کبی شهبه سز آتلی صنفلر ساعت (۴) دن اول یزلندن قلدانغه باشلايه جقلردر .

صباحك ساعت (۵) نذن اول دشمنك ده يوله چيقه بيلمش اولسنه هيچ بروقت احتمال ویريله مز . فرصت كلش ايكن ، سزه سنه نك هر آينه كوره كونشك طلوع وغروبني كوسترن وسطی ساعتري سويله يم . سز اوسايه ده اجراسی کوچ امرلر ویرمكدن قورتلمش اولورسکز .

طلوع شمس	غروب شمس	
۸ ساعت	۴ ساعت	كانون ثانی
۷ »	۵ »	شباط
۶ »	۶ »	مارت
۵ »	۷ »	نیسان
۴ »	۸ »	مایس
۴ »	۸ »	حزیران
۴ »	۸ »	تموز
۵ »	۷ »	آغستوس
۵ »	۶ »	ایلول
۶ »	۵ »	تشرین اول
۷ »	۴ »	تشرین ثانی
۸ »	۴ »	كانون اول

بو خصوص برکده تنظیم ایدیلنجه سزك امرکز آرتق یالکز سوارینك ملحق و یامستقل اولیسنه كوره آز چوق دكیشه جكدرد . سواری یی مستقل یوریدر سه كز او وقت سزك (۳) نومرو لی ماده كز شویله جه قلمه آله جقدر :

مستقل سواری یارین صباح سرعتی یوروش ایله ساعت (۵) ده یوله چیه جق و «مرسیله مچ» استقامتده مفرزه به تقدم ایتمش بولنه جقدر .
 بسواری «قولومبهی» ، «بورنی» ، «کولو» و «سابلون» جهترینی کشف ایدم جکی کبی «هویتال» اورمانلری ایله «شامپل» اورمانی ده ترصد ایله جکدر .

سرعتی یوریمک ایچون نه دن طولانی سواری بلوکلرینه امر ویرمک لازم کلدیکنی اولجه دها سوبلدک . «مرسیله مچ» اونلرک هدفی اولدینی ایچون مفرزه قوماندانی طبعی سوارینک شومسافه بی کاملاً سرعتی یوروش ایله قطع ایدمیه جکنی بیلور . سواری دشمن ایله صیقیدن صیقی به تماس حاصل ایتدجه ، شبهه سز کندی یوروشنی آغرا لاشدیرمغه مجبور اوله جقدر . سواری به کوستریلان هدف نه قدر اوزاق ایسه ، سواری دها اوقدر زیاده آتیق اولمی و دیدیکمز هدفه بر آن اول وارمق ایچون دها اوقدر زیاده چالیشمیلدر . اگر سواری بوکاموفق اولورسه ، نه اعلا عسکر لکده بر قاعده وار ، ممکن استحصا ایتمک ایچون ، غیرممکنی طلب اید یور . بوقاعده ظاهر آ پک غریب اولقله برابر پک اسکدر . مع هذا ، افراط و مبالغه به دوشمک ده ابو برشی دکدر . (بورنی) بی بردفعه استکشاف ایتمک لازم کلور . چونکه (واللی یه) جاده سی اورادن کچور . (قولومبهی) - بی ده استکشاف ایتمک ایجاب ایلر . چونکه اوسایه ده صاغ یانک امنیتی استحصا ایدلمش اولور . (کولو) ایله (سابلون) موقلرینه کلنجه اونلرک کشف ایدلمش بولنه جقلری ذاتاً کون کبی آشکاردر . بن شمبدلک ، استکشافاتی یالکز شودرت نقطه به حصر اید یورم . اگر بر آرز ، صکره بو استکشافاتی دها اوزاقلره ومثلاً (آنیللی) اوزر لرینه قدر سورمک لزومی کوریلورسه ، بوخصوص ، (مرسی) تپه سنده ویر یله بیله جک اولان یکی بر امر اوزرینه اجرا

ایدلش بولنه جقدر . ایشته کوریلورکه ، بوراده یاپیله حق استکشافات بر برینی متعاقباً صجرامه لر طرزنده یاپیله جقدر . بواصول ، سوارینک بسبتون مفرزه قوماندانک ائندن چیقمش اولسی کی بیوک بر محذوری بر طرف ایدرکه ، شبهه سز بر فائده در . اوندن بشقه مفرزه قوماندانی اوسایه ده ، ایلک اوکجه امنیت استحصا ایدلک لازم کلان منطقه اراضینک لایقیه تأمین ایدلش بولندیغه قناعت حاصل ایده جقدر . بناءً علیه سز ، سواری یه اوزاق بر هدف کوستریورسکز ، اما بر شرط ایله اوزاق که ، سواری مذکور هدیه واردینی آنده تکرار سزک الیکزه کچه جک ، تمامیه سزک اداره کزده بولنه جقدر . یالکز امرده ، ذکر ایدلش بولندقلرندن طولای بیله (هویتال) اورمانلریله (شامپل) قوریسی سوارینک نظر دقتی جلب ایتش اولیور . بویکی اورمانی کرک عادی کشف قوللری و کرک دهها بیوک اقسام عسکریه ایله کشف ایتدرمک خصوصه کلنجه . او، سواری قوماندانه عائد بروطفه در . مفرزه قوماندانی امر یازدیعی ائساده اوکی شیلری تعیین ایده من وایتمکده مجبور دکلدز . ایرتسی صباح ، دشمن بو اورمانلرک اطرافنده نه قدر زیاده سواری کوستره جک اولورسه . بزم طرف سواریسی دها اوقدر زیاده اونی اورادن پوسکورتمکجه چالیشه جقدر .

دیدیکمز اورمانلری کشف وترصد ایلمک خصوصتی سواری قوماندانه امر ایتدیککز ایچون آنک حقوق واستقلالنه ایچه تعرض ایتش بولنیورسکز . چونکه یورویش یاپیلان یولک هرایکی طرفنده کائن اولان شو قوجه اورمانلری پک یقیندن کشف وترصد ایلمک لازم کله جکنی سواری قوماندانی شبهه سز کندیلکندن و بر باقیشده آکلایه بیاور . ویردیکم امرده شو نقطه اوزرنده اصرار ایدیشم

آنحقی هرایکی یا نمده ده امنیتک لایقی وجه ایله تأسیس ایدلش بولمسنه
 آمین اولقی ایچوندور . تطبیقاده ، مادون قوماندانلرینه ویریهجک
 استقلال حرکتک درجه سی اولنرک قیمت شخصیه لرینه کوره
 دکشور . لکن بر مطالعه ایشی باشنده سز بو خصوصی، ممکن دکل
 حساب قاتمش اوله مزسکز . حتی مادون ضابطلری فوق العاده انسانلر
 اولسهر بیه ، تطبیقات ائساننده باش قوماندان اولان کیمسه ،ینه لزوم
 کوردلجه بعض تفرعاته کیریشمه مآذوندور . شو بزم تعقیب ایلدیکمز
 مسئله ده ایسه ، مفرزه قوماندانی سواری طرفدن یالکز پک
 خصوصی بر صورتده کشف ایدلسی لازم کلان بعض نقطه لری سویلمکه
 اکتفا ایدر . فی الحقیقه ، اصل ایش ، هرشیدن اول سوق واداره ده
 وحدت ، حرکات عمومی ده انتظام وسرعت حصوله کتورمک یعنی
 مفرزه قوماندانی نظرندره تقرر ایتمش اولان مقاصدی تأمین ایلمکدن
 عبارت اولدینی ایچون بوراده ، سویلدیکمز قدری یتشور وبلکه ده
 آرتار بیه . .

معینکرده کی قوماندانلرک استقلال حرکتلرینه حرمت ورعایت
 ایتک لازم کلهجکی برنجی مکتوبده سزه توصیه ایتمش ایدم . مع هذا
 شوخصوصه افراط ایتک ایو برشی اولمدیقنی سز کندیلککزدن
 بیلورسکز . علی الخصوص بوش بوشنه ولزومسز تفرعاته کیریشهجک
 اولورسه کز ، بو، سزک ایچون پک بیوک برخطا اوله جقدر . وهرنه .
 وقتکه ، برمعیت قومانداننک استقلال حرکتنه قاریشمه کز لازم .
 کلهجک ، بومداخله کزک آنحقی اسباب جدیه اوزرینه اولقی ایجاب
 ایلدیکنی هیچ خاطر دن چیقارمیکز .

بر حرکتک اجر اسنه مأمور اولان هر هانکی ، بر قوماندانک ، بدایتده دها ، مهم عد ایلدیکی فلان ویا فلان استقامتلی کشف ایتمک ایچون بعض ضابط کشف قوللری کوندردیکی پک چوق وقوعه کلور . لکن ، شو خصوص بر قاعده دکل ، بر مستنا تشکیل ایتلیدر . اکثر احوالده ایسه او وظیفه ، یا سواری ویا پیشدار قوماندانه عائددر . استکشاف خدمتی بو وجهله ، یالکز بر کیشینک النده قالور و خدمت مذکورده دن طولانی مسئول اولسی لازم کلان ضابط ده اوته کنی بر یکنی دیکلمک اعتیادینه دوשמکدن قور تالمش اولور . سوارینک پیاده دن اول حرکت ایتدیرلمسی لزومی عدا یتیمورم . چونکه او . سرعتلی به قالقنجه کنیدی ایچون ایلرودن لازم کلان مسافه یی چار چابوق اخذ ایتمش اولور . سواری سزکله بر لکده اقامت حائله بولندینی زمان امرده آنک حرکت محلی ذکر ایتمکه حاجت یوقدر . حتی اوکا تعقیب ایده جکی یولی بیله سویلمکه لزوم یوقدر . اک ایوسی ، اونی بیلدیکنه کوره و سربست بر اققدر .

نومرو (۴) --- : پیشدار عین ساعتده حرکت ایده جک و (غره و - لاهوت) دن کچهرک بیوک یول بونجه (مرسیله مج) اوزرینه کیده جکدر . یالکز تعقیب اولنه جق یولی سویلمک کافیدر . یقیندن آلنه جق امنیت خدمته : سواری ایله ارتباط حاصل ایتمک خصوصنده کی تدابیره ، پیشدار قدمه لرینک یوروش نظامنه وسائر حقه لازم کلان تفرعاتی برر ، برر سویلمک وظیفه سی هپ پیشدار قوماندانه عائددر .

سواری یی : پیشداره الحاق ایتمش اولسیدیکز اوزمان (۳) نومرولی ماده بروجه آتی یازملق لازم کله جکدی :

پیشدار یارین صباح ساعت (۵) ده حرکت ایده جک و (غره و - لاهوت) دن (مرسیله مج) ه کیدن یولی تعقیب ایله جکدر . سواری (مرسیله

مچ) استفامتنده سرعتی بوریشه کچه رڼک پېشداره تقدم ایتش بوانه جق و (قولومبه ی)، (بورنی)، (کولو)، (سابلون) جهتریی استکشاف ایتدکدن بشقه (هوپیال) اورمانلریله (شامیل) قوریسی کشف وترصد ایده جکدر .

سز سواریکزی پېشداره ملحق بولندردیفکزر وقت بو وجهله ، سواری یی قولالانق خصوصنده ، پېشدار قوماندانک استقلالنه آز جوق طوقمش اوله جقسکزر . فقط بویله یایمقده معذورسکزر . چونکه پېشدار قوماندانک سواری یی قولالانقده ، عینله سزک افکا- ربکزه خدمت ایدوب ایتیه جکندن امین دکلسکزر .

نومرو (۵) ویا اجواله کوره نومرو (۶) :- « قسم کلی، پېشدار ی ۷۰۰ متره مسافه دن تعقیب ایلده جکدر .

قسم کلینک عزیمتی سز ایکی وجهله تنظیم ایده بیلورسکزر : یعنی شو خصوصده ، یا عزیمت ساعتی سویلرسکزر ویا خود قسم کلی یی پېشداردن آیران مسافه یی متره جنسندن بیان ایدرسکزر . بن ، ایکنجی اصولی ترجیح ایدرم . چونکه آرده کی مسانه سویلنلیدیکی زمان ، پېشدارک عزیمتی هر هانکی بر سیدن طولای کیکمش اولسه بیله ، قسم کلی دائماً مطلوب اولان زمانده حرکت ایتش بولنه جقدر . اوندن بشقه شو اصول سزه دها الوریشلیدر . وسزی بعض نافله حسابلردن قورتارمش اولور . برنجی اصول یعنی قسم کلی به عزیمت ساعتی سویلامک اصولی آنجق پېشدار ایله قسم کلیدن هر بری ، قسم کلینک ایلک قدمه سی ، پېشدارک حرکت ایلدیکنی کوره میه جک صورته : یکدیگردن برطاقم عارضه لر ویا بیوک بیوک فاصله لر و مسال- فله لر ایله آیرلش بولندقلری زمان قابل تطبیقدر . یالکزر برقاچ طابور قوتنده کی مفرزه لر ایچون : هیچ اولمزه عادی حالدرده دشمن هنوز اوزاقده اولوبده وضعیت دها تمامیه آکلاشلمدیگی زمان قسم کلی ایله

پیشدار آره سنده ۶۰۰ ویا ۷۰۰ متره لك بر مسافه کافیدر . بومسافه نك
حسابچون اساساً ایکی شی نظر دفته آلتور : بر جهتن پیشدار ایله
قسم کلی آره سنده او قدر بر مسافه بر اقلمش اولمیدرکه ، پیشدار
موقت بر زمان ایچون یوروشنی تأخیر ایتمکه لزوم کورنجه قسم کلی ده
آنك تأثیر به توقف ایتش اولسون .

دیگر جهتن ایسه ، بومسافه ، پیشدار بردن بره دشمنه راست
کدیکی وقت قسم کلی تام زمانده اونك امدادینه یتیشه بیلجهك قدر
اولمیدر . دشمنك آز بر مسافه ایلریده ، محقق بر موضع اشغال ایتش
اولدینی آکلاشیلورسه اوزمان بتون مفرزه نك سر عتله یایللمسنی . تأمین
ایده بیامك ایچون ، قسم کلی ایله پیشدار آره سنده کی مسافه حد اصغر -
یسنه ایندیر یله بیلور . سز ، بو حال استثنائی بی خاطر کنزده طوتك .
ایلریده بوکا دائر قونیشورز .

نومر ۶ ویا احواله کوره نومر ۷۰ : بیوک آغراقلر ، معتنده
برقاچ سواری بولان برنجی سواری بلوکی ضابطلرندن بریسی قومانداسنده
اولق اوزره وباش طرفلری (لی یه هون) یولی ایله جاده نك برلشدیکی نقطه ده
بولنه جق وجه ایله (لی یه هون) یولی اوزرنده اجتماع ایده جکلر در .

آغراقلره قوماندایتمک ایچون اصولاً بر سواری ضابطی مأمور
ایدیلور . بوضابط آغراقلرده انتظامك وقایه سنه مجبور در . آنك
ایچون کندیسنه برقاچ سواری ویریلور .

آغراقلره ویریلجهك اولان بوسواریلرک عددینی کوسترمک لزوم سزدر .
اک ایوسی شوکوچك وظیفه سواری بلوکی قوماندانه بر اقلمیدر . اوله
بیلورکه . بارکیرلردن بعضیلری فناحالده یورغون ویا ضعیف بولنورلر .
وبوندن طولانی اولبری کوزتمك وحسن اداره ایتمک لازم کلور .
اووقت سواری بلوکی قوماندانی شبهه سز ، بوکی حیوانلری ده اخفیف

ایشلره تخصیص ایدم بیلور . آغزلقلره قوماندایتمک ایچون برکوکچک ضابطه ، صورت عمومیهده غیرکافی عداوتلور . اولاً ، بوکوکچک ضابطه تسیه نقطه نظرندن حائر اهمیت اولمادیغیچون ، احتمال آغزلقلری پک قسماً بریره طیقیش اوله بیلور . ثانیاً ، او ، اداره مأمورلریله دیگر کوکچک ضابطلره قارشو بیوک بر اقتدار ونفوذ کوسترمش بولنه مز . بوکی وظیفه لر باشنه بر اداره مأمورینی قوماندان یایمق ایسه بوندن ده مناسبتمز برشی اولور . بنم فکریمه قالورسه ، انقسام عساکر ، جدولنده آغزلق وقافله قوماندانک اسمنی ذکر ایتمکه حاجت یوقدر .

بیوک آغزلقلری ، اردوگاهده بر اققده پک اعلا ممکنسدر . بو خصوص ، الکچوق ، دیدیکمز اردوگاهه تکرار عودت ایدم جکمز ه امین اولدیغمز زمان تطبیق ایدیلور . لکن شمیدیکی احواله کوره ، ایش اوله دکل ، بالعکس ، آغزلقلری اردوگاهده بر اقامق لازم کلور .

برجهندن ، شاید یوروش ائسانسده دشمن ایله بردن بره دوکوشمک مجبوری حاصل اولورسه اوآندن اعتباراً بیوک آغزلقلری ، ایجه اوزاق وکریده طوتمق ایجاب ایدم چکدر . دیگر برجهندن ده ، بیوک آغزلقلر آقشاملری اردوگاهلره ویاقوناق محللرینه بالسوله کله بیامکه مجبور اولدقلریچون اولنری بسبتون کریده ویک اوزاقده بر اقق مناسب اولمز . حال بوکسز کیجه یی زرهده کچورمش اوله جفکزی ، پهلیمورسکز . بونک ایچون ده اولنری پک ایلری کوتورمکه جسارت ایدم مزسکز . آغزلقلری دائماً برابر کزده کوتورمش اولسه کز ، اووقت ده شبهه سز ، بیوک برخطا ایتش بولنه جقسکز . چونکه سز یوروش یایمغه باشلادیغکز آنده عجبا ایلریده ، علی العجله کیرییه دونمک خصوصنده سزی مجبور ایدم جک وقلرک هانکی وقلر اوله جفنی بیله مزسکز .

بك آخیر آخیر یوریان عربله اوقت سزك ایچون بیوك بر صیقندی اولورلر . بوباده یایله جق اك اوشی ، عربله رك هبسی بر آنده ، فلان ویان فلان استقامته بر قول تشکیل ایده بیله جك صورتده بیوك آغر لقلری طوبلی بولندیرمقدور . بونك ایچون ، اونلری عرضانی یوللردن ویا ایکنجی درجه خطوط اتصالیه دن بریسی اوزرنده وباش طرفلری ، بزم مسئله مزده اولدینی کبی ، اصل جاده ایله دیدیکمز یوللرك تلاق نقطه سنده اولنق اوزره مجتمع برحاله طوتمق عادت اولمشدر . شو حاله نظرآ ، شهه سز ، بیوك آغر لقلری ایستدیکمز کبی ایلری آلق ویا کری کوندرمك بزم ایچون بك اعلا ممکی اولور .

شمدیکی حالده ، اونلرك سزجه هیچ بر صیقندی به سبب ویر - میه جکلرندن امین بولندیگمز ایچون سز بیوك آغر لقلری کیزی مثلا (غره و - لایاس) مقدار اولسون کندی ککزله بر لکده کوتوره بیلورسکز . بکا صورارسه کز ، بن اونلری بوندن ایلری کوتور میه جکم . وهیچ برحاله ، اونلرك (بی یه رزو) یقوشلرندن آشانی ایندی رلمش اولملرینه راضی دکم .

یوروتیش حالده بولنان بر مفرزه بك آغر لقلری ، قول نهایتدن تخمیناً ۲ کیلومتره اوزاقده یوری یه جك اولورسه ، بو مسافه عمومیت اوزره کافی بر مسافه عد اولنور . بیوك آغر لقلره تطبیق ایدیله جك اولان مختلف حللری سز شمیدین دها نوطه ایدی کز . اونلر ، البت ایلریده سزك ایشکزه یارآرلر . ایشته مختلف حللر دیدیکم شونلردر :

۱ — بيوك آغراقلىرى : قسم كلينك ۲ كيلو متره قدر نهايتنده يوريتك ؛

۲ — اونلرى ، يېڭى برامىر ويريلنجيه قدر توقف ايده جكلرى هر هانكى بر نقطه يه قدر ينه عين مسافه ايله يوريتك ؛

۳ — اونلرى بريول اوزرندە اجتماع ايتديرمك ؛

۴ — اونلرى قوناقلر ويا اردو كاھلرده براقق ؛

۵ — اونلرى قسم كلينك نهايتنه بيتيشيك بولندرمق ويا مذکور نهايتدن كوچك بر مسافه ايله يوريتك (بريان يورويشده) ؛

۶ — اونلرى باشلى باشنه و آيرى بريولده سوق ايتك (بريان يورويشده) ؛

۷ — دشمن اوزرينه هجوم ايديله جكى زمان اونلرى ، اولجه بولنديغىز موقعده براقق ، بر رجعت يورويشسندە اونلرى قول باشينك ايلروسندە يوريتمكدىر . بويله بريورويشده قطعات عسكريه مدافعه ايجون توقف ايتمش اولسەلر بيله آغراقلىرى كندى يورويشلىرينه دوام ايدرلر . واكر قضاات عسكريه تكرر بر تعرض حركتى يايىمغه تشبث ايتمش بولنورسە ، اونلر كذاك ايجه اوزاقلره كوندريلورلر . نومرو (۷) ويا احواله كوره نومرو ۸ : بن قسم كلينك قول باشنده يورى يەجكم (ويا راپورلىنى قسم كلينك قول باشنده بولەچقلردىر .)

ميرآلای

(۱)

يورويشك بدايتنده . مفرزه قوماندانى ايجمن اك ايوير ، پيشدار ايله قسم كللى آردەسندە در . او . بوجهلە ، يورويش قولنك بتون آقسامى يرلى يرندە اولوب اولمديغى كوردكدن بشقه ، اورادە ايلك راپورلرك ورودينه انتظار ايدر . برده ، كنديسى دها زياده

راحت ایدر وکندی کندیسنه دها زیاده حاتم اولور ، یوروش قولک هیئت عمومیه سنی دها ای کورورکه ، پیشدارده بولمیش اولسیدی ، قسم کلی ایله پیشدار آره سنده کی بعض اوافق تفک عارضه لر آنک نظر دقتی قولک هیئت عمومیه سندن آیرمش اوله بیلورلردی . لکن ، ایلك کلان خبرلر ، پیشدارک دشمنله تمان قطعی حاصل ایتمش اولدیفنه دائر کندیسنده هیچ برشبهه بر اقمش اولیه جفی زماندن اعتباراً ، مفرزه قوماندانی در حال ددرت نعله کچهرک ، بر آن اول پیشدار یانه کله جک واوراده هر شیء کندی کوزیله کوروب معاینه ایده جکدر . زیرادشمن ایله اراضی بی کندی کوزیله کوره رک بووجهله آنلرک وضعیتی اوزرینه حاصل اوله جق فکرشبهه سز ، راپورلرک کتوره جکی معلومات ایله خریطه مطالعه سندن آله جق فکرلردن چوق فرقلی وجوق طوغریدر . انقسام عسا کرده ، قسم کلینک قول باشنه تعیین ایدی لان کوچک ضابط ایله آلتی سواری ، ذاتاً امر کوتورمکه مخصوص اولدق لیچون مفرزه قوماندانی ایلرو کیندی کی کبی اولورده در حال اونی تعقیب ایدرلر . شمیدین سزه سویله یم که امر آتلیلرینک عددینی تعیین ایتک خصوصنده پک قناعتکار و منصف اولمکز لازم کلور . چونکه بو خدمت ایچون پک چوق سواری آیزر سه کز شوندن بیوک بر محذور حاصل اولور که اوده سز اووجهله مذکور آتلیلرک عائد اولدق لری سواری بلوکنی حس ایدیلور بر صورتده ضعیف دوشوره رک ، اک صکره ، سزجه پک اهمیتلی اولان استکشاف خدمته آز چوق خلل کتورمش بولنه جقسکز . یازیق که ، وقت صلحه د یابی لان مانوره لرده معیت مزه ، وقت سفرده کی نک ایکی مثلی قدر مخبره سواریلری ویردکلر یچون اکثر یازی قنایوله آیشدیر مش اولیورلر . سفرده ، بالعکس بزک زیاده تصرفه رعایت ایتکه مجبورز . چونکه فرقه

سواری بلوکری هفته لره و بلکه آیلره هر کون کندی وظیفه لرینی بحق یایه بیلش اولق ایچون اولری حسن اداره ایتک لازمدر .

امرك آشایسند امرک نه وجهله اقسام عسکریه قوماندانلرینه تبلیغ ایدلش اولدیغی آریجه بیان ایتک ایجاب ایلر . سزه ویردیکم اورنکه نظراً ، سز بوماده یی صحیفه نك صاغ طرف یاریسند و امضا ایله بر خذاده اولق اوزره یازده جقسکز .

بوراده امر ، اردوگاهده ویرلش اوله جنی ایچون ، بالکز ، مختلف اقسام عسکریه قوماندانلرینی بر آره یه طوبلامق و اونلره امرک بر صورتی یازدیر مق کافیدر . جزء تام قوماندانلرینه یازدیرلقدن صکره بر آز اول سویلدیکمز وجهله اوزرینه : « امر آلق ایچون کوندلرلش اولان ضابطانه و یاخود اقسام عسکریه قوماندانلرینه بر صورتی آلدیرلشدر . » عباره سی درج ایدیله جکدر .

اخذ ایدیلان ترتیباتک طوغریلغه عائد اولان بحث اوزرینه پک مختصر کچه جکم . بر مسئله وضع و ترتیب ایدن ضابط ، اسباب موجب نك قرائتله سزک وضعیت عمومی یی ایوجه آکلایوب آکلا . مدیفکزی و هر وضعیت خصوصیه یی نه سیلردن طولای قبول ایتش بولندیگزی بیلک ایستر . سز ، بوا یکی نقطه یی نظر دقتکزدن آیرمیکز . افاده لرکزی پک اوزون طوتمیکز و دائماً آچیق و بر نظام منطقی ایله یکدیگرینی تعقیب ایلان عسکر تعیرلری ، عسکر کله لری قوللانغه چالیشکز . مثلاً بوراده کی مسئله ده ، سز آلدیمکز ترتیباتک اسباب موجب سنی بوجه آتی صریه قویه بیلورسکز :

۱ — بالخاصه کندی وضعیتکزه دشمنک وضعیتنه دائر مطالعه ؛

۲ — ویریلان قرارک اسباب .

۳ — انقسام عساكر اسبابی

۴ — امرك هر ماده سندمكى ترتيباتك اسبابی .

اسباب موجب كزى يازاركن ، ايلك زماندرده ، بعض كرم ، امركك بعض نقطه لرینى ويا بعض تعيرلرینى تصحيح ايتمه كزوم كوره جكسكز . واخذ ايديلان ترتيباتى صوك بردفمه دها مطالعه واونلك طوغرى اولوب اولدقلرینى تحقيق ايتمه كزى مجبور ايدن شووظیفه نك اك باشليجه فائده سى ده ايشته بوديديكمزدن عبارتدر . احتمال كه ، سز بوصوك مشغوليت ائساننده ، اولكيلرندن دها اعلا قرارلر بيله ويرمه مقتدر اوله جقسكز . بناءً عليه سزك تشریح علل واسباب ايچون يابه جفكز شى ، امرى يازمزدن اول ، مسئله يى حقیقه مطالعه ايتش ويا ايتمه مش اولديفكزى كوسترمك ايچون بر اثبات اوله جقدر . بوندن طولايى ، هر امر ايچون بر اسباب موجب تشریحنامه سى قلمه آلمكزى توصيه ايدرم .

سزدن ايستيلان قروكى اوزرينده بر ايكى سوز دها سويلهيم : بونك اك بيوك فائده سى ، ايستيلان زمانده ويا لكز بر باقىش ايله مفرضه نك مختلف اقسامى زره لرده بولنديغنى وعلى الخصوص بتون يول قولكرك . درينلكى نه قدر اولديغنى آكلامق ايچون سزه مساعد اولميسدر . يورويش ائساننده ايكن يى بر امر ويرمك ويا او زمانه قدر تعقيب ايدلش اولان يولى براقق ، بر قولتق تشكيل ايتك ، بر موضعه هجوم ويا بر موضى مدافعه ايچون امرلر ويرمك ، ياخود بر يورويش ختامنده قطعات عسكريه يى قوناقلره يرلشديرمك لازم كلديكى زمان اوكا يعنى قروكيكزه مراجعت ايديكز . برده ، ايستيلان بر زمانده ، مختلف كوچك آغزلقرك هانكى نقطه لرده بولنديغنى

بر باقیشده آکلامق ایچون سزینه او قروکیکزی قوللانیکنز . کوچک
آغرلقلرک صورت ترکیبلینه دائر ، حاضر صره سی کلش اینکن سزه
بوراده برقاج شی سولهیم :

قطعات عسکریه مخصوص اولان عربلهر (بونلری قافله لرو جبخانه
قوللریله قاریشدیرماملی) کوچک آغرلق و بیوک آغرلق نامیله ایکی به
آیریلور .

کوچک آغرلق ، بر قطعه عسکریه نك محاربه میدانی اوزرنده
محتاج بولندینی عربلهری . بیوک آغرلق ایسه ، مذکور قطعه نك
اردوگاهلر و قوناقلرده محتاج اولدینی عربلهری حاویدر .
کوچک آغرلق ده اساساً شو قسملره آیریلور :

۱ — منسوب اولدقلری اقسام عسکریه یی بلا فاصله تعقیب ایدن
عربلهردرکه اونلر بوجه آتیدر :

اجزای طیه عربلهری (پیاده ده طاوورباشنه ، سواریده آلائی
باشنه بر عربله ویریلور . دیگر صنفلرک ده بشقه عربله ره یوکللی صندقلری
و دستگیرلری وارد) :

بلوکلرک جبخانه سنی طاشیمغه مخصوص عربلهر ، بطریه لرک برنجی
قدمه لری (۴ جنخانه عربه سی) ، آلات و ادوات عربلهری ،
استحکام صنفنده کذلک لغ ادواتی ایچون عربلهر ، و هر صنف ایچون
یدک بارگیرلری . بو دیدکلریمز پیاده ده طاوورلرک ، سواریده آایلرک ،
طوپجیده بطریه لرک ، استحکامده ایسه بلوکلرک کریسنده یورورلر .

۲ — منسوب اولدقلری قطعات عسکریه یی درحال تعقیب ایتیان
عربلهر . بونلر بطریه لرک ایکنجی قدمه لرینی (بطریه باشنه ۵ جبخانه
عربه سی ، و برپارق عربه سی) تشکیل ایدرلرکه ، برپیشدارده ویا بر

مفرزه ده اونلر قول نهايتنده يورورلر . دهاقوتلی جزء تاملره كانجه ،
شوديدىكمز احتياطلرطوبجی طابورلرينك (فرقه ويا قول اردو طوبجیسی)
هان کيروسنده حرکت ايدرلر .

اكر مستاقيلندن برمفرزه يه برکوپريجی طاقيله برلکده راستحکام
بلوکی ویرلش بولنورسه . بوکوپريجی طاقنك ، استحکام بلوکنی متعاقب
يورمسی لازم کلور . بعضاده آنی پيشدار ويا قسم کلينك کريسند يوريمك
واكر کنديسنه احتياج کورليورسه ، بيوك آغريلقرايله برلکده حرکت
ايتديرمك ده اوله بيلور .

کوچك آغريلقلر دائما قطعات عسکريه ايله برابر يوريدکلر يچون
برامرده اونلردن بحث ايتمکه هيچ لزوم يوقدر . يالکز پك مستتا
قيلندن اوله رق طاغ سفرلرنده کوچك آغريلقلره دائر امرده برشی
ذکر ايد بيلورسکز . لکن بيوك آغريلقلری بالعکس دائما ذکر ايتمکه
مجبورسکز ؛ اونلری هيچ بروقت اونوده مزسکز . بوبيوك آغريلق
ديدىكمزشی ، اشيا عربهلرينی . طوبجينك ۲ نومرولى يارق عربهلرينی ،
ارزاق عربهلرينی ، ديمرجی عربهلرينی . يم عربهلرينی حاويدر . بيوك
آغريلقلر ، منسوب اولدقلری قطعات عسکريه صره سنجه يورورلر .
وهر محاربه اولدقجه اونلری قولدن چيقارمق وتعيه مسئله لری حلنده
بيله شواصوله رعايت ايتمك لازمدر .

خدمت سفريه نظامنامه سنك ۲۳۳ نجی ماده سنه برباقارسه کز اوراده
بريورويش قولنی تشکيل ايدن مختلف اقسام عسکريه دن هر برينك يول
قول درينکلرينی برر ، برر بولورسکز . بر بچق ساعت ظرفنده پيشدار
اوجی ، تخمیناً ۷ بچق كيلومتره يول يورى يهرك (هورغنه) اوشووال —
روژ) جوارنده بولنمش اوله جقدر . کليکز ، بزبورادن ايشه باشلايه لم .

بو اوجك ايلروسنده غير معين بر مسافه ده، پيشدار سواريسي يوري به جكدرد.
 بو سواري، سرعتي يورويش ايله ايلرولش اولان سواري بلوكريله
 ارتباطده بولنه جقدر. يول قولنك: ديكر اقسام مختلفه سي، بروجه
 آتي صره اوزره بربريني تعقياً يوري به جكدرد:

۴۰۰	مسافه	پياده اوجي (برضايط ، ۸ نفر) .	متره
۳۰		بر پياده طاقي (اختياري) .	
۴۰۰		مسافه (كذلك اختياري) .	
۷۰	پيشدار باشي	{ بلوك متباقيسي (۲ طاقم) . آلات وادوات عربله لريله برلكده استحكام بلوكي .	
۱۱۰			
۵۰۰		مسافه (۵۰۰) : (۱۰۰۰) .	
۳۰۰۰	پيشدار قسم كليسي	{ ۹۸ نجى پياده آلاينك برنجي طابورندن ۳ بلوك و طابورك كوچك آغرلنى	
۷۰۰			مسافه
	مخبره آتيليري (داخل حساب ايدلنز) .		
۴۰۰	مفرزه قسم كليسي	۹۸ نجى پياده آلاينك ۲ نجى طابوري و كوچك آغرلق .	
۱۰۰		۳۱ نجى طوپچي آلاينك ۷ نجى بطريه سي و برنجي قدمه ،	
۴۰۰		۹۸ نجى پياده آلاينك ۳ نجى طابوري و كوچك آغرلق .	
۱۱۰		بر سيار خسته خانه طاقي . ۳۱ نجى طوپچي آلاينك ۷ نجى بطريه سنك .	
۱۲۵		احتياطي (۲ نجى قدمه) .	
۳۱۷۳۵		قولاك عموم اوزونلنى .	

يول قولنك بو اوزونلغنى عدد صحيح ايله يعنى ۴ كيلومتره كوستر.
 ديكنكر حالده، كندى پياده اوجى خدا سنده يايلىقى ايچون، مفرزه به
 $4 \times 12 = 48$ دقيقه لازم كه جكنى آكلارسكر.

اگر بیوک آغراقلر کزی ده برابر کوتور یورسه کز ، ایلک اوکجه ۲ کیلومتره ک بر مسافه براقیکز ، صکره آغراقلر ک کندیلر یچون ده ۵۰۰ متره براوزونلق کوستریکز . (بوجه آتی اوزونلقلر ، عدد صحیح اولق اوزره خاطر کزده قالسون : برطابورک ویا بر بطریه نک آغراقلی ۱۰۰ متره ، بر سواری آلاینک ۲۰۰ متره . آرده کی مسافه لر ده داخل اولق شرطیله ، ۲ بارکیلی بر عربیه ایچون ۱۰ ، ۴ بارکیلی بر عربیه ایچون ۱۵ : ۶ بارکیلی بر عربیه ایچون ده ۲۰ متره حساب ایدیلور .)

بناءً علیه پیشدارک قول نهاتی هان ۲۷۰۰۸ اشارتی یاننده ، قسم کلینک قول باشی (غره و - لاهوت) ک ۷۰۰ متره شالنده خندق خدا سنده ، و قول نهاتی ایسه ، (بلوش) . کیدن یولک تلاق نقطه سندن ۳۰۰ متره جنوبه بولنه جقدر . بیوک آغراقلره کلنجه اونلر (لی یه هون) دن هنوز حرکت ایتمش اوله جقدر در . اوافق تفک ، وله لر ایله یوروشده جزؤ تاملر بیننده اصولاً بر اقل مقده اولان مسافه لری داخل حساب ایتمه ک پک حاجت یوقدر . بودرلو حسابلر اولسه اولسه ، بر صحت اضافیه دن بشقه برشی حاصل ایده مزلر : ایش باشنده ایسه ، حسابک بر قاچ یوز متره اکسیک ویا زاده کوسترلش اولمسنده پک اوقدر بر بآس یوقدر . بناءً علیه ، قروکیکز ، شمدی بزم یامش اولدیغمز حسابلره الفی ، الفنه مطابق دوشمسی قطعاً لازم اولان برشی دکلدر . حال ، بوکه سز ، بشقه درلو مسافه لر قبول ایتمکده ده سربستسکمز . بوکا نظراً استحصال ایدیله جک نتیجه نک ده بسبتون بشقه برشی اوله جفی طبعیدر . سوزیمزه نهایت ویرمزدن اول ، صورت حل و تنقیدنی بر آزیوقاروده کورمش اولدیغمز امرک بر عینیه ده سزه ویرمک ایستیورم :

(لی یه - هون) ك جنوبدهكى اردوگاه

۲ تموز ۸۹ . ساعت ۱۰ کیجه

مفرزه امری

۱ - دشمن ك پیاده و طویچیسی
« آنتیلی اردوگاهنده بولیور . بعضی
سواری کشف قوللری مچ ك جنوبده
کورلشلردر . بزى تقویه ایتمكه مخصوص
اولان قطعات عسکریه دهم اوزرینه
یور یورلر .

۲ - مفرزه یارین مرسیله مچ
اوزرینه حرکت ایده جکدر .

۳ - « مستقل سواری » یارین
صبح ساعت ۵ ده سرعتله یوزویشه
باشلاهیجق و « مرسیله مچ » استقامتده
مفرزه نك ایلروسنه کچمش بولنه جقدر .
مذکور سواری قولومبه ی ، بورى
« کولو و سابلون ، جهلری استکشاف
ایتدکدن بشقه « هوپیتال اورمانلری
و شامپل « قوریسی ده کشف وترصد
ایتدیره جکدر .

۴ - « پشدار عین ساعتده
حرکت ایده جك و غره و لاهوت دن
کچهرك بىوك يول بونجه « مرسیله مچ »
اوزرینه کیده جکدر .

۵ - قسم کلی « پشدارى » ۷۰۰
متره مسافه ایله تعقیب ایله جکدر .

۶ - « بىوك آغراقلر » معینه
برقاچ سواری و یریلان برنجی سواری
بلوک ضابطلردن بریسی قومانداسنده
اولق اوزره و باش طرفلری « لی یه - هون »
یولی ایله جاده نك برلشدیكى نقطه ده
بولنه جق وجهله « لی یه - هون » یولی
اوزرنده اجتماع ایده جکدر .

انقسام عساكر

مستقل سواری : یوزباشی

ق . .

(۹) نجی دراغون آلاينك ۱ نجی
(برطاقم اكسيك) و ۲ نجی بلوك .

۲ - پشدار : بیکباشی ب . .
(۹۸) نجی پیاده آلاينك (۱) نجی
طابوری .

(۹) نجی دراغون آلاينك
(۱) نجی بلوگندن (۱) طاقم .
(۱۶) نجی استحکام طابورندن
۱۵ بلوك .

۳ - قسم کلی « و یوروش
نظامی » : برنجی سواری بلوگندن
برکوجك ضابط و « ۶ » سواری .
(۹۸) نجی پیاده آلاينك ۲ نجی
طابوری .

(۳۱) نجی صحراطونجی آلاينك
۷ نجی بطریه سی .
(۹۸) نجی پیاده آلاينك ۳ نجی
طابوری .

برسیار خسته خانه طاقی

<p>۷ - « راپورلر » نى قىسم كىلىنك قول باشىدا بولمىغانلار . مىرآلای (۱)</p>	<p>« امر آلفه كوندولش اولان بىلگىلر يازدىراشدر .</p>
--	--

اكر سوارى پىشداره الحاق ايدىلش اولسیدی ، امر : انى مؤاخذه ده .
ويلايىكمز وجهله تمديل ايدىلش بولمىغانلار . برامر قلمه آله جفكر
قت : ايمم خالصه ايله . هر ماده نك باش طرفنده كى كهلرئى يا كره لر
نچه آلكرى ويا وئلك آلترينه بر رجزكى چكمكرى تكرار توصيه
بدرم . حتئى محل و مكان اسملرئى ، بر آزدها قالينجه يازارسه كز ،
توقاي ايتىش اولوزسكر . برده . از نو تميكنز كه ، امر كزى يالكر
صحيفه ده اكمل ايتديكنز زمان . آنك كرك هيئت عموميه سنى و كرك
برعاتى آكلامق دهاقولاي اولور . آنك ايچون سزده امرلر كزى
لكز بر صحيفه يه صيفيرمغه چاليشكر .

بوشمىكى مکتوب . كه جك مسئله ايچونده سزك ايجه ايشكره
رايه جقدر . ايلرى يورويشله دائر بعض نقطه لر اوزرينه سزكه
مدى مخصوص اويله اوزون اوزادى يه قونوشمدم . كه جك مکتوبلرده
نلر اوزرينه . انشاء الله دريندن درينه بحث ايدرز .

ايكنجى مسئله

(« مچ » ، « ورنى » و « آرس - سورموزل » پافته لرى)
برقاج بطريه ايله تقويه ايديله رك مچ شهرينك ايجه ضعيف اولان محافظ مفرزه سنى
بيده مأمور ۱۶ نجى پياده فرقه سى ، ۸۹ سنه سى تومزينك $\frac{5}{6}$ كچه سنى
ويوىر ، « مچ » پافته سى . ره طوفته سى لك جنوبنده) لك شرقنده
دو كاھلرده كچورور .

۱۶ نجى فرقه يه منسوب و ميرآلای (۱) قومانداسينده اولان بريان
مفرزه سى [۲۹ نجى پياده آلای (۳) طابور) ، ۸ نجى آوجى طابورى ،

۷ نجی دراغون آلائی (بر بلوک اکسیک) ، ۸ نجی طوچی آلائی ۸ نجی پیاده بطریه سیله برنجی سواری بطریه سی ، ۸ نجی استحکام طاوورینک برنجی بلوکندن ۲ طاقم [، تموزک ۵ نجی افشای وایچه کچ وقت ، (قولینی) ده کوی اردوکاهنه یرلشش بولنیور .

اقشامک ساعت ۱۱ نده میرآلای (۱) ، فرقه قوماندانی طرفندن کندیسنه کوندرلش اولان بروجه آتی امری آلور :

شرق اردوسی فرقه قرازاگاه عمومیسی ووی پر

۱۶ نجی پیاده فرقه سی ۵ - ۷ - ۸۹ کیجه ۳۰ - ۷۰

دشمن « موزل » ک غرب جهتندن ۱۰ چ ۲ قصبه سی محاصره آلدی . هر نوع صفندن ترکب ایدن بر دشمن مفرزه سی ، بوکون اوکلنه طوغری « موزل » نهری آتلادی و فهی ، « کووری » ، « پونی » و « فلو - ری » موقعلری برقاچ بلوکه اشغال ایتدردی . « هویتال » اورمانلرینک شمال و شرق جهتلرنده بعض منفرد سواری کشف قوللرینک کزنندیکی کورلشدر . « بهووی - لاهوت » « قریژی » و « بورنی » موقعلری ، شهرک محافظ عسکری طرفندن کوندربلان بعض اوراق تفک قطعات عسکریه النده بولنیور . فرقه یارین صباح ساعت ۵ ی چاربک کچه « لاپلانشت » اوزرندن « مچ » « کیده جکدر . سز یارین صباح مفرزه کزله برلکده « قولومبهی » دن کچهرک بنم یوریشمی ستره دوام ایده جکسکز و واللی پر » دره سی کچمش اولق ایچون لازم کلان ترتیباتی صباح ساعت (۷) ده اخذ ایله جکسکز . بیوک آغرقلریکز سزکله برلکده بولنه جقدر .

تحریر آ ویرلش وبر امر ضابطیله کوندرلشدر .
فریق
س

بایبلیه جق وظیفه

۱ - ۸۹ سنه سی تموزینک ۶ نجی کونی ایچون میرآلای (۱) طرفندن اخذ ایدیلان ترتیبات .

— اسباب موجهه نك تشریح و بیانی .

— تانیه —

(مچ) اطرافنده کی اورمانلرک قسم اعظمی کسلشدر . بناءً علیه موجود

يوللارك خارچنده يالکز پياده لر طاغتي نظامده وپك آغر برصورتده اورالردن
کجه بيلورلر .

(مچ) اطرافنده کي قلعه لره کلنجه ، برنجي مکتوبده ، سزه سويلديکم کي
اونلرک يوق اولدني فرض ايديلور .

اوچنجي مکتوب

يان يورويش

مسئله ، (ويويير) دن حرکتله (بالانشهت) موقعندن کچهرک (مچ)
اوزرينه کيده چک اولان برفرقه نك يان مفرزه سي طرفندن ياييله جق
بر ايلري يورويشدين بشقه برشي دکلدرد . خدمت سفریه نظامنامه سنک
۱۱۴ و ۱۱۷ نجی ماده لرنده ، يالکز جانبدارلردن بحث ايدلش
اولسنه کوره شبهه ايتمکه . سزيم (يان مفرزه سي) تعيريني قوللانمش
اولديغمه ايجه شاشمش قالمشسکزدرد . لکن خدمت سفریه نك ۳۱ نجی
ماده سنده (يان مفرزه سي) تعيريني بولديغم ايجون شويله بر تعيري
قوللانمقده معذور کوريله چکمي اميد ايدرم . اوت ، (يان مفرزه سي)
تعيرندن ، ينه هر صنف عسکردن ترکب ايتمش واپي قوتلي بر جانبدار
آکلاشيلور . يوقسه ، اوتعير جانبداردن بستون بشقه بر معنايه
کلورديمک دکلدرد . مسئله کزي اوقيورکن ، کوزيکر مفرزه يه برسواري
بطريه سي ویرلش اولسي خصوصنه ايليشنجه اميم ، ينه ايجه حيرتلره
دوشمشسکزدرد

اونك نچون بويله اولديغى سز، مسئله كزده كي شو : « برقاچ بطريه ايله تقويه ايدلمش اولان ۱۶ نجى فرقه » افاده، سندن پك اعلا آتلايه بيلورسكز . كندى طويجى آلايندن بشقه ، فرقه يه قول اردو طويجيسنك برقسى ويرلمش اولديغى ده فرض ايدورم . بو خصوصده ، سفر برلك ائناسنده ، بر قون اردونك طويجىلىرى كندى مختلف جزء ناملى آره سنده نه وجهله تقسيم ايدلمش اولديغى بر خاطره كتوريكز . فرقه ، (مچ) شهرى محاصره ايتك اوزره اولان دشمن عليه عجا نچون در حال تعرضه كچمور ، سؤالى ايراد ايلمك ده عبث اولور . زيرا ، فرقه قوماندانى ذاتاً ويردىكى امرده طوغرىدن طوغرى يه (مچ) ه كيده جكنى خبر ويريور . احتمال كه آنك بويله يامسى بعض مطالعات وافكار مخصوصه دن ايلرى كليور . اولجه سزه ويردىكم نصيحتلى . باق . ينه تكرر ايدورم : سز دائماً كندى ايشكزى . كندى وظيفه كزى بيليكز وسزدن ايستيلان شيلردن بشقه هيچ برشيه هوس اتميكز .

ممرزده نك يورويش يولى . (قولومبه ي) دن سكه رك ، (قوليني) دن (مچ) ه كيدور . لكن (قولومبه ي) جوارنده يماجلرى پك ديك وسرت اولان (واللى ير) دزه سنى آتلامغه مجبوردر . دره نك تشكيل ايتدىكى بو مجرا ايسه . اپى درين برشى اولديغى چون يولك (قولومبه ي) جوارنده كي قسمى طبيعى نظر دقنه آله جقمهم برماده در .

فرقه ديديكمز مجرايى ، (بلانشهت) موقعده آتلايه جقدر . ايكي يولك ايكي سى ده ابو اولمقله برابر . كچيد نقطه لر ينه كلنديكى زمان ينه اپى آچيق كوز بولمق لازم كلور .

قسم کلبی ایله شوزره بی کچمک خصوصی واقعا ، فرقه قومانداندا .
تی آز چوق کچیکدر مش اوله جقدر . مع هذا اگر دره بی کچمک
اوزره ایکن دشمنک بر هجومه تصادف ایدیلورسه ، بوندن طولایی
فرقه نك وضعیتی بستیون فنا اوله جق دکلدر .

تعبیر آخرله : مفرزه ، فرقه یه موازی بر یول بونجه . او یله بر
دوزی یه (میچ) استقامتده یوری یه جک دکلدر : بالعکس . فرقه نك
کچیک حرکتی ستر ایتک ایچون یول اوزرنده طورمغه مجبور اوله .
جقدر . یا . بو مفرزه عجبا نروده طوره جق وانصل بر موضع
طوته جقدر ؟

بز اونی . الفی الفه بیله میز . چونکه خصوص مذکور . یورو .
یش انسانده بزه کله جک اولان راپورلره تابعدر . شمیدیک ، یالکز
قطعات عسکریه بی حرکت حالته قویمق ، اولری وقتیه (واللی بر)
دره سندن کچورتک واستکشاف ایچون لازم کلان ترتیباتی آلق
یتیشور . لکن هر حالده ، وضعیت تمامیه آکلاشینجه یه قدر
(ددنکمال) نقطه سنک اوته جهته کچلمیه جکدر . ایشته یوروشک ،
امرده کوسترلمسی لازم کلان هدف موقتی بودر . مفرزه قومانداندا .
ننک : (واللی بر) دره سنک شرق جهته توقف ایتک کبی بر فکره
صایه بیلمش اوله جغنی فرقه قوماندانی بر آن ایچون بیله خاطرینه
کتورمش دکلدر . بونک بویه اولدینی آپ آشکاره برشیدر . چونکه
فرقه قوماندانی ویردیکی امرده . کچیک حرکتک معین بر ساعتده
اجرا ایدلمش اولمسی لازم کله جکی سویلمشدر . مفرزه نك توقف
ایده جکی محک ، فرقه قوماندانی طرفدن کوسترلمه مش اولدیغنه بلکه
بر آز حیرت ایتمشکزدردر . بو خصوص صوک درجه ده مناقشه

ایدیله بیلور . لکن ، مسئله ده ، فرقه قوماندانی کندی وظیفه سنی اکال ایتمکده انتخاب وسائط خصوصی مادونه بر ایش اولدینی و تفرعات اوزرینه ویریله جک بعض تعلیمات رسمیه ایله آنک استقلال حرکتی تحدید ایلکم ایستمدیکی ایچون دیدیکمز کیفیت حقنده ، برقرار مصیب ویرمک وظیفه سی البت مفرزه قوماندانه عائد برشیدر .
 دائماً فرقه نك قول باشی زرده بولنیور بونی پک طوغری بر صورتده بیلکم ایچون ، مفرزه ایلری یوروش ائساننده هر زمان فرقه ایله ارتباطده قالمغه مجبوردر . یالکز (واللی بر) دره سی جوا- رنده کی منطقه مستتا اولق اوزره ، ایکی یوروش یولی بیننده کی اراضی صورت عمومیه ده پک آجیق اولدقدن بشقه ، حرکت پک مساعد بر طاقم عرضانی یوللری حاوی بولدینی ایچون دیدیکمز ارتباط خصوصی کوچ برشی اولیه جقدر . مفرزه نك تعقیب ایده - جکی یولدن ماعدا ، استکشاف خدمته آز چوق تأثیر ایده جک اولان یوللری ده برر کره کوزدن و مطالعه دن کچورمک لازمدر . بونلر بوجه آتی سویله جکمز وجهله یوروش یولنک جنوبنده و اوکا موازی اولان یوللردر :

۱ — (مارسیلی) و (اوبینی) دن کچرک (قولومبه ی) اوزرینه کیدن یولدر . بویول تعقیب ایدیلنجه ، عسکری بر زمان ، ترلار آره سندن یوریتک لازم کله جکدر . کرچه دائماً شو محذوردن سالم اولق ممکن دکدر . لکن ، شو بولندیغمز مسئله ده ، بویول امنیت مفرزه سنک تعقیب ایده جکی یوله پک یقیندر . بونک ایچون امنیت واستکشاف خدماتنده اوندن هیچ بر استفاده کوریه مز .

۲ — (مارسیلی) و (آرس لاکنه کسی) دن بکهرک (قریزی) اوزرینه کیدن یولدر . مفرزه طرفدن تعقیب اولنان یوله هان موازی و اوندن ، کیلومتره قدر اوزاق ایکنجی بر بیوک یول (آرس لاکنه کسی) دن کچورکه اوده (مچ) شهرینه منتهی اولیور . لکن ، رجهتدن (قولومبهی) و (بورنی) آره سنده ، دیگر جهتدن (آرس لاکنه کسی) و (قریزی) آره سنده مذکور یولک بعضی آغاجقلی قسملری وارکه بونلر هم شمالدن جنوبه طوغری نظری بدید ایتدکدن بشقه اتصالاتی ده ایجه مشکلاته دوشورورلر ،

۳ — (مارسیلر) و (آرس لاکنه کسی) دن (مرسیله مچ) وزرینه ، بعده (قریزی) و (بهووی - لاهوت) دن (کولو) وزرینه کیدن یولدر .

بو یول تعقیب ایدیلنجه ، (مرسیله مچ) دن (هویتال) اور - انلرینک شرقده کی اراضی بی اعلادن اعلایه کورمک ممکن اولدینی ی مفرزه نك یوروشینی استکشاف ایتک ایچون (شامپل) اورمانیله آرس لاکنه کسی) نك غربنده بولنان اورمانلر آره سنده کی بوش لردن ایلرولمک ایستیه جک اولان دشمن سواریلرینی طور دیره بیلیمک بدلری ده واردر .

(بهووی - لاهوت) دن ایسه ، (هویتال) اورمانلرینک ، بنده کی منطقه بی وبالخاصه (ورنی) - (پوی بی) - (مچ) یولی نلک ایودن ایویه کورمک قابلدلر . بناءً علیه سوارینک استکشافی بون اک الویشلی یول اوچنچ یولدر .

مفرزه ، کیجه بی کوی اردوگاهلرنده بکریوردی . تعمیر آخرله ، قولینی) ده کی قوناقلر ممکن اولدینی درجه ده صیقی ویناشیق برحاله

فرقه لرینک شمديک ، (موزل) نهرينک صول ساحلنده قالدقلى قبول اولنه بيلور . تموزک ۶ نجى کونى دشمن ، (مچ) شهرينى جهت شرقيه دن محاصره يه دوام تشبثنده بولنه جقدر . لکن بو استقامتده ، (هوپتال) اورمانلرى اولنک اوکنه چيقه جقدرکه ، دشمن ، کنديسنى پک طولاشديرمش اوله جنى ايچون بو اورمانلرک جنوب کنارى بويجه ايلروملکى آرزو ايتيه جکدر . دشمن ، بر آزدها شمالدن ، يعنى (بهلتر) ويا (مرسيله مچ) اوزرندن ده کجه بيلور . لکن ، بوايکى موقع (مچ) شهرينه پک يقين اولديني ايچون شو ديدیکمز حال ، قوتلى براحتال تشکيل ايده مز سانورم . بناء عليه دشمن يوريسه . يوريسه ، الکچوق اورمانلر آره سندن و (شه زنى) دن چن يول بويجه يورى يه جکدر . (مچ) محافظ عسکرى طرفندن (به ووى - لاهوت) ، (قريزى) و (بورنى) موقعلرينه کوندرلش اولان مفرزه لردن دشمنک احوالک صبا حلين معلوماتى اوله جقدر . دشمن کشف قوللرى ، شبهه سز ، جهت شرقيه دن کلان بيوک يوللره طوغرى بعض کشافلر کوندره جکدرکه ، بو کشافلر ، عيى يوللر اوزرنده بزم کشافلر يمزى کورمش بولنه جقدردر . کشف قوللرى . (آرس لاکنه کسى) ، يا خود (لاغرائش - او بووا) يه واصل اولدقلى زمان ، اولجه اهالى طرفندن ويا بشقه جه بر صورتله مفرزه نك يورويشنه دائر هيچ برخبر آله مدقلىنى فرض ايتسه ک بيله ، بو غطه لردن اعتباراً آرتق مفرزه مزک يورويشنى يواش . يواش طرامغه باشلايه جقدردر . لکن ، اگر دشمن (مچ) ايچون تخصيصى ايدى لان قواى امداديه نك يورويش حالنده اولدقلىنى اوکره نوره طبيعى اولرى شهره کيرمکدن منعه چاليشه جق و طوغرىجه اولنرک علمينه يورى يه جکدر . بتون شوديدکلر يمزدن آکلا شيليورکه ، مفرزه نك

یوریش ائناسنده جدی بردشمنه تصادف ایتیش اولسی محال دکلدر .
(مچ) محافظ عسکر نندن (بهووی - لاهوت) : (قریزی) به کوندریلان
اوافق تفک قطعهلرک ، مفرزه به جدی براسنادلق خدمتی کوره بيلمش
اوللری امیدایدیلور شیلردن دکلدر .

بناءً علیه دشمن بوجه آتی یول . بونجه حرکت ایتیش اوله بيله جکلدر :
(په لیر) ، (مرسیله مچ) ، بورادن ده (غرائش - اوبووا) ویا
(آرس لاکنه کسی) اوزرینه یاخوداولا (شه زنی) به اوغراقدن
سکره ، (آرس لاکنه کسی) ویا (غرائش - اوبووا) اوزرینه
یوری به جکلدر . بردفعه (آرس لاکنه کسی) به کلنجه ، دشمن . فرقه نك
کچید حرکتی منعه چالشمق ایچون (واللی یر) دره سنک صول کناری
بونجه ایلرولمکده بیوک فائده کوره جکلدر . زیرا ، اگر مذکور دره نك ،
صاغ ساحلی تعقیب ایدمک اولورسه ، احتمال بوندن طولانی پک زیاده
کچیکمش بولنور . دشمن ایله بر تصادف . وقوعه کله جک ایسه ، بونک
اک چوق (قولومبه ی) ایله (بورنی) آرسنده وقوعی محتملدر . دشمنه
تصادف ایتمک خصوصی محقق برشی دکل بالعکس : بزاونی بر احتمال اولق
اوزره سویلیورز .

عجبا دشمن . (قولومبه ی) - (بورنی) خطی اوزرینه قاچده
واصل اوله بيله جکلدر ؟ دشمنک اک ایلرولمش اولان پوسته لرندن
(پوی یی) و (فلوری) خطنه قدر خط مستقیم حسابیله تخمیناً (۸-)
کیلومتره لک بر مسافه واردر . لکن ، یوللر بونجه حساب ایدیلورسه .
بومسافه نك ده زیاده طوته جفی شبهه سزدر . مفرزه ایسه . (قولینی)
نك شمانده کی درت یول آغزندن (واللی یر) دره سنه قدر آنجق (۴-)
کیلومتره لک بر مسافه قطع ایتمک مجبوردر . بناءً علیه دشمندن متأثر

اولمقسزین. دره‌ی کجک و غرب جهتده بر موضع طوتمق ایچون
مفرزه کندیسنه لازم کلان تقدیمی پک اعلا و قولای ، قولای قازانمش
اوله جقدر .

دشمن سواریسی کندی استکشاف خدماتنده نه قدر زیاده مشکلات
چکرسه ، دشمن پیاده‌سی ده شبهه سز ، یوروش خصوصنده او قدر
زیاده آغر طاورانه جقدر . بناءً علیه یان مفرزه سنک سواریسی ، جنوب
غربی جهتلرینه طوغری یعنی (مرسیله میچ) ه قدر ایجه اوزاقلره
سورملک لازم کلور . سواری بردفعه شو نقطه یه یرلشدیمی ، کرک
دشمن کشف قوللرینی و کرک ، اوجوارده کوریه جک دهابیوک سواری
قطاعی (هوپتاک) اورمانلری اوزرینه سورمهک چالیشه جقدر . اگر
سواری ، بوایشلرده موفق اولورسه ، صنعتک حقنی ویرمش دیمکدر .
زیرا . شونی خاطر کزده طوتیکزکه ، سواری ایلریده ویا بریان اوزرنده
ستراتیمکده اولدینی برپیاده نک امنیتتی . تأمین کلمه سنک دلالت مطلقه‌سی
وجهله تأمین ایده مز . چونکه آنک قوه تدافیه‌سی بویه برایش یاپه بیلمش
اولسنه غیر کافیدر . شمذیکی حالدده سواری . اگر دشمن کشف
قوللرینی مفرزه یه یا قلاشمقدن منع ایتیمکه و دشمنک یورودیکی استقامت
ایله صوک زمانده هانکی نقطه لره کلش بولندیغنی پیاده یه اولدجه وقتنده
خبر ویرمهک موفق اولورسه ، کندی وظیفه‌سنی بحق کورمش صایا یور .
شوایکی مقصدک ایکسنی ده الدن کلدیکی قدر ایورصوتده ایفایده بیللمک
ایچون سواری ، دشمنی یقیندن صیقیشدیرمغه و سواریسنی ایسه ، میدانه
چیقه میه جق وجهله ایودن ایویه اشغال ایتیمکه مجبوردر . بردفعه ده
سزه تکرار اید یورم ، سواریکزه اوزاق هدفلر کوستریکز ، اوندن اک
زیاده حصولی ممکن اولان شی نه ایسه اونی ایستیکز ؛ لکن اونی اجراآت

خصوصنده سربست براقكز . بن شو بولنديغمز حالده (مارسيلي) و (آرس لاکنه کسي) دن کچەرك (قريژي) اوزرينه پياده دن بر جانبدار کوندرمکه يورويشک امنيتي بسبتون اکال ايتمک هوسنه دوشنرايله برابر دکم . بويله بر جانبدار کوندريلورسه ، اووقت آنکله مفرزه آره سنده پک بيوک برمسافه بولنه جقدر . ومذکور جانبدار مفرزه دن (واللي ير) دره سي ، و (آرس لاکنه کسي) اورمانلريله آيرلمش بولنه جني ايجون الکصره برباشنه محو و پریشان اولمق تهله کسه معروض قالمش اوله جقدر .

مثلا بر مقدار سواري وايکي پياده بلوکندن عبارت بر جانبداري (مارسيلي) ، (آرس لاکنه کسي) و (اغراش اوبووا) استقامتمده کوندرمش اولديگکزي ، و دشمنک ده (مرسيه مچ) اوزرندن کلديکني بر آن ايجون شويله بر فرض ايديکيز . مفرزه نک قسم کليسي (ده نکمال) نقطه سنه طوغري بر ترتيبات آله جني ائشاده ، بو بلوکلر ، (اغراش اوبووا) جهتمده بر موضع طوته رق دشمنی طورديرمه چالیشه جقلردر . وشبه سز ، دشمنی ايجه بر زمان طورديرمش اوله جقلردر . طومانسز باروت ، سبييله ، دشمن سوا-ريسي سزک کوچک جانبداري کيزک قوتنی علی العجله بر صورتمده تخمین ايتمش بولنه ميه جقدر . بوندن طولايي . دشمن ايجه بر زمان تردد ايجنده قاله جق واک صوکره يواش يواش وکال تدبير ايله يوريمکه مجبوريت کوره جکدر . بناءً عليه کور يورسکيزکه طومانسز باروت ، وظيفه لرني اکال خصوصنده شو ايکي جانبدار بلوکنه اپي معاونت ايده جک وسزک ايجونده اپي وقت قازاندرمش اوله جقدر . لکن بر زمان کله جککه ، دشمن بوجانبدارک ايودن ايويه ضعيف اولديغني

او کرمه جک و او ائنده سزک ایکی بلوککز حال حاضر سلاحرلرینک یاقوب بیقان آتشرلی آلتنده رجعت ایتمه مجبور اوله جقلردر . عجب او بلوکلر ، قسم کلی به نه حالده التحاق ایتش بولنه جقلردر ؟ بو جانبدارک کوندرلسیله استحصال ایدیلان اوفاجق بر فائده ، ویریلان ضایعاتی عجب اورتیه بیله جکمیدر ؟ دشمنک یاقلاشمقده اولدیفنه دائر ، یالکزر سوارینک کوندرمش بولنه جخی خبرلرله اکتفا ایتکدها یو اولیه جقمی ایدی : مفرضه بر موضع طومق اوزره بولندینی زمان اگر یو جانبدار ، محاربه ایتمه مجبوری کورورسه بز شونکله طبق بر مدافعه موضعه کی ایلری خطک تهلکسه دوشمش اولیورز . بو ایلری خطلرک محذورلری ، « تعیه رهبری » نام اثرده اعلادن اعلایه شرح وتفصیل ایدلشلردر . کچمش زماندن بری . ذاتاً موجود اولان بو محذورلر ، حال حاضر سلاحرلرینده کوریلان ترقیات ایله بستیون نر ایدایلمش بولنیورلر .

اوله ایسه . بو سویلیه جکم شی خاطر کزده قالسون ، ایلروده البت سزک ایشکزه یارار : دشمن سزک یورویش یولکزرک بر یاننده کورلمش اولدیفندن اوکا قریشو ، بر جانبدار چیقارمق لازم می ، دکل می بونی آکلامق ایچون بردفعه آتیده کی سؤاللری کندی کندیکزه سوریکنز .

۱ — یالکزر پیاده دن مرکب بر جانبدار بکا لازم کلان زمانی قازاندره بیله جکمیدر ؟

۲ — بوجانبدار ایچون مناسب بر یول وارمی ، یوقیدر ؟

۳ — اگر وار ایسه ، بو یول ایله قسم کلینک تعقیب ایلیمکده بولندینی یول آره سنده نه قدر بر مسافه واردر ؟ یالکزر پیاده دن

عبارت بر جانبدارك ، بر قولدن (۲) كيلومتر دن زياده بر مسافه ايله يوريدلمسى آنجى پىك مستتئاحالئرده واقعدر ؛

۴ - ايكي يول آرد سنده ، قسم كلينك معاونتته مظهر اوله مقسزين جانبدارى بر باشنه محو و پریشان اولق تهللكه سنه دوشورن ، دره لر ، اورمانلر وسائر بوكي مانلر يوقيدر ؛ بوسؤاللر اوزرينه ، آرتق بر مفرزه نك يورويشنى صورت عموميه ده يالکز پياده دن بر جانبدار ايله ستر ايتمك فكرندن واز كچمش اوله جفكزه قطعياً امينم . اوت اويله يايكيز . و يالکز پك مستتئاحالئرده يعنى دشمنك نظر دقتى كندى قولكيزدن بشقه بر طرفه چويرمكده كنديكيزجه بر فائده كورور سه كز او زمان پياده دن جانبدار كوندرمكده معذور سكرز . سوارى بو ايش ايچون سزه كافى اولدقجه ، پياده افراز ايتكدن چكنمكزى تكرار نصيحت ايدرم . چونكه پياده هم آغر يورور هم ده صكره سزكه برلشمك خصوصنده پك چوق زحمت چكر .

بو شمدىكي مسئله يه كلنجه - سوارى بوراده امنيت خدما تى كورمك ايچون پك اعلا كفايت ايدر . اكر سوارى يي پيشداره ملحق بولنديرمش اولسيديكيز ، بر خطا ايتمش اوله جفكز ، باق فصل ميدانه چيقيور ! زيرا سز سوارى يي اوزاعه كوندرمك ؛ هنوز اپي اوزاقده بولئان بر دشمن عليه نه سوق ايتمك ايسيتيور سكرز . برده سز بوسواري يه ؛ پيشدار وظيفه سنك حدودى خارجنده و درجه كافيه ده قوتلرايله بر خصوصى وظيفه يوكلتيور سكرز .

بناءً عليه . بتون شو ملاحظات ، اك صكره سزك شويله بر قرار ويرمكزى ايجاب ايتدييورلر : مفرزه ، (قولليني) نك شالنده يوللرك برلشديكي نقطه ده اجتماع ايدمك . يالکز بر يوله يورويش

یایله جق و مفرزه نك موقت هدفی (ده نكمال) نقطه سی اوله جق ،
سواری به كلنجه او مستقل حرکت ایتك اوزره (آرس لا كنه كسی) دن
(مرسیله میچ) ه طوغری سورلش بولنه جقدر .

شمدی ده انقسام عساكر بخته كلهلم . وضعیت معلوم اولدینی
ایچون ، پیشدارك پك ارکندن محاربه به کیریشمش اولسنه پك آرز
احتمال ویریه بیلور . لکن بو محقق برشی دکل . چونکه حربده ،
بعضاً اك صاغلام . اك كوزل خبرلر اوزرینه بيله ینه هیچ برشیته
جواب ویریه مز . بونك ایچون ایلک اوکجه ایشك حقیقتی ایودن
ایویه کشف ایتك و صکره آنك اوزرینه برپیشدار ترکیب ایلکم
لازمدر . بز پیشداره آوجی طابورینی ویریورز : بونی اولجه ده
کورمش ایدك . بناءً علیه قسم کلی تام برپاده آلایندن ترکیب ایتمش
بولنه جقدر . صوك حربده . آوجی طابورلری عمومیت اوزره پیاده
آلایلرینك طابورلری طرفندن کوریلان خدمتک عینی کورمشلردر .
مذکور طابورلرک نشانچیلکده مهارتلرندن بحق استفاده اولنمق
ایچون ذاتاً فرصت پك نادراً اله کچور . زیرا ، اکثریا ، اولنلری
خصوصی ایشلر ایچون حفظ ایلکم ممکن اوله میور . هم بعض
اوله حاللره تصادف اولنورکه . اوراده آوجی طابورلرینك همه حال
ایشه کیریشملرینه لزوم کوریلور . مفرزه دن بحث ایدلکجه سزه نصیحت
ایدرم ، آوجی طابورلرینی دائماً پیشداره ویریکنز . باخصوص شو
بزم مسئله ده اولدینی کبی سز . بز آلایی قسملره آیرمقدن چکنمکه
لزوم کوردیککنز وقت هب اوله یاییکنز . اکر مفرزه تعرضه
کچمکه مجبور ایسه ، آوجی طابورلرینك ده مؤثر اولان آتشلری
دیگر صنفلرک هجومی ده زیاده حاضر لایه جق و اولنره ده زیاده معا-

ونت ایتمش بوانه جقدر . الك اي انداخت ایدن قطعات عسکریه ایچه
اوزون سورده جک وحتی بعضاً پک قانلی برحاله کیره جک اولان
حاضرلق محاربه لرنده دائماً بویله قوللانمش اوله جقدر . اکر مدا-
نعه ده قانه جق ایسه : آوجی طابورلری ال خصوصی ایشلر باشنده
واک ایویرلرده قوللانمق ایچون بلکه دائماً فرصت ووقت دوشه جکدر .
بن پیشداره . بر طابوردن آز برشی ویرمک فیکرنده دگم . زیرا ،
(واللی بر) دده سی کجلیکی کبی ال آنده ایچه قوتلی بر پیاده قطعه سی
بولنمق لازم کلدیکی بیلورم . اکر بو ملاحظه اولمیدی : بر ایلری
یورویشه سبته . صورت عمومیه ده - بر یان یورویشده پک اوقدر اهمیتی
حائز اولیان بر پیشداره سز دها آز پیاده ویره بیلوردیکیز . برده
شو پیشداره لازم اولدیغی قدر سواری ده ویرمک لازم کلیور .
(قولومبه ی) ک ایلروسی و یولک هر ایکی جهتی کشف وترصدایتدر-
مک ایچون بوراده پیشداره . برقاج سواری کشف قولی ویرمک
بکا کافی کلیور .

برده پیشدارک ؛ هم فرقه ک قسم کلیسی . هم ده مستقل سواری
ایله ارتباط تأسیسه مجبور اولدیغی دوشونه لم . بونک اوزرینه بن
پیشداره بر طاق سواری ویره جکم . سز ایسترسه کز ایکی ده ویره -
بیلورسکیز ؛ لکن بوندن زیاده ویره مزسکیز . چونکه ایستیلان بر
نقطه ده خصمه قانق اولمق ایچون هر یرده تصرف قاعده سنه رعایت
ایتمه ک یولنی بیامک لازمدر .

یا عجبا ، بطریقه لردن بریسی پیشداره ویرسه ک اولزمی ؟ پیشداره
یا لکیز بر طابور پیاده عسکری وار . برقاج زمان تک باشنه
حرکته . بعضاً تدبیر سزجه بر صورتده . ای اوزاقلره دوشمکه

مجبور اولان و بناءً عليه بربطريه بي يك حمايه ايده بيله جك بر حالده اوليان بودرجه آز بر پياده قطعه سنه بر بطريه ويرمك سويلور و آرزو ايديلور شيلردن دكلدر. ذاتاً بوراده مفرزه قسم كليسى ، پيشداردن يك چوق اوزاق اولدينى ولزوم كوردلديكى آنده سرعتلى يورويش ايله بطريه لر دن برينى وحتى ايكيىنى بردن ايلرى كوندرمىك يك قولاي اولدينى ايجون پيشداره طويجى ويرمكه هيچ حاجت قالماش اولور . الله يالكىز ايكي بطريه بولندينى و پيشدار ده ايسه يالكر بر طابور قدر پياده عسكرى اولدينى زمان ، طويجى بي بوشنه بر بردن آبرمقدين ايسه ، بطريه لرك ايكيىنى ده قسم كلي ده براقق اسكيدن برى حكىمى جارى بر قاعده در . بناءً عليه پيشداره بر بطريه ويرمك خصوصى آنجق يك نادر و مستثنا حالدرده مثلاً ، دشمنى وقتدن اول يايلمغه مجبور ايتك ويا طوپ منزلى داخلنده بولنديرمق ايجون پيشدار ايله على العجله بر موضع طوتلمش اوله جنى زمان قابل تطيقدور . بويله حالدرده ، طويجى آتشنه ار كندن باشلانمش اولدينى ايجون بر قاج دقيقه قازانمق بزجه فائده لى بر شى اوله بيلور . و بناءً عليه شو كى زمانلرده ، طويجينك يرمدت ، ضعيف بر پياده قطعه سنى ياننده بولتمقدين طولايى حاصل اوله جق محذوره باققسزين ، در حال ، ايلرى به بر بطريه كوندرمه نك چاره سنه باقق لازم كلور . اويله ايسه ، طويجينك پيشداره الحاقى ايلك او كجه بعض احوال خصوصيه اوزرينه تحق ايتمش اولمق كر كدر . بزم مسئله مزده ايسه ، شو كى خصوصى حالدردن اثر بيله يوقدر . دشمن بزدن اودرجه اوزاق بولنيور كه ، (واللى ير) در دسنگ غربنده كى تپه لره اوئندن اول واصل اوله جتمزه قطعياً امينز . بونك ايجون ديورم ، كه ، بطريه لرك ايكيىنى ده قسم كلي ده براقق دها يودر . بر بطريه بي پارچه لره

بولك، مثلا شومستلهده پيشداره ايكي طوب كوندرمك ، اصلا تجويز اولنور شيلردن دكلدر . بر بطريه، موضعنه كيره چكي زمان دائما تام قوتلي كيرمليدر . بو خصوصه يالكز طاغ سفرلي براستنا وجوده كتوررلر . چونكه او كبي زمانلرده اكثريا ، طار بروادي ايچنده يالكز ايكي طوبك بطريه نظامنه كچمسي ممكن اوله بيلور . حال بوكه ، ينه اكثريا، وادي بويجه كيدن بريولي تعقيب ايتمكده اولان دشمن قطعات، سكريه سني . اوزاق مسافه لردن بويوك خارچنده . ياللمغه مجبور ايتك ايچون ، ديديكمز كبي بعضاً ايكي طوبلق بطريه لر تشيكينه لزوم قطعي كوريلور . برقاج زمان صكره سزه ويريله جك برمفرزه ده اوچ وبلكه بوندن زياده بطريه كورورسه كز بو ، او مفرزه نك شمديكندن قوتلي برمفرزه اولمسندن ايلري كله جكددر . شهسز اوزمان سزك پيشدا . ريكنز ده دها قوتلي اوله جقدر . و بناءً عليه سز . اوكا بر بطريه ويرمكده اصلا تردد بيله ايتمزسكز . بوندن بشقه اكر ، بنم شومستلهده مخصوص ياپديغم كبي ، بطريه لردن بريسي . واري بطريه سي اولورسه ، سز ، قسم كليده مرجحاً بوسواري بطريه سني براقش اوله جقسكز . بر پيشدار بطريه سنك صوك درجه سريغ بريورويش ياللمغه هيچ احتياجي يوقدر .

زيرا بو بطريه ، اكثريا تعقيب ايديلان يول كنارينه يقين بريرده موضع آله جقدر . بالعكس ، ديديكم كبي اكر سز . سواري بطريه سني قسم كليده بر اقورسه كز ، اوزمان بو بطريه نك سريغ يورويشندن دها زياده فائده كوره جكسكز . چونكه ايلريده پيشدارك فنا حالده صيقيشمش اولديني آكلاشيلورسه قسم كليده بر اقدنكز اوسواري

بطریه سی . شبهه یوق که ، بر پیاده بطریه سندن پک چابوق پیشدارك
معاونته یتشمش اوله جقدر .

ایکی استحکام طاقنه کلنجه اونلر پیشدارله برابر یوری یه جکلردر .
بوندن ایکی بیوک فائده چیقار . بریسی اکر (واللی یز) دره سنی پکرکن ،
استحکام نفرلرینه لزوم کوریلورسه اونلر ال آلتنده بولنش
اوله جقلردر . ایکنجیسی ۱۰ اکر بر آرز دها صکره - طوتیله حق موضعك
نلان ویا فلان نقطه سنی تقویه ایتمه که لزوم حس ایدیورسه استحکام
طاقلری ینه ال آلتنده اولدقلر یچون در حال ایش باشنه یکمش
بوانه جقلردر .

بو شمدیکی مسئله ده قسم کلی یه برقاق مخابره سوار یسی ویر مکله
اکتفا ایدلمیه رك بالعکس . بر طاق قدر سوار ی ویریلورسه پک ایو
اوله جقدر .

بو تدبیر . واقعا بکن مکتوبده سوارینك تقسیم وافر ازنده پک
زیاده تصرف ایدلمك لازم کله جکنه دائر سویلدی کمز سوزلره مغایر کی
دوشیور . لکن . بوراده طوغریدن طوغری یه مفرزه قوماندانك
الی آلتنده بولنق اوزره اولدقجه قوتلی بر سوار ی قطعه سنه لزوم
قطعی واردر . چونکه مفرزه قوماندانی فرقه قسم کلیسنك یوروشنه
دائر معلومات صحیحه ایدلمك ایچون آره سره کند یسی طرشدن بعض
کشف قوللری چیقارمغه لزوم کوره جکلر . بناءً علیه شویله بر لزوم
واقع اوانجه مفرزه قوماندانی آنك چاره سنی بولمغه مقتدر اولمیدر .
آندن بشقه مفرزه قوماندانی كرك طوغریدن طوغری یه وپک یقیندن
کندی صول یاتی بعض کشف قوللریله تأمین ایتکه وکرك کندی مستقل
سوار یسیله بر ارتباط حصوله کتور مکده مقتدر اولمیدر

كرك پيشداره ويريلاڻ سواری طاقی وكرك ، عين زمانده ، بيوك
آغرلقلر ايچون برقاچ سواری تفریق ايده جك اولان قسم کلی سواری
طاقی ، یعنی بونلرك هرايكیسی ده اوتنه کی سواری بلوكلرينك موجود
نامنی بوزمش اولماق ايچون يالكز برلوكدن آلنه جقلردر .

قسم کلی طوبخچی برنجی پیاده طابورینك کریسنده یوری یه جکدر .
بوراده ، بیوك آغرلقلرك امنیتی ايچون بعض تداییر خصوصیه آلفه
واونلری برده دازك حایه سینه ویرمهک هیچ لزوم یوقدر . صورت
عمومیه ده ، شویله بر مقصد اغورنده برجزء تامدن محروم قالمق آرزو
ایدیلور . بونك ايچون دشمنك اوافق تفك سواریلرینه قارشو ، بیوك
آغرلقلرك حایه سی پیاده دن کریده قالان سقط نفرلره بر اقیلورکه
بونلرده اکثریا بوايشك حقندن کله بیلورلر . لکن ، بریان یورویش
یاییله جنی زمان بیوك آغرلقلرك امنیتی استحصال ايچون بعض خصوصی
نداییره لزوم کوریلوب کورلییه جکی ایوجه بر مناقشه ایدیکز .
اویله ایسه انقسام عساکر بویله یاییله جقدر .

انقسام عساکر

- ۱ — مستقل سواری : بیکباشی ب . .
- ۷ — نجی دراغون آلائی (برنجی بلوكل یاریسیله ، نجی بلوك اکسیك) .
- ۲ — پشدار : بیکباشی ق . .
- ۸ — نجی آوجی طاבורی .
- ۷ — نجی دراغون آلایندن برنجی بلوكل برنجی طاقی .
- ۸ — نجی استحکام طابورینك برنجی بلوكی (بر طاقم اکسیك) .
- ۳ — قسم کلی (و یورویش نظامی) :

۷ نجی دراغون آلاينك برنجی بلوكندن بر طاقم .

۲۹ نجی پیاده آلاينك برنجی طاووری :

۸ نجی صحرا طوبجی آلاينك ۸ نجی بطریه سیله برنجی سواری بطریه سی .

۲۹ نجی پیاده آلاينك ۲ و ۳ نجی طاوورلی .

حرکت امرینه دائر کچن بچده ، بن سزه ، بعضاً یالکز برامر ویره جک یرده ایکی امر ویرمکده ممکن اولدیفنی سویلمش ایدم . ایرتسی کونی حرکت ایتک ایچون هانکی ساعتده حاضر ایدلمش بولنق لازم کلدیکنی برکون اولدن دها بيلمکده قطعات عسکریه نك پک مراقلی اولدقلرینی هیچ خاطر کزدن چیقارمیکز . با خصوص ، بلوک و بطریه قوماندانلری بونی اوکرنه جک اولورلرسه ، شهه سز ، عسکرک اعاشه سنه و بیوک آغر لقلره دائر آلمسی ایجاب ایدن تداییری دها کوزل بر یولده اخذ ایتش بولنورلر . اوندن بشقه ، هر نفر ، چوربه و یا قهوه سنی هانکی ساعتده حاضر ایتک لازم کلدیکنی آکلا - مق ایستر و بؤکا پک مراق ایدر . زیرا ، بونک ایچون ایچه برزمان لازمدر . تجربه لرینی دویره رک ، سلاح باشنه ایتک قدر عسکرک جانی صیقان بشقه هیچ برشی یوقدر . با خصوص ، او تجربه لرک نه زمان آتش اوزرینه ، تکرار ، قونیه جقلری بیلنه مزسه ، بو صیقندی بستیون آرتار .

اگر ، ایکی امر ویریلورسه ، بونلردن بریسی حرکت ایچون قطعات عسکریه نك ساعت و اجتماع نقطه سنی کویستره جکدر . اصل حرکت امری دیمک اولان ایکنجی سنه کلنجه ، یورویشه باشلانلمز - دن بر آز اول و شفاها ویریه جکدر . بو دیدیکمز اصول ، سفرده وبا خصوص دشمن یقیننده اک زیاده قوللانیلان بر اصولدر . زیرا ،

او وجهله یاییلورسه حرکت، ساعتته قدر قطعات عسکریه یی سربست بر یولده قوللانمق ممکن اولدینی کبی یوروش استقامتی انتخابدهده ایجه سربست قالمش اولور. باخصوص اگر کیجه بعض خبرلر ویا امرلر کلورده بونلردن طولای، ویرلش اولان حرکت امرینک مندرجاتی دکشمش اولق ملحوظ ایسه او زمان دیدیکمز اصول، حقیقت الک ایو بر اصول تشکیل ایدر. بو وجهله حرکت ایدیلنجه ایرتسی صباح اقسام عسکریه قوماندانلری عزیمتدن ۱۰ ویا ۱۵ دقیقه اول برلشوب امر آله جقلردر. وقت سفده امرلر، فرقه-لرده اولدینی کبی، مفرزله رده دخی، کیجه واپی کچ وقت ویریلورلر. بویله یامغهده احتیاج واردر. چونکه اکثریا وقوعات یومیه دایر کله جک خبرلری ومانوق طرفندن کوندریله جک امرلری بکلمک لازمدر. امرلری آلمغه مأمور اولان امر ضابطلری ویا سائر ضابطلر، مذکور امرلری آلمق ایچون بعضاً ساعترلره بکلمکه مجبو-ریت کورورلر. حال بوکه، هرکس وقوعات یومیه ائناسنده فناحالده یورغون دوشمش اولدینی ایچون بر آن اول، اردوگاه ویا قوناق محله دونمکه باقار.

امرک صورتی بردفعه آلدن قدن صکره، آنی ایلک اوکجه اویقودن اوپاند-یرلمسی لازم کلان قوماندانه کوتورمک ایجاب ایدر. اولده ایسه، کیجه لین ویریله جک امرلرک پک ساده وپک بسیط شیر اولق لازم کله جکی حقنده هیچ شبهه ایتمه، سزده بنم ایله بر فکرده سکنز. چونکه بویله وقتلرده بیوک بیوک خطالره دوشمک احتمالی پک چوقدر! اونک ایچون دیورمکه ایرتسی کون صباح لین وشفاهی برامرویرمک بوندن دها یودر. ویرامرشفاها ویریله جک اولورسه، آنی ایوجه بر شرح ایتک و شبهه لی کورینان هر

نقطه سنی برر ، برر کو سترمك ، ايضاح ايتمك ممكندر . مع هذا ، بعض احوالده ، كيجه لين ، حركت امرى ويرلديكنه كوره ، مادون قوماندانلرينه وضعت عموميه يي ، باش قوماندانك افكار و مقاصدي و كندى وظيفه لريني ايودن ايويه دشونمك ايچون بول بول وقت براقلمش اولوركه بوده آز بر فائده دكلدر . بناءً عايه بعض پك كوچ وضعيتلر قارشوسنده ، حركت امريني ممكن اولديغى قدر ار كندن ويرمك لزومى وار . واونى مطابق اويله يايتمق ايجاب ايدر . لكن هر زمان مشكل وضعيتلر قارشوسنده بولنامز . بالعكس ، مثلاً سزك مسئله كزده اولديغى اكثر احوالده وضعيتلر پك بسيط و پك قولاي آ كلاشيلور بر طر زده بولنورلر . برده . قطعات عسكريه حركت امرى شفاهاً . ويرلديكي ائناده بيله . امر پك اوزون اولورسه . اكثر احوالده اونى ينه امر آله جقلره قوپيه ايتديرمك لازم كله جكدركه . اوزمان سز اونى ياسويله رك يازدير رسكز . و يا خود اولجه طاش اوزرنده باصدمش اولديغكز نسخهلر برر . برر توزيع ايدر سكز .

ويريله جك امرلر ك قاج عدد اولسى لازم كله جكنى آ كلامق ايچون سز ، مسئله ده كي وظيفه كزى بر كره ايوجه دوشونكز . اكر مسئله ده : « مفرزه قوماندانى طرفندن (. . .) كيجه ويريلان امر » دينامش ايسه ، بوندن آ كلاشيلوركه سز ، يالكز بر امر ويره جكسكز . لكن سز او ويره جككز امرده ، قطعات عسكريه اكر كيجه يي كوى اردو كاھنده ، كچورمش بولنورلر سز ، اونلر ك نرده اجتماع ايتلر لازم كلديكنى سويله جكسكز . اكر مسئله ده ويريله جك امرلر ويا آله جق ترتيبات اوزرينه اويله ساده جه بر صورتده كچامش ايسه ، سز اوزمان ايتديككزى يايتمده سربستسكز .

بو حالده، اكر عزيمت ساعتدن اول، بشقه حوادنلرك كلسي بك او قدر بكنناميورسه، سز يالكزايكي امر ويره جكسكز. اكر وضعت بك بسيط و دشمن ده بك اوزاق اولورسه، وسز، اهميت مخصوصه يي حائر بعض يكي راپورلر و حوادنلرك كلسندن امين ايسه كز يالكز بر امر ويره مكله اكتفا ايدو بيلورسكز. شمديكي حالده، فرقه امري سزه آنجق كيجه نك ساعت ۱۱ نده كلديكي و مادون قوماندانلريكز سزك ويره جكسكز امري آنجق بك كچ وقت آله بيله جككلى ايچون ايكي امر ويره كز دهامناسب اولور فكر ندهيم.

لكن قطعات عسكريه كزك اجتماع ساعتى تعيين ايتزدن اول، سز بردفعه عزيمت ساعتى ايودن ايويه قرار لاشدير مغه مجبورسكز. بوساعتى حساب ايتك ايچون مفرزه يي تشكيل ايدن قطعاتك — بيوك آغر لقلر مستتا — (واللى ير) دره سنى صباح ساعت ۷ ده كچمش اولملرى لازم كله جكي خصوصى بردوشونمه كز ايجاب ايدر. (قولايي) نك شمالنده يوللرك برلشديكي نقطه دن (واللى ير) دره سنه قدر اولان يوروش مسافه سى ۴ كيلومتره يعنى عدد صحيح اولمق اوزره ۵۰ دقيقه طوتار. ايشته پياده اوچينك مذكور دره يه وارمش اولمسيچون ايجاب ايدن زمان بوندن عبارتدر. حال بوكه، امرده ذكر ايديلان ساعتده بتون قطعات عسكريه نك (واللى ير) دره سنى كچمش بولنملرى لازمدر. اويله ايسه بو ۵۰ دقيقه يه يوروش قولنك تكميل درينلكنى ده قاتمق لازم كلور. بن بوراده شو حسابى ياپاركن، عين برقدمه نك طابورلرى و بلكلرى آره سنده براقلمق ايجاب ايدن مسافه لرى، ترك ايدرك، كچن مكتوبمه كندن زياده مختصر كچه جكم:

متره	آوجی طاہوری .
۴۰۰	۲۹ نجی پیاده آلاپی .
۱۰۲۰۰	قسم کلیده کی سواری طاقی .
۳۵	۲ بطریه واحتیاطری .
۶۳۰	۲ استحکام طاقی .
۷۰	پیاده اوجینک مسافه سی .
۴۰۰	پیشدار باشینک مسافه سی .
۵۰۰	پیشدارک مسافه سی .
۷۰۰	یکون
۳۰۹۳۵	

عدد صحیح اوله رق ۴ کیلو متره یعنی زمان جنسندن بر ساعت .

اوله ایسه مفرزه ۰ (واللی بر) دره سنی تام زماننده کچمک ایچون ساعت (۷) دن بر ساعت ۵۰ دقیقه اول یعنی ساعت (۵) ی (۱۰) دقیقه کچه حرکت مجبوردر . بناءً علیه جزء تام قوماندانلری ساعت (۵) ده طوپلانه جق ومفرزه ایسه (قوللینی) نک شمالنده کی یوللرک تلاق نقطه سندن ساعت (۵) ی (۱۰) دقیقه کچه عزیمته مهیا بولنه جقدر .

یول قولنک درینلکنی حساب ایتدیکمز صروده بیلمام دقت ایتدیکزمی ، سواری بی داخل ایتدک . یالکز قسم کلیده کی سواری طاقنی حساب قانق . بونک سبی ایسه کونش کی آشکاردر . چونکه سواری سرعتی یوروشه کچرک درحال ، پیاده نک ایجه ایلروسنده واوزاقده یوری به جکدر . شو فرصتدن استفاده ایدرک ، سزک نظر دقتکزی بر شی اوزرینه دها جلب ایده جکم . اوت ، سزه سویلیه جکم شی بودر : مفرزه بی ساعت (۵) ی

(۱۰) كچه يوريتمش اولديغيمزه نظراً ، آكلاشيلوركه ، اك صوك نفر آنجق بر ساعت صكره يوريمكه باشلايه جقدر . يغبى اوزواللى نفر بر ساعت قدر آياق اوزرى طوره جقدر . كرچه هر زمان شو بيوك محذورن قورتللق ممكن دكلدر . لكن الدن كلديكى قدر اونك بر چاره سنى آرامق ده بك لازم اولان شيلردن بر يسيدر . شمديلك بوبحث اوزرينه سركله اوزون اوزادى يه قونيشه جق زمانم يوق ، سز اوني يالكز خاطر كرده طوتيكز ، ايلريده اونك اوزرينه بول بول كوريشورز .

عزيمت ايجون تعيين ايتديكمز ساعت بولنديغمز موسمه كوره بك اركن دكلدر . بوندن طولايي اكر تعيه وضعيتي ده اركن يوله چيقمى ايجاب ايتديره ايدى ، بزده بك اعلا ، ده اركن عزيمت ايتمش اوله جق ايدك .

بيوك آغرلقلى اجتماع ايتدير مك ايجون ، مخصوص بر ساعت صكره بر زمان انتخاب اولنه جقدر . بوده نه ايجوندر ، بيلورميسكز ، عربهلر ، يول قولنه كيره جكلرى صره ده قطعات عسكريه كاملاً كويدن طيشارى چيقمش بولنلق ايجوندر . اكر بويله يابلميوبده عين زمانده آغرلقلى ده اجتماعى ايجون امر ويرلش اولسه اوزمان ، قطعات عسكريه نك اجتماع نقطه لرينه طوغرى كلان يوللر ، آغرلق عربهلرى طرفدن قبادلش اولورلردى . آغرلقلر كنديلرينه كوستريلان زمانده عزيمت ايتك ايسترلرسه ، بوشنه وقت غائب ايتمكدن صوك درجه جكنمليدرلر . چونكه ذاتاً صباحك ساعت (۵) ندن اول ممكن دكل اجتماع ايتكه باشلايه مزلر . برده ، بيوك آغرلقلى تعقيب ايديله جك يول اوزرنده وكندى يورويش نظا -

ملرینه کوره اجتماع ایتددرمک دها مناسب دوشر . بناءً علیه ، حرکت امری ، بیوک آغرلقلرک ، اجتماع انسانده باش طرفی نروده بولنهجق ایسه اوراسنی کوسترمکه مجبوردر . بو اصول ، ذاتاً پک آغر اولان بو آغرلق عربهلرینک یوله کیرمش اولملرینی پک زیاده تسهیل ایتدکدن بشقه آنلرک اوتیه بری یوللره صابهرق نافله یره زمان غائب ایتمه لرینکده اوکنی آلمش اوله جقدر .

برده سز ، اکر ایسترسه کز ، قطعات عسکریه نک اجتماع ایلدکلری مخرجدن بشقه ، دیکر بر مخرجه ومثلاً (قولینی) نک شرق مخرجنه طوغری بیوک آغرلقلرکزی پک ارکندن اجتماع ایتدیره بیلورسکز . بن بولری سزه . دها صکره لری ایچون ، سویلدم . لکن ، شمدیکی حالده بکا صورارسه کز ، بن آغرلقلره دائر سویلنیلان شو ایکی حالدن برنجیسنی قبول ایدرم .

فرصت اله یکممش ایکن شونی ده خبر ویرهیمکه ، فرقه نک بتون بیوک آغرلقلرندن یالکز بر قافله تشکیل ایتمک قاعده در . فرقه نک ویرمش اولدیغی امره نظراً بزم بیوک آغرلقلریمز بو دفعه مفرزه ایله برلکده حرکت مجبوردرلر . بو بر حال استثنائیدر . و بن اونی ، مخصوص اولیه انتخاب ایتدم . چونکه او سایه ده سز بیوک آغر - لقلرک کرک یورویش و کرک اقامت حاللرنده نرهلرده بولنه جقلرینی ونصل اقامت و حرکت ایده جکلرینی ایودن ایویه او کرشمش اوله - جقسکز . اکر مسئله ده ، بیوک آغرلقلرکده صباح ساعت ۷ ده (واللی یر) دره سنی یکممش اولملرینه دائر برشی سویلنمش اولسیدی ، او زمان یورویش قولککزک درینلکنه دها ۷۰۰ متره قدر برشی علاوه ایتکز لازم کلوردی (۴ طابورک آغرلقلری « ۱۰۰ » ر

متره دن ۴۰۰ متره ؛ سواری و طو بچینک آغر لقلری ده برلکده اولمق
اوزره ۳۰۰ متره) . بوحسابده بر قاق متره اکسیک و یا زیاده
اولمه نك هیسچ بر اهمیتی یوقدر . آنك ایچون سز او یله شیلره قولاق
آصییکنر .

او یله ایسه ایشته اجتماع امری :

(قولینی)

۵ - ۷ - ۸۹ - ۱۰ - ۱۱ کیجه

مفرزه امری

۱ — (مفرزه) یارین صباح (قولینی) -

نك شمالنده یوللرك بر اشدیكي نقطه ده اجتماع
ایده جك وساعت (۵) ی (۱۰) بکه
عزیمته مهیا بولنه جقدر .

(بیوك آغر لقلر) ۱۰ باش طرفلری شمدی
سو یلده یکمز یوللرك تلاق نقطه سنده اولمق
اوزره یارین صباح ساعت (۶) ده (قولینی) -
دن (قولومبه ی) ه کیدن یول اوزرنده
اجتماع ایده جکلر در .

۷ نجی دراغون آلاینك برنجی سواری
بلوکی بیوك آغر لقلر ایچون بر ضابطایله
بر قاق سواریدن مرکب بر محافظ ویره -
جکدر .

۲ بتون آتلی ضابطلر ، حرکت
امرینی آلمق ایچون یارین صباح ساعت
(۵) ده بر آز اول سو یلده یکمز یوللرك
تلاق نقطه سنده بر لشه جکلر در .

میر آلا ی

(۱)

امر آلمق ایچون اقسام عسکریه
طرفندن کوندریلان ضابطلره یاز -
دیرلشدر .

اصل حرکت امری دنیلان امر ایسه بویه ترتیب

اوله جقدر .

(قولینی) نك شمانده يوللرك برلشدیكى نقطه

۶ - ۷ - ۸۹ - ۵ كوندوز

مفرزه امری

۱ — (دشمن) ، (موزهل)
نهرينك جهت غربيه سندن (مچ) قصه -
سنى محاصره به آلدی ودون اوكله دن
سكره (فهی) ، (كوروی) ، (پوی -
بی) و (فلوری) موقعلرنی اشغال
ایلدی . (هوپیتال) اورمانلری
جهتنده ایسه دشمنك بعض سواری
كشف قوللری كورلشدر . (فرقه) ،
(لاپلانسه ت) دن كچه رك بوكون (مچ)
اوزرینه طوغری ایلرولیه جقدر .
(به ووی - لاهوت) ، (قریزی) و
(بورنی) موقعلری (مچ) شهرندن
كوندریلان بعض قطععات عسكریه ایله
اشغال ایدلشلدردر .
۲ — (مفرزه) ، صولیان جاندا -
رینی تشكيل ایدرك ، بوكون ایلک اوکجه
(قولومبهی) كغینه کی (ده نكمال)
نقطه سنه كیده جقدر .
۳ — (مستقل سواری) درحال ،
سرعتلی یوروش ایله (آرس لاکنه -
کشی) دن كچه رك (مرسله مچ)
اوزرینه كیده جک و (شه زنی) (اورنی) ،
(پوی بی) استقامتلرنی كشف ایله جقدر .
بوندن بشقه دشمن سواريسنك (هوپیتال)
اورمانلرينك شرق جهت كچمسنه مانع

انقسام عساکر

۱ — مستقل سواری : بیکاشی
ب . . .
۷ نجی دراغون آلائی (برنجی بلوك
۲ طاقیه ۴ نجی بلوك اكسیك) .
۲ — پشدار : بیکاشی ق . . .
۸ نجی آوجی طاووری .
۷ نجی دراغون آلاينك برنجی بلوكندن
بر طاقم .
۸ نجی استحکام طاوورينك برنجی بلوكی
(برطاقم اكسیك) .
۳ — قسم کلی (ویوروش نظامی) :
۷ نجی دراغون آلاينك برنجی بلوكندن
برطاقم .
۲۹ نجی پیاده آلاينك برنجی طاووری .
۸ نجی صحرا طوپچی آلاينك ۸ نجی
بطریه سیله برنجی سواری بطریه سی .
۲۹ نجی پیاده آلاينك ۲ و ۳ نجی طا -
بورلری .

اوله جقدر .

۴ — (پشدار) در حال یورویشه باشلايه جق و (ده نكمال) نقطه سسه قدر (قولومبه ی) بولنی تعقیب ایله . جکدر . و فرقه ایله ارتباطده بولندقدن بشقه (قریژی) ، (بورنی) محافظ عسکرلریله ده ارتباطده بولنه جقدر .

۵ — (قسم کلی) ، پشدار ی ۷۰۰ متره مسافه دن تعقیب ایده جکدر .

۶ — (بیوک آغر قار) قم کلینک نهایتنه بیتیشک اوله رق یوری یه جکدر .

۷ — بن قم کلینک باش طرفنده یوری یه جکم ، راپورلر اورایه کوند رملیدر .

میر آلا ی

(۱)

اقسام عسکر یه قوماندانلر یه آغزدن سویه نلمشدر .

بوامرک مختلف ماده لری آوزرینه تنبیهات

ماده (۱) — هر درلو قاریشقلغه میدان ویرلمه مک ، وآپ آنسزین بعض کشافلر ویا قوللر کوریلنجه فائده سز بر طاقم تدبیرلر آلاماق ایچون مادون قوماندانلردن هر بر یسنه فرقه مک یورویشیله (به ووی — لاهوت) ، (قریژی) ، (بورنی) ده دوست قطعاتک بولندیغنی سویلمک لازمدر .

ماده (۲) — بوراده (صولیان جانبدارینی تشکیل ایتمک اوزره) دیمک فضلہ برشی دکلدرد . زیرا ، شور قاق گله ، وضعیتک نه دن عبارت اولدیغنی در حال کوستردکدن بشقه ، وظائف خصوصیه مک کافه سی ایچون بر محور الحركات یرینه جگمش اولور . یوقاریده سویلنن افکار و ملاحظاتدن طولایی ، (قولومبه ی) ک غریبنده کی (ده نكمال) نقطه سی یورویشک موقه آیلک هدیدر . عزیمت آنسده ایکن ده ا، اوراده نه یاییله جفی

هنوز ، قطعاً بیلنه مز . یعنی اوراده بر اجتماع نظامنه می گیر یله جک ، یوقسه بر موضعی طوتیله جق بوراسی بللی دکدر . بو، صکره دن آکلاش یله جق برشیدر . بناءً علیه امر ، شمیدلک اوندن بحث ایده مز . شوخصوص ، آنجق ایلریدن خبرلر کلدکن صکره ویر یله جک اولان دیکر بر امرله تعین اوله بیله جکدر . شمیدلک سزک ایچون یالکیز مفرزه کزی بر یول قولنه قویمق الویرر . کذلک هر نه قدر ، فرقه نک (ویوی ر) دن عزیمت ایده جکی ساعت بللی و آنک نه وقت امنیت آلتنه گیرمش اوله جقنی حساب ایتمک ممکن ایسه ده ینه مفرزه نک موضعه نه قدر زمان قاله جقنی شمیدین بویامک و کشف ایتمک قابل دکدر . هم شو یولده یاییله جق حسابلرک ذاتاً بر قیمت مطاقه سی اوله مز . چونکه او حسابلر یاییلورکن ، ایلریده وقوعی ملحوظ اولان بعض موانع وعوازی داخل حساب ایتمک ممکن دکدر .

ماده (۳) — مستقل سواری . ایلک اوچکه (مرسیله مچ) اوزرینه آتلمش بولنیور . بوسواری بر تفعه اورایه کلنجه ، در حال بروطفه خصوصیه اجرا سیله مکلف اوله جقدر . شو وظیفه یی اجرا ایتمک ایچون لازم کلان ترتیباتی آلق سواری قوماندانه عائددر . بناءً علیه اونک استقلال حرکتی تحدید ایامک ، بوراده بیوک بر خطایرینه کچه بیلور . احتمال درکه ، سواری قوماندانی ، وضعیتک نه مرکزده اولدیغنه آنجق (مرسی) تپه سنه کلدکن صکره حکم ایده بیله جکدر . اوت . سواری قوماندانی (مرسی) تپه سی اوزرینه چیقنجه اوزاقده نه لر وار ، نه لر یوق بوراسی تمامیه ترصد ایده بیله جکدر . ذاتاً شو صرعه مومی الیه ایلریدن بر جوق حوادث آلمش بولنه جقدر . سواری طرفدن یاییله جق وظیفه کلنجه ، او ، مفرزه ، موضعه یرلشدکن صکره ، یکسدن ویر یله جک بر امرایله تعین ایدلمش اوله جقدر .

ماده (۴) — تعقیب ایلدیکی یولاک صاغ وصولی . و (بورنی) . جهتی کشف ایتدیرمک خصوصنده آله حق تدایره دائر پیشدار قوماندانه لازم کلان امرلر ویرلملیدر . شو نقطه نظر دن پیشدار قوماندانی پک زیاده مستقل بولنیور . اروضیفه لری باشه چیقارمق ایچون کندیسی فصل ایسترسه اریله یایه جقدر . بالعکس ، امرده . مختلف دوست قطعاتیه ارتباطده بولمتی خصوصنده لازم کلان شیرلی سویامک پک ایو برشیدر . کرچه بونی سویلمه مک ده اوله بیلور . لکن ، یوروش یایان قطعات عسکریه صاغ وصول طرفلرنده وایلریده بولان کنندی آرقداش لری نیک نره لرده اولدقلرینی بیلورلر سه اوندن چوق فائده حاصل اولور .

ماده (۶) — ایکی امر ویرلدیکی زمان ، اجتماع امرینک . بیوک آغزقلر ویریه جک محافظ قوتندن بحث ایامسی فائده لیدر . و بو محافظ قوتنه قوماندایده جک ضابطه ده اولدن تعیین ایدلمش بولنماید . چونکه بویه یاپیلور سه ، دیدیکمز ضابط کنندی وظیفه سنی دهاکوزل بر صورتده حاضرلار و حرکت امری ویرلدیکی زمان ده ینه کندیسنه عائد اولان جهتلری چارچابوق آکلامش اولور . بناءً علیه آرتق حرکت امرنده ایکنجه بر دفعه آغزقلرک محافظ عسکرندن بحث ایتمک اصلا حاجت قالمیه جنی کنندی کندیسنه میدانیه چیقار . بیوک آغزقلر (واللی ر) دره سنی ممکن اولدینی قدر ارکندن کچمک و بو وجهله نه اکیه ده آزمعروض قالمق ایچون قسم کلی اوزرینه صیقشمش اولمایدلر . اکردها صکره اولنری (هچ) اوزرینه سورمک لزومی حس ایدیلور سه . بویکدن ویریه جک بر امرایله اجرا اوله بیله جکدر . اکر سز . حرکت امرینی کیجه لین ، (قولینی) ده وبرمک یعنی یالکز

برامرايله ايش كورمكى ترجيح ايدرسه كز اووقت ، بزم و پرديكمز
امرده بعض تعديلات ياعمق ايجاب ايدجكدرد. وشهه سز ، اجتماع امرى
بستون حذف ايدلمش بولنه جقدر .

تعديلات :

(قوليني)

ه — ۷ — ۹۸ — ۱۵ — ۱۱ كيجه

ماده (۱) — « دون اوكله دن صكره » يرينه « بوكون اوكله دن صكره »
قوييكنز .

ماده (۱) — « بوكون » يرينه « يارين » قوييكنز .

ماده (۲) — « مغرزه صوليان جانبدارينى تشكيل ايدرك يارين ايلك اوكله
« .. » ه كيده جك ساعت « ۵ » ي « ۱۰ » كچه « قوليني » نك شمالنده يوللرك تلاق
نقطه سنده اجتماع ايدجكدرد. صورتنده يازبكيز .

ماده (۳) و (۴) — « درحال » يرينه « صباح ساعت « ۵ » ي « ۱۰ »
كچه قوييكنز .

ماده (۵) — اولدينى كچي قاله جق .

ماده (۶) — « بيوك آغرلقلر ، باش طرفلرى » « قوليني » نك شمالنده
يوللرك برلشديكى نقطه ده اولق اوزره يارين صباح ساعت « ۶ » ده « قوليني » دن
« قولومبه ي » ه كيدن بول اوزرنده اجتماع ايتمش بولنه جقدر در . ۷ نجى
دراغون آلاينك برنجى بلوكى برضايط ايله برقاچ سوايدن مركب اوله رق
بيوك آغرلقلره برحافظ ويره جكدرد . بيوك آغرلقلر ، قسم كاينك قول نهايتى
تعقيب ايدجكدر .

ماده (۷) — اولدينى كچي قاله جق .

صيفه نك صاغ طرف يارينسك آشاغي سنده شويله يازيله جقدر :

امر آلتى ايجون اقسام عسكريه طرفندن كرنديرلان ضابطانه يازديرلشدر .

اسباب موجب كزك تشريحنه كلنجه ، اونى آرتق كچن مکتوبمه

سزه سويلديكم كچي ياپارسكيز . باخصوص ، پياده دن عبارت كوچك

برجانبدارك چيقارلمسنى نەدن اوترى ايستمدىككزى وسوارىكزى دە
نە ايچون مستقل براقدىقكزى اورادە سويلرسكز .

بعض قدمهلى بوش بوشە يورماق فكريه : مفرزه كزك مختلف
اقسامى ايچون مختلف اجتماع ساعتلى كوسترمك لازم كلهجكنى قبول
ايتىش اوليدىكز بوقسا برشى اوليهجق ايدى وسز اونك اسباب
موجهسنى يك اعلا ايضاح ايدە بيلوردىكز .

كلهجك مسئلهدە بركره دها، برقولك دريناكى، مختلف قدمهلىك
اجتماع ساعتلى وقول باشندن قول نهايتە قدر اولان عمقك بر نقطەدن
ديكر بر نقطەيە وارمسيچون ايجاب ايدن مدتى حساب ايتىش بولنە -
جقسكز . اومسئلهدە ينە ؛ بر برندن آبرى و آزچوق اوزاق بولمق
اوزره بر قوناي ترتيباتى ياپديرەجقم . بناءً عليه خدمت سفريهك
شونقطه لره عائد اولان ماده لرىنى بركره دها كوزدن كچوررسە كز يك
اي ايتىش اوله جقسكز .

اوجنچى مسئله

(عموى خريطە ايله « مچ » و « ورنى » بافته لرى)

شمالدن كلهرك دشمن مملكتندە بولان بر مفرزه (مير آلاى ب.) ۱۸۸۹
سنه سى آغستوسك برنجى كونى « ويژى » [عموى خريطەدە] و « سەنت -
بارب » [« مچ » بافته سى] دن كچن يول اوزرنده يورويش اجرا ايدبور .
بومفرزه ، (صوره ي) دن « مچ » اوزرينە كيدن ۱۶ نجى پيادە فرقه سيله
(لاكنه كسى) نك شرقندە برلشمك ايچون ، آغستوسك (۲) نجى كونى
صبح ساعت سكزده اورادە اجتماع ايتك خصوصنە دائر برامر آلور .
۱۸۸۹ سنه سى آغستوسك برنجى كونى اوكلە دن صكره ، دشمن سوارى

كشف قوللری ، (نوی یی) ، (لووالییر) و (لاپلانشت) دن كچەرك (مچ) استعمالئندە چكەشلەردر . (بورنی) نك غریبندە ایسە ، اولدقچە بیوك بردشمن اردوگاه کوریلپور .

کیجه ساعت (۵) ده مفرزه نك پیاده اوجی (پوتی ماره) [ره طونفه ی شمالئندە] واصل اولدینی زمان میرآلای (ب . ۰۰) قطعەت عسکریه سنی (غراس) ، (شوی) ، (نهرینی) ، (سەنت باب) و (آوانسی) کویلرندە قوناقلره برلشدرمکه وکندی ایلری قره غوللارینی [۴۰ نجی پیاده آلای نك برنجی وایکنجی بلوکاری و ۷ نجی هوسار آلای نك برنجی بلوکندن ۲ طاقم] (پوواقس) - (ره طونفه ی) خطی اوزرندە تأسیس ایتمکه قرار ویرر .

پایله جق وظیفه لر :

(۱) — برقرروکی طرزنده مفرزه نك یوروش ترتیباتی (۱ آغستوس ۱۸۸۹) ؛

(۲) — کیجه ایخون مفرزه نك قوناقلری (ایلری قره غوللاری مستثنا) ؛

(۳) — ۲ آغستوس ۱۸۸۹ ایخون (میرآلای ب . ۰۰) طرفئندن آلمان

ترتبات ؛

(۴) — اسباب موجبە نك شرح و بیانی .

میرآلای (ب) مفرزه سنك نظام حربی

۴۰ نجی پیاده آلای

ط ۱ ط ۲ ط ۳ ط ۴

۷ نجی هوسار آلای



برنجی بلوک ایکنجی بلوک



۸ نجی صحرا طوبجی آلای نك برنجی طاہوری

ایکنجی بطریه

برنجی بطریه



۸ نجی استحکام طاہورندن ۱ طاقم

برسیار خسته خانه طاقی



دردنجی مکتوب

قوناقلر ویان یورویش

یورویش ترتیباتنک قروکیسنی یایمق ایچون ، ایلک اوکجه انقسام
عساکر ابله قسم کلینک یورویش نظامنی کوسترمه کز لازم کلور .
ایشته او خصوصده سزک یاپه جفکز شی بودر :

۱ — پیشدار :

۴. نجی پیاده آلاینک برنجی طاہوری .

۷. نجی هوسار آلاینک برنجی وایکنجی بلوکلری .

۲ — قسم کلی (ویورویش نظامی) :

۷. نجی هوسار آلاینک برنجی بلوکلدن برکوچک ضابط و ۶.

سواری .

۴. نجی پیاده آلاینک ۲ نجی طاہوری .

۸. نجی صحرا طوبجی آلاینک برنجی طاہوری (۳ نجی بطریه

اکسیک) .

۴. نجی پیاده آلاینک ۳ و ۴ نجی طاہورلری .

۸. نجی استحکام طاہورینک ۲ نجی بلوکی (برطاقم اکسیک) .

برسیار خسته خانه طاقی .

احتمال که ، سز ، پیشداری دیگر بر طاہوردن تشکیل ایتدیکز ؛

قسم کلی به برسواری طاقی ویردیکز . واستحکام طاقلرینی پیشداره

الحاق ایلدیکز . نه یاپارسه کز ، یاپیکز ، بونلرک ایلروده کی قوناق

تشکیلاتی ایچون اهمیتلری هیچ یوق کیدر . واقعا سز ، یاپدیغکز

تقسیماتی حقلی کوستره بیلورسکز . بو تقسیمات مختلفه دن یالکز ، بنم

حسابلرمله سزککيلر آره سنده جزئی بر فرقدن بشقه بر شی
کوريلمیه جکدر .

مختلف مسکون محللره کوره عسکری تقسیم ایتک ایچون ، اول
امرده ، آقشامک ساعت (۵) نده یعنی مفرزه قوماندانی توقف
ایتمک ایستدیکی زمان یول قولنی تشکیل ایدن مختلف قدمه لک نره -
لرده اولدیغنی بیلمک لازمدر . فی الحقیقه ، عسکری قوناقلره
یرلشدير رکن ، قطعات عسکریه یه کری یورویشلر یاپدیرمقدن صوک
درجه چکنمک ایجاب ایلر . ایشته بونک ایچوندرکه ، بن سزه ،
ایلك اوجکه یورویش ترتیبانی کوسترر بر قروکی یاپمه کزی رجا
ایتمش ایدم . مفرزه قوماندانک ، درحال یول قولنی طور دیره رق
امر بورویسی چالديردیغنی فرض ایدم . شو صره ده ، سواری
ایلریده وجنوب غربی استقامتده بولنیور . لکن ، آنک ایجه
ایلرولمش اولمسی ، آنک ایچون تعین ایدیله جک قوناقلرک انتخابنده
بر تأثیر کوستره مز . پیاده اوجی ، (پوتی ماره) ده طور دینی ایچون
پیشدار قسم کلیسنک برنجی قدمه سی ، بروجه آتی حسابلره کوره
(سنت بارب) ک جنوبنده کی مزارلق خذا سنده بولنیور :

متره	
۴۰۰	اوجک کیروسنده کی مسافه
۳۰	بر پیاده طاقی (بو خذف ایدیله بیلور) .
۴۰۰	مسافه (بوده خذف اولنه بیلور) .
۷۰	پیشدار باشی (۲ طاقم) .
۵۰۰	مسافه .
۱۴۰۰	یکون

مفرزه قسم کليسنك قول باشى همان (آزولينغ) يولندن (سەنت -
بارب) يولى اوزرينه كچمش بولنيور . فى الحقيقه :

۳۰۰	پيشدار قسم کليسنك ۳ بلوكى
۷۰۰	پيشدارله قسم کلی آره سنده کی مسافه .
۱۰۰۰	يكون

قسم کلی پياده سنك قول نهايتى (آوانسى) نك شمال كنارندن
تخمیناً ۳۰۰ متره اوزاق بولنيور . فى الحقيقه :

۱۲۰۰	۳ طابور .
۳۸۰	۲ پياده بطريه سى (احتياطلىرى يوق) .
۱۵۸۰	يكون

مفرزه نك قول نهايتى (بيوك آغز قلقلر داخل دكل) (ورنى) دن
(سازيله ويژى) اوزرينه كيدن يولك تخمیناً ۳۰۰ متره جنوبنده در .
فى الحقيقه :

۷۰	۲ استحکام طاقي .
۱۱۰	برسيار خسته خانه طاقي .
۲۵۰	۲ بطريه احتياطي .
۴۳۰	يكون

كچن مسئله ده ياپديغ كچي ، حساباتى تسهيل ايتك ايجون عين
قدمه نك طابورلىرى و بلوكلىرى آره سنده کی مسافه لرى هيچ قاله
آلميورم . اكر سز اولنرى ده حسابه قاتمق ايستيورسه كز او زمان
شونلرى علاوه ايتك لازم كاور :

متره	پيشدار قسم کليسى : ايكي بلوك آره لنى (۸) ر
۱۶	متره دن

متره

قسم کلی : بر طابورك ۳ بلوکی ایچون

۲۴ = ۸ × ۳ ۲ طابور آره سنده

۱۶

اوج طابور ایچون

۱۲۰ = ۴۰ × ۳

(۱۶) شر متره دن ۲ بطریه

۳۲ = ۱۶ × ۲

یکون ۱۷۶

اگر بستان حقیقی کو سترمک آرزو ایدیایورسه او زمان استحکام طاققریه سیار خسته خانه طاقنک کریه اولان مسافه لرینده حسابیه قاتمق لازم کلور . لکن : بیلدیککز کی ، بر مفرزه ایچون شو یولده کی اوراق تفک حسابلر قاله آله جق شیر اولدینی ایچون اولنرک هپسندن صرف نظر ایتش اولسه کز بیله بوندن برشی حاصل اولمق لازم کلز . چونکه بوراده سز بر حساب مسئله سی حل ایتمکه مشغول بولنمیورسکز .

بو مسئله یی حل ایدرکن ، سزک تقدیراتکزک تمامیه بنم کیلرک عینی اولوب اولمامسندہ پک اوقدر بر باس کورمیورم . اصل سزدن بکنیلان شی ، سز قروکیکزی یاپدیغکز ائساده یول قولنک مختلف اقسامی نره لرده بولنیورلر اولری ایوجه بیامش اولمکزدن عبارتدر . بر قطعه عسکریه قوناقلره یرلشه جکی زمان جزء تاملردن هیچ برینسک کری یورویش یامغه مجبور اولمامسنه دقت ایدملیدر . هپکز بیلورسکزکه : بو بر اصولدر . وبونی تقویه ایدمک دیکر بر اصول دها وارکه اوده : « قطعات عسکریه ایرتسی کون یاپیله جق یورویشه کوره قوناقلره یرلشدیرلمش اولملیدرلر . » قاعده سندن عبارتدر . بوندن آکلاشیلورکه : برکون اول آلمان قوناق ترتیباتی ، ایرتسی کون تعقیب اولنه جق یورویش ایچون بر حاضرلق دیمکدر . اویله ایسه بز .

۱. آگستوس ۱۸۸۹ ده (لاکنه کسی) اوزرینه نصل بریوریش
 بیله جقدر ، ایلک اوکجه بوراسنی اوکره نلم . و بونک ایچون اصل
 یلدن ایشه باشلايم . اوت ، شو دیدیکمز طریق اصلی ده ایلک
 بکجه (قولینی) نک شمالنده یوللرک تلاق نقطه سینه کیدن و صکره
 رب استقامته دونن بیوک یولدر . بز آنی (اوژی) نک جنوبنه
 ر تعقیب ایده جکمز واورادن اعتبار آایسه ، طوغریدن طوغری یه
 لاکنه کسی) یه کیدن یول بونجه حرکت اولنه جقدر . کذلک
 قولینی) و (ویله رس- لاکنه کسی) دن دخی کچمک قابل ایدی .
 بوخصوصده نظر دفته آلنه جق دیگر یوللر ایسه شونلردر :

۱ — (سنت بارب) ، (غراس) ، (ره طونفه ی) (فلانویل)
 اوژی) دن کچن یول ؛

۲ — (سروینی له - سنت بارب) ، (نوازه ویل) (مونطوی)
 ووانسی) وبعده (آرس لاکنه کسی) یاخود (مارسیلی) دن
 ن یول ؛

۳ — (سنت بارب) ، (شوبی) ، (غلاتینی) (وودره ویل)
 هزری) [عمومی خریطه ده] و (قولینی) دن کچن یولدر .

تعییه نقطه نظرندن بواوچ یول ، بیوک یوله موازی کبی تلقی
 نه بیلورلر . برنجیسی ، بویولدن اک چوق ۱۴۰۰ متره قدر اوزا قدر .
 ر نقطه لر ده ایسه ده ها یقیندر . برده ، ایچه اکریلی بوکریلی
 یعنی ایچون برنجی یول اوته کیلردن (۳) کیلومتره ده اوزوند .
 جیسی ، بیوک یولدن اک چوق تخمیناً (۳) کیلومتره قدر اوزا قدر .
 ، (نوازه ویل) ، (مونطوی) و (وقوانسی) چقورلرندن
 بکی ایچون ایشه یارار بریول دکلدر . اوچنجیسی ، اصل یولدن

دها اوزون اولدقدن بشقه، اوندن دها فنا اولدینی ایچون ایجه کشف ایتدیرمهدن اونک اوزرنده قطعات عسکریه یوروش یایدیرمق و عربله سوق ایتکدن پک زیاده چکنمک لازم کلور . برده (میچ) یعنی دشمنه طوغری کیدن و (لووالییر) ، (لاپلانشت) ، (قولو-مبهی) و (آرس لاکنه کسی) دن کچن یوللری ده برملاحظه ایتمک ایستر. بویوللره جوار اولان اراضی یه برکوز کچوره جک اولورسه کز، بروجه آتی نقطه لری برر نقطه رصد اولق اوزره بوله جقسکز :

۱ — (محبت) پیره خانه سی درکه بورادن (بهل قرووا) کوزیکور؛

۲ — (یوقاری مونطوی) درکه نظر بورادن (آلده مور) ه

قدر اوزانوب کیدر ؛

۳ — (قووانسی) نک جنوبنده کی یول ، یاخول ، (اوبینی)

تپه لری درکه ، نظر ، بورادن (قولومبهی) ک غربنده کی صرتلر ایله جنوب غربیسنده کی اورمانلره قدر کیدر .

دردنجی بریول بونجه یعنی (آرس لاکنه کسی) دن (قریژی) اوزرینه کیدن یول استقامتجه کوز پک اوقدر شیلره تصادف ایتمز . بالعکس بواسقامتمده نظر دها زیاده محدود بولنور . بناءً علیه اوچ اولکی استقامتمده سزک اوککزی استکشاف ایتمک ایچون قوتی آزرسواری کافیدر . لکن ، دردنجی یولی پک خصوصی برحالده کشف وترصد ایتدرمک لازمدر .

اصل یوروش یولنک غربنده کی اراضی ، (واللییر) دره سنه قدر بویدن بویه آچیقدر . (نوازه ویل) (مونطوی) و (قووانسی) چقورلری برقاج کشف قولی ایله پک قولای بریولده کشف وترصد ایدلمش بولنه بیلورلر . (واللییر) دره سنک مجراسی ، افقی تحدید

ایلو. و (قولومبئی) لک جنوب غربیسنده ، آغاچلردن طولای ایجه اوزاقلری کورمک قابل دکلدر. بونکله برابر . (واللی بر) دره سنک شرقده کی تپه لر ، اکر بوتپه لر اوزرنده کشف وترصد وظیفه سنه مأمور درجه کافیده بر سواری بولنورسه ، مفرزه نك باصقینه دوشمسی منع ایده جک درجه آچیق ونظار تیلدر . غربدن کلان بردشمنک هجومه اوغراندینی زمان (ره طوفنه ی) ، (فلانویل) ، (سنت نه غنان) ، (اوژی) و (مارسیلی) موقعلری یورویش یولنک صاغ یانی اوزرنده اودرجه کوزل بروضعیتده بولنیورلرکه ، دشمنی ایجه زمان یول قولندن اوزاق طومتق ایچون یالکز اونلری مدافعه ایتک کافیدر .

مفرزه یه عائد اولان وظیفه ، آنک معین بر ساعتده (لاکنه کسی) یه کلسنی ناطق اولان امردن پک اعلا آ کلاشیلور . بو آ کلاشلدقدن صکره کری یه قالان شی ، یالکز مفرزه یی اورایه سوق ایدن یوللردن فصل استفاده اولنه جقدر ، ایشته بوخصوصه برقرار ویرمکدن عبارتدر . دشمن کشف قوللرندن هپسی (مچ) ه طوغری چکلدیله . بوندن آ کلاشیلورکه ، خصمک الکیزیده قوتلی اولدینی جهت اوجهندر . اوندن بشقه ایجه وسعت وامتدادی حائر اولان بردشمن اردو کاهی ده (بورنی) ده کورلمشدر . اوپله ایسه ۲ آغستوس ۸۹ ده مفرزه بریان یورویشی یایمغه مجبور اوله جق دیمکدر . تهدید ایدلش اولان یانک امنیتی بالخاصه سواری طرفندن استحصال ایدیه جکدر . بوسواری دشمن طرفنه طوغری ایلرولیه جک و (مچ) اوزرینه کیدن الکهم یوللری یعنی (لووالی بر) ، (لاپلانشت) ، (قولومبئی) و (آرس لاکنه کسی) دن کچن یولاری تعقیب ایده جکدر .

(بورنی) ده کورلش اولان دشمنه دائر قطعی بر حوادث آله -
 بيلمك ايجون ، (قولومبهی) و (آرس لاکنه کسی) دن کچن یوللری
 ممکن اولدینی قدر چابوق الده ایتکه چالیشلملیدر . ۱۶ نجی فرقه نك
 استکشاف خدمته مأمور اولان سواريسنه احتمال که (آرس لاکنه کسی)
 جوارنده تصادف ایديله جکدر .

(میچ) جهنده استکشافه مأمور سواری ایسه ، (واللی بر) دره سی
 واسطه سیه مفروزه دن آیرلش بولنه جقدر . شمديك بو محذور دن
 قورتلمه نك چاره سی یوق . چونکه دره نك اوتہ یقه سنده نه اولور ،
 نه اولمز بونی آکلامق ايجون بهمه حال اوجهته کچمک لازمدر . هم ذاتاً
 بو اوقدر فنا بر محذور دکلدر . زیرا ، بر دفعه (واللی بر) دره سی
 اوزرنده بر چوق کیکدلر واردر . ثانیاً سوارينك منفرداً قالمسی
 جهتی ، یعنی بو آیریلیق محذوری ، آنک یوروشنده کوستره جکی
 سرعت ایله بر درجه یه قدر تخفیف ایديله مزمی ؟

بونکله برابر سوارينك بعض پک عارضه لی وکسک یولر ایله
 مفروزه دن آیری قالماسنه دقت اولنمیلیدر . زیرا بویله اولورسه
 اوزمان ، راپورلر منتظماً کوندریله مدکلری کچی حرکات عسکریه ده کی
 اتحاده خلل کلش اوله بیلور . محاربه ایتک ايجون ، ایستیلان زمانده
 عسکرک هپسنی ال آلتده بولندرمق خصوصی قوماندانلرجه الکزیاده
 دوشونيله جک برشیدر . خاطر کزده قالسون ؛ بز ایلریده بوقاعده نك
 تطبیقاتی کوریرز .

خصمکنز ، یانکزه دوشدیکی ايجون سز بوندن بشقه عجبا صول یانه
 پیاده دن بر جانبدار چیقارمق لازم می دکلی ؛ بونی بر کره کنديکزدن
 صوراجفسکیز ظن ایدرم . بوسؤاله قارشو سزدن اول بن اوت دیرم .

زیرا؛ اگر دشمن سزك اوزریكزه یوریورسه؛ یالکز تام وقتنده اونك یورویشتی طرامقله اکتفا ایتك دكل بالعکس؛ قسم کلی محاربه یه حاضر اولنجه ویا آنك تأثیرندن چیقنجه یه قدر دشمنی طور دیر مق لازم کلور. بوراده اصل ایش وقت قازانمقدر. سوارینك ایسه؛ مقاومه استعدادی پك آز اولدینی ایچون طبعی بوراده یالکز آنکله اکتفا ایتك جائز دکلدر. بناءً علیه بووظیفه، حین حاجتده طوپی ايله استناد ایتدیرلش اولان بریاده یه احتیاج کوستر.

اگر مفرزه نك قسم کلیسی، (قوالینی) دن یکن بیوک یولی تعقیب ایدیورسه جانبدار (غراس)، (ره طوفهی)، (فلانویل) والی آخره نقطه لردن کچه جکدر. بواسطه قامت، اصل یوله ایچه یقین اولدینی ایچون جانبدار لزوم کورلدیکی زمان قسم کلینک امدادینه مظهر اوله جقدر. برده شو ایکی یول آره سنده موانع دینیلان شیلردن اثر یوله یوقدر. بالعکس اورته ده کی اراضی آپ آچیق بریردر. (نوازه ویل)، (مونطوی) والی آخره نقطه لردن یکن یول، اصل یورویش یولندن، بر جانبدار طرفدن تعقیب ایدیه میه جک درجه ده اوزاق و بالعکس دشمنه ده اوقدر زیاده یقیندر. بناءً علیه شو یول بویجه کیدلدیکی زمان، اگر وقوع اسز بر صورتده ۱۶ نجی فرقیه التحاق ایتك نصیب اولورسه؛ بونصیه مظهر اولان قطعه نك کنديسنی بختیار صایغه حق واردر. عین سبیدن طولانی، قسم کلی یی (ره طوفهی)، (فلانویل) و (اوزی) دن؛ جانبدار ایسه (نوازه ویل)، (مونطوی) دن کچورمک اوزره تصور ایدیلان ملاحظه دن ده قطعاً صرف نظر ایلمک ایجاب ایدر. یالکز دشمنی (واللی ی) دره سنی آتلامقدن منع ایتمه مساعد اولدینی ایچون جانبدارک، (نوازه ویل) و (مونطوی)

نقطه لرتدن کچمسنه یا کیلوبده قانع اولمیکز . بن سوارینک مذکور
نقطه لردن کچن یولی تعقیباً قسم کلی ایله بر خذاده یوریمش اولمسنه
بیله راضی دکم . چونکه سواری ، طوغریدن طوغری به خصمک
کورلمش اولدینی استقامت بونجه کوندریلورسه ، کندی وظیفه سنی
دها یو بر صورتده اکمال ایتمش اوله جقدر .

مسئله کزده (میچ) ک دشمن طرفدن طوتلمش اولدیغنه دائر
بر اشارت یوق . لکن سز ، (میچ) ک دشمن طرفدن طوتلمش
اولدیغنی قبوله مجبورسکز . چونکه دشمن کشف قوللری (میچ)
اوزرینه چکلمش بولنیورلر . اوله ایسه ، (بورنی) ده کی دشمن
قطعاتنک سز جده قوتلی بر پیشدار کبی تصور ایدلمش اوله جغه
امینم . شمدی یالکز آشاغیده سویلیه جکمز بو اوچ حالک وقوعی
ممکن اوله بیلور :

۱ — دشمن کری چکیله جک ؛

۲ — غیر متحرک بر حالده قاله جق ؛

۳ — ایلری آتیه جق .

برنجی حالده ، بزم ۱۶ نجی فرقه ایله برلشمه مزه هیچ برشی
مانع اوله میه جقدر . اگر دشمن ، (میچ) داخلنده قالورسه اوزمان
احتمال که ، بز اوکا هجوم ایده جکمز . یوق اگر ، ایلری یوری به جک
اولورسه ، او وقت ، یالکز باشنه بر مغلوبیته دوشمکدن احترازاً
مفرزه بی قورومق لازم کله جکدر . دشمن هر نه وجهه یاپارسه
یایسون ، مفرزه نک اصل وظیفه سی ، آکلاشیلورکه ، هرشیدن اول
۱۶ نجی فرقه ایله علی العجله برلشمکه چالیشمقدر . دشمن بوجه
آتی ایلرولیه بیله جکدر :

۱ — (لواللی ی) دن ایلرولیه جکدر . شو حاله نظراً ، بزم کوردیکمز کبی ، خصمک بو استقامتدن کلدیکی اولدقجه وقتده آکلاشیله جقدر . بناءً علیه ، اوکا قرشو لازم کلان تداییری آلق خصوصنده ایجاب ایدن زمانه بول بول مالک اولنه جقدر . واحتمال دشمنک (واللی ی) درهسنه مواصلتده ، اوندن اییجه اوزاق بولنیله - جقدر . اکر فی الحقیقه اوله اولورسه ، اوزمان ، جانبداره دمدارک وظیفه سی کوردیره رک یورویشده دوامه غیرت اولنه جقدر ؛

۲ — (لاپلانشت) دن کچرک (فلانویل) یاخود (سنت - نهغان) اوزرینه کله بیله جکدر . بو حالده ده ، اراضینک ایواولسی سایه سنده ، دشمنک کلیشه دائر معلومات آله حق و حین حاجتده تقویه ایدلمش اولان جانبدار ، مفرزه (قولینی) استقامتده ایلرو - دن اپی بر مسافه قازانجیه قدر ، ثبات ایده بیامک ایچون لازم کلان ترتیبات اخذ ایدلمش اوله جقدر . برنجی حالده اولدینی کبی ، بوراده ده جانبدار ، بر دمدار محاربه سی ویرمکه مجبوریته کوره جک ، لکن ، باشلادینی محاربه یی ده ازیاده سورکلی طوتمغه چالیشه جقدر ؛

۳ — دشمن (قولومبه ی) دن کله بیله جکدر . اکر فی الحقیقه دشمن بو استقامتی تعقیباً کلورسه ، اوندن پک فائده کوره جکدر . ذاتاً بو استقامت اوزرنده کی (بورنی) موقعی آنک طرنندن طوتلمش دکلیدر ؟ شو حاله نظراً دشمنک یوریشی حقده ، احتمال آنجق اولنک یشداری (قولومبه ی) ک غربنده کی میللری اینمکه باشلادینی زمان بر خبر آلمش اوله جقدر . و دشمن ، آنجق عین زمانده (قریزی) و (آرس لاکنه کسی) دن ۱۶ نجی فرقه علیه دیگر بعض قطعات عسکریه سوق ایدرک بو استقامتی طوته بیله جکدر . بو حاله ،

مفرزه ۱۶ نجی فرقه ایله برلشدیکی کبی ، دشمنی (واللی یر) دره - سی ایچنه آتمق ایچون آکا قرشو شدتلی بر عودت تعرضیه یایمغه مجبور اوله جقدر . لکن ، ۱۶ نجی فرقه ایله برلشمش اولدقجه ، مفروزه ایچون یکا نه وظیفه ، یالکیز آرز چوق دشمنی اشغال و متضرر ایتکدن عبارت قاله جقدر . جانبداره کلنجه ، او هر حالده قسم کلی محاربه ترتیبائی آنجه یه قدر لازم کلان زمانی قازاندیره جق وجهله دشمنی طور دیرمغه چالیشه جقدر ؛

۴ — دشمن یالکیز (آرس لاکنه کسی) دن کله بیله جکدر . شو حالده ، یولده ۱۶ نجی فرقه یه تصادف ایده جک ، بزایسه ، المزدن نصل کلورسه ، بوکا او درلو یاردم ایتمکه چالیشه جغز .

بو ملاحظات ، بر جانبداره دوشن وظیفه نك اهمیت عظیمه سنی مع زیاده کوسترمکه کافیدر . اوندن بشقه ، (غراس) ، (ره طوفه ی) و (اوژی) دن کچهرک (لاکنه کسی) اوزرینه بر جانبدار کوندرلمش اوله جنی ائساده مفروزه قسم کلیسنه (قولینی) و (ویله رس — لاکنه کسی) دن (لاکنه کسی) یه کیدن بیوک بولی ویرمک خصوصنده کی قرارده ، ینه او ملاحظات ایله تحقق وتین ایدر .

لکن ، جانبدار وظیفه سنك اهمیتی کور و بده ، هان اونی پک قوتلی بر صورته تشکیل ایتمک فکرینه دوشمیکنز . بالعکس ، مفروزه کزی ایکی قوله آیرمق خصوصنده ایجه دقتلی و احتیاطلی اولیکنز . بحشمز ده قوتلی جزء تاملره عائد اولسیدی ، بو تقسیم خصوصی ، قوللردن بریسنک ، صاغ وصوله تبدیل جبهه ایدرک ، پک بسیط بر مانوره ایله اوته کینی حمایه ایتمش اولسنه پک اعلا مساعد اولوردی . اما بونک ایچون برقاج شرطک وجودی لازمدر .

بریسى : مفرزه نك ايكي به آيرلسندن طولايى حاصل اوله جق : ايكي يول ، يورويش حالنده بولنان جزء تامك يالكز بر يول اوزرنده تشكيل ايلديكي يول قولى عمقك ياريسندن بيوك بر مسافه ايله بر برندن آيرلش بولمامليدرلر . ايكنجيسى : بو ايكي يول كيتدجه بر برندن اوزاقلاشمامليدرلر . اوچنجيسى مذكور يوللر آشامسى ناقابل بر مانع ايله بر برندن آيرلش اولمامليدرلر . اكر بو شرطلر ايله بر لكده : بر جزء تام ايكي به آيريله رق او وجهله يورويش ياپيلور . سه : او زمان قوللردن برينك ديكرينى حمايه ايچون ديديكمز كي بر ترتيبات آلمسى : يالكز بر يول اوزرنده حركت اولنديغنه نظراً يول كنارلرندن بر يسنده ايكي خط اوزره بر ترتيبات آلمقدن دهآ آز زمانه محتاج اولور . لكن : بزم مفرزه مز كي كوچك بر مفرزه دن بحث ايدلدجه ، عسكرك ايكي به آيرلمسى قوتلرك بالسهوله طاغلمسنى والدين چيقمسنى موجب اولور .

بالعكس : بويله زمانلرده عسكر نه قدر چوق ال آلتنده ايسه ، اوقدر زياده قوتلى بولمامش ديمكدر . زيرا هر آيريلان قسم بر دفعه موقتاً اولسون قوماندانك الندن چيقمش اولور . واو قسمك ايلريده ياكلش بر استقامت طوتميه جعته قطعياً امنيت ايدلش اوله مز . حال بوكه ، يالكز بر يول اوزرنده و بر قولده يورى يان بر قطعه عسكريه دائماً معين بر هدفه ، بللى باشلى بر مقصده كوره سوق واداره اولنه بيلور . اويله ايسه . قطعه عسكريه كزدن برشى آيرمق ايجاب ايتديكي زمان بر كره ، تعقيب ايديلان مقصد ايچون الكزده نه قدر عسكر بولنمق لازمدر : ايلك او كجه بونى كنديكزدن صو .

ریکز . بعده بونک خارچنده برنفرک بيله الکزدن چیمسنه اصلا مساعده ایتیکز .

بوراده یالکز بر قاج بلوکن عبارت بر جانبدار کافی اوله . بیلور . چونکه مفرزه کز بیوک برشی اولدینی ایچون البت او ، محاربه ترتیبائی آلمش اولنجهیه قدر اوته طرفدن قازانلمسی لازم کلان زمانده جوق برشی دکلدر .

یالکز وقت قازانق اوزره بر قاج بلوک بریره کوندردیکی زمان طومانسز بارونک نه قدر فائده لی اولدینی اومارم که کچن مکتوبمدن آ کلامشکزدرد . بوفائده لر بوراده ده عینله واقعدرد . چونکه ، هر درلو احوال ظاهردهن آ کلاشیلورکه ، سز مطلق کویلری مدافعهیه مجبور اوله جقسکز . کرچه دشمن سوارسی آتسک فلان ویا فلان یردن کلدیکی آ کلامقده بیوک بر مشکلاته اوغرامیه جقدر . لکن ، تفنکرك عدینه کلنجه اولری آ کلامق ایچون دشمن اپی زمان غائب ایتکه مجبور اوله جقدر .

بویان یورویشلرنده پیشدار آنجق ایکنجی درجه دن براهیتی حائر اوله بیلور . زیرا ؛ تعقیب ایلدی کمز یول بونجه یعنی ایلریده دشمنه راست کلش اولقلغمزک احتمالی پک آزدرد . بونک ایچون دشمنک بزم مفرزه مز ايله ۹۶ نجی فرقه آره سنه کیرمش اولسی لازم کلور . بوايه قبول ایديله جک بر فکر دکلدر .

چونکه دشمن (میچ) ده یعنی کندی اراضیسنده بولدینی ایچون اهالی و مأمورین محلیه طرفندن دشمنه دائر معلومات آله بیلور و بوندن طولای (صوبه یی) ده بر فرقه بولندیغنی اصلا خاطر دن چیقارمش اولزدی .

اویله ایسه بوراده پیشدار ایچون یالکز بر بلوک یتیشور . عین طابورک دیگر اوچ بلوکی ده جانبداره ویر یله بیلورکه ، بووجهله امنیت خدماقی یالکز بر جزء تام یعنی بر طابور طرفدن اجرا ایدلش اولور . کذلک پیشدار و جانبداردن هر ایکسینه ایکیشر بلوکه ده ویر یله بیلوردی . لکن بن هر حالده برنجیسی بوکا ترجیح ایدرم . زیرا جانبدار احتمال که اولدقجه شدتلی بر محاربه ویرمکه لزوم کوره جکدر . بوکا قارشیده بن شبهه سز اوئی بر بطریقه ایله تقویه ایتمکه مجبور اوله جغ . و اویله اولنجه ، اوچنجی بلوک بطریقه نک محافظه سنه مأمور ایدیلورکه ، بوندن طولانی سزده بنم برنجی حالی ترجیح ایدیشمه شمدی حق ویررسکنر صانورم .

پیشدار ایله جانبدارلرک ایکسینه ده یالکز بر طابوردن آلمق نیجه ده منطقه ودها مناسب کورلدی . چونکه اویله اولنسیدی ، او زمان قسم کلیده کی طابورلردن بریسنه ده ایلشیمک ایجاب ایدر . شمدیکی حالده بن نه پیشداره ، نه ده جانبداره طوبجی ویره جکم . چونکه اونلرک ایکسینه ده طوبجی بی برلکده کوتورمکدن عاجز اوله جق درجه ده ضعیف بولئورلر . اگر ، ایلریده اونلردن بریسنی طوبجی ایله حایه ایتمک لزومی کوریلورسه ، او زمان ، قسم کلیدن آلمان بر مقدار محافظ عسکرله برلکده اونلره طوبجی کوندر . مکدن بنی طبیعی هیچ برشی منع ایتمش اوله مز . امنیت خدمتترینه مأمور اقسام عسکریه به بر مقدار استحکام افرادی ویرمکه لزوم سز برشیدر . بر دفعه تعقیب ایلدیکمز پول اوزرنده جدی بر طاقم موانعه راست کله جکمز ی تصور ایتمکه محل یوقدر . دیگر جهندن بوکی اقسام عسکریه دشمنه راست کلدکری زمان بیله محال مسکو -

نه يې مدافعه حاله قويځي ايجون لازم كلان وخته مالك اوله ميه جقلردر . كوچك مفرزه لږده ايرتسي كونك پيشدار ويا جانبدار خدمتليځي ، كيجه يې اويقوسزو آياقده كچورمش اولان ايلري قره غوللره يوكلتمك اصولدن دكلدر . ايلري قره غوللر ، بزم مسئله مزده اولديځي كچي ، پيشدارك اوجي ويا باش طرفي اولنرك خذاسنه كلنجه يه قدر بولندقلري يرلرده قالورلر . بوندن صكره ايسه درحال طويلانه رق همان يول قولنده كي يرلرينه كچمش اولورلر . اويله ايسه بوندن آكلاشياوركه ، ايلري قره غوللر قطعات عسكريه نك اجتماعي ستر ايدم جكلر واستكشافه مأمور سواي ايلريدن لازم كلان مسافه يې آلدقدن صكره يواش يواش طويلاننه باشلايه جقلردر . بو واسطه ايله سز ايلري قره - غوللر وظيفه - نك پك بسيط بر يولده بتون قطعات عسكريه بيننده دور ايتمسي تا ميني ايتمش اولورسكلر . دها بيوك جزء تاملر (فرقه لر) اصولاً عين قطعاتي بر قاچ كون متعاقباً پيشدار وظيفه سنده بر اقورلر . بو سايله نظام حربك ايكي ده بر آلت اوست ايدلمش اولمسي منع ايدلمش وپيشدار قطعاتي ده آنجق نلان ويا فلان اقسامك پك فنا حاله يورلمش بولمسي اوزرينه ديكشديرلمش اولور . پيشدارك موجودي اپي قوتلي اولديځي زمان شوديديكمز وجهله حركت ايدياور . چونكه اووقت اك آغير واك يوريځي وظيفه لر بريري متعاقب ويا دائماً عين نفرلره يوكلتمش اولمزلر .

كوچك مفرزه لږه كلنجه اولنر بو درلو حركت ايدم مزلر . بناءً عليه اولنر . امنيت خدماتنه مأمور اولان قطعاتي هر كون ديكشديرلرله . پك اپي ايتمش اولورلر . پيشدارلرك ديكشديرلمسي . مرجحاً صباحلري وتكزار يورويشه باشلانديځي زمانلر اجرا ايدياور . بر كونك يورويشي

متعاقب اگر پیشدارلرک دیکشدرلمسنه قالقیله جق اولورسه ، اوزمان دشمنک حال ووضعتنی طانیش اولان قطعاتی کری به آلمق واونلرک برینه دشمنه دائر خبرلری اولیان قطعاتی کوندرمک ایجاب ایده جکدر . حال بوکه ، شو بیوک برمحذوردر . زیرا ، امنیت خدماتنه یکی تعین ایدلمش اولان قطعات عسکریه دشمنک وضعیتنی واحوال جاریه یی ایودن ایویه اوکره نتیجه قدر آره دن ایجه زمان چکمش اوله جقدر . دیگر جهندنده اکثریا صباح تکرار یوروشه باشلانلدینی زمان ، برکون اولیسی ویرلمش امرلره اساس اولان ملاحظاتک بسبتون خلافتنده برطاقم یکی یکی ملاحظاته کوره حرکت اولنمق لازم کلیور . بناءً علیه اگر وضعیت دیکشمش بولنورسه ، امنیت خدماتنی یکینن چیقاریله جق اولان قطعات عسکریه حواله ایتکده بیوک فائده لر وارددر . دشمن کشف قوللریله تماسده بوللدینی زمان : ایلری قره غوللری پک ارکندن کری چکمش اولمق ایودکدر . چونکه دشمن درحال بزم یوروش یا بمق نیتنده اولدیغمزه دائر برفکره دوشمش ولور . بودفعه ، ایلری قره غوللری برنجی طابور تشکیل ایتمش ولدینی ایچون ، ۲ آغستوس کونی پیشدار وجانبدار خدماتنه مأمور قسام عسکریه یی ده شبهه سز : دیگر طابورلردن بریسی ومثلاً ۲ نجی لمبور تدارک واحضار ایده جکدر .

بوراده سواری وجانبدارک هرایکسی عین وظیفه یی اجرایه أموردرلر . بناءً علیه بونلر نه درجه بربرینه مربوطاً حرکت ایدرلرسه ، بهه سز وظیفه لرینی ده اوقدر کوزل ایضا ایتمش اوله جقلردر . بوراده معلومدرکه ، پیاده سوارینک عادتاً براستنادینی تشکیل ایده جکدر . ننگ ایچون ایکسینی ده برقوماندانک اداره سنه ویرسه کز پک ایو ایتمش

ایلری قره غوللرده بولان طاقلر ، ایرتسی کون ، مفرزه یول قولنه کیرمش اولزدن اول (میچ) استقامتده علی الصباح استکشافه دوام ایدم جکلردر . بناءً علیه طویلانمق ایچون برنجی بلوکه ایجه برزمان لازم اوله جقدر . ۲ نجی بلوک ایسه صاغ جناخده استکشاف خدمتی کورمک اوزره الده حاضر بولنه جقدر . لکن ، ایلری قره غوللرده بولنمش اولان سواری بی اله کچورمک و آنی یوروش ائناسنده امنیت خدمته مأمور ایدم بیلیمک ایچون برکره ، اوکا بر اجتماع نقطه سیله بر اجتماع ساعتی کوسترمک اقتضا ایدر . مثلا ایکی طاقی قولک عزیمتدن یارم ساعت صکره ، (ره طونفه سی) دن (نووازه ویل) ه کیدن یول ایله بیوک یولک برلشدیکی نقطه ده جمع ایتیمک پک اعلا ممکن اوله بیلور . بو نقطه دیدیکمز قسملر ایچون مرکزی بر نقطه اولدیغندن قبوله شایان کوریاور سانورم . اوسایه ده مذکور قسملر ، متظماً امر آله بیله جکلر وایلری قره غوللرده مخبره وکشف خدمته کوندرلمش اولان بعض سواریلرده کندی طاقلرینی بولمقده مشکلاته اوغرامیه . جقلردر . طاقم ضابطلری ایسه کندی نفرلری ایچون دها صباحین بر نقطه اجتماع کوسترمش اوله بیله جکلردرکه ، بوده بر فائده در .

ایلری قره غوللرده کی سواری بی پک ارکندن طویلانمق بیوک بر خطا اولوردی . چونکه سواری آنجق : دیگر قطعات عسکریه طویلانه جنی صرده کندی امنیت واستکشاف خدمتی اک قویو بر صورتده اجرایه مجبوردر .

برنجی طابورک ایلری قره غوللرده بولان اقسامی ، ایلمک اوکجه بیوک یوله ایتمک باقه جقلردر . بوا یسه اولر ایچون آزجوق بر زمانه محتاجدر . مع هذا ، برنجی طابورک یول قولی کیر و سندن یوری به جکی

کوسترلش اولدینی ایچون بوندن بر زیان حاصل اولمز . آرتق یارینکی یورویشکزی یولنه قویدیکز . شمدی ده بونکونکی قوناقلرک تشکیلی خصوصنده بر آز مشغول اولمکز ایجاب ایدر . بر کره دها حاطریکره کتوریورم : بر قوناقلرک منطقه سنک قطعات عسکریه کوره تقسیم حالده دقت ایدیکز که هیچ بر نفر بیله بر خطوه کیری یورویش یایمغه مجبور اولسون . وایرتسی کون یول قولنه کیریله . جکی زمان قطعات عسکریه دن هیچ بریسی کذلک بوش بوشنه اوتیه بری یه طولاشمش بولنسون . برده ، قوناقلره یراشورکن ، نظام حربی اساس طوتیکز . ممکن اولدقجه اونک خارجه چیقما . ییکز . وعین جزء تامک مختلف اقسامی الکزدن کلورسه دائما مجتمع بر صورتده قوناقلره یرلشدیریکز . دشمن نه قدر اوزاق ایسه ، قطعات عسکریه نک قوناقلره یرلشدیرلینده او قدر زیاده راحت آرانیلور . دشمن یقینده ایسه ، تعیه ملاحظاتی اوتیه کی جهتلرک کافه سنه تقدم ایدر . یعنی ایلک اوکجه عسکرک تعیه جه ایویرلشدیرلش اولسنه باقیلور . بویله زمانلرده دشمن اک ایلروده کی محللری اشغال ایدر . سواری عمومیت اوزره کیریلرده ویا اک آز تهلمکجه معروض اولان جناحده قوناقلره یرلشور . طوبجی هیچ بر وقت یالکز باشنه قوناقلره یرلشمه کی کبی ینه اصلا برنجی خطده بولنه مز . دشمنه نه قدر زیاده یقین بولنیلورسه ، قوناقلر او قدر زیاده یناشیق وطوبلی اولورلر . وایله زمانلرده آخور ، انبار وحوالی کبی یرلرک کافه سندن استفاده اولنور .

برنجی طابوردن ایکی بلوک ایله برنجی سواری بلوکندن ایکی طاقم بوراده ایلری قره غول وظیفه سنی کوره جکلردر . بناءً علیه یالکز تعیه

ملاحظه شدن دکل ، خدمت داخله نك حسن جریانی یوزندن بيله
بو ایکی بلوك ايله ایکی طاقك منسوب اولدقلری طابور و بلوكی
اونلردن پك اوزاق بولنه جق وجهله قوناقلره یرلشدیرمه ملیدر .
برنجی طابورك ۳ و ۴ نجی بلوكلری و برنجی سواری بلوكنك دیگر
طاققلری او حالده ایلری قره غوللر جوارنده یعنی (غراس) ده اقامت
ایده جکلردر .

پساده و طوبجی بی مرجحاً یورویش یولی بونجه قوناقلره
یرلشدیرلر . سواری به ایسه ، اك اوزاق اولان قوناقلری ویررلر .
اویله ایسه ۲ نجی بلوك (شوبی) به کیده جك درکه ، اوراده پك کوزل
استراحت ایده بيله جکی کبی ، ایستدکندن اعلا بر صورتده تحت امنیتده
بولنمش اوله جقدر . برده مذکور بلوك اوراده کندی حیوانلری
ایچون بول بول آخورلره مالک اوله جقدر .

یارین ، جانبدار تشکیل ایده جك اولان اوچ بلوكه کلنجه ،
اونلری تعقیب ایده جکلری یول کنارنده قوناقلره یرلشدیریکیز .
واک ایوسی اونلر (نه ریپی) ده قوناقلره یرلشدیرلملیدرلر . عین
طابوره منسوب اولان پیشدار بلوكی ایسه ، دیگر اوچ بلوك جوارنده
یعنی (سنت بارب) کوینك جنوب غربی مخرجه طوغری بولنان
اینك اولرنده اقامت ایده جکلر . اوچنجی طابور و برنجی قدمه لرله
برلکده ایکی بطریقه به کلنجه اونلرده (سنت بارب) ده اقامت ایده .
جکلردر . طوبجی بوراده درجه کافیه ده محفوظ قاله جقدر . و کندی
حیوانلرینی (۳۰۰ دن زیاده) اسکان ایتمدرمک ایچون بر چوق
آخورلر بوله بيله جکلر .

دردنجی طابور ، استحکام بلوكی و سیار خسته خانه طاقی (آوانسی) ده

قاله جقدر . مفرزه قوماندانی ، ویره جکی امرلر بر آن اول قطعاتك هر بریسه کیده بیلک ایچون ، ممکن اولدقجه ، قوناقلرک مرکزنده بر یره اقامت ایدم جکدر . اوندن بشقه ، سواریسنک وایلری قره - غولک کوندره جکی راپورلر ایله بیوک قوماندانلردن کله جک امرلر ، آنی قولای قولای بولش اولمق ایچون مومی الیه ، اصل یول جوا - رنده یعنی (سنت بارب) ده اقامت ایلیم جکدر .

قوناقلر قسیماتی قطعیاً قارارلاشدیرمزدن اول ، هیچ کیمسه بی اونوتاماش اولمادیغکزه دأثر کندیکزی بر تأمین ایدم بیلورسه کز ، یک اینی ایتیش اولمادیغکسکز . آشاغیده کی وجهله ترتیب ایدم جککزر اجمال صورتی او خصوصده کی تحقیقاتکزر ایچون سزه کفایت ایدر صانورم :

- | | |
|------------------------------------|---------------------|
| برنجی وایکنجی بلوک . | ایلری قره غوللرده . |
| ۳ و ۴ نجی بلوک . | (غراس) ده . |
| ۵ نجی بلوک . | (سنت بارب) ده . |
| ۶ . ۷ و ۸ نجی بلوک . | (ئه رپینی) ده . |
| ۳ نجی طابور . | (سنت بارب) ده . |
| ۴ نجی طابور . | (آوانسی) ده . |
| برنجی سواری بلوکنک یاریسی . | ایلری قره غوللرده . |
| برنجی سواری بلوکنک و صوک ایکی طاقی | (غراس ده) ده . |
| ۲ نجی سواری بلوکی . | (شوبی) ده . |
| برنجی وایکنجی بطریه . | (سنت بارب) ده . |
| ۲ استحکام طاقی . | (آوانسی) ده . |
| سیار خسته خانه طاقی . | (آوانسی) ده . |

بیوک آغرلقلر ، قطعات عسکریه به التحاق ایدم جکلردر . ایلری قره غوللرک آغرلقلری ایسه (غراس) ده قاله جقلر ویاخود

يالكز بر قاچ ساعت بلوكلرك ياننده بولنه جقلردر . دشمن هنوز
بزدن پك اوزاق بولنيور . آنك ايجون باصقندن هيچ بر قورقومن
اوله مز .

اگر سز ، بنم يورويش امرمدن فرقلي بر امر قبول ايتمش
ايسه كز ، او وقت شهسز ، انقسام عساكر كزي آز چوق تعديل
ايتمه لزوم كوره جكسكز .

احتمال كه ، سز بكا ، يارينكي يورويش ايجون شمديدن دوشونمكه
حاجت اولديغي سويليه جكمكز . چونكه هنوز اونى دوشونه جك
زمان كله مشدر ، يارينه قدر ، كيم بيلور احوال عموميه ده بلكه
دها بر چوق تعديلات كوريله بيلور . بو ملاحظه لر كرده سزه
بستون حقسزسكز ديه مهم .

في الحقيقه عمليآته ، بر قوناق تشكيل ايدلديكي زمان ايرتسي
كون ياييله جق شيلري بركون اوليسندن كشف ايتك دائما ممكن
دكلدر . لكن بوراده كي وضعيت ، يارين نه ياتمش اوله جفكزي
شمديدن دها آكلامق ايجون سزه پك اعلا مساعد كورينيور .
بناءً بو ملاحظه اهميت ويرمزه كز ، امين اوليكز ، بيوك برخطا
ايتمش اوله جقسكز . دشمن كشف قوللري (مچ) اوزرينه چكلمش
اولدق لريچون ، سز بوندن ، كونك قسم متباقيسنده يارين صباحه
قدر وضعيتك اصلا ديكشميه جكني ويا تعبير آخرله ، دشمن استكشافي
بوندن صكره آرتق پك فعالانه بر يولده دوام ايدمه جكني استدلال
ايدمه بيلورسكز .

قطعات عسكريه نك عزيمت ساعتى ايله اجتماع ساعتى ، مفروضه
صبح ساعت ۸ ده (لاكنه كسي) نك شرفنده بولنمغه مجبوردد ،

سوزيله بك اعلا تعيين ايدلمش ديمكدر . حساباتكزه كيريشمزدن اول ، بركره عزيمتدن مقدم نره ده اجتماع ايدلمش اوله جغنى ييلمه . كز لازم كلور . بتون قطعات عسكريه يي مثلا (سنت بارب) ويا (پوتى ماره) كبي يالكز بر يرده اجتماع ايتدرمك مناسبتسز برشى اولور . زيرا بعض اقسام عسكريه يه ومثلا بوراده جانبداره بوشى بوشنه ايلرى وكرى يورويشلر ياپديرلمش اوله جقدر . حال بوكه ، سز اوندن صوك درجه چكنمكه مجبورسكز . بناءً عليه اقسام عسكريه دن هر بريسى ، ايلرى قره غوللر طرفندن ستر ايدلمش اولديني حالده ، ممكن مرتبه كندى قوناقلرينك ايلريسندن و كندى يولى جوارنده طويلانمش بولنه جقدر . اوچ بلوكدن تشكىل ايدرك (نهرينى) ده بولنان جانبدار ايله (شوپى) و (غراس) دهكى سوارى (غراس) ك شرق مخرجنده طويلانه جقدردر . اونلرك بو اجتماعى غرب جهتدن ، باغچه لر و كويك اولريله ستر ايدلمش بولنه . جقدر . برنجى سوارى بلوكنك ايلرى قره غوللرده بولنان ايكي طاقى ، كنديلرى ايچون تعيين ايديلان اجتماع نقطه سنده لازم كلان تعليماتى آله جقدردر .

پيشدار (غراس) دهكى سواريلر ايله ، (سنت بارب) دهكى بر بلوك طرفندن تشكىل ايديله جك و (پوتى ماره) نك همان شرقده اجتماع ايتمش بولنه جقدر .

قسم كللى بر سوارى طاقندن ، (غراس) دهكى ايكي بلوكدن ، (سنت بارب) دهكى طابور ايله ايكي بطريه دن ، (آوانسى) قطعات عسكريه سندن و ايلرى قره غوللردن تشكىل ايديله جقدر . بوكيروده كيلر اجتماعه داخل اوليه جقدردر . بالعكس ، اونلر طوغريجه يوله ايسنه جكلر

و (ره طوفه‌ی) حذا سنده قول نهايته کیره جکلردر . قسم کلینک
قسم متباقيسی ، بيوك يول اوزرنده (شوبی) يه کیدن يولك آيرلدينی
نقطه ده و تخمیناً (سنت بارب) ك (۵۰۰) متره جنوب سنده اجتماع
ایده جکلدر .

بواجتماع نقطه‌سی ؛ غرب جهتدن برسیوری تپه ایله (غراس)
کوبی طرفندن درجه کافیه ده ستر ایدلمش بولنیور .

بيوك آغرقلر ، بيوك يول اوزرنده (شوبی) يه کیدن يولك
آيرلدينی نقطه نك شمال سده طویلانه جقلر و بربری آردنجه يول قولنه
کیره جکلردر . ایلری قره غوللرک آغرقلرینه کلنجه اونلر تکرار کیری یه
کلیه جکلر ، بالعکس یوله یا قلا شرق الك صکره یعنی قول نهایینی تعقیباً
یوری جکلردر . عزیمت ساعتی حساب ایتمک ایچون بودفعه ده ینسه
پیاده اوچندن ایشه باشلایکیز . مذکور اوج ، (پوتی ماره) ایله
(لاکنه کسی) نك شرق کناری آره سنده کی مسافه یی (۹ کیلومتره)
قطع ایتمک ایچون ۱۰۸ دقیقه صرف ایده جکلدر . لکن تعیین ایدیلان ساعتده
مفرزه نك کاملاً مواصلت ایتمش اولسی لازم اولدینی ایچون بو ۱۰۸
دقیقه یه ، جانبدار مستثنا طوتلمق اوزره یوروش قولنك درینلکنه
مقابل اولان زمانی ده علاوه ایتمه کز اقتضا ایدر . یوروش قولنك
درینلکی ایسه شوندن عبارتدر :

۴۰۰	اوج دن کری به اولان مسافه
۱۵۰۰	باش طرفده کی طاقک کری به اولان مسافه سی (بوخذف
۷۰۰	ایدیله ییلور .)
۱۰۰	پیشدار بلوکنک کری به اولان مسافه سی
	پیشدار بلوکی

۳۵	قسم کلیده کی سواری طاقی
۱۲۰۰	۳ طایور
۶۳۰	ایکنجی قدمه لرله برلکده ، بطریه
۷۰	۲ استحکام طاقی
۱۱۰	برسیار خسته خانه طاقی
۳۶۴۵	یورویش قولنک درینلکی
عدد صحیح اولوق اوزره (۴) کیلومتره که ۴۸ دقیقه لوق برزمانه	
معادل دیمکدر .	

شمدی بو ۴۸ دقیقه بر آاز اول بولدیغمز ۱۰۸ دقیقه یی ده علاوه ایدر ایسه ک ، ایکیسی برلکده ۱۵۶ دقیقه یعنی عدد صحیح اولوق اوزره ۲ ساعت ۴۰ دقیقه ایدر .

اوله ایسه ، پیاده اوجی (بوتی ماره) دن ساعت ۸ دن ۲ سا - عت ۴۰ دقیقه اول یعنی صباح ساعت (۵) ی ۲۰ کچه حرکت ایتمش اوله جقدر .

جانبدارک عزیمت ساعتی ایسه پیشدار یورویش حالته کیردیکی زمان ، جانبدار همان آنک ایله برخذاده بولنه بیله جک وجهله تعیین ایدلش بولنه جقدر .

تعقیب ایده جکی یولنک اکریلی ، بوکریلی اولمسندن طولایي جانبدار بر پارچه ده اول یورویشه باشلامش اولمیدر . بناءً علیه جانبدار ساعت (۵) ده (غراس) دن حرکت ایلجه جقدر . جانبدا - رک ، اصل قوله نسبةً ده اوزون بر یول تعقیب ایتمه مجبور اوله جفتی دوشونه رک نافله یره کندیکیزی یورمیگز . چونکه اوقدر جق بر فضله نک نه تأثیری اوله بیلور ؟

قسم کلی ، پیاده اوجینک ۱۰۶۰۰ متره کیروسندن یوری به جقدر .

حال بوکه ، قسم کلینک اجتماع نقطه سندن پیاده اوجنه قدر اولان مسافه سی شمذیلک ۱۱۰۰ متره در . بناءً علیه حرکت ایدمه بیلیمک ایچون قسم کلی ، اوجک ۵۰۰ متره قدر یوریمسنی بکلیه جک یعنی ۶ دقیقه یرنده قاله جقدر . اولیه ایسه قسم کلی ساعت (۵) ی ۲۶ دقیقه کچه عزیمت ایتمش اوله جقدر .

بوراده بیوک آغزلقلر ممکن اولدینی قدر قسم کلی اوزرینه صیقیشمش اوله جقدرکه ، یول قولنک تکمیل اوزونلنی برحداصغری یه واصل اوله بیلسون ، واو سایه ده ، تکمیل قول ، دشمن اوکندن دها چابوق کچمش اوله بیلسون . بو بیوک آغزلقلرک ، (شوبی) و (غلاتینی) دن کچهرک دشمنک عکسی جهته ده بولنان عرضانی یول بویجه سوق ایدلمش اولملری فکرنی بن هیچ مناسب کورمیورم . ذاتاً اونک ایو بر حالده اولوب اولمدینی تماماً بللی دکلددر . بناءً علیه اوکبی بر یولده غایت آغیر اولان عربهلری سوق ایتک طبیعی اینی برشی اوله مز . کرچه آغزلقلرک اورادن کوندریله مه مسی شایان تأسف برحالدز . لکن ، شرق جهته طوغری کیدن بر خیلی عرضانی یوللر اولدینی ایچون ایلریده شاید بردن بره دشمنه راست کلنه جک ایسه آغزلق عربهلرینی اونلردن بریسی واسطه سیله سوق ایتک پک اوقدر کوچ بر ایش اولیه جقدر .

بیوک آغزلقلری بوراده بر دمدارک حمایه سنه ویرمک لزومسز . در . اکر آغزلقلر بعض دشمن سواریلرینک هجومه اوغرایه جق اولورلرله ، اونلرله برلکده بولنان سقط افراد ایله حین حاجتده قول نهایتده کی طابورک کریده یوریان اقسامی آنلری درجه کافیه ده حمایه ایتمش اوله بیله جکلردر .

قسم كلينك درينلکي ۳۱۰۴۵ متره يعنى عدد صحيح اولق اوزره
۲۱ كيلو متره دن عبارتدرکه بومسافه زمانجه ۲۷ دقيقه يه معادلدر .
بوندن آکلاشيلورکه ، بيوک آغرقلر قسم کلی يورويشه باشلادقدن
آنجه ۲۷ دقيقه صکره عزيمت ايدم جکلر در .

مختلف عزيمت ساعتري بروجه آتی بيان اولنور :

پيشدار .	(۵) ی ۲۰ کچه
قسم کلی .	(۵) ی ۲۶ (عدد صحيح اولق شرطيله ۲۵ کچه)
جانیذار .	(۵) ده .
بيوک آغرقلر .	(۵) ی ۵۳ کچه .

قطعات عسکريه نك هپسني عين ساعتده وعين اجتماع نقطه سندم
طوبلامش اولسيدیکز ، بونك نه قدر مناسبتسز اوله جغني پك اعلا
کوربورسکز . شوخصوصده عسکري ، يالکز کیری يورويشله
يايمق دکل نافله يره بکلمک ويورلمقدن ده صاقتمق لازم کلور . اکر
بويله ياللميه جق اولورسه ، افراد ، کنديلريني بوشنه بکلمکده ويانافله
يورويشله سوق ايتکده اولان مافوقلرينه قارشو يورکلرندن اولسون
سويلنمکه باشلارلر . برمفرزه برچوق محللرده قوناقلره يرلشمش
بولنديني زمان ، سز دائما مختلف اجتماع نقطه لريله مختلف اجتماع
ساعتلري کوسترمکه آليشکز . وحساباتکزي ايوجه يوريتمش اولمق
ايچون مختلف اقسام عسکريه نك درينلکلريني ويورويشده کي سرتلريني
نظر دقه آليکز .

شه سزدرکه ، مفرزه قومانداني ۲ آغستوس ۱۸۸۹ تاريخي
ايچون آله جغني ترتيباتي ، (سته بارب) ده ايجه کچ وقت اخذ
ايتمش بولنه جقدر . بونك سببي ايسه آب آشکاره برشيدر . زيرا ،

مفرزه قوماندانی آقشامه قدر کندی سواریسندن دشمنه دائر دها بعض حوادثلر آلمق امیدنده در . اگر سز بنم فکریمه اشتراك ایدرسه کز ، اجتماع امریکزی قطعات عسکریه یرلشدرلش اولوزدن اول ویزه بیلورسکز . او حالده قطعات عسکریه یه یالککز بر امر ویرلش اوله جق دیمکدر .

واقعا مسئله کز بر ویا ایکی امر ویرمکده سزی ایستدیککز کی سربست بر اقصا شد . اگر ایکی امر ویرمش اولسیدیکز ، ایکنجیسی ده بویله یازلش اوله جقدی :

(سهنت بارب)

۱ - ۸ - ۸۹ - ۱۰ کیجه

نومرو - ۱

مفرزه امری

۱ — آتیده کی قطعات اجتماع ایدرک یورویشه حاضر بر حالده بولنه جقلردر :
(پشدار) صباح ساعت (۵) ی (۲۰)
کچه (پوتی ماره) نك همان شرقتده ؛
(قسم کلی) صباح ساعت (۵) ی
۲۵ کچه ، (قولینی) یولی اوزرنده
(شوبی) یه کیدن یولک آرلدینی نقطه ده
(سهنت بارب) ک (۵۰۰) متره جنوبنده ؛
(صاغ یان جانبدری) ساعت (۵) ده
(و) غراس) ک شرق مخرچنده ؛

(بیوک آغراقلر) ۷ نجی هوسار
آلایک برنجی بلوکندن برضا بط و برقاچ
سواری حمایه سنده بولنق اوزره صباح
ساعت (۵) ی (۵۵) کچه (قولینی) یولی
اوزرنده باش طرفلری (شوبی) یه کیدن

اتقسام عساکر

۱ — پشدار : یوزباشی ب . .
۴۰ نجی پیاده آلایک ۵ نجی
بلوک (یاخود ۴۰ نجی پیاده آلا-
نك ۲ نجی طابورینک بر بلوک) .
۷ نجی هوسار آلایک برنجی
بلوکندن برکوچک ضابط و ۱۲
سواری .

۲ — قسم کللی (و یورویش
نظامی) :

۷ نجی هوسار آلایک برنجی
بلوکندن بر طاقم (برکوچک ضا-
بط ابله ۱۲ سواری اکسیک) .
۴۰ نجی پیاده آلایک ۳ نجی
طابوری .

يولك شمانده . ايلرى قره غوللارك بىوك
آغرقلرى يول كنارنده اوتەكى آغر -
لقلىرى بىكەرك اك صكره اونلرده قول
نهایتى تعقیباً يورى يەجكلردر .

۲ — (ايلرى قره غول پياده لرى)
پياده اوجى اونلرك خذا سندن كچدىكى
كېى درحال (سەنت بارب) - (قولىنى)
يولنە اينەجكلردر . ايلرى قره غول
سواریسى ایسە صباح ساعت (۵)
بىقده (ره طونقه ی) - (نووازه ويل)
يولنك (پوتى ماره) - (مچ) بىوك
يوليله برلشدىكى نقطه ده اجتماع ايده جك
وشو صره ده دشمن ايله اولان تماسنى
غائب ايجیه جكلدر .

۳ — طاپور بىكباشلىرى ، طوپچى
قوماندانى ، سواری بولكلرى ، استحکام
بولوكى ، سيار خسته خانه سى طاقى ،
پيشدار ويىوك آغرلق قوماندانلرى
امر آلىق ايجون ، صباح ساعت (۴) ی
(۴۵) كچه (غراس) كوينك شمال
شرقيسنده كى تپه ده اجتماع ايتمش اوله -
ميرالای
جقلردر .
. . .

۸ نجى صحرا طوپچى آلاينك
برنجى طاپورى (۳ نجى بطريه
اكسيك) .

۴ نجى پياده آلاينك ۴ نجى
وبرنجى طاپورلى .

۸ نجى استحکام طاپورينك ۲ نجى
بلوكى (برطاقم اكسيك) .
برسيار خسته خانه طاقى .

۳ — صاغ يان جانبدارى :
بيكباشى ق . .

۴ نجى پياده آلاينك ۲ نجى
طاپورى (۵ نجى بلوك ويا بر بلوك
اكسيك) .

۷ نجى هوسار آلاينك برنجى
(برطاقم اكسيك) واىكنجى
بولكلرى .

قطعات عسكريه دن امر آلىق
ايجون كوندربانلره يازد يرلر .

(غراس) ك شرق شمالينده كى تپه
۲ — ۸ — ۸۹ — ۴۵۵ كوندوز

نومرو — ۲

مفرزه اصرى

۱ — (دشمن) ، (بورنى) دداردوكام
حالنده بولنيور . كشف قولارى ايسه دون
اوكله دن صكره (مچ) ه طوغرى
چكله شلردر .

۲ — (مفرزه) ، (صوريه) ي
دن كله چك اولان ۱۶ نجى ئرقه ايله
بوكون ساعت (۸) ده (لاكنه كسى)
موقعنده برلشكه مجبوردر .

۳ — (پيشدار) كوندوزين ساعت
(۵) ي (۲۰) كچه حركت ايده چك
و (قوليني) ، (ويله رس لاكنه)
دن كچن بيوك يول بويجه (لاكنه كسى)
اوزرينه كيده چكدر . اثنای حركته
پيشدار ، ۱۶ نجى پياده فرقه سيله ارتباط
حاصل ايده چكدر .

۴ — (قسم كلى) كوندوزين ساعت
(۵) ي (۲۵) كچه و (۷۰۰) متره
مسافه دن تعقيب ايده چكدر .

۵ — (صاغ يان جانبدارى)
(ره طونفه ي) ، (فلانويل) و (اوژى)
دن كچه رايك درحال (لاكنه كسى)
اوزرينه ايلروليه چك (ولووالى ير)
(لابلانشت) ، (قولومبه) ي . (آرس
لاكنه كسى) چيترلر دن (مچ) استقامتى
كشف ايله چكدر .

۶ — (بيوك آغراقار) ، قسم کلی
اوزرينه صيقيشه جقلردر .

۷ — بن قسم کلينک باشنده بولنه .
جنم باراپورلر اورايه کوندرلليدرلر .

ميرآلای

... ب

جزء تام قوماندانلرينه آغزندن
سويلندشدر .

اگر سز ، يالکيز بر امراله اکتفا ايتمک ايستيورسه کز او زمان
امرکزي شو يولده ترتيب ايدرسکيز .

(سهنت بارب)

۱ - ۸ - ۸۹ - ۱۰ کيجه

نومرو — ۳

مفرزه امری

۱ — ايکي نومرولی امرده کی کبی ،
يالکيز « دون اوکلدن صکره ديمک
لازمدر .

۲ — (مفروزه) يارين صباح سا -
عت (۸) ده والی آخره . .

۳ — (پيشدار) ساعت (۵) ی
(۲۰) کچه يوزويشه حاضر بولنه جق
وجهله يارين صباح (پوتی ماره) نک
هان شرقنده اجتماع ايتش اوله جتمدر .
والی آخره .

۴ — (قسم کلی) يارين صباح
ساعت (۵) ی (۲۵) کچه (قوليني)
بيوك يولی اوزرنده (شوبی) يه کيدن
يولک آيرلدينی نقطه ده و (سهنت بارب) ک
۵۰۰ متره قدر جنوبنده حاضر بولنه جق
۷۰۰ متره دن پيشداري تعقيب ايليه جکدر .

(۱۰)

۵ — (صاغ يان جانبداری) يارين
 ساعت (۵) ده (غراس) ك شرق مخرجنده
 اجتماع ايده جك و ..
 ۶ — (ايلرى قره غوللر) پياده سى
 برنومرولى امرده كى كې ..
 ۷ — (بيوك آغر قلر) ومحافظى
 يارين ساعت (۵) ى (۵۵) كچه باش
 طرفلى (شوي) دن غربه كيدن يولك
 شمالنده بولنه جق وجهله (قوليني) يولى
 اوزرنده اجتماع ايده جكلدر .

و ..
 ۸ — بن قسم كلينك باش طرفنده ..
 مير آلاى
 ب ..

قطعات عسكريه دن امر آلىق
 ايچون كوندرلش اولان ضابطلره
 يازديرلشدر .

شو امرلر اوزرينه اوفاجق بر ملاحظه يايمنه مجبورز . (۳) نومرولى
 امرده اولديني كې ، اجتماع امرنده ده قطعات عسكريه فلان ويا فلان
 ساعتده حر كته حاضر اوله جكلدر ، سوزينه تصادف ايدورز .
 بوساعت ، قطعات عسكريه نك اجتماع نقطه لر ينه كللرينى كوسترن
 ساعت دكل ، بالعكس ، اوفاجق بر موله دن صكره اونلرك يورويش
 يايمنه باشلايه جقلرى ساعتدر . بر جوق قوناق محللرندن حر كت ايدرك
 وقوعه كله جك هر اجتماع ايچون يالكز قطعات عسكريه نك يورويش
 يايمنه باشلايه جقلرى ساعتى كوسترمك نجه دها ايدور . اويله اولنجه ،
 قطعات عسكريه دن هر برىسى ، يورويشه كيرمزدن اول ، اجتماع
 نقطه لر نده بر آز استراحت ايتمش اولق ايچون ، قوناقلرندن اوكا كوره
 چيقمش بولنه جكلدر . بو استراحت زمانى ، شه سز ، اجتماعدن اول ،
 قطع ايديله جك اولان مسافه نك امتدادينه تابع اوله جقدر . شو نقطه

نظردن مادون قوماندانلرینی دائماً سربست براقیکز، اولئر ایستدکلری زمان قوناقلرندن چیقسونلر ، اولیه ده ائی اولور .

یول قولئی تشکیل ایدن قدمه لردن هر بریسنک صوک قسملری ، اجتماع نقطه سندن ، دائماً بوقدمه ایچون تعیین ایدلمش اولان ساعتدن برقاج دقیقه صکره حرکت ایده جکلردر . بوجهله (آوانسی) دن حرکت ایدرک (۵) ی (۲۵) کجه اجتماع محله کلش اولان ۴ نجی طابور یورویشه داخل اولزدن اول ، ۹ دقیقه قدر (۳۵ + ۴۰۰ + ۳۸۰) بکلمکه لزوم کوره جکدر .

نیم برنجی مکتوب ، برکون اولیسندن ده ، انقسام عساکرک نه وجهله ترتیب ایدلمش اولدیغنی کوسترر . بوایه پک ایو برشیدر . چونکه هر قسم اجتماع محله تام وقتنده کله بیلمک ایچون ، البت کندیسنک یورویش قولنده هانکی قدمه یه منسوب اولدیغنی اوکرنمک ایستر .

بیوک آغر لقلره ویریلان محافظ عسکرینک قوماندانی ده برکون اولیسندن کوسترلمشدر . چونکه مومی الیه ایرتسی صباح ویریه جک امری آلمق ایچون امرک توزیع محانه کیتمه مجبوردر .

ایلری قره غوللر قوماندانی ده کذلک ، کندی ایکی بلوکنی تام زماننده یوله ایندیرمش بولمق ایچون بعض ترتیبات آلمغه مجبوردر . زیرا ، بوخصوصده لازم کلان امرلر ، ایرتسی کون زیرلمش اولسیدی ایکی بلوکن هانکیسی یوله اینتجه یه قدر دها زیاده یول آلمغه مجبور ایسه ، شبهه سز : او ، اپی کچیکمش بولنوردی .

حرکت امری ویرمک ایچون ، قطعات عسکریه قوماندانلرینی (غراس) ک شرق شمالیسنده کی تپه یه طویلادلسه . بوراسی پک ایی

بریردر . چونکه منظره سی پک آجیق اولدینی ایچون امرک بعض نقطه لرینی ایجه آکلامیانلر وارسه اونلره افق داخلنده بعض یرلر کوستریله رک لازم کلان ایضاحات ویرلمش اوله بیلور . برامر نه قدر آجیق یازیلورسه یازلسون ، ینه ایچنده ایضاح ایدیله جک بعض نقطه لر بولنور . آکلایمدقلری برشیی مافوقه صورمق خصوصنده ، وقت حضرده ، مادون ضابطلری اکثریا مشکلاته اوغرایورلر . بونکده اصل سبی ، مادون ضابطلرک کندی لرینی مافوق نظرند ، ذکاوت و درایجه دون ر مرتبه ده کوسترتمش اولمقدن ثانیاً مافوقلرینی اینی افاده مرام ایدمه مک کبی بر فکره دوشورمش بولنمقدن چکنملریدر . اشته مادونی ، مافوقدن برشی اوکرتمک خصوصنده چکندیرن بوکبی قورونتیلردر . لکن ، وقت سفرده هیچ بر زمان اوپله دکل ، بالعکس اوراده هر مادون آکلایمدیغنی اوکرتمک وهر مافوقده اوکرتمک مجبوردر . اوت - سفرده ، کندی وظیفه سنی ایوجه آکلایمیان بر مادون ، آنی آکلایمق خصوصنده مافوقه مراجعت ایتمدیکی حالده . طبقی ، ایلك افاده ده کندی مرانی لایقی وجهله مادونلرینه آکلایمه مامش اولدیغنی آکلایوبده ، اونلره حقیقت ، مسئله یی تکرار ایتمکدن چکیان بر مافوق کبی بیوک بر خطا ارتکاب ایتمش اولور . عزیمت ایتمزدن اول - مادون قوماندانلرینی بریره طویلایمقدن حاصل اوله جق باشلیجه فائده اونلر ایله باش قوماندان آره سنده مقصده و آنک اصول تعقیب واجراسنه دائر بر فکر قطعی پیدا ایلمکدر .

اجتماع امرینک ۳ نومرولی ماده سنده . سز ، یکن مسئله ده کی حله مغایر برشی کوریورسکنز . یعنی بوراده : بتون آتلی ضابطلرک

امر آلمق ایچون برلشملری سویانیوردی ، شمدی ایسه ، بز یالکنز جزء تام قوماندانلردن بحث ایدیورز . بر مفرزه ده شو نقطه نظردن هر نصل ایستیلورسه اویله یاییلور ، مع هذا ، کچن مسئله نك حلنده کوستریلان اصول ، دها قابل اجرا ، و بناءً علیه دها اویغوندر . لکن ، بزم شمدیلک تعقیب ایلدیکمز مفرزه لردن بیوک اولان قطعات عسکریه ده آتلی ضابطلرک هپسنی بر نقطه اطرافنه طویلامق هر زمان ممکن اوله میه جقدر .

امرک یازدی رلمسی بر آرز ارکنجه اولمیدر . چونکه جانبدار ارکندن حرکت ایتکه مجبوردر . بو خصوص ، قطعات عسکریه نك قوناقلردن چیقمش اوله جقلری ساعته هیچ بر تأثیر فلان کوسترمز . یالکنز ، جزء تام قوماندانلرینک اونلردن بر آرز اول حرکت ایتلمی لازمدر ، ایشه اوله جفی بوندن عبارتدر . (آوانسی) ده کی قطعات عسکریه ایله سائر بعض قطعه لرک ده (۵) دن اول کندی قوناقلرینی ترک ایلمش اولدقلرینی کورمکه جانکنز صیقلمسون . ساعت (۸) ده (لاکنه کسی) ده بولنق ایستندلکجه بوندن احتراز ایتک ممکن اوله مز .

بوراده ، آرز چوق اوزون سورن موله لردن بحث ایتیمورم . دشمن یاننده موله لر ، ممکن اولدقجه ، آرز وقیصه اولورلر . چونکه اورالرده اک چوق تعیه ملاحظاتی حکم فرما اولور .

امرک ۴ نجی ماده سنده ، بن مخصوص ، قسم کلینک ۷۰۰ متره . دن تعقیب ایللمسی لزومی اوزرینه اصرار ایدیورم . زیرا ، امرده اگر یالکنز ، « قسم کلی صباح ساعت (۵) ی (۲۵) کچه پیشداری تعقیب ایله جک دینامش اولسیدی ، پیشدار ایله قسم کلی بیننده

براقلمسی ایجاب ایدن مسافه نك نه قدر اوله جنی حقیله بللی اوله -
مزدی . زیرا هر قدمه نك عزیمت ساعتی ، بر صحت ریاضیه ایله
حساب ایدلدیکچون بو خصوص قسم کلی ایله پیشدار آرمسده
محافظ ایدیله جك اولان مسافه یی کوسترمکه کفایت ایده مزدی .

برده (شوی) دن بیوک جاده یه ایکی یولک کیتمکده اولدیغه
دقت ایدیکز . بونلری یکدیگرینه قاریشدرمق پک اعلا ممکن اولدیغی
ایچون اك ایوسی هانکیسی اولدیغی اولدن دها اوجو آکلامق وتعیین
ایتمک لازمدر . سوزیمی آرتق بیتورمش اولمق ایچون ، سزه اولجه
یایدیغمز مسئله لری برر کره دها اوقومکزی توصیه ایدرم . برنجی
مسئله ده عادی بر ایلری یورویشدن بحث اولنیوردی که بو یورویش
اثناسنده یانلر اوزرنده قورقیله جق یالکز دشمن سواریمی واردی .
بونک اوزرینه بن ، یالکز تهله کی اولان اراضیه طوغری سوا -
ریمک نظر دقتی جلب ایدرک ، جانبدار فلان آیرمقدن واز کچمش
ایدم . ایکنجی مسئله ده ایسه ، یانلردن بریسی اوزرینه دشمن پیا -
ده سنک ککسندن قورقیلیوردی . لکن دشمن پیاده سی ایجه اوزاق
اولدیغی ایچون ، مفرزه اولجه انتخاب ایدلش اولان بر موضعی
طوتجه یه قدر لازم کلان زمانی قازانمق خصوصنده یه یالکز سوار یی
قوللانمق کفایت ایلمشدی .

بناءً علیه بوراده ده خصوصی بر جانبدار یوقدر برده ، مفرزه نك
تعقیب ایلدیکی یول ایله بر جانبدارک تعقیب ایتمش اوله جنی یول
آرمسده کی اراضی اویله بر ترتیباتک اخذ ایدلش اولسنه غیر مساعدر .
اوجنجی مسئله ده ، کدکک بریان یورویشدن بحث ایدیلیور . لکن
دشمن بودفعه اوقدر یقین بولنیورکه ، آنکله مصادمه ایتمک پک

مأمولدر . بوراده ذاتاً بر جانبدارك سوقه مساعد بر يول وار ؛
 اوندن بشقه ، بويول ايله ، مفرزه نك تعقيب ايلمش اولدينى يول
 يينده كي اراضى ، يك آچيقدر . بوشرطلره نظراً ، بر جانبدارك
 كوندلمسنى يالكز قبول ايتك دكل ، بالعكس اويله بر ترتيباتك وجودى
 قطعياً الزم بيله كورينور . چونكه ، خصمك بر هجومه قارشومقاومت
 ايدم بيلمك ايجون لازم كلان ترتيباتى آلنجيه قدر قسم كلي يه آنجق
 اوسايه ده زمان قازانديرلمش اوله بيلور . كله جك مسئله ده دشمن
 كذلك سزك يانلر كزدن بر يسنده بولنه جقدر . لكن ، وضعت هيج بر
 زمان اوچنچى مسئله ده كي وضعتك عني اوليه جقدر .

دردنجى مسئله

(عمومى خريطه ايله « مچ » و « ورنى » يافته لرى .)

ميرآلاى ب . . طرفندن قوماندا ايديله رك دشمن مملكتنده بولنان بر
 مفرزه [۹۸ نجى پياده آلايى ، ۸ نجى آوجى طاבורى ، ۹ نجى دراغون
 آلاينك برنجى و ايكنجى بلوكلى ، ۳۱ نجى سيارطوپچى آلاينك برنجى طا-
 بورى (۳ نجى بطريه اكسيك) ، ۱۶ نجى استحكام طابورينك برنجى بلوكى .
 و برسيار خسته خانه طاقي [۳ حزينان ۸۹ تاريخنده (كوللر) دن (عمومى
 خريطه ده) حركتله ۳۰ نجى پياده فرقه سنك بعض اقسامى طرفندن طوتلمش
 اولان (مچ) شهرينه طوغرى ، و ممكن مرته آز تلفات ايله ديديكمز فرقيه
 التحاق ايتك اوزره ، يالكز بر قولده يورويش اجرا ايتكده در . مفرزه نك
 سوايى ، (مچ) دن (ساربرون) اوزرينه كيدن شمندو فرك جنوب
 غربى استقامتمنده ايجه اوزاقلره سورلمش بولنيور . (مچ) دن ميرآلاى
 ب . . يه كلان خبرلره نظراً بر دشمن فرقه سنك (نيت فرانسه ز) ك غرب
 جهتندن (مچ) اوزرينه ايلرولمكده بولندينى و امدادلر كلنجيه قدر ۳۰ نجى
 فرقه نك حال تدافيده قالمش اوله جنى ، برده (پلاتيير) ايله (كولو)
 واروشلرينك مذكور فرقه طرفندن ضعيف بر صورتده طوتلمش اولدينى
 آكلاشيلور .

صبح ساعت ۹ صولرنده ، پیاده اوجی (محبت) بیره خانه سنك تخمیناً ۵۰۰ متره قدر جنوب غریبسنده بولندیی زمان ، بونقطه یه گلش اولان ، میرآلای ب .. کندی ضابط کشف قوللرینك بریسندن آشاغیده کی راپوری آلور :

(اوینی) نك شرقنده کی تپه

۳ — ۶ — ۸۹ — ۳۵ — ۸ کوندوز

هرنوع صنفدن ترکیب ایدن بردشمن قوی (قورسهل - سورنییت) دن (آرس لاکنه کسی) اوزرینه یوریور . دشمن پشدارینك پیاده سی ، ه دقیقه صکره (شامبه ردین) ه کله جکدر . (آرس لاکنه کسی) مزارلنی جوارنده بر دشمن سواری بلوکنك توقف ایتك اوزره اولدیغنی کورددم . بوبلوك (قولومبه ی) جهننه بعض کشف قولاری کوندردی . اهاالیدن بریسنك سویلدیکنه باقیلورسه ؛ پیاده آلای ایله بریطریه دن عبا رت بر دشمن قوتنك (صوره ی) ك جنوب غریبسنده کیجه یی اردوگاهده کچورمش اولدقلری آکلاشیلور . بن دشمنی کشف وترصده دوام ایتك اوزره بولندیغ موضعده قالیورم .

یایله جق وظیفه لر

۳ — حزیران ۸۹ تاریخنده یایله جق یوروش ایجون مفرزه نك انقسام عساکری .

۲ — میرآلای ب . . نك ترتیبانی .

۳ — باب موجه نك ذکر و بیانی .

بشنجی مکتوب

بر قولك تبدیل استقامتی

۴ نجی مسئلہ ہی ، آ ز چوق ایکنجیسنہ بکرتک ایستدم . اونلری بر بریلہ مقایسہ ایدرسہ کز ، آرمہ لرنده کی فرقی پک آعلا کورورسکز . برده ، مسئلہ نک حائده سزه یاردم ایدہ جک اولان افکار وملاحظاتی سز برنجی مکتوبمده بولورسکز .

ایلک اوکجه (مچ) اوزرینہ کیدن بللی باشلی یوللری مطالعہ ایدیکز ، صکرده دشمن طرفہ کیدن یوللری بر ، بر کوزدن کچوریکز . اگر مفرزه شمیدیکی استقامتی تعقیده دوام ایدرسہ ، (محبت) پیرہ خانہ سندن (واللی بر) درہ سنک درین مجراسنہ اینہ جک ، بعمده (بہل قرووا) یقوشلرینی چیقہ جتدر . بیلورم ، شو (بہل قرووا) نقطہ سی بردن برہ ، سزک نظر دقتکزی جلب ایتمدر . چونکہ او بر دفعہ غایت آچیق و بیوک بر منظرہ یہ مالکدر .

ثانیاً ، (بورنی) - (قولومبہی) یولنک دیگر طرفندہ وجنوبدہ واقع اولان اراضی یی (بورنی) نک جنوب شرقیسنده کی اورمانہ قدر کورمش اولمکزه مساعددر .

جنوب شرقیدہ ، اراضی ، (آلدہ مور) ک اوتہ لرینہ قدر کوریلیور . حال بوکہ ، (قولومبہی) ایلہ ، (واللی بر) درہ سنک ، (قولومبہی) دن (لوواللی بر) قدر اولان مجرا قسمی کوریلیور . (بہل قرووا) نک غربندہ ، یولک (بورده) قدر اولان قسمی ، جنوب جہتدن ، ۲۱۹ و ۲۱۴ راقملری بونجہ اوزایوب کیدن صرتلردن طولای قبالی بولنیور یعنی کوزوکیور . (بہل قرووا)

يولنك جنوبندن (مچ) هكيدن اوتتهكى يوللرك ايسه ، مفرزه ايجون
 پك او قدر بر اهميتلى يوقدر . چونكه دشمنى كندى اوزر يمزه
 جلب ايتك واوكا تصادف ايدمك وجهله يوروش يايى ايجون
 بر مجبوريت حس ايتيورز . حال بوكه ، شالده بولنان يوللر دها
 زياده اهميتى حازدرلر . چونكه اونلر پك چوق تلفات ويردرمكسز
 (مچ) . مواصلت ايتك ايجون پك مساعدرلر . اونلر ده آشاغيدم
 برر ، برر ذكر ايدلورلر :

۱ — (نوازه ويل) ، (نوي يى) و (واللى بر) دن كچر .
 بو پك ابو بر يولدر . و (نوازه ويل) دن چيقدقن براز صكره ،
 (واللى بر) هكلنجه يه قدر نهرك شمال ساحلى بويجه ايلرولر ، اورادن
 اعتباراً ايسه ، جنوب ساحله كچمش بولنور . جنوبدن كلان بر
 دشمن ، آنى آنجق نهر بويجه كيدن وادينك جنوب سيللرينه كلدكي زمان
 آنجق كوره بيلمش اوله جقدر ؛

۲ — (غراس) . (سرويني — لوسنت بارب) دن كچن يول
 ايله (بوزونويل) دن (مچ) هكيدن طريق در . بوراده يالكتر ؛ (غراس)
 ايله (سرويني — لوسنت بارب) آره سنده آتلا نيله جق كوچ بر
 نقطه واردر ؛

۳ — (سنت بارب) ، (اوبه رز) و (ورده مى) دن كچن (بوتى
 ماره) بيوك يولدر . بعده (بوزونويل) كلور سه ده بو عموميت اوزره
 پك طولاشيق بر يولدر .

دشمن بر كره ، (بهل قرووا) تپه لرى اوزر ينه ويا (محبث)
 بيرم خانه سنه واصل اولنجه تا اوزاقدن (بوزونويل) يولى استقامتده
 ايلروليه جك اولان بر قولى پك اعلا كوره بيله جكدر .

دشمن طرفه کیدن ویا مذکور دشمنی بزم مفرزه مز علیه
کتوره جک اولان یوللره کلنجه اولرده بروجه آتی سویلیه جکمز
یوللردن عبارتدرلر :

- ۱ — (قولینی) دن کچن بیوک یول ؛
- ۲ — (ره طونفه ی) و (اوژی) دن کچن یول ؛
- ۳ — (قووانسی) و (مونطوی) دن کچن (آرس لاکنه کسی)
یولی ؛

- ۴ — (قولومبه ی) دن کچن ، بعده (آله مور) دن (بهل قرووا)
اوزرینه کیدن یول ؛
- ۵ — (آرس لاکنه کسی) و (غرانش اوبووا) دن کچه رک
(بهل قرووا) به کیدن یول ؛

- ۶ — (آرس لاکنه کسی) ، (قریژی) (بورنی) یولیدر .
اگر دشمن برنجی ، ایکنجی واوچنجی یوللری تعقیب ایدرسه ،
پیاده سیله بزم مفرزه مزه کوچ یتشه بیلور . فقط سوار سیله مفرزه به
یتشه بیلمسی محتملدر . ۶ نجی یول (قریژی) دن اعتباراً بزم
المزده اولان (کولو) و (پلاتییر) نقطه لری جوارندن کچور .
دشمن بونی پک چابوق اوکره نه جک وشبهه سز ، او استقامت اوزرنده
ایلروله میه جکدر . بروجه له که آرتق آنک ایچون تعقیب ایدیه جک
یالکز ۵ و ۴ نجی یوللر قالمش اولور . دشمنک یوروشنی ترصد
ایتمک ایچون مفرزه قوماندانی ، بالعکس بتون شو دیدیکمز یوللردن
استفاده ایتمش اوله جقدر . لکن مفرزه قوماندانجه اک مهم اولان
یوللر ، دشمنک بانلری اوزرنده کیلدر . کچن مسئله لر ، برضابط
کشف قولنک کوندرمش اولدینی راپوره مستنداً ، یازیلان بر امری

آلدقلىرى زمان ، يول قولنىك مختلف قدمه لى ھانىكى نقطه لردە
يولنديغى بىر قروكى يامقسىزىن بىلە ، تقدير ايتىك خصوصىيە سىزە
ايچە ملکہ وىر مشلردىر سانورم .

مىر آلاى ب . . يورويش قولنى تشكىل ايدىن قدمه لىك ايلرىسە
كچدى . اراضىنىك وعلى الخصوص غەرب و جنوب غەربىي جەھتلەندەكى اراضىنىك
پىك اعلا كورلىككە اولدېنى (محبت) بىرە خانەسى يانئەندە طوردى .
عجبا مفرزە قوماندانىك يانئەندە كىملەر وار ؟ بونى ھىچ مراق
ايدوب صورمىسكىز ! بىر ويا احتمال ايكى امر ضابطدن بشقە ،
آنك يانئەندە ، قسم كىلدەكى سوارى طاقى ويا ھىچ دىكلىسە مخبارە
سوارىلرى وار . بىرە اغلب احتمالە كورە طوبىجى طاۋورى قوماندانى ،
استىھكام بلوكى قوماندانى و پىشدار قوماندانى دە بىر بىر كوتور مشلردى .
يوقوماندانلر ، بىر بىر كىندىكلىرى ھالە ، چار چابوق مفرزە قوماندانى
طرفدن بىر امر شفاھى آلمىش اولە بىلورلر . كىرك قسم كلى و كىرك آغىر -
لقلردە بولغان سوارىلەر كلنجە اولنرە تھرىر آ امر كوندرىلە جىكدر .
يوكى بىر امر ، تھرىر آ وضابطلر ايلە كوندرىلە جىك قدر حائز ھىمىتدر .
بوضابطلر لزوم كورورلرسە ، امرى آلە جىق اولانلرە بعض اىضاحات دە
وېرە بىلە جىكلردىر . اكىر بوا مىرك سوي تفسىرە اوغرامق احتمالى وارسە ،
اوقت آنى بروە لوسىت سوارىلە كوندرمىك دەھمانسب اولور . بىر مادونە
شفاھا امر وىر مىك ، آنجىق او ، امر يالكنىز بىر كەلە ايلە ياپىلە جىق وظيفە يى مادونە
كوستىرە بىلمىش اولە جىق زمان قبول ايدىلور . مثلاً ، شو بىز مەسىلە دە ، بىوك
آغىر لقلر قوماندانە صاغە دونىك و (بوزونويل) بولنى تەقىب ايتىك ايچون
وېرىلە جىك امر شفاھا كوندرىلە بىلور . لىكن مادون قوماندانلرىنى
وضعيت عمومىيەدن و مفرزەنىك وضعيت خصوصىيە سندن خېر دار ايتىك

پك مهم برشی اولدیغی ایچون اك ایوسی اونلره دائمی تحریراً امر کوندرلییدر . سز ، مفرزه کزه عمومی برامر ویرمک ویاخود بروجه آتی اقسام عسکریه یه برر خصوصی امر کوندرنک خصوصنده سربستسکز . اقسام مذکوره شونلردر : سواری ، پیشدار ، قسم کلی ، طویچی ، بیوک آغراقلر ، که هبسی بش امردن عبارت برشی اولور . بوامرلرک ایسه بعضیسی شفاهاً ، بعضیسی تحریراً ویرلش اوله بیلورلر . لکن ، توحید حرکات خصوصی تأمین ایتمک ایسترسه کز . دائمی عمومی برامر ویرمه نك چاره سنه باقلیسکز . چونکه اقسام عسکریه قوماندانلردن هربری ، دیگر آرقداشلرینک وظیفه لرینی طانیش اولورسه کندی وظیفه سنی دها کوزل آکلامش اوله بقدر . وکندی حرکتی مقصد عمومی یه کوره ایلرولتمک ایچون ترتیباتی دها اوقدر ایی اخذ ایده جکدر . بوراده پیشدار قوماندانیه طویچی قوماندانی یکی امر ضابطلره یازدیرلدیغی زمان امرک مألئ اوکره نمش اوله جقلردر . عمومی برامرک نقلی ، خصوصی برچوق امر نقلدن دها آزوقته محتاجدر . بونی اونوتیمیکز . ایلریده ینه اوکا دائر سزکله قونوشورز . مفرزه قوماندانی امرینی ترتیب ایتمک خصوصنده یالکنز (۵) دقیقه قدر دوشونمش اولدیغی فرض ایدیورم طوغربسی ، بوقدر آزرزمان ایچنده امر یازه بیلرسی ، مومی الیهک صنعته پک واقف اولدیغی کورسترز .

مفرزه یورویشتی تأخیر ایتدی . پیشدار قوماندانی . ساعت (۹) ی (۵) بکه امرینی آلیور . امر ضابطلردن بریسی درحال سواری یه امر کوتورور . دیکری ، امری اوله ، قسم کلی یه کوتورور صکرده ، بیوک آغراقلره کوتورمک ایچون یولنه دوام ایدر .

اويله ايسه ، بوقسم كلينك ، بو آغرلقلرك ايلك اوكجه ساعت
(۹) ى (۵) كچه و صكره امر كنديلرينه و يرلديكى زمان نرده اولدقلرينى
تعيين ايتك لازمدر .

آوجى طابوريله ايكي استحكام طاقنى پيشدارده فرض ايدرك ،
قسم كلينك قول باشى پيشداردن ۲۴۷۰ متره (۴۰۰ + ۳۰ + ۴۰۰)
كلينك كندى درينلگده ۱۹۷۰ متره (۷۰۰ + ۳۰۰ + ۵۰۰ + ۷۰ + ۷۰ +
۸۰۰ + ۳۸۰ + ۴۰۰ + ۳۰) كريده بولنه جقدر . قسم
متره دن تعقيب ايدرلر . بيوك آغرلقلر قول نهايتى ۲ كيلو
تشكيل ايدن . مختلف اقسامك قول باشلى بروجه آتى نقطه لرده
اوله جقدر :

(پياده اوجى) ، (لواللى رك) ك شرق كنارى ياننده ؛
(قسم كلينك قول باشى) : (رده طونفه) : (نووازه ويل) بولنك
تخميناً ۶۰۰ متره شرقنده ؛

(قسم كلينك قول نهايتى) : (بوتى ماره) نك شرقنده كى چايرك
شرق كنارنده ؛

(بيوك آغرلقلرك باشى) ، (بوتى ماره) نك دها (۲) كيلو
متره قدر شرقنده .

قطع ايديله جك مسافه بر آز اوزون سوردىكى زمان بر امر ضابطى .
وسطى اوله رقى بر كيلو متره دى ۳ دقيقه ده آلور . اويله ايسه قسم كلنى .
امرينى ساعت (۹) ى (۸) كچه آله جق و بو ائزاده قسم كلنى (رده طو -
نفه) ، (نووازه ويل) يولى خذاسنه هنوز كله مش بولنه جقدر .
اكر امر ضابطى قسم كلنى ياننده (۵) دقيقه قدر طور ورسه ، (۹) ى

(۱۳) کچه تکرار یوروشنه باشلامش بولنه جقدر . بيوك آغیرلقلرك قول باشنه يتيشمك ايچون (۱۹۷۰) متره (قسم كلينك درينلکی) +۲ كيلو متره (كرويه اولان مسافه) قدر بر مسافه ده قطع ایده جقدر . بونك ايچون ده امر ضابطی (۱۲) دقیقه لق بر زمانه محتاج اوله جقدر . شو حسابنه كوره ، امر ضابطی ، هنوز (بوتی ماره) نك شرفنده بولنه جق اولان بيوك آغیرلقلره (۹) ی (۲۵) کچه التحاق ایده جقدر . آلتان معلوماته نظراً ، هر نوع صنفدن مرکب اولان بردشمن قولنك پيشدارى ، صباح ساعت (۸) ی (۴۰) کچه (شامبه ردين) ه واصل اولش بولنيور . بوقولك قوتنه كلنجه ، اوکا دائر قطعی بر حوادثمز يوقدر . يالكز اهايلدن بريسی ، بر پیاده آلايی ايله بر بطريه نك (صوره ی) ده اردوگاه قورمش اولديغنی بزه خبرویر مشدرکه شمديلك يكانه معلوماتمز بوندن عبارتدر . بوخبر بلكه طوغريدير . يالكز بلكه ديورم ؛ چونكه كندی اهاليمز طرفندن تدارك ايدیلان حوادثلر بيله اوزون اوزادی به تحقيق وسواریمز یاخودینه اهالی طرفندن ایودن ایویه تصدیق ایدلدکچه اعتماد شایان اوله مزلر . بوراده ایسه عیناً احوال واقعدر . سفرده آلتان خبرلرك بيوك بر قسمی ، ياكلش ، مبهم واكثريا بر برینی ناقصدرلر . برثی محقق اولق ايچون ، اعتماد شایان بر ضابطك آتی كندی كوزيله یقین بر مسافه دن كورمش اولسی وبونكه برابر اوضابطك ضعف بصر احجابندن اولامسی لازمدر . بزم آلدیغمز خبرلره كلنجه ، اونلر دشمنك يالكز یوروش حالنده بولنديغنی وکله کله بزه ياقلاشمفده اولديغنی کوستريورلر . مفرزه قومانداننك برشيته قرار ویرمش اوله بیامسی ايچون بومعلومات شمديلك يتيشور سانورم . ديكر جهتدن ایسه (مچ) دن کلان خبرلره نظراً ، بر دشمن فرقه .

سك (نییت فرانسه ز) ك غربندن ایلرولمكده اولدیغی آكلاشلدی. عجباً اولجه کوریلان دشمن قطعات عسکرینه سیله بوشمیدی فرقه آرده سنده نه کی بر مناسبت واردر ؟ یوقسه ، او قطعات عسکریه دشمن فرقه سنك پیشدارینی می تشکیل ایدرلر ؟ اوله ایسه قسم کلی عجباً نه قدر اوزاقدن کلیور ؟ یاخود اونلر ، بر جانبداری تشکیل ایدورلر واکر فی الحقیقه بویله ایسه ، اوکا نظراً قسم کلی عجباهانکی یولی طوتمش بولنیور ؟

اگر دشمن عین استقامتده یوروشنه دوام ایتش بولنورسه که بویک اعلا محتملدر . کوندوز (۹) ی (۵) کچه (شای - لاهور - کنه) یه واصل اولمش بولنه جقدر . اورادن اعتباراً ایسه ، یا (قولومبهی) ویاخود (غرائش اوبووا) اوزرینه یوری یه جقدر . استکشافده بولان دشمن سواری بلوکی ، شهبه سز ، اوکا بعض دشمن کشف قوللری کورمش اولدیغی وبلکده بزم قولمرك تعقیب ایتمکده بولندیغی استقامتی بیله خبر ویرمشدر . دشمن سواری بلوکی ، (آرس لاکنه کسی) مزارلغنده طورددی و (قولومبهی) اوزرینه کشف قوللری کوندرمکه اکتفا ایلدی .

بوندن آکلایورم که دشمنك بزه داثر ایدندیکی معلومات ، اراضی بی بک مدبرانه برطرزده کشف ایلمسنی ایجاب ایلمکده در . (آرس - لاکنه کسی) مزارلغی . (قولومبهی) یولی اوزرنده بولنیور و دشمن کشف قوللری ده بالخاصه بوجهتلرده کورلمشدی . اوله ایسه : دشمن سواری بلوکنك (غرائش - اوبووا) جهتلرندن زیاده (قولومبهی) جهتلرینی استکشاف ایتمکده اولدی آکلایور . بزم ضابط کشف قولمرك یالکزر بردشمن سواری بلوکی کورمش

اولدیغنه قارشو بر آز حیرت اولنه بیلور . بوندن ایسه شومعناچیقار : دشمن یاپک ضعیفدر ، یاخود سواریسنک بر قسمی ، بشقه طرفده ومثلا (شامپل) اورمانی جهتلرنده ویا کندی صول یانتی ویا (میچ) استقامتی کشف ایتدرمک ایچون (آرس لاکنه کسی) نک غریبنده کی اورمانلر جهتنده بولنیور .

آ کلاشیلورکه بز ، (قولومبهی) جهتنده موقتاً اولسون دشمن سواریسنه فائق بر سواری یه مالک بولنیورز . بوندن طولای یالکز دشمن سواریسنک یواش یواش حرکت ایتمکه مجبور اولسی دکل ، دشمن قولی بیله اوقدر چابوق یورویمش اوله میه جقدر . اوله ایسه میر آلا ی ب .. مفرزه سی وقت قازانه جقدر . دشمن ، (شانی — لاهورکنه) یی (ده نکمال) نقطه سنک جنوبنده کی تپدن آیران ۳ کیلو متره لک مسافه یی آلمق ایچون ال آاز ۳۶ دقیقه صرف ایده جک وطوبخیسی (بدل قره و) اوزرینه آتش ایتک ایچون آنجق کوندوزین ساعت (۹) ی (۴۱) کچه بطریه نظامنه کچمش اوله بیله جکدر .

اکر میر آلا ی ب .. ساده یورویمشه دوام ایتمکه اکتفا ایتمش اولسیدی . قسم کلیسنک قول باشی (۹) ی (۴۱) کچه (لوواللی بر) لک بر آز غریبنده بولنه جقدی . بوندن آ کلاشیلورکه قسم کلی و بیوک آغراقلر (بدل قرووا) یقوشنی چیقماق اوزره ایکن ، دشمن آتشنه معروض قاله جقلردی . وشو سبیله ایکی طرف بئنده مطلق بر محاربه وقوعه کله جکدی . بو محاربه ده ایسه ، بر چوق ضایعات ویریه جکدی که شوخصوص بزم مسئله مرک احکامنه مغایردر . زیرا ، مسئله مز . ممکن مرتبه ضایعاتدن چکنمکی بزه توصیه ایدیور . اوندن بشقه . مفرزه نک شویله بر محاربه یه کیریشمسی ایچون آرده ده هیچ بر سبب معقول یوقدر .

بناءً عليه محاربه دن چكنمك قابل ايكن، هيچ بر مقصد معين اولمقسزين،
 اويله كليشي كوزل بر صورتده محاربه يه كي ريشن هر قوماندان بيوك
 بر خطا ارتكاب ايتمش صايلور. اويله ايسه بوراده مفرزه كنديسني
 ميدانه چيقار مامغه مجبوردر. اكر مفرزه ايلك او كجه، (واللي ير)
 دره سني كچوبده، صكره تر لالر ايچندن شمالده (بهل قرووا) تپه سنه
 طوغري يوري يه جك اولورسه، شهبه سز بوتپه آنك يورويشني ستر
 ايتمش اوله جقدر. لكس يك آخر بر صورتده وبيك مشكلات ايله
 يورويش يابهيله جقدر. بر نه شو محذور واركه، اووجهله حركت
 ايتديكي زمان مفرزه كندی صاغ جناخنده (واللي ير) دره سي كبي
 بر مانع بولندر مش اولور. و دشمن اكر فائق قوتلر ايله بردن بره
 مفرزه اوزرينه هجوم ايتمش بولنورسه اوزمان مفرزه نك وضعيتي شهبه سز
 يك تهلكه لي بروضيت اولور.

اك ايوسي، قسم كلي (نووازه ويل) دن كچه رك (نوي يي)
 چقورلرينه واصل اولدقن صكره، شمالدن (واللي ير) دره سي بونجه
 ايلرولمليدر. چونكه بووجهله ياييلورسه مفرزه دشمن نظرندن
 بSBتون مستور قالمش اولور. قسم كلي يي ايوجه امنيت آلتنده
 بولندر مق ايچون طبيعي اسكي پيشدارك (واللي ير) دره سنك جنوبنده،
 يعني دشمنك يورويشني طوردير مق امله، (بهل قرووا) ده بر موضع
 طومسي لازم كله جقدر.

لكن، بو جانبدار، ممكن مرتبه ضايعاتدن چكينه رك او وجهله
 زمان قازانمغه دقت ايده جقدر. بناءً عليه پياده سني محاربه يه صوقما-
 مق ايچون الندن هر نه كلورسه اونى يانمغه چاليشه جقدر. قسم كلي،
 آنجق قول نهايتى، (واللي ير) واصل اولديني زمان تماميله امنيتده

بوله جقدر . بونك ايچون ايسه ۱ ساعت (۵۰) دقيقه لى بر زمان ايستر (۹ كيلومتره) . بناءً عليه قسم كلينك قول نهايتى ديدىكمز يره آنجق كوندوزين ساعت (۱۰) ي (۵۵) كچه واصل اوله بيله . جكدر . هيچ اولمزه اورايه قدر اسكى پيشدار دشمنى طور درمغه جاليشه جقدر . دشمنك (۹) ي (۴۵) كچه دن اول ، محاربه يه كيريشه ميه جكنى بر آز يوقاريدى حساب ايتمش ايدك . اويله ايسه يالكرز قسم كلينك منفعتى ايچون پيشدار طرفندن ويريله جك محاربه تخميناً بر ساعت قدر سورمش اوله جقدر .

شمى ده صره بيوك آغر لقلره كلدى . اكر اونلرده (نوا - زه ويل) دن كچه جك اولور لرسه ، پيشدار بو سبيله دها اوزون بر محاربه ويرمكه مجبوريت كوره جكدر . بونك ايچون بيوك آغر لقلرى بر آز شمالدن يوريتمك دها اودر . (غراس) ايله (سرويني - لوسنت بارب) آره - سنده كى يول يك فنا اولديغى ايچوق اونلر ، (پوتى ماره) - (سەنت بارب) - (اوبه رز) يولى بويجه كيده جكلر - در . كوندوزين ساعت (۹) ي ۳۰ كچه ۰ (پوتى ماره) يه واصل اولدقلرىنى فرض ايدرسەك ، ۲ ساعت صكره (۱۰ كيلومتره) يعنى (۱۱) ي (۳۰) كچه (سن ژولى ين) . كيره دك تماميله امنيتده قالمش اوله جقلردر .

بتون بو حسابلىرى ياپارايكن ، شونى درنخاطر ايدىكزكه ، حربده تعيه حركاتى ايچون ، وقت حضر تعليملارنده صرف ايدىلان زمانلر - دن چوق زمان ايستر . اويله دكلى يا ! وقت صاحده ياپديغمز مانوره - لرده بعضاً اولوركه ، بر صباح ائناسنده بر برندن فرقلى بر قاچ محاربه ويروورز . لكن وقت سفرده بويله ياقى ممكندر . دشمن

طوپراغنده حرکت ایدن بر خصم ، وضعیت حقیقه‌ی یاپک آز
 طانیور و یاخود هیچ طانیور . بناءً علیه ، مثلاً بوراده اولدینی
 کبی ، علی‌الخصوص قوتجه‌کندی سوارینه فائق بر سواری قرشو .
 سنده بولنیورسه وضعیت حقیقه‌ی آکلایه‌بیامک ایچون اوزون بر
 وقت صرف ایتمه‌ک مجبور اوله‌جقدر . برده ، کچن مکتوبلرده برنبذه
 بحث ایلمش اولدیغمز طومانسز باروتک تأثیرینی ده دوشونیکز .
 (میچ) کبی بر موقع ، و (واللی بر) نه‌ری کبی آتلانامسی مشکل
 بر مانع اوکنده بولنان بر دشمن ، طبیعی پک زیاده مدبرانه حرکت
 ایتمه‌ک مجبوردر . دشمن مذکور اولایاییله‌جق . صکره طویجی
 محاربه‌سنه باشلایه‌جق و بونی کوزل بر نتیجه‌یه ایصاله غیرت‌ایده‌جکدر .
 حاصلی بو دشمن ، (بهل‌قرووا) یه هجوم ایده‌بیلمش اولمزدن اول ،
 اک آز برقاچ ساعت کچه‌جکدر . هم باقالم‌بویله بر هجوم یایمینی خاطرینه
 کتوره‌جکمیدر ؛ زیرا ، مفرزه‌نک علیه‌ن حرکت ایتک ایچون دشمن
 کندی صول جناحنی (میچ) ه متوجه بر جانبدار واسطه‌سیله اورتمکه
 مجبور اوله‌جقدر . مع هذا . شو افاده هیچ بر زمان دشمن هجوم
 ایتیه‌جک بناءً علیه ، مفرزه کمال سکون واستراحت ایله بویلی بویینه
 یوروشنه دوام ایدوب کیده‌جک دیمک دکدر . مادامکه ، دشمنک
 بر هجوم یایمسی محتملدر ، یالکز شو احتمالدن طولای بیله سز ، او
 هجومه نصل مقابله ایتک لازم کله‌جکنی دوشونمکه مجبورسکرز .
 میرآلای (ب.) نک پیشداری ، دشمنک کلوب کله‌جکنی
 آکلامق ایچون اولای (بهل‌قرووا) ده کوزل بر بکلمه موضعی آله‌بیلور .
 ساعت (۹) ی (۵) کچه پیشدارک پیاده اویجی ، (لوواللی بر) ک شرق
 کنارنده اولدینی ایچون (بهل‌قرووا) یه (۲۴) دقیقه (۲) کیلومتره (صکره

اصل اوله جقدر . پيشدارك تكميل درينلکي (۱۷۵۰) متره اولديغندن
۲۰ دقيقه فضله حساب ايدلمك اورزه پيشدارك كافه سي نهايت ساعت
(۹) ي (۴۹) دقيقه كچه (بهل قرووا) ده اجتماع ايتمش بولنه جقدر .
پيشدار هرشيدن اول وقت قازانمغه چاليشه جقدر . مع هذا
و خصوصده ، احتراز ايتمك قابل ايسه ، پياده سني جدی بر صورتده
ناربه يه سوقمقدن بك زياده چكنمليدر . چونكه اويله ياپارسه هم
فله يره ضايعات و يرمش اولور ، همده صكره پياده يي محاربهدن
نكمك بك زور اولور .

اويله ايسه پيشداره ايكي بطريه ويريلاهك . بو بطريه لر دشمنی
كندن ياييامغه و يواش يواش ايلريلمكه مجبور ايدم جكلردر . عين زمانده
ي طرف يالكز طويجي ايله ايش كورمكه غيرت ايله جكلدر . اوسا يه ده
حتال كه (بهل قرووا) ده يرلشمش اولان قواي عسكريه نك مقداری
وزرينه دشمن ايجه اغفال ايدلمش بولنه جقدر . چونكه عموميت
وزره بر جوق بطريه لر ، اولدجه بيوك بريياده قطعه عسكريه سنه
فاقت ايدرلر . اكر بر آز اول ديديكمز ايكي بطريه اوسته لقلی بريولده
لشديرلمش بولنورلرسه ، دشمن بك آز وقت ايچنده ، بر بطريه دن
ياده بر طويجي يه مقابله ايتمك مجبوريتنده اولديغني آكلامش اوله جقدر .
ارشوسنده كي بطريه لك عدديني بيلمك خصوصنه كلنجه ، دشمن
ويابده يكدن مقصدينه ايره ميلاهك ، بالعكس بطريه لك عدديني
آكلامق بر آز اوزون سوره جكلدر . زيرا بطريه لر بردفعه اوزاق
ولنيورلر . ثانياً طومانسز باروت قوللاندقلر يچون بطريه لك آمپلاسمانلريني
غريق ايتمك دشمن ايچون اپي كوج برشي اوله جقدر .

شبهه سز ، بو ايكي بطريه نك يكانه استاد و محافظي آوجي طابو .

زندن عبارتدر . لکن طوتدقلری موضع يك ائی اولدینی ایچون بو بیوک بر محذور دیمك دكلدر . واکر بالتصادف بطریه لر ، جدی بر صورتده تهدید ایدلش بولنه رلرسه ، اونلر کمال سهولته کری یه چکیله بیله جکلردر . اوندن بشقه ، قسم کلی حین حاجتده پیشدار پیاده سنی تقویه ایتش بولنه جقدر . برده . (واللی یز) دره سی اوزرنده استفاده ایدیه جک بر خیلی کوپریرلر وار . و بو اولدینی کی نهرک شوراسندن ، بوراسندن آتلایه رق کچمک ده يك اعلا ممکندر . مع هذا ، ایلک حمله ده دها پیشدارک پیاده سنی تقویه ایتمه که هوس ایدله ملیدر .

بتون شو ملاحظات بزم نه یولده بر قرار ویرمکلکمز لازم کلدیکنی کوسترلرلر : اوت ویره جکمز قرار شوندن عبارتدر : ایکی بطریه ایله تقویه ایدلش اولدینی حالده پیشدار (بهل قرووا) ده بر بکلمه موضعی آله جقدر . اوندن صکره قسم کلی (نووازه ویل) دن کچهرک شماله طوغری ، بیوک آغرقلر ایسه (سنت بارب) دن کچهرک ینه عین جهته تبدیل استقامت ایده جکلردر .

بتون شو حسابلری کوروبده جانکنز صیقلمسون . و یاخود اونلری اسکی پوستکی شیلردن عد ایتیمکیز . رجا ایدرم ، سزایلک اوکجه بونی خاطر یکزه قوییکیز : تعیه جه ویریلان هر قرار معقول ، زمان و مسافه نقطه نظرندن بر چوق طوغری حسابلر اوزرینه مؤسدر . لکن شو حسابلری هم يك چابوق هم ده يك طوغری یایمق ایچون چوق ملکه و عملیات ایستر .

بناءً علیه ، پرکار ، بر قوماندانک باشلیجه واک اعلا بر معاویندر . کرچه بو معاون ، قطعاً امین بر طاقم نتیجه لر میدانه کتوره مز

ایسهده ، بیوک بیوک خطالرك وقوغنده میدان ویرمیدی ایچون قبوله شایان بر آرقداشدر .

ذاتاً اولجه یابلمش اولان حسابله کوره حرفی حرفنه طوغری چیقمش نتیجهلر ، تعیهجه مفقود کبی برشیدر . زیرا ، اولدن دهه حسابله قاتلمسی ممکن اولیان بر طاقم احوال وارکه ، اونلر ظهور ایدنجه اگ کوزل ترتیباتك آلت اوست اولدینی دائماً کوریلان شیردندر .

بوخصوصده حسابك قیمتى مبالغهیه دوشورمکسزین ، اویلهظن ایدرمکه ، زمان ومسافهجه اولان ملاحظاتی دائماً نظر دقتده بولندیره جقسکز . چوکه بویله یایمکز الزمدر . زمان اولمشدرکه ، پیاده اینانلمیه جق درجهده آغر وبطی حرکت ایتمش اولسندن طولانی . فلان ویا فلان مانوردهده برجنزال (اسکی برطوبجی ویا سواری) بتون صبر و سامانی توکهدهرك نه یایه جغنی شاشرمش قالمشدر . کذلک نیجه دفعه لر . وقوعه کلمشدرکه ، سواریك کوندرمش اولدینی راپورلرك يك کچ قالمسی ویا خود برطوبحینك تبدیل موضع خصوصنده پك زیاده جیکمش اولسی اوزرینه پیاده صنفیك فنا صقیندیلره دوچار اولمشدر . سز ، یالکز بولری بردوشونسه کز ، زمان ومسافهجه اولان حساباتك نه درجهده نظر دقته آله جق شیرل اولدینی درحال تصدیق ایدرسکز . مثلاً ، شوبولندیغمز مسئلهده ایکی بطریهك (بهل قرووا) ده یابلمش اوله بیلملری ایچون لازم کلان زمانی ، فقط اگ ایو شرطلر آلتده . برحساب ایدیکز . بوسزك ایچون جان صیقندیسی دکل ، بالعکس ایو برا کلهجه یرینه بیله کجه جکدر .

امریکزی قلمه آلمزدن اول ، برکزه ، آتیده کی انقسام عساکر

اوزرینه آز چوق دوشونمه کزی توصیه ایدرم ؛ زیرا مسئله ده
بو یوقدر .

انقسام عساکر

- ۱ — پشدار : بیکباشی ق ..
 - ۸ نجی آوجی طاوری .
 - ۹ نجی دراغون آلاینک برنجی (برطاقم اکسیک) وایکنجی بلوکی .
 - ۱۶ نجی استحکام طاورینک برنجی بلوکی (برطاقم اکسیک) .
 - ۲ — قسم کلی (وپورویش نظامی) :
 - ۹ نجی دراغون آلاینک برنجی بلوکندن برطاقم .
 - ۹۸ نجی پیاده آلاینک برنجی طاوری .
 - ۳۱ نجی صحرا طویجی آلاینک برنجی طاوری (۳ نجی بطریه اکسیک) .
 - ۹۸ نجی پیاده آلاینک ۲ و ۳ نجی طاورلری .
- یرسیار خسته خانه طاقی .
-

(محبت) بیره خانه سی

۳ - ۶ - ۸۹ - ۹۰۵ کوندوز

مفرزه امری

۱ — هر نوع صنفدن مرکب اولان
بر دشمن قوی (قورسه ل سورنی ت) دن
(آرس لاکنه کسی) اوزرینه یورپور .
۲ — (مفرزه) ابلک اوکجه شماله
طوغری تبدیل استقامت ایده جک و صکره
(مچ) اوزرینه اولان یوروشنه دوام
ایلیه جکدر .

۳ . - ۳۱ نجی صحرا طوپیجی آلا -
ینک برنجی طابوری ایله تقویه ایدلش
اولان پیشدار (بهل قرووا) ده بر موضع
طوته جق و امر کلنجه به قدر دشمنی تأخیر
ایده جکدر . عین زمانده پیشدار ،
(قریزی) ، (قولومبه ی) و (قوآسی)
نک اوتله لری ایله (آرس لاکنه کسی)
(ولاکنه کسی) استقامت لیده (والی ی)
نهری بونجه استکشافات اجرا ایلیه جکدر .
۴ — قسم کلی (نواوزه ویل) ،
(نوی بی) ، (والی ی) دن کهرک (بورد)
مخرجه طوغری ایله ولیه جکدر .

۵ — ۹۸ نجی پیاده آلا ینک ۳ نجی
طابورندن بر بلوک معینه ویرلش اولان
بیوک آغرقلر ، (سه نت بارب) و (وره ی)
خاندن کهرک (مچ) اوزرینه حرکت
ایده جکدر .

۶ — بن (بهل قرووا) ده بولنه -
جنم ، راپورلر اورایه کوندرلیدرلر .
میرآلای

... ب

تنیه - انقسام عساکر غریمتدن
اول ویرلش اولدینی ایچون بورایه
تکرار یازلامشدر .

پیشدار ایله طوپیجی به آغزدن
سویلمش ، قسم کلی و بیوک
آغرقلره ایسه امر ضابطی م .
واسطه سیله و تحریراً کوندرلشدر .

بن شو امری سزه طویدن بر صورتده ویریورم . بوندن مقصدم
ایسه ، کندجه مناسب ولزوملی عد ایلدیکم ترتیباتی هیئت عمومیه سیله
برکورمش اولمکزدن عبارتدر . بز شمدی برکرده اوتریباتی ماده
ماده بر مناقشه ایدلم :

برنجی ماده — امرکز ده ، دشمن سواری بلوکنه دائر
معلومات ویرمکه حاجت یوقدر . چونکه او امری قلمه آلدیفکزر
زمان ، سز بو دشمن سواری بلوکنک هنوز (آرس لاکنه کسی) ده
اولوب اولدیغنی بیلیمورسکز . هم بوحوادث ، ینه اک چوق سزک
سواریکزک ایشنه کلن حوادلردندر . حال بوکه سواریکزدائما دشمن سوا-
ریسنی کوز اوجیله تعقیب ایتکده در . اوپله دکللی ؟

ایکنجی ماده — (مفرزه ایلک اوکجه شماله طوغری تبدیل
استقامت ایدمک) سوزی تصور ایدلمش اولان حرکتک هیئت
عمومیه سنی ناطقدر . کرچه آشاغیده کی نومرولر ، حرکتک تفصیلاتی
کوسترلرلر . لکن بونکله برابر . حرکتک هیئت عمومیه سی نهدن
عبارت اوله جق ایسه آنی ایلک باقیشده کورمک لازم کلور .

اوچنجی ماده — (واللی ر) نه ری وادیسی بالخاصه سزک
نظر دقتکزی جلب ایدمکدر . باخصوص ، (بهل قرووا) ده
بردن بره دشمنک باصقینه اوغرامش اولماق ایچون دشمن (قولو-
مبهی) واصل اولمش بولنه جنی زماندن اعتباراً سز مذکور وادی پی
دها زیاده نظر دقته آله جقسکز . بوندن بشقه سزک سواریکز ،
دشمنک ایجه خاطری صایلور درجه ده کنیش اولان بتون یوروش
جهبه سی اوزرنده اجرای کشفیاته مجبور اوله جقدر .

بولزوم ، باخصوص اراضی برطاقم مانعلری حاوی اولوبده

اطرافى كشف و تماشا ده اپى زحمت چكيليورسه او وقت سوارينك
قولای قولای طاغلمش اولسنی ایجاب ایده جکدر . بوايه شهبه سز ،
بيوك بر محذوردر . زیرا ، يالكز بر نقطه اوزرنده دشمن سواريسنه
قارشو بيوك برسوارى ايله مقابله ايتك ، آنى كندى پياده سى اوزرينه
آتمق الدن كلديكى زمان ، طاغينق بر صورتده حركت اولنديغندن
زياده خصمه دائر معلومات ايدنمك ده اچوق مأمولدر . ديديكمز
محذور ، باخصوص دشمنى بكلمك ايجون بر موضع طوتلدينى زمان
دها زياده كنديسنى كوسترر . بوشمدليك سزك خاطر كزده قالسون .
صكره دن حل ایده جككز مسئله لر سايه سنده شو محذورك بر چاره سنى
بولغه چاليشه جفكزه امينم .

دشمنك تعقيب ايلديكى استقامت سزجه بللى اولدينى كې ، آنك
قوتنه دائر اپى معلومات ايدنمش بولنق ايجون ، باخصوص اونك
جناحلرندن برينى طوتمغه چاليشكز . زیرا . سز دشمنك پيشدار
پياده سى طرفندن طورديرلمش اولديغكز آندن اعتباراً آرتق خصمك
جبهه سنه دائر يكي برشى اوكرنه ميه جكسكز .

تهلكه لى جهندن ممكن اولدينى قدر زياده معلومات ايدنمش اولمق
ايجون ، سز سواريكزك قسم كليسنى دشمن جناحلرندن سزى اچوق
تهديد ايدن هانكيسى ايسه اونك عليهنه سوق ایده جكسكز . شمدىكى مسئله .
كزده : سواريكزك كوندريه جكي جناح شهبه سز صاغ جناحدر . بوكاده سبب
(قولومبى) اولديغى البت بيلورسكز : (مچ) ه قريبتى جهتيله سزك ايجون ده
آز تهلكه لى اولان اوتنه كى جناح طاقم ويا كشف قوللرى كې اوافق تفك
اقسام عسكريه نك تحت نظارت وترصندده قاله جقدر . دشمن پياده سى
سزك طوتنمش اولديغكز موضعه طوغرى نه قدر زياده ياقلاشمش
بولنورسه ، سزك سواريكز اونستنده موضعكزك يانلرى اوزرينه

چكلمش اوله جقدر . دشمن سزدن نه قدر زياده اوزاق اولورسه ، سواری قوماندانی كندی موجودینی لزومه كوره قوللانمقده تامایله مستقل قالمش اوله جقدر . زیرا ، دشمن ایله تماسده بولندی ایچون او ، كندی معینه ویرلك لازم كلان وظیفه لری سزدن اعلا تعیین ایتمش اوله بیله جكدر . بناءً علیه سز شمديك سواری بی فصل ایسترسه اوله حرکت ایتكده سربست براقه بیلورسكنز . اما بوكا قارشو ، پیشدار طرفدن بالخاصه تحت نظارت وترصده بولندیرلق لازم كلان استقامت لری ایوجه تعیین ایتمش بولنه كرده شرطدر . او آندن اعتباراً آرتق پیشدار قوماندانیله برلكده یوریان مفرزه قوماندانی ، سوارینك كوندره جکی راپورلردن در حال پیشدار قوماندانی خبر دار ایدم جكدر .

(بهل قرووا) نك اشغالنه دائر اولان تفصیلات ، پیشدار

قوماندانك استقلالنه براقلمشدر . ویریلان امرده پیشدار قوماندانه « یكیدن بر امر كنجهیه قدر اوراده دشمنی تأخیر ایدم جكسكنز . » دینلمشدر . زیرا ، مفرزه قوماندانی ، قسم کلی ایله ، بیوك آغرلقلر تامایله امین بر محله كنجهیه قدر پیشداری اوراده براقق ایستور . شبهه سز ، پیشدارك (بهل قرووا) ده نه قدر زمان قاله جفنی تخمین بر صورتده تقدیر ایتك ممكن ؛ لكن مطلق شوقدر زمان اوراده قاله جق دیمك غیر ممكندر . زیرا ، قسم کلی ایله بیوك آغرلقلر یوروشنده اولجه خاطره كلمه مش بر تأخر ك ظهور ایتمی محتملدر .

پیشدار قوماندانك بتون نظر دقتی دشمنك حرکاتی ایله محاربه اوزرینه معطوف اولدینی ائنده مفرزه قوماندانی بالعكس هم قسم کلی و آغرلقلری همده پیشدارك حرکاتی نظر دقتدن آیرماغه یعنی اولنرك هر ایکیسیله ده بر ارتباطده قالمغه چالیشه جقدر .

دردنجی ماده — قسم کلینک بعض اقسامی، مؤخرآ کرک (بهل - قرووا) ده وکرک پیشداری کندی اوزرینه طویلامق خصوصده قوللانه بیلیمک ایچون قسم کلی بر یورویشده همان (مچ) . کیتمش اولیه جقدر . بالعکس او (بورد) مخرجده توقف ایده جک و صکره . دن ویریه جک بر امر موجبجه اوراده هر هانکی بر نظامده اجتماع ایتمش بولنه جقدر . قسم کلی ایچون خصوصی بر قوماندان تعیین ایتمک ایستیانلر ایله بن بر نکرده دکم . زیرا ، قسم کلی دیمک مفرزه دیمکدر . بناءً عایه اکر اوکا بر قوماندان تعیین ایدیلورسه بوندن . اسکی مفرزه قوماندانی عزل ایدلمش دیمک چیقمزمی ؟ مفرزه قوماندانی قسم کلینک موقتاً قول باشی ترک ایتدیکی زمان باش طرفده کی طابور قوماندانی حرکاته نظارت ایدر . بوراده مذکور طابور قوماندانی ، قسم کلی یه شماله طوغری-تبدیل استقامت ایتدیره . جک وشو خصوصده اونه کی طابور قوماندانلرینه معلومات ویره جکدر . (مچ) اوزرینه یوریان قسم کلینک ایلروسه یکی بریشدار چیقامق لزومسزدر .

ایکی بطریه . طویجی طابوری قوماندانک ویردیکی امر اوزرینه درحال سرعتلی یه کچهرک (بهل قرووا) یه کیده جکلردر . بو بطریه - لرك احتیاطلری ، ینه قسم کلینک قول نهایتنده یورویشلرینه دوام ایده جکلردر . طویجی قوماندانی . اکر صکره دن لزوم کوریلورسه ، بو احتیاطلری بطریه لریانه جلب ایتدیره جکدر .

بشنجی ماده — بیوک آغراقلرک رسواری ضابطی قومانداسنده بولنه جقلری اولجه ، حرکت امرنده ذکر ایدلمش اولدیغندن ، آرتق بوراده تکرار آونی نسبتاً که هیچ لزوم یوقدر . لکن . تبدیل

استقامت ایدلیدی آندن اعتباراً بیوک آغرقلره خصوصی برمحافظ ویرملک ایجاب ایدر . بو ، بیوک آغرقلرک امنیتتی دها کوزل بر صورتده تأمین ایتیش اولمق ایچون بوراده خصوصی بر مستقنا تشکیل ایدر .

زیرا ، (قولینی) و (مارسیلی) دن کچهرک شماله طوغری صارقهجق اولان قوتلی بردشمن سواریسنک اولر عاینده بر هجوم یایمش اولسی محتملدر .

اولجده سزه دیدیکم کی ، بیوک آغرقلرک ، بعض جزء تاملر طرفندن حمایه ایدلمش بولملری نادراً وقوعه کلور حاللردندر . بوراده سزه ، اصل محاربه ایچون چوق عسکر لازمدرکه ، شوندن طولایی سز ، بیوک آغرقلره یالکز بر بلوک ویرمکه اکتفا ایدر . سکز ، سانورم . بو بلوک ، قسم کلینک اک صوکنده یوریان بلوکیدر . بناءً علیه شو وظیفه تعیین ایدلیدی آکلاینجه مذکور بلوک ، بیوک آغرقلری بکلمک ایچون بر مدت (پوتی ماره) ده توقف ایده جکدر . میرآلای ب . . . ، اوچنجی طابورک هانکی بلوکی بیوک آغرقلره محافظ اولمق اوزره ویرلیدیکی بیامکه مجبور دکلدر . سفرده بلوکلر ، صره ایله بعضاً کندی طابورلرینک باشنده ، بعضاً نهایتده یورورلر . بناءً علیه مفرزه قوماندانک ویردجکی امرده یالکز : « بر بلوک . . » دیمسی کافیدر .

آلتنجی ماده — امرک قطعات عسکریه یه نصل کوتوریله جکلرینی بیان ایتدیککز صرهده ، سز ، قسم کلی و بیوک آغرقلره امر ایصال ایتک ایچون لازم کلان تعلیماتی عین ضابطه ویردجکسکز . سواریی یه کیده جک امر ایسه ، پیشدارک و سباطیله کوندریله جکدر .

درد اولکی مسئلهده بیوک آغرقلره دائر آلان ترتیباتی صوک
بر دفعه دهایکدیکیلره مقایسه ایدیکیز . برنجیده ، یالکز بسیط بر
ایلری یورویشدن بحث اولیوردی که ، بویورویش ائناسنده دشمنه
راست کلهک احتمالی واردی . بوکا نظراً بیوک آغرقلر کزیده
وباش طرفلری معین ومناسب بر نقطهده بولنق اوزره ایلک اوکجه
بر اجتماع ایتیش بولنیورلردی . ایکنجی واونجی مسئلهلره کلنجه ،
اونلرک ایکسیده بر یان یورویشدن بحث ایدیورلردی . شو حالده
بیوک آغرقلر ، قسم کلینک نهایتنه یقین بر صورتده حرکت ایتدیلر ،
فقط اونلره خصوصی بر محافظ ویرلمدی . واکر ، دشمنک تیکسی
جهتنده موازی بر یول کورلمش اولسیدی بیوک آغرقلراویول بونجه
حرکت ایتدیرلمش بولنه جقلردی . مذکور مسئلهلرده بیوک آغر -
قللر ایله قسم کلی آره سنده کی مسافه الدن کلدیکی قدر تنقیص
ایتدیرلمشدر . بونکده اصل سببی یول قولنک عمقی ممکن مرتبه
آزالتمش اولق ایچوندر . دردنجی مسئلهده ایسه ، کوزل بر موازی
یول واردر . دشمنک یورویشی یول قولنک بر یانی ایچون تهلکهلی
اولمغه باشلادینی آندن اعتباراً بیوک آغرقلر ای بر محافظ ایله برلکده
مذکور یول بونجه حرکت ایدرلر .

بشنجی مسئله

(« آرس — سورموزل » پافه سی .)

ایکی کیلو متره درینکننده ویکباشی ب . . قومانداسنده اولان برارزاق

قافله‌سی (میچ) شهری محافظ عسکرینه تخصیص ایدلشددر . بو قافله‌نك
 هایه‌سنه تعیین ایدیلان قطعهٔ عسکریه ، ۱۳۰ نجی پیاده آلاینك ۱ و ۲ نجی
 طاہوری ایله ۱۳ نجی دراغون آلاینك ۱ و ۲ نجی بلوکلرندن ترکب ایدر.
 دوست مملکتنده ایچه یوریچی بریوریشدن صکره بو دیدیکمز قافله
 ۸۹ سنه‌سی ۱۴ آغستوس کیجه‌سنی ، آقشام پك کچ وقت واصل اولش

بولدینی (ماری یول) موقعیله آنك برآز جنوبنده کچرمکده‌در .
 دشمنك . (نووه آن) دن کچر ك (میچ) اوزرینه یوریدیکنی ، وهرصنف
 عسکردن مرکب دیگر بردشمن قولنك ده اوکلهدن صکره (غروز) موقعنه
 واصل اولدینی اهلیدن بریسی طرفندن خبر آلمش بولنان بیکباشی ب . .
 سوارینی (نووه آن) اوزرینه کوندردی . بوسواری (قورنی) نك شرقنده
 بوموقع اوزرینه چکلش اولان بردشمن سوارینه تصادف ایتدی . بعده ،
 (قورنی) و (تویله‌ری) پشکاهنده دشمن آتشنه هدف اولدی ، بوندن طولایی
 (موزهل) کوبریسنه قدر وارمق سواریه نصیب اولدی . اسیر ایدلش
 اولان بردشمن سوارینی (قورنی) ده کندی سواری آلاینه منسوب
 برسواری بلوکلنك بولندیفی و بوبلوکلک ، (غروز) موقعندن عربله ایله کلش
 برپیاده بلوکی طرفندن تقویه ایدلش اولدینی و ایرتسی کون ایسه بوندن دها
 بیسوك قوتلرک (نووه آن) ده (موزهل) نه‌ریخی کچه جکلرینی برر ، برر
 سویلیدی . بیکباشی (ب . .) ۱۳۰ نجی پیاده آلاینك ۲ نجی طاہوریه
 ۱۳ نجی دراغون آلاینك برنجی بلوکلندن بر طاقم طرفندن تأسیس ایدلش
 اولان ایلری فره‌غوللرینی کیجه (لوقونت) اورمانیله (داری) قوریسندن کچن
 خط اوزرنده یرلشدیردی . (موزهل) نه‌ری اوزرنده (قورنی) ایله (میچ)
 آره‌سنده کی وسائط مروریه‌نك کانه‌سی (میچ) محافظی طرفندن تخریب ایدلشدی .

یاسیله‌جق وظیفه

۸۹ سنه‌سی ۲ آغستوس کونی ایچون بیکباشی ب . . طرفندن آتله‌جق
 ترتیبات ایله یونابده کی اسبابك شرح و بیانی . عزیمت آتله‌قدر دشمنك وضعیتنه
 دائر هیچ بر یکی حوادث کلدیکی، ارض ایدیله‌جك ومسئله او صورته حل
 ایدلش بولنه‌جندر .

آلتنجی مکتوب

بر قافله نك حایه سی

بو دفعه ، بر جانبدارایله حایه ایدلمش بسیط بر اینری یورویشدن بستیون بشقه بر مسئله باشند بولنش اوله جفکزی بن کچنکی مکتو- بده مخصوص سزه هیچ سزدیرمک بیله ایستمدم . بالعکس بر قافله نك محافظه سنده آله جق تداییرک ، عمومیت اوزره بر امنیت خدمتده کی تداییردن آز جوق فرق ایلدیکنی کندی کندیگز آکلامش اولمکزی ایستمد . بر قافله هیچ بر وقت سریع یوری - به مز : اوندن بشقه پکده قوللانیلشی بر شی دکلدر . اگر دشمن بویله بر قافله به هجوم ایدرسه ، آنی دشمنک شو هجومندن قورومق پک قولای برشی اوله مز . و بر قافله نك عربلری نه قدر زیاده اولورسه ، حایه سی ده اوقدیر زور اولور .

سفرده بر قافله نك سوق واداره سی ایکنجی درجه اهمیتی حائز بر وظیفه اولدینی ایچون ، اکثریا اوکا ضعیف بر قطعه عسکریه الحاق ایدیلور .

قافله بر کره دشمنک دائرة تأثیر و تهدیدینه کیرنجه ، پک تهلکلی دکلسه بیله . پک فنا بر قاریشقلغک حصولی ایچون ، مذکور قافله به یالکز بر قاچ قورشون ویا بر قاچ مرینک کبسی کافیدر . اگر بو ائشاده عربلری سوق ایدنلر . عمومیتله عسکر ايسه لر ، بوقاریشقلغک اوکنی آلمق ، اوزون اوزون تأخیرلر میدان ویره مک خصوصنه ینه آز زمان ایچنده بر چاره بولمق اکثریا ممکندر . لکن اگر تکا- لیف حربیه اصولیه جمع ایدلمش اولان قافله عربلرینی سوق واداره

ایدنلر ، کویلیر اولور و بونلرده برحس عداوت ایله متحسس بولنور . لرسه قافله محافظی او وقت ، انتظامک تأمین ووقایه سیچون بالضروره قوت استعمالنه مجبوریت کوره جکدر . بو محافظ کندی مسئولیتی تحتنده اولمق اوزره عربلرک دائمی کندی یرلرنده یوریملرینه ، باش طرفده کی عربلرله طوغری صیقبشملرینه ویولک یالکز برکناری بویجه حرکت ایتملرینه دقت ایدم جکدر . سقط اولمش ویا خساره اوغرامش اولان هر عربله ، تکرار یولنه دوام ایدم بیلجک برحاله قونلمق ایچون درحال یولدن چیقاریلور . و تعمیر ایدلدیکی کبی همان قافله نیک نهایتنه کچرک او وجهله یوریمکه باشلار . اکر برعربله آرتق قوللانیله میه جق برحاله کلش ویا اکر حیوانلری اورولمش ویا خود یاره لشمش ایسه طاشیدینی یوک ، درحال قافله محافظنک دقت وغیرتیه یانی باشنده یوریان دیکر عربلرله توزیع و تحمیل ایدیلور . دشمنه هیچ برشی ترک اتمه مک ایچون ، کریده براقلمق لازم کلان هرشی تحریب ایدیلور . لکن ، هر نه یه دائر اولورسه اولسون تخریبات ایجه زمانه محتاجدر . حال بوکه بر رجعت حرکتنده ایسه زمان فوق العاده قیمتی برشیدر .

بناءً علیه ، بر قافله نیک حمایه سی ایچون آلنه جق تداییر ، او قافله یی دشمنک هجوم و تأثیرندن مسون بولندیره جق بر صورتده آلمش اولمیدر . اولجه ، امنیت خدماتی خصوصنده ، قطعات عسکریه نیک قدملرله انقسامیه مذکور قدملر بینه دکی مسافه لره دائر سویلنان اصول وقواعد بوراده جاری اوله مز . او یله ایسه بر قافله نیک حمایه سی ، مستثنا بر صورتده آلنه جق تداییر ایله تأمین ایدلمش بولنور . دشمن ایله تماس حاصل ایدلدیکی آندن اعتباراً قافله یی امنیت آلتده

بولندیرمق و بونك ایچونده حین حاجتده اوکا یکی بر یول کوسترمک لازم کلور . حتی بعض کرم قافله یه یارم صاغ و یاخودیارم صولایتدرمک مجبورتی بیله کوریلور .

قافله محافطی ، اکر قورتارمق ممکن دکاسه ، عربهلری و آنلرک یوکلرینی تخریب ایتمک ایچون الکغیر مساعد حاللرده بیله لازم اولان زمانی قازانغه مجبوردر . بناءً علیه ، بر قافله یی حمایه ایتمک ایچون ، دشمن جهته سوق ایدلمش اولان اقسام عسکریه ، الک اهمیتلی بر وظیفه باشنده اولدقلرینی اونوتما لیدرلر . بوندن طولایی مذکور اقسامک یالکز قوتلی بر صورتده تفریق ایدلمش اولملری دکل ، پیشدار ، وجانبدارلردن زیاده اوزاقلره کوندلرش بولملری لازمدر . بر قافله محافطی قسملره آیریلورکن هیچ اولزسه آنک پیاده سنک یاریسی ، بر هجومه اوغرامق محتمل اولان جهته سوق ایدیلور . بو قسم بر پیشدار ، بر جانبدار و یا بر دمدار فصل حرکت ایدرسه اوده او وجهله حرکت ایدر . اوندن بشقه ، بو قسم سوارینک الک چوغنی واکر طوبجی وارسه ، اونکده هپسنی برابر کوتورور . بونک ایله محافظ عسکرینک کریده قالان قسمی بیننده کی مسافهلر دکنجه ، اونلرک چوق احواله تابعدرلر .

قافله یول قولنک قسم کلیسنی تشکیل ایدر و تخمیناً پیاده نک یاریسنی حاوی بولنور . قافله یاننده قالان عسکرده ایکی مساوی قسمه آیریلور . بونک بریبی قافله نک باش طرفده ، اوتیکی نهایتده یورور . بوراده کذلک انقسام عساکر خصوصنده ، جزؤ تام تشکیلاتی بوزمقدن اجتناب ایتمک لازمدر . عربهلر یی تحت نظارت و ترصدده بولندر . مق ایچون لازم کلان نفرلری قافله نک ، باش طرفی ایله نهایتده

یوریان قدمه لر تدارك ایدر . کرچه بو خدمتی اک کوزل ایفا ایدن صنف سواریدر . لکن ، عمومیت اوزره ، قافله محافظلرینه اوقدر آز سواری ویریلورکه ، دیدیکمز خدمتی اکثریایاده که کوردرمک لزومی آشکاراولور .

بولری سویلدکن صکره ، شمدی ده کندی مسئله مز ايله اوغراشم . شبهه سز ، بو دفعه ده ینه بریان یورویشدن بحث ایدیلیور . کلان خبرلره نظرآ ، دشمنک قسم کلیسی اوکله دن صکره (غروز) موقنه واصل اولمش بولئیور . بوندن بشقه بزم سواریمز ، دشمنک (قورنی) یی ده اشغال ایتمش اولدییغی بزه خبر ویریور . شبهه یوقکه ، اسیر دوشمنش اولان سوارینک خبر ویردیکی شیلری ایجه بر تدقیق ایتک لازمدر . لکن ، اونک ویردیکی خبرلر ، دیگر طرفدن کلان خبرلره اولدقجه توافق ایتدیکی ایچون دشمنک وضعیته دائر تقریبی اولسون بر فکر حاصل ایتک پک اعلا ممکندر . زیرا ، (موزدل) اوزرینه اولان یورویشنده ، دشمن (غروز) ده توقف ایتدیه بيله (هانکی سبیدن طولایی اولورسه اولسون) ینه عینی کونده مهم بر کچید نقطه سی اولان (نووه آن) موقعی ضبط ایتمه نک چاره سنی دوشوندی و بو وظیفه یه ده عربهلر اوزرنده نقل ایدلمش بولان پیاده لری مأمور ایتمش درکه ، اوزون بر یورویشدن صکره دشمنک بویه بر تدیره مراجعت ایتسی پک معقولدر . شبهه - سز - عربهلر ايله نقل ایدلمش اولان پیاده چوق بر شی اوله مز . یالکز بر طاووری نقل ایتک ایچون اک آز (۱۰۰) عربیه احتیاج وارکه ، بوقدر عربیه یی بر آنده حاضر ایتک قولای برش دکلدر . دشمنک (قورنی) ده پک چوق سواریسی اولمادیغی محقق برشیدر .

چونکه اكر زياده سواريسي اولمش اولسیدی شهبسز ، دشمن ايلك خطوه ده ده بويكويه التجا ايدوب قالمردی . واحتمال دشمنك (قورنی) ده هيچ بر پياده سي بيله يوقدر . چونكه او جهندن كلان تفك سسلری آياقده جنك ايدن بر سوارى قطعه سنده عائد اوله . بيلور . ذاتاً آز چوق اوزون سورهن بر محاربه ويرلدجكه قارابينه سسلريله پياده تفك سسلری بيننده كي فرقى تميز ايتمك قابل دكلدر .

اكر يره اينمش اولان سوارى نفرلرينك باركيرلری كرچكدن محفوظ بر يرده بولنورلرسه ، اوزمان پوصويه يرلشرك آياقده جنك ايدن سوارينك پياده مي يوقسه سواريمي اولديغنى حقيله اوكرنمك ايجون مطلق اوكا قرشو ، پياده سوق ايتمك لازمدر .

اوللری ، طومانك حصوله كتوردیكي كوچك كوچك كومه لری صايغى وتقدير ايتمك مثلاً بر كوى ويا بر اورمان كناريني طوتان مدافعينك عددینی تخمناً حساب ايتمك ، آتش خطنك اشغال ايدلمش اولان نقطه لرينى وكثافتى كوسترمك پك اعلا ممكن ایدی . لكن ، طومانسز باروت قبول ايدلديكي كوندن برى بو آرتق ممكن دكلدر . اسلحه ناريه نه درجه ترقى ايتمش اولورسه ، سوارى ده ده او قدر آز اولنرك تأثيرينه كييره جك ، بالعكس ، ممكن مرتبه مذكور سلاحردن اوزاق بولنه جق وشوندن طولاي ده ده آز كورمش اوله جقدر .

اكثرياً ، سوارينك فلان ويا فلان يرده دشمن آتشنه هدف اولمش بولميسدن بشقه برشى بيلمك قابل اوليه جقدر . يعنى سوارى بر دشمن آتشنه اوغرايه جق ، اما بو آتش كيملك طرفدن اجرا ايديلور ؛ عجباً اونى اجرا ايدن پياده لرمى ، يوقسه يايا بر حالده بولنان

سواریلر میدر؟ کرک پیاده، کرک سواری اولسون، آتش ایدنلرک عددی نه قدردر؟ ونه طرفدن آتش ایدیورلر؟ ایشته بولری اولدینی کبی آکلاق ویا آکلاتمق ممکن اوله میه جقدر. حاصلی دشمن پوصولر کریسنده ایودن ایویه کیزلی طور دجه، شدتلی روزکار اسدجکه ویا کولک کورلمه لری اولدجکه دیدیکمز خصوص بسبتون کوچ برحاله کیره جکدر. بناءً علیه اگر استکشافه مأمور اولان سواری دشمنه دائر جدی معلومات استحصال ایتک ایستیورسه، جدی تلفاته اوغرا. مش بولنمقدن ده قورقما میدر؛ تفک آتشلرندن بحث ایتمش اوله جفی زمان ایسه بو آتشلرک قاراینه آتشلری اولمديغندن قطعاً امین بولنمیدر وزمانمزد سوارینک آیاقده جنک ایتمش اولمسنندن مقصد اساساً دشمنی آلداتمقدن عبارت بولنمديغی و بناءً علیه سوارینک آیاقده جنکی اولدن زیاده اهمیت قازانمش اولمديغی هیچ خاطرندن چیقارما. ملیدر.

(غروز) دن کلان دشمن، ایرتسی صباح (موزمل) ی چکدکن صکره شاید جنوبدن شماله طوغری (مچ) اوزرینه کیدن یوللری کسمش اولورسه، عجیاقافله (مچ) قدر کلمکه موفق اوله بیله جکمیدر؟ دشمن، (مچ) ک جنوبنده اولدیغمزی اوکره نمش اولدینی زمان، دیدیکمز کبی، مذکور یوللرک قیادلمش اولمسنی احتمالکه نظر دقتدن دور بولنیدر میه جقدر. بونک سبی ده بوجه آتی بیان اولتور:

(قورنی) دن (مچ) کیتمک ایچون دشمن (ژوی - اوزارش) دن کچه بیلور. لکن (ژوی - اوزارش) ده (موزمل) چکیدندن جیقمق خصوصنده دشمن اپی مشکلاته اوغرایه جقدر. زیرا، (مچ) محافظ عسکری آنک بوچکیدن جیقمنی منع ایتک ایچون بورایه

ککش بولنه جقدر . دشمنك بو استقامت بويجه کيتمسسه مانع اولان ديگر برسبب دها وار :

في الحقيقه (مچ) ك جنوبنده بعض دشمن قطعاتي بولنيور . دشمن بوقطعات عسكريه نك قوتلري عجبا كندی خط رجعتي تهديد ايدم جك قدرمي ، دكلى ؟ بوراسنى بيلميور . برجهتدن دشمن نچيدلردن چكينه ركدن (مچ) اوزرينه ايلروملكي آرزو ايدم جك ؛ ديگر جهتدن هنوز جنوبده بولنان دشمن قطعاتي (مچ) دن بستون آيرمق خصوصى دوشونه جكدر . بناءً عليه دشمن احتمال كه ، قسم كليسى ايله (فهى) اوزرينه يوري يه جك ؛ بوندن طولايى قافله نك امنيتى بك بيوك برتهديد آلتنه دوشمش بولنه جقدر . اويله ايسه بر جانبدار ايله دشمن طرفندن ستر ايدملك . ودشمنى (فهى) يوللرينك عقدم نقطه سنى ضبط ايلمكن منع ايتمك لازم كله جكدر . بونقطه نظر دن ايسه دشمنك (وه رشو) دره سى واديسندن چيقوب كلسنه قطعياً مانع اولمق لازم كلور . بناءً عليه كوريلور كه : ايلك او كجه ياييله جق ايش ، (فهى) نقطه سنى طوتمقدن عبارتدر .

دشمنك بو (فهى) نقطه سسه هيچ اهميت و يرميه رك . مثلاً (سەنت - بالهز) دن كچوب كيتمسسه بك آزا احتمال و يريه بيلور . مع هذا . اونك بو وجهله حركت ايتمش اولمسسه هيچ برشى مانع دكلدر . كرچه ، (سەنت - بالهز) يولى ايجه يقوشلى اولدينى ايجون بك اوقدر ايني بريول يرينه كچميه جكدر . اوندن بشقه دشمن بياده سى او يول اوزرنده اپي آغرى بريور و يش تعقيب ايدم بيله جكدر . دشمنك او يولدن كلوب كليه جكنى سزك سواريكز بك ار كندن او كره نه بيلور . چونكه (سەنت - بالهز) تپه سندن بتون (موزهل) واديسى شويله

طباق کبی کوریلور . اگر بیوک بردشمن پیاده قولنک (سنت-بالهز) اوزرینه سوق ایدلیکی کوریله جک اولورسه ، جانبدار (فهی) نقطه سنی ترك ايله درحال دشمنك كچيد حركتته مانع اولق ایچون (غروزی یو) اوزرینه کیتمش بولنه جقدر .

جانبدار قوماندانی شهبه سز ، بواحتالی نظر دفته آله جق و(سن-ژان) اورمانی جهته بر موقع انتخاب ایتک ایچون برضا بط کوندره-جکدر . لکن امر بوندن بحث ایتیه جکدر . اوت ، امرده یالکز (فهی) ك اشغالیدن بحث ایدلمش اوله جقدر . دشمن سوارلیسی ، قوتجه ، جانبدارك (سن بلهز) دن كچمسنه مساعده ایتمش اولسه بیه بوسواری ینه هر حالده جانبدار ایچون برجان صقیندیلیسی اوله جقدر . زیرا ، (سن بلهز) تپه سندن شرقه طوغری ایجه اوزاق یرلری کورمك ممكندر . بناءً علیه دیدیکمز سواری احتمال که ، قافله نك یوروشینی کشف ایتمش بولنه جقدر . مع هذا ، بوقافله عددجه فائق برسواری قطعه سنك هر درلو تشبثاته قارشو کندی پیاده سیله درجه کفایه ده حمایه ایدلمش بولنیور .

جانبدار بریان موضعی طوته رقدده کندی وظیفه سنی پك اعلا باشه چیه ره بیلوردی ، فکرینه ، أزچوق دوشمش اولدیمکزی آکلا یورم . رجا ایدرم ، (تعیه رهبری) نام اثرک شو بجه عائد اولان فصائی برکزه دها کوزدن کچوریکز .

دشمنك تعقیب ایده جکی یول ، (قورنی) دن (فهی) . کیدن یولدر . فی الحقیقه ، (صومی) جوارنده بر موضع طوته رقد بویولی دوکمك پك اعلا ممکن ایدی . اگر جانبدار ، یوزی جنوبه کلک اوزره اوراده یرلشورسه ، طبعی دشمن (فهی) اوزرینه یوریمزدن اول

بر کره اورایه هجوم ایتمه مجبور اوله جقدر . لکن بریان موعنده بولمنسی لازم کلان الک باشلیجه شرط (تهدید ایدلمش اولان جناحه کوزل بر نقطه استاده مالک اولمق) بوراده موجود دکلدر . اوله ایسه ، دوشوندیکمزکی (صومی) ده بر موضع طوتلدینی زمان یاندن چویرملک و بناءً علیه صاغدن صوله قدر طرد ایدلمش بولنق تهلهکی واردرد . برده ، جانبدار شو موضعی لایق اولدینی وجهله طوته بیله جک درجه ده قوتلی برشی دکلدر . اوندن بشقه ، (اونیی) جوارنده کی صرپ یقوشلر ایله (غولوت) اورماننده کی کیسک و عارضه لی یرلردن طولاینی رجعت حرکتی بالسهوله یابلمش اوله میه جقدر . بونک ایچون سزه طوغریسنی سویله میم . بن بریان موضعی طوتمق فکرندده اولانلردن دکل . بالعکس یالکز (فهی) نقطه سنی طوتمق ایستینلر ایله برابریم . بریان موضعی طوتمق خصوصی بوراده ذاتاً ایجه تهلهکی برشیدر . اومازمکه ، هرکس بنم شو فکریمی تصدیق ایدر . (قورنی) علینه هجوم ایتمک فکرینه ده صاقین دوشمش اولمیکز . واقعا بوخصوص ایلك نظرده خوش کورینور . مع هذا ، وضعیت عمومییه بونک اوله اولمنسی ایجاب ایدم جک درجه ده واضح دکلدر .

دشمن کیجه لین ، (قورنی) ده کی پیاده سنی تزید ایتمش اولدینی ایچون آقشام کلن راپوره آرتق طوغری نظریله باقیله مزسه ، بزم پیاده مز تعرضه کچدیکی حالده شبهه مز ، پک آز وقت صکره تهلهکی بروصیت قارشوسنده بولنش اوله جقدر . وشوندن طولاینی ، قافله مز بیله بیوک مخاطره یه معروض قالمش بولنه جقدر .

هیچ کیسه نك برونی قانه مقسزین ، وظیفه کزی باشه چیه ره - ییلمک امیدلری وار ایکن اصلاً بر محاربه یه سبیت ویرمکه آلیشمیکز .

شمعی ، دشمن ساعت قاچده (نهی) اوکنه کله بیله جک ،
بردمعهده اونی دوشونهلم . دشمنك (موزل) نه ریخی آتلامش اولان
سواری ، فرزه لری شهه سز ، یارین علی الصباح تکرار استکشافه
باشلايه جقلمر و بناءً علیه اونلر شفقله برابر (نهی) اوکنده کورلمش
اوله جقلمر در .

بزم سواریمز اونلره قرشو بر پرده تشکیل ایدمه جک ؛ لکن
(موزل) ایله (سهیل) آره سنده کی اراضینك کور یله بیلدیکی (فای)
و (سهنت بله ز) جهتهنده کی تپه لره دشمن سواری کشف قوللریخی
کچمش اولمقدن منع ایدوب ایدمه میه جکنه سواریمز امین دکلمر .
(قورنی) ده کورلمش اولان پیاده اقسامی تقویه ایدلمه مش بولنیور .
سه ، اونلرک بردن بره (نهی) اوزرینه یوریمش اولملرینه پک احتمال
ویریه مز . چونکه بویله یالکز باشنه اورایه قدر کله جک اولورلر سه ،
اونلر بیوک بیوک تهلمک لره معروض قالمش بولورلر . اک ایوسی
اونلر . (غروز) ده کی قطعات عسکر یه نك ورودینی بکله جکلر و یالکز
(نووه آن) کو پرستی محافظه ایتمکله اکتفا ایله جکلر در . بزى اک
چوق اشغال ایتمک و دوشوندرمك لازم کلان (غروز) ده کی قطعات
عسکر یه در . (نووه آن) دن کچمك شرطیله (غروز) دن (نهی) ه
قدر تخمیناً (۱۰) کیلو متره لك بر مسافه واردر . اگر دشمن کو -
نش طلوع ایتمدیکی صرمده یعنی ساعت (۵) ه طوغری - دشمن
اصلا بوندن ارکن حرکت ایتمیه جکلر - یوله چیمش بولنور سه ،
پیشدارینك اوجی : (موزل) دن کچدیکی صرمده زمان غائب
ایتمدیکی فرضیله ، ساعت ۷ صولرنده (نهی) اوکنه کلش اوله جقلمر .
ایوله ایسه ، صباح ساعت ۷ صولرنده ، قافله نك (نهی) ی ویاخود
شرقهده کی یولی کچمش بولنسی لازم کلور .

احتمال ، که سز ، (مچ) اوزرینه اولان یوروشکزه کیجه لین بيله دوام ایتکی دوشونمشکزدرد . لکن اونوتماییکزکه ، قافله اوزون وېک یوریشی بر یوروشدن صکره واپی کچ وقت (ماری - یول) واصل اولمشدر . بناءً علیه تکرار یوروشه باشلامزدن اول ، کرک نفرات وکرکسه حیوانات صوک درجه استراخته محتاجد - رلر . چونکه صوک درجهده یورلمشدر وطاقندن دوشمشلردرد . مع هذا قافله یه ایرتسی کون پک ارکندن یوروش یادر مق ممکندر . اویله ایسه ، قافله کزی تحت امنیتده بولندیرمش اوله بیلیمک ایچون ساعت قاجده حرکت ایتک لازم کلدیکنی تخمینی بر صورتده حساب ایدیکز . ایشته سزک هر شیدن اول دوشونه جککز مسئله بوندن عبارتدر . بونک ایچون ابتدا قافله نک استفاده اید بيله جکی التصاق یوللرندن ایشه باشلاییکز . (ماری یول) دن (مچ) و ایکی بیوک یول کیدیور . بریسی (وهزون) ایله (فهی) دن کچور . اوتنه کی ایسه (سابره) دن کچور . بوصوک نقطه دن اعتباراً (قووان - لوکووری) اوزرینه یوریمک ویاخود عین یول اوزرنده قالمق ممکندر . شبهه یوقکه ، (اونیی) ویا (پرایل) دن کچامیه جک ، لکن ، بیوک یول تعقیب ایديله جکدر . (بوری) دن کچن ، (پورنوی) یولی اویله ظن ایدرمکه سزک نظر دقت وتوجه کزی جلب ایده جکدر . لکن اولجه کشف ایدلمه مش اولان بویولک هر نقطه سی سزک ایچون قابل استفاده بر حالده اولدیغی سزه کیم تأمین ایده بیلور ؟ ذاتاً شو یولک یکانه فائده سی ، شرقدیه کی بیوک یوله بر آن اول وارمش اولمکزه مساعد بولنمقدن عبارت دکلیدر ؟ اک قیصه یول واقعا (فهی) ایله (اونیی) دن کچن یولدر . لکن قافله اورادن کیدرسه ، پک زیاده آجیق وتهلکه یه معروض قالمش اولور .

بناءً عليه قافله (ساربه) اوزرندن ، جانبدار ايسه (فهى) دن
كچه جكدر . هر نه قدر بردن بره (فهى) دن اوزا قلاشمقده بيوك
فائده وارسه ده ، قافله (ساربه) دن اعتباراً بيوك يول اوزرنده
قاله جقدر . چونكه اوسا يده ده ، (قووان لوكوورى) دن كچمش
بولنمى حاله نظراً ده اچابوق يورى يه جكدر . وقافله بر كره
(كوورى) نك غربنده يوللرك تلاقى نقطه سنى كچمش وشمال استقا .
متى طوتمش اولنجه آرتق كاليله امنيتده بولنمش اوله جقدر .

دشمنك ساعت (۷) دن اول اصلا (فهى) اوكنه كمش اوله .
ميه جغنى اولجه كورمش ايدك . اويله ايسه ، قافله نك شو ساعتده ،
(كوورى) نك غربنده كى يوللرك تلاقى نقطه سنى كچمش اولمى
كافيدر . بوندن آكلاشيلوركه ، (سهيل) ي كچمكه حاجت قالمق سزين
بو مسئله يى حل ايتمك نمكندر . وشو حاله نظراً هيچ ظن ايتمكه ،
(سهيل) حرقى قافله كز ايله دشمن آره سنده بولنديرمقده برلوزوم
حقيقى كورلش اولسون .

قافله نك درينلكنى ۲ كيلو متره در . قافله نك محافظه سنه پياده نك
ياريسى يعنى برطابور ويريله جكدر . بو طابور كندى بلوكلرندن
بريسى پيشدار يابه جقدر . بيوك آغر قلقلر طبيعى قافله ايله برلكده
يورى يه جكلر وبوللرك عمقى تخميناً ۲۵۰ متره قدر برشى تشكيل
ايده جكدر .

پياده اوچندن ، قسم كلينك نهايته قدر تخميناً ۴ كيلو متره لك
برمسافه اوله جقدر . زمان جنسندن بومسافه ۵۰ دقيقه ديمكدر .
(مارى يول) ك شمال غربى مخرچندن ، (كوورى) نك غربنده
يوللرك تلاقى نقطه سنه قدر اولان مسافه ، عدد صحيح اوله رق ، ۶

کيلو متره يعنى ۷۲ دقيقه در . شوحاله نظراً ، پياده اوجى الك کچ ، ساعت ۷ دن ۲ ساعت اول يعنى صباح ساعت (۵) ده (ماری يول) دن حرکت ايده جکدر . بر آژ دها اول ، يوله چيقلمش اولسه ، طيى دها ابو اولور . زيرا دشمنك عزيمت ساعتى بزجه بللى دکلدر . واوندن بشقه هر نه قدر بيوك يول پك كوزل بر حالده ايسه ده ينه ايلريده بعض اوموله دق عارضه لردن طولاني قافله نك تأخراته او غرامسى محتملدر . بناءً عليه سز قافله يي صباح ساعت ۴ بحق وحتى ۴ ده بيله حرکت ايتديره بيلورسکز . لکن ، دشمنك حالى سزى نه قدر تهديد ايدرسه ايتسون ينه بوندن ارکن يوله چيقمىکيز . زيرا کړک افراد کز وکړک حيواناتکيز ، برکون اولکي يورويشدن طولاني استراحته صوك درجه محتاج بولنيورلر . اکر سز ساعت (۴) ده حرکت ايده جک اولورسه کز ، ساعت (۳) ده هرکنك اويانق بر حالده بولمى لازم کلور . ايشته بونك ايچون ديورم که سز ، عزيمت ساعتى ۴ بحق اولمق اوزره انتخاب ايدىکيز ؛ بوهپسندن اعلا در .

قافله آنجق ، (اويني) يه آيريلان يول جوارنده کي (تعليم - استحکام) نى آتلامش بولندينى زمان تماميله امنيت آتته کيرمش بولنه جقدر . (کوورى) نك غربنده يوللرک تلاقى نقطه سندن بو استحکامه قدر قسم کلينک نهاى (۴) كيلومتره لک بر مسافه قطع ايده جک يعنى (۴۸) دقيقه اتق بر يورويش يابه جقدر .

جانبداريکيز (نهى) ه واصل اولدينى کي اوراده برکړه توقف ايده جک وبو ۴۸ دقيقه کچجهيه قدر دشمنه مقابلده بولنه جقدر اوندن صکره ايسه ، جانبدار (اويني) اوزرينه چکلمش اوله بيله جکدر سز نه قدر ارکن (ماری يول) دن حرکت ايده جک اولورسه کز

کیمسه نك برونی قانه مقسزین (میچ) ه واصل اولمق خصوصنده دها
اوقدر زیاده امید وار اوله بیلورسکیز . جانبدارك ، ارکنجه (فهی) ده
بولنمش اولسنك آیریجه بر فائده سی وارکه اوده (فهی) موضعی
راحت ، راحت اشغال ایده بیلمش اولمقدر . بناءً علیه پیشدارهانکی
ساعتده حرکت ایده جك ایسه ، جانبدارده اوساعتده حرکت ایده جکدر .
بوملاحظات اوزرینه بیکاشی ب .. شووجهله برقرار ویرر :
مفرزه یارین صباح ساعت ۴ بحقده حرکتله (سابره) دن کچن (میچ)
بولک یولنی تعقیب ایلیسه جکدر . برصول جناح جانبداری ، مفرزه
یول کنارنده کی صحرا استحکامنی کاملاً کچمش اولنجه یه قدر (فهی)
نقطه سنی اشغال ایده جکدر .

مسئله نك ساده بریولده حلی ، ایلری قره غولارده کی طابوری
جانبداره ویره رك ، ذاتاً کیجه نی قافله یاننده کچورمش اولان برنجی
طابوری ایسه قافله یه برامقدر . واقعا شودرلو پایاورسه ، کیجه
اویقوسز قالمش اولان افراده ینه آغر بروغلیفه ویرلش اولیور .
وبیلورم که بویوک برمحذوردر . لکن بن هر حانده اوفکرده ایم . اگر
سز بالتصادف برنجی طابوری جانبداره ویرمکی اوته کینه ترجیح
ایده جك اولورسه کز : اوزمان ایلری ، کری یور ویشلر یایدیر مامق ایچون ،
اونی (سابره) یولی اوزرنده اجتماع ایتدیرمکی اونوتمیکنز . ایلرولر کزی
استکشاف ایتدیرمکدن زیاده کرک (میچ) قطعات عسکریه سیله وکرک
جانبدار ایله ارتباط حاصل ایتدیرمک ایچون پیشدار ایله قسم کلیکزه
بر مقدار سواری ترفیق ایتمش اوله جفکزه امینم . چونکه بویوک
طیعیدر .

(قورنی) جهتده دها چوق سواری بولندیرمش اوله بيلمك ايچون، شو خصوصده سزه يالكز برطاقم تيشور . بوسوارينك قسم اعظمی ، كرك براج تأسيس ايتمك وكرك ايلرودن ارتباط حصوله كتورمك ايچون پيشداره ويريله جكدرد. ديكرلری ده قسم کلی به ترفیق اولنه جقدركه اولنردن هم مخبره خصوصنده استفاده ايديله جك همده قافله نك يانلری اوزرينه بعض كشافلر كوندريله جكدرد. سوارينك كری به قالانی ايسه عموميت اوزره جانبداره ويريله جكدرد .

اوله ايسه انقسام عسكرو و جهله ترتيب ايديله جكدرد :

— پيشدار : يوزباشی ب . .

۱۳۰ نجی پياده آلاینگ برنجی بلوكی (ياخود ۱۳۰ نجی پياده آلاینگ

طابورندن بر بلوك .)

۱۳ نجی دراغون آلاینگ برنجی بلوكندن برطاقم (بر كوچك ضابط ايله

۸ ساری اكسيك) .

۷ — قسم کلی (ويورويش نظامی) :

۱۳ نجی دراغون آلاینگ برنجی بلوكندن بر كوچك ضابط و ۸

سواری .

۱۳۰ نجی پياده آلاینگ ۲ نجی بلوكی (ياخود ۱۳۰ نجی پياده آلاینگ

برنجی طابورندن بر بلوك) .

بيوك آغرفلر . { ياخود بالعكس } بيوك آغرفلر . قافله .

۱۳۰ نجی پياده آلاینگ ۳ و ۴ نجی بلوكلری (ياخود ۱۳۰ نجی پياده

آلاینگ برنجی طابورندن ۲ بلوك) .

— صول يان جانبداری : بيكباشی م . .

۱۳۰ نجی پياده آلاینگ ۲ نجی طابوری .

۱۳ نجی دراغون آلاینگ برنجی (برطاقم اكسيك) و ايكنجی

بلوكاری .

عزیمت ساعته قدر، بیکباشی ب . . . نك ايلك قرارینی تعدیل
ایده بیله جك صورتده بعض راپورلرك كلك احتمالی اولدیغنی اونوتما -
ملی یز . بونك ایچون بیکباشی ب . . . ایکی امر ویره جکدرکه ، بریسی
اجتماع امری ، دیکری یورویش امری اوله جقدر .

برنجی طابورله سواری ، اك چوق (ماری یول) ده قوناقلره
یرلشمش . قافله یه کلنجه او ، کندی محافظیه برلکده بوکویك جنوبنده
اردوگاه قورمش بولنیور .

قطعات عسکریه نك فائده سزیره اوتیه بری کیدوب کلرندن
چکنمك لازم اولدینی ایچون مفرزده نك برنجی طابوریه بیوك آغر -
لقلری (ماری یول) ك (سابره) یه متوجه اولان مخرجنده طوبلا -
نه جقدر . قافله عزیمت زمانسه قدر اردوگاهده قاله جق ویالکزر
یول قولنده ، درحاک کندی صرهنه کیرمك لازم کلدیکی وقت اردو -
گاهدن آیریله جقدر . برنجی طابورك صوك ایکی بلوکی یول کنارنده
قافله یی بکلیه جکدر . وقول نهایتدن آنی نعقیب ایلده جکدر .

اگر سز . بیوك آغر لقلری (سابره) یولی اوزرنده اجتماع
ایتدیره جك اولورسه کزرجایدرم ، دقت ایدیکزکه یولك برجهتی دائما
آچیق و سربست قالسون . چونکه اگر اجتماع زماننده یول
تمامیه قیادلمش اولورسه ، وقت ضیاعی سببیه بونك ایلروده پك فنا
نتیجه لر حاصل ایتسی ممکندر . اولیه ایسه . عربلرك ممکن اولدیغنی قدر
یولك صاغه استناد ایتلری واو وجهله طوبلانلاری ایچون اولره
شدتلی برامر ویریکز . وبوامریکزك نقطه سی نقطه سنه اجرا ایدلمش
اولسی ایچونده بیوك آغر لقلرده کی مأمورلردن بریسنی اوخصوصه
مأمور ایدیکز . چونکه ، ایش باشنده سزك امرلریکزك حسن تطیق

واجرا سندن مسئول اوله جق بللی باشلی بر آدم بولنورسه اوزمان هرشی طییی سزك ایستدیككز کبی اولور .

انقسام عساکره کوره بیوک آغرقلر ، قسم کلینک مرکزنده یورورلر و بوندن طولای قافله نك بر قسمی تشکیل ایدیورلر ، دیمکدر . شبه یوق که بوراده اولره نظارت ایتک ، یالکز باشنه حرکت ایتش اولملری حالتدن ده قولا ی برشی اوله جقدر .

اشبو مستتا حالده ، اولرك بر قاج کیشی یه تنزل ایتش اولان محافظی پیاده ویا سواریدن بر کوچك ضابطك اداره سنده بولمق کافیدر . بیوک آغرقلری قافله نك باش طرفنده حرکت ایتدیریکز . زیرا ، اگر سز اولری نهایته قویه جق اولورسه کز ، صکره عزیمت زماننده بتون قافله اولجه ذاتاً اجتماع ایتش اولان بیوک آغرقلری تضعیف ایتمه مجبورت کورمش بولنور . بیوک آغرقلری ساعت ۴ ی جاریك کچه اجتماع ایتدیره جکسکز ، بوجهله که ، عزیمت ایچون کوستریلان ساعتده عربلرك کافه سی صره حالنه کیرمش ولنه جقدر .

صول یان جانبدار ی اولق ایچون تعیین ایدلش اولان طابورایله سواری طاقی ایلری قره غولنرده بولنیورلر . اوילה ایسه جانبدار لریده ومثلاً (فه ی) یولی اوزرنده (وه زون) ك ۶۰۰ متره شمالنده کی رسك نقطه سنده اجتماع ایدم جکدر .

جانبدار قوماندانی ، ایلری قره غوللرك اجتماعه دائر اولان سیلاتی تنظیم ایده جک و سواری طاقی در حال کندی بلوکنه ندره جکدر .

اقسام عسکریه دن هر بریسی، امر آلفه کیده جک اولانلری اولجه تعیین ایده جکدر. مثلاً برنجی طاہورده آتلی بولنان ضابطلرک هپسی امر آلفه کیده بیله جکدر. حال بوکه، جانبداردن بوخصوص ایچون احتمال یالکز طاہور قوماندانیله ایکی سواری بلوک قوماندانلری کیتمش اوله جقدر. امر آلمق ایچون تعیین ایدیله جک اولان ساعت پک ارکن اولمی. زیرا، امر آلفه کلان ضابطلر، کندی قطعه لرینه کیتمک ایچون ایجه برمسافه تعقیب ایده جکلردر. انقسام عساکر شهبه سز، اجتماع امرنده ویرلمش اوله جقدر.

قولک عمقنی پک اوزاتماق ایچون، قسم کلی ایله پیشدار آره سنده کی مسافه ۴۰۰ یاخود ۵۰۰ متره یی کچمه جکدر. قافله یه نظارت ایتمک ایچون لازم کلان افرادی برنجی طاہور ویره جکدر. اک ایوسی، قافله نك محافظتی برکیجه اولی کندیسنه ویرمکدر.

قافله (۱۰) عربہ دن عبارت طاقمره آیریله جق، بونلردن هر بریسی، یاننده برقاج نفر بولنان برکوچک ضابطک اداره سنه تودیع اولنه جقدر. آتلی برضابط ایسه، طاقمرک هیئت عمومیه سنه نظارت ایتمک مأمور اوله جقدر. برنجی طاہور برکون اولیسی قافله یه محافظلق ایتشدی. بناءً علیه او، خدمتک صورت جریاننه طبیعی واقفدر. بوندن طولانی بتون شوتفصیلاتی مذکور طاہور قوماندانی تنظیم ایده جک و قافله نك تام زماننده اردو کاھدن عزیمت ایتسنه ینه اونظارت ایله جکدر. طاہور قومانداننک بووظیفه سی پک زور برشی اوله جق دکلدر. چونکه بوراده کوچک برقافله باشنده بولنیور. بونکله برابر، شو وظیفه یی حسن صورتله و مطلوبه موائق بریولده اجرا ایده بیامش اولمق ایچون برنجی طاہور قوماندانه بیوک براسه قلا لیت

ویرلمک لازم کلدیکی شمدی کوره جکزر . جانبداره کلنجه ، اوکایالکز (نهی) نقطه سنی طوتمق ویکی برامر ویریلنجه به قدر اوراده قالمق ایچون تعلیمات ویرلمک یتیشور . بوخصوصده ایجاب ایدن ترتیباتی آلمق ایسه ، شبهه سزه هب اونک کندی قوماندانه عائد بروظیفه در . جانبدار قوماندانک مؤخر آنه وجهله حرکت ایده جکی ده یکی برامر ایله تعیین اولنه جقدر .

مفرزه قوماندانی ، (قورنی) استقامتده استکشاف ایدملری لازم کلان یوللری بیان ایدرک طبعی استکشاف خدمته برآز مداخله ایتش اوله جقدر . مومی ایله ، (موزمل) وادینسی تعقیب ایدن و (زوی - اوزارش) . کیدن یول ایله دشمن کشف قوللرینک کری به یوسکور تاملرینی خصوصی بر صورتده اشعار ایده جکدر . شبهه یوق که ، حرکت امری آرتق بیوک آغراقلردن بحث ایتیه جکدر .

احتمال ، که مفرزه قوماندانه بریر تعیینی خصوصنده برآز متردد بولنیورسکز . مفرزه قوماندانک قافله ایله آلیش ویریشی ، ییلورسکز که ، یالکز قافله نک یوروشنی تعطیل ایتدیکنی آره صره اوکرنمک ایچون حس ایلدیکی مراقدن عبارتدر . تفصیلات سائر ، عپ برنجی طابور قوماندانه براقیله جق ، بناءً علیه اوصل ایسترسه ، ویله یاپه جقدر . مع هذا ، مفرزه قوماندانی قسم کلی یاننده بولما . قله برابر ، برنجی طابور قوماندانی ، هیچ بر وقت قسم کلنی قو - اندانی عنواتی حائر اولیه جقدر . مفرزه قوماندانجه اک مهم اولان ی ، جانبدار جهتده ظهور ایده جک و قایمی برر برر تعقیب امکان عبارتدر . بناءً علیه مفرزه قوماندانی جانبدارک یقینده نه جق و بر محاربه وقوعه کلدیکی زمان ، جانبدار قوماندانک

استقلال حرکته مداخله دن چکینه رک دشمنک یوروشنی ترصد ایلیه جکدر . مفرزه قوماندانی اصلا هیئت عمومیه یی کوزدن دوشور . میه جک و جانبدارک محاربه دن چکیله جکی زمانی بوله بیلیمک ایچون تفصیلاته کیریشمیه جکدر . جانبدارک بر رجعت ائناسنده ، کندی صاغ جناخنده بولنان خط رجعتی تعقیب ایتک خصوصنده اوغرایه . جنی مشکلات مفرزه قوماندانک البت نظر دقتی جلب ایده جکدر . مفرزه قوماندانی اوندن بشقه ، قافله بر کره امنیت آلتیه کیرمش اولدقدن صبرکه ، جانبدارک ، قافله کیروسنده یوریمکده اولان ایکی بلوک اوزرینه جمع ایدلمسی لازم کلوب کلیه جکنی تعین و تقدیر ایلیه جکدر .

اگر سز ، مفرزه قومانداتی جانبدارک بولندی جهندن بشقه بر طرفده فرض ایدیورسه کز ، اوزمان جانبداره ، ساعت ۷ حتی دهها زیاده امنیت ایچون ساعت ۷ بجغه قدر (فهی) ده قالمق و صکره (اوینی) اوزرینه رجعت ایلیمک خصوصنده لازم کلان امری ویریکز . بویله یابه جق اولورسه کز ، جانبدار قوماندانی مفرزه قوماندانندن کنديسنه یکدن امرلر ویرلمیه جکی حالته کوره کندی وظیفه سنک نه قدر زمان امتداد ایتمش بولنه جغنی ایوجه آکلامش اوله جقدر . ایشته ویریه جک ایکی امر بروجه آتیدر :

(ماری یول)

۱ - ۸ - ۸۹ - ۱۱ کیجه

نومرو — ۱

مفرزه امری

۱ — بروجہ آتی قطعات یارین صباح
ساعت (۴) بمقده اجتماع ایدہ جک
و حرکتہ مہیا بر حالہ بولنہ جقلردر :
۱۳۰ نجی پیادہ آلاینک برنجی طا -
بوری ، ۱۳ نجی دراغون آلاینک برنجی
بلوکندن بر طاقم (ماری یول) ک
(سابرہ) یہ متوجہ اولان مخرجنده ؛
قافلہ ایسہ شمیدی محافظیلہ برلکده
اردو کاہدہ ؛

صول یانی جانبداری (وہ زون) دن
(فہی) ہ کیدن یول اوزرنده (وہ -
زون) ک ۶۰۰ مترہ شمالندہ کی دیرسک
نقطہ سندہ (۲۶۷۱۵ راقم) .

۲ — ۱۳۰ نجی پیادہ آلاینک برنجی
طاہورندن یانندہ برقاج نفر اولدینی حالہ ،
قدملی برکوچک ضابطہ اداره سندہ بولنان
بیوک آغرقلر نہایتلری (ماریول) دہ
اولق و برصرہ تشکیل ایتک اوزرہ یارین
ساغت (۴) ی چاویک کچہ (ماری -
یول) دن (سابرہ) یہ کیدن یول
مخرجنده اجتماع ایدہ جکلردر . بو آغر -
قلر یولک صاغ طرفنی طوتہ جقلر واوتہ کی
جہتی مطلق آجیق بولندیرہ جقلردر .

۳ — حرکت امری صباح ساعت
(۴) ی چاریک کچہ و (ماری یول) ک

انقسام عساکر

۱ — پیشدار : یوزباشی ن. .
۱۳۰ نجی پیادہ آلاینک برنجی
بلوکی (یاخود ۱۳۰ نجی پیادہ
آلاینک برنجی طاہورندن بر
بلوک) .
۱۳ نجی دراغون آلاینک
برنجی بلوکندن بر طاقم (بر
کوچک ضابطہ ایلہ ۸ سواری
اکسیک) .

۲ — قسم کلی (ویوریش
نظامی) :
۱۳ نجی دراغون آلاینک
برنجی بلوکندن برکوچک ضابطہ
ایلہ ۸ سواری .

۱۳۰ نجی پیادہ آلاینک ۲ نجی
بلوکی (یاخود ۱۳۰ نجی پیادہ
آلاینک برنجی طاہورندن بر بلوک) .
بیوک آغرقلر . { یاخود عکس ترتیب
قافلہ .

۱۳۰ نجی پیادہ آلاینک ۳ و
۴ نجی بلوکلری (یاخود ۱۳۰ نجی
پیادہ آلاینک برنجی طاہورندن
۲ بلوک) .

۳ — صول یان جانبداری :

بیکیباشی م . . .
۱۳ نجی پیادہ آلاینک ایکنجی
طاہوری .

(وهزون) ه متوجه اولان مخرجنده ويريله جكدر .	۱۳ نجی دراغون آلاينك برنجی (برطاقم اكسيك) وايننجی بلوكلری .
--	---

بيكباشی
... ب

آقسام عسكریه دن امر آلتی
ایچون کوندربلانلره یازدیرلشدور.

(ماری پول) ك (و دزون) ه متوجه مغربی

۲ — ۸ — ۸۹ — ۱۵۰ » ۴ كوندوز

نومرو — ۲

مفرزه امری

۱ — (دشمن) ، (غروز) و (نووه -
آن) دن كچه رك (میچ) اوزرینه یوری -
یه جك كبی كورینیور . (قورنی) و
(توبله ری) موقعلری دونکی كون دشمن
طرفندن تحت اشغاله آلمشلردر .

۲ — (مفرزه) بوكون ، بزم كندی
قطعاتمز طرفندن اشغال ایدلمش بولنان
(میچ) اوزرینه یوری یه جكدردر .

۳ — (پیشدار) ساعت ۴ بچقده
عزیمت ایده جكدردر . پیشدارك طوته جفی
استقامت شودر : (سابره) یولی ،
(كووری) نك غربنده کی یوللرك التصاق
نقطه سی ، (میچ) . اثنای حرکتده
پیشدار (میچ) قطعلت عسکریه سیله ارتباط
حاصل ایده جكدردر .

۴ — (قسم کلی) ۵۰۰ متره دن تعقیب
ایده جكدردر . قافله عربله رینه نظارت ایتك
خصوصنده لازم كلان نفرلری برنجی طا -
بور تدارك ایده جكدردر .

۵ — (صول یان جانبداری) درحال
(فهی) نقطه سنی اشغال ایده جك ویکی
بر امر ویریلنجه یه قدر اوزاده قاله جقدردر .
بو جانبدار (ورشوت) وادیسی ، بونجه
(فای) ك اوته جهتلرینی و (سن بله ز)

نقطه سندن ایسه (قورنی) استقامتی
کشف وترصد ایندیره جکدر . و دشمن
کشف قوللرخی (موزه ل) وادینه طرد
ایله جکدر .

۶ — بن صول یان جانبدار یله برابر
بولنه جفم . راپورلر اورایه کوندرملیندر.
برنجی سواری بلوکی بن معیتمه ۶ سواری
ویره جکدر .
بیکباشی
.. ب

اجتماع ایتش اولان اقسام
عسکریه قوماندانلرینه شفاهاً
ویرلشدر .

مفرزه نك بيوك بر قسمنى (فهى) ه كوتورمك وقافله ايله بيوك
آغرلقلى ده يالكز ۲ بلوك حمايه سنده اولمق اوزره صاغ طرف
يولى اوزرندن يوريتمكدن عبارت اولان ديكر بر حله دائر هيچ
بر صورتده جدنى بر اعتراضده بولنه مام . شويله بر حالده امر ،
بر جانبداردن دكل بالعكس ، اصل مفريزه نك كنديسندن بحث ايتمش
اوله جقدر . واو زمان دشمن پياده سى مفريزه دن خبردار اولمدينى
مدتجه ، يالكز دشمن سواريسى طرفندن تهديد ايديله بيله جك اولان
قافله نك حمايه سيچون ايكي بلوك كافى عد ايديله جكدر . بو ايكنجى
صورتده كى حل ايله آنك فائده ويا مخذورلر نى بر آز تدقيق
ايديكز .

برده مسئله ده كى وضعت بروجه آتئ اولسيدي بيكباشى ب. نك
اخذ ايده جكى قرارك ينه عيى اوله جغه آريجه بر دقت ايديكز :
« قافله (مارى يول) و (فهى) دن كچه رك (ميچ) اوزرينه
حركت ايتكمده در . قسم كلى (مارى يول) ك جنوب مخرجنه واصل
اولدينى زمان (غروز) دن حركت ايدن دشمنك (قورنى) اوزرينه
يورديكى وياخود اوجى (قورنى) يه كيرمش بولندينى خبر آلنور .
شو حالده ، مفريزه نك بر طابوريله سواريسنك قسم اعظمى درحال
بر پيشدار تشكيل ايدرك برويا ۲ كيلومترو ايلرويه قدر سوق ايدلمش
بولنه جقدر . ديكر طابوره كلنجه او ، قافله ياننده قاله جقدر .

اوندن بشقه ، مفريزه قوماندانى ، كندى قافله سنى شرقه طوغرى
يوريتكه قرار ويره جك وبوندن طولايى اوكا ، (ساره) دن كچن
يولنه دوام ايدرك ، كندى امنيت خدمتى كنديسى كورمش اولسنه
دائر امر كوندره جك ايدى .

بناءً عليه قافله ايله برلكده كيدن طابوردن قافله نك كندى امنيتى
ايچون ديكر بر كوچك پيشدار چيقارلمش اوله جقدى . سوارى
ايله برابر (فى) ه قدر سورلمش اولان طابوره كلنجه او ، بردفده
جانبدار اوله جق واك صكره (اونى) اوزرينه جكيلان بر دمدار
حاله كبره جكدرد . بناءً عليه عادى بر ايلرى يورويش ، بر آز
صكره بر يان يورويش واك صكره بر رجعت يورويش حاله
كبره بيلور .

اكر مسئله ده دشمنك (فى) ايله بر آز دها شرقده كي طاغلى
اشغال ايتمش بولندينى سويانسيدى ، (سهيل) ك غرب جهته
قالمله آرتق (مچ) ه وارمق ممكن اوله مزدي . شو حالده ، قافله
يارم صاغه وياخود يارم صوله دونه رك ، دمدار حاله كيرن پيشدارينك
حمايه سي آلتنده (يومه رى يو) و (ورنى) دن كچن اوزون بردائره
اوزرنده يقايى قورتارمه نك چاره سنه باقه جقدى .

اكر ، شمدى سويلديكمز بوايكي فرضيات مسئله يه ادخال ايدلمش
بولنورسه ، مسئله ينه اولكى فرضياته آز چوق مشابه بر حالده قالمش
اولوردى . بر فرصت اله كچمينجه اومارم كه ، سز ، بو ايكي فرضياته
كورده ويرلمسى لازم كلان امرلى قلمه آلمقدن چكنمش اوليه جقسكز .
چونكه بيلورم اونلر سزك ايچون فائده لى برا كلنجه صره سنه كچه جكدرد .
كذلك الكزده يالكز بر طابورله ، بر سوارى بلوكى وياخود
۳ طابورله ۳ سوارى بلوكى اولديغنى فرض ايدرك ، مسئله نك انقسام
عساكرينى وساثر نقطه لرينى برر بر ترتيب و تدقيق ايدمك اولور
سه كز ، بوده سزك ايچون پك فائده لى برشى اوله جقدرد .

آلتنجی مسئله

(« غراولوت » و « مچ » ایله برلنکده عمومی خریطه)

میرآلای ب .. مفرزه سی ، ۹۸ سنه سی آغستوسك ۲ کیجه سی (مهزی-).

یر - له مچ ([عمومی خریطه] ایله بونك شمالنده کچیریور [دوست مملکت] - بومفرزه بیکیباشی ق ... طرفندن قوماندا ایدلش و (قاله مبورغ) ، (لاما کس) ، (لادونشان) خطنده یرلشدیرلش اولان ایلری قره غوللر (۳ نجی آوجی طابوری ، ۱۳ نجی دراغون آلاینگ برنجی بلوکندن برنجی وایکنجی طاقم) ایله ستر و تأمین اولمشدر .

۲ آغستوس کونی اوکلهدن صکره کلان معلومات قطعیله نظرآ (بلا په ویل)ك جنوب غریبسنده کی (ماکنه خانه) ایله (لونزه ویل - له مچ) ك شمال شرقی مخرجنده کی (تویله ری) موقعلرندن هر بریسی دشمنك برر سواری طاقیله تحت اشغاله آلمشلردر . (سن موریس) ك تا-اوتله رینه قدر وارمش اولان برضابط کشف قوی (سن ژورژ) اوکنده دشمن آتشنه هدف اولش و بوموقعك شرقنده کی تپه لر اوزرینه برصره دشمن آوجیلری مشاهده ایلمشدر . دشمنك بعض سواری کشف قوللری ده (واپی) ایله (صولنی) جهتلرنده کورلمشلردر . ۳ آغستوس ۸۹ تاریخنده صباح ۳ ساعت ده میرآلای ب .. دن بیکیباشی ح .. ه آتیده کی خبر کوندریلور :

آلدیم حوادنلره نظرآ ، (موله ن - له مچ)ك غربنده (مهزون - نوو)ده (وه ردوم)دن امداد بکلمکده اولان بردشمن مفرزه سی بولندیفی آکلاشیلور . شمیدیله قدر دشمندن خالی بولسان (مچ) شهری بوسباح (آنتیلی) دن کلان میرآلای ق .. مفرزه سی طرفندن تحت اشغاله آلمش اوله جقدر .

بن دشمنك (مچ) اوزرینه اولان یوروشنی طور دیرمی ایچون صباح ساعت (۵) ده مفرزه نك قسم کلیسیله (واپی) ، (قوپون) (بلا په ویل) و (له سی) دن کچهرک (مهزی یر - له مچ) دن (موله ن - له مچ) ك غربنده کاش (مهزون - نوو) اوزرینه یوری یه جکم . سزك شمیدیکی ایلری قره غوللریکز بکا پیشدارلق ایده جکلردر . بن سزه اولردن بشقه ۱۳ نجی دراغون آلاینگ برنجی بلوکندن کیری یه قالان قسمله ۲ نجی بلوکنی ، ۳۱ نجی سیار طویچی

آلاينك برنجى بطريه سنى و ۱۶ نجى استحکام طابورينك برنجى بلوكنى ترفيق
ايدەجكم . بتون شو قطعات عسكريه (آمه لانش) ده قوناقلره يرلشمش
بولنيورلر . يكي براصر كلنجه يه قدر بيوك آغريلقلىكزى (سن ره مى) نك شمال
مخرجنده براقه جفسكز .

ياپيله جق وظيفه

- ۱ — وضعيت حاضريه دائر بيكباشى (ح..) نك افكار و ملاحظاتى .
- ۲ — بيكباشى (ح..) طرفندن اخذ ايديله جك ترتيبات ايله بونلرك اسبابى .
- ۳ — عزيمتندن ۴۰ دقيقه صكره پيشدارك مختلف قدمه لرينى و با خصوص
سوارينك نه يولده قوللانديغنى كوسترر بر قروكى .

بريشدار امرينك اورنگى

محل

تاريخ ، ساعت

پيشدار امرى

- ۱ — دشمن ايله دوست قطعاته دائر معلومات .
 - ۲ — پيشدارك وظيفه سى .
 - ۳ — سواری ایچون ترتیبات (عزیمت ساعتی و عزیمت محلی ، تعقیب ایدیله جك استقامت ، كشف خدمتی ، خصوصى وظيفه لر .)
 - ۴ — پيشدار باشی ایچون ترتیبات (۳ نجی ماده ده اولدینی كبی) .
 - ۵ — قسم کلی ایچون ترتیبات (مسافه یا خود عزیمت محلی و عزیمت ساعتی .)
 - ۶ — جانبدار ایچون ترتیبات (۳ نجی ماده ده اولدینی كبی) .
 - ۷ — ایلری قره غوللر ایچون ترتیبات .
 - ۸ — بيوك آغرقلر ایچون ترتیبات (مستثنا حال) .
 - ۹ — قوماندانك یری .
- امضا .

- انقسام عساكر
- ۱ — پيشدار سواریسى : قوماندان . سواری .
- ۲ — پيشدار باشی : پیاده . سواری . استحکام .
- ۳ — پيشدار قسم کلیسى (و یورویش نظامی) : سواری . پیاده .
- طوبجی (بعض حاللرده قول نهایتده بولنور .) . پیاده .
- سیار خسته خانه طاقي (برمقر- زه نك یشدارینه نادرأ ترفیق اولنور .)
- ۴ — صاغیان (یا خودصولیان) جانبدارى . قوماندان . پیاده . سواری . استحکام . امرك اصول توزیى .

صیغه نك صاغ طرف یاریسندە امضانك قارشوسندە اولقى اوزره امرلك
قطعات عسكریه یه نه وجهله نوطه ایتدیرلش اولدینى کوستریلور . جانبدارى
پیشدار قسم کلیسى چیقاردینى زمان ، بوجانبدار ، ایلک نظرده کوزه چارشمش
اولقى ایچون انقسام عساكرده آیریجه برماده ايله ذکر اولنور . بالعکس اگر
جانبدارى ، پیشدار باشى چیقاریورسه ، اوزمان بوییشدار باشینك موجودى
اولدقچه زیاده بولمیدر . و «پیشدار باشى ایچون ترتیبات» ماده سی ، جانبداره عائد
اولان تعلیقاتى حاوی اولور .

انقسام عساكر ، آنجق بیك جزء تاملك پیشدارلری ایچون یاپیلور . كوچك
مفرزه لرده بالعکس برانقسام عساكر یامغه لزوم کورلر . اووقت ایجاب ایدن
تفرعات اصل امر داخنده ذکر ایدیور .

يدنجى مكتوب

بريشدار امرى

آلتنجى مسئله ده بىكباشى ح.. حقنده كوستريلان وضعيت، غير طيعى وخلاف اصول برشيدر . زيرا ويردىكى امر ده برپيشدارك اجتماع ساعتى ايله اجتماع محلى واستكشافه عائد اولان ترتيباتى تعيين ايتىك قاعده مفرزه قوماندانك وظيفه سيدر.

كرچه بزچن مكتوبده ، پيشدار باشى نوتجىلر خطى كچجه يه قدر ايللرى قره غوللرك اصولاً يرلى يرلرنده قالملىرى لازم كله جكنى سو- يلمش ايسه كده بوراده پيشدارك ايلرى قره غوللردن تشكيل ايدلمش بولمىسه سز، ينه حيرت ايتىكز .

سز برحال استثنائى قرشوشنده سكرز ؛ بو حال اويلاه كليشى كوزل برصورتده قبول وتصوير ايدلمش دكل ، حربده بعض كره تصادف اولنان برحالدر . مثلاً ، برمفرزه قوماندانى پك ار كندن ايلروسنده پيشدار يوريتىك استديكى وشو خصوصده اولجه ايلرى قره غوللره تعيين ايدلمش اولان اقسام عسكر يه دن بشقه بريسنى تام وقتنده قوللانن بيله جكندن امين اولدينى ، ياخود پيشداره ايلرى قره غوللرده كى عسكر دن ماعداسنى و برمه مك ايچون بعض خصوصى سبيلر اولدينى زمان يوقا ريده سويلديكز كى حركت ايدر .

ويردىكيم مسئله ده پيشدار قومانداتى مخصوص پك سربست بر حالده بوللردرم . امينيم كه سز بونك خصوص اولدينى آكلامىسكز در اصل مقصودده ، وضعيتى ايودن ايوي تدقيق ايلديكز سكره سزى پيشداره عائد اولان ترتيباتى آمانه تجبور ايتكدر . بونكله برابر حال

ایدیله جگ مسئله او قدد زور برشی دکدر. اویله ایسه، بر آز صکره آنک نه وجهله ترکیب ایدلمش اولدیغنه دائر سزکله کوریشمک قولیله شمیدیک ایشی قیصه کسه جگم .

بودفعه ده بن، ایلری قره غوللرک تفصیلاتنه کیریشمه جگم . اونى دها صکرده بر اقیورم .

بیکیباشی (ح ..) میر آلاى (ق ..) ك تذکره سنى آلدقندن صکره بروجه آتی ترتیباتی اخذ ایدده جکدر :

- ۱ — عزیمتدن اول ایلری قره غوللری بریرده اجتماع ایتدرمک .
- ۲ — اجتماع ائناسنده استکشاف خدماتنه دوام اتمک .
- ۳ — پیشداری تقویه ایچون تخصیص ایدیلان قطعاتی حاضر لامق .
- ۴ — پیشداره حرکت امری ویرمک .

ایلریده کی تپه لری اشغال ایدن دشمن نظرندن محفوظاً یوروش یولی اوزرنده اجتماع اولنه جقدر . پیشداره ویریلان بتون اقسام عسکریه و باخصوص ، ایلری قره غول بلوکلری (بیوک قره غول بلوکلری) پک چوق دونوب طولاشمه لر یا تمقسزین بالسهوله اجتماع محانه کلکه چالیشه جقلردر . سز (لادونشان) ك شمال مخرجیله (مهزون — روژ) ك شمال مخرجندن بریسنی انتخاب ایدده بیلورسکر . ایلری قره غوللر خطندن شو صوک سویلدیگمیز نقطه یه بر چوق یوللر کیدر ؛ لکن دشمنه پک یقین اولدیغی ایچون بوراده کچل امنیت ایله اجتماع ایدیه مز . بوندن طولایى بر آژ مدبرانه حرکت ایدیگیز و پیشداریکزی آزاجق دها اوزاقده ومثلاً (لادونشان) ده اجتماع ایتدیریگیز . بونقطه ایلری قره غوللر خطنه نظراً بر کره مرکزی بر نقطه در . ثانیاً ، پارق ایله ده مستور بولنیور .

سزه ایتمش اولدیفم نصیحتلره ایوجه قولاق ویرمش ایسه کز، هیچ شبهه یوق که، یوروش استقامتده بولان طرق اتصالیه شیکه سی ایله اورته ده کی اراضی یی ایودن ایویه بر تدقیق و مطالعه ایتمش کزدر. اونک ایچون بن یوللرک قیمتی اوزرینه مناقشه بیان ایتیه جکم. ویا لکز (ووی بی) دن (قویون) ۰ قدر یولک آشاغی طوغری ایندیکنی و (قویون) دن (له سی) یه قدرده آنک هرایکی جهتن تپه لر ایله محاط اولدیفنی سزه اشارت ایتمکه کجه جکم.

بناءً علیه، پیشدار، حاکم بر موضعه یرلشمش اولان بردشمن قطه سی طرفدن باصقینه اوغراماق ایچون کنیش برجبه اوزرنده استکشاف اجرا ایده جکدر.

دشمن الند بولسان (سن که تن) و (پلاپه ویل) تپه لری شرقده کی اراضی یه و (موزهل) وادیسنه حاکم بولنیورلر. اوپله ایسه، مفرزه قابل دکل یوروشنی دشمندن کیزلیه میه جکدر.

بوندن طولایی، بیکباشی ب.. هرشیدن اول ۰ مالک اولدیفنی قوتلر ایله شوتپه لری ضبط ایتمکه مجبور اوله جقدر.

اگر دشمن چکیلورسه، پیشدار آنی، (موله ن - له میچ) ک عزبندن (مه زون نوو) اوزرینه تعقیب ایده جکدر. یوق اگر، مدافعه یه قیام ایدرسه، شو آره لق دشمنه دائر آرز چوق معلومات ایدتمش اولان بیکباشی ب.. یا لکز کندی قوتلریله آنک اوزرینه هجوم ایدوب ایده میه جکبی بردوشونه جکدر. دشمن، اگر کندیسندن عددجه پک آشاغی ایسه هجوم ایده جک، بالعکس، اگر عددجه کندیسندن پک یوقاری ایسه، پیشدار قسم کلی طرفدن اجرا ایدیله جک اولان

(لوری) دن تعرضه کچرسه ، پیشدار باش طرف اوزرینه یایله
 بیلنجهیه قدر ، لازم کلان زمانك قازانامسیچون ایجه وقت خصمی
 اشغال ایتك ایجاب ایله جکدر . بناءً علیه بوراده بریاده جانبدارنی
 چیقارمق لزومنی تصدیق ایدرك درحال اونك اوزرینه اولان اسبابی ،
 کچن مسئلهده شرح و بیان ایدلمش بولنان اسباب ومطالعات ایله
 برمقایسه ایدیکنز . سورایکزی : (تی نومون) دن کچهرک طوغریدن
 طوغرییه دشمن اوزرینه سوق ایتمکده بیوک برقاذه کوره مزسکز .
 چونکه ، بوسواری آز وقت صکره دشمن پیاده سنه راست کله -
 جکدر . بناءً علیه سواریکز ، اک چوق دشمنك جناحلی اوزرینه
 قوللانیله جقدر . برده سواری خصمك صول یانی جهتنده (لوری)
 نك غریبنده کی پلاتوده ، (سن که نتن) یقوشلریله (موزهل) واد -
 یسندن زیاده ، کندی حرکاته مساعد والویریشلی براراضی بوله جقدر .
 اويله ایسه ، سوارینك قسم کلیسی دشمنك صول یانی اوزرینه
 حرکت ایده جک ، (تی نومون) و (بان سن مارتن) جهتلییه ایسه ،
 سز یالکز کشف قوللری کوندرمکله اکتفا ایده جکسکز .

بتون شو سبیلردن طولایی بیکباشی ب .. آتیده کی وجهله
 قرار ویرر : (لادونشان) ده اجتماع ایدیه جک ، (سن ژورژ)
 اوزرینه طوغری بر جانبدار سوق ایدلمکله برابر اولجه ویرلمش اولان
 استقامت بونجه ایلری یوروش یایله جق ، ویشدار سواریسنك
 کافه سی (سن ژورژ) اوزرینه کوندریله جکدر .

ایلری قره غوللر اجتماع ایتدکلی ائشاده ، اونلرک ایکی
 سواری طاقتی دشمنی ترصده دوام ایده جکدر . بناءً علیه یوروش
 حائنه کیریله جکی وقت اونلر بر آز طاغیلی بولنه جقلر و صکره

یواش یواش طولانله جقلردر . اوله ایسه ، اولره اهمیتی اک آ ز اولان بر خدمت تعیین و تخصیص ایدیله جکدر . مثلاً بوطاقلرک بر قسیمی ، پیشدار و جانبدارک باش طرفلرینه ترفیق ایدیله جک ، دیکری ایسه (بان سن مارتن) جهتدن اراضی بی کشف و تحری به مأمور اوله جقلردر . هنوز بک تازه تازه (آمه لقا) دن کلان بر بچق سواری بلوکی ، پیشدار سواریسی دیه قوللانیله جق و بونک ایچون (لوری) نک اوتله رینه کوندریله جکدر . اگر بالعکس ، یکی کلش اولان ایکی سواری طاقنی سز ، پیشدار و جانبدارک باش طرفلرینه مأمور ایتمش اولسیدیکز اووقت سواری بلوکلریکنز ایجه پارچه لمتش اوله جقلردی . و پیشدار اوزمان ، حرکاتک ابتدا سنده ایلری به آنجق بر سواریسی بلوکی کوندره بیله جکدی .

بر آوجی بلوکیله بر آ زده سواری ، جانبداری تشکیل ایده جکلردر لزومی قدر سواری ایله بر لکده دیکر آوجی بلوکی واستحکام ایسه پیشدار باشنی تشکیل ایده جکلردر . پیشدار قسم کلیسنه کلنجه اوراده کری به قالان ایکی بلوکی ایله بطریقه بوانه جقلردر . اوله ایسه انقسام عسکر شو و جهله ترتیب ایدیله جکدر :

انقسام عساکر .

- ۱ — پیشدار سواریسی : یوزباشی س ..
- ۱۳ نجی دراغون آلاینک برنجی (۲ طاقم اکسیک) وایکنجی بلوکلری .
- ۲ — پیشدار باشی : یوزباشی ی ..
- ۸ نجی آوجی طابورینک برنجی بلوکی .
- ۱۳ نجی دراغون آلاینک برنجی بلوکنک برنجی طاقی (شمдіکی حالده ی قره غوللرده) .
- ۱۶ نجی استحکام طابورینک برنجی بلوکی .

۳ — پیشدار قسم کلیسی (ویورویش نظامی) :
 ۱۳ نجی دراغون آلاینک برنجی بلوکندن برکوچک ضابط ایله ۴ سواری
 ۸ نجی آوجی طابورینک ۲ نجی بلوکی .
 ۳۱ نجی سیار طوپنجی آلاینک برنجی بطریه سی .
 ۸ نجی آوجی طابورینک ۳ نجی بلوکی .
 ۴ — صاغ یان جانبداری : یوزباشی ر .
 ۸ نجی آوجی طابورینک ۴ نجی بلوکی .
 ۱۳ نجی دراغون آلاینک برنجی بلوکنک ۲ نجی طاقی (شمذیکی حالده
 ایلری قره غوللرده) .

بن بوراده ۴ نجی بلوکلک، صاغ جناح منتها سنده بیوک قره غول
 تشکیل ایلدیکنی فرض ایدیورم . بناءً علیه کری یورویش یا پیمش
 اولماق ایچون او (لادونشان) . کیتیه جک ، بالعکس (سەنت —
 آن) ک ۶۰۰ متره غرب سنده کی درت یول آغزنده اجتماع ایده جک ،
 اوردان ده (ووی) یه وارە جقدر .

پیشدار اقسامنک عزیمت ساعتی حساب ایتمک ایچون اولای
 شو و جهله ایشه کیریشیکز : (لادونشان) ک شمال مخرجندن
 (مەزی یرله مچ) ک جنوب مخرجنه قدر (۵) کیلو مترەلک یعنی
 ۶۰ دقیقه لک برمسافه واردر . اولیه ایسه میر آلا ی ق . . مفرزه سی
 قسم کلیسنک قول باشی (لادونشان) ک شمال مخرجنه ساعت
 (۶) یه طوغری واصل اوله جقدر . بوراده پیشدار ایله مذکور
 قسم کلی آره سنده (۷۰۰) مترەلک برمسافه بولنه جقدر . پیشدار
 اقسامنک درینلکی (۲۰۲۵) مترەدر . اولیه ایسه پیشدار پیاده
 اوجی، قسم کلیدن (۲۰۲۵ + ۷۰۰ = ۲۷۲۵ متره یعنی $۲\frac{۳}{۴}$
 کیلو متره = ۳۵ دقیقه) ایلریده اوله جقدر .

بناءً عليه پیشدار صباح ساعت (۵) ی (۲۵) کچه یوروشه باشلايه جقدر . پیشدار ، کاملاً یول قولنه کیردکن صکره قولنهایتی شهبه سز میرآلای ق .. مفروضی قسم کلیسنگ قول باشنه تماماً ۷۰۰ متره اوزاق اولیه جقدر . بالعکس قسم کلی بومسافه یی، یول اثناسنده تمامی تمامنه اخذ ایتش بولنه جقدر .

پیشدارک عموم درینلکنی حساب ایدرکن بن پیشدار باشینک ایلروسنده برطاقم بولندیغی ده فرض ایدیورم . پیشدارک مختلف اقسامی آره سنده کی مسافله ۴۰۰ ویا ۵۰۰ متره قدر برشی اوله . جقدر . خدمت سفریه نظامنامه سی پیاده اوجی ایله پیشدار باشی آره سنده برطاقم یوریتکده سزی سربست براقیور . یعنی ایستر اولیه برطاقم چیقاررسکز ، ایستر چیقارمزسکز . بوراده ایسه ، اگر بنی دیکلر سه کز ، پیشدار باشی ایله اوج آره سنده برطاقم بولندرمق لازم کلور . زیرا ، تام ایکی بلوکدن ترکب ایدن پیشدار باشی ، اگر ایلروسنده اوجدن بشقه برشی اولمزه ، درجه کافیه ده ستر ایدلش بولنه میه جقدر . امنیت خدماتنه مأمور اولان اقسام عسکریه دشمنه نه قدر زیاده یقین ایسه ، اونلری ده اوقدر زیاده قدمه لره آیرمق ایجاب ایدر . برده ، اونلر ، نه قدر کوچک اولورسه ، کندیلر بنی در حال تعقیب ایدن دها بیوک قطعاتی باصقیندن حمایه ایتک ایچون ده اوقدر زیاده چویک اولمق لازم کلور . اگر یوروش یولنک هر ایکی طرفنده کی اراضی تماماً آچیق اولسیدی وقور قیله جق هیچ بر باصقین تهلکه سی ده بولمسیدی ، اووقت پیشدار باشی ایله اوج آره سنه دیدیکمز کبی برطاقم چیقارمغه لزوم کورمیه جک ایدیکز . پیشدار باشی ایله پیشدار قسم کلیسی بیننده کی مسافه ۵۰۰

ایله ۱۰۰۰ متره آره سنده محتولدر . لکن اگر سز اوجك نهایتندن بر طاقم چیقار سه کز اوزمان پیشدار باشی ایله پیشدار قسم کلیسی آره سنده مسافه نك حد اصغریسی یعنی (۵۰۰) متره بی قبول ایده بیلورسکزر . کوچك بر قوله پك چوق درینلك ویرمك ایجاب ایتمز .

صاغ یان جانبداری ، پیاده اوجندن بر آزدها ارکن یوله چیقده جقدر . زیرا ، آنك تعقیب ایده جکی بول ، دها اوزون ودها کوچدر . برده جانبدار ، کوی ایچنده بر بریله چاتشمش اولماق ایچون ، پیشدار باشی کلزدن اول ، (ووی) کویی کچمش بولماید . بناءً علیه ، (ووی) دن کچمك ایچون جانبدارك بشقه بر یول طوتمش اولمسنه لزوم یوقدر . جانبدار ، پیشدار کی اوج ، باش وقسم کلی نامیله قدمه لره آیریه جقدر . ودرینلکی تخمیناً بر کیلو متره قدر برشی ایده جکدر . اولیه ایسه سز (۴) نجی بلوکی (۱۵) دقیقه اول حرکت ایتدیرمش اوله جقسکزر .

بیکباشی ب .. کندی وظیفه سنه دائر صباح ساعت ۳ دمه معلومات آلور . بونك اوزرینه در حال اجتماع امرینی ویرمی لازم کلور . زیرا ، بوامری ، پیشداری تقویه به تخصیص ایدلش اولان قطعاتك بولندینی محله یعنی (آمه لائز) ، کوندرمك و صکره کندی عسکرینی طویلامق ایجاب ایدر . بوایه هیچ شبهه یوق که ، ایجه زمان ایستر . اوندن بشقه ، حرکت حالته کیرمك ایچون بیوک قره غوللرده ایجه زمان لازمدر : ایکی سواری طاقی اجتماع زمانندن اعتبار آاستکشافه باشلايه بیلمك ایچون در حال بار کیرلرینه یم کس دیره جکلر و کندی اشیا و ترکیلرینی حاضرلیه جقلدر . بوایکی طاقك ، تام ایستیلان زمانده بریسی پیشدار باشنه ، دیکری جانبداره التحاق ایتش اوله جغه

امنیت حاصل ایتمک ایچون اونلره قطعی امرلر ویرلمک لازمدیر . مذکور طاقلر ، (لادونشان) ، ویاخود (سەنت آن) ک غریبه تکرار کلیه جکلر . بالعکس ، پیشدار سواریلی بردفعه لازم کلدیکی قدر ایلرولدکدن وبتون خط اوزرنده امنیت واستکشاف خدماتی تأمین ایلدکدن صکره اونلر (ووی) ده تخصیص ایدلمش اولدقلری قدمه لره التحاق ایله جکلردر .

بیوک قره غول بلوکلرینه کلنجه ، اونلر ممکن اولدینی قدر زیاده برزمان موضعه قاله جکلردر . بلوک قوماندانلری ایستیلان زمانده اونلری اجتماع ایتدیره جکلر وتام وقتنده التحاق ایتمش بولنق ایچون لازم کلان ترتیباتی اخذ ایله جکلردر .

بیکباشی ب . . بعضی خصوصی تعلیمات آله جق یرده بالعکس ، اقسامندن بریسی تشکیل ایلدیکی مفرزه نیک یالکز عمومی امرینه دائر معلومات ایدنمش اولسیدی ، اوزمان نه کبی امرلر ویرمش اوله جغنی بشقه بردفعه کوره جکز .

بووجهله ، مفرزه قومانداننک امریله ، اوندن صکره پیشدار قوماندانی (دمدار والی . .) طرفدن ویریلان امرلر آره سنده نه کبی مناسبات اولدیفنی اوکرتمش بولنه جغز . سزی بویه شیلری دوشونمکه تشویق ایتمک ایچون بن شمیدین ده سزک نظر دقتکزی شو نقطه اوزرینه جلب ایتمک ایسیورم .

بیکباشی ب . . طرفدن ویرلمش اولان امر ، دشمن بورنی قانه مقسزین (مهزون نوو) اوزرینه چکلمش اوله جغنی زمان بیهله ، تطبیق اوله بیهله جک برطرزده ترتیب ایدلمش اولمیدر ؛ لکن اگر دشمن

(مه زون نوو) ك اوتهنه چكيله جك اولورسه ، اوزوقت يكي بر امر ویرمه كوزم كوريله جكدور .

دشمنك (وهردون) دن قواي امداديه بكمكده اولديغه دأر اولان حوادث مادون قوماندانلرينه سويلنميه جكدور . اويله ، دكلي يا ، اولنري نافله يره ده اولدن راحتسز و متردد بر حالده بر اققدن نه چيقار ؟ اكر بو حوادثك صحيح اولديني آكلاشيلورسه ، اونى مادون قوماندانلرينه سويلمك ايچون دائما وقت بولنه جكدور . بالعكس بزى نقويه ايتك و صبا حلين (مچ) ي تحت اشغاله آلمق ايچون برمفرزه نك يولده اولديني هر كسه بيلديره جكسكز . زيرا بو اي بر حوادثدر . واوسايه ده صول جناح تهاكسي ، وشايد ايلريده بزدن قوتلى بر دشمنه تصادف ايده جك اولور ايسه ك ، خط رجعت قور قوسي آره دن قالمش اولور . دشمنك امداد آلب آلمديني آكلاشيله بيا مك ايچون امر ده پيشدار سواريسنك نظر دقتي (غراوله وت) اوزرينه جلب ايتك لازم كلور . اكر بر كشف قولى ، دشمنك اوزاقدن اوزاغه صول جناخي طولاشه رق (وهردون) يولى اوزرنده (غراوله وت) ه قدر واصل اوله بيلورسه ، شبهه سز دشمنه دأر بزه بك قيمتلى حوادثلر ويره جكدور . اوندن بشقه پيشدار قومانداني ، شفاها يالكز كندى سوارى قوماندانه دشمن امدادلرينك كلمكده اولديني حوادثنك كنديسنجه موجب اولديني قور قولرى سويله جكدور . بونك اوزرينه سوارى قومانداني ده كندى كشف قوللرينه ، (وره دون) يولى اوزرنده برشى كوريلوب كورلمديكنه دأر قطعي بر حوادث تدارك ايتك ايچون لازم كلان تعليماتي ويره جكدور .

بيكباشى ب . . . نك ويرديكي امر شويله ترتيب ايدلمشدر :

(سن زه می) نك شمالنده کی اردوگاه

۳ — ۸ — ۸۹ — ۱۰ » ۳ کوندوز

نومرو — ۱

ایلری قره غول امری

۱ — ۸ نجی آوجی طاوورینك ۱ ، ۲

۳ نجی بلوکلری (لادونشان) ك شمال

مخرجنده اجتماع ایددرك صباح ساعت

(۵) ی (۲۵) کچه حرکت مهیا

بولنه جقلردر. (۴) نجی بولك (سنت آن) ك

غربنده کی درت یول آغزنده طویلانه جق

وصباح ساعت (۵) ی (۱۰) کچه حرکت

حاضر اوله جقدر .

۲ — ۱۳ نجی دراغون آلاینك برنجی

بلوكنك برنجی وایکنجی طاقلری ، برنجیسی

(ووی) . ایکنجیسی (صوانی) دن کچهرك

صباح ساعت (۴) ده کشف خدماتنه باشلايه

جقلردر . و برنجی طاقم صباح ساعت (۵)

ی (۴۵) کچه (موزون روژ) ده پشدار

باشنه (یوزباشی س ...) ایکنجی

طاقم ایسه صباح ساعت (۵) ی (۵۵)

کچه (ووی) نك اسکی کلیسانده صاغ

یان جانبدارینه (یوزباشی ر...) التعاق

ایده جکلردر .

۳ — بیوك آغرلفلر (سن زه می) نك

شمال مخرجنده یکی امرلری بکلیه جکلردر .

۴ — بولك قوماندانلری صباح ساعت

(۵) ده (سنت آغات) ك جنوب

مخرجنده برلشه جکلر : حرکت امری .

اوراده کندیلرینه یازدیریه جقدر .

بیکباشی

... ب

بیوك قره غول بلوکلرینه تحریر آو

(وه لوسیت) سوارلرو واسطه سیله ،

ایلری قره غوللر قسم کلیسنه ایسه

شفاها کوندرلشدر .

(سن رهمی) نك شمالنده کی اردوگاه

۳ — ۸ — ۸۹ — ۳۵۱۵ کوندوز

نومرو — ۲

امداد قطعانه امر

۱ — ۱۳ نجی دراغون آلاينك ۲ نجی
بلوکی ايله برنجی بلوكنك ۲ طاقی ، ۳۱
نجی سیار طوپچی آلاينك برنجی بطریه
سی ، ۱۶ نجی استحکام طابورينك برنجی
بلوکی بنم ادارمه کی ایلری قره غوللر ايله
برابر مفرزه نك پشدارینی تشکیل ایده جکلر
وصباح ساعت (۵) ی (۲۵) کچه (لادو-
نشان) ك شمال مخرجنده حرکت حاضره
بولنه جقلدر .

۲ — حرکت امری ، صباح ساعت
(۵) ده (سهنت آغات) ك جنوب
مخرجنده آتلی ضابطانه یازدیريله جقدر .
بیکیباشی

...ب

اقسام عسکریه قوماندانلرینه تحریر آ
وملازم (ن) واسطه سیله
کوندولشددر .

(سنت آفات) ك جنوب مغرچى

۳ — ۸ — ۸۹ — ۵ كوندوز

نومرو — ۳

پيشدار امرى

انقسام عساكر

۱ — پيشدار سواريسى :

يوزباشى س ..

۱۳ نجى دراغون آلاينك
برنجى (۲ طاقم اكسيك) و ۲ نجى
بلوكلى .

۲ — پيشدار باشى : يوزباشى
ى ..

۸ نجى آوجى طابورينك برنجى
بلوكى .

۱۳ نجى دراغون آلاينك برنجى
بلوكندن برطاقم .

۱۶ نجى استحكام طابورينك برنجى
بلوكى .

۳ — پيشدار قسم كليسى (و بو
رويش نظامى) :

۱۳ نجى دراغون آلاينك
برنجى بلوكندن بر كوچك ضابط
و ۴ سوارى .

۸ نجى آوجى طابورينك ۲ نجى بلوكى .

۳۱ نجى سيار طوپچى آلاينك
برنجى بطريه سى .

۸ نجى آوجى طابورينك ۳ نجى
بلوكى .

۴ — صاغ يان جانبدارى : يوز
باشى ر ..

۱ — (مولن له مچ) ك غربنده (مازون نوو) ده بردشمن مفرزه سى وار كچى
كوريلور . (لونژه ويل - له مچ) ده ،
(پلاپه ويل) ك جنوب غريبنده (ماكنه
خانه ده) و (سن ژورژ) ده خصمك بعض
كوچك پياڭده اقسامى سكورلشدر .
مفرزه من صباح ساعت (۵) ده (مازى
يرله مچ) دن حركت ايده جكدرد .
(آنتيللى) دن كلان مير آلاى ق ..
مفرزه سى صباح وقتى (مچ) ى اشغاله
مأموردر .

۲ — پيشدار (مولن له مچ) ك غربنده ك
(مازون نوو) اوزرينه يورى يه جكدرد .

۳ — پيشدار سواريسى (ووي) ،
(لورى له مچ) و (سن ژورژ) دن
كچرك صباح ساعت (۵) ى (۲۵) كچه
(مولن له مچ) اوزرينه كيده جكدرد .

و كشف قوللرينى (له سى) ، (سى) و
(غراوه لون) ك اوتله رينه قدر كوندرد .
جكدرد .

۴ — پيشدار باشى ، عين ساعتده
حركت ايده جك و (ووي) (قوپون)
(قريغ اشتراسه) ، (پلاپه ويل) ،
(له سى) ، (مازون نوو) استقامتنجه

یوری یه جکدر . پشدار باشینک کشافلری
(بان سن مارتن) و (مه زون نوو)
جهتلرینی کشف ایله جکلردر .
۵ — پشدار قسم کلیسی ۵۰۰ متره دن
تعقیب ایده جکدر .

۶ — صاغ یان جانداری ، صباح ساعت
(۵) ی (۱۰) کچه (ووپی) یولنی طو
ته جق ؛ بعده (لوری له میچ) ایله (سن
ژورژ) دن کچهرک (مه زون نوو)
اوزرینه یوری یه جکدر .

۶ — بن پشدار قسم کلیسنک باش
طرفنده یوری یه جکم ، راپورلر اورایه
کوندرلملیدر .
بیکیباشی
ب ...

۸ نجی آوجی طابورینک ۴ نجی
طاבורی .
۱۳ نجی دراغون آلاینک برنجی
بلوکنک ۲ نجی طاقی .

اقسام عسکریه قوماندانلریله آتلی
ضابطانه آغزدن سویلنمشد .



برقاریشقلغه میدان ویرمه مک ایچون (۱) نومرولی امرده ایکی سواری طاقنه، یالکز التحاق ایده جکلری اقسام عسکریه بی دکل یواقسام عسکریه به قوماندا ایدنلرک اسملرینی بیله سویلدم (۲) نومرولی امرده آتلی بولنان ضابطلرک هپسی امر آلمق ایچون دعوت ایدیلیور . کوچک مفروزه لرده (پیشدار، دمدار، جانبدار...) بویه یایمق ایودر . زیرا اوواسطه ایله هر ضابط علی المجله وضعیت عمومی بی آکلامش بولنور . تأسف اولنورکه ، بعض کره احوال عمومی بهلا استنا بتون آتلی ضابطلرک دعوت ایدلمش اولمارینه مانعدر . مثلاً بوراده ایلری قره غوللرده کی ایکی سواری طاقم قوماندانی امر آلمغه کله میه جکلر در . چونکه اونلر دشمن ایله تماسده بولنیورلر . پیشدار باشی قوماندانی ایله جانبدار قوماندانی بر آز وقت صکره اولنره وضعیت عمومی به وامرک مندرجاتنه دائر لازم کلان معلوماتی ویررلر .

حرکت امرینک یازدیر یله جفی ساعت ، جانبدار قوماندانی کندی بلوکنه صباح ساعت (۵) ی (۱۰) کچه عودت ایده بیللمش اوله جق وجهله تعیین ایدلمشدر .

پیشدار باشنه بر سواری طاقی الحاق ایده جک یرده ایکی طاقم الحاف ایدلمش اولسیدی ، بونک بر خطا اولیه جفنه دقت ایتمکزی ایسترم . اوحالده مذکور طاقلردن بریسی ، (قوبیون) دن اعتبار آ و (دان سن مارتن) دن کچمکک جانبدارلق صفتیه (مهزون نوو) اوزرینه کوندرلمش اوله جقدی . وبو ترتیبات امرده ذکر ایدلمش بولنه جقدی . سوارینک بو وجهله استعمال ایدلمش اولسنی حقلی کوسترمک ایچونده سز یالکز

کشف قولری ایله دشمنك صاغ جناحنی استکشاف ایتمك غیر کافی اولدینی
 سویله بیلوردیکز . اکر سز ، عین زمانده هم ایلری قره غوللره
 وهم امدادلره شامل اولمق اوزره یالکز بر اجتماع امری ویرمش
 اولسیدیکز ، بونک ایچونده سزه کیمسه نك بر دیه جکی اولمزدی .
 برده سز ، اکر یالکز بر اجتماع امری قلمه آلمش اولسیدیکز ، انقسام
 عسا کر جدولنی اجتماع امرنده ویره بیلور حتی ایکی سواری بلوکنک
 بلکه هپسنی صاغ یان جانبدارینه الحاق ایده بیلوردیکز . شبهه سز ،
 بودیدیکمز کبی یامش اولسیدیکز ، انقسام عسا کر جدولی آز چوق
 تعدیلاته اوغرامش بولنوردی . مع هذا ، بکا صورارسه کز ، بن
 بووجهله حرکت ایتمك ایستینلر ایله برابر دگم . چونکه سواری اکر
 کندی حرکاتی پیاده بلوکلرینک کیدیشه کوره تنظیم ایتمك مجبوریتده
 بولنورسه ، پیاده لر اوکا نسبة پک آغز یوریدکلر یچون ، سواری
 چاره سز ، یاپیله حق حرکتلرده سربست قالمامش اولوردی . حتی بنم
 فکرجه سز پیشدارده ممکن اولدینی قدر زیاده سواری بولندرمق
 ایچون جانبداره بر طاقندن ها آز (بر کوچك ضابط ایله (۹) سواری که ،
 بوندن ۳ کشف قولی چیقاریله بیلور .) برشی بیله ویرمکده مختار سکز .
 پیشدار باشینه کلنجه اوکا هیچ بر زمان بر طاقم سواریدن آشاغی
 ویریه مز . ایلری قره غوللرک بیوک آغز قلقرینه محافظ نامیله هیچ
 برشی ویرمیه جکسکز . اونلریکی امر کلنجه یه قدر یرلی یرلرنده
 قاله جقلردر . خریطه ده ایکی دفعه (مه زون نوو) اسمی کچدیکی ایچون
 دقت ایدیکز ، سزجه اصل مطلوب اولانی اوته کیسه قارندیرمیکز .
 اکر بوشمدیکی مسئله کبی ، سزجه حقیقت حالدن بر آز آریلور کبی
 ظن ایدیلان بر مسئله نك حلی سزه تکلیف اولنورسه آنک عال واسبابی

تشریح ایدہ جکمز صردہ آئی پک مدبرانہ بر صورتہ مؤاخذہ و تنقید ایدیکز . زیرا ، آئی ترتیب ایدن ضابطک ، فلان وضعیتی فلان وضعیته نهدن طولای ترجیح ایتش اولدیغی سز بیامورسکز . اوله ایسه کندیکنزی مصحح نظرندہ آشاغی دوشوره جک اولان بر طاقم ایدشکنی تعبیرلری قوللانمقدن زیادہ سیله چکینکز . سزه مخصوص بویله بر مسئله ویرمکدن مقصدم ، سزی بر تملکه اوکنده بولدیروب ینہ کنندی الیکزلہ کندیکنزی اوتملکه دن قورتارمغه آلسد . یرمش اولمقدر . برده شومسئله سزک نه قدر خوشکزه کیمیه جک اولورسه بن دها اولقدر زیادہ نمون قاله جغم وسز ایلک اوکجه آتیده کی اعتراضلرده بولورسه کز اوندن طولای سزه کوجنمک دکل ، بالعکس پک چوق سوینه جکم :

ایلری قره غوللری پیشداره تخصیص ایتمکده نه معنا وار ایدی ؟
مفرزه قوماندانی پیشدارک عزیمت محلی ایله عزیمت ساعتی ،
استکشاف منطقه سنی ، نیچون کندیسی تعیین ایتیمور ؟

بیکباشی ب .. یہ تخصیص ایدلمش اولان امدادلری ، ایستیلان زمانده ، مفرزه قوماندانی نیچون کندیسی حرکت ایتدر میور ؟ هرایکی جهندن محکوم و یا یلمغه نامساعد بر یول بونیجه حرکت ایدد جک نه نیچون (لوری) و (سن ژورژ) دن کچن یول اوزرندہ حرکت ایتیمور ؟
اگر مسئله ده « قوماندان ب .. لزوم کوردیکی امدادلری و .. یی طلب ایدہ جکدر . » دینلمش اولسیدی ، بوکی دها بر چوق اعتراضلره محل قالوردی . ایستیلان قروکی یه کلنجہ اوندن مقصد پیشدار طرفدن اخذ ایدلمش اولان امنیت واستکشاف خدماتی یکنظرده کورمش اولمقدر . قروکی ، هانکی استقامتاره طاقم و بلوک کبی جزؤ (۱۵)

تاملرك كوندريلمش اولديغى كوسترمش اولدقدن بشقه ، هانكى استقامتله يالكز كشف قوللى كوندريلمش اولقله اکتفا ايدليكنى ده كوستره جكدرد .

اك اوافاجق بربول بيله نظر كشف وترصددن كچورلمش اولمليدر . بوشمديكى مسئله ده اولدينى كهي ، محاربه ايتك امكانى كورلديكى زمان حتى اراضينك حالى ومسافه لرك اوزاقلنى سوارى طاقم ويا بلوكلارك كوندريلمسنى ايجاب ايتديكى وقت بيله ، سزينه سوارى يي اوتيه برى يه كوندريلمكه اسراف ايتمكز . بونقطه اوزرينه آرتق اوزون اوزادى يه اصرا ايتيه جكم . زيرا يايديغكز قروكى ، سواريكزك انقسام واستخدماى خصوصنده اجراى تأثير ايتش اولان ملاحظاتى كوسترمكه كافيدر ، صانورم وآنى بويله جه فرض ايدورم .

يدنجى مسئله

« عمومى خريطه ايله (وهرنى) بافته سى »

بر قول اردو طوپچى طابوريله تقويه ايدلمش اولان ۳نجى پياده فرقه سى ، (قريزى) و (بورنى) ده اقامت واستراحت حانده بولانيور . بوفره ميرآلاى ب . . قومانداسنده اولق اوزره (ده لم) [عمومى خريطه] استقامتنده برمفرزه (۳۴نجى پياده آلاى ، ۲نجى آوجى طابورى ، ۳نجى دراغون آلاى (۴نجى بلوك اكسيك) ، ۲نجى سيار طوپچى آلاينك ۸نجى پياده و ۱نجى سوارى بطريه لرى ، ۲نجى استحكام طابورينك ۱نجى بلوكى و بر سيار خسته خانه طاقى) كوندردى .

۱ تموز ۸۹ تاريخنده بومفرزه عددجه كنديسنه فائق بر دشمن اوكنده و (صـرلكنه) دن كچارك كرى چكلمكه مجبور اولمش وشمديكى حالده (پونطوى) ده قوناقلره يرلشمش وياخود اردوكاه قورمش بولانيور . بومفرزه نك ايلرى قره غوللى (۳۴نجى پياده آلاينك ۱نجى طابورى ، ۳نجى دراغون آلاينك ۱نجى بلوكى) ، (ليه هون) — (هوت بو)

خطی اوزرنده بروجہ آتی یرلشمشدر : ۱۲ سواری ایله برلکده ۱ نجی بلوک (لیہ ہون) ک جنوبندہ ، برنجی سواری بلوکندن برطاقم ایله برلکده ۲ نجی بلوک (لیہ ہون) ک شرقندہ کی یول اوزرنده ، ۱۲ سواری ایله برلکده ۳ نجی بلوک (ہوت بو) دہ ، ایلری قرہ غول قسم کلیسی (۴ نجی بلوک ایله برنجی سواری بلوکنک کری یہ قالان قسمی) ایسہ یول اوزرنده وتخمیناً (پلوش) ک برکیلومترہ قدر جنوب شرقیسنده . آقشام ساعت (۱۰) ہ قدر میرالای ب . . نک آلدینی حوادئرہ نظراً ہر صنف عسکردن مرکب بردشمن قولنک (صولکنہ) یہ واصل اولدینی آکلاشیلور . (سہ قورت) دن کلان وبرچوق پیادہ وسواری بلوکلرنی حاوی اولان دیگر بردشمن قطعہ عسکریہ سی (بہرہوت) اورماننک جنوبندہ اردوکاہ قورمشدر . دشمن سواری کشف قوللری ، بزکیلیرنی (قووان) - (سیلی آن صولنوا) - (بو) خطی اوزرینہ قدر کری یہ پوسکورتدی . (بو) دہ اسیر دوشمش اولان بردشمن سواریسنک دیدیکنہ باقیلورسہ بوسوارینک منسوب اولدینی بلوک (لوپی) دہ قوناقلرہ یرلشہرک کیجہ یی اورادہ کچورہ جکدر .

میرالای ب . . دشمنلہ جدی بر محاربہ یہ کیریشمیہرک ، ممکن اولدینی قدر دشمنک یورویشنی تأخیر ایدرکدن ۲ تموز کونی رجعتتہ دوام ایتمک ایچون ۳ نجی پیادہ فرقہ سی قوماندانندن امر آلور . فرقہ قوماندانی ، محاربہ یی ۲ تموز ۸۹ تاریخندہ و (مرسیاہ مچ) ک غربندہ بر موضعده قبول ایتمک نیتندہ در .

یایلہ جق وظیفہ

۱ — ۸۹ سنہ سی تموزینک برنجی کونی میرالای ب . . طرفندن

ویریلان امر :

۲ — اسباب موجبہ نک تشریح و بیانی :

بر رجعت امرینک نمونه سی

محل

تاریخ ، ساعت

مفرزه امری

- ۱ — دشمن ایله کندی قطعاً مفرزه دائر معلومات .
- ۲ — مفرزه نك مقصدی (مفرزه قوما- ندانك افكار وصرای) .
- ۳ — بیوك اغرلفلره دائر ترتیبات (اكثر یا اولر اوزاغه کوندریلور . عزیمت ساعتی ، عزیمت محلی ، استقامت حرکت و محافظ) .
- ۴ — پیشداره دائر ترتیبات (عزیمت ساعتی ، عزیمت محلی ، تعقیب ایذیله جك استقامت ، وظائف خصوصیه) .
- ۵ — قسم کلی ایچون ترتیبات (عزیمت محلی ، عزیمت ساعتی ، یا عینی یول تعقیب ایذیلور و یا خود بشقه بریول) .
- ۶ — دمدار ایچون ترتیبات (مسافه ، عزیمت محلی ، عزیمت ساعتی ، بالخاصه یان طرف یوللری اوزرنده استكشافات ، وظائف خصوصیه) .
- ۷ — جانبدار لر ایچون ترتیبات (۶ نجی ماده ده اولدینی کبی) .
- ۸ — ایلری قره غولار ایچون ترتیبات .
- ۹ — حرکتك بدایتنده قوماندانك یری .

- انقسام عساكر
- ۱ — پیشدار : قوماندان .
پیاده .
سواری (نادراً) .
طوبجی (نادراً) .
استحكام (اكثر یا) .
 - ۲ — قسم کلی (ویوروش نظامی) :
سیار خسته خانه .
استحكام .
پیاده .
طوبجی .
پیاده .
سواری .
 - ۳ — دمدار : قوماندان .
پیاده .
سواری (چوق) .
طوبجی (اگر ممکنسه دائماً) .
استحكام (نادراً) .
 - ۴ — صاغ یان (یا خود صول یان) جانبداری :
قوماندان .
دمدارده اولدینی کبی
- امراك قطعات عسکریه یه نه وجهله توزیع ایداش اولدینی بورایه درج ایذیلور .

بر رجعت اثناسنده سواری بی مستقل حرکت ایتدیرمه مك اصولدندر. باش
طرف ، کری طرف، صاغ وصول تعبیرلری قوللانلندینی زمان مفرزه نك دائما
دشمنه متوجه بولندینی فرض ایدیلور .

سکزنجی مکتوب

بر رجعت ایچون امر

ایلك رجعت امریکزی ترتیب ایده جککز ائشاده ، ایلك ایلری یورویش یایمش اولدیغکز اراضی یی کوزیکز اوکنده بولندرمش اولق ایچون بن مخصوص ینه او اراضی یی انتخاب ایتدم . او یله ایسه ، بو اراضی یه دائر ایکنجی مکتوبده هر نه سویلمش ایسم رجا ایدرم اونی تکرار برکوزدن کچوریکز . زیرا بن ، برکزه دها اوندن بحث ایده جک دکلم . بوشمدیکی مسئله ده ، تام ، ال دکمه مش بر مفرزه نك بسیط بر رجعت حرکتی ایچون آله جق ترتیب ایدن بحث ایدیه جکدر .

۳ نجی پیاده فرقه سی قوماندانی طرفدن کلان امره نظر آ میر آ لای ب . . کندی رجعت حرکتیه دوامه مجبوردر . میر آ لای ، جانی هانکی یولدن کیتمک ایسترسه او یولدن کیده جکدر . زیرا ، فرقه امری آ نی یول انتخابنده سربست براقیور . اغلب احتماله کوره دشمن طرفدن پک یقیندن تعقیب ایدلمش اولدینی حالده میر آ لای ب . . اکر طوغریدن طوغری یه یول بونجه چکیلورسه ، فرقه یی صیقندی یه دوشورور و فرقه طوپیجیسنک تا اوزاق مسافه دن دشمن علیه آتش آچسنه مانع اولوردی . بناءً علیه اک ایوسی مفرزه ، یا (به ووی-لاباس) ه طوغری فرقه نك صاغ جناحی ، و یا خود (مرسیله مچ) ه طوغری فرقه نك صول جناحی اوزرینه چکملی که ، فرقه نك جبهه سی آجیق بولنسون . صول یان اوزرینه کیدن یوللر ، صاغ یان اوزرینه کیدن یوللر قدر بر رجعت حرکتی ایچون الویریشلی دکدرلر . او یله ایسه مفرزه ، اولای بیوک یول بونجه چکیلجک ، صکره (به ووی-)

لاباس) . وارمق ایچون (شەزنی) و (قرەبی) استقامتی تعقیب
ایلیه جکدر . (اورنی) دن و (هویتال) اورمانلرندن کچەرك
(شەزنی) یە کیدلسیدی، بوندن هیچ برشی قازانلمش اولمزدی .
بویول برکەر دها اوزون بریولدر . برده ، (اورنی) ایله (شەزنی)
آره سنده کی قسمی عجباطویلرایله آغرلق عربهلرینک کچمسنه مساعدمیدر ،
یوقسه دکلیدر ؟ بوراسی بیلنمور . (پونطوی) ك شمال مخرجنی
بیوك جاده یه زیبط ایدن یولده بنجه ابی بریوله بکزه میور . زیرا ،
(بی یرو) نك جنوب شرقیسنده (۲۶۰ و ۲۴۰) راقلی منخیلر آره سنده کی
قسمی بردن بره سرتلشیور . بناء علیه اوراده بن عربهلرک باشنه برقضا
کلسون دیه قورقیوروم .

منخیلرک صیقلنی وراقلر سزك نظر دقتکزی جلب ایتسه بیلە
یالکز یولك شکل وطیبعی شو نقطه یی سزك نظر دقتکزه آلدیرردی ،
صانورم . شهبەسز ، ابی برحالدە بولنان براتصال ویاھرھانکی براسکشاف
یولی بونجه یوریمکدن دائما قورقق وچکنمک لازم کلز . لکن برخیلی
طولاشمەلرە سبب اولدینی و بوراده کی کبی یولك قیصەلنی پک جزئی
برشیدن عبارت بولندینی زمان اوילה بریول بونجه کیتمکده معنا
یوقدر .

(پونطوی) ك غرب مخرجندن حرکت ایتیش اولدقدن صکرە
سز ، (غره و لاهوت) دن کچەرك همان بیوك یولی طوتیکز . تعیه
نقطه نظرندن ، بو استقامت حقندە کیمسەنک بر دیه جکی اولەمز . چونکه
ایلری قرە غوللر ، مفرزەنک حرکاتی کورمکدن دشمنی منع ایدەجک
قدر ایچە ایلرودە بولنیورلر .

فرقەدن کلان امرە نظراً جدی بر محاربه یه طوتشمقدن چکنمکله

برابر، الدن کلدیکی قدر خصمک یوروشنی تأخیره چالشمق وظیفه مزدرد. بوندن طولای دمدار دشمنی یایلمغه مجبور ایده بيلمک ایچون آره صره طوره جق و بعض موضعلر طوته جقدر. لکن بردغه شو نتیجه استحصال ایدلدیکی کبی دمدار همان کجیکمکسزین رجعتیه دوام ایلله جقدر. شمدی کری یه قالان شی، دمدار نه وقت و نره ده موضع آله جق، ایشته بونی بيلمکدن عبارتدر. حرکت امری ویرلدیکی زمان طبیعی بوکا دائر هیچ برشی بیلیمور. و دمدار قوماندانی نه یایمق و نره ده موضع طوتمق لازم کلدیکنی آنجق ایرتسی کون اراضیده آکلایه بيله جقدر. دمدار اکر، جبهه دن مدافعه سی قولای، وجدی برمانع کریسنده یرلشه بیلورسه بو، پک مکمل برشی اولور. چونکه دشمن بومانع قرشوسنده یایلمق خصوصنده ایجه زمان غائب ایتش اولورکه، بزم ایستدیکمزده اصل بوندن عبارتدر. یازیق که، بولندیغمز اراضیده شوبله برمانعدن اثر بيله یوقدر. چاره سز، یول اوزرنده بعض منتخب نقطه لری قطع ایدرک یالکز آره صره دشمنی طور در مقله اکثفا اوله جقدر.

مثلا بیوک یول اوزرنده و (غروه — لایاس) ک جنوبنده کی کوپری ایلله (شه زنی) نک ایکی کوپرسی تخریب ایدیلله جقدر. واقعا بونلری تخریب ایتک ایچون ایجه زمان ایستر، لکن نه چاره اویله یایمغه مجبوری و اردر. اکر دشمن اورادن کندی عربهلرینی کچورتک ایستورسه اونلری همه حال تعمیر ایتکه لزوم کوره جک و بناء علیه بزم منفعتزه خدمت ایتک اوزره اپی زمان غائب ایتش اوله جقدر. هر نه قدر خریطه کوپرینرک هر ایکی جهته ده کی چایرلرک صولاق اولوب اولدیغنی سولیمورسه ده، ینه مذکور چایرلردن آکلایشیلورکه، یوللرک خارچنده یوریمک بوراده غیر ممکندر. فی الحقیقه چایرلرک سواری

وطوبحیڻڪ حرڪاتنه الویرشلی اولدقلرینی ویا اولدقلرینی یالکزخریطه یه باقہرق سویلمک وبونی تصدیق ایلمک اصلاً ممکن اولان شیلردن دکلدر . زیرا هوانک یاغمرولی ویا کونشلی اولیشنه نظراً ، چایرلرده باتمق ویا باتماق ممکندر . بالعکس ، (سنپی ر) دره سنک (قره پی) ده کی کوبریلری مفرزه طرفندن تخریب ایدلش اولیه جقلدر . زیرا اونلر برکره ، فرقه یه پک یقین بولنیورلر ، ثانیاً فرقه قوماندانی اونلردن استفاده ایتمک فکرندهمیدر ، یوقسه دکلمدر ؛ اوراسنی ییلمیورز . برده استحکام بلوکی ، (اورنی) نک شمالنده (هوپیتال) اورمانلرینک مدخلنده بر (التجا موضعی) ترتیب واحضار ایده ییله جکلدر .

بیوک آغرلقلر ، رجعت حرکتنی برصیقندی یه دوشورمه مک ایچون ممکن اولدینی قدر اوزاغه کوندیریله جکلدر . وقطعات عسکریه دن ایکی ساعت اول یوله چیقه جقلدر ، بویاسه چوق برشی دکلدر . پک ارکندن یوله چیقلدینی ایچون واقعا براز راحتسزک اوله جقلدر . لکن نه باس وار ؟ چونکه بوراده هرشیدن اول عسکرک راحتی دکل امنیتی دوشونلمک لازمدر . دشمن اوزرینه معلوما تکز اوقدر مکملدرکه ، سز ، حریده ده بویله حوادثلر الده ایتمش اولورسه کز کندیکزی بختیار صایملیسکز . کرچه ، سز دشمنک قوتی مطلق شو قدر در، دیه مزسکز . لکن ، موجودی زیاده بردشمن قولنک (صو- لکنه) ده کیجه نی کچوردیکی ودها ضعیف اما ، هر حالده برچوق پیاده وسواری بلوکلرینی حاوی دیگر بردشمن مفرزه سنک ده (بهروپت) اورماننک ، جنوبنده اردوگاه قوردیغنی محقق برصورتده ییلمیورسکز . اویله ایسه شمیدیکی حالده سزک قرشوکزده بولنان دشمن اک آزیکی

قولدن عبارتدر . ایرتسی کون بو قوللردن بریسی ، بیوک یولی تعقیب
ایده جک ، اوبری ده (وینی) دن و کرک (بوش) و (لی به هون) دن
کچه رک غریبه موازی بر یول بونجه (شهزنی) اوزرینه یوری به
جکدر . ایکنجی دشمن قولنک صکره غریبه کی (هویتال) اورمانلرینی
طولاشمق ایچون (بورنی - لاغراس) دن کچمسی محتمل دکلدرد .
زیرا اگر او یله یاییلورسه ایکی قول بربرندن آیرلش اولوردی .
بناءً علیه غرب قولی ، احتمال (اورنی) اوزرینه یوری جکدر .
برشی وارکه ، هیچ شبهه ایتمه سزک نظر دقتکز همه حال اورایه
منعطف اولمشدرد . دشمنک غرب قولنده دراغونلر اولدینی و (بو)
موقعنده ایسه برهوسارک اله کچدیکی معلومکزدرد . بوندن شبهه سز ،
دشمنک ، بزم مفرزه دن زیاده سواری به مالک اولدیغنه حکم ایتمشکزدرد .
چونکه دشمنده ایکی مختلف آلایدن سواریلر بولندینی اثبات ایدلش
دیمکدر . شمعی بیلنه جک برشی ذها قالورکه اوده عجبا دشمن یاننده
بولنان شو مختلف سواری آلایلری تام میدرد ، یوقسه نقصان میدرد ؟
اشته بوراسنی ده او کر نه بیلورسه که نه اعلا اوله جق ! اسیردوشمش
اولان هوسارک دیدیکنه اینامق لازم کلورسه ، اک آاز بر دشمن
سواری بلوکنک (لوپی) ده کیجه نی کچورمکده اولدینی آکلاشیلور .
اگر بواسیر طوغری سویلیورسه ، ایرتسی کون (بو) و (پونطوی)
جهتلردن دشمن سواریسنک تعقیبندن کندیگری قورومغه باقیکز .
دشمن تعقیب ایدلیدیکی زمان ، یانلری بونجه اوزانه رق اوکا
یتشه بیلیمک ایچون ، کنیش برجیه اوزرنده یوروش یایمقده اپی
فائده واردر .

بناءً علیه ، اسیرک افاده سی طوغری اولق لازم کلدیکی وبونی

جدی بر صورتده نظر دقتہ آلمق ایجاب ایندیکی اکلاییلور .
 بو افاده نك حاوی اولدینی حواده کوره یوروش یولنك شرقده
 حرکات عسکریه اجرا ایدن دشمن سواریسنك قوه موجوده سنی
 تعین ایلمك ممکن اوله مز . حتی اسیر ، دیدیکمز سوارینك موجودینی
 عدده کوسترمك ایستمش اولسه بيله سزینه اونك سویلدیکنه
 اینانمیکمز . چونکه ، اسیردوشن افراد عسکریه ، بیلدکلرینی عینله
 سویلمکدن چکنمسلر بيله ، ینه اونلرک ایچنده منسوب اولدقلری
 قطعه عسکریه نك قوه موجوده سنی تمامی تمامنه کوستره جک آدم پک
 نادردر .

شبهه سز دشمنك ، بر بلو کدن زیاده هوساری وارددر . اوله
 ایسه سز ، ایرتسی کون بیوک یولك جهت شرقیه سنده بردن زیاده
 هوسار بلوکلرینك کوریله بيله جکلرینی فرض وقبول ایندیکمز .
 برده ، خصمك (ساربروك) اوزرینه کیدن تیمور یولنی حین حاجتده
 ضبط ایتمك ایچون اوطرنه اولدقچه قوتلی بعض اقسام عسکریه
 کوندرمش بولمسی ، وقوللرندن بریسنك ده (ردمیلر) دن کچهرک
 (میچ) اوزرینه یورومش اولمسی محال دکلدر . شبهه سز ، سزك
 مفرزه کزك شمندوفر جهتدن یابه بيله جکی شی ۳نجی پیاده فرقه سی
 قوماندانی تام وقتنده خبردار ایده بیلیمك ایچون اوطر فلرده کلوب
 کچن وقوعاتی او کرئمکه چالشمقدن عبارتدر .

میرآلای ب .. ایچون دشمنك اک تهله کلی اولان قولی ، بیوک
 یولك غرب جهتدن ایلرولیاندر . فی الحقیقه ، اکر بو قول علی المجله
 (شهزنی) یه کلکه موفق اولورسه ، مفرزه نك (قره پی) یه مواصلتی

کوج اولوردی ، بناءً عليه بر پیاده پیشداری واسطه سیله غرب
جهتدن دشمن قولنك یوروشنی تأخیر ایتك لازمدر .

دیدیکمز جانبدار عجباً دمداردن می یوقسه مفرزه نك قسم
کلیسندن می چیقارمیلیدر ؟ شمديكى حالده بو وظیفه یه (لی یه هون) ك
جنوبنده کی ایلری قره غول بلوکنی تعیین ایتك طبعیدر . او یله
ایسه بو بلوك دمدار اقسامندن بریسنی تشکیل ایده جکدر . بووجهله
بر جانبدار آیرمق خصوصنی سزده ، دمداره ترك ایدرسکز . دمدار
عزیمندن اول آله جفی خبرله نظراً جانبداره نه قدر قوت ویرمك
لازم کله جکنی آکلار . او وجهله لازم کلان قوتی افراز ایدر .
حاصلی ویرله جك امرده ، دمدارك (هویتال) اورمانلری اوزرینه
یا ییله جق اولان دشمن هجومی طور دیرمغه مجبور اولدیغنی سویامك
لازمدر . میرآلای ب . . بونی بویله جه یازمغه مجبوردر . زیرا ،
دمدار قوماندانك ، احوال عمومیه یی کندیسکی کبی تقدیر ایدوب
ایده میه جکندن امین دکلدر .

شمديكى حالده ، بر جانبدار تشکیلی ، مفرزه نك قسم کلیسندن بعض موانع
ایله آیرلمش بولنه جفی زمان جانبدار نفریق ایتك جائز اولدیغنی قاعده سنه
مغایر دوشیور . بوراده ایجه بر زمان ایچون عین حال واقعدر ؛ مانعه
کلنجه اوده (هویتال) اورماننك قسم شرقیسیدر . بونکله برابر
وضعیت عمومیه هر نصل اولورسه اولسون بوراده دشمن یوروشنك
تأخیر ایدلمش بولنسنی ایجاب ایدیور . ایشته کوریورسکز که عملیاتده
بعض دفعه نظریاتدن آیرلمق لازم کلیور . هر حال خصوصیده تبدل
ایده جك حل ، بعض تصادفله تابع اولیور .

کلن خبرله نظراً ، دشمنك اك مهم قولی بیوك یولی تعقیب ایدیور .

خصمك ايلرولسنى تأخير ايتك ايچون دمدار، برچوق مناسب موضعلر طوتهجق و دمدار قوماندانى ايسه بوموضعلرى اولدن دها دوشونمش اوله جقدر. قسم كلى، يورويشده هيچ بر طور غناق حاصل اولماق ايچون برانظام تام ايچنده رجعت ايدجكدر. وشايد، قسم كلينك يورويشى آزجوق تأخرايتمش اولورسه اوزمان دمدار ايستر، ايستمز دشمنه قارشو ايجه بر زمان مقاومتده بولنه جقدر.

احتمال كه سز (لوبي) ده كورلمش اولان دشمن سواريسنه قارشو اخذ ايديله جك تدابير خصوصنده آزجوق صيقلمشسكزدر. بيوك يوك شرفنده كي اراضى بو يوله تماميله حاكم اولدقدن بشقه، غرب جهتلرينه طوغرى دشمن سواريسىچون پك نظارتلى اولديغدن طولايي شبهه سز، دشمن سواريسنك بوجهتدن ايلرولسنى منع ايتك آرزو ايديله جكدر. دشمن سوارى كشف قولارنى كرى به پوسكورتمك ايچون درجه كفايه ده سواريكز واردر. لكن بوجهتده كي دشمن سواريسنك سزككندن زياده اولوب اولديغنى بياميورسكز. اكر فى الحقيقه دشمنك سواريسى سزك سواريكزه عددآ فائق ايسه اوزمان سزك سواريكز يالكزباشنه، كنديسنه ويرلمش اولان وظيفه يي باشه چيقاره ميه جقدر. سوارى به بر ويا ايكي پياده بلوكى الحاق ايتك خصوصنه كانجه بوندن ده هيچ بر فائده حاصل اولميه جقدر. هم بر ويا ايكي پياده بلوكى ويرمكدن نه چيقار؟ سزك پياده، كزك تأثيرندن قورتلمق ايچون دشمن سواريسنه يالكز بر چرق ايتك يتيشور. وشبهه يوق كه سز آنك بووجهله حركت ايتمنه مانع اوله مازسكز. بناءً عليه اوجهتدن دشمنى سواريكزله ترصد ايتديرمك وتام زماننده فرقيه معلومات يتيشديرمش اولق ايله اكتفا ايديكز؛ بو سزك

۱۰. ایچون الک ابو بر یولدر . وشو نقطه نظر دن اخذ ایدیله جک تدایر
فرعیه بر آرز یوقاریده سویلدی کمز اسبابدن طولایینه دمداره عاذه
برشیدر . اوله اولنجه ، بر رجعت ائناننده ، بتون امنیت خدماتی
یالکنز بر الده جمع ایدلش بولنور ، دیمکدر .

بتون شوملاحظه لر اوزرینه میر آلا ی ب . . بوجه آتی قراری
اخذ ایتش اولور : (شهنی) دن کچهرک (بهووی - لایاس) اوزرینه
رجعت اولنه جقدر . دمدار بورجعت حرکتی واسع برجهه اوزرنده
ستر وتأمین ایله جکدر ؛ بیوک آغرقلر قول باشینه تقدم ایتش
بولنه جقدر .

انقسام عسا کرجدولکنزی یادیغکز ائناده شاید ایلریده دشمنه
قرشو ایجه زمان مقاومت ایتک لزومی کوریلورسه بو وظیفه یی بحق
باشه چیقاره بیامک ایچون دمداری ، پیشداردن قوتلی بولندیرمغه
دقت ایدیکز . اوله ایسه بوراده ایکی طابور چوق کورلمز سانورم .
بو وجهله دمدار قوماندانی ، یوروشنه دوام ایده بیله جک اولان قسم
کلیدن امداد آلمق سزین ، دشمنله تماسده قالان بعض اقسام عسکریه یی
کندی اوزرینه طوبلایه بیله جک درجهده قوتلی بولنه جق دیمکدر .

بر ایلری یوروشیده ایلری قرده غوللری ، پیشدار باشی کندی
خذالرینه کلنجه یه قدر یرلی یرنده براقق واوندن صکره قول نهایتدن
یوریتک خصوصنده کی قاعده معلومه خلاقنده اولق اوزره بوراده
ایلری قرده غوللری تمامیه دمداره ویرمک وقسم کلینک رجعتی
دشمندن کیزلک ایچون اونلری ایجه زمان یرلرنده براقق لازم
کلدیکنی سزده بنله برابر اعتراف ایدرسکز سانورم .
دمدارده کندی نوبتنده کری به چکلمکه باشلامش اوله جفی زمان

آنك ايله قسم كلى آره سنده ودمدار فرقه لرى بېتىنده كى مسافه
بك بيوك اوله جقدر . لکن ، بر آز وقت صكره بو مسافه لر لزوم
قطعى درجه سنه اينديرلمش بولنه جقدر . زيرا كوچك پياده
اقسامى ، با خصوص بر رجعت يورويش سنده ، هر صنفدن تركب
ايتمش بولنان بر قولدن زياده يورويشى اوزاتمش اولورلر .

ايلرى قره غوللرى طوبلايه بيلمك ايجون سز ايسترسه كز
دمدارك بر قسمنه موضع بيله آلديرمش اوله بيلورسكز . لکن
شوتدير ، اكثر يا دمدارك رجعتى كچيكديرمش اولديغى ايجون
مقبول بر شى دكلدر . اويله ايسه سزده او كا هيچ اهميت ويرميكز .
چونكه او عملى شيلردن معدود دكلدر . دشمنله تماسده بولنان
اقسام عسكريه رجعته باشلايه جقدرى زمان قولك محتلف قدمه لرى
يول اوزرنده يورويش حالته كيرمش اولميدرلر . كيجه اين كزياده
يورولمش بولنان قطعات عسكريه نك كوندوزينده لك آغير اولان
بر امنيت خدمته مأمور ايدملرى كرچه تأسف اوانه جق برشيدر .
فقط نه چاره ! بوراده ذالما بشقه درلوحركت ايتمك ممكن دكلدر .

اويله ايسه ، مادام كه ايلرى قره غوللر ۳۴ نجى آلايك برنجى
طابورى طرفندن تشكيل ايدلمش بولنيورلردى . آرتق اولنره طوتوبده
آوچى طابورنى الحاق ايتميكز . بالعكس دمدارك بتون پياده سى يالكر
بر جزء تامدن آلتش اولقى ايجون عىنى آلايك ديكر بر طابورنى الحاق
ايديكز . اويله ياپارسه كز پياده قطعاتى بر برينه قاريشديرمش
بولنورسكز . محاربده قطعات عسكريه نك بر برينه قاريشمش اولسنه
باشليجه سبب ، دائما مذكور قطعاتك دوشونمكسز اين اقسامه آيرلمش
بولمليد . بو خصوصده بر صيقتدى يه دوشمش اوله جكمز زمان ،

هیچ طور میکز، همان حین حاجنده برنجی خط قطعاتی هانکی
 اقسام ایله تقویه ایتش بولنه جغکزی برکندیگزدن صوریگز . بر آز
 صکره بنینه شومهم بحث اوزرینه سزکله قونیشورم . عین فکرلردن
 طولانی، ۳۴ نجی پیاده آلاینگ ۳ نجی طابوری درحال دمداره
 تقدم ایتش اوله جقدر . ایلریده بر زمان اولورده . سز دمداری ویا
 جانبدری تقویه ایتکه برلوزم کورورسه کز اووقت آتش خطی تمدید
 ویا تضعیف ایتک ایچون عینی آلایک بر قسمنی صرف ایتش بولنورسکز .
 طابورلری ده بربرینه قاریشدرمقدن صوک درجه چکینمک لازمدر .
 الدمه بولنان بتون سواری دمداره ویرلمش اوله جقدر . زیرا، دشمن
 ایله یالکز تمانی محافظه ایتک دکل، بالخاصه خط رجعت موازی کیدن
 یوللری ترصد ایتک و دشمنی بزم قوللریمز یاقلاشمقدن منع ایلمک ده
 لازمدر . سواریمزک وظیفه سی یالکز دشمن کشف قوللریله تماسده
 قالمق دکل، بالعکس، اونک قسم کلیسنی ده نظر دقتده بولندیرمقدن
 عبارتدر . سواری اوسایه ده دشمنک، قسم کلیسی طور دینی ویا بشقه
 بر استقامت طوتدینی ویا خود احتمال کرییه چکلدیکی ائنده، بزه
 قارشو یالکز ضعیف بر پرده خطی تشکیل ایتکله اکتفا ایدوب ایتدیکنی
 آکلامش بولنه جقدر . دشمن سواریسی نه قدر قوتلی اولورسه،
 بزم سواریمزک وظیفه سی ده اوقدر کوچ اوله جقدر . احتمال که
 بزم سواریمز وظیفه سی باشه چیقاره بیلیمک ایچون بیوک بیوک
 مسافهلردن طولاشمق و حسابسز بر صورتده قوت صرف ایتک
 مجبوریتنه دوشه جکدر . لکن رجا ایدرم : بر سبب قطعی کورلمدکجه،
 بوبیوک وظیفه یه مأمور اولان سوراینگ بر نفرینی بیله بوش یره
 طاغتمقدن صوک درجه احتراز ایدیکز . رجعت ایچون بر امر نمونه سی

یازدیغ صرمدہ تزیہ اولارق، بر رجعت یوروشی ائسانندہ سوارینک
مستقل اولمدیقئ سویلشن ایدم. فی الحقیقہ دشمنہ دائر اک اول
معلومات ایدنمش اولہ بیلمسی ایچون ، بوبایدہ کرک امنیت وکرک
استکشاف خدماتنک هبسی دمدار قوماندانک درایت واهلیتہ
براقیلور . مع ہذا ، دمدار ایلہ دشمن ارہ سندنہ کی مسافہ سواریمزک
دشمن ایلہ تماسدہ قالمسنی یعنی دمداردن ایچہ اوزاقدہ بولنمسنی ایجاب
ایدیور. واکر بوسواری یان طرفلردہ واقع بردشمن اوزرینہ آتلمغہ لزوم
کور یورسہ اوزمان آنی مستقل بولندرمق و طوغریدن طوغری بہ مفرزہ
قوماندانک ادارہ سی آلتندہ حرکت ایتدرمک لازم کلور . لکن شو
حالدہ بیلہ دمدار ، کندیسنہ مساوی قوتدہ بریشدارہ ویریلہ جک
اولان سواریدن زیادہ سواری بہ محتاجدر . اولیلہ ایسہ سزک اوج
سواری بلوککز بورادہ دمدارہ الحاق ایدیلہ جکلردر. مفرزہ قوماندانی
یالکز غبارہ ایچون برقاج سواری آیرہ رق اولنر ایلہ اکٹفا ایدہ
جکدر . بوندن فضلہ سنی آیرمغہ هیچ لزوم یوقدر . چونکہ مثلاً
۳ نجی پیادہ فرقہ سیلہ ارتباطی محافظہ ایتمک وبر راپور نقل ایتمک
ایچون بیوک یول بونجہ حرکت ایدہ جک اولان بر وہ لوسیت
سوار کافی اولہ جقدر .

دمدار قوماندانی کندی سوارینسی نصل ایسترسہ اولیلہ جہ قوللا-
نہ جقدر . مفرزہ قوماندانی اوکا یالکز اک زیادہ کشف وترصد ایدلمسی
لازم کلان استقامتی کوسترمکلہ اکٹفا ایلہ جکدر . اگر الدہ طویجی
وار ایسہ ، کذالک اونکدہ اک چوغی دمدارہ الحاق اولنہ جقدر .
زیرا بطریہ لرینک آتشلری واسطہ سیلہ طویجیلر دشمنی پک اوزاقلردہ
ایکن دہا یا باغہ مجبور ایدرلر . بوسایدہ ایسہ رجعت ایدن جہت

لازم کلان زمانی قولای . قولای قازانمش اولور . بناءً علیه دمدار یالکز برپاده طابورندن تشکل ایتمش بولنسه بیله اوکا بر وحی ایکی بطریه بول بول ویرلش اوله جقدر . حال بوکه عین قوتده برپیشداره بو قدر طویجی ویرمک پک نادر در . بر مفرزه نك دمدارینه اکثریا بر بطریه ویرمک یتیشور . لکن ، بوشمیدیکی حالده سزك دمداریکزه ایکی بضریه ویرمه کز برخط اولیه جقدر . زیرا اگر سز بر محاربه ویره جک اولور سه کز ، ایلک اوکجه دن دها دشمنه مؤثر بر آتش اجرا ایتمش بولنمه کز لازم کلور . مع هذا ، بر دمدارک مظفریت قازانمقدن زیاده وقت قازانمق مجبور یتنده اولدینی هیچ خاطر دن جیقار میکز .

مفرزه قوماندانی ، اکثریا بر بطریه واسطه سیله کندی دمدارینی طوبالامق ایستیه جکدر . بویه زمانلرده او ، بطریه نك موضعی تعیین ایتمک مجبور در . حاصلی دها بیوک جزء تاملر (فرقه وسائر) دن بحث ایدلدکجه طبیعی دمدارلر ، مفرزه لرده کیندن زیاده طویجی الحاق ایدیلور . ایکجی مسئله ده اولدینی کبی مفرزه بر سواری بطریه سنک ترفیق ، شبهه سز اوکا کوستریله جک موقع اوزرینه سزی ایجه دوشو ندر مشدر . پک مستتا زمانلرده یعنی رجعت ایتمکده اولان بر مفرزه یالکز بر سواری بطریه سنه مالک ایسه او وقت دمداره مذکور بطریه ویریلور . بو بطریه نك یورویشی پک سریع اولدینی ایچون وضعیت مشکل برحاله کیردیکی زمان بیله او ،ینه وعلی العجله کری به چکیله بیلورکه ، بوسایه ده صوک زمانه قدر آتسه دوام ایتمک ، ممکن اولور دیمکدر .

بر دمداره ، طویجی ویرمه مک بسبتون مستتا حاللرده واقعدر . مثلاً ، قطعات عسکریه نزدنده تماس وارتباط دن اترقالدینی ، یوللر طویجینک حرکته غیر مساعد اولدینی زمانلرده چاره سز دمداره طویجی

ویرلنز. مع هذا اگر سلامت عمومیہ طوہینک فدا کارانہ بر صورتہ حرکت ایتسی ایستورسہ اوزمان ینہ دمدارہ طوہی ویرمکن چکینلنز .

کری یورویشلردہ استحکام صنفی اکثریا، دیگر قطعاتک اوکنجہ حرکت ایدر . زیرا اونک طرفدن یایله جق ہر ایش ایجہ زمانہ محتاجدر . وا کر بوکا ، لازم کلان تدارکاتی یامق خصوصندہ صرف ایدیلہ جک وقتہ علاوہ ایدیلورسہ ، شہہ سز ، استحکام صنفی ایچون ، کیرودہ قالہ رق بر ایش کورہ بیامک پک زور وحی بعضاً محالدر دیہ بیلورز . اگر استحکام صنفک سزہ خدمت کورمش اولسنی ایستورسہ کز ، اونک ایچون لازم کلان زمانی تعیین خصوصندہ ہیچ برخطا اتمہ مکہ دقت ایدیکز . وقت حضرده یاپیلان تعلیملردہ اکثریا استحکام صنفک بطائتدن نکایتلر ایشیدیلور . بونک سببی ایسہ ، صنف مذکورک خدمتہ تأثیر ایدن شرائطک باشایجہ لرندن بریسی اولان زمان مسئلہ سنی ایوجہ نظر دقتہ آلامقدن عبارتدر . اویلہ ایسہ بر رجعت یورویشلردہ استحکاملر نادراً دمدارہ ویریلورلر . چونکہ اونلر دمدار ایلہ برلکدہ حرکت ایتدکری زمان یابہ جقلری ایشلر ایچون اک آز وقتہ مالک اواش بولنورلر . اگر سز استحکام نفرلرینی بستون ایلریدہ یوریتک ایستمیورسہ کز ، اونلری ہیچ دکلہ یا قسم کلینک باستہ ویاخود خستہ خانہ طاقنک کیروسنہ قوییکز . وبر دفعہ اونلرک ایشلری بیتہ رک تخریبات ، مثلاً کوبریلر ایچون لازم کلان وسائط حاضر ایدلدیکی کبی اونلر کری چکیلورلر . اورالردہ ایسہ یالکز برقچ محافظ نفر ایلہ تخریب ووندہ یابلمش اولان ترتیباتہ آتش ویرمک ایچون لازم کلدیکی

قدر اون باشی ویا چاوش براقیلور . بو بر قاج کیشی ده وظیفه لرینی
 باید قدرن صکره دمدار باشنه عودت والتحاق ایلیه جکلردر .
 بعضاً ده استحکام نفرلری هم زمان قازانق وهم نفرلری یورغون
 دوشورمه مک مقصدیله عربهلرده نقل اولنورلر . سفر بر موجودلی
 بر استحکام بلوکنی نقل ایتمک ایچون (۲۵ : ۲۰) عربهلر لازمدر .
 اویله ظن ایدرم که ، (پونطوی) خسته لر وسائر نه نقلی ایچون
 ایجه مقدار عربهلر تدارک ایده جکلر . بر استحکام بلوکنک نقلی
 خصوصنده ایجاب ایدن عربهلرک مذکور کویدن تدارکی قابل
 اولوب اولمدیغنی آکلامق ایچون ده مطلق کویده بولنق لازم کلور .
 بکا کلنجه بن ، بوکی واسطه لری قوللانیلمه جنم . مع هذا شمیدیک
 اولنری سزه سویلمک ده بورجدر .

بناءً علیه انقسام عساکر بو وجهله ترتیب اولنه جقدر :

انقسام عساکر

- ۱ - - پشدار : یوزباشی ۲۰۰
- ایکنجی استحکام طابورینک برنجی بلوکی
- ۲ - - قسم کلی (ویوریش نظامی) :
- سیار خسته خانه طاقی .
- ایکنجی آوجی طابوری .
- سیار ایکنجی طوبچی آلایک ۸نجی بطریه سی .
- پیاده ۳۴نجی آلایک ۳نجی طابوری .
- ۳نجی دراغون آلایک ۲نجی بلوکندن برکوچک ضابط ۶ سواری
- ۳ - - دمدار : بیکباشی ۲۰۰
- ۳۴نجی پیاده آلایی (۳نجی طابور اکسیک) .
- ۳نجی دراغون آلایی (۴نجی بلوک اکسیک) .
- ۲نجی سیار طوبچی آلایک برنجی سواری بطریه سی .

میر آلائی ب .. نك رجعت امریئی ، ۱۸۸۹ سنه سی تموزینك
برنجی کیجه سی ده ا ترتیب ایتك مجبوریتند بولندیغی مسئله ده مخصوص
سویلدم . بوندن مقصدم ، بر قاچ امر یازده جق یرده سزی یالکتر
بر امرله ایش کورمه آلیشدیرمقدر . یارین صباحه قدر هیچ
بر حوادث کلیه جکنی فرض ایدیورز . بو ایسه طبعی بر اجتماع
امری ویرمه حاجت بر اقدینی کبی یارینکی یوروش ترتیبانی برکون
اولدن حاضر ایتك ایچون سزه پك اعلا مساعدر . (بونطوی) ك
غرب مخرجنده معین بر زمانده طوبالانق و یوروشه حاضر بولنق
ایچون مفرزه یه تعایات ویرمك لازم کلور . ایلری قرده غولر ،
دمدار قوماندانی کری یه چکلمك ایچون اونلره امر کوندرنجیه
قدر یرلرنده قاله جقلردر . امرده اجتماع حقنده ویریه جك تعلیات
مفرزه نك وظیفه سی تعیین ایدن ماده داخنده بولنه جقدر .

دمدار سوارسی ، اك چوق نره لره طوغری کشف قوللری
کوندرمك لازم کله جکنی ومفرزه قوماندانك دشمن سوارسینه
ناثر اولان معلوماتی اوکرنمش اولق ایچون امرده دشمن حقنده
لدن کلدیکی قدر مفصلاً معلومات ویرلش اولمیلندر . بناء علیه
به رویت اورماننده دراغونلر ، (بو) ده ایسه هوسارلر کورلش
ولدیغی سواریه بیلدیرمك لازمدر . سواری اوسایه ده بو هوسارلر
وزرینه ده ا صحیح وطوغری معلومات ایدنمکه چالیشه جقدر .
بونکه شمдіکی حالده بز ، اونلر حقنده چوق برشی بیلیمورز . برده
لروده طوبالانیله جغنی ، ویمکن اولدینی قدر چاقوق بر صورتده ۳ نجی
رقه نك جبهه سی آچق لازم کله جکنی هرکس آکلامش اولق ایچون
ادون ضابطلردن هپسنه ۳ نجی فرقه نك (مرسیله مچ) ك غربنده

موضع آله جفنی خبر ویرمک ایجاب ایدر . رجعت امری ایچون ویریلان اورنکده (۱) نومرولی ماده یی پک اوزاتماق فکریله اوراده سویلنمسی لازم کلان بعض نقطه لری (دوست قطعات حقنده معلومات) ۲ نومرولی ماده یه برامق ممکندر .

بیوک آغرلقلره دائر ترتیبات ، بر ایلری یورویشده نصلسه ینه اوله اوله جقدر . آرده ، یالکز شو فرق وارکه ، بوراده بیوک آغرلقلرک تعقیب ایده جکلری استقامتی دائما وکال شدتله اونلره سویلمک لازمدر . شاید (مرسی) تپه لری قانلی بر محاربه نك دارالوقوعاتی اوله جق ایسه ، سز اونلری (آغرلقلری) ممکن مرتبه اوزاغه ، کوندریکز که ، ایلریده سزه بر صیقندی ویرمش اولسونلر . بناءً علیه اونلره شمذیلک (میچ) اوکنده کی (شرق مزارلغی) موقت بر هدف اولق اوزره کوستریکز و اونلری ساده بیوک یول بوینجه کوندریکز . باخصوص مفرزه یارین اقشام زرده کیجه یی کچوره جکنی بیله میورسه ، هیچ طور میکنز ، همان دیدیکم کبی یایمغه چالیشکز . بیوک آغرقلر بر ایلری یورویشده اولدینی کبی بوراده ینه بر ضابطک اداره سنه ویریه جکلردر . مع هذا بوراده کی آغرقلر قومانداننک پک شدتلی بر آدم اولمسی لازمدر . زیرا مفرزه قوماندانی ، تعقیب ایلدیکی یولک ، ایلریده قیرلش ویا زورلش بر عربه ایله قبادلش و بیوک آغرقلرک کجیدلر ویا کوپر یلردن چیه مامسی حسیله قسم کلینک یورویشی اصلاً تأخره اوغرامش اولیه جفندن قطعاً امین بولنمیدر . بر رجعت یورویشی ائناسنده خصم اوکنده وقوعه کلان اوافاجق بر تأخر بعضاً پک بیوک صیقندیلری موجب اولور . حتی بوکبی تأخرلردن طولانی بعضاً بیوک بیوک فلا کتلك ظهوره کلدیکی بیله

واقعدر . تأسف اولنورکه ، بیوک آغرقلر بوراده کشف خدماتنده فوق العاده ایشمزه کلان برضا بطی المزدن آلیورلر . فقط نه چاره ، بویله یایمغده مجبوریت واردر . زیرا بوراده ضابط یرینه آغرقلره برکوچک ضابط ویرسهک هیچ اولمز . بوخصوص برایلری یورویشده بیله اکثریا جاری دکل ایکن بوراده اوپله یایمق اصلا المزدن کلز . اکر امرکزده : « بیوک آغرقلر (میچ) اوزرینه چکیله جکدر . » دیسه ایدیکز بوسزک ایچون بیوک بر خطا اولوردی . زیرا ، بیلورسکزکه (میچ) بیوک برشهردر . بناء علیه سزاوراده آغرقلریکزی بولمق خصوصنده ایچه زحمتله دوشردیکز . اوپله ایسه اولنره ایوجه تعین ایدلمش بر یورویش هدنی کوستریکز .

استحکام ایچون آله جق ترتیبات ، استحکام قوماندانک تمامیه وظیفه سنی تعین ایتمش بوله جقدر . مع هذا شو ترتیباتی اخذ ایدرکن ، آنی (استحکام قوماندانی) وظیفه سنده سربست ومستقل برافنی هیچ اونو تمیکز . استحکام قوماندانی اوتیه کی ضابط آرقداش لریله برلکده برمدت قطع سنه تقدم ایدرک ، کندیسنه کوستریلان محلله کیده جک ولانم کلان ترتیباتک اصول اجرا وتطبیقی تعین ایلیه جکدر . استحکام ایشلرینک اصول اجراسنه دائر مفرزه قوماندانک تفصیلاته کیریشمش اولسی یالکرفائده سز دکل بالعکس مضراولان شیلردندر . استحکام بوراده خصوصی بر وظیفه یه مأمور اولدیغندن امرده اونک ایچون آیریجه بر ماده آحق لازمدر . هیچ برشبهیه دوشمش اولماق ایچون سز قسم کلی یه ده تعقیب ایده جکی استقامتی پک قطعی بر صورتده کوستره جکسکز . باخصوص بوراده قسم کلی و بیوک آغر قلر ، مختلف استقامتله اوزرنده حرکت ایده جکلرندن طولانی بوکا

بك چوق دقت ايتمك لازمدر . مير آلاي ب .. يه عزيمت ساعتی
كوستلماش اولدينی ايچون مومی اليه صباح (۵) ده يورويشه باشلا.
يه جق واستحکام بلوکنی ايسه (۲) ساعت دها اول عزيمت ايتديرمش
بولنه جقدر .

بر رجعت يورويشده قسم کلی ايله دمدار بيننده کی مسافه ،
بر ايلری يورويشده قسم کلی ايله پيشدار بيننده کی مسافه دن بك چوقدر .
بونندن ده مقصد ، اوافق تفك تأخر لردن طولايي دمدار بردن بره
قسم کلی اوزرينه دوشمه مك وقسم کلی دشمنك طوب آتشی تأثيرندن
چيقمش بولمقدردر . برمفرزه ده بوديديكمز مسافه (۱۵۰۰ : ۲۰۰۰)
متره بيننده متحولدر . مثلاً بوراده خصم طوبخيسي (پی رزو) نك
جنوب شرقيسنده (۲۷۰۰۸) رافلی نقطه يه كله بيلمش اولزدن
اول ، قسم كلينك (شه زنی) يي كچمش اولسی آرزو ايديله جك
شيلردندر .

بر ايلری يورويشده پيشدار قوماندانه ويريلان استقلالدن زياده
بر رجعت يورويشده دمدار قوماندانك استقلالنه رعايت ايتمك لازمدر .
چونكه بوضابطك آله جفی ترتيباتك كافه سی ، دشمنك تعقيب حرکاتنه
تابعدر . رجعت حالنده بولنان كوچك برقطعه عسکريه ، ايلری
يورويشده بولنان بيوك برقطعه عسکريه دن زياده دشمنك اصول
حرکاتنه باغلی قالور . بر رجعت يورويشده قول قوماندانی اکثريا
دمداردن اوزاق برمسا فده حرک ايدر . لکن برايلى يورويشده
قول قوماندانی ، بالعکس ، اکثريا پيشدارله برابر يوريمکه ميالدر .
بر دفعه قول يورويش حالنه کيرنجيه ، مفرزه قوماندانی ، مادون
ضابطلرک کنديلک لردن يابه جق لری شيلره مداخله ايتمکدن صوگ درجه ده

چکیمیلدر . فی الحقیقه هیئت عمومی برانظام تام ایله یوریده بیلیمک ایچون قطعات عسکریه قوماندانلری هر شیه مداخله ایتکده کی امتیاز لرندن آره صره واز کچمک یولنی بیلیمیلدرلر . بناءً علیه بوراده مفرزه قوماندانی ، دمدار قوماندانه یالکز وظیفه اصلیه سی ایله بالخاصه کشف وترصد ایدلسی لازم کلان نقطه لری سویلیه جک وایشک اوتیه طرفنی هپ آنک استقلال وصلاحیتنه براقه جقدر . بن بالخاصه بومسئله ده ایلری قره غوللرک ممکن اولدینی قدر زیاده وقت یرلرنده قالملیخی ایسترم ، وبویله امر ایدم جکم . تاکه اونلر ، دمدار قوماندانلر . ننگ کندیلرینی پک ارکن طویلامش اولیه جفته قطعاً امنیت حاصل ایتمش بولنسونلر ..

یورویشک بدایتنده ، دشمنک تعقیبه دوام ایدوب ایتدیکنی ایوجه آکلامق ایچون کرک مفرزه وکرک دمدار قوماندانی حاکم برنقطه یه مثلاً بوراده (عزه و لاهوت) ه چیه جقدردر . مفرزه قوماندانی بعده ، کندی قسم کلیسنه اولا (۲۷۰،۸) راقلی نقطه ده صکره دیگر حاکم نقطه لرده تقدم ایدرک ، آره لقه ده ، ۳ نجی فرقه قوماندانی طرفندن کله جک امره نظراً مفرزه سنه برموضع آلدیرمش اولنجه یه قدر بووجهله حرکت ایدم جکدر .

بررجعت یورویشندنه ، قول قومانداننگ یرینی تعین ایتک بر ایلری یورویشده کیندن زیاده کوجدر . امرده یالکز بو قوماندانک ایلک بولندینی یری سویلمک ممکندر . لکن مفرزه قوماندانی مؤخرأ بوری ترک ایتدیکی زمان کندیسنه کوندریله جک راپولر اک قیصه یولدن کوندرلمش اولمق ایچون اوراده برقاج امر آتلیسی ترک ایدم جکدر . (۳) نجی فرقه ایله دائماً ارتباط تأسیس ایدلمش اولمیلدر .

كذلك ميرآلاى ب .. ايرتسى كون ايجون ويرمش اولدينى قرادى
كيجه لين دها فرقه قوماندانه بيلديره جكدرد . بو خصوصده الك ايوسى
ترتيب ايدلمش اولان امرك برنسخه سنى فرقه قوماندانه كوندرمكدرد .
وسزاى سترسه كنز ، امرى كنزك صاغ طرف يارم صحيفه سنده امرك كيجه لين
فرقه قوماندانه ده كوندرلمش اولدينى اشارت ايدى بيلورسكنز ، او
خصوصده هيچ كسه نك سزه بريه جكى اوله من .

ایشته میر آلائی ب .. نك ویردیکی امر :

(پونطوی)

۱ — ۷ — ۸۹ — ۱۱ کیجه

مفرزه امری

۱ — هر نوع صنفدن تركب ایدن دشمن بزی (صولكنه) يه قدر تعقيب ایلدی . خصمك پیاده عسکری ایله بر چوق سوارى بلوكلى (بهروپت) اورمانك جنوبنده اردوكاه قورمش بولنیورلر . بعض سوارى كشف قوللری ، (غوآن) ، (سیلی آن صول نووا) ، (بو) خطی اوزرنده كورلشلردر . اسیر دوشمش اولان بر دشمن هوسارینك سولیدیکنه باقیلرسه ، برهوسار بلوكى (لوپی) ده کیجه یی کجیر یور .

۲ — ایلری قره غوللر مستتا اولقى اوزره مفروزه ، یارین صباح ساعت (۵) ده حرکتیه حاضر بولنه جق وجهله (پونطوی) ك غرب مغر جنده طوبلانہ جق و (مسیله مچ) ك غربنده موضع آلمش بولنان ۳ نجی پیاده فرقه سی اوزرینه چکیله جکدر .

۳ — بیوك آغراقلر ، معینته برقاج سوارى ویریلان ۳ نجی دراغون آلاينك ۲ نجی بلوكدن بر ضابط قومانداسنده صباح ساعت (۳) ده حرکتیه مہیا بولنه جق وجهله (پونطوی) ك غربنده اجتماع ایدہ جکلر . بولر ، (قریزی) دن کچہرك بیوك یول بونجه چکیله جکلر ویکى بر امر کئجه یه قدر (پلاتییر) ك جنوبنده (شرق مزارلنی) یاننده

اقسام عساكر

۱ — پیددار : یوزباشی م ..

۲ نجی استحکام طابورینك برنجی بلوكى .

۲ — قسم کلی (ویورویش نظامی) : سیارخسته خانه طاقی .

۲ نجی آوجی طابوری .

۲ نجی سیار طوبیجی آلاينك

۸ نجی بطریه سی .

۳۴ نجی پیاده آلاينك ۳ نجی طابوری .

۳ نجی دراغون آلاينك ۲ نجی بلوكدن بر كوچك ضابط و ۶ سوارى

۳ — دمدار : بیکباشی ..

۳۴ نجی پیاده آلائی (۳ نجی طابور اکسیك) .

۳ نجی دراغون آلائی (۴ نجی بلوك اکسیك) .

۲ نجی سیار طوبیجی آلاينك برنجی سوارى بطریه سی .

توقف ایلیه جکدر در .

۴ — ۲ نجی استحکام طا بورینک

برنجی بلوکی صباح ساعت (۳) ده
(پونطوی) دن حرکت ایده جکدر .

بو بلوک ، پول اوزرنده ، (غره و لایاس)

جنوبنده کی کوپری ایله (شه زنی) نک

ایکی کوپریسی تخریب خصوصنده لازم

کلان ترتیباتی حاضر لایه جق و (اورنی) نک

شمالنده (هوپتال) اورمانی کناری

اوزرنده برالتجاموضی تشکیل ایده جکدر .

۵ — قسم کلی صبح ساعت (۵) ده

بیوک پول بویجه حرکت ایده جک و

(هورکنه اوشه وال روز) ، (شه زنی) ،

(قره پی) دن کچهرک (بهووی لایاس)

اوزرینه یوری به جکدر .

۶ — دمدار ، کشف قوللری

واسطه سیله دشمنه تماسی محافظه

ایده جک و (وینی) (لوی) استقامت لری

بالخاصه نظر کشف و ترصدده بولندیره جقدر .

دمدار قسم کلی پی (۲) کیلو متره

مسافه دن تعقیب ایلیه جک وجدی بر

محاربه به کیریشمه مک شرطیله خصمک

(هوپتال) اورمانلری کناری علینه

یا په جفی هر درلو تعرض حرکتی

طور دیره جقدر . برده بو دمدار

(اورنی) ، (شه زنی) استقامت بجه

بر جانبدار تقریق ایده جک و (اوب) دن

کچهرک (سار بروک) شمند و فری جهته

بر کشف قولی کوندره جکدر .

۷ — ایلری قره غوللر ممکن اولدینی

افسام عسکریه قوماندانلرینه بازدیرلش و بر امر ضابطی (یاخود بر ولوسیت سوار) ایلهده بر نسخه سی ۳ نجی پیاده قرقه سی قومانداننه کوندرلشددر .	قدر جوق زمان یرلرنده قاله جقلردر . ۸ — راپورلر بکا ، صباحك ساعت (۵) ندن اعتباراً (غروه لاهوت) ه کوندریله جکلردر . میرآ لای ب ..
---	---

اگر سز قسم کلی بی بر آژ ده‌ا ارکن حرکت ایندیرمش اولسه‌یدیکنز بوندن طولایی بنم سزه هیچ بر دیه‌جکم اولزدی . زیرا بالخاصه رجعت یورویشلرنده ، ایشک ایچندن چیقمق ایچون عزیمت زمانی بویله ممکن مرتبه ده‌ا ارکن انتخاب ایدرلر . مع‌هذا بوراده عین وجهله دمدارکده عزیمت ساعتی ده‌ا ارکن اولق اوزره انتخاب ایده‌مزدیکنز . وشبهه یوق‌که ، بوا امکانسزک دمدار ایله قسم کلی آره‌سنده کی مسافه‌نک ده‌ا زیاده بیومش اولسنی ایجاب ایدردی . چونکه سز ، وظیفه‌کزی صادقانه بر صورتده تعقیب ایتکه مجبورسکز : وظیفه‌کزی‌ایسه ، بیلورسکزکه ، دشمنک ممکن اولدینی قدر ایلری یورویشنی تأخیر ایتکدر . اگر قسم کلی ده‌ا ارکن حرکت ایدرسه بیوک آغراقلر ایله استحکامکده ده‌ا ارکندن یوله چیقمش اولملری لازم‌کله‌جکدر . مسئله‌نک شو وجهله حلنده دمدارک یالکزی باشینه قالمش اولق احتمالی واردر . بوراده ایسه دمداری بویله بر باشینه برافعه لزوم یوقدر .

زیرا ، قسم کلی پک ایلریده بولنه‌جق اولورسه ، صکره دمدار دشمنک شدتلی بر هجومه اوغرادینی زمان اوکا یاردم ایتک قابل اوله‌مز . برده اثنای حربده عزیمت زمانی ، عسکرک بر کون اولکی یورغینلغنه‌ده تابعدر . قطعات عسکریه‌یه ایسه دائما اولدقجه اوزون بر استراحت زمانی ویرمک لازم‌کلور . اگر سز قسم کلی‌یه (پونطوی) ایله (به‌ووی‌لاباس) آره‌سنده بر یرده طورمق وبر التجا موضعه‌کیره‌رک حین حاجتده دمداره یاردم ایتک اوزره یکیدن بر جبهه آلمق ایچون امر ویرمش ایسه‌کزی ، بوکا قرشو بنم پک چوق اعتراضلرم اوله‌بیلور ه‌از جمله سز بو واسطه ایله قولای قولای

بر چوق خطالر ارتکاب ایتش و نهایت پک تهلاکلی نتیجه لره دوشمش اولورسکز. زیرا، اگر مفرضه، فرقه دن آز بر مسافه اوده کنده دمداریخی طوبیلامق اوزره توقف ایده جک اولورسه، فرقه نك جبهه سنی آحق و محاربه دن چیقماق خصوص لرنده پک زیاده مشکلاته اوغرایه جقدر.

بن مفرضه قوماندانی دمداره ویرمک ایستیانلرله ده برابر دکلم. مفرضه قوماندانی، بوراده آنجق پک آز بر زمان قاله بیلوردی. زیرا اونک الک برنجی وظیفه سی قسم کلینک یوروشنی تأمین وسوق واداره ایلمکدر. اندن بشقه، قسم کلی یه کوستریلان استقامت احتمال که فرقه قوماندانی طرفدن کله جک برامرله آز چوق تعدیل اوانور. بناءً علیه اگر مفرضه قوماندانی، دمدارله برابر حرکت ایده جک اولورسه اووقت بوامر اوکا پک کچ واصل اوله بیلور.

کرچه امرک (۸) نومرولی ماده سینه نظراً دشمنه دائر کوندریله. جک اولان حوادثلر مفرضه قوماندانه کلک ایچون آره دن اپی زمان کچه جکدر. لکن دمدار قوماندانی واسطه سیله دشمنه تماس حاصل ایتدیکندن طولانی اونقطه ایو و حاکم بر نقطه در.

بن ایلری قره غوللرک (غره و لاهوت) ده اجتماع ایتش اولمسنی ده مناسب کور میورم. زیرا بویله یاییلورسه، بوراده چیتارلمسی مطلق لازم کلان جانبدارک اورادن تفریق پک او یغون کلیه جکدر. اوندن بشقه خصمک ایلری یوروشنی ممکن اولدینی قدر کچیکدیر ممکن عبارت اولان مقصد اصلی بو وجهله تمامی تامنه ایفا ایدلمه مشر، اولوردی.

سکزنجی مسئله

یدنچی مسئله نك مابعدی : صباحك ساعت بشینه قدر دشمنه دأثر هیچ
بر یکی حوادث آلمدینی فرضیه دم دار قوماندانی بیکباشی ن . . طرفندن
آلنان ترتیبات .

طقوزنجی مکتوب

ایلك دفعه دركه بن سزه بر اولكى مسئله نك مابعدی تشکیل ایتك اوزره دیگر بر مسئله ویرپورم . بوندن اصل مقصدم ، سزی تفرعات اجرائیه ایله مشغول ایتمکدر . مفرزه قوماندانی کبی بیکباشی ن. ده ممکن اولدینی درجه زیاده وقت رجعت حرکتی دشمندن کیزلمک ایچون . قسم کلی ایچه بر مسافه ایلریلمش اولنجه یه قدر ایلری قره غوللر سؤاریسنی وایلری قره غوللری کندی اوکنده براقق لازم کلدیکنی آکلامش بولنه جقدر . بونک ایچون ده قسم کلینک (غره و لاهوت) ی کچمش اولسی وبعده دمداړک کوزل بر موضع طوته رق دشمنی یایامغه و بناء علیه یورویشنی تأخیر ایتدیرمک موافقت حاصل ایتمش بولنسی کافیدر .

(پونطوی) ک غرب بخرجندن (غره و لاهوت) ه قدر تخمیناً بر کیلومتره لک مسانه واردر . قسم کلی نك تشکیل ایتدیکی قول (۱۲۲۵) متره درینلکده اولدینی ایچون ، قسم کلی صباح ساعت (۵) بجقده لازم کلان تقدیمی قازانمش بولنه جقدر . او یله ایسه ایلری قره غوللر ایشته بوزمانه قدر یرلرنده قالمغه مجبور اوله جقلردر . (سولکنه) دن ویا (بهروپت) اورماننک جنوب کنارندن حرکت ایدرک بزم ایلری قره غوللر مرکز طوتدینی خطه یتیشه بیامک ایچون دشمن تخمیناً ۴ کیلومتره لک بر یورویش یامغه مجبوردر . حال بوکه ، دشمن بزم ایله قطعاً تماسده اولدینی ایچون ، پک مدبرانه یعنی آنجق پک اغر ، اغر یورویشنه دوام ایده بیله جکدر . اگر دشمن صباح ساعت (۵) ده حرکت باشلایه جق اولورسه . ساعت (۵) بجقده ن اول بزم بیوک (۱۷)

ایلری قره غولریمزه اصلا هجوم ایتش اوله میه جقدر . بناء علیه بو بلوکلرک رجعتی بیوک بر صیقدی به دوشمش اوله جقتی امید ایده بیلورز . لکن ، اگر بو ایلری قره غول بلوکلرینی لزومسز یره دها ایجه زمان بولندقلری موضعه تک باشینه بر اقورسه کز بوندن شبهه سز بیوک بر فالتق حصوله کلور . بالعکس ، اولر ، دشمنی یا بلغمه مجبور ایده جک اولان موضع اوزرینه کلدکلری زمان پک یقیندن دشمن ایله تعقیب ایدلمه مش اولدقلری حالده کله بیامش اولمیلدرلر . بوموضعه شبهه سز ، خصم ایله بر چارپشماق احتمالی واردر . مع هذا ، اوراده پک چوق پیاده نك ایلریده بولندیرلش اولمسندن چکینلمایدر . زیرا ، پیاده محاربه سی بردفعه قیزغینلق پیدا ایدرسه ، صکره پیاده بی کری چکمک زور اولور . بناء علیه آکلاشیلورکه ، بوراده جدی بر محاربه ویرمک فصل اولورسه اولسون مفرزه نك ایستمدیکی بر شیدر . چونکه او محاربه مفرزه نك وظیفه سی . ومقصدی خلافتده در . برده ، حرکاتنک بطی اولیشندن طولای ، پیاده ، پک بحرانی بر وضعیتن قولای ، قولای یقاسنی صیرمش اوله مز . ممکن اولدقجه ، یالکنز جانبدار ایله دمدار باشی خصمه قارشو آتش آچه جقلردر . دمدار قسم کلیسی ایسه یول کنارنده مستور بر محکم کریسنده احواله انتظار ایده جکدر . صکره بودمدار قسم کلیسی تام لزومی آننده کری به چکیله جک ویا خود دمدار باشی ایله جانبدار کندی اوزرینه طوپلامق ایچون حین حاجتده بر موضع اشغال ایده جکدر . دائما خاطر کزده قالسون که ، دمدارک مقاومتی قطعی دکل بالعکس موقتی برشیدر . وبو مقاومت در حال بر رجعت حرکتی ایله تعقیب ایدلمک لازمدر . زیرا اگر ، ایجه زمان دشمنله چارپشماق ایجاب ایتش اولسیدی ، دمدار

قوماندانی بر رجعت امری ویره جك یرده، بر بکلمه موضعی اشغال ایتک اوزره، بر حرکت امری ویرمش اوله جقدی. بزمسئله نك بو درلوسنی ده بر آزا شاعیده کوستره جکزر. بوحالده، حقیقی رجعت ایچون مؤخر آ بشقه بر امر ویرمک ایجاب ایدر .

استکشافده اولیان ویا دشمن کشف قوللرینی کری یه پوسکورتیمکله مشغول بولنمیان سواری اقسامی کذاک دشمنک یوروشنی تأخیره یاردم ایتک ایچون آیاقده جنک ایده بیله جکلردر . اکر (اوزنی) ویا (پورنوی — لاغراس) باغچه لری ویا خود بوستانلری اوکنه واصل اولدینی زمان دشمن قارا بینه آتشرینه معروض اولور، وبری طرفک یدک حیوانلری ده اعلا دن اعلا یه کیزی طوتیلورسه او وقت دشمن عجبا سواری آتشنه می یوقسه پیاده آتشنه می هدف اولمشدر، بونی بردن بره آ کلا یه میه جقدر. اما، بوراده بر شرط دها ایسترکه، اوده سواری نفرلرینک کندیلرینی دشمنه کوسترمکدن چکینمش بولملریدر. بناء علیه شویله بر آتش قارشوسنده دشمن کال احتیاط ایله واوته سنی بریسنی کشف ایتدیره، ایتدیره ایلرولمکه مجبوریت کورمه جکدر . بوندن آ کلا شیلورکه بر رجعت حرکتده، سواری آیاقده جنک ایدرک، سرعتی سایه سنده، دشمنی یا کلتیق و بووجهله آنک یوروشنی ایچه تأخیر ایتدیرمک خصوصنده رجعت قطعاتنه پک جوق یاردملرده بولنه بیلور. سواری، بو وظیفه یی، کرک (پونطوی) و کرک (هوپیتال) و (قاما) اورمانلرینک کنارلرنده ده ایفا ایده بیلور و او وجهله دشمنه، اوکنده جدی بر پیاده قطعه سی بولندیفی فکرینی ویره بیلور. باخصوص، دشمن، بر جوق نقطه لرده یناشق نظامده پیاده لر کورمه جک اولورسه، اوزمان دها اوقدر یا ککش اوله جقدر . بناء علیه سواری،

هر محاربه به اشتراك ايتمش اوله بيلمك ايچون كندى حرڪاتنى دائما دمدار
 پياده سيله ارتباطده قاله جق وجهله تنظيم ايتمش بولنه جقدر. دشمنله پك
 صيق بر تماس حاصل ايدلديكى زمان سوارينك تعينه وظيفه سى هر شيه تقدم
 ايدر. مع هذا، سوارى بو وظيفه ايله اوغراشدينى ائنده كشف
 خدماتى ده بستانون اونوده جق دكلدر. بالعكس هم كشف خدماتى
 كوره جك وهم پياده لرك حرڪاتنه مربوط تعينه جه لازم كلان وظائفى
 تعقيب ايله جكدر. بوراده شو ايكي وظيفه نك ايكي سنى ده اجرا ايتك
 سوارى ايچون بر آز دكل، پك زور اوله جقدر. بناءً عليه ايش
 باشنده پك فكرلى وپك مدبر و (شهرزده) دره سنى دشمنله كندى
 آره سنى قويه جنى زمان قطعى تعينه مقتدر بر سوارى قوماندانى
 اولوق لازم كلور.

محاربه ده اصل وظيفه سوارى بطريه سنى عائددر. بو بطريه كندى
 پياده محافظيله عين زمانده هم بيوك يولى وهم غريده اوكا مجاور اولان
 اراضى (احتمال دشمن قوللرينك تقرب ايدى جكى منطقه) نى دوكه جك
 صورتده بر موضع طوته جقدر. مفرزه امرى. بيكباشى ن. ك
 (هوييتال) اورمانلرى جوارنده دشمنك يورويشنى تأخير ايتكه
 مجبور اولديغى سويليور. لکن، بر جانبدار آيرمه سنى امر ايتكه
 برابر. وظيفه سنى باشه چيقار مق خصوص سنى موسى الين سربست
 وپك مستقل براقيور. امرى آلدق دن صكره بيكباشى ن. اولو
 كيجه لين اتخاذ ايديله جك بعض تدابير اولوب اولديغى بردوشونه جكدر.
 ايلرى قره غوللره يكي بر امر ويريانه جه قدر یرلى یرلرنده قالملىرى
 امر ايدلديكى و مسقبل دمدارك ديكر قطعانى ده كندى محمللرى بيلدكارى
 ايچون بيكباشى ن. سائر آله جنى ترتيباتى يارين صباحه براقه جقدر.

زیرا ، کجه این یاییله جق تدارکات بیله هب مفرزه امرندن حرفی حرفنه آکلاشیلور .

تنظیم ایدیله جک یالکز برنقطه وارکه ، اوده کندی سواری بلوکنی ، بیکباشی ن . . ك قوللانق ایستمدیکی بریره کوندرمکدن ایلری قره غوللار قوماندانی منع ایلمکدر . بوسایده سوارینك پک طاغیلی بولنق محذوری برطرف ایدلش اولور . دشمن ایله اولان تماسی محافظه و آنک یورویشنی ترصد ایتمکله برابر ایلری قره غول سواری بلوکنك مختلف اقسامی ایستیلان زمانده کندی قوماندانلرینك الی آلتنده بولنه جق وجهله حرکت ایتملیدرکه ، حین حاجتده خصوصی بر وظیفه ایچون مختلف سواری بلوکلرینك اقسامی برلشدرمه که محل قالمسون . سوارینك قسم متباقیسی دشمنله تماس حاصل ایتمش بولنه جفی زمان ، ایلری قره غول سواری بلوکی کندی خدمتی بتورمش اوله جقدر .

بیکباشی ن . . کندی قطعات عسکریه سنك نه وجهله قوللانمق لازم کلدیکی دوشونمک ایچون بول ، بول زمانه مالکدر . بناءً علیه دشمنه دائر آرتق حوادث کلیه جکنه امین بولنه جفی بر زمانه قدر کندی قرارینی تأخیر ایده بیلور . مفرزه قومانداننك امری اوکا پک ارکندن کلش اولدینی ایچون : او کندی قومانداننك افکار ومقا صدینی ایستدیکی کبی تدقیق وملاحظه دن کچوره بیلور . برکون اولیسی مفرزه قوماندانی اولدینی کبی ، ایرتسی صباح بیکباشی ن . . ده آرتق پک مستریج برحالده بولنه جقدر . زیرا ، دشمنك پک ارکندن حرکت ایتمه مش اولدیغنی مطلق او کر نه جکدر . بناءً علیه ، مفرزه قوماندانی قطعات عسکریه نك حرکتده دائر اولان ترتیباتی تنظیم ایتمکله مشغول

اولدینی صرمدده اوده خصمك يورويشنى تأخير ايتدرمك خصوصنده لازم كلان تدابيرى اتخاذايده بيله جكدرد .

ايك مقاومت ايچون ، (شهریزه ی) دره سنك جنوبنده برموضع آرمق ايني برتديبر اوله مز . زیرا اكر ، دشمن شدتلى برتعقيب اجرا ايدبورسه ، ايلرى قره غول بلوكلىرى ، احتمال ايجه ضايعات ويرمكسزين بودره يي آتلامغه موفق اوله ميه جقلردر . اك ايوسى ، مقاومت خطى (اورنى) — (غروه لابس) — (پونطوى) دن كچه جكدرد . خط مذکور بووجهله كندى اوكنده (شهریزه ی) دره سى كې برمانعه ده مالك اوله جقدر .

صاغ يان جانبدار پياده سى (اورونى) يى ، دمدار باشى پياده سى (غروه لابس) و (پونطوى) ي مدافعه ايده جك ، سواری بطريه سى ايسه (غروه لاهوت) تپه لرى اوزرنده يرلشه جكدرد . دشمن بو وجهله ۴ كيلو متره اوزونلغنده برآتش خطى قرشوسنده بولنه جق وايك نظردده ايلروسنده كيملر واركيملريوق . بونى آكلايه ميه جقدر . بناءً عليه دشمن ايلروملك خصوصنده احتياطلى طاورانه جق ووضعتى آكلايوبده اوكا كوره برقرار ويرمك ، شدتلى برحرکت اجرا ايتك ايچون ايني زمان غائب ايده جكدرد .

كنديكزى برآن ايچون دشمن قوماندانى يرينه قويكيز . اسكى حرب باروتى قوللانلدينى زمان ، حصوله كلان كوچك ، كوچك طومان بيغينلىرى اشغال ايديلان خط ايله آتش خطنك بونى تقدير ايتك خصوصنده ايني ايشه ياراردى . لكن بوكون طومانسز باروت قوللا- نلدينى ايچون دشمن ۴ كيلو متره اوزونلغنده برخط بويجه ، آوجيلرك يرلرينى قطعى برصورتده تعيين ايده مكسزين ، يالكز تفك سسلىرى

ایشیده جکدر . و دشمن آنجی یواش ، یواش ، مختلف جهتلردن خصمنه دأثر دها صحیح معلومات ایدینه بیه جکدر . بناءً علیه وضعیت بللی اولوبده اوکا قرشو برقرار ویریلنجیه قدر دشمن شبهه سز ایجه وقت ضایع ایتش بولنه جقدر .

بوندن صکرده ، تخریب ایدلمش اولان کوپرلر ، دشمن طوبجیسی ائی برزمان طور دیرمش اوله جقلردر . بتون بوتوقلر ، قسم کلینک ۲ کیلو متره ک بر مسافه قدر دمداردن ایلروده بولمنسی تأمین ایتک ایچون کفایت ایده جکلر حتی فضله بیه کله جکلردر . بو اولدقدن صکره ، قسم کلی ، (پی رزو) نک جنوب شرقیسنده (۲۷۰،۸) راقلی تپه واسطه سیله کندیسنی دشمندن ستر ایتش بولنه جقدر . اگر دشمنی آلداتمه موفق اولورسه ، بیکاشی ن . . . قسم کلی ایله کندی آره سنده کی مسافه یی پک او قدر دوشونمکسزین ایجه زمان کزیده قاله جقدر . چونکه دشمن طوبجیسی (پی رزو) نک جنوب شرقیسنده کی تپه لره نه قدر کچ کله جک اولورسه ، بیکاشی ن . . ک رجعتی دها او قدر زیاده کوزل شرطلر تحتده جریان ایتش بولنه جقدر .

ایشته دمدار قوماندانی ، آلدینی امرلری بو وجهله اجرا ایده جکدر . برضابطک بورجلی اولدینی اطاعت ، عادی برنکردن ایستیلان اطاعتدن بسبتون بشقه برطیعتی حائزدر . ضابط آلدینی امرلرک حرفلرینه کوره دکل بالعکس فکرلرینه کوره و مافوقنک آمانه نظراً حرکت مجبوردر . مثلاً بوراده مفرزه قوماندانی دشمن یورویشنک تأخیر ایدلمسنی ایستیور . ایشه اصل دقت ایله تعقیب ایدیله جک بودر . یوقسه دمدارک قسم کلی به اولان مسافه سی تمامیه مطلوبه موافق ایش ویا دکل ایش

بو ایکنجی ، اوچنجی درجه ده برشیدر . امرده ، دمدارک برنجی
 موضعی ترک ایدرک فصل کری به چکیله جکنی بیان ایتک وایکنجی
 بر موضع طوتمسندن بحث ایلمک یاخود دمدارک اقسام متباقیه سنی
 طولیلامق ایچون دمدار قسم کلیسی طرفندن انتخاب ایدلمش اولان
 موضعی سویلمک خطا اولوردی . مقاومتک نه درجه اوزون سوره جکی
 و اوخصوصده قوللانیله جق وسائط ، خصمک تعقیبه کوسترمش
 اوله جفی شدنه تابعدر . خصمک نه وجهله تعقیب ایتمکده اولدیغنه
 دائر صحیح بر فکر ایدینلیدیکی کبی ایجاب ایدرسه یکی بر امردها
 ویریه بیلور . شدتلی بردشمن هجومه اوغرامش اولدقلری زمان ،
 نه استقامتده چکیله جکلرینی بیلیمک ایچون معیت قوماندانلرینه شبهه سز ،
 تعقیب ایده جکلری خط رجعتی سویلمک لازمدر . زیرا شویله برزمانده
 امرلرک اولره تام وقتنده کیتمش اولسی بر ازدکل ، پک چوق مشکوک
 برشیدر . بناءً علیه خط رجعت ، محاربه باشلامش اولمدن اولدها جزء تام
 قوماندانلرینه بیلدرلمش اوله جقدر . بوراده ایشه کیریشمه دن اولدها ،
 عسکرک بر آزرک ره رجعت ایده جکنی سویلمکده برمخدور یوقدر . زیرا ،
 بورجعت حرکتی ، ذاتاً مفرزه امرینک اساسنی تشکیل ایدور . بو
 امرک اصل مقصدی ، اقسام عسکریه دن هر برینسک رجعت اثناسنده
 تعقیب ایده جکلری استقامتی کوسترمکدر . ایشته ، دشمنی یایامغه
 مجبور ایتک ایچون موقتاً (شهریزه ی) دره سنک شالنده برموضع
 آلمق خصوصنه بیکباشی ن .. ک برقرار ویرمسنی ایجاب ایدن ملا -
 حظات بونلردن عبارتدر . شمیدی ایشه ، دمدار ، قسم کلی دمدارباشی ،
 دمدار سواریمی ، وصاغ یان جانبداری کبی قسملره آیرمه نک
 صره سی کلیور . سوارینک انقسامی ، بروجه آتی فکر اوزرینه

مؤسسدر : بيوك يول اوزرنده آز وقت صكره دشمن پيشداريله چارپيشيله جقدر . بوراده اك زياته دقت ايديله جك شى خصمك تعقيبنده كى شدتى اوكرنمكه چالشمقندن عبارت اوله جق ؛ يوقسه بوندن بشقه يكي بر شى اوكرنلمش اوله ميه جقدر . بالعكس ، اصل يوله موازى كيدن ايكي يول بونجه ايودن ايويه استكشاف ايتمك لازمدر . بناءً عليه سواريكز دشمن قوتلرينك يانلرينه تقرب ايتمك ايچون اپي طولاشمش اوله جقدر . سوارى بويله ياپارسه ، جبهه دن دشمن سواريسى قرشو حركت ايتمش اولمى سندن زياته ، خصم قوللرينه دائر سزه معلومات ويره بيله جقدر . باخصوص دشمنك جبهه ده سواريسى پك چوق ايسه مطلق بويله حركت ايتميدر .

سواريكز قوت ايله ايش كورمك ايسيه جك اولورسه ، بيوك بر شى ياممش اوله ميه جقدر . بناءً عليه اك ايوسى او ، دشمنك پك فعال وجسور كشف قوللرينى كرى نه پوسكورتمكه اكتفا ايديله جك وبالخاصه كندى پياده سيله ارتباطده قاهره ، خصم قوللرينك يانلرى اوزرينه بعض جسور كشف قوللرى كوندرده جقدر .

بيوك يوله موازى اولان غريبده كى يول ، اك مهمدر ؛ چونكه (شه زنى) يى تهديد ايدىيور . اويله ايسه سز اورايه چوق سوارى كوندرده جكسكز . شرقده كى يول ده تهلكه لى بر شى دكلدر . مع هذا يارين بو يول اوزرنده بر ويا بر قاچ هوسار بلوكنك يورومش اولديغنى كورمك ده بعيد الاحتمال اوله مز . لكن بوقطى دكلدر . اونك ايچون او طرفه آز سوارى كوندريكز . كيش بر جبهه اوزرنده رجعت حركتى يابلد ينى زمان سوارى طاغلمق تهلكه سنه معروضدر . بناءً عليه سز شو محذورك اوكنى آله بيلمش اولمق ايچون

سواری بلوکرینه ایکی وظیفه ویریکز ، و بو وظیفه لر دن بریسی وظیفه اصلیه ، او بری ایکنجی درجه دن بر وظیفه اولسون . سوارینک اک بیوک قسمی شبهه سز وظیفه اصلیه یه ، دیگر قسمی ده ایکنجی درجه دن اولان وظیفه یه مأمور اوله جقدر . او یله ایسه ، ایکی سواری بلوکی بیوک یولک غریبنده استکشافه مأمور اوله جق ، بیوک یول ایله شرقنده کی اراضینک کشف و ترصدی ایچون ایسه یالکز بر سواری بلوکی تخصیص ایدیله جکدر . بیلورسکزکه ، ایلری قره غول سواری بلوکنک اک بیوک بر قسمی ، بیوک یول اوزرنده اقامت ایدیور . او یله ایسه هیچ طور میکنز ، بیوک یولی ترصد ایتک و (بو) ایله (ساربروک) شمندوفر ی جهتلرینی کشف ایتک وظیفه سنی اوکا حواله ایدیکز . بناءً علیه شمیدیکی مسئله ده برنجی سواری بلوکی قوماندانه لازم کلان امرلری دمدار قوماندانی ویره جکدر . حال بوکه اساساً بو سواری بلوکلری آره مننده تقسیم وظائف خصوصنی آلا ی قوماندانه بر افاق و بوکی تفرعاته کیریشمکدن چکنمک لازم کلوردی .

بوراده وظیفه اصلیه یی هنوز تازه اولان ایکی سواری بلوکنه ترک ایتمکه بیوک فائده وار . جانبدارله برابر عین جهته کوندریلان سواری یی وکندینه استنادک خدمتی کوره جک اولان پیاده یی عینی قوماندانک الی آتنده بولندیر مق لازم کلور . پیاده اوله رق ، بیکباشی ن .. طویل بولن ان ایکنجی طابور ایله ایلری قره غول لرده هنوز طاغیلی برحاله بولن ان برنجی طابوره مالکدر . بناءً علیه دمدارک مرکزینی یعنی قسم کلیدنی ایکنجی طابور تشکیل ایده جک برنجی طابور ایسه دمدار باشی قدمه سیله ، جانبدار ی تشکیل ایده جکدر . بوانقسامک بویله

اولمق لازم کله جکی میدانده برشیدر . مع هذا ، محاربه یرنده برنجی خطی برنجی طابور وایکنجی خطی ایکنجی طابور تشکیل ایده جکی ایچون مذکور انقسامک برمحذور حصوله کتوره جکنی سویلمه مکده . المدن کلز . برنجی خطی تقویه ایتک ایچون ایکنجی طابورک بلوکلری شبهه سز برنجینک بلوکلری آره سنه کیرمکه مجبور اوله جقلردر . اکر برنجی خطی تمدید صورتیله تقویه ایتک ممکن اولسیدی ، اوزمان شبهه سز بلوکلر بو وجهله بربرینه قاریشمش اولیه جقلردی . اکر بلوکلری بربرینه قاریشدیرمهدن برنجی خطک تقویه سی اکمال ایدیلورسه اوزمان بونی بر بختیارلق صایملیدر . بلوکلری قاریشدیرمامق خصوصنی تأمین ایده بیلیمک ایچون برنجی خطده کیلری یرلرندن قالدیرمه ملیدر . زیرا ، بوهم چوق زمان ایستر ، وهم دهه بر چوق فنا نتیجه لره سبب اولور .

ایلك باقیشده دهه ، برنجی بلوکلر جانبداره ویرلش و ۲ ، ۳ نجی بلوکلرکده دمدار باشی تشکیل ایتش اولسی لازم کله جکنه حکم ایتش سکزدر ، سانورم . یاعجبا ۴ نجی بلوکی نه یایمکی ؟ دمدار باشی ایچون یالکز ۲ بلوک یتیشور : قسم کلی یی صورارسه کز اوده ایجه قوتلیدر . جانبدارک یابه جنی وظیفه پک مهمدر . بناءً علیه اونیده الدن کلدیکی قدر قوتلی تشکیل ایتک لازم کلور . زیرا دشمنک کندیسنه عددجه فائق اولان غرب قولی ، (شهریزه ی) ی کچدیکی کبی اونی پک اشغال ایتش اوله بیله جکدر . اوپله ایسه کلیکز دمداره ۴ نجی بلوکیده الحاق ایدیکز ، بوندن فائده کورمک ینه سز سکز . بو ۴ نجی بلوک ، دشمن حتی پک یقیندن تضییق ایتش اولدینی حالده بیله هیچ طور مقسزین رجعت ایده جک اولان برنجی بلوکی (اورنی) ده

کندی اوزرینه طوبلایه جقدر . و اونک سایه سنده برنجی بلوک
(شهریزه) دره سنی دها قولای، قولای یکیش بولنه جقدر .
سواری بطریه سی موقتاً دمدار قسم کلیسنه الحاق ایدلمش
اوله جقدر .

بناءً علیه انقسام عساکر ایشته بویه جه ترتیب اولنه جقدر :

انقسام عساکر

- ۱ — دمدار قسم کلیسی (و یورویش نظامی) :
 - ۲ نجی سیار طوبجی آلاینک برنجی سواری بطریه سی .
 - ۳۴ نجی پیاده آلاینک ۲ نجی طابوری .
 - ۳ نجی دراغون آلاینک برنجی بلوکندن برکوچک ضابط و ۴ سواری .
 - ۴ — دمدار باشی : یوزباشی . .
 - ۳۴ نجی پیاده آلاینک ۲ و ۳ نجی بلوکری .
 - ۳ نجی دراغون آلاینک برنجی بلوکندن برکوچک ضابط و ۸ سواری .
 - ۳ — دمدار سواربسی : یوزباشی ت . .
 - ۳ نجی دراغون آلاینک برنجی سواری بلوکی .
 - ۴ — صاغ یان جانبداری : بیکباشی ر . .
 - ۳۳ نجی پیاده آلاینک برنجی طابوری (۲ و ۳ نجی بلوکری اکسیک) .
 - ۳ نجی دراغون آلایی (۱ و ۳ نجی بلوکری اکسیک) .
- مادونلره ویریهلرک امرلره دائر ، یدنجی مکتوبمه مخصوص
آچیق واکسیک براقش اولدیغم بعض نقطه لری اکیله مجبورم .
آلتنجی مسئله نکلنده ، مؤخرأ پیشداره ده قوماندا ایدن
ایلری قره غوللر قوماندانی مفرزه قومانداندن تحریراً برامر آلور .
لکن او ، بوامری اولدینی کبی ایلری قره غوللره تبلیغ ایدمز .
اوندن بشقه دیدیکیمز ذات ، (آمه لائر) ده کی تقویه قطعاتنه نه کی
تعلیمات ویرلدیکنی وفی الحقیقه اونلره بویه برتعلیمات ویرلدیمی یوقسه

ویرلمدی بوراسنی بیله مز . بناءً علیه ایلک اوکجه ، ایلری قره غوللرک اجتماعنی کوسترمک اوزره بر اجتماع امری : وئانیاً مقدما سزک کورد کلر یکز کبی وهریشداره قابل تطبیق اوله جق صورتده شفاهاً بر امر ویرمکه مجبور اولمشدی . اگر پیشدار امری ، (آمه لائز) دن کلان قطعاتک اولجه ذاتاً بیلدکلری بعض شیلری ده حاوی اولورسه ، بونلری اونلره ایکنجی بردفعه تکرار ایتمکدن بر فئالی چیقمش اوله مز . بالعکس اودرلو حرکت ایتک خدمت سفریه نظامنامه سنه تمامی تمامه موافقدر ، فی الحقیقه سفریه ده : مافوقدن مادون قوماندانلرینه کله جک امرلری عینله قطعات عسکریه یه نقل ایتک جائز اولدینی و بالعکس هر مادون قوماندان مافوقدن کله جک هر امرده کندی ایشینه یرایه جق اولان نقطه لری آیردودن و اونلری ایجاب ایتدیکی قدر شرح و تفصیل ایتدکن صکره آیرجه بر امر یازمغه مجبور بولدینی کوستریلیور .

بر مادون قوماندان اصولاً ، قطعات عسکریه سزک اجتماعنی تأمین ایچون قیصه بر امر ایله ، کری یه قالان خدمات سائرینی یولنه قویمق خصوصتده آیرجه شفاهی بر امر ویرمک مجبوریتنده در . بر امر یازمق لازمی یوقسه دکلری بونی تمامله کسیدیرمدیککز وقت بر کره آشاغیده کی ، سؤللری کندی کندیکزه بر صوریکز :

۱ — اقسام عسکریه دن هر بریمی مفرزه قوماندانک امرینی تمامله

آلمشلمی آلامشلمی ؟ اگر هپسی آلامشلمسه ، معلوم اولان اورنکی اساس طوته رق کندی کندیکزه بر امر ترتیب ایدیکز ؛

۲ . — بتون اقسام عسکریه ، مفرزه قوماندانک امرینی آلمش

اولدقلمی حالده آنک بعض نقطه لرینی (دشمنه دائر معلومات وسائرده)

اکمال ایتک لازمی دکلری ؟ اگر لازم ایسه علاوه ایدیله جک شیئی

خصوصی بر ماده طرزنده وامریکزك باش طرفه قویكز ؛
 ۳ — مفرزه قوماندانك امرینی اجرا ایتدیرمك ایچون قبول ایدیلهك ترتیبات فرعیه نهلردن عبارتدر ؟ اصل بو ترتیبات سزك ویره جككز امرك اساسی تشکیل ایده جكددر . اكر سزوضعتی ایودن ایویه آكلادقدن صكره بنم نصیحتلر مه قولاق ویرر ، وبتون شو نقطه لری ایوجه دوشونورسه كز يك ایو ایتمش اوله جقسكز .

اقسام عسکریه دن کوندریلان ضابطان مفرزه قوماندانك تعیین ایتدیکی بر ساعتده ایرتسی کون ایچون ایجاب ایدن امرلری آلمغه کلورلر . بو ضابطلر ، صکره اجرا ایدیلهك حرکات انئاسنده منسوب اولدقلری اقسام عسکریه نك طوپنه قوماند ایدهك اولان ذاتك حضورینه کیدرلر . بو ذات ، مفرزه قوماندانك امرلرینه علاوه ایدلمسی لازم کلان شیلری اونلره یازدیرر .

شمیدیکی حالده ، امر ایچون کلهك ضابطلر شونلردر : ۳۴ نجی آلایدن ، ۲ نجی آوجی طابورندن ، ۳ نجی دراغون آلایندن ، طوپنجی طابورندن استحکام و سیار خسته خانه سندن ده بر رضابط واحتمال که . بونلر آره سنده ایلری قره غوللر طابور یله ۳۴ نجی آلایک دیگر طابورلرندن ده بر رضابط واردی . اكر بو ۳۴ نجی آلایک دیگر طابورلرندن بر رضابط کله مش ایسه ، ۳۴ نجی آلای نامنه کوندریلان ضابط اونلره مفرزه قوماندانك امرینی نوطه ایتدیره جكددر . ۳۵ نجی دراغون آلایندن کوندریلان ضابط امری کندی آمرینه تبلیغ ایتهدن اول طوغریجه بیکباشی ن .. یانه کیدر . (۳۴) نجی آلایک برنجی وایکنجی طابورندن کلان ضابطلر ایسه ، بیکباشی ن .. ك حضورینه احتمال براز ده

کچ چقه جقلردر . سواری بطریه سندن بر ضابطده بو بطریه ایچون لازم کلان تعلیقاتی آلمق اوزره مذکور طابورلرک ضابطلرینه التحاق ایدم جکدر .

بیکباشی ن . . دراغون آلایندن، ایکنجی طابوردن ، سواری بطریه سندن کلان ضابطلره یالکز ایرتسی کون کنیدی طرفندن ویریله جک امرک ساعتی سویامکله اکتفا ایدم جکدر . ایلری قره غوللردن کلان ضابط هم کندی طابورینه وهم ایلری قره غوللار سواری بلوکنه دائر اولان امرلری کتوره جکدر . بوسواری بلوکنک ده اکیجه دن، ایلری قره غول قوماندانی واسطه سیله مفرزه قومانداننک امرینه وقوق پیدا ایتسی لازمدر . اوسایه ده، هم مفرزه قومانداننک افکارینه ، هم رجعت ایچون اتخاذاولسان ترتیباته واقف اوله جق وایرتسی کون هر قدمیه طوغریدن طوغرییه واک قیسه یولدن دشمنه دائر لازم کلان معلوماتی ویرمکده شووجهله موفق اوله . بیله جکدر . برده ایرتسی صباح ، ایلری قره غول سواری بلوکی ، دمدار امرینی ایلک اوکجه آلانلردن اوله جق دکدر . چونکه او، شفق سوکر سوکر همان ایلری کیتمه مجبوردر . بناء علیه بیکباشی ن . . شمدیلک یالکز آتیده کی امری ویرمکله اکتفا ایدم جکدر :

(پونطوی)

۱—۷—۳۰۸۹—۱۱ کیجه

دمدار امری

۱ — ایلری قره غوللر سواریمی،
دشمنی ترصد ایللمک وظیفه سنی کورمکله
برابر. یارین صباح (لییه هون) ک شرقنده
بیوک یول اوزرنده و ساعت (۵) بجقده
امرالقی خصوصنده لازم کلان تدابیری
اخذ ایلیمه جکدر .

۲ — حرکت امری یارین صباح
(۴) ی (۵۰) کچه (پونطوی) ک غرب
رجنده یازدیریمه جکدر .

بیکیاشی ن ..

انقسام عسکریه دن کوندربان
ضابطلره یازدیرلش و سواری
بلوکندن، ایلری قره غوللر طا بو -
رینک ضابطیله کوندرباشدر .

ایرتسی کون ایچون اولان امر اصل تعین ایدیلان ساعتدن (۱۰) دقیقه اول یازدیرلمشدر . بونکده سببی ، دمدارک بتون اقسامی وسواری حرکت امرینک مندرجاتنه دائر بر آرزدها ارکنجه معلومات ایدینمش اولمقدر . فی الحقیقه بویله یاییلورسه اونلر رجعت حرکتی حاضر لاق ایچون بر آرز زمانه مالک اولمش بولنه جقلردر . حرکت امری خصوصنده ، بیکباشی ن . . . بودفعهده ینه ایکی اصولدن برینی انتخاب ایده بیلور . یعنی مومی الیه ایسترسه دمدارک هر قدمه سنه آیری آیری برر خصوصی امر ویرر ، ایسترسه هپسنه بردن عمومی برامر ویرر . بشنجی مکتوبمده سزه سویلمش اولدینم قواعد وملاحظاته بناء بوراده ینه ایکنجی اصول برنجیسنه ترجیح ایدیله بیلور . چونکه بواسول ، مادون قوماندانلردن هر بریسنه برباقیشده دمدارک وظیفه سی نهدن عبارتدر : اونی کوسترمکه وایلریده اوکا کوره متحداً حرکت ایتمکه مساعددر .

بردمدار ایچون سزه ، برامر اورنکی ویرمکی مناسب کورمدم . چونکه سز ، برایلری یوروش ویا بر رجعت ایچون ویریلان امر اورنکفرنده بوخصوصده لازم کلان ماده لری بولورسکز . بناء علیه دمدار امریکزی ده هیچ بر مشکلاته اوغرا مقسزین ترکیب ایده بیلورسکز . ایرتسی صباح ، بیکباشی ن . . . کندی مادونلرینه اولکی کوندن بری دشمن جهتدن هیچ بریکی حوادث کمدیکنی سویلیه جکدر . بوسایه ده او ، مفرزه قومانداننک ویردیکی امرده خصمه دائر سویلنمش اولان معلوماتی تکرار ایتمکدن قورتیله جقدر . مادون قوماندانلردن هر بریسی ، بیکباشی ن . . . ک مقصدی اوپله بردن بره کری چکلکم دکل بالعکس ، یواش ، یواش ودشمنی یایلمغه مجبور ایده جک وجهله

چکلمکدن عبارت اولدیغی آکلایه جقدر . مع هذا ، اوزون اوزادی به محاربه به کریشمه مک لازم کلدیکی ده بیکباشی ن . . اولره سویله جکدر .

هر احتمال جواب ویرمک ایچون برآز وقت صکره طورمه مجبور اولان پیشدار قسم کلیدی (غره ولاهوت) ک ۶۰۰ متره شمالنده کی زمین عارضه سنده کنیدیسی محفوظ بولدی ره جق واوراده بلکه عمومیتله یول قول نظامنده طوره جقدر . مع هذا دیدیکمز عارضه یی ممکن مرتبه چابوق الده ایدنجیه قدر او . یقیندن یقینه مفرزه نک قول نهایتی تعقیب ایلجه جکدر . و آنجق صکره دن صکره به کندی مسافه سنی اخذ ایتمش بولمه جقدر . مفرزه قوماندانه شورتیباتدن شبهه سز معلومات ویریه جکدر .

دمدار باشی ایچون آلنه جق ترتیبات پک قیصه اوله جقدر . بناءً علیه اوکا یالکز عزیمت زمانی وایک طوتیه جق نقطه لری سویلمک یتیشور . مؤخرآ اوکا دها بشقه امرلر ویریه جک . و بیکباشی ن . . آنک یاننده قاله جفی ایچون بوا امرلر اوکا تام زماننده ویرلمش اوله جقدر . جانبدار ایچون لازم کلان ترتیبات پک او قدر قیصه اوله میه جقدر . زیرا اونک یری بیکباشی ن . . دن اوزا قدر . مع هذا ، (اورنی) نک تخلیه سی ورجعتنه دوام خصوصنده اوئی مستقل و سربست بولدرمق لازمدر . برده او ، اولجه دها (اورنی) یی ترک ایتدکدن صکره تعقیب ایدیلجه جک خط رجعتی بیامکه مجبوردر . جانبدار قوماندانی ، ایلری قره غوللر خدمتک نه زمان ختام بوله جفی و (۴) نجی بلوکی نه زمان کندی اداره سنه آلمش اوله جفی ده بیاماید . جانبداره یالکز تمامی محافظه ایتک دکل ، بالعکس دشمنک صول جناح قوائک

صول یانی اوزرینه بعض شدتلی سواری کشفلری کوندرمک خصوصنی امر ایده جکسکز .

دمدار سواریمی (سار بروک) شمدوفر جهته برضابط کشف قولی کوندرمک ایچون امر آله جقدر . بو خدمته ای برضابط انتخاب ایدیه جک و خدمتک حس اجرا و ایفاسی آنک ید صلاحیت واستقلالنه ترک ایدیه جقدر .

بوضابط کشف قولی بر آز وقت صکره کری دونمک مجبوریتنده ده دکلدر . بالعکس او ، شمدوفر بویجه اپی زمان قاله حق و اورادن کوردکلرینی کری به خبر ویره جک . حتی هیچ برشی کورمدیکی زمان بیه ینه بو خصوصی کری به مطلق خبر ویره جقدر . دیدیکمز ضابط کشف قولی ایچون یالکز بر قاج سواری یتشور . زیرا ، بر ضابط کشف قولی نه درجه قوتلی اولورسه ، دشمن نظرندن وتعییندن ده اوقدر زور کندیسینی کیزلیه بیلور . او یله ایسه بیکباشی ن . . نافله یره برچوق سواری کوندرلمش اولماق ایچون تیموریولی جهته کوندریله جک اولان ضابط کشف قولی کندیسینی امر وتعیین ایده جقدر . تنظیم ایدیه جک مشکل نقطه لردن بریسی ده استحکام طرفدن لثم ترتیباتی یابلمش اولان کوپر یلری نه زمان تخریب ایتمک لازم کلا دیکی بیلمکدر . زیرا اگر بو تخریب خصوصی ارکنجه یاییلورسه ، او وقت سوارینک پک طولاشیق یرلردن چمسی ایجاب ایده جکدرکه ، شو بیوک بر محذور در . بیکباشی ن . . کوپر یلرک تخریب ایدیه جکی زمان قطعی کنیدیلکندن تعین ایده میه جقدر . بالعکس بو وظیفه یی جانبدار ودمدار قوماندانلرینه براقه جقدر . مذکور قوماندانلر شو مخصوصدن طولانی سؤل طوتیه جقلدر .

وہو مسئولیت ویریلہ جک امردہ ذکر ایدلش اولملی کہ ، ہیچ بریسی
وظیفہ سنی اونوتمش بولنسون . .

بیکباشی ن . . امرینی ویردکن صکرہ ، اولجہ (غروہ لاهوت) ہ
چکیلہ جکدر . مومی الیہ ، مفرزہ قوماندانی اورادہ بولہ جقدر .
وقتی کلدیکی زمان آتش آچق ایچون بطریہ یہ امر ویرہ جک ، بیکباشی
ن . . در . (غروہ لاهوت) تپہ سندن مومی الیہ کوزی اوکنده
جریان ایدہ جک اولان حرکاتی برر ، برر تعقیب ایلہ جکدر .

ایشته سزك امریکز بویله یازیلہ جقدر :

(پونطوی) ك غرب مخرجی

۲ — ۷ — ۸۹ — ۹۱۰ — کوندوز

دمدار امری

۱ — دوندن بری خصمه دائر هیچ
برحوادث یوقدر .

۲ — دمدار ، خصمی (شهریزدی)
دره سی اوزرنده یایلمغه مجبور ایتك وظیفه
سیله مكلفدر . مع هذا دمدار ، پك جدی
بر محاربیه کیریشمکدن چکینه جك وکندی
نمایش حرکتی بیتدیکی اکی درحال
(بهووی لابس) اوزرینه قسم کلی بی
تعقیب ایلیه جقدر .

۳ — دمدار قسم کلیسی ، (غره و لاهوت) ك
۶۰۰ متره شماله قدر قسم کلی نك قول
نهایتندہ یوری به جك واوراده یکی اصرارله
انتظار ایده جقدر .

۴ — دمدار باشی صباح ساعت (۵)
بچقدہ عزیت ایده جك و (غره و لابس)
ایله (پونطوی) ی اشغال ایده جقدر .
ویکی اصرار کلهجه به قدر دشمنی اوراده
طور دیرہ جقدر .

۵ — دمدار سوازیسی ، کشافلر واسطه
سیله بیوک پول ایله (بو) جهتندہ دشمن
ایله اولان تماسی محافظه ایده جقدر . آریجه
برضابط کشف قولی ده (اوبر) دن ،
(سار بروك) اوزرینه کیدن شمندوفر
جهتندہ کوندریله جقدر .

انقسام عساكر

۱ — قسم کلی (ویوروش
نظامی) : ۲نجی سیار طوبچی
آلایك برنجی سواری بطریه سی .
۳۴نجی پیاده آلایك ۲نجی
طابوری .

۳نجی دراغون آلایك برنجی
بلو کندن بر کوچك ضابط و
سواری .

۲ — دمدار باشی :
یوزباشی ب .

۳۴نجی پیاده آلایك ۲ ،
۳نجی بلوکلری .

۳نجی دراغون آلایك برنجی
بلو کندن بر کوچك ضابط و
سواری .

۳ — دمدار سوازیسی :
یوزباشی ت .

۳نجی دراغون آلایك برنجی
بلو کی .

۴ — صاغ یان جانبدری :
یکباشی ر .

۳۴نجی پیاده آلایك برنجی
طابوری (۲ ، ۳) ۳نجی بلوکلر اکسیك

۳نجی دراغون آلای (برنجی
ودردنجی بلوکلر اکسیك) .

۶ - صاغ يان جانبداری دشمنی
(اورنی) ایله (هوپتال) اورمانلری
کنارنده طور دیرره جک و دشمنک کندیسنه
فائق قوتلری اوکنده (هوپتال) اومد
نلرندن و (شهزنی) دن کچه رک کری یه
چکیله جکدر . صباح ساعت (۵) ی
(۱۵) کچه دن اعتباراً بیکباشی (۴۰۰) نجی
بلو کده زیر اداره سنه آله حق وساعت
(۵) بیقنده ایسه (شهریزه ی) اوزرینه
رجعت اتمک باشلايه جقدر . بیکباشی ..
اوندن بشقه حضم ایله اولان تماسنی
(بوشی) واسطه سیله بمحافظه ایده جک
(وینی) اوزرینه کشافر کوندره جکدر .
۷ - صاغ يان جانبداری ایله دمدار
باشی (شهریزه ی) دره می اوزرنده کی
کچید نقطه لرینک تام زماننده تغیر بایدلش
اولسندن مسئول طوتیله جقدر .
۸ - راپورلر بکا ، (غروه لاهوت) ه
کوندریله جکدر .
بیکباشی ..

جزء نام قوماندانلرینه آغزیدن
سویلنمش وایلری قره غوللره
ایسه تحریراً و یوزباشی س.. ایله
نوطه ابتدی ریشدر .

بر رجعت ایچون ویریله جک امرلرک ترتیبی ، بر ایلری یوروش
ایچون ویریله جک امرلردن ده زور اولدیغنی سزده نیم کی تصدیق
ایدرسکز ، صانورم . بوندن طولانی سزی او خصوصله ایودن
ایویه آلیشدرمش اولق ایچون بن ینه ایلریده او درلو مسئله لردن
بحث ایده جکمی سزه وعد ایلم .

طقوزنجی مسئلہ

[(غراولوت) و (آرس سورموزل) پافتہ سیلہ برلکده عمومی خریطہ]

وضعیت عمومیہ

دشمن مملکتندہ حرکت ایدن بر غرب فرقہ سی (نی بہت فرانہز) اوزرنده اپنی تلفات ویردکن صکرہ (مچ) یقینندہ (موزل) ک صول ساحلنہ کچمشدر .

غرب مفروزہ سنک وضعیت خصوصیہ سی

۸۹ سنہ سی آگستوس اینک ۴ نجی کونی قراکلی باصدینی صرہ دہ غرب فرقہ سنک دمداری . کندی ایاری ترہ غوللریخی (سہ نہ ننتن) دن (موزل) ہ قدر تأسیس ایتش اولدینی حالہ (مولہن لہمچ) دہ یراشمش بولنیور . میرآلای ب .. ادارہ سندہ کی ۹۸ نجی پیادہ آلای : ۱۶ نجی استعکام طابورینک ۲ نجی بلوکی (سہنت روفین) ی اشغال ایدیور . فرقہ نک اقسام سائرہ سی (آرس سورموزل) دہ بولنیور . دشمن فرقہ یی (مچ) ہ قدر تعقیب ایتدی . شہر ایچندہ کی (موزل) کوپر یلریخی تخریب ایتک ممکن اولہ مامشدی : لکن ، (مچ) ک جنوبندہ کی کوپر بلر ، (پوتا موسون) ہ قدر تخریب ایدلشدر . اقشام اوزری . برجوق طابورلر ایلہ طویچی وسواریدن مرکب اولان دشمن قولک (ماکس) دن (سن فلوی) اوزرینہ یورودیکی کورلشدر .

کیچہ ساعت (۱۰) ی چاریک کچہ . میرآلای ب .. فرقہ قوماندانندن بروجه آتی امری آلور .

فرقہ قرارکاه عمومی سی (آرس سورموزل) .

۴ — ۸ — ۸۹ — ۹۱۱ کیچہ

بزم کشف قوللریز (لوری لہمچ) ایلہ (فرانسز قبوسی) اوکنده دشمن آتشنہ تصادف ایتدیلر . (فرانسز قبوسی) ندہ دشمن پیادہ سی واردر . (دہوان لہیون) دہ خصمک بعض منازد کشف قوللری کوراشدر . روایت اولدیفنہ کورہ (ووی) دہ خصم طرفندن طوتلشدر . دشمن (اولژی) موقعندہ (موزل) اوزرنده بر کوپری قورمشدر . فرقہ یارین صباح ساعت (۵) بچقدہ (آنسی سورموزل) ، (غورز) و (شامبلہ ی) دن کچہ رک

(ایشپونویل) اوزرینه اولان رجته دوام ایده جکدر . (۹) نجی سواری
 آلاینک ۳ ، ۴ نجی بلوکلرله ، ۳۱ نجی سیار طوپچی آلاینک ۴ ، ۵ نجی
 بطریه لرینی و برسیار خسته خانه طاقنی سزک قومانداکزه ویریورم .
 بوقطعات عسکریه ، صباح ساعت (۵) ی چاریک کچه (سه نتروفین) ک
 غرب مخرجنده امرکزه انتظار ایده جکلردر . اوندن بشقه ۱۶ نجی استحکام
 طاوورینک ۲ نجی بلوکلده سزک اداره کزده بولن جتدر . سز ، بتون قوه
 عسکریه کزله برلکده ، فرقه نك صول یانسه کچه جک و (غراوه لوت) ،
 (مارس لاطور) دن کچهرک (هانوویل اوپاساژ) اوزرینه رجته ایده جکسکزر .
 بیوک آغرقلریکزر ایچون لازم کلان امرلری سز کندیکزر ویره جکسکزر .
 سزه کوندریله جک اولان قوای امدادیه نك بیوک آغرقلرینه ایسه ، یارین صباح
 ساعت (۴) ی (۵) کچه (غراوه لوت) ک غرب مخرجنده بولنق
 ایچون تعلیمات ویرلشدر . اونلر اولجه بتم طرفدن انتخاب ایدلش برسواری
 ضابطنک قومانداسنده بولینورلر .

یاسیله جق وظیفه

- ۱ — میرآلای ب . . . وضعیتی نه بولده تقدیر ایدر . وکندی وظیفه سنی
 باشه چیقارمق ایچون نه کی ترتیبات اخذ ایلیه جکدر ؟
- ۲ — میرآلای ب . . . طرفندن ویریلان امرلر . .
 خاطره . . . (میچ) ک غریبنده کی اورمانلر بودانمشلردر . تیمور یوللرک
 خارجنده بو اورمانلر آتیق یواش وواش و طاغنیق نظامده یوریان پیاده لر
 طرفندن کچیه ییلورلر .

اونجی مکتوب

بریان مفرزه سنک رجعتی .

صوك دفعه سزه ویرمش اولدیغ مسئله واسع براراضیده علی العجله تعیین جهت ایتمکده ملکه قازانمش اولمکزی تأمین ایچون مخصوص خریطه عمومیه کوره ترتیب ایدلمشدر . شو نقطه نظر دن باخصوص عین زمانده مقیاسلری بشقه ، بشقه خریطه لر قوللانمغه مجبور اولدیغکنز وقت دائما پرکار قوللانمغه کزی برکزه دهها خاطر کزه کتور یورم . زیرا اکر ، بکوچک آلتی قوللانمیه رق ایشکزه دوام ایده جک اولورسه کنز ، شبهه سز ، برچوق خطالره دژشمش بولنورسکنز .

بوشمیدیکی مسئله اولکیسندن پک آز فرق ایدر ، بودنعه سزه بن بروضعت عمومیه ایله آریجه بروضعت خصوصیه ویریورم . بیلورم که شو تعبیر لر سنک ایچون یکی تعبیر لردندر . لکن مراق ایتیک بن اولنری شمدی سزه ایضاح ایدرم .

وضعت عمومیه ویا فکر عمومی هر ایکی طرفجه بیلنمسی لازم کله جک اولان معلوماتی ویرر . حال بوکه وضعت خصوصیه ویا خود فکر خصوصیه یالکیز برطرفک بیه جکی شیئ کوسترد . وضعت خصوصیه بی متعاقب مفرزه به تخصیص اولنان وظیفه دن بحث ایدیلور ویا وضعت خصوصیه دن آله جنی معلوماته کوره آتی تعیین ایتک جهتی ، مفرزه قوماندانه ترک اولنور .

میر آلا ی ب . . کندی وظیفه سنی نصل آکلایه جفتی و آتی باشه چیقارمق خصوصنده نه کی ترتیبات آله جفتی ، بن سزه صورارکن وضعت عمومیه حقنده نه دوشونمش اولدیغکنزی سویلیمک ایچون سزه فرصت

ویریورم . شونقطه نظر دن سزك تقدیراتكز ایلریده اسباب موجبك
تشریح و بیانی خصوصنده بیوك برتائیر کوستره جکدر .
میر آلاى ب . . طرفدن ویریله جك امرلر بر رجعت یوروشنك
تنظیمنه عائد اوله جقلردر .

یان مفرزه سنك عزیمت ساعتی فرقهك یوروش یا بمغه باشلادی
ساعت ایله تعیین ایدلمش : استقامت ایسه كذلک فرقه قوماندانی
طرفدن کوسترلمشدر . اوله ایسه شوجهلردن مفرزه قوماندانی
ایچون هیچ بر صیقندی فلان یوقدر . ظن ایدرم که سز ، (روزه ری
یول) دن کچن (سنت روفین) یولیه (روزه ری یول) ک جنوبندن
کچهرک تپیه چیقان بیوك یول آره سنده بر آز متردد قالمشکزدرد .
بونک پک اوقدر اهمیتی یوقدر . (ره وزه ری یول) دن کچن یول
(پووان دوژور) جهتلرینه طوغری بر آز دیک وسرت اولقله برابرایی
بریولدر . کرچه ایلك باقیشده دها بویولک بعضی قسملری پک باصیق
ومنحط اولدینی بوندن طولایی ، اگر دشمن آپ آنسزین (روزه
ری یول) ک شالنده کی تپه لرده چیقہ جق اولورسه ، اپی مخدورلر حصوله
کله جکی آکلاشیلور .

لکن ، سز بوا حمالدن قورقه مزسکز : چونکه مفرزه نك عزیمت
آنده خصمك اکیقین اولان قطعات عسکریه سی . هنوز پک اوزاقده
بولنیورلر . و بوتپه لره کله بیلیمک ایچون اونلر ایلك اوکجه (مونطوی)
دره سنك کچلمسی مشکل اولان وادیسنی آتلامغه مجبور اوله جقلردر .
بیوك یول ایسه ده اراحت و دها امیندر . چونکه اوپک سرعته تپه لره
پک چابوق الده ایدلمش اولسنه مساعددر .

اگر پک تدبیری بر صورتده طاور انلمش اوله میه جفی فکرنده

ایسه کز ، هیچ طور میگز همان بویول بویجه حرکت ایدیکز . لکن اوتیکی یول اوزرندن یوروش یا بمش اولسه کز بیله کیجه بی (سه نت-رو فین) ده کچورمش اولان بیوک آغزلقلری مذکور یولدن کوندرمکی اصلا اونوتیکز . چونکه مطلق او یله یا بمق لازم کلور . بوندن صکره سزک ایچون ، میر آلا ی ب . . نک دشمنه مقابله ایتمک مجبوریتنده اولدنی موضعلری کوسترمک صره سی کلور . (مونطوی) دره سنک تشکیل ایتدیکی حقور و منحط وادی ، غرب یماجلری آغاجلر و چالیلر ایله مستور اولق مناسبتیه . معنده بر مدافعه نک جریانه مساعد دکدر . واقعا دشمن پیاده سی مذکور یماجلرده یوللرک خارچنده یک آغیر آغیر ایلرولیه بیله جکدر : لکن الک صکره او ، ینه آغاجلق و چاللق یرلری کچمش اوله جقدر . برده آغاجلر آره سنده بولسان برقاق یول ویا کچی یولی بعض یناشیق نظامده کی دشمن قطعاتنک کچمنسه مساعد بولنه جقدر . اکر دشمن (موله ن له میچ) دن کچهرک ایلری به کیده جک اولورسه : ایلک اوکجه فرقه نک دمدارینی کوروش بولنه جقدر . اکر بودمدار ، اوصره ده کری چکلمش اولورسه ، دشمن بومفرزه بی تعقیه قویلمق ایچون (بووان-دو زور) . کیدن صرب و دیک میللری طرمانغه مجبوریت کوره جکدر . (میچ) ک شمالنده (لوری له میچ) ویا (ووی) ده یرلشمش اولان دشمن اقسام عسکریه سی کندی اوکلرنده (سی) ، (له سی) و (سن ژورژ) یوللرینه مالکدرلر . بوصوک اوچ استقامت ، ایلک اوکجه وادی به اینرلر صکره مقابل یقوشلره طوغری چیمغه باشلارلرکه شو حال ابی برشی دکدر . او یله ایسه دشمن آنجق یک یواش یواش ایلرولیه بیله جک و دایما بریاصقین حرکتدن کن دیسنی قورومق چاره لرینی

دوشونمکه مجبور اوله جقدر . و دشمن بر کره (مونطوی) دره سنک
غرب یماجلرینه آیاق باصدینی کبی (شاتلسن ژهرمن) ک غربنده
(پووان دوزور) یانسه قدر اوزایوب کیدن آغاچقلی منطقه ،
(پلاتو) نک کنارینه دکین صوقلمسنه مساعد اوله جقدر .

بروجهله که ، مفرزه آرتق آنک تأثیرندن طولایی (پووان دوزور) ده
اپی زمان قاله میه جقدر . بونقطه ده خصمه مقابله ایتمک فکرینه معارض
دیگر سبیلر دها وارکه اوده سزک (مانس) دره سی کنارینه آرقه
ویره رک مدافعه ده بولنمش اوله کزدر . کرچه پیاده بودری بی هریدن
کچمکه مقتدردر . لکن سواری ، یاییوک یول بونجه ویا اوجوارده
پک نادر بولنان سائر بعض فنا یوللردن کچمکه ، طوبچی ایسه یالکز
بیوک یولدن حرکت ایتمکه مجبوریت کوره جکدر . اوپله ایسه هیچ
طور میگز ، بر آن اول (مانس) دره سنی دشمن ایله کنندی
آره کرده بولندر مغه و ممکن اولدینی قدر چابوق بر صورتده (غراوه
لوت) و (موغادور) تپه لرینی الده ایتمکه چالیشکنز . سز اوراده
خصمک یوروشینی طور درمق خصوصنده ایجه موفقیات کوستره جکسزه
دشمن سزی ایستر (مولن له میچ) دن ، ایستر شالدن تعقیب
ایتسون ، هرایکی حالده ده او ، (مانس) دره سنی کچمش اولق ایچون
کندی قسم کلینسی بیوک یول بونجه حرکت ایتدرمش اوله جقدر .
بویول ایسه سزک پیاده آتشکزله دوکیله بیلور وبالخاصه (موغادور)
چفلکنده یرلشدرمش اولان پیاده لرك آتشی اونی پک زیاده اضرار
ایده بیلور .

اوله بیلور که دشمن ، سزک متباعد رجعت حرکتکزه کوره
موضعکزی (مانس) دکرمنی یاننده چویرمک فکرینه دوشر .

كذلك ، (مال مه زون) طرفندن دخى سزى چويرمك نكړينه
 ذاهب اوله بيلور . لکن شو ايکى درلو چويرمه حرکتلرينک ايکيسى ده
 اونک ايچون پک چوق زمان صرفى ايجاب ايده جکدر .

طبيعى مدافعه مطلقه قالمق ايستميہ جکسکز ؛ بناءً عليه
 دشمنك (اونيون) ويا (ژه نى وو) اورمانلرندن چيقوب گلنى
 منع ايتمك ايچون اك مناسب اولان بر زماندن استفاده ايدرك اكا
 قرشو مقابل تعرضلرده بولنه بيله جکسکز . اوندن صكره سز ،
 (غراولوت) ايله (ره زون ويل) آردسند (غروز) نهرينك
 باشليجه قولنى تشكيل ايدن تابعك غربنده يکى بر موضع طوته بيله جکسکز .
 برده كنديكزى ايودن ايويه مدافعه ايتمك ايچون ده (وي يون
 ويل) ك غربنده كى تپه لره ياخود (ايرون) دره سنه حاتم اولان بايرلره
 مالك اوله جقسکز . بوندن آكلاشيوركه سز جبهه لرندۀ آز چوق
 بعض موانع ايله مستور وهر وجهله دشمنك حرکاتى طوردرمغه
 الويرشلى موضعلردن محروم قالميه جقسکز .

فرقه نك تعقيب ايلديكى استقامت ، مفرزه نك استقامتدن ايجه
 اوزاق بولنور . بعض محللرده بوايکى استقامت بينده كى آردلق
 (۷) كيلو متره دن عبارتدر . بر وجهله كه ، مفرزه كرك فرقه
 وكرك آنك دمدارى طرفندن حمايه واستناد ايدلمش اولقى خصوصى
 اميد ايده مز . بناءً عليه فرقه نك قسم كليسى ويا دمدارى
 نرلرده بولنديغنى بيلمك ايچون سزك فرقه ايله ارتباطده قالمك
 دها اوقدر زياده لزوملى كوريلور . بولنديكز اراضيده آره يوللرى
 اكسيك دكلدر . بناءً عليه ، فرقه دن اوزاق بولنه كزله برابر ،
 فرقه نك وضعيته دائر معلومات ايدتمك سزك ايچون زور بر شى .

اولیه جقدر . مفرزه فرقه یه تقرب ایتش اولق ایچون کندی یوروش یولنی ترك ایتکه مآزون دکدر . زیرا ، بویه یاهجق اولورسه ، (ووردون) اوزرینه کیدن قیسه یول آجیقدن آجینه دشمن انه کچر واونکله برابر دشمن شهسز (ووردون) موقعی ضبط ایتش اولور . ذاتاً فرقه نك بو یولدن وازچمسی کندی آرزوسی خلافتده بر شی ایدی .

مفرزه موقعه کیرمش اولدینی رمان ، دشمن ، فرقه قسم کلیسی راحتسز ایتک مقصدیله بیوک یولک جنوب غربیسنده جدی قوتلر ایله بر قولتق تشکیل ایتکدن چکینه جقدر . چونکه اوایل یاهجق اولورسه ، کندی یانخی (صاغ) تهلکه یه دوشورمش بولنه جقدر . برده ، خصم بزم طوتدیغمز موضعی ده اوایل بردن بره جنوب غربیدن چویرمش اوله میه جقدر . زیرا ، کندی اوکنده بولنان قوای عسکریه یی ایوجه طانیق ایچون اوکا پی زمان لازمدر .

مفرزه نك تعقیب ایتدیکی یول ایله فرقه قسم کلیسنک تعقیب ایلدیکی یول آرمسند (ووردون) . کیدن دیکر مهم بر یول یوقدر . لکن ، شایان استفاده بر چوق آره یوللری واردر . بالخاصه (غراولوت) یولنی (پوکس یو) (قیسون ویل) و (شامبله ی) ایله برلشدیرن آره یوللر پک فائده لیدر . مفرزه نك تعقیب ایتدیکی یولک شمالنده ، (مال مهزون) و (سن مازسل) دن کچرک (ویل سور - ایرون) ، کیدن یولی نظر دفته آلکنز . بکن مکتوبلر مده سوبلدیکم قاعده لره نظر آکوچاک بر پیاده قطعه سندن متشکل بر صول یان جانبداری ایله بو یولی تعقیب ایتدیرمک ایی بر شی اولمز . چونکه بو یول ایله بیوک یول آرمسند بیوک بر فاصله (وسطی اوله رق ۳ کیلومتره) واردر .

بناءً عليه مفرزه يالكز بر كوچك سوارى قطعه سيله كندىسى
شمال جهتدن قورومقله اكتفا ايدم جكدر . شمدى بر كرده خصمك
وضعينه بر كوز بچورم . الله ايتديكمز معلوماته نظراً دشمن كيجه لين
(مچ) . قدر بعض اقسام عسكريه سنى كوندرمش بولنيور .
نظر دقتمز ايسه اك چوق ، هر صنف عسكردن تركب ايدن و
(ماقس) دن (سن نلوى) اوزرينه كيتديكى كوريلان قول اوزرينه
منعطفدر . اكر (موزل) نهري اوزرنده و (اواري) ده بر -
كوپرى قورلدني و (ووي) ايله (لورى له مچ) ك طونلدينى
حوادثلرى ده بومعلومات ايله يان يانه كتوريلورسه ، بوجهته شمال
(تى يون ويل) دن يا خود شمال شرقى (بهت له ن ويل) دن دشمنه بر قوه
امداديه كلكده اولدينى درجه قطعيده آكلاشامش بولنور . بناءً عايه
شويكى قطعات عسكريه كيجه يى (مچ) ك شمانده كچيرورلر ديمكدر .
يارين صباح ، احتمال كه بوديديكمز قطعات شمالده كى بيسوك يول
اوزرنده بر تعقيب حركته باشلامش اوله جقلدر .

غرب فرقه سنك قسم كليسى (آرس سورموزل) ده بولنديغه
دائر حضمك معلوماتى اولدينى فرض ايتكمده حقايسكز . چونكه
(موزل) نهري نك حول ساحلى بويجه كيدن يول صاغ ساحله
محكوم بولنيور . اويله ايسه شرق قطعات عسكريه سنك بر قسمى
(آنسى سورموزل) دن كچه جكدر . لكن سز اولدن ، نه دشمنك
تعقيب ايدم جكي استقامتى ، نه ده مفرزنك قرشوقومغه مجبور اوله جنى
دشمن قوتنك مقداري نى اوكرنمش اوله جقسكز . على الخصوص سز
(مچ) ك شمانده بولنان قوه امداديه نك صورت تركيب وناشايكى
بيلمدكجه بو مخدور ده اوقدر زياده كنديسى كوستره جكدر

دشمن ، غرب فرقه‌سك (وہ ردون) اوزرينہ چكلمك ايستمسندن
 شہہ لنيور . اويلہ ايسہ شمالدہ کی (غراوہ لوت دن کچن) بيوك يولي
 ضبط ايتمکہ چاليشہ جقدر . زيرا بويول اونك ايچون اك قيصہ بريولدرہ .
 بناءً عليه اكر دشمن مفرزہ يي اورادن قوغمق ايتسيہ جك
 اولورسہ . احتمال بيوك يولي تعقيب ايتمکہ اکتفا ايتيہ جکدر . بالعکس
 اوندن بشقہ (بالمہ زون) دن (ويل سور- ارون) ہ کيدن يولدن دہ
 استفادہ ايلیہ جکدر . آنک ايچون بويول بالخاصہ سزك نظر دفتکری
 جلب ايتمش اولميدر . مفرزہ نك وظيفہ سی ، شو آتيده کی جملہ دن
 پک واضح بر صورتہ ميدانہ چقيور : دشمن ہرزدن کلورسہ کلسون
 آتی قسم کيدن اوازاق طومتق وقسم کلی بہ (ايسون ويل) ہ واصل
 اولمق ايچون ايجاب ايدن زمانی قازاندرمق لازمدر .

بناءً عليه ہر نہ واسطہ ايلہ اولورسہ اولسون دشمنك بيوك يول
 اوزرينہ اولان يورويشني تأخير ايتلميدر . يان مفرزہ سی آنحق بشقہ
 درلو يایمق ممکن اولدينی زمان محاربہ يي قبول ايدہ جك ومحاربہ يي قبول
 ايتسہ بياہ آتی اوزون اوزادی بہ تعقيب ايلميہ جکدر . بناءً عليه
 بالخاصہ کندی طومچيسندن استفادہ ايدرك عاداتا برمدار کي حرکت
 ايتمکہ مجبوردر . چونکہ طومچي حضي تا اوزاقلردہ ايکن يابلغمہ
 اجبار ايدہ جك قوتی حائردر . پيادہ يہ کلنجہ او ، دشمنك صوقلمسنہ
 وياقلاشمسنہ مساعد اولان مسکون محللر ايلہ آغاچلقی يرلری اشغال
 ايتمکدن صوگ درجہ دہ چکينہ جکدر . بيوك يولک (غراوہ لوت دن کچن)
 ياروب کچديکی متعدد وقوتی خطوط تدافيعہ ، باخصوص دشمن
 جہہ دن ايلر ولمکدہ شہہ لی کورندکجہ ، بوتسيہ ايچون پک الويريشلی
 درلر . دشمن مذکور خطلری چويرمک ايچون نصف دائرہ لر

اوزرنده حرکت ایتمکه مجبور اوله جقدر . حال بوکه او ، شوخصوصده ایجه زمان . غائب ایده جکدرکه ، آنک حقنده ضایعاتدن معدود اولان بوزمان سزک ایچون بالعکس قازانلمش برزمان اوله جقدر . سواری ایسه درحال دشمنله تماس حاصل ایتمکه و آنی بتون کون الدن قاجرمامغه مجبوردر . یانلری کشف وترصد ایتک وبالخاصه ، دشمنک یابهجنی چویرمه حرکتلرندن خبر آلمق وسواریسنی ایلریدن اراضی قازانه رق سزک حرکاتکزی کورمکدن منع ایده بیلک ایچون صول یانی پک دقتلی کشف ایتدرمک لازمدر . احتمال که آشاغیده سویلیه جکمز سبیلردن طولای دشمنی ایکی موضعده ایجه زمان طور دیرمق لازم کله جکدر :

یورویشتک بدایتنده دها ، فرقه قسم کلیسی (آنس سورموزهل) ایله (غروز) آره سنده سرت و دیک میلی اولان (ورنو) پلاتوسنی آتلامغه مجبور اوله جقدر . اویله ایسه آنی (غروز) ی کتیجه قدر شمالدن کله جک بر هجومه قرشو ستر ایتک لازم کله جکدر . تعبیر دیکرله ، یان مفرزه سی (غراوه لوت) تپه لرینی پک ارکن تخلیه ایتمش اولیه جقدر . (غروز) دن (ایسپون ویل) ه قدر قسم کلی اصلا جدی بر مشکلاته اوغرامیه جقدر . مع هذا ، ینه بعض تدابیر احتیاطیه آلمق لازمدر . چونکه (شامله ی) دن اعتباراً فرقه نک تعقیب ایلدیکی استقامت مفرزه نک استقامته یاقلاشیور . (غروز) جهتنده خصمک شرقدن پک شدتله تضییقه بولمنسنی منع ایتمک وظیفه سی فرقه نک دمدارینه عاندر . لکن فرقه یی شمال شرقیدن اورتمک و دشمنی (ره زون ویل) یاخود (وی یون ویل) دن کهرک (شامله ی) ویا (قیسون ویل) اوزرینه کیتمکدن منع ایلمک

وظیفه‌سی مفرزه‌یه دوشر . اویله ایسه مفرزه ، فرقه قسم کلیسی ایجه ایلرولمش اولنجه‌یه قدر (وی یون ویل) جهتی طومتغه مجبوردر . بناءً علیه میرآلای ب . . بروجہ آتی قراری ویره جکدر :

مفرزه ، بردمدار ایله ستر ایدلمش اولدینی حالده صباح ساعت (۵) ی (۲۰) کچه (سنت روفین) ک غرب مخرجندن حرکت ایده جکدر . دمدار، یالکزلزومی حالده وپک آز برزمان ایچون (پووان دوژر) ده توقف ایده جکدر . مفرزه ، (غراوله‌لوت) ک شرقنده کی تپه‌لری الدہ ایدہ رک اوراده بر بکلمہ موضعه کیره جک وفرقه قسم کلیسی (غروز) ی کچمش اولنجه‌یه قدر اوراده بولنه جقدر .

سواری درحال دشمنله تماس حاصل ایده جکدر . وعسکرینک بر قسمنی بیوک یولی کشف ایتک وفرقه‌نک دمداریلہ ارتباط حصولہ کتورمک ایچون قوللانه جقدر . قسم متباقیسی ایسه بیوک یولک شمالنده امنیت خدماثنه مأمور اوله جقدر .

فرقه (غروز) ی کچمش اولنجه ، مفرزه درحال رجعتہ باشلا یه جق وتخمیناً فرقه‌نک دمداریلہ برخزاده یوری یه جکدر . اگر دشمن پک شدتلی بر تعقیبده بولنورسه ، مفرزه‌نک رجعتی بیوک یولک ایکی جهتده ومحاربیه حاضرلق ترتیباتنده اجرا ایدلمش بولنه جقدر . حین حاجتده مفرزه ، مثلاً (ره زون ویل) ده کندی اقسامندن بریسی اوزرینه طولبلانه جق وقسم کلینک (قیسون ویل) ی کچدیکی خبرینی آلنجه‌یه قدر دشمنی (وی یون ویل) ده ده تأخیرایتدیرمکه چالیشه جقدر . بوندن صکره مفرزه (هانوویل او یاساژ) اوزرینه چکیله جکدر .

مفرزه‌نک موقتاً بعض قافله‌لر ویا آغزلق عربہ‌لریله تأخراته

اوغرامش بولمىسندن پك زياده چكىنامليدر . زيرا بوندن بيوك فلاكتلر چيقه بيلور . اويله ايسه بيوك آغراقلر ، ايجه ايلرودن حركت ايدە جكلردر . واونلرى شمالدن كلەرك ، مثلاً ، (مال مەزون) ياخود (وەرنە ويل) دن كچك دكن صكرە بيوك يولە تقرب ايتمك ايستيان دشمن سواريسندن محفوظ بولنديرمق ايچون اك ايو چارە بودر . بعض محللردە باريقادلر ياقمق وياخود قسماً يولى تخريب ايتمكە دشمنك يورويشنى تأخير ايتمك دە قابلدردر . بوايشلرى يولنە قويماق ايچون شەهەسز ، استحكام دە مفرزە يە تقدم ايتمش اولە جقدر .

اويله ايسه ۹۸نجى پيادە آلایىنك بيوك آغراقلرى ، صباح ساعت (۴) ى (۴۵) كچە (غراولوت) ك غرب مخرجنسە قواى امداد يەنك آغراقلرينە يتشمش اولمق ايچون پك ار كندن يولە چيقمىش بولنە جقدر .

بر دفعە ھېسى برلشدكن صكرە ، مفرزەنك بتون بيوك آغراقلرى ، چارچابوق (ھانوويل اوباساز) وارمغە چاليشە جقلردر . استحكام بلوكى ، ۹۸نجى پيادە آلایىنك آغراقلريلە برلكدە وعين زماندە (سەتروڤين) دن عزيمت ايدە جكلردر . بو بلوكە يولك بعض مناسب يرلرنده خصمك يورويشنى طوردرمق اوزرە بعض موانع ترتيب ايتمك ايچون اواىر مخصوصە ويرلمش اولە جقدر .

وظيفەسىنى كاھلاً اجرا ايتمش اولمق ايچون مير آلایى ب .. بروجە آتى بر چوق امرلر ويرمكە لزوم كورە جكلردر :

۱ — ۹۸نجى پيادە آلایى ، ايرتى كونكى اجتماع ايمون وبيوك آغراقلرينك (غراولوت) عزيمتى خصوصە لازم كلان امرلرى دھا كيجەلن آلمغە مجبوردر .

۱ — استحکام بلوکی ده ینه کیجه لین کندیسنه ویرلسی ایجاب ایدن تعلیاتی آلمغه مجبوردر .

۳ — عموم آغراقلر قوماندانی کذلک مناسب بر زمانده کندیسنه ویریله جک تعلیاتی آلمغه مجبوردر .

۴ — رجعت یورویشی ایچون مفروضه ایرتسی کون کذلک اجتماع محلده بر امر ویریله جکدر .

اوج اولکی ماده لر ایچون یا آیری آیری برر خصوصی امر ویریلور و یا خود هپسینه بردن یالکزی عمومی بر امر ویریله بیلور . میر آلا ی ب .. کیجه ساعت (۱۰) ی چاریک کجه قرقه نك امرینی آلور . بناءً علیه قرارینی ویرمزدن اول ، بر قاچ دقیقه دوشون . که مجبوردر . شو ائنده امر آله جق اولان ذوات جلب ایدیلور لر . بناءً علیه برنجی امر اولسه ، اولسه آنجق ساعت (۱۰) یچقه طوغری یازدیریله بیله جکدر .

۹۸ نجی پیاده آلا ینک بیوک آغراقلری ایچون عزیمت ساعتی ، تام وقتنده (غراولهوت) ک غرب مخرجنه کلش اوله بیلملرینه کوره حساب ایدیله جکدر . استحکام بلوکی بریسی ، ۹۸ نجی پیاده آلا ینک بیوک آغراقلری (مانس) دره سنی کچمش اولنجه یه قدر اونلره محافظلاک ایتک ، ایکنجیسی کندی ایشلری ایچون لازم کلان زمانی قازانمش اولمق فکرلرینه بناءً کذلک پک ارکندن یوله چقمغه مجبوردر . (غراولهوت) دن اعتباراً بیوک آغراقلر آرتق پک ایلر و لمش اوله جقلری ایچون خصوصی برحافظه احتیاجلری قالمیه جقدر . اوپله ایسه ، استحکام بلوکنه ، بتون عربلری و آلات وادواتی برلکده اولمق اوزره یوله چقمغه حاضرلنمق خصوصنده لازم کلان تعلیمات ویریله جکدر .

استحکام بلوکی قوماندانه دشمنک یورویشینی تأخیر ایتک مقصدیله
 زره لرده موانع ترتیب ایتک لازم کلدیکنی سویلیمکدن صرف نظر ایدیورم.
 اک ایوسی ، بوخصوصده لازم کله جک اولان نقطه لری او، کندییسی
 انتخاب ایتسون . یالکز ، (غراوه لوت) ایله (وی یون ویل) ده
 ایجه زمان قالمق نیتنده اولدیغمی اوکا آغز دن سویلیم جکم . واستحکام
 بلوکی قوماندانی ۹۸ نجی پیاده آلاینک بیوک آغز لقرینی عموم
 آغز لقر قوماندانه تسلیم ایتک مجبوریتنده اولدیغیچون ، بن عین
 زمانده ، عموم آغز لقر قوماندانه سویلیمک لازم کلان تعلیماتی ده
 ینه آنک ایله کوندره جکم .

مختلف مادون ضابطلری وضعیت عمومیه دن یالکز کندیلرینک
 فائده سنی موجب اوله جق قدر معلومات آله جقلردر .

(سەنت روفین)

۴ - ۸ - ۸۹ - ۱۰۶۳۰ کیجە

نومرو — ۱

آلای امری

۱ — آلای یارین صباح ساعت (۵) ی
۱۵ کچە یوروشە حاضر اوله جق صورتده
(سەنت روفین) ک غرب مخرجنده اجتماع
ایتمش بولنه جقدر .
۲ — آغرلقلر کذلک یارین صباح ساعت
(۳) ی (۱۵) کچە عین نقطه ده اجتماع
ایده جک و ۱۶ نئی استحکام طابورینک
۲ نجی بلوکی محافظه سننده بیوک یول
اوزرندق (غراوه لوت) ک غرب مخرجنه
کیدرک اوراده بنم قومانداه ویرلش
اولان دیکر قطعاتک بیوک آغرلقلریله
برلشە جکدر . بو وجهله برلشدکن
صکره بیوک آغرلقلر ، هان (هانوویل
اوپاساژ) ه کیده جکلر واوراده توقف
ایده جکلردر .

میر آلای ب . .

امر آلق اوزره طابوردن

کلان ضابطلره یازدیرلشددر .

(سەنت روفین)

۴ - ۸ - ۸۹ - ۴۰ - ۱۰ كىچە

نومرو — ۲

۱۶ نجى استحکام طابورىنك ۲ نجى بلوكنە امر .

۱ — فرقه يارين (غروز) دن كچەرك
(ايسون ويل) اوزرىنە اولان رجعتە
دوام ايدەجكدەر . بىم ادارهم آلتىندە
بولان بىر مفرزە فرقهك سول جناحنى
اورتمكە مأموردر . بو مفرزە (غراوہ لوت)
دن (هانوويل اوباساژ) اوزرىنە يورى يە-
جكدەر .

۲ — فرقه دن كلان امرە نظراً ۱۶ نجى
استحکام طابورىنك ۲ نجى بلوكى يارين
بو مفرزە ايلە برلكدە بولنەجق و صباح
ساعت (۳) ى (۱۵) كچە يورويشە
حاضر اولەجق صورتدە بتون عربەلرى
ايلە برابر (سەنت روفین) ك غرب
مخرجنده اجتماع ايلەجكدەر . استحکام
بلوكى اوندن صكرە (غراوہ لوت) دن
(هانوويل اوباساژ) اوزرىنە يورى يەجكدەر .
اوندن بشقە (غراوہ لوت) ك غرب
مخرجنە قدر بيوك يول اوزرىندە ۹۸ نجى
يىادە آلاينك يىوك آغرقلرىنە
محافظلك ايدەجك و بورادە ايسە مذکور
آغرقلرى عموم آغرقلر قوماندانە تسليم
ايلەجكدەر .

۳ — استحکام بلوكى ، يوك يول اوزرىندە

(سەنت روفېن) ايله (مارس لاتور)
آزەسەندە دىشەنك يوروشنى تاختير ايتەك
ايچون الدن كلان موانى ترتيبايله جەكدر .

مير آلاى ب . .

برىخاىره آتلىمى واسطەسىلە وتخىرير
كوندر اشددر .

(سهنت روفین)

۴ - ۸ - ۸۹ - ۱۰۰۵۰ کیجه

نومرو — ۳

بیوک آغرلقلر قوماندانه امر

۱ — فرقه یارین (غروز) دن کچهرک
(ایسپونویل) اوزرینه یوری یه جکدر .
بیم اداره مده بولسان یان مفرضه سی
(غراوله لوت) دن (هانوویل اوباساژ)
کیده جکدر .

۲ — یان مفرضه سنک بیوک آغرلقلری
یارین صباح ساعت (۴) ی (۴۵)
کچه (غراوله لوت) ک غرب مخرجنیدن
حرکت ایدرک بیوک یول بونجه (هانوویل
اوباساژ) اوزرینه یوری یه جکدر .

میرآلای ب ..

۱۶ نجی استحکام طابورینک
ایکنجی بلوکی قوماندانی واسطه .
سیله وتغیرآکوندیشدر .

شمدی حرکت امرینی یازمغه صره کلیور . کچن مسئله ده بر
مفرزه دمدارینک کنیش برجهه اوزرنده کری یه نصل چککلیکنی کورمش
ایدک . مذکور دمدارک کری یه چکیله بیلیمک ایچون پیاده جه اپی
قوتلی اولمق لازم کلدیکی البت خاطر کزده در . بوراده بالعمکس ،
دمدار یالکیز بریول تعقیب ایده بیلور . وجانبدار آیره مرز . بناءً علیه
اوکا یالکیز برپیاده طابوری ویرمک یتیشور .

یانلرینی کشف ایتدرمک وبالخاصه فرقه قسم کلیسی ایله ارتباطده
قالق ایچون مفرزه قسم کلیسنه برکوچک ضابط ایله ۱۲ آتلی (۴-
کشاف تشکیل اولنه بیلور) الحاق ایدیه بیلور . سوارینک کری یه
قالانی دمدارده قوللانیله جق ویاخود شمال جه تلیرنه کوندریله جکدر .
اولجه کوردیکمز کبی بواسقامت اک مهم براسقامتدر . اوילה ایسه
اوجهندن ، صول یان جانبداری تشکیل ایدیه جک اولان برسواری
بلوکی ایله ستر ایدمک لازمدر . بوبلوك مستقل حرکت ایلجه جکدر .
دیگر سواری بلوکی دمدارله بولنه جقدر . شهه سز ، ایکی سواری
بلوکی بووجهله بربرندن آیری حرکت ایدیه جکدر . بویله یایمق
مجبوریدر ، چونکه اونلردن هریرییی مختلف براسقامتده حرکت
ایدیه جکدر . بن ایکی سواری بلوکنی ده دمداره ویرمک فکرنده دکلم
اگر سز اويله یایمیش ایسه کز ، اوندن ایجه بیوک برقسم سواری پی
شماله طوغری کوندرمکه البت مجبور اولمش سکزددر . بناءً علیه
بوراده سوارینک استعمالی ایچون متحداً حرکت ایتمک اصوله رعایت
اولنمق ادعاسنه دوشمک لازم دکلددر .

بطریقه لره کلنجه ، سز ایسترسه کز اونلرک ایکسینی ده دمداره

ویره بیلورسکز ، ایسترسه کز یالکز بریسنی ویررسکز . بونلرک
ایکیسی ده طوغریدر . آرتق جانکز نصل ایسترسه اويله یاپارسکز .

اويله ایسه ایسته انقسام عساکر

۱ — پیشدار : یوزباشی م . .

۱۶ نجی استحکام طابورینک ۲ نجی بلوکی .

۲ — قسم کلی (ویورویش نظامی) :

برسیار خسته خانه طاقی .

۹۸ نجی پیاده آلاینک ۲ نجی طابوری .

۹۸ نجی پیاده آلاینک ۲ نجی طابوری .

۹ نجی سواری آلاینک ۲ نجی بلوکندن برکوچک ضابط و ۱۲ سواری .

۲ — دمدار : ییکباشی ب . .

۹۸ نجی پیاده آلاینک برنجی طابوری .

۲۲ نجی سیار طونجی آلاینک ۲ نجی طابوری (۶ نجی بطریه اکسیک) .

۶ — صول یان جانبداري : یوزباشی ق . .

۹ نجی سواری آلاینک ۲ نجی بلوکی .

رجعت یورویشی ایچون اولان امر ؛ دشمنک یالکز (مچ) ده

دکل (لوری) و (ووی) ده اولدیغی ده آچیقدن آچیغه و بیوک
برقطعیته ایله بتون مادون قوماندانلرینه خبر ویرمش اولق لازم کلور .

کرچه دشمنک (ووی) نقطه سنی طوتوب طوتمدینی قطعاً بللی دکل

ایسه ده دیگر معلومات آنک خصم طرفندن اشغال ایدلش اولدیغی

قبول ایتدرمکه کفایت ایدر . مفرزه یه کوستریلان وظیفه دن بحث

ایدیورکن (غراوله وت) ک یالکز موقتی برهدف اولدیغی ومؤخرأ

یورویشنه دوام ایديله جکنی شویله بر اشارت ایله کچشدیرمک ممکن

اوله بیلور . لکن مفرزه نک (غراوله وت) جهته ده ومعین بر نقطه ده

اجتماع ایدہ جگنی سویلمکہ حاجت یوقدر . زیرا اولہ بیلورکہ ، بعض احوالک تأثیریلہ سز او نقطہدہ اجتماع ایتمش بولنہ مزسکز . بناءً علیہ اگر سز اوندن بحث ایتمش اولسیدیکز اوزمان اولکی امرکزی ناقض اولہ جق صورتدہ بشقہ امر وپر مکز لازم کلوردی . اولہ ایسہ میرآلای ب . . (غراوہ لوت) اوزرینہ چکلمک ایچون ایجاب ایدن ترتیبائی آلمقلہ اکتفا ایلیہ جکدر . مؤخرآ یاپلمسی لازم کلان شیرل ایچون آیریجہ امر ویریله جکدر .

مفرزہ قسم کلیسیلہ دمدار آره سندنہ کی مسافیہ کلنجہ ، آنی عمومی بر صورتدہ کسدرمک ممکن اولہ مز شمیدیکی حالہ ، سز ، قسم کلی (مانس) درہ سنی کچمش اولنجہ یہ قدر آنک امنیتی استحصالہ مجبورسکز .

اولہ ایسہ دمدار شو مدت اثناسندہ (پووان دوزور) تپہ لری اوزرندہ طورمغہ و بناءً علیہ ہیچ دکلسہ (۲) کیلو مترہ قدر کری قالمغہ مجبور اولہ جقدر . مفرزہ دمدارینک ، فرقہ دمداریلہ ارتباطدہ بولنق وسوارینک درحال دشمنلہ تماس حاصل ایتک لازم کلہ جکی دہ کندی کندیہ آ کلاشیلور . بناءً علیہ امردہ اولنرہ شو وظیفہ یی کوسترمدکن بر فالح چیقمز . زیرا ، بوکی تفصیلات برایلری یورویشدن زیادہ بر کری یورویشدہ نظر دقہ آلتق لازم کلور .

صول یان جانبدارندہ بولسان سواری بلوکنہ تعقیب ایدہ جکی استقامتی کوسترمکلہ سز آنک بر ثانیہ بیلہ شو استقامتدن طیشاری چیقماسنی ایستمش اولمیورسکز . مذکور بلوک قوماندانی سزک طرفکزدن کوستریلان استقامتک بر استقامت عمومیہ دن بشقہ بر شی

اولدینگی ایلک باقیشده آکلایه بیلجکدر . میر آلا ی ب . . نک راپورلره
انتظار ایده جکی یری ده تعیین ایتک ممکن اوله میه جقدر . کری یورویشلرده
اکثریا بویله اولیور . بدایتده میر آلا ی ب . . احتمال قسم کلی یول قولنه
کیرونده دمدار یورویش یانمغه باشلامش اولنجه یه قدر اجتماع محانده
قاله جقدر . صکره سرعتلی یورویش ایله درحال (پووان دوژور)
تپهلری اوزرینه چتیه حق واورادن افقه بر کوز کزدیره جکدر .
دها صکره ایسه میر آلا ی ب . . مفرزه سی ایچون بر بکلمه موضعی
آرامق و حین حاجتده اشغال ایدیله بیلجک اولان نقطهلری تعیین ایتک
ایچون (غراودلوت) ده قسم کلی به تقدم ایتش بولنه جقدر . اوله
میر آلا ی ب . . امرده ، کندیسنه کوندریله جک راپورلرک قسم کلی به
کوندراستی سویله جک و بو راپورلری مؤخرأ کندیسنه کوتورمک
ایچون ده قسم کلیدن مخصوص بریستی تعیین ایده جکدر . سکن مسئله لرده
اولدینی کبی بز بوراده ده بر دمداره پیشداردن زیاده استقلال ویرلدیکنی
کور یوروز . فی الحقیقه بوراده ، مثلاً : دمدار قوماندانی (پووان دوژور) ده
موضع آلمغه و مفرزه قسم کلیسی (غراودلوت) ه وارنجه یه قدر کندی
طوبچی آنشیه دشمنی طور درمغه مجبوریت کورورسه شو خصوصی
هیچ برامر رسمی آلمه دن یامش اوله بیلور . بناء علیه مفرزه امری
آتیده کی وجهله ترتیب ایدلمش بولنه جقدر .

(سه نتروفین) ك غرب مغرجی)

۴ - ۸ - ۸۹ - ۱۰۵ کوندوز

مفرزه امری

۱ - دشن دون اقشام «مچ» «لوری له میچ»
و ووپن «نقطه لرینی اشغال ایندی .
فرقه بوکون . آنسی سورموزدل» ،
(غروز و شامبله ی « دن کچرک
(ایشون ویل ، ه کیده جکدر .

۲ - مفرزه فرقه نك صول یانی ستره
مأموراً ، موقه ، غراوه لوت ، ه قدر
چکیله جکدر .

۳ - قسم کلی درحال ، غراوه لوت « دن
کچرک بیوک یول بوخیه حرکت ایده جکدر .

۳ - دمدار « ۲۰۰۰ » متره دن تعیب
ایلیه جکدر . وفرقه دمدار یله ارتباط
حاصل ایندکدن بشته مولن له میچ « ،
« سی ، له سی » جهتلرنده دشمنله
تماس حاصل ایده جکدر .

۴ - - - صول یان جابرداری (شاتل سن
ژدرمه ن) و (موسقو) دن کچرک
درحال (مال مهزون) اوزرینه پوری به جک
و (لوری له میچ) جهتنده دشن ایله
تماس حاصل ایده جکی کبی (لاپه ویل) و
(صوانی) استقامت لرینی ترصد ایلیه جکدر .

۶ - راپورلر ، قسم کلی به کوندریله جکدر
میرالای ب . .

انقسام عساکر

۱ - پیدشار : یوزباشی م . .
۱۶ نجی استحکام طابورینك ۲ نجی
بلوکی .

۲ - قسم کلی (ویورویش نظامی)
بر سیارخسته خانه طاقی .
۹۸ نجی پیاده آلاینك ۳۰۲ نجی
طابورلری .

۹ نجی سوار ی آلاینك ۲ نجی
بلوکندن بر کوچك ضابط و ۱۲
سوار ی .

۳ - دمدار : یکباشی ب . .
۹۸ نجی پیاده آلاینك برنجی طابوری .
۹ نجی سوار ی آلاینك ۳ نجی بلوکی
« بر کوچك ضابط ۱۲ سوار ی
اکسپک .

۲۲ نجی سیار طوپچی آلاینك
۲ نجی طابوری (۶ نجی بطریه اکسک)
۴ - صول یان جابرداری : یوزباشی ق .
۹ نجی سوار ی آلاینك ۵ نجی بلوکی .

اجتماع ایتش اولان جزء تام قو-
ماندازلرینه آغزدن سویلنشد .

اگر سزه کوسترمش اولدیغم سبیلرک خلافتده سزینه (مال - مهزون) دن (ویل سورایرون) ه کیدن یول بونجه برپاده جانبداري کوندرمکده اصرار ایدرسه کز بن اصلا ، بوفکرکزی برجنایت یرینه قویه جق دکلم . زیرا ، سز ، کندی ضول یانکزه چیقارلمش اولان سواری ایلریده کندیسندن بیوک بردشمن سوارینه تصادف ایدرک برتهلکيه دوشمش بولنه جفی زمان آتی حایه ایتک مقصديه ، جانبداره پیاده ویرمکده بدرجه یه قدر حقلیسکزر . لکن ، بوپادینی (غراولهوت) دن صکره آیرمق لازم کایدیکی ده انکار ایتمه ملیسکزر . بوايسه ، یکیدن ویريله جک برامره نظراً اجرا اولنه جق برحرکتدر . چونکه سز ، دها شمیدین (غراولهوت) ک اوتله رینه قدر کسديرمه برصورتده لاف سويليه مزسکزر .

(مال مهزون) دن (ویل سورایرون) کیدن یولک مفره طراندن تعقیب ایدیلان یولدن (۳) کیلو متره قدر اوزاق بولندینی معلوم اولدیغندن ، پیاده دن هیچ دکسه (۲) بلوکی جانبداره ویرمه کز لازم کله جکدر . بن ایسه ، مفره یی ایکی مساوی قسمه آیره رق اولنری شرقدن غربه کیدن ایکی موازی یول اوزرنده یوریتک فکرنده دکلم . کرچه بیوک برمفرزده رجعت یورویشنی تسریع وتسهیل ایتک ایچون بویه یالکزی ایکی یولدن دکل برقچ یولدن بيله استفاده ایتک پک ابی برشیدر . چونکه اوسایه ده برکره علی العجله دشمنک تماندن قورتیلینور؛ برکره ده ، دمدارک دشمنه مقابله ایتک مجبوریتنده اولدینی زمان یاری یاریه وبلکه ، دها آزه تنزل ایتمش بولنور . لکن ، کوچک برمفرزه ده شو خصوصی نظردن آلفه اصلا لزوم یوقدر .

اوتنجی مسئله

(عمومی خریطه و « آرس سورموزهل » پافته سی)

فکر عمومی ویا وضعیت عمومی

(مچ) دوست قطعاتی (شمال قطعاتی) طرفندن اشغال ایدیلهرلك برصاصین هجومندن امین بولنیور . بر جنوب اردوسی (طول) ك شمالنده اجتماع ایتشدرد .

شمال مفززه سنك وضعیت خصوصیه سی

۱۸۸۹ سنه سی شباطنك برنجی کونی بر مقدار سواری و طوپی ایه برلکده غربدن کلان بیوك دشمن پیاده قطعاتنك (موزهل) ه (پونتاموصون) [عمومی خریطه] ده کچمش اولسی حوادثی اوزرینه (مچ) موقی (موزهل) و (سهیل) آره سنده کی حدود قسمی کوزتمك و دشمنك (مچ) علیه یاهجنی هر نوع تعرض حرکاتی تأخیر اتمك مقصیده (آری) و (ماری یول) اوزرینه بعض مفززه لر کوندر . (فلوری) ده بولنان اوچنجی بر مفززه ده (سهیل) ك شرقنده کی اراضی ترصده مأمور اولور . اوندن بشقه (مچ) قطعات عسکریه سی (فره سقاتی) - (اوپونغ شانس) [بیوك یول اوزرنده] - (یاهته ری) خطی اشغال ایتش بولنیورلر .

شباطك ۲ نجی کونی اوکلدن صکره ، میرآلای ب . . قومانده سنده بولنان (ماری یول) مفززه سی (۳ پیاده طاہوری . ۲ سواری بلوکی بریطریه و براستحکام طقی) . کندیسندن عددجه پك بیوك اولان دشمن قوتلریله مصادمه ایدر ك پك چوق ضایعات ویردکدن صکره (سیله نی [عمومی خریطه] -) ، (ماری یول) آره سنده کی آعاجانی اراضی تخلیه ایتکه مجبور اولشدر .

بو مفززه (فعی) اوزرینه چکیلهرلك اوراده قراکلی باصدینی ائشاده کوی اردوگاهنه یرلشمش بولنیور . میرآلای ب . . افرادك آنجی درتده برقدر جبخانه لری قالدیغی اوکره نمشدر . میرآلای ب . . نك ایلری قره غولری (بر پیاده طاہوری ، ۲ سواری طاسقی) (وه زون) - (بوری) — (پورنوی لاشه تیف) خطی اشغال ایدیور . بو نقطه لردن هریرسی بر بلوكل پیاده و (۱۲) شر سواریه طوتلشلردر . (۴) نجی بلوكل و ایلری قره غولار سوارینك کرییه قالان قسمی (سابره) ده بولنیورلر .

(آری) ده کی مفزده عین وجهله اپی تلفات ویرمش اولدیفندن
 اك صكره (وواساز) ده توقف ایتش بولنان بردشمن قطعۀ عسکریه سی طرفندن
 تعقیب ایدیلهرک (قورنی) جوارنده اردوگاه قورمشدر . (ماری پول) ایله
 (قووان سورسه یل) دشمن طرفندن اشغال ایدله مشلدر ، لکن دشمن
 (لوری) و (لوی ویل) ده ایجه قوتلی بولنیور . (لوی ویل) ك غربنده
 (۲۱۳) راقلی یرده ، کیجه قراکلنی باصدینی ائشاده . ۲ دشمن بطریه سی
 یرلشهرک درحال (پورنوی لاشه تیف) ده کی ایلری قره غول بلوکنه آتش
 ایتشلدر . دشمن پیاده سی طرفندن و (قووان سورسه یل) دن کچهرک
 (پورنوی لاشه تیف) اوزرینه اجرا اولنان بر تعرض حرکتی (فلوری)
 مفزده سنه منسوب بطریه نك یاردیمیله کری یه طرد ایدیله یلمشدر . (سهیل) ك
 شرق جهتنده هنوز دشمندن بر اثر کورله مشدر .

یایله حق وظیفه :

- ۱ — میرآلای ب . . کندی وضعیتنی نصل تقدیر ایدر؟ ووظیفه سنی باشه
 چیقارمق ایچون نه کی وسائطه مراجعت ایتک فکرنده در ؟
- ۲ — ۸۹ سنه سی شباط آینک ۳ نجی کونی ایچون میرآلای ب . .
 طرفندن ویریلان امرلر .
- تنبیه — (مچ) ك جوینده کی اورمانلر بودائمشدر .

اون برنجی مکتوب

بر مغلوبیت اوزرینه رجعت

بو کوبکی مسئله نك براز اوزون اولدیغی وحل مسئله نقطه نظرندن هر بریسنك بشقه بشقه اهمیتلری آشکار اولان بر چوق تفصیلاتی جامع بولندیغی اعتراف ایلرم . بو کبی مسئله لرك حلنه مجبور اولدیغکز زمان ایلک اوکجه خریطه اوزرنده عادی ویا رنکلی بر قورشون قلم ايله مختلف دوست وخصم قطعاتنك وضعیتلرینی اشارت ایدیکز . سز بویه یابارسه کز پك چوق کارلی چیقارسکز ، چونکه بر باقیشده هر ایکی طرفنك وضعیتی آکلامش اولورسکز ؛ (موزدل) وادیسی بونجه و (ژوی اوزارش) دن کپه رنك (مپچ) کیدن یول خصوصی بر مفرزه ايله مضافه ایدلمش بولنیور . بناء علیه میرآلای ب .. نك آنک ايله اوغراشمسینه هیچ لزوم یوقدر . باختصوص ، (ذی) و (سن بله ز) جهتلرنده کی تپه لر ايله مذکور یولدن آیرلمش بولندجه اوکا هیچ احتیاج قالمز . چونکه مذکور تپه لر آنک متجاوز مفرزه لردن بریسیله مشترکاً برحرکتده بولنمسه مانعدر . اویله ایسه میرآلای ب .. ایرتسی کون ، (ژوی اوزارش) اوزرینه یوریان دشمن قطعاتی طرفندن چویرلهمک ویاخط رجعتی کسامه مک ایچون (فای) و (سن بله ز) تپه لرینی دشمنك (موزدل) وادیسی بونجه حرکاتی ترصد ایامک خصم رسنده برر نقطه ترصد اولق اوزره قبول ایده جک و آنکله اکثفا ایلجه جکدر . برده مومی الیه (فورنی) مفرزه سنك حتی عندجه کنديسه فائق بر دشمنه قرشو

اپي زمان مقاومت ايده جکني امید ايده بيلور . مير آلاي ب ..
 اتخاذ ايده جکي قراري بو مفرزه قوماندانه بيلديره جکدر .
 بالعکس ديدیکمز تپلر ايله (سهيل) آره سنده کي اراضي .
 (ماری يول) و (بورنوی لاشه نیف) دن کپه رک (مچ) ه کیدن يوللر
 مفرزه قوماندانک اک زياده ايشنه يارارلر . باخصوص (ماری يول) دن
 (مچ) ه کیدن يول مير آلاي ب .. نک اک چوق نظر دقتي جلب
 ايده جکدر . چونکه او يول ، کندی قطعات عسکريه سي طرفندن
 طوتلمش بولئيور . اکر دشمن (ماری يول) و (فهي) دن
 ايلروملک نکرينه دوشه جک اولورسه . يولي هر ايکي جهتدن احاطه
 ايدن وبر باصقين حرکته الويرشلي اولان اورمانلردن طولايي پک
 احتياطکارانه ايلريلمکه مجبور اوله جقدر . بونک ايچون خصمک
 کونش طوغزدن اول شو ديدیکمز يول بونجه ايلروميه جکنه اينانمق
 لازم کور .

مذکور اورمانلر بودامش اولديجي ايچون دشمن اونلر آره سنده
 پک مشکلات ايله يعنی يواش يواش ايلروميه بيله جکدر .
 بوندن طولايي دشمن کاملاً يول اوزرنده بولنمغه مجبوريت
 کوره جکدر . بيوک يولک غربنده (ريق) . (فای) و (سن بله ز)
 تپلرينک صرپ وديک يقوشلري واردر . کرچه دشمن پياده سي
 اورالردن پک اعلا کجه بيلور . لکن پياده يورويشده بيوک بر سرعت
 کوسترميه جکدر . اويله ايسه دشمن يولي هر طرفندن احاطه ايدن
 طار بر منطقه اوزرنده يالمنغه مجبور اوله جق وموسمدن طولايي ده
 اورالرده اچجه صقنديار چکه جکدر . اويله ظن ايدرم که ، بوراده

خصمی آلداتمق وحین حاجتده آنک یوروشنی کجیکدیرمک ایچون اوافاق بر مفرزه کفایت ایدر .

(نهی) دن (اونی) اوزرینه چکلمکه ، (نهی) ایله (کووری) آره‌سنده‌کی صرت سایه‌سنده دشمن نظرندن مستور قالمش اولور . بناءً علیه دشمن مذکور صرتی الده ایتمش اولمزدن اول (اونی)یه کلک لازم کلور .

(پورنوی لاشه‌تیف) دن (میچ) اوزرینه کیدن ایکنجی یولک اوغراغی بولنان اراضی بسبتون آچیق بر اراضیدر .

اگر سز (قوان‌سورسویل) دن اعتساراً بویولی تعقیب ایدرسه کز مقاومت ایده‌بیله‌جککمز ایلك نقطه ، قولای بر صورتده مدافعه اولنان (پورنوی لاشه‌تیف) کویی در . سز آنی‌طوتارسه‌کمز امین اولیکمز دشمنی اپی زمان یولندن آلیقویمش بولنه‌جقسکمز . (پورنوی لاشه‌تیف) ایله (قوان‌لو کووری) آره‌سنده یول ، ایکنجی کویک کنارلرینی اشغال ایدن آوجیلر طرفندن دوکیله‌جک بر اراضیدن کچور . اورادن صکره ایسه یول ، (نهی) ایله (کووری) آره‌سنده‌کی صرته چیقان یقوش‌بوینجه ایلرولر . بوراده‌ده اپی زمان دشمنه مقابل ایتک ممکندر . بوندن صکره بر آز اوزاقده اولمق اوزره (هوت‌ریو) ایله (پرایل) آره‌سندده ایو بر موضع واردر . ایشته کوریلورکه ، حین حاجتده خصمک تعقیب حرکاتی طوردرمق ایچون بر خیلی نقطه‌لر موجوددر . اوندن بشقه آب آنسزین چورلمش اولماق ایچون (ماری‌یول) ، (ساربه) ، (اونی) یولی‌ده ایوجه ترصد ایتدیرمک لازمدر . کوریورسکمزکه ، عددجه فائق بر دشمنه قرشو ، کوچک قطعات

عسکریه ایله حمایه ایدلمش اولان دمدار محاربه لری صورت عمومیه ده .
مفرزه قومانداننك پك ماھر و پك آچیق كوز اولسنی ایجاب
ایدنیور . عكس تقدیرده محاربه یه کیریشن قطعه عسکریه نك كاملاً
دشمن النده محو و پریشان اولدی محتملدر . برده شوکا دقت
ایدیكركه ، (سهیل) ك قرشو یقه سنده کی تپه لك بو صوك یول
اوزرینه بیوك بر نظارتی واردر . بر وجهله كه ، (فلوری)
مفرزه سنك طوبچیسی دشمن بر دفعه (سهیل) ی كچوبده مذکور
طوبچی دشمن هجوملرینه هدف اولنجه یه قدر سزك پیاده كزه
اپی یارددمه بولنه بیله جكدر .

۲ شباطده خصم هنوز (سهیل) ك قرشو یقه سنده بولندینی ایچون
۳ شباط صباچی برقاچ ساعت انناسنده (فلوری) مفرزه سنك استنادینه
مظهر اولنه جنی امیدایدیله بیلور . برده خصمك ،دها ۳ شباط صباچندن
اعتباراً (سهیل) ك غربنده کی اراضی نی الدایتمكه چالشمسی محتمل دكلدر .
دشمن حتی ۲ شباط كونی اوكنده کی خصم قوه عسکریه سنی بر درجه یه
قدر آكلامش و تقدیر ایتش اولسه بیله (میچ) ك قریبتی حسبیله قوای
امدادیه كه بیامك احتماله نظرأ ۳ شباط صباچی ینه او باده هیچ بر
شیئه تمامیه اعتماد كوسترمش اوله میه جقدر . او یله ایسه ، دشمن
كندیسنه قرشو بردن بره بعض مقابل تعرضله كچلمش اولیه جغندن
اصلا امین دكلدر . وعلى الخصوص كه ، دشمنك صول یانی اوزرنده
(سهیل) ك موجود اولیشی آنك شو خصوصده نه قدر احتیاطلی
حرکت ایتسی لازم كه جكنه آپ آشكاره برسنددر .

(پورنوی لاشه تیف) یولنی طوتمش اولمزدن اول ، او بر كره
(فلوری) مفرزه سندن قورتلمش بولمغه و (فهی) ایله (اونی)

استقامتلىرىنى كەشف ايتىدىمىكە لزوم كۆرۈڭچىدۇر . باخسوس بوسوك
استقامت آنك پك چوق نظر دقتى جلب ايتىش اوله جقدر .

مير آلاى ب .. (فلورى) مفرزه سندن (سەيل) ايله آيرلىش
بوليور . بونك ايچون ايكي مفرزه نك حركانى توحيد ايلمك اميد
اوله مز . مع هذا ، بومفرزه نر (مارلى) راسته سيله بربرينه
مربوط قاله جقدر و (فلورى) مفرزه سى مير آلاى ب .. نك مقاصد
وآماندن خبردار اوله جقدر .

بردفعه ده (سابرە) دن كچەرك (مارى يول) دن (اونى)
اوزرينە كيدن يولى برنظر دقتن كچورەلم . بويول (فەى) دن
(كوورى) يە كيدن يوله قدر اى كې كورونيور . لىكن ، اورادن
اعتباراً وباخسوس شو موسمە اونك اوزرنده يوروش يامق براز
شبهه ليدر . واقعا بونقطه نظر دن خريطه ديلسزدر ، بزه هيچ برشى
سوياميور . لىكن يولك بىض يرلرندن آكلاشيلور كە آنك حقتە
اپى احتياطلى طاورانمق لازم كليور . اكر (مارى يول) دن اعتباراً
دشمن بو استقامتى طوته جق اولور سە ، (بوررى) بيوك قرە غولەدن
بونقطه مدافعه يە پك صالح اولمىنى ايچون مذكور قرە غول درحال
اورادن چكىله جكدۇر . كرك (سابرە) و كرك بونك جنوبىندەكى اراضى نك
كذلك برقيمت مهمه تدافعيه سى يوقدر . بروجھلەكە ، برنجى درجەده
طوتيله جق اك ايو موضع ، اولجە برچوق كره سزه سويلمش اولدىغ
(فەى) ايله (كوورى) آره سنده كى صرتدر . دشمن (سابرە) دن
كچەرك (اونى) اوزرينە كيتدىكى حالده ، شكالاته اوغرامش بولمىه .
جقدر . باخسوس اكر بزم قبول ايتىدىكىمىز كې دشمن (مچ)
اوزرينە بيوك برجهه ايله يوريمك ايسترسە ، اوزمان بويول دهازياده

اهمیت قازانمش اوله جقدر . فی الحقیقه دشمن بویول اوزرنده نه قدر چوق مسانه قازانمش اولورسه ، صاغ وصول قطعات عسکریه سی دها اوقدر زیاده یانلرده کی یوللر اوزرنده ایلرولمش بولنه جقلردر . اوندن بشقه ، احتمال دشمن یالکز یول اوزرنده قالمغله اکتفا ایتیه جک ، بالعکس موسمک مساعده سی نسبتده . یولک شرقده . (فلوری) طوب منزلدن خارج اولان آچیق اراضیدن ده استفاده ایلیه جکدر . بوندن اکلاشیلورکه ، یارین صباح ایلک ساعتده ، دشمن (بورنوی لاشه تیف) دن زیاده (ماری یول) دن (سابره) اوزرینه یوریمش اوله جقدر .

بناءً علیه شو حرکته قرشو میر آلا ی ب .. نك وضعیتی ابو بر شی دکلددر . چونکه او . عددجه کندیسنه پک زیاده فائق اولان قوتلره جواب ویرمهک مجبوردر . و آنک وضعیتی بوراده طبق ، بر محاصره نك ایلک دورلرنده کوچک بر قطعه عسکریه نك وضعیتی کیددر . واقعا میر آلا ی ب .. مذکور قوای عسکریه اوکنده کریه چکلمکه مجبور اولدی . لکن منتظم ایلری قره غوللر چیقارمغه وقت بولمش و آنلرک حمایه سی آلتده (نهی) اوزرینه چکیله بیامش اولدینی ایچون دشمن قوتلرینک تعقیب حرکاتی بطاأت کسب ایلدی .

اگر دشمن کیجه باصمش اولنجه یه قدر میر آلا ی ب .. یی پک یقیندن تضییق ایده بیلمش اولسه یدی ، اوزمان طبعی منتظم ایلری قره غوللر چیقاریله مز . وایکی دشمن شفق ایله برابر تکرار محاربه به باشلامق اوزره قرشو قرشو وسلاح آلتده کیجه یی کچورمش اوله جقلردی . لکن ایشلر بوراده بشقه درلو جریان

ایتمش اولدینی ایچون وضعیت ایجه مشکل بر حالده قالمش بولنیور . آقشام اوستی ، فکرآ اولسون ، (فهی) ك سوقاقلرینی بر از طولاشمش اولمکری ایسترم : اوت ، سز او سوقاقلرده بر چوق ضابطلره تصادف ایدرسکزکه ، اولر ایرتسی کونی علی الصبح یورویشه باشلامق ایچون کندی قطعات عسکریه لرله عربهرلینی متصل اسکی نظام وانتظاملرینه قویمقله مشغول بولنیورلر . شمدیکی زمانده قوللانیلان اسلحه نك آتشلری ، باخصوص پیاده اوزرنده اوقدر فنا تاثیرلر کوسترکه ، مثلاً آقشامه قدر محاربه ایتمش اولان کوچك بر مفرزه عددجه کندیسنه فائق بر دشمن اوکنده کری یه چکیلهرک بر چوق ده ضایعات ویره جك اولورسه ، ایرتسی کون آنجق پك کوچك ايله آچیقدن آچقه دشمنله غوغا ایتمکه جسارت ایده بیلور . اوندن بشقه بوراده اولدینی کبی ، قسم اعظمی صرف ایدلمش بولسان مهماتك کیجه لین اکمال ونجدیدی ایچون کوتلی بر موقعك مجاورتندن استفاده ایتك لازم کله جکدر .

مع هذا ، وضعیت عمومی ، مفرزه مزك یکی بر محاربه مصرانده بولنش اولسنی ایجاب ایتنیور . مفرزه مزی تشکیل ایدن قطعات عسکریه ، ذاتاً ، مؤخرآ (میچ) موقعنك مدافعه میدیده سنه اشتراك ایتمکه مجبور اوله جقلردر . بناء علیه اولنلری کاملاً صرف ایتمکه هیچ برسبب معقول کورلیور . ایشته بونك ایچوندرکه ، (میچ) کندی ترتیبات تدافیه سنی اکمال ایدنجه یه قدر ، برقاچ کون قازانمق اوزره ، اولنره یالکز دشمنی ترصد ویورویشتی تأخیر ایتك کبی بر وظیفه ویرمکه اکثفا اولنه جقدر .

اوله ایسه میرآلای ب . . نه (فهی) ده قالور ، نه ده دیگر

بر موضعی ومثلاً (غولوت) اورمانلریخی شدتله مدافعه ایتک خصوصنی خاطرہ کتورمش اوله بیلور . حتی (اونیی) ده بیلہ اوزون اوزادی یه مدافعه ده بولنیلہ جق دکدر . زیرا ، کویک جنوب کناری بر چیقندی تشکیل ایدر . واوندن بشقه ، (سن ژان) اورمانیلہ (اونیی) نک جنوب و جنوب غربیسنده کی تپہ لر مجاورتلرندن طولایی دشمنک بر تعرض حرکتی تسهیل ایدر لر .

دریندن درینہ بر محاربه یه کیریشمکدن چکینمکله برابر ، ینہ زمان قازانمش اولنجه یه قدر خصمی قوای عسکریه سنک بیوک بر قسمنی یایمغه مجبور ایتک لازمدر . بونقطه نظرندن ایجاب ایدن ترتیبات ، شاید خصمک بر هجومندن کندیمری قورتارمغه لزوم کوره جک اولورسه ک بزی کندی اوزرینہ طولایه جق اولان ، دوست قطعانه یاقلاشمش اولدقدن صکره اخذ ایدیله جکدر .

اوزون بر مدافعه یه الویریشلی اولمامقله برابر ، شو نقطه نظرندن (اونیی) پک مناسب بر یررر . بوراسی بر دفعه (میچ) ده کیدن یوللره حاکمدر . ثانیاً ، اگر اوراسی ترک ایدیله جک اولورسه دشمن (فرسقاتی) — (اوبونع شانس) موضعه هجوم ایتک ایچون اوراده کوزل وپک محکم بر نقطه استناد بولمش اوله جقدر . شبه یوقکه ، (اونیی) یه قدر چکلمکله دشمنک (میچ) ده یاقلاشمش اولسی تسهیل ایدلش اولور . حمایه ایلدیکی محاربه نک حالی معلوم اولدیغندن مفرزه کندیسنه ویربان وظیفه یی پک ناقص بر صورتده ایفا ایده بیلہ جکدر . دشمن اوکله دن اول ، (اونیی) پیشگاهنه مواصلت ایتیمه جکدر . میرآلای ب .. اگر بطریقه سنی ایوجه قوللانہ بیلورسه ، دشمنی ارکندن یایلمغه مجبور ایدیله جکدر . آقشامک

ساعت (۵) نده ایسه یواش یواش قراکلیق باصیور . او حالده بوکون دشمنک دیگر بر تعرض حرکتته دها باشلامش اولسی مشکوکدر .

اوله ایسه (اونی) طوتلدینی حالده هم زمان قازانلمش اوله جق ، همده ایلری قره غوللرک پک چوق صیقندییه دوشمه دن چکلملری تأمین ایدلمش بولنه جقدر . مع هذا ، میر آلا ی ب .. (اونی) نك آنجق موقتاً طوتلمق لازم کلدیکی و دشمن جدی بر هجوم حرکتی یایمغه باشلادینی کبی آنک ترك اولنق ایجاب ایلدیکنی اونو تماملیدر . (اونی) نك اشغالی نه قدر زمان سوره جکی ده خصمک (موزل) وادیسنده ایلرولمسنه تابع اوله جقدر . بکا قالورسه ، دشمن (زوی اوزارش) ی الله ایتدیکی کبی (اونی) کونیه ده تخایه ایتک لازم کله جکدر . (نه ی) دن (اونی) اوزرینه یایله جق رجعتی پک بردن بره یاپماملیدر . بالعکس ، بتون افرادک سکونت وانتظامنه خلل کتورمه مک ایچون آنی پک منتظم بر صورتده یایمق لازمدر . بناءً علیه ایلری قره غوللر ، یرلرنده قاله جقار ومفرزه نك تمامیه امنیت آلتنه کیردیکنی کورنجه کری پکیله جکلردر . خصمک نظر دقتی جلب ایتمه مک ودرحال تعقیبه قویلمسنه محل براقامق ایچون بن دها سکرنجی مکتوبمده سزه ایلری قره غوللرک پک ارکندن کری چکلمه ملری لازم کلدیکی کوسترمش ایدم . ایلری قره غوللر یرلرندن قیللدمدقجه خصمک تعقیبه شدت ویرهش اولماسی محتملدر .

لکن اگر دشمن اولجه دوشونه مدیککز بر زماندن اول ، اولر اوزرینه هجوم ایتش اولورسه ، ایلری قره غوللر اونک یوروشنی

تاخيره چالیشه جق صورتده هر نوع وساطدن استفاده ايدرك كرى يه چكيله جكلردر . (ماري يول) و (فهى) ايله (قووان سورسەيل) و (پرايەل) آره سنده كى اراضينك دمدار محاربەلرينە الويريشلى اولديغنى و (ماري يول) دن (سابرە) يە كيدن يول بويىچە ايسە بو محاربەلرك جريانه صالح ير اولديغنى دها اولجە كورمش ايدك . احتمال كه ، دشمن ايلرى قرەغوللر اوزرينە شتله يوكنمش اولديغنى زمان مفرزه اونلرى كندى اوزرينە طوپلامق ايچون بر موضع آله جقدر .

مع هذا دقت ايديكز كه ايلرى قرەغوللر وياك ايوسى دمدار آنجق (فهى) مفرزه سى داخلنده انتظام تام حاصل اولدقن صكره جدى بر هجومدن احتراز ايتمش ازله ييله جكلردر . بونك بويە اولسى مسئله ايجابنددر . لكن اكر بو مسئله ده قسم كللى يي تشكيل ايدن قطعاًتك بيوك بر قسمى محاربەدن خارج بر حالده در ، دينلمش اولسەيدى اوزمان مطلق اونلر كنديلرينى طوپلامش اولنجه يە قدر لازم كلان وقتى قازانمق لازم كله جكدى . بو صورتده ، ايلرى قرەغوللر ، دها آرزده لشمس اولان بلوكلردن آتخاب ايدلمش بر قاج بلوك ايله بر بطريە طرفدن تقويه ايدلمش اوله جقدى . زيرا اويله بردن برە ياييله جق بر رجعت حركتى قطعاًت عسكرية نك قوۋ معنويه سنى كاملاً تخريب ايتمش اولوردى . واحتمال شو حاله نظراً بر چوق اسيرلر ايله بر چوق مالزمه سفرية دشمنه ترك ايدلمش وجدى بر دمدار محاربەسنه كيريشلمش بولمىي حالتدن زياده تلفات ويرلمش اولوردى .

شمى بر كره ده خصم قواى عسكرية سنك وضعيتى بر كوزدن

چوردلم . بز يالكز شباطك برنجي كوني پياده و طوپچي ايله برآزده سوارينك (پونتاموصون) ده (موزل) ي كچمش اولديغني بيلورز . بوقطعاتك كريسندن وشباطك (۲) سنده سائر بعض قطعاتك كلوب كلكديكندن ايسه اصلا خبرمز يوقدر . لكن (۲) شباط كوني سائر قطعاتك كلكش اولديغني قبول ايده بيلورز . چونكه (مچ) كجي قوجه برشهر ، يالكز برويا ايكي فرقه ايله محاصره ايديله مز . هر حالده ، (۲) شباط كوني ختم ، اوچ يول بويجه واسع برجبه اوزرنده و بزه عددآ فائق قوتلر ايله (مچ) عليه يوريمكده در . بوندن بشقه ، مير آلاي ب . . مفرزه سني (فه ي) اوزرينه يعني شمال غربي استقامته آتدقدن صكره دشمن شرقرده (سهيل) اوزرينه ده قوت ايله ايلرولمش بولنيور . واقعا (پورنوي لاشه تيف) ي ضبط ايتك ايچون آقشام اوزري ياييلان ضعيف برهجوم موفق اولمدي ؛ لكن ، دشمن عين زمانده سائر بعض قطعاتك (فلوري) ده بولنديغني اوكرندي . (۲) شباط محاربه سي ، دشمن اوزرنده ده آز چوق تاثيرات حاصل ايتمش اولميدر . زيرا ، شمديكي زمان حربنك شرائطنه كوره ، حتي غالب كلسه بيله ، برقطعه عسكريه ، آناجلقلي بريرده غوغا ايتمش اولديني حالده آنك يكدن برحال انتظامه كيرمش اولسيچون اپي برزمان كچمش بولنسي طيعيدر . ايسته نظرياتده اوقدر چوق توصيه ايديلان تعقيب حركاننك عمليآده اكثريا قابل تطبيق اوله مامسي بوندن ايلري كليور . برتعقيده افراد عسكريه يي ايلري سوره بيلمك ايچون هر كسده قيرلر . دوكلز برخواست اولق لازم كلور .

مير آلاي ب . . نك فصل ايلري قره غوللر وضع ايده بيلمش اولديني ، دشمنك (پورنوي لاشه تيف) ي ضبط ايتك خصوصنده

ایچون ایکنجی هجومه قالمیدینی بوندن پک اعلا آکلاشیلور ظن ایدرم .
ینه بوندن طولانی خصمک ، اوپله پک ارکندن تعقیب حرکتیه
باشلامیه جغنی قبول ایده بیلورز . یعنی دیمک ایسترم که دشمن کونش
طوغمزدن اول ، یرندن قلدامش اولیه جقدر . و (سهیل) ک
شرقتده کی وقوعاتک نه شکله کیره جکنی انتظاره مجبور اولدینی ایچون
دشمن احتمال (پورنوی لاشه تیف) جهتلربنه پک اوقدر اهمیت بیه
ویرمه جقدر . اوپله ایسه میر آلا ی ب . . بروجه آتی قراری اخذ
ایده جقدر :

قسم کلی شفقله برابر (اونیی) اوزرینه چکیله جک و بوراسنی پک
ضعیف بر صورتده اشغال ایده جقدر . اگر قسم کلی بر هجومه اوغرامش
بولنورسه ، بطریقه دشمنی یایلمغه مجبور ایتک ایچون هان اوکا قارشو
آتش آچه جقدر . ایلری قره غوللر ایلک اوکجه یرلرنده قاله جقلر ،
سکره . اپی سرعتله (اونیی) اوزرینه چکیله جکلردر . (وهزون) ،
(بوری) ، و (سابره) بلوکلری (سن قلود) ده برلشه جکلر .
(پورنوی لاشه تیف) ده کی بلوک ایسه صول یان جانبدارلنی وظیه سنی
کوره جک ، ومؤخرآ (پرایهل) دن کچهرک (اونیی) یه چکلمک ایچون
اولا بیوک یولی تعقیب ایلیه جقدر .

اگر دشمن عددجه فائق قوتلر ایله (اونیی) اوزرینه هجوم ایدر
یاخود ، اگر (موزمل) وادیسنی تعقیب ایتش اولان دشمن قطعات
عسکریه سی (ژوی اوزارش) ی ضبط ایتش بولنورسه ، (اونیی)
در حال تخلیه ایدیله جک و علی العجله (فره سقانی — پاپه تیری)
موضعک جهه سنی آچش اولق ایچون مفرزه (اورلی) و (طورنه -
برید) دن کچهرک کری چکیله جقدر .

شمدی ده مفرزه نك عزیمت ساعتی بر حساب ایدم . ایلک اوکجه شونی خبر ویریم : قطعات عسکریه برکون اولکی بیوک یورغینلق اوزرینه براز دیکلنمش اولق ایچون پک ارکندن یوله چیقما میدر . دیگر جهتدن ، دشمن طرفندن ایودن ایویه تضییق ایدلش اولماق ایچون ده پک کچه قالمایدر .

شیاط آینده کونش ساعت (۷) ده طوغار . اگر سز عزیمت ایچون بوساعتی انتخاب ایدرسه کز : قطعات عسکریه شبهه سز ده شفق مسوکر سوکمز اجتماع ایتش بولمغه مجبور اوله جقلردر . بو حال باخصوص بر مغلوبیتی متعاقب خوشه کیده جک بر حال دکلدردر .

مع هذا قطعات عسکریه نك اوندن طولانی بر شی دیمکه ده حق یوقدر . شو دیدیکمز ساعتدن ده اول یوله چیقماق ایسه فائده سزدر . چونکه دشمن ده سزک کبی استراحته محتاجدر . و او اصلا سزدن اول یوله چیقماش اولمه جقدر . (نهی) دن (اونیی) یه قدر تخمیناً ۳۵ کیلو متره یعنی ۴۲ دقیقه اولق اوزره حساب ایدیکمز . قسم کلینک درینا کئی کوسترن (۱۸) دقیقه یی ده بوکام ایدرسه کز هپسی برلکده بر ساعتق بر زمان ایدر . اولیه ایسه صباح ساعت (۸) ده قسم کلی کاملاً (اونیی) ده بولنه جق دیمکدر . بناءً علیه ، ممکن اولدینی قدر ، دشمنک ساعت (۸) دن اول (فهی) ایله (کووری) آره سندکی ارضی یه (صرته) موصلت ایتش اولماسی لازم کلور . (و دزون) ایله (بورری) دن بوسرته قدر (۲) بچقی نهایت (۳) کیلو متره لک بر مسافه وارددر . بومسافه زمان جنسندن ۳۰ : ۳۶ دقیقه لک برشیدر . اولیه ایسه ایلری قره غول بلوکلری ساعت ۷ بچقده کری چکیله جکلردر .

قسم کلی (نهی) که شمال مخرجنده طویلانه بقدر . سواری ده
کذلک اوراده اجتماع ایده جکدر . زیرا کشف ایده جکی استقامتله
او ، بورادن کمال سهولتله واصل اوله بیله جکدر .

بیوک آغرقلر ، مفرزه یه تقدم ایده جکدر واوندن بر ساعت اول
حرکت ایله جکدر درکه ، بوجوق برشی دکدر . کیجه نک زرده چور یله جکی
هنوز بیلنه مدیکی ایچون اونلر ، برنفسده (مونته نی) یه یعنی یولک
شمندوفر ایله برلشدیکی نقطه نک تا ایلورسنه قدر کیده جکدر در .
بیوک آغرقلر بر کره بورایه کلیدلرمی . آراق شبهه سز هیچ کیمسه یه
صیقندی ویرمیه جکدر ، ولزوم کوریلورسه اونلری تکرار چاغرمق
ذور برشی اولمیه بقدر .

بیوک آغرقلرک خصوصی برحفاظله احتیاجلری یوقدر . برضابط
ایله برقاچ سواری آنلر ایچون یتیشور . ویوللری اوزرنده هیچ بر
مانعه تصادف ایتیه جکلریچون اونلره استحکام ویرمک لزومسزدر .
شمدی کری یه قالان شی مهماتک (میچ) منابی واسطه سیله تجدید
واکالندن عبارتدر . پیاده جبخانه عربلری اگر اوجله بوشالده ماش
ایسه ، شمدی بوشالده جق وختویاتی مساواناً باوکلره تسیم اولنه جتدر .
بوعربلر ایله بطریقه نک جبخانه عربلری تکرار یوکالده نک وایرانی
کون علی الصباح (اونیی) یه کلمک ایچون علی العجیده (پیچ) کیده .
جکدر در . عودتده مذکور عربلر . (اونیی) یارقلک نمال چیقندیسند
طوره جقنر و هیچ کیمسه یه برصیفندی ویرمکسزین نالان ویالان نقسه
اوزرینه سوق ایدلمش اوله بیله جکدر در . ایلمک مکتوبده مهماتک
تجدید واکالنه عائد ترتیبانک بر حرکت امرنده آنجیق پک مستثنا
اوله رق درج ایدلمش اوله جتنی سویلمش ایدم . اولیه ایسه ، مادامکه

بومسئله ده ، مستئنا اوله رق ، مهماتدن بحث اولنق لازم کليور ؛ سزده آنک تجديد واکلی اوزرينه امر ويرمکده مأذون بولئورسکز . آنک ايله مشغول اولمديکمز حالده سزينه برقصورايتمش اولميه جقسکز . چونکه بوخصوصده لازم کلان اوامرك دها اولجه ویرلش اولديغني وطابور قوماندانلريله بطريه قوماندانك جبخانهك تجديد واکلنده لازم کلان صلاحيتي حائر بولندقلريني فرض وقبول ايده بيلورسکز .

دمدار قومانداني مشكل بروظيفه باشنده بولنه جقدر . زيرا کندی بلوکري کيش برجهه اوزرنده رجعت ايتمه مجبور اوله جقلردر . بو اويله برحرکتدرکه طيبي دمدار قومانداني آني کندی ايله سوق واداره ايده ميه جکدر . (پورنوي لاشه تيف) بلوکي ايسه آنک اک زياته لندن چيغه جق اولان بلوکدر . صاغ جناحه کلنجه ، دمدار قومانداني ، دشمن طرفندن اک زياته تهلکه يه معروض قاله جق اولانلري ايلري قرده غوللرک قسم کليسي واسطه سيله حمايه ايدرك آنک حرکاته مداخله ايده بيله جکدر .

الده بولسان بتون سواري ، دمداره ويريله جکدر . بونک وظيفه سي ايسه پياده باصقيه اوغرامامق وکري يه پوسکورتامش اولمامق ايچون صوک درجه دقتله استکشافده بولنمقدر . برده سواري ، اکر يايا جنک ايدرك پياده يي حمايه ايتمه و دشمني قارشوسنده کي پياده نك مقدارينی آکلامقده ياکلتمغه مقتدر اولورسه نه اعلا! مع هذا ، قسم کلی کرک جوار مفرزلر وکرک (مچ) ايله قطعي برارتباطده بولنه بيايمک ايچون برآز سواري يه محتاجدر . بناءً عليه اوکا هيچ دکلسه برطاقم سواري ويريله جکدر .

بوراده سز دمداره طوپچي ويرميه جکسکز . زيرا پياده کنز پک

طاغنیق بر حالده در ؛ بناءً عایه طوبیحی بی درجه کافیده حمایه ایتمش
اوله میه جقدر .

شمدی آرتق راحت راحت انقسام عساکریکزی ترتیب
ایده بیلورسکز . میرآلای ب.. مفروزه سنی تشکیل ایدن جزء تاملرک
نومرولری مسئله ده کوسترلمش اولدینی ایچون سز اولرله ایستدیککز
وجهله نومرو ویرمکده مختارسکز .

انقسام عساکر

- ۱ --- قسم کلی (ویورویش نظامی) :
 - ۱۶ انجی استحکام طابورینک برنجی بلوکندن بر طاقم .
 - ۱۳۰ انجی پیاده آلاینک ۳ انجی طابوری .
 - ۳۱ انجی صحرا طوبیحی آلاینک برنجی بطریه سی .
 - ۱۳۰ انجی پیاده آلاینک ۲ انجی طابوری .
 - ۱۳ انجی سواری آلاینک ۲ انجی بلوکندن بر طاقم .
 - ۲ --- دمدار : بیکباشی ب..
 - ۱۳۰ انجی پیاده آلاینک برنجی طابوری (ایلری قره غوللرده) .
 - ۱۳ انجی سواری آلاینک برنجی وایکنجی (برطاقم اکسینک) بلوکاری .
- بر امرده وضعیتی ، قیاق و آکلاشلمز بر صورتده کوسترملکن
صوک درجه چکنملیدر . چونکه امر آکلاشلمز بر معماکی یازیلورسه
اوزمان واسطه اجرآت اولان ذوات پک چوق صیقندی وزحمت
چکمش اولورلر . فسا وتدیرسزجه دوشونلمش اولان برامری ،
مادون ضابطلرینه سز حتی آغزدن سویلمش اولسه کز بیله ینه اوندن
تهلکهلی نتیجه لر چیقه بیلور .

مخاطره لی بروضعیتده قطعات عسکریه دائماً کنندی آمرلرینک یوزلرینه
باقه رق اوراده یانشانه امید کورورلر ویاخود آثار فلاکت حس

ایدرلر . اوله ایسه باخصوص بر رجعت امری ویره جگکز صره ده
دائما برجسارت واطمنان قلب کوسترمه چالیشکز ، بوسایه ده
معیتمیزی ایجه جانلاندیرمش اوله جفکزه امین اولیکزه . مع هذا ،
بوراده ده مبالغه ده دوشمکدن چکینمیزی توصیه ایدرم .

بناءً علیه ویره جگکز رجعت امرنده شمیدی به قدر خصمک
(سهیل) ی کچمه مش و (پورنوی لاشه تیف) ی ضبط ایده مامش
اولدیفنی ، اوندن بشقه ، سزک (فره سقانی) — (وبوع شانس) خطی
اوزرنده دوست قطعاتی طرفندن طویلانلمش اوله جفکزی و (میچ) ک
جنوبنده احتمال سزه یاردم ایده جک سائر مفرزه لک بولندیغنی ده
برر ، برسویلیکزه .

امرلرینی ویردکدن ودمدار قوماندانیله ایوجه برکوریشدکدن صکره
میر آلا ی ب . . مفرزه به تقدم ایدرک ایلک قطعات عسکریه سی کلدیکی
زمان اونلری یرلشدیرمک اوزره لازم کلان ترتیباتی اخذ ایتک فکریله
چار چابوق (اونی) به واصل اوله جقدر . (اونی) نک صورت
اشغالی ایچون طبیعی یکی برامر ویرمک لازم کله جکدر .

بناءً علیه ایشته سزک ویره جگکز امرلر شویولده ترتیب ایدلمش
اوله جقدر در :

(فہی)

۲ - ۲ - ۸۹ - ۱۰ کیجہ

نومرو — ۱

مفرزہ امری

۱ - - جیخانہ عربہ لری در حال بوشا -

لتیہ جقلردر . بونلر ، طوپچی جیخانہ
عربہ لریلہ برلکده (۱۳۰) نجی پیادہ آلایندن
بر ضابطک قومانداسنده اولمق اوزرہ
(میچ) ہ کیدہ جکلر و یارین صباح ساعت
(۸) دہ اوئی پارقنک شمال چیقندیسنه
عودت ایتمش بولنہ جقلردر .

۲ - - بیوک آغرقلر ، معیتندہ بر قاچ
سواری بولنان ایکنجی سواری بلوکی
ضابطلریندن برینک قومانداسنہ ویریلہ رک
یارین صباح (فہی) ک شمال مخرجندہ
برلشہ جکلر و (اوئی) دن کچہ رک ساعت
(۶) دہ (مونٹہ نی) غاز فابریقہ سی
اوزرینہ حرکت ایدہ جکلردر .

۳ - - مفروزہ یارین صباح ساعت (۷) دہ
حرکتہ مہیا اولہ جق صورتدہ (فہی) ک
شمال مخرجندہ طوبلانہ جقلردر . امر عین
نقطہ دہ وساعت (۶) بی (۵۵) کچہ
بتون ضابطانہ ویریلہ جکلدر .

۴ - - ایلری قردغوللریکی امر ویریلنچہ یہ
قدر یرلرنده قالہ جق و دشمنی ترصد
وظیفہ سنہ دوام ایدہ جکلردر .

میر آلائی

ب . .

قطعات عسکریہ دن امر آلائی

ایمچون کوندریلانلرہ یازدیرلشدر .

(فہی) ك شمال مغربی

۳ - ۲ - ۸۹ - ۶۰۴۵ كوندوز

نومرو — ۲

مفرزه امری

۱ — دشمن بزی دون (لوری)
(لوی ویل) خطنه قدر تعقیب ایتدی .
لكن (سہیل) دره سنی كچمدی و
(پورنوی لاشه تیف) اوزرینه بابدینی
مجوی كری به پوسكورتلدی . (قورنی)
(فلوری) برر دوست مفرزه
طرفندن طوتامش اولدینی كبی (مچ)
محافظندن كوندریلان بعض قطعات عسكریه
(فره سقانی) - (اوبونع شانس) -
(بابه تیری) خطی اوزرنده یرلشمش
بولنیورلر .

۲ — مفرزه (اونیی) اوزرینه رجعت
دوام ایدم جكدر .

۳ — قسم کلی درحال بیوك یول بویجه
(اونیی) اوزرینه حركته باشلايه جقدر .

۴ — دمدار (قورنی) و (فلوری)
مفرزه زریله ارتباطده بولنه جق و دشمنله
اولان تماسنی غائب ایتیمه جكدر . بیوك
ایلری قره غول بولكلری ساعت (۷)
بچقده (اونیی) اوزرینه چكیله جكلردر .

۵ — راپورلر ، بكا (اونیی) مزارلغنده
واصل اوله جقدر .

میرآلای ب ..

انقسام عساكر

۱ — قسم کلی (ویورویس نظامی):
۱۶نجی استحکام طابورینك
برنجی بلوكندن بر طاقم .

۱۳۰نجی پیاده آلاینك ۳نجی
طابوری .

۳۱نجی صحرا طوبجی آلاینك
برنجی بطریه سی .

۱۳۰نجی پیاده آلاینك ۲نجی
طابوری .

۱۳نجی سواری آلاینك ۲نجی
بلوكندن بر طاقم .

۲ — دمدار : بیکباشی ب ..

۱۳۰نجی پیاده آلاینك برنجی
طابوری (ایلری قره غوللرده) .

۱۳نجی سواری آلاینك برنجی
وايكنجی (بر طاقم اكسیك)
بولكلاری .

اجتماع ایتمش اولان جزء تام
قوماندانلرینه آغردن تبلیغ
ایدلشد .

(۲) نومرولی امرک (۴) نجی ماده سی بویله ده یازیله بیلوردی :
 « ایلری قره غول بلوکلری دشمنی ، صباح ساعت (۸) . قدر
 (کووری) — (فهی) صرتنک جنوبنده طوردرمق ایچون لازم
 کلان ترتیباتی آله رق (اونیی) اوزرینه رجعت ایده جکلردر . »
 بو افاده شهبه سز ایلری قره غوللره اولکندن بر آ ز یاده استقلال
 و صلاحیت ویرمش اولوردی . مع هذا ، اگر بکا صورارسه کز بن
 امرده یازلمش اولانی ترجیح ایدرم . چونکه اوکا کوره ، دشمنله
 تماسده بولان اقسام عسکریه کندیلر ایچون کوسترلمش اولان رجعت
 زمانه قدر دشمنه مقابله ایتکه چالیشه جکلردر . لکن ، ایکنجی
 افاده یه نظراً بوحال اوقدر تأمین ایدلمش دکلدردر . اگر سز دشمنک
 پک ارکندن وعددجه فائق قوتلر ایله ایلری قره غوللر اوزرینه
 هجوم ایدرک اونلری بیوک ضایعات ایله رجعتیه مجبور ایلمسندن
 قورقیورسه کز اوزمان آنلری کندی اوزرلرینه جمع ایتک ایچون دیگر
 برطابور ایله بطریقه اولدن بر موضع طوتملری خصوصاً ده امر ویررسکز .
 بوموضعده اک مهم وظیفه یی شهبه سز طوپیجی کوره جکلردر . پیاده
 طابورینه کلنجه ، اوطوپیجی یه استنادلق خدمتی ایفا ایده جک و ممکن
 مرتبه ایشه اک آ ز قاریشه جکلردر . برالتجا موضعی انتخاب ایدرکن
 محاربه یه طوتشمش اولان قطعاتک مختلف خط رجعتلر انتخاب ایتکه
 و قتلری اولمادیغنی و بالعکس اونلرک اکثریا اک قیصه یولدن رجعت
 ایده جکلرینی اونوتیمیکز . اوله ایشه ، هراتجا موضعی ، بردفعه خط
 رجعت طبعینک یانلرندن بریسنده انتخاب ایدلمی ؛ ثانیاً ، رجعت
 ایدن قطعات عسکریه اصل مفرزه ایله ارتباطی غائب ایتمش اولماق
 ایچون خط مذکور ممکن مرتبه یقین بولمایدردر . اگر شومسئله ده

سز (فهی) یی ترك ایدم جك اولان بلوكاری، كندی اوزرینه،
طوپلامق ایچون برقدمه چیقارمق نیتده ایسه کز، دمدار (غروز-
ی یو) نك شمالنده تعجیز ایدلمه دن طوپلانه بيلمش اولمق ایچون اونی،
(هانوو) ك شمال غربیسنده کی اورمانلرك كناری اوزرنده قویمکنزی
مناسب کوریرم .

حین حاجتده بو التجا قدمه سنك پیاده سی ده، كندی نوبتده،
(اونی) محافظی حمایه سنده طوپلانش اولوردی .

عمایاتده سز ایسترسه کز، بکن ایکی امری یالکز بر امر طرزنده
و کاملاً (۲) شباطده ویرمش اوله بیلورسکز .

اون برنجی مسئله

(عمومی خریطه ایله « میچ » یافته سی)

دوست مملکتنده و (آمان بیلهر) ده اقامت ایتمکده اولان بر غرب
فرقه سی، (مالوری) ده آتیله جق بر کوپری اوزرندن (موزهل) نهرینی
کچمکه نیت ایدیور . (۱۸۸۹) سنه سی آغستوسك برنده مذکور فرقه .
(موزهل) ك قرشویقه سنده و (میچ) شهری جهننده اولمق اوزره (۴)
طابور (۲) سواری بلوکی . (۲) بطریقه، بر استحکام بلوکی و بر سیار
خسته خانه طاقندن مرکب بر مفرزه تقریق ایلدی . بو مفرزه نك قوماندانی
میرآلای ب . . (موزهل) ك صاغ ساحلنده، (مالوری) ده انشاییدیله جك
اولان کوپری یی ستر ایتمك وظیفه سیله، مكلفدر . $\frac{1}{4}$ آغستوس کیجه سی

مفرزه (مهی) - (رووین دوشاتی یون) - (موزهل) خطی اوزرنده یرلشمش
اولان كندی ایلری قره غوللری (بر طابور پیاده و ۲ طاقم سواری) ایله
ستر ایدلش اولدینی حالده (سن ژولی نله میچ) ده اردوگاه و قوناقلرده
اقامت ایدیور . بعض اهلینك سویلیدیکنه باقیلورسه، هر نوع صنفدن
ترکب ایدن بر دشمن قولنك (به تلن ویل) [عمومی خریطه] دن کچهرک
(سارلوی) دن (میچ) اوزرینه یوریدیکی آکلاشیلور . (۱۸۸۹) سنه سی

آغستوسك برنجی كونی اوكله دن صكره (آرغانسی) ايله (فانی)
اورمانلارنده خصمك بعض سواری كشافلری كورلشدر . (ویژی) [عمومی
خریطه] ده ایسه دشمن پیاده سی طرفدن تكالیف حربیه اصولیله ارزاق
طوبلانلینی ایشیدلشدر .

یاسیله جق وظیفه

(۱۸۸۹) سنه سی (۲) آغستوس كونی ایچون میر آ لای ب . طرفندن
قبول ایدیلان ترتیبات .
۲ — آلان ترتیباتك اسبابی وایضاحی .

اون ایکنجی مکتوب

ایلری یوروش

شبه یوق که سز بو مسئله یی حل ایتمک ایچون آز بر زمان صرف ایتمشکزد. چونکه او خصوصده یالکیز بر ایلری یوروش ایچون قبول ایدلمش اولان ترتیباتی کو سترمک سزه کفایت ایلدیکنی بیلورم. کله جک مسئله بونک مابعدینی تشکیل ایدمک و بر تعرضی محاربه یه دائر ویرله جک اولان امر ایله مشغول اوله جقدر. بر برینه آزچوق مربوط ایکی مسئله نك حلیله اوغراشدیغکز زمان ایلک اوکجه برنجیسنی حل ایدیکیز، ایکنجیسیده کی معلومات ایله هیچ ذهنکزی بولاندر مییکز! خریطه کزه دقتی برکوزکز دیره جک اولورسه کز، کورر سکز که (سن زولی نله میچ) ایله (آنتیلی) آره سنده یول بر جوق صر تلری عموداً قطع ایدیور (شاتی یون) خرابه سنک بولندیغی ایلک صر ته کلندیکی کبی شماله طوغری پک واسع و مدید بر منظر یه تصادف اولنور. بو بسیط منظره ایچنده افق یالکیز (شارلی) نك شمالنده کی اوزون صرت ایله تحدید ایدلمش کوریلور. دیدیکمز صرتک آره سنده (شی یول) و (روپینی) متوسط صر تلری طبعی (شاتی یون) خرابه سندن مرئیدر لر . فقط ، اونلر یینه بر درجه یه قدر یول اوزرنده و (۲۰۴۰۸) راقمی یاننده بولنان بر راصدنظرندن، بر قطعه عسکریه یی ستر ایدم بیلور لر. بوصولتیه (۲۰۴۰۸ راقلی) ایله (آنتیلی) آره سنده (بهووت) صوینک جنوبنده اوزون بر صرت ده ا واردر. بو صرت پک اوقدر منحنط دکدر. شمال شرقیده نظر (قانی) اورمانلریله تحدید ایدلمش بولنیور. شمال غربیدن (موزدل) ه طوغری اینان میلر پک دیک و صاریدر لر .

استكشافات ايلك اوكجه (به تله ن ويل) بيوك بولى اوزرينه، صكره (مالورى) و (آرغانسى) دن كچن يول اوزرينه سوق ايدلش اولميدر. (شى يول) (رويني) (شارلى) و (ويژى) دن كچرك قسما كوزل بر يول بويجه كيدن استقامت ده نظر دفته آلنق لازمدر.

(مالورى) ده كى كوپرينك انشا آتى ستر و تأمين ايتك ايچون آلنه جق ترتيبه كلنجه مير آلاى ب.. شوايكى حلدن برينسى انتخاب ايتمكه سربستدر: يعنى او خصوصه مومى اليه (شارلى) نك شمال غريبينده كى تپه يي ويا (به ووت) صوينك جنوبنده كى تپه يي طوتار. بوايكي موضع دن ايكي سده مدافعه ايچون الوريشلى اولديكى كچى دشمنك كرك نظر و كرك آتشدن كوپرينك تاسيس و انشاسنى ستر و محافظه ايدم بيلورلر.

بونك ايچون مير آلاى ب.. هانكيسنى ايسترسه اونى انتخاب ايدر. مع هذا، برنجى موضع (مالورى) دن آتجق (۱۵۰۰) متره قدر اوزاق بولنيور. يعنى غرب فرقه سنه پك يقين ديمك اولدينى ايچون فرقه كوپرى يي كچدكن صكره (موزدل) ك صاغ ساحنده تهاكه سز بر صورتده يابلمش بولنه مز. ايشته بو مخدوردن طولايى اويله ظن ايدر كه مير آلاى ب.. (به ووت) صوينك جنوبنده كى موضعه كيده جكدرد. بو موضع بر كره نقطه استناد مقامنده (آنتيللى) ايله (بوى) كوشكنه مالك اولدينى كچى كوپرى قوريله جق يردن ده (۳) كيلومتره قدر اوزاق بولنيور. لكن اكر سز، بومطالعات اوزرينه ينه برنجى موضعه قائمى ترجيح ايدر سه كز بيوك برقصور ايتمش اولز سكرز. چونكه اوراسى ده پك كوزل مدافعه اولنه بيلور بريردر.

اويله ايسه بيوك يول بويجه حركت ايدم جك اولان مفرزه نك يورويش هدفى (آنتيللى) اوله جقدر. فرقه نك (مچ) كوپرلر دن

استفاده ایتیمه رك بالعكس (موزول) ی دها شمالدن كچمك فكرينه نه دن طولاي دوشمش اولديغی صورمغه قالمیيكنز. چونكه اكر طوغریجه سرك وظیفه كزه تعلق ایتیمان ایشله قاریشورسه كز صوكره اپيك اوجنی غائب ایتمش اولورسكنز .

دشمنه دائر اولان حوادثكز بك آذرده يالكز همشهريلركزدن ينی اهايدن اوكرنديككز معلوماته نظراً دشمنك (به تله ن ویل) دن كچه رك (مچ) اوزرينه يوریدیكنی بیلورسكنز . بوحوادث يالكز دشمن سواری كشف قوللرينك (آرغانسی) ايله (فاي) اورمانلری جوارنده كورلمش اولمسیله دكل ، برده حضم پیاده سنك برقسمی طرفندن (ویری) ده اجرا اولنان تكالیف حریبه دن طولاي بسبتون تحقق ایتمش برحوادثدر . سز ، شبهه یوقكه بوخبره نظراً دشمنك ایلرولمش بولنديغی اراضی یه دائر كوزل بر فكر حاصل ایده بیلورسكنز . زیرا ، تكالیف حریبه وضعنه مأمور اولان برپیاده يالكز باشنه حرکت ایتدیكى زمان كندی ایلره قره غوللرینك بك ده حدودی خارجه چیقمش اوله مز . اویله ایسه ، دشمنك (به تله ن ویل) جهتنده اولديغی قبول ایده بیلورسكنز .

لكن ، اكر سرك حساب وتقدير كز طوغری ایسه ، خریطه دن آكلاشیلوركه میرآلای ب . . طرفندن (آنتیلای) نك جنوبنده طوتیله جتی تپلر ، دشمن ايله (سن زولی ن له مچ) آرسنده هان هان یاری مسافده بولنیورلر . دشمنك سركله برابر عین ساعتده یوله چیقمش اولديغی فرض ایدر ایسه ك سز احتمال (آنتیلای) جهتنده اوکا تصادف ایتمش بولنه جقسكنز . دشمن سركله عین ساعتده یوله چیقمش ایسه بویله ؛ یا اكر سزدن اول یوله چیقمش ایسه او زمان شو احتمال دیديكمز شی ،

بر حقیقت اولزمی صانورسکنز؟ هر نصل اولورسه اولسون، سزه دوشن وظیفه، دشمنی (مالوری) کچیدینی تهدید ایلمش اولمقدن منع ایتکدر. اهمیت عظیمه سنه بناء (میج) دشمن ایچون بللی باشلی بر هددرد. اورایه واصل اولمق ایچون دشمن شبهه سز (آنتیلی) نك غربندن کچن (به تلن ویل) یولنی تعقیب ایدم جکدر. بو آنه قدر شبهه یوق که دشمن، غرب فرقه سنك (مالوری) ده بر کوبری قورمق نیتده اولدیغنی بیامیور. لکن اگر آنك سواری کشف قوللری (موزدل) ك صاغ ساحلنه بزمکیلردن اول کلور وینه اولنردن اول (آرغانسی) یه واصل اولور لرسه اورادن بتون (موزدل) وادیسنی کشف ایدم جکلر و احتمال غرب فرقه سی قوللارندن بعضیلرینك (مالوری) یه سوق ایدل کلرینی کوره جکلردر. اونك ایچون دیمک ایسترم که: دشمن سواری کشف قوللرینی: (موزدل) ك صاغ ساحلنده کی تپلره کلوب، یرلشمکدن منع ایتک لازمدر.

دیگر جهندن، دشمن (قای) اورمانلرینه طوغری کندی صول یائی ستر ایتکه مجبور اولدیغنی ایچون بو مقصد اوزرینه احتمال (ویژی) نك جنوبنه بر مقدار سواری چیقاره جقدر. سزك سوار بکزیسه بو کافر شو کندیسینی تأمین ایتش بولمیلیدر. میر آلا ی ب.. نك کندی صاغ یاننه بیاده دن بر جانبدار آرمسی قطعاً ازومسزدر. مفرزه نك تعقیب ایلدیکی بولك شرقدن کرک امنیت و کرک استکشاف خدماتی یالکز سواری طرفدن کوریله جکدر.

بتون شوسبیلردن اوتری، میر آلا ی ب.. (ویژی) و (آرغانسی) جهتلرینی کوزه تهرک بیوک یول بونجه (آنتیلی) اوزرینه یوریمکه قرار یرر. اگر (آنتیلی) نك جنوبنده دشمنه تصادف ایدرسه، اونی النده کی سائطک مساعده سی درجه سنده، کری آتغه چالیشه جقدر. بوراده

انقسام عساكر و امر ك صورت ترتيبى كوج برشى دكلدر. اويله ايسه سز،
برنجى مسئله ده كوردى ككز كى ساده بر حركت امرى ويره جكسكز. و بونى
ویرر كن سوارى يى پيشداره الحاق ايتك خصوصنده ايكنجى مکتوبه كوره
حركت ایده جكسكز. پيشداره بر بطريه ویرمه نك بوراده لزوملى برشى
اوله جغنى اميد ايتيورم. لکن اكر سز اويله بر فكرده ايسه كز، فكر كزك
نهيه مستند اولديغنى ده كوستر مليسكز. استحکام بلوككزى پيشداره
ویريكنز. چونكه يولكز اوزرنده بعض اوافق تفك مانع له تصادف ایده
بيلورسكز. اوندن بشقه طوته جغكز موضعى حال تدافعى يه قويمق ايجون ده
اورايه وارر وارمز استحکامه احتياجكز اوله جقدر.

يوروش ايجون سز يا ايكي امر ويا خود يا لكز بر امر ويره بيلورسكز.
اكر يا لكز بر امر ويره جك اولورسه كز، بونك ايجون سبب اوله رق
دشمن ايله آره كزده كى مسافه دن طولايى، عزيزمتدن اول دشمنه دائر
هيچ بريكي حوادث آله ميه جغكزى سويليكنز.

مفرزه كز ايجه قوتلى اولديغى ايجون، پيشدار ايله قسم كليكنزى
مختلف ساعتلرده و مختلف محللرده اجتماع ايتديرى كز. پيشدار مثلاً
(شاتى يون) خرابه سنك جنوبنده كى «خان» دن ۰ قسم كلى ايسه
(سن ژولى ين) ك شمال مخرجنده كى مزارلقدن حركت ایده بيلورلر.
پيشدارى، كوندوزين ساعت (۶) ده يوريشه باشلاتديرى كز. و بوندن
صكره قسم كلينك عزيزمت ساعتى حساب ايدى كز. «خان» دن مزارلغه قدر
تخمیناً (۴۰۰) متره قدر برشى وار، پيشدارله قسم كلى ايتنده كى مسافه
۷۰۰ متره اوله جقدر. اويله ايسه قسم كلى، پيشدارك قول نهايتى ۳۰۰
متره لك بر مسافه يوريدكدن صكره يعنى كوندوزين ساعت (۶) يى (۲۵)

کجه [۳۰۰ + پیشدارك عمقى يا خود ۱۸۱۰ متره (۴۰۰ + ۳۰ + ۴۰۰)
 + ۷۰ + ۱۱۰ + ۵۰۰ + ۳۰۰) که هېسى ۲۱۱۰ متره يعنى
 عدد صحيح اوله رق ۲ كيلو متره وساعت جنسندن ۲۴ ويا ۲۵ دقيقه]
 خركت ايله جكدړ .

ايش دها زياده ميدانه چي قمش اولسون ديه قسم كلي يه يالكر عزيمت .
 ساعتى دكل ، ايسترسه كز پيشدارى نه قدر مسافه ايله تعقيب ايده جكنى ده .
 سويابه بيلور سكر . ايلرى قره غوللر مكنجه : بونك ايجون بر دفعه دردنجي
 مكتوبى او قويكز . امريكزى بروجهله ترتيب ايديكز كه : ايلرى قره غو
 لارده كى سوارى طاقلىرى : شفق سو كديكى آندن اعتبار آكندى وظيفه
 لرينه باشلامقه برابر اولجه كشفه كوندريلان بلوكلرك سائر اقسامى بوشى
 بوشينه آرامقه وقت كچورمش اولسونلر . اويله ايسه پيشدار سوازي سنك
 عزيمتدن براز صكره بوسوارى طاقلىرىنى (شى بول) ده جمع ايديكز .
 اونلر ايله برلشمك خصوصى براقكز ، سوارى قوماندانى دوشو
 نسون ! اكر (شى بول) ي بكنمزه كز ، ديكر مناسب براجتماع نقطه سى
 انتخاب ايديكز .

(آتيللى) جهتده وضعيت بوسبتون ميدانه چي قمش اولنجه يه قدر
 بيوك آغر قلقلر كرده براقلايدرلر . اويله ايسه اونلرى (وائلى ي) دره سنك
 قرشويقه سنه كوندرىكز . عربهلر ، كويك بيوك سوقاغنى طولديره رق
 عسكر ك اجتماعه سكته ويرمش اولماق ايجون قطعات عسكرىه كويدن
 تماميله چي قمه دن ، اونلرك يرلرندن قلدامه لرينى امرده بيان ايديكز . برده
 اونلك قطعى بر صورتده عزيمت ساعتى كوستره جكز ديه نافله يرم
 كنديكزى يورميكز .

يالكز ارکنجه (آتيلای) يه واصل اولميرني تأمين ايچون ،
اگر هرشي يولنده کيد يورسه ، اونلرک يارق تشکيل ايتمه مليرني بالعکس ،
يول اوزرنده وقول نظامنده طور مليرني امر ايد يکزر . بناءً عليه ويره جککزر
امر بويولده ترتيب ايد يله جکدر :

(سن ژولی یں له مچ)

۱ - ۸ - ۸۹ - ۱۰ کیجه

۱ — دشمن (به تلن ویل) دن
کچه رك (مچ) اوزرینه یوری به جك كې
گورونیور. خصمك سواری كشف قولاری
بوكون اوكله دن صكره (فای) اورمانلریله
(آرغانسی) ده گورلشدر . (ویزی) ده
ایسه آیریمجه دشمن پیاده سی اولدینی
آكلاشلشدر. بزم فرقه یارین (مالوری) ده
انشا ایداش اولان برکوبریدن (موزله) ی
كچمك نیتنده بولنیور .

۲ — مفرزه، فرقه نك كچیدحرکاتی
تأمین ایده بيلمك ایچون یارین (آتیللی)
اوزرینه یوری به جكدور .

۳ — پشدار یارین ساعت (۶) ده
(شقای یون) خرابه سنك جنوبنده کی
(خان) ه عزیمت ایده جك و (آتیللی)
یوانی تعقیب ایلده جكدور .

پشدار (به تلن ویل) . (مه شی)
(ویزی) استقامنلری كشف ایده جکی
کې (مالوری) ، (اولژی) و (آرغانسی)
تپه لرینه دشمن سوار یسنك گلسنی منع
ایده جكدور .

۴ — قسم کلی، قول باشی مزارلنده
اولق اوزره یارین ساعت (۶) یی (۲۵)
کچه (سن ژولی یں له مچ) ك شمال مخرجنده
یول قول نظامنده طولانله جق و پشدار
۷۰۰ متره دن تعقیب ایلده جكدور .

۵ — ایلری قره غوللر ، پشدار

انقسام عساكر

۶ — پشدار : بیکباشی ن .

۱۱ نجی نشانجی طا بوری .

۶ نجی سواری آلاینك ۱ و ۲

نجی (برکوچك ضابطله ۸ سواری
اكسیك) بلوکاری .

۱۵ نجی استحکام طا بورینك
یرنجی بلوك .

۲ — قسم کلی (ویورویش
نظامی) :

۶ نجی سواری آلاینك ایکنجی
بلوكندن برکوچك ضابط ایله
۸ سواری .

۶۷ نجی پیاده آلاینك یرنجی
طا بوری .

۱۵ نجی سیار طوبجی آلاینك
یرنجی طا بوری (۳ نجی بطریه
اكسیك) .

۶۷ نجی پیاده آلاینك ۳ نجی
طا بوری .

۶۷ نجی پیاده آلاینك ۲ نجی
طا بوری (ایلری قره غولارده) .
برسیار خسته خانه طاقی .

باشی نو تجیلر خطنی کچدیکی آندن اعتباراً
(آنیللی) یولی جهتنده طولانله جقلردر .
ایلری قره غول سواریلری یارین ساعت
(۶) یی (۱۵) کچه (شی یول) ده اجتماع
ایدرک در حال پیدشار سوارینه اتحاق
ایلیه جکلردر .

۶ — معینه برقاج سواری ویریلان
و (۶) نجی سواری آلاینه ۲ نجی بلوکی
ضابطلرندن بریسی قومانداسنده بولنان
بیوک آغرقلر ، یارین ساعت (۷) ده
(واللی) دره سی اوزرنده (کهره ری)
موقعنک جنوبنده بولنه جقلر ویول قول نظامنده
اوله رق اوراده یکی امرلری بکلیه جکلردر .
۷ — بن قسم کالی نك باشنده بوری یه
جکم . راپورلر اورایه کوندریله جکلردر .

میرآلای ب . .

اندام عسکریه طرندن امر
آلئی اوزره کوندریلان ضابطانه
یازدیرلشدر .

دقت ایدیورمیسکنز ؟ امرلریمی براز دیکشدرمش اولمق ایچون
بو دفعه عمومی بر اجتماع محلی ویرمک ویا جزء تاملردن هر بر یسنک محملرینی
کوستر مکدن صرف نظر ایدیورم . لکن بوکا قرشو بن هر قدمه نك عزیمت
ساعتی بیلدیردم . اجتماع خصوصیه دائر لازم کلان تفصیلاتی مادون
قوماندانلر ، کرک بر کون اول تحریراً ، و کرک ایرتسی کون شفاهاً کوستر لرله
مفرزه قوماندانی قسم کلی باشنده اولدینی ایچون ایرتسی کون صباحیلن
بونک زده اجتماع ایدجکنی سوبلمکه مجبورسکنز .



اون ایکنجی مسئله

پیشدار باشی (شی یول) اوزرینه کیدن یولک آیرلدینی نقطه خذاسنه (۱۸۴۰ راقم) کلدیکی زمان (شاتی یون) خرابه سی یاننده بولنان میرآلای ب .. پیشدار سوار یسندن آتیده کی راپوری آلور :

« دشمن تخمیناً ۲ طابور پیاده ، بر سواری بلوکی وبر بطریه ایله یول اوزرنده (۲۰۴۰۸) راقندن (شارلی) نک جنوب شرق زاویه سنه قدراولان موضعی اشغال ایدبور . تپه اوزرنده وحی (شارلی) ده بیله بعض عملیات اجرا ایدیلور . دشمنک بطریه سی ، (۲۰۴۰۸) راقمی یاننده یولک شرقنده موضعه گیرمش بولنیور . بر دشمن سواری بلوکی ، (روپینی) دن (فای) اورمانی اوزرینه چکلدی ، (مالوری) دن کچرک (بوی) شاتوسی اوزرینه ایلرولمش اولان بزم بر طاقم سواریمز (آنتیلی) نک جنوب غریبسنده کی یول اوزرنده هنوز دشمن کورلدیکی یازیور .

یاسیله حق وظیفه

- ۱ — راپور کلدیکی زمان یورویش ترتیباتک قروکیسی ؛
 - ۲ — میرآلای ب .. طرفندن اخذ ایدیلان ترتیبات ؛
 - ۳ — ترتیباتک اسبابی ؛
 - ۴ — مجومدن برآز اول محاربه ترتیباتک قروکیسی .
- خاطره — (غریمون) اورمانی صیق دکلدر ؛ بالعکس اونک ایچندن قولای قولای کچیه ییلور .

بر تعرضی محاربه ایچون امر نمونه سی

محل

تاریخ ، ساعت

مفرزه امری

انقسام عساکر یوقدر.

۱ — دشمنه (مفصلاً) و دوست قطعاته

داثر حوادث .

۲ — مفرزه قومانداننك قراری (اکثریا

دشمنك احاطه ایدیلجك اولان جناحی

مختصر بر صورتده ذکر اولنور). پیشدار

ایچون ترتیبات.

۳ — طوپچی ایچون ترتیبات (برنجی

موضع برنجی هدف [صورت عمومیده

دشمن طوپچیسی] .

۴ — پیاده ایچون ترتیبات (ایکنجی

درجهده هجوم ایچون قوالانیلان وسائط

بر صورت عمومیده ذکر ایدیلور. هجوم

اصلی استقامتی ایله هدفی ده قطنی بر

یولده کوستریلور. اگر بر چوق طابورلر

وارسه هجوم اصلی بی اجرا ایتمک مأمور

اولان قوماندانده ذکر اولنور).

۵ — احتیاط ایچون ترتیبات (احتیاطه

تعیین ایدیلان قطعات ایله وظیفه لری

کوستریلور .)

۶ — سواری ایچون ترتیبات (اک

بیوک قسمی جنادن بریسی ستراید

دیگر جناحده ایسه کشف قوللری

بولندیریلور .)

۷ — پیاده جیخانه عربهلری و صبیحه

مفرزه سنه داثر ترتیبات .

۸ — بيوك آغراقلر ايچون ترتيبات

۹ — قوماندانك یری (صورت عمومیه ده

طوپچينك ايلك موضعی ياننده) .

امضا

امراك قطعات عسكریه يه نه وجهه

تبليغ ايدلدیكى .



اون اوچنچی مکتوب

تعرضی محاربه



سواریسندن راپور آلدینی آنده ، میرآلای ب .. همان تعرضه کچمکه باقلیدر . زیرا دشمن ، (شارلی) نك شما لده کی تپه لری اشغال ایتدکجه (مالوری) کوپرینی انشا ایتک غیر ممکندر . بوراده ویربله جک قرار هر درلو شه دن وارسته در . لکن سائر حالدرده مسئله کز سزی محاربه ایتمکه ویا ایتماکه مجبور طوتوب طوتمدیغنی ایجه بر آکلاییکز . اگر مسئله کز محاربه ایتمکه سزی مجبور ایدیورسه بر کرده ده مظفریت امیدلرکز واری بوقی اونی ده دوشونکز ! هجوم ایتمکه قرار ویردیککز زمان تکمیل مفرزه کزی ایشه کریشدره جک وجهله ترتیبات آلیکز . یارم تدیرلر ایله ایشه باشلامقدن صولدرجه احتراز ایدیکز ، باخصوص ضعیف بر مفرزه باشنده اولدجه بوکادها اوقدر زیاده اهمیت ویریکز .

سزه اولجه ده سویلمش ایدمکه بر قرار ویرمزدن اول ، قطعه عسکریه کز یوروش حالده ایکن هر قدمه نك باش طرفی هانچی نقطه ده اولدیغنی ولو تخمینی اولسون بيلمک پک مهمدر . بوراده میرآلای ب .. اگر فی الحقیقه اراضی اوزرنده بولنسه ایدی شو دیدیکمز خصوصده اوزون اوزادی به دوشونمکه مجبور دکل ایدی . زیرا مومی الیه ، (شاتیون) خرابه سندن ، یوروش حالده بولنان پیشدارینی باشند نهاینه قدر کاملاً کورر . لکن برسیاحت عسکریه ویا خریطه اوزرینه بر مطالعه ائناسنده بر قولی تشکیل

ایدن هر قدمه نك محاربه ایچون قرار ویرلمزدن اول نرده بولندیغنی ایجه حساب ایتك لازمدر. بونك ده سبی بریا كلشغه دوشما مكدن عبارتدر. بناءً علیه سزك بوراده یابه جفكز حسابده شویله در :
پیاده اوجی (شی یول- مالوری) یولیله (مچ- آتیللی) یولنك برلشدیکی نقطه یه كلكدده در .

پیشدار باشی بر آزدها جنوبده یعنی (۱۸۴) راقمی جوارنده در. پیشدار قسم کلیسنگ باشی ایسه (۱۹۰) راقمی یاننده ، اصل قسم کلینك باشی ده (شاتی یون) خرابه سنك جنوبنده بولنیور .
سواری دشمنك جبهه سنی اییدن ایی به آ کلامق و قطعات عسکریه سنك قوتیله صورت انقسامنی ، طوتدیغنی موضعك متانت و امتدادینی و اشغال ایدیلان مختلف نقطه لری کشف ایتكله مشغولدر. بوندن بشقه سواری دشمن سواریسنی پیاده اوزرینه آتمق ، کشف قوللرینی (موزهل) جوارنده کی تپه لردن قوغغق و کریلرده نه وار نه یوق اوئی آ کلامق ایچون دشمن موضعی چویرمك خصوصه ده غیرت ایده جکدر. اولجه کوندرمش اولدیغنی معلوماته نظراً دشمنك صاغ ایانی اوزرنده اولان وظیفه سنی اكماله موفقیت حاصل ایتدیکی آ کلاشیلور . بناءً علیه میر آ لای ب .. دشمن موضعك نه وجهله اشغال ایدلمش اولدیغنه دائر بو فکر کوستره بیلور .

بو موضعك صول جناحنده یناشیق نظامده بردشمن سواری بلوکی وار ؛ بزم سواریمزك قسم کلیسی ، ذاتاً حرکت امرنده (مهنی) استقامتیله (قایی) اورمانی خصوصی بر صورتده کوزه دلمك لازم کلدیکی سوباندیکی ایچون ، دشمن سواری بلوکنی کندیسنه هدف اتخاذا ایده جکدر .

بر سواری طاقنك دشمنك كریلرنده وقوعه كلان شیرلی كوره
 بیلمش و (آتیللی) نك کریسنده بیوك یول اوزرنده قطعات عسکریه نك
 حرکت ایتدیكنی كشف ایلمش اولسی طوغریسی بیوك بر ایشدر.
 میر آلا ی ب .. بوندن استدلالاً ، هیچ اولمازسه بر آز وقت صوكره
 دشمنك مذکور جهتن بر قوه امدادیه آلمیه جفنه كسب اطمئنان
 ایده بیلور . اكر (مهشی) استقامتی ایچونده بویله بر اعتماد حاصل
 ایده بیلورسه نه اعلا ! میر آلا ی ب .. اوزمان یالکز اولجه كورلمش
 اولان دشمن قطعاتیله محاربه ایده جکی آشكار اولور . میر آلا ی ب ..
 دشمنه نسبتاً ایکی طابور پیاده ، بر سواری بلوکی و بر بطریقه دن عبارت
 فضله بر قوته مالك اولدینی ایچون مظفریت امیدلری شبهه سز ، خصمندن
 زیاده کندیسینده ده زیاده اوله بیلور . اكر بوفضله یالکز ایکی طابوردن
 عبارت اولسه ایدی مظفریت امیدلری اوزمان پك زیاده اوله مازدی .
 زیرا ، سرك عددجه اولان تفوقكز دشمنك مستور محارندن سرك آچقده
 یوریه جك اولان قطعاتكزه آتش ایده بیلمك فائده سیله قبادلمش
 بولنوردی . سرك طوپچی صنفی اعتباریله دشمنه قارشلی حائر اولدیغكز
 تفوق اك زیاده مهم بر تفوقدر . چونكه سز اوسایده دشمن بطریقه سنی
 چار چابوق اسكات ایتدكدن صوكره پیاده كرك هجومی تسهیل واحضار
 ایده بیلورسكز . برده سوار یجه دشمنه اولان تفوقكز محاربه ائنانسنده
 دشمنه دائر پك چوق حوادث آلمكزی تأمین ایتمش بولنه جقدر .
 شمیدییه قدر پیشدار باشك ایکی بلوکی دشمن طوب آتشنه
 اوغرامامشلردر (بوبلوكلر دشمندن ۲۵۰۰ متره اوزاقده در) .
 لكّن نروده ایسه دشمن طوپچیسی اونلر اوزرینه آتش آچه جقدره

سزك طولېكز آنجق، (شى يول) ك شمال غربي سنده بر آز پياده ياتمش اولدقدن صوكره مذكور بولكلرك امدادينه كله بيله جكد ر .

ايشته بووجهله اكر سز پيشداره بر بطريه و ير مش اولسه ايديكز اوسزك ايچون بيوك برايش كور مش اوليه جنى ميدانه چيقيور . بالعكس مذكور بطريه يي سرعتلى يوروش ايله ايلرى كوتوره رك، آنى ايجه محافظه ايتمش اولمزدن اول آتش آچدير مش اولسه . ايديكز بو برتدير سزك اوله جقدى . اكر سز اوكا (شاتى يون) خرابه سنك شمالنده كى صرت اوزرنده موضع آلد ير مش بولنسه ايديكز اوزمان دشمن دن پك اوزاق قاليردى و اوندن بشقه بيوك يول جوارنده كى آغا جلردن طولايى اپى تعجيز ايدلش اولوردى . بناءً عليه پيشدارك سريعاً (شى يول) تپه سنك كريسند كنديسنى ستر ايتمش اولمى لازمدر .

دشمن موضعى بيوك يول دن باشلا يور و تخميناً (شارلى) نك جنوب شرق سنده كى چيقدى يه قدر و ارييور . بناءً عليه مذكور موضع تخميناً (۱۰۰۰) متره لك برجه يي حائر در . دشمنك قوتنه دائر آلد يگكز معلوماته نظراً موضعك پك كشيف بر صورتده اشغال ايدلش بولنه ميه جنى طبعيدر . (شارلى) ده بر طابوردن زياده بر نبى قونيله ماز . ديكر طابور ايسه كويك غربه نده بيوك يول اوزرنده موضع آلمشدر كه عين زمانده دشمن طولېكيسنه استنادلق خدمتى ده كور مش بولنه جقد ر . الحاصل احتياط اولمق اوزره ايكي طابوردن كرى يه بعض اقسام عسكريه ترك ايدلش بولنه جنى طبعيدر .

حربه خريطه اوزرنده ياپديگكز شو مسئله ده اولدينى كجى سواريكزك دشمنه دائر اكثرياً معلومات مكمله ايدينه جكنه اينانما كره

وشویله بر فکر حاصل ایتمکزه راضی دکلم . بوراده یالکیز بر راپورک ویردیکی معلوماتی حربده برچوق واکتیا بر برینی ناقص راپورلر تدارک ایده بیلور .

بناءً علیه سفرده ویا مانوره لرده اکثریا هجوم امری ویره بیلیمک ایچون وضعیتی میدان قویمش اوله جق آن قطعی بی بولمق پک زوردر . وشوخصوص دائماً خریطه لر باشنده تعقیب ایدیلان مسئله لرده کندن زیاده مشکل بر ایش اولورر . حرکت زمانتی بولمق ایچون بر برینی متعاقب کلان حوادثلردن اصل حقیقت اولان شیئی میدان قویمقده ایجه مهارت کوسترمک وعلی العجله بر قرار ویرمک لازمدر . بویابده طومانسز باروتک تاثیراتی ده حساب قاتمکزی رجا ایدرم . بن ایلک مکتوبمده سزه ایتش اولدیغم نصیحتلره ایجه قولاق ویرمش ایسه کز امینمکه پیاده وطوپچی تعلیمنامه لرینک محاربه یه عائد قسملرینی کوزدن کچرمشکزدرد . مذکور تعایضنامه لک او قسملری صورت عمومیه ده تصادفی بر محاربه ایله اولجه یایلمش وجهه سنی محکم بر صورتده حاضر لامش اولان بردشمنه قارش یایله جق هجومی ایجه بر بردن تفریق ایتمک لازم کلدیکنی مکرراً ذکر ایدیورلر . بو شمیدیکی حالده دشمنک اولجه ده یایلمش وشدتلی بر مقاومت حاضر لانمش اولدیغنی هر شی کوستریور . بناءً علیه سزک تعرضکز، ایلک حرکاتنده ده الله موجود وسائط کافه سنی قوللانمیلدر . (شارلی) نک مدافعه حائه وضعی خصوصنده سزه سویلنان شی خصمک شمیدیلک تعرض فکرندن واز کچمش اولدیغنی سزه پک اعلا کوستریور . بو حال ایسه میر آلا ی ب . . نک هجوم استقامتیه هجومک جنسنی تعیین ایتسنه پک چوق یاردم ایده جکدر . میر آلا یک قراری کندی قطعات عسکریه سنی ایشه باشلاتمزدن اول

بر کره پیشدارك حمایه سی آلتندہ یا بمقدن عبارت اولمیدر . بویایلمه حرکتك دشمندن پك اوزاق ایکن اجرا ایدلمسی ای بر شی دکلدر . چونکه او یله یا بیلورسه قطعات عسکر یه محاربه نظامیله ایجه زمان تارلار ایچندن یوریمکه مجبوریّت کوررلر . یا یلمه مسافه سی هر حال خصوصیده هجومك استقامتیله جنسنه تابعدر .

بوراده میر آلا ی ب . . کندی هجومك جنسنی در حال تعیین ایده بیلور . زیرا بسیط بر مفرزه ایله ایشه باشلانلدینی زمان یالکز خصمك صاغ جناحنه می یوقسه صول جناحنه می هجوم اید یله جك ایشه بوراسنی بیلمك کافیدر . دشمنك ایکی جناحنی ده احاطه ایده بیلمك ایچون عددجه اوکا پك فائق اولق لازمدر . زیرا اگر عددجه دشمنه فائق اولدن شویله بر هجوم تشبثده بولنیلورسه اوزمان خصمك یاپه جنی شدتلی بر تعرض ایله مرکزدن ایکی یه بولنمك تهلمکسی واردر . بر جناحی احاطه ایتك آتشجه دشمنه تفوق ایتش بولنق ایچون اك قولای بر اصولدر . بوا یسه موفقیتك اك برنجی شرطلرننددر . برده احاطه حرکتی یا یلمه حرکتندن حاضر ایدلمش اولق لازمدر . بونك ایچون ایکی یول وار: یا هجومك مختلف اقسامنی نصف قطرلی هجوم نقطه سنده بر اشان بر قوس دائره اوزرنده ترتیب ایتك ، یا خود مذکور اقسام عسکر یه یی یکدیگری متعاقباً محاربه یه گیره جك وجهله هجوم محورینك کریسنده قدمه حالنده بولندیر مق لازمدر . اولجه برنجی خطه یا یلمش واحتمال محاربه یه باشلامش اولان اقسام عسکر یه یی مائلاً ایلرولتهرك احاطه حرکتلری یا بمق اصولی پك نتیجه سز وموفقیتسز بر اصولدر . بوا کثریا جبهه نك پك زیاده اوزامسنه ، افعال ومساعینك طاغلمسنه خدمت ایدر .

مستتاً اوله رق اراضینک شکلی وسائر احوال ایجاب ایتمدجه بوکی حرکتلردن پک چکنمیلیدر .

سزک مسئله کز ده ایسه اوخصوص اصلا قبول ایدیله جک برشی دکلدردر . چونکه احاطه حرکتی فکری ایلک یایلمه حرکتده ده کندی کوسترمش اولمیلیدر .

جبهه هجومی پک مستتاً حالدرده قوللانیلور برهجومدر . ازجمله اراضی بر احاطه حرکتی یایمغه مساعد اولدینی زمان جبهه هجومی یاییلور . کندی یایلمه لری ایچون نسبةً محدود بر مسافیه محتاج اولان مفرزه لر حقنده شو خصوص پک نادرآ واقعدر . یالکز جبهه هجومی یایمق امکائی اولدینی زمان برنجی خط . آتشک تأثیریه وقوعه کله جک آچیق لری قیامت ایچون قوتلی احتیاطلر ایله استناد ایتدیریلور . بناءً علیه محدود بر جبهه اوزرنده وعمیق بر نظامده محاربه ایدیلور . اگر دشمنک جناح لرندن بریسنی احاطه ایتمکده صیقندی چکمزسه اوزمان حال بستیون بشقه اولور : یعنی جبهه بر آزدها زیاده اوزاتیلور وبوسیله کزیده احتیاط آز براقیلور .

هجوم نقطه سنده خصمه عددجه فائق اولق ایچون قوای عسکریه یی یالکز بر هجوم قطعی به مالک اوله جق وجهله تقسیم ایتک وبوهجوم قطعیدن بشقه یرلرده خصمی یالکز آتش ایله مشغول ایتک لازمدر . بناءً علیه بر هجوم اصلی ایله برده ایکنجی درجه بر هجومه احتیاج کوریلور .

هجوم اصلیده جوق عسکر بولندیره بیلیمک ایچون ایکنجی درجه هجومده الدن کلدیکی قدر آز عسکر قوللانیلور . بناءً علیه شوندن آکلاشیلور که محاربه ده اصل صنعت قوای عسکریه نک معقول

وطوغری بر صورتده انقسام ایتش اولسندن عبارتدر . مع هذا
 ۳: ۴ طابوردن ، براز سواری و طویچیدن ترکب ایدن برمفرزه
 نقطه قطعیده شدت کوسترمک و توحید حرکت ایتک خصوصلرینه
 خلل ویرمکسزین آصلا (۱۵۰۰) متره دن زیاده برجبه اوزرنده هجوم
 حرکتی پایه مز .

پیشدار عمومیت اوزره ایکنجی درجه هجومه ، قسم کلی ایسه
 هجوم اصلی به مأمور اولور . برمفرزه نیک پیشداری ، اگر ایکی هجوم
 بر برندن یک اوزاق بولنیورسه جبهه ده برباشنه محاربه ایدمک درجه ده
 حائر قوت دکدر .

بو حالده پیشدارک یالکز قالیشی ، کندیشنی منفرداً محو ایتک ایچون
 مدافعی تعرضه کچمکه بر دعوت اولور دیمکدر . مدافینک یانلردن
 بریسنه هجوم ایتک اشتغالاتی اکثریا حاجین طرفنده یک متباعد بر طاقم
 حرکتلرک ظهورینه سبب اولور . (۱۸۷۰) حربنک بیوک میدان
 محاربه لرنده بتون برفرقه نیک محاربه جبهه سی (۱۵۰۰) متره لک بر امتداد
 تشکیل ایدردی .

خصلتک جناح لرندن هانکیسنه هجوم ایتک دها مناسب اولدیفنی
 بیلیمک خصوصنده اول امرده پیاده ایچون هانکی جهته دکایی بولور
 اولدیفنی بر باقیکز . هجوم قطعی نیک موفقیتی یالکز پیاده تابعدر .
 پیاده دشمن موضعی اوزرینه آباق باصدیفنی آنده مظفریت سزک
 ایچوندر . دیگر ترتیب اتدن مقصد ایسه پیاده نیک هجومی حاضر لامقدردر .
 مدافین ، حقیقی هجوم استقامته دائر نه قدر مشکوک بر حالده قالیرسه
 حاجین موفقیت قازانمقده دها اوقدر زیاده امید بسلیه بیلور . چونکه

مدافعین هجوم حقیقی استقامتده متردد بولند قجه شهسز احتیاط
عسکرلرینی تام زماننده ایش باشنه کتیره مز .

پیاده هجومنی الایی حاضر لامق ایچون واسطه طویجی محاربه سیدر .
بو هجوم حاضرلنی زماننده طویلرک هپسی قوللانملیدر . بناء علیه
هجوم اصلی نی طویجی اتشیله اییدن اینی به دوکیله بیله جک اولان
نقطه لر اوزرینه سوق ایتمک لازمدر . طویجی ده دشمن موضعنک
ایچرولرینی کوره بیله جک حاکم بر موضعه برلشدیرملیدر .

کذلک اصولاً هجوم حرکتی دشمنک الضعیف و یا خط رجعتیه
الک یقین اولان جناحی اوزرینه سوق ایتملیدر . بوسایده دشمن
تهدید اولنور واشغال ایتمدیکی موضعی وقتدن اول تخلیه به مجبور
اولور . برده هجوم حرکتیه اوילה بر استقامت ویرملی که آنک اجراسی
زماننده هاجینک نه یانلری ونه کریلری تهدید ایدلمش بولنسون .
والحاصل سائر بعض سبیلردن واز جمله مطالعات سوق الجیشیه دن
طولای دشمنی قضا و معین بر استقامته آتہ جق وجهله جناح لرندن
بریسنه هجوم اولنور . بر هجوم حرکتی مصیب اولقی ایچون بر جوق
شرائطی جامع اولسی لازمکلور . لکن تأسف اولنور که بتون او
شرطلری جامع هجوم حرکتلری پک نادر در . وضعیتی تقدیر ایتمک
ومطلوب اولان شرائطک اکثریسنی تأمین ایدن جناح علیه هجوم
حقیقی اجرا ایلمک مفرزه قوماندانک وظیفه سیدر .

اوילה ایسه دشمنک هر ایکی جناحی ایلر یسنده بولنان اراضی نی
کال دقتله بر امتحان ایدم .

صاغ جناحده دشمن بطریقه سی (۲۰۴۰۸) راقلی تپه اوزرنده
مذاتاً موضع آلمش بولنیور . بو بطریقه نک استادی (۵۰۰:۴۰۰) متره

ایلیزیده یعنی (۷۰۰) متره ایلرولره قدر کوزل برانداخت میدانه .
مالک اولان (شارلی) و (مالوری) آره سنده کی صرتلر اوزرینه
برلشمشدر . هاجمین (روپینی) صرتنه کلدیکی زمان بو طویچی
محافظتک آتشنه اوغرامش بولنه جقدر .

(۲۰۴:۸) راقلی تبه اوزرنده کی طویچی جنوب و جنوب غربی
جهت لینه طوغری پک کوزل برانداخت میدانه مالکدر . بناء علیه
بر تقرب یوروشی ایچون بوجهت لازم کلان شرائطی جامع دکدر .
صول جناح اوکنده هاجمین پیاده سی دها کوزل برطاقم یوللر بوله بیله .
جکدر . (شارلی) نک دشمن طرفندن طوتیلان جنوب کناری اپی
آشاغیده در . (شارلی) و (روپینی) آره سنده کی صرت (شارلی) دن
تخمیناً (۴۰۰) متره اوزاقده در . بر صورتده که هجوم زماننده مدافعینک
اوجهته کی انداخت میدانی پک محدود اوله جقدر .

برده (روپینی) نک اولر یله باغچه لر ی هاجمین ایچون ایجه فائده لیدر .
چونکه هاجینی دشمنک طویچی آتشدن محافظه ایدرلر . بردفعه
(شی یول) . کلندیکی کبی دشمن طویچی آتشنه معروض قالمق سزین
(روپینی) به واصل اولنه بیلور . (شی یول) . قدر کلمک ایچون ایسه اول
امرده (غریمون) اورمانندن کچله جک، صوکره آنی شماله طوغری
اوزاتان کوچک وادی بونجه یورینه جکدر . بناء علیه پیاده دشمن
موضعه یا قلا شق ایچون الکایی یوللری مذکور موضعک صول جناحی
ایلیزینده بولمش اوله جقدر .

هجومک طویچی ایله احضاری نقطه نظرندن خصمک ایکی
جناحی ده عین اهمیتی حائزدر . (شارلی) و (مالوری) آره سنده کی
موضع (شی یول) ک غربنده کی تبه دن پک اعلا دوکیله بیلور . چونکه

مسافه (۱۸۰۰ : ۱۹۰۰) متره قدر برشیدر . اکر ده‌ها زیاده یا قلاشلمش اولسه ایدی اوزمانان طوپی (روپینی) نك غربنده کی تپه اوزرنده موضع آله‌جقدی . (شارلی) نك جنوب شرقیسنده کی جیقتی علیه یاییله جق هجوم کرک (روپینی) نك غربنده کی صرت اوزرنده برلشهرک (۱۲۰۰) متره مسافه دن و کرک اکر (شارلی) نك بتون شرق کنارینی دوکک ایستیلورسه (روپینی) نك شرقنده و تخمیناً (۶۰۰) متره لک برمسافه دن احضار ایدلمش اوله جقدر . بناءً علیه هجوم حاضرلنی جدی مشکلاته اوغرا مقسزین اجرا ایدیله جکدر .

دشمنک (شارلی) ده کی صول جناحی صاغ جناخدن ده‌ها ضعیفدر . چونکه پیاده نك انداخت میدانی پک محدود اولدقدن بشقه (شارلی) نك جنوب کناری پک آشانی یعنی منحنط بولنیور . صورت عمومیه ده (شارلی) نك وضعیتی مصرانه برمدافعه یه صالح دکدر . (شارلی) نك بر جیقتی تشکیل ایدن وایلریسنده باغ کوتوکلری بولنان جنوب کنارینی احاطه ایتک قولایدر . بناءً علیه بوراسی هجومدن احتراز ایدیله جک بر موضع دکدر .

دشمنک صاغ جناحی طرفندن اشغال ایدیلان صرت اوزرینه اینان بایر شکنده کی میللر اوجهتدن بر هجوم حرکتی پک چوق تصیب ایدرلر .

دشمنک خط رجعتی نقطه نظرندن جناخلردن هر هانکیسنه هجوم ایدلسه آرده بیوک بر فرق یوقدر . چونکه دشمن کرک (آنتیلی) و کرک (مشی) اوزرینه چکیله بیلور .

یا عجباً دشمنک صاغ جناحنه هجوم ایتک ایچون بعض اسباب خصوصیه یوقیدر؟ (۲۰۴، ۸) راقلی تپه بزم کوپری قورمق ایستدیکمز

(مالوری) به پك يقيندر . حالبوكه اورادن دشمنی طرد ايتمك ايجون امرده تعليمات واردر . بناءً عليه اوراسنی هجوم اصلی ايجون هدف كوسترمك لازم كلور . شبهه سز ، يالكز بعض مطالعات مهمه نظر دفته آلدینی زمان اك الویشلی جناح دائماً هدف اتخاذ اولنان جناح دكلدر . لكن اكثر احوالده ينه هجوم نقطه سی اولق اوزره بو جناح انتخاب اولنور . زیرا هر شیدن اول دوشونيله جك شی دشمنی مغلوب ایتكدر . بوندن صكره سی مثلاً دشمنك چكلمش اوله جنی استقامت ایکنجی درجه شیلردندر . برده صاغ جناحه هجوم ایدرك هاجینك بوراده (موزل) نه رینی كندی صول یاننده براقش اوله جنی ده دقت ایدیکز . موقت بر آن ايجون هجوم اصلینك بیوك یولك غریبنده اجرا ایدلمش اولدینی وصول زمانه قدر (فانی) اورمانده کیزی بر حالده قالان دشمن قوای عسکریه سی آب آکسزین (روینی) دن (موزل) استقامتده شدتلی بر مقابل هجوم پایدینی فرض ایدرسه کز مفرزه نك وضعیتی شبهه سز، پك تهلكلی بر وضعیت اولوردی .

بناءً عليه هجوم اصلی بی دشمنك صول صناعی علمنه اجرا ایتمك و (شارلی) بی هدف اتخاذ ایلمك ده معقول بر حرکت صایلور . بو هجوم حرکتی یابلدینی صروده . جبهه نك دیگر قسمی اوزرنده یالكز دشمنی اشغال ایتمك کافیدر .

مفرزه، (۱۰۰۰) متره لك بر جبهه اوزرنده محاربه ایده جك قدر قوتلیدر . اما بوراده بر شرط ایستركه اوده مفرزه نك بیوك یولك غریبنه پك زیاده یایلمش اولماسیدر . ذاتاً مفرزه نك اوجهته یایلمسندده هیچ بر معنا یوقدر . بناءً عليه (شی یول) و (روینی) دن یایله جق

اولان هجوم اصلی (فانی) اورماننک کنارلرینه قدر اوزایه جقدر .
ایکنجی درجه هجومک محورینه کلنجه اویوک یولک پر آزشرقدن کچرک
(شارلی) ایله بویول آره سنده کی صرت قسمنده نهایت بوله جقدر .

بوراده وضعیت اوقدر اینی شرائطی جامعدرکه مفرزه قوماندانی
سوارسی طرفدن کوندریلان معلوماتی آلدینی آندم دها هجوم ایچون
لازمکلان ترتیباتی اخذ ایده یلور . بوبر مستنادر . زیرا مفرزه
قوماندانی دشمنک وضعینه دائر قطعی بر فکر ایدنک ایچون اکثریا
ایلری کیتمه و حاکم بر نقطه اوزرندن اطرافنی معاینه ایتمه مجبور اولور .
مفرزه قوماندانی ، اکثر احوالده کندی قطعات عسکریه سنک
باشنده بولور . چونکه بویله اولورسه ، مذکور قطعاتک یایامه لرینه
ومحور الحركات اوزرنده وضع ایدلمش اولملرینه نظارت ایدر . بوايسه ،
هیچ شبهه یوقه ، باشلانیلان مانوره نك موفقیت قازانمسی ایچون اساسلی
براحتیاط دیمکدر . فی الحقیقه اگر مفرزه قوماندانی دیدیکمز کچی
کندی قطعات عسکریه سی باشنده قالورسه ، مظفریت استحصال ایتک
قطعات عسکریه دن هر بریسنک وظیفه سنی تعیین وتحدید ایلیمک واک
ایلریده بولنان اقسام عسکریه قوماندانلرینک کندی افکارینه مفایر
قرارلر اتخاذ ایتلرینه مانع اولمق ایچون لازم کلان حرکاتی تام زمانبنده
امرا ایتش اوله یلور .

اگر بوراده کی کچی (شاتی یون) خرابه سنک ایلرینسنده کی اراضی
کاملأ کورمک ممکن اولمسه ایدی ، مفرزه قوماندانی ، مثلاً : (شی یولک)
غربنده کی تپه اوزرینه ایلرولمکه وایشه برقرار ویرمزدن اول برکره
افق خطی بویدن بویه وکال دقتله کوزدن کچورمکه مجبور اوله جقدی .
بزم بولندیغمز حالده امرک ممکن اولدینی قدر جابوق ویرلمسی بالخاصه

آرزو ایدیله جک بر شیر . زیرا ، قسم کلی ، (شاتی یون) خرابه - سنی کجدیکی آندن اعتباراً دشمن نظریه معروض قاله جق واحتمال که ، بردن بره طویجی آتشنه بیله هدف اولوب کیده جکدر .

خصمک ایلک مرمیلری آتلمزدن اول ، قسم کلی بیوک یولک صاغنده می ، صوانده می ، یوقسه هر ایکی طرفنده می یایلمش اوله - جفنی بیلک لازمدر . وختی بدایتده ده ، یاکلش بر استقامت طوتمش اولماق ایچون قسم کلی شو جعتی ، صرتدن آشاغی اینزدن اول بیله اوکره نمش اولمیدر . بناءً علیه ، کورپورسکرکه ، بوراده ضایع ایدیله جک وقت یوقدر . صرہ سی کلش ایکن سزه شونی ده سویلیه می ، هجوم ایچون امر یازلمزدن و بو امرک یازیله جفنی محل تعیین ایدلمزدن اول بر کره شو آنده مفرزه قوماندانک نرده اولدیفنی ایوجه بر آکلامکز لازم کلور .

شمدی آرتق صنوف ثلثه دن هر بریسنک تعرضده کی وظیفه سی بحثه کلش بولنیورز . شبه سز ، بن بو خصوصده ، یالکز بللی باشلی نقطه لری مختصرجه بر صورتده کوستره جکم . اگر سز مختلف تعلیم نامه لک خصوص مذکوره عائد مباحثی ایوجه خاطر کرده طوتیورسه کز ، امین ، بوراده مختصرجه سویلیه جکم شیر سزک ایچون فضله فضله کفایت ایده جکلردر .

ایلک اوکجه شوکا بر دقت ایتمکزی ایسترم : بنم سزه ویردیکم امر نمونه سی کی کوزل بر امر یازمق اکثریا عملیاتده تطبیقی ممکن اولیان شیردندر . اوت ! بویله بر امر یازیله بیلور ؛ اما بر شرط ایله که سوارینک دشمنه دائر ویردیکی حوادث ، مفرزه قوماندانک دشمن وضعیتی اوزرینه قطعی بر فکر حاصل ایتمسه و بناءً علیه کندی

انقسام عساكرى ترتيب ايلمسنه مساعد بولنه جق درجه ده آچيق
وصاغلام اولميدر .

اصولاً هجوم امرلى ، باركير اوزرنده وقسم قسم ويريله رك ،
متعاقباً كوندريلورلر . زيرا ، قرار قطعى ، اكثراً ، حركات ابتدائيه
اجرا اولديني صرده قوماندان اولان ذاتك فكرنده بسبتون تجلى
ايمش اولور . وظائفك مادون قوماندانلرپنه توزيريه طبق بويله دره
لكن ، بولنيلان وضعيتى كمال سرعتله آكلايه رق اوكا كوره ايشه بر
قرار ويرمك خصوصنده ماهر وپك مقتدر اولان بر قوماندان
بدايتده دها ، بتون مفرزه سنه شامل اولق اوزره عمومى بر امر
ويرمكه دائماً چاليشور وويرر . شويله عمومى بر امر ويرمهك ،
اتحاد حركت فقطه نظرندن ، آيرى آيرى امرلر ويرمكه نه دن
طولاني فائق اولديغى بشنجه مكتوبمده دها سزه سويلمش ايدم .
مختلف مادون قوماندانلرى ، اكر قومشورينك وظيفه لرني ايوجه
بيله جاك اولورلر سه شه سز ، حركات عموميه ايچون تعيين اولنان
حدودك خارجه چيقمقدن منع ايدلش بولنورلر . بالعكس ، اونلر ،
كندى ايشلرني اوزمان ، دها صاغلام ودها كوزل بر صورته
كورورلر . برده ، عمومى بر امر يازمق وكوندرمك صورت عمو-
ميه ده . آيرى آيرى امرلر يازمق وكوندرمكدن دها آز بر زمانه
محتاجدر . مانوره لرده ، وقت ايجه طار اولديني زمان ، خصوصى
امرلر اكثراً امر چاوشلرى وضابطلرله شفاهاً كوندريلورلر .
فقط شو وجهله شفاهاً امر كوندرمك ، بعض بيوك بيوكياكلشقلرك
ظهورينه سبب اولديني تاريخاً مثبتدر . ينه تكرر ايدرم ، اك ايوسى
امرلى تحريراً ويرمكدر .

لكن ، اكر قوماندان اولان كيمسه ، مادون قوماندانلرينه
تحریر آعمومی بر امر كوندردمك یرده اولنری حاكم بر نقطه یه
جمع ایدرك ، اطراف اراضی بی تمامیه کوره بيله جكلری صورتده
اونلره اوراده شفاهی امر ویرسه بو اوته کیندن دها ابو اولور .
چونکه شویله یابلدینی زمان مادون قوماندانلر هم اراضینک هرجهته
دائر بر فکر پیدا ایتمش ، همده امرک آکلایه مدقلری بعض نقطه لری
آمر طرفدن ایوجه تفسیر ایدیلهرک آتی تمامیه آکلامش اولورلر .
دی . حاصلی بو وجهله بر امر ویرلدیکی زمان ، اک قانیق فکری بر
ضابط بيله آله جنی امرک هیچ بر نقطه سنده ، هیچ بر شبهه دوچار
اولمش بولمز .

بوراده ، احوال عمومی بزه نه سواری قوماندانی ونه پیشدار
قوماندانی مفرزه قوماندانی یانه کتورتتمکه مساعددر . چونکه
سواری قوماندانی ایجه اوزاقده در ، کله مز ، پیشدار قوماندانی ایسه
ایجه ایلروده بولندینی ویشدار قطعاتی ، زرده ایسه ، دشمن مرملرینه
معروض قاله جنی ایچون کذلک اولدینی یردن آیريله مز . لکن
طویچی طابوری واستحکام بلوکی قوماندانلری پک اعلا بر امر
شفاهی آله بیلورلر . زیرا اولنر شمدی یه قدر دها هیچ مفرزه
قوماندانی یانندن آیرلمش دکدرلر . قسم کلیده کی آتلی ضابطان
ایچون ینه طبق بویله در . بناءً علیه شو ضابطلرک کافه سی ، (شاتی یون)
خرابه سنده طویلانه رق اوراده شفاهاً مفرزه قوماندانک امرینی
آله جقلردر .

کرك بو امری وکرك مادون قوماندانلرینه لازم کلان تعلیماتی
ویرمک خصوصنده نه قدر عجله ایدلمزسه اوقدر ابو اولور . چونکه

او سایه ده ، ایلری یوروش دها او درجه منتظم اولور و جزء تاملرک وقتدن اول بر برینه قاریشملری بولملری ده دها او درجه منع ایدلش بولور .

بناءً علیه قطعات عسکریه نك ایلری حرکتی ، تدبیر سزجه بر صورتده تمجیل ایتمکدن پك زیاده احتراز اولنق لازم کلور . زیرا ، تجربه ایله ثابت اولمش حقایقندن درکه ، اکثریا قطعات عسکریه نك شدت آرزولرینی تحریک ایتمکدن زیاده تعدیل ایتمکه مجبوری کوریلور . قسم کلینک آنلی ضابطلرینی طویلامق ایچون فدا ایدیلان زمان بشقه بر صورتله تلافی ایدلش اوله جقدر . هم دوشونک ، حقیقت حالی آکلامق خصوصنده صرف ایدیلان بر قاچ دقیقه لک زمان اصلا ضایع ایدلش زمان دیمک دکلدر !

مفرزه قومانداننک آنه جق پك چوق ترتیباتی یوقدر . یعنی مومی الیهک بر چوق تفرعاته کیریشمسنه اصلا لزوم کورلمز . زیرا ، هر شیدن زیاده او ، هیئت عمومی نك سوق و اداره سنی محافظه ایتمکه مجبوردر . اگر اک کوچک تفرعاته وارنجیه قدر ایشه مداخله ایتمکه باشلارسه اوزمان وای اونک حاله ! . . .

چونکه بو صورتله هم بوشنه یورلش ، وهم عمومی سوق و اداره ایتک ایچون کنديسنده موجود اولان قوت و نفوذی غائب ایتمش اولور . اوندن بشقه اداره عمومی تهلکیه دوشمش بولنه جقدر . بوندن حصوله کله جک نتایج شبهه سز ، پك مضر نتیجه لردن عبارت اوله جقدر . اولیه دکلای ! قطعات عسکریه بر کره دشمن ایله یقیندن یقینه تماس حاصل ایتدکدن صکره ، آنلرک استقامت حرکتلرینی تعدیل ایتک نه قدر زوردر ! . . . بر حرکت عسکریه بی سوق و اداره ایدن

ذاتك هر شیشه مداخله ایتسندن ، حاصل اوله جق کبی ظن ایدیلان
فائده هپ ظاهری برشیدر . بو وجهله حرکت ایدن بر قوماندان
اکال واجراسی بر سکونت مطلقه و بر نیجه مساعیه محتاج اولان
کندی وظیفه سنی اونوده رق مادونلرک یوکلرینی بوش بوشنه کندی
اوزرینه آلمش اولیورکه بوندن بیوک قباحته ده اوله مز ظن ایدرم .
ایشته بونک ایچون دیورمکه ، بر قطعه عسکریه قوماندانی کندی
ترتبات تعرضیه سنی اخذ ایدمجهکی زمان اوپله پک عجله ایتمه ملی ،
بالعکس ، وقتی حسن استعمال ایدرک ، یاپه جفی شیلره دائر کوزل
دوشونملی و کوزل کوزل قرارلر ویرمیدر . بر کره هجوم امرینی
ویردکن صکره ، کندیس برکناره چکلملی . امرک اجراسنی
مادون قوماندانلرینک بدئت ذاتیه لرینه براقلی ویا لکنز آنک حسن
اجراسیله ، مذکور قوماندانلرک کور کورینه حرکت ایدمجهک صورتده
پک ایلری کیتمش اوله ملرینه نظارت ایلمیدر . بنم بر آاز یوقاریده
سزه بر نمونه سنی ویرمش اولدیغم امره آاز چوق یاقلاشه جق صورتده
بر هجوم امری یازیله جفی زمان ، ایشته ایلک اوکجه بر دفعه شوکبی
ملاحظه لری نظر دقت وامعاندن کچورمک لازم کلور .

سوارینک کوندردیکی خبر کلدیکی زمان ، صباحک ساعت (۶)
سندده حرکت ایتمش بولنان پیاده اوجی ، ۳ کیلو متره دن بر آاز بر
مسافه قطع ایتمش اولیور . بناءً علیه خبر کلدیکی زمان تقریباً ساعت
(۶) یی (۳۵) دقیقه کچور کبی برشیدر .

مفرزه قوماندانی دوشونمک ایچون (۵) دقیقه لق بر زمان صرف
ایدمجهک : طوغریسی بوچوق برشی دکلدیر . شوانساده قسم کلی
یا یوروشنه دوام ایدر ویا توقف ایتک ایچون بر امر آلمش اولور .

آتلی ضابطلر ایسه هیچ طوریه رق همان (شاتی یون) خرابه سنده
مفرزه قوماندانه التحاق ایتمش بولنورلر .

امر شو وجهله باشلایه جقدر .

(شاتی یون) خرابه سی

۲ - ۸ - ۸۹ - ۶۰۴۰ کون

دشمن اوزرینه ویریهلجک معلوماتک بروجه آتی پک مفصل
اولسی لازمدر :

تخمیناً ایکی طابور پیاده، بر سواری بلوکی و بر بطریه دن عبارت اولان
دشمن ، بیوک یول اوزرنده (۲۰۴۰۸) راقلی تپه ده موضعه کیرمش و بو
موضع (شارلی) نك جنوب چیقندیسنه قدر امتداد ایلمش بولنیور . اوندن
بشقه دشمن طوتدینی موضعی تقویه ایدرک ، بطریه سنی (۲۰۴۰۸) راقلی
تپه ده، سواری بلوکنی ایسه (فانی) اورمانده یرلشدیرمشدر .

غرب فرقه سنده کلنجه ، مفروزه حرکت باشلادینی آندن اعتباراً
اوکا دائر هیچ بر حوادث یوقدر . بناءً علیه بزمده بوراده اوندن
بحث ایتمه مزه هیچ حاجت کورلنز .

مفرزه قوماندانک قراری ، آزرکله لر ایله افاده واجمال اولنه -
جقدر . تفصیلات سائر بوندن صکره کله جک اولان ماده لرده ذکر
ایدیله جکدر .

مفرزه قوماندانک قراری ایشته شودر :

مفرزه ، صول جناحنی احاطه ایدرکدن دشمن اوزرینه هجوم ایده جکدر .
بوراده کی (احاطه) تعیری اويله بر ترتیبات کوستریورکه ، اقسام
عسکریه دن هیچ بریسی مفروزه قوماندانک نظری خارجه چیقمش
اوله میه جقدر . یعنی احاطه حرکتی یاییله جفندن طولایی اقسام
عسکریه نك کافه سی آنک کوزی اوکنده بولنه جق و او صورتله محاربه

ایده جکلردر . لکن اگر امرده (احاطه) یرینه (چویرمک)
تعییری قوللانلمش اولسیدی ، بعض حرکات اصل محاربه منطقه -
سنگ بر آرز خارجه چیقرق او حرکاتی تعقیب ایتمک ایچون ایسه
بعض اقسام عسکریه یی آیرمق لازم کله جکلدی که ، بو خصوصی شبهه سز ،
حرکاتک هیئت عمومیه سنی اداره ایتمکی یا اضرار ایده جک ویا خود
بستون آردن قالدیرمحق ایدی . یعنی چویرمه حرکتیه مأمور
قطعات آرز ویا چوق مفرزه قوماندانک اداره سندن چیقمقله حرکات
عمومیه نک بر الدن سوق واداره سنه یا خلل کله جک ویا خود سوق
واداره خصوصی ایکی به انقسام ایتمش اوله جق ایدی . بناءً علیه
تعرض حرکتی اجرا ایدن عادی بر مفرزه صورت عمومیه ده ، یالکز
احاطه حرکتلری یانه بیلور . چویرمه حرکتلری یایمق اکثریا اونک
ایشنه گلز ویا اک طوغریسی الدن گلز .

مفرزه قوماندانی ، بتون قطعات عسکریه سیله بر لکده هجوم ایتمک
قراړنی ویردیککی آندن اعتبار آپیشدار آرتق امنیت خدماتیله اوغراشمقندن
واز کچر .

مادون قوماندانلرک ، اصل مفرزه قوماندانه قرشو وضعیتلری
آپ آشکاره اولمق یعنی اولنر شبهه دن وارسته بر صورتده ایشلرینه
باشلامش بولنمق ایچون هجومه دائر ویریلان قرارده ذره قدر شبهه
اولماق لازم کلور . پیشدارک وظیفه سی بر ، ایلری یوروشی ستر
ایتمک ، برده بعض مستثنا حاللرده عددجه کندیسندن پک آزا اولان
بر دشمنی تک باشنه پورسکورتمکدن عبارتدر .

لکن ، مفرزه کاملاً خط حرب آچمش اولدینی آندن اعتباراً
پیشدار کندی خصوصی وظیفه سنی اجرا ایتمش صاییلور و آرتق

آنک ده مختلف اقسام عسکریه سی منسوب اولدقلری جزء تام یاننده
یرلشهرک هبسی برالدن هجوم ایتکه چالیشورلر . محاربه ده ، مادون
قوماندانلرک درجه مربوطیتلرینی ایوجه تقدیر ایتک پک مهم بر
شیدر .

بناءً علیه ، یازدیفکنز هجوم امرنده ، قسم کلی ایش باشنه کچدیکی
آندن اعتباراً پیشدارک آرتق رفع ایدلمش اولدیغی سویلمکی اصلا
اونوتمیکنز .

ایلك اول ایشه باشلایه جق طوبیحیدر . بن شمیدی سزه اونک
تعلیمنامه سنه دائر برسوری ماده لر درخاطر ایتدیره جکم . بوشمیدی
حالد طوبیچینک وظیفه سنه دائر ایودن ایویه بر فکر ایدنک ایسترسه .
کز ، هیچ اوشنمیکنز ، مذکور ماده لری برر کره دها کوزدن
کچوریکنز ! بونصیحترم ، شهسز ، اک زیاده طوبیچینک غیری اولان
ضابطلره عائددر .

ایکی ویا دها زیاده بطریه لر ، طابور حالده محاربه ایدرلر . اگر
سز پیشداره بر بطریه ویرمش ایدیسه کز ، مفرزه قوماندانی بتون
قوتیه دشمن اوزرینه هجومه قرار ویردیکی آندن اعتباراً ، مذکور
بطریه آرتق پیشدار قوماندانی الندن جیمش اوله جقدر . بر مفرزه .
نک طوبیچینسی پارچه لر بولمه مک ایچون دیکر بر سبب دها وار . بر مفرزه نک ده
طوبیچینسی اصولاً جزئی بر شیدر . بناءً علیه آنک آتشنندن ایی بر
تأثیر کورمک استیلورسه مطلق آتی مجتمع بر حالده بولندرمق وبتون
آتشلرینی یالکنز بر نقطه اوزرینه سوق ایلکم لازمدر . حاصلی
مفرزه قوماندانی ویردیکی هجوم امرینی بطریه لرک تک تک حرکت
ایتملرینی منع ایده جک صورتده ترتیب ایده بیلور .

فی الحقیقه مفرزه قوماندانی الی آلتنده موجود اولان بتون قوای عسکریه بی، مقصد الیه ایدیهلک صورتده متحداً قوللانمغه مجبوردر. طاغلق حرکتلر اونک هیچ بر زمان مقصدینی تأمین ایدمهز. بناءً علیه طوبچی قوماندانی، مفرزه قوماندانی طرفندن قطعی واساسلی امرلر آله جقدرکه بو امرلر محاربه نك مختلف صفحه لرنده بطریه لرك هانکی نقطه لر اوزرینه آتشلرینی توجیه وتوحید ایدمه جکلرینی کوستره جکدر.

زیرا، طوبچی طرفندن محاربه ده کوریهلک وظیفه نك اصل واساسنی قطعی بر صورتده بیلان یالکمز اودر. بطریه لره ویریلان امرلر، اصولاً طوبچی طابوری قوماندانه کوندریلورلر. بو طابور قوماندانی، جزء تاملردن هر بریسنه اشغال ایدیهلک یری، دوکیله جک هدفی، برده آتشلرک جنسیله شدتی سویلر.

مومی ایه، هیچ اولمزسه امرده ذکر ایدلمه مش اولان بعض جهتلردن طولایی، دائماً مفرزه قومانداننک فکر ومرامنه وقوف پیدا ایتمهک چالیشه جقدر. برده بطریه قوماندانلری باخصوص انداختک حصوله کتوردیکی نتایج ایه اوغراشدقلری ائنده او، محاربه نك اصول جریانی تعقیب ایلمه جکدر. بطریه قوماندانلری، یالکمز احترازی غیرممکن برتهلکه اوکنده قالدقلری زمان کندیلمکلرندن هدف دیکشدره بیلورلر. طوبچی طابور قوماندانه کلنجه، او، وضعیت آب آنسزین دکشیدیکی زمان، آلدینی امرلرک خارجنه چیقمغه وکندیلمکندن ایش کورمهک پک اعلا مآذوندروحتی مجبوردر. مع هذا، احوال طوبچینک بردن بره ایلرو کیتمنی ایجاب ایتدک

طابور قوماندانی ده مفرزه قوماندانندن بر امر کله دن طوبجی موضعی دکشیدر مش اوله مز .

لکن دیدیکمز کبی اگر ، طوبجینک حسب الایجاب ایلر و کیتمی قطعاً لازم کلورسه ، طابور قوماندانی در حال موضعی دکشیدرر و بو خصوصده مفرزه قوماندانه او آنده ده معلومات ویرر . سائر حالدرده ایسه ، طابو رقوماندانی طوبجی موضعنک دکشیدرلمسی موافق اولدیغی حس ایتدیکي زمان ایلک اوکجه مفرزه قومانداننک او خصوصده نظر دقتی جلب ایده جک و آندن صکره یعنی کندیسنه مأذونیت ویریلورسه موضع دکشیدره جکدر . ده کوزل بر تأثیر حاصل ایتک و یا دشمن آتشدن ده کوزل محفوظ قالمقدن بشقه هیچ بر مقصده بناء یا لملیان اوفاجق یر دکشدرمه خصوصنی تبدیل موضع کبی تلقی ایتمه ملیدر . او درلو ، اوفاق تفک تبدیل محللر دائماً وقوعه کلش و هر زمان وقوعه کله جکدر .

تعرضده آمپلاسمانلرک انتخابی خصوصنده طوبجی طابور قوماندانی ایجه سربست بولند بر مق ایچون مفرزه قوماندانی اوکا یا لکز برنجی طوبجی موضعی سویلمکله اکتفا ایدرک اوندن صکره طوبجی قوماندانی درت نعل ایله کوستریلان یره کیدر واورته لئی بعد الاستکشاف هر بطریه نک بولنه جمی یری برر ، برر کندیسی تعیین ایلمش بولنور . طوبجی قوماندانی شو دیدیکمز وجهله موضعه ایلر ولدیکی ائساده ، بطریه یوزباشیلری ده بلوکلرینی قدملی ملازملره ترک ایدرک اونکله برابر برلکده ایلری کیدر لر .

بطریه لرک آمپلاسمانلرینی تعیین ایتک ایچون طویلر بر صرت کریسنده طوبار لاقردن آیرلدقن صکره ، آتش خطنه کیرمش

اولنجه يه قدر اولنرك اوموز قوتيله ده ايجه ايلري كتورملري ، لازم كلديكني درخاطر ايديكز .

ديرك انداخت ، انديرهك انداختله دئما ترجيح اولنور . بو بريكلر ، اراضينك حالي ويا محاربه نك كيديشي برنجيسي قوللانمغه مساعد اولمديني زمان يعني مستثنا حالرده قوللانيلورلر .

مستور بر محل ، ثابت بر هدف اوزرينه انديرهك انداخت اجرا ايتمه مانع دكلدر ؛ لکن آتش آجه بيلمش اولقايچون بعض تداركات يايقم لازم كلور . اوندن بشقه بوانداختك تنظيمي ده اپي اوزون بر زمانه محتاجدر .

حال بوكه ، محاربه ايتمه مجبوريت كورمش اولان برمفرزه قوماندانك بوشنه صرف ايده جك پك چوق زماني يوقدر . برده مفرزه قومانداني بلكه دئما پك متحرك بر دشمنله محاربه ايده جكندن ، دئما هدف دكيشديرمه حاضر بر حالده بولنمغه مجبوردر .

انديرك انداختي ايسه بو خصوصده هيچ الويريشلي برانداخت دكلدر . گرچه بعض احوال استثنائيه ده بوجنس انداختك ده مشكلاتنه بيون بوكمه لزوم كوريلور . لکن بوده آنحق اوندن بشقه درلو حركت ايتك قابل اولمديني زمانلرده اوله بيلور . دها كوزل مستور محللردن استفادة ايتك بهانه سيله انداخت خصوصي كوجلشديرمك اسلا جائز دكلدر . اولآ آتشك تأثيريني كوزتمك ، صكره تستري دوشونمك لازمدر ! كرك طوماسز باروته وكرك انديرهك انداختلرده نشان آلمق ايچون ايجاد اولنان آلتلره رغماً بومثال ينه دئما ناطق حقيقتدر .

مفرزه قومانداني طرفدن انتخاب ايدلمش اولان برنجي طويجي

موضنك اصل وظیفه سی ، محاربه نك حرکات ابتدائیه سی کشاد
ایلمکدر . بو موضع صورت عمومی ده دشمن طوبچیستندن ۱۸۰۰
متره دن زیاده اوزاق بولنور . لکن محاربه نك جریان اثناسنده ،
طوبچی بی بر آزد هاقلاش دیرمش اولق ایچون برتبدیل موضعه لزوم
واردر . شور بنجی موضعی بولق ایچون باق سز نصل حرکت
ایده جکسکز : دشمنك طوبچی موضعی سز جه معلومدر ، دکلی ؟
یکی مادام که او یله دره ، اوموضع مرکز اولق اوزره بردفعه (۱۸۰۰)
متره ، بردفعه ده (۲۵۰۰) متره نصف قطریله برر قوس دائره چیزیکز ؛
ایستدیککز موضع ، ایشته بوا یکی قوس دائره بیننده در . سز آنجق
احوال اکر فوق العاده مساعد اولدینی ویا اراضینك شکل وطیعی
او یله ایجاب ایستدیککی زمان (۲۵۰۰) متره نك فوقنده بر موضع آراسکز .
(۲۵۰۰) متره دن زیاده مسافه لرده مریکز هدفك اوکنده می ،
یوقسه کر یسنده می باطلادیغنی تفریق ایلمك و بناءً علیه ارتفاعاً نشان
تصحیحاتی ممکن مرتبه ابو بر صورتده اجرا ایتك چوق زور در .
او یله ایسه آتش تأثرینك برنجی شرطی انداختك کوزل تنظیم ایدلمش
اولسیدر . بناءً علیه ، انتخاب ایدلمش اولان موضعی کمال دقتله بر معاینه
ایدیکز ، باقیکز عجا بوانداخت تنظیمی : تپلر ، بانچه لر ، بوستانلر ،
چیتلر و آغاج صره لرینك یابدینی کبی ، مریلرک باطلامسندن حصوله
کله طومانی بللی ایتدر میه جك بعض پرده لر ویا سپرلر ایله بر سخته یه
اوغرامشیدر ، دکلیدر ؟

طومانسز باروت استعمالی خصملردن هریکیسی ایچون انداخت
تنظیمی تسهیل ایدر . زیرا ، بطریقه قوماندانلری اجرا ایتدکلری
رسداتده ، کرک کندی و کرک دشمن طوبلرینك حصوله کتوردکلری

طومانان تەجىز ايدىلش بولغىورلر . اكر مدافعه طوبچىسى ، كوزل بىر موضع طوتىش ايسه ، سز آنى اصلا كورمىه جكسكز ، حتى كوزل دورىنكز بيله دائما هر طوپك باطلادىنى آندهكى علونى تفریق ايتىش اوله مىه جقدر . مفرزه قوماندانى هر حالده ، هجومده پك اوزاقدن آتش آچدرمش اولمقدن چكىنملى وسكونتلىنه خلل كتورمك صورتده ، طوبچى عسكردن پك اوقدر بيوك بر سرعت ايتىمه مليدر . زىرا شويله بر محاربهده طوبچىنك بيوك بر سكونت ايچنده بولمى پك لازمدر .

بزم شو مسئله مزده ، اشغالى مناسب اولان برنجى موضع (شى يول) ك غربنده ، بيوك يوللرك همان همان شرقندهكى تپه در . بوراده موضع آلنجه بر كره طوبچى اك كوزل برانمىت ايچنده بولمىش اولور . زىرا ، او هجوم اصلى ايله ، ايكنجى درجه هجومى آرمىنده بولنه جق واونلرك هر ايكلىسهنده ياردم ايتىش اوله جقدر .

بر بطريه كزى پيشداره ويرمىش اولديغى كزى وامر كزى يازدرم قله مشغول بولنديغى كزى صرمدده ايسه دشمنك پيشدار اوزرىنه آتش آچديغى فرض ايدم . اوندن بشقه ، پيشدار قوماندانى كندى بطريه سنه (شى يول) ك غربندهكى تپه نك جنوب قسمنده موضع آلمق ايچون امر ويرمىش اولديغى ده فرض ايدم . شو حالده قسم كلى بطريه سى ، پيشدار بطريه سندن بر آز ايلريده بر قدمه تشكيل ايدم جكدر .

بناءً عليه مذكور بطريه صرتمك قسم شماليسى كريسنده [بيوك خريطه ده (صولداتن) ك شمالنده] موضع آله جقدر . مفرزه قوماندانى شو خصوصده او كا امر ويرمكه لزوم كورمز ، بالعكس ، يالكز (شى يول) ك

غریبده کی تپه یی اشغال ایتمسی سویلر، بوندن اوته سنی یایمق طوبجی
طابور قوماندانك وظیفه سیدر. خصمك یالکز بر بطریه سی اولدینی
آکلاشلدی؛ بناءً علیه پیشدار بطریه سنی اوکا مقابل حرکت ایستدر مکده
ذره قدر شبه کز اولسون. لکن، اگر دشمنك ایکی ویا دها زیاده
بطریه سی کورلسیدی، اوزمان آتش آچزدن اول بر کره قسم کلیده کی
بطریه نك ده کلمسی بکلمك لازم کلوردی.

اگر پیشدارده بطریه یوق ایسه، اووقت دشن اوزرینه بر باصقین
تأثیری حاصل ایده بیلیمك ایچون بطریه لرک ایکیسی ده بر آنده مستور
بر محلك کریسنده موضعه کیرمش اوله جقلردی. (شی یول) ك
غریبده کی تپه شو تأثیرك حصولی تأمین ایده جك بر یردر. دشمن
نظرندن مصون اوله رق بطریه لره ایلك اوکجه بر حاضرلق تشکیلاتی
ویرمك ایجاب ایدوب ایتمدیکی مسئله سنه کلنجه بو خصوص، دشمنك
اقدارینه، اك چوق ده طوبجیسنك حال وشانه تابعدر. شمیدیلک
یالکز سنك نظر دقتکزی شو نقطه اوزرینه جلب ایتمك بکا کفایت
ایدر. ایلك حمله ده دشمن طوبجیسنه فائق بر طوبجی ایله ایشه
کیریشمك و آنی طوبلی بر صورتده قوللامق مهم بر شی اولدیغندن، بنجه
پیشدارده بولان منفرد بر بطریه نك تك باشنه آتش آچامسی ده
زیاده آرزو ایدیله جك حاللردندر. یازیق که، عملیاتده هر زمان
شو قاعده نك احکامنه رعایت اولنه میور. هر حالده شو بزم مسئله ده
طوبجی طابور قوماندانی، مفرزه قوماندانی کندی امریخی یازدر دینی
آندن اعتباراً ایکی بطریه نك قوماندانلغی درعهده ایدر وجب خانه نك
تجدید واکمالی خصوصنی تأمین ایلر.

هر بطریقه نك برنجی قدمه سی کندیسيله برابر ایورور . **بهر قدمه**
طابور قوماندانك اشعاری اوزرینه ، صرتك آرقه سنده طوپلرك
جناحاری کریسنده کندیسی کیزمك ایچون مستور محللر بولور .
بیلورسکزکه ، دشمن موضعی تحکیم ایدلشدور ؛ بناءً علیه ، برآن اول
اونك مستور یرلرینی دانه لر ایله تخریب ایتمکه چالشمق پك فائده لیدر .
طابور قوماندانك امریله بطریقه احتیاطلری ، موقه (شاتی یون)
خرابه سی یاننده یول کنارنده توقف ایدم بیلورلر . دها صکره اونلر ،
محاربہ ایتمکه اولان بطریقه لره (۶۰۰) متره قدر یاقلاشدیر بیلورلر .
لکن بو ائسانسده یول اوزرنده نقلیاتك قبادلش اولمامه سنه دقت ایتمك
لازمدر .

طوپچی غوغاسی ، قطعی بر غوغا اولق ایچون ، پیاده ایلریدن
نزومی قدر اراضی قازاندقدن صکره بطریقه لری براز دها ایلرولتمك
ایجاب ایلر .

مثلا بوراده بطریقه لری (روپینی) نك غربنده کی صرته (دشمندن
۱۳۰۰ متره اوزاق) ایلرولتمك پك اعلا ممکن اولور . قدمه طرزنده
اجرا ایدیله جك اولان بو تبدیل موضع خصوصی ، دها صکره
یایله جق شیلردن اولدینی ایچون برنجی امرده اوندن بحث ایتمکه
هیچده لزوم کورلمز . آتشجه دشمنه تفوق خصوصنی تأمین ایتمك
ایچون ، اگر دشمن طوپچیسی کندیسینی بللی ایتش ایسه ، بری
طرف طوپچیسنك آتی برنجی درجه هدف اتخاذایلمسی قاعده دندر .
باخصوص بزم مسئله ده ، دشمن بطریقه لرینك آتشی پیشدار
ویا قسم کلی پیاده سندن ایچون کوریلان اهمیتدن طولانی
طوپچیمزك ، مذکور بطریقه لری ایلك هدف اتخاذا ایتسی دها اوقدر

زیاده معقول برشیدر . بناءً علیه طویچی به ویریله جک امر ، شویله یازیله جقدر :

۱۵ نجی صحرا طویچی آلائیك برنجی طاووری (۳ نجی بطریه اكسیك) ، (شی بول) ك غربنده کی تپده یرلشه جک ودشمن بطریه سی اوزرینه آتش ایده جکدر .

محاربه امری کلهجه به قدر ، پیشدار پیاده سی یالکز قسم کلی یی حافظه ایتك ایچون قطعاً لزوم کوریلان بعض اقسام عسکریه سی محاربه به باشلا تمشدر . پیشدار ، ایلک اوکجه ، (شی بول) ك غربنده کی تپده یاییله رق ، صکره ، طویچی به استنادلک ایتك اوزره اول امرده مدافعه جه اشغال ایلیمك ایستدیککی ، (روینی) ك غربنده کی صرته قدر ایلرولمشدر .

(روینی) به قدر کلك ایچون ، قسم کلینك قول باشی (۳) کیلو مژده دن زیاده برمسافه یی ترلار ایچنده قطع ایده جکدر . بناءً علیه شوندن آکلانیلورکه ، قسم کلی پیاده سی محاربه به طوتشمش اولنجه به قدر آره دن اپی برزمان کچه جکدر . بو آنه قدر ایسه ، پیشدار هجوم اصلی باشلامزدن اول ، دشمن طرفدن محو و پریشان ایدلمش اولماق ایچون ، احتیاطی طاوورانه جقدر . بناءً علیه ، مفرزه قوماندانك ترتیبانه برسوی تأثیر کوستره مك ایچون پیشدار مفرزه سی باشلادینی محاربه ده اعتدالی کوزتمکک مجبوردر .

پیشدار ، مفرزه امری آلدینی زمان ، پیاده سی (روینی) ك غربنده کی صرتی الده ایتکک وهجوم اصلی باشلامش اولنجه به قدر اورادن آیرلماغه چالیشه جقدر . بو آندن اعتباراً ، اسکی پیشدار قوماندانی اولان ذات ، یکی بروظیفه باشنه کچه جک ومثلاً دشمنی جههدن اشغال ایتك یعنی خصم احتیاطلرندن بیوک برقسمنی تهدید

ایدلش جناح اوزرینه کوندر لمکدن صرف نظر ایتدیره رک بالعکس کندی اوزرینه جلب ایتک مقصدینی حائر اولان ایکنجی درجه هجومی سوق واداره ایدلمک کبی بروطفه نک ایفاسنه مأمور اوله جقدر. کوچک برمفرزه نک حرکت ایدلمک اراضی دشمن طرفدن ثمامیله کوریه جک درجه ده کوچک اوله جفندن آنک بتون احتیاطلرینی ایکنجی درجه هجومکز علینه جلب ایتش بولنه جفکزه اینانمیکز .

لکن ، ایکنجی درجه هجوم طرفدن تعقیب ایدیلان مقصد پک اعلا کوستریورکه ، جبهه محاربه سی دیدیکمز شی اوپله عادی برنمایشدن عبارت اوله جق دکل ، بالعکس ، اونک ده بلکه هجوم اصلی قدر برشدت ایله سوق واداره ایدلمک لازم کله جکنی اصلا خاطر دن چیقارمیکز . فی الحقیقه ایکنجی درجه هجوم یالکز برنقطه نظر دن هجوم اصلیدن فرق ایدر : یعنی مذکور هجوم اک صکره بر ایلری آتلمقله نهایت بولمز ، بلکه اکثریا دشمنی یزنده طوتمق وکندیسی ده ایجه اوزاقده (۴۰۰ : ۶۰۰) متره قالمق ایله اکتفا ایدر . بو هجومه مأمور اولان قطعات دیدیکمز مسافده یه یاتمش بولنورلر . واکر موجودلری درجه کافیه ده ایسه ، مدافعین اوزرینه آتشجه تفوق حاصل ایتمه چالیشورلر . هر حاله بو ایکنجی درجه هجومی یاپان قطعات عسکریه ، هجوم اصلی نک ایلری آتلمسنی شدتلی وکشیف بر آتش ایله تأییده غیرت ایدرلر .

بناءً علییه ایکنجی درجه هجومک ، هجوم اصلی قدر عمیق تشکیلاتی اولمسنه هیچ لزوم یوقدر . بالعکس ، مذکور هجومک صوکنده مادامکه دشمنه بوغاز بوغاز کلک ایچون ایلری آتلمه حرکتی اجرا ایدلمیه جک ، اوپله ایسه اوراده قطعات عسکریه نک هجوم اصلیده کی تربیات

عميقه مالک اولمقدن زياده جهه سی امتدادينک چوق اولمسنه باقيلور.
بناءً عليه نشانجی طاہوری ، کندی تعرض حرکتده ، (شارلی)
ایله بیوک یول آره سنده (۴۰۰) متره قدر بر جهه اوزرنده یابلمش
اوله بیله جکدر . بو مسافه ، هجوم اصلی ده بر طاہور جهه سنک
طوتدینی مسافه نك همان ایکی مثلی کبی برشیدر . لکن ، ویره جککنز
امر ، ینه ایکنجی درجه هجومک جریان ایده جکی منطقه یی پک کوزل
تحدید ایلیه جک بر صورتده ویرلش اوله جقدر . ایکنجی درجه هجومه
عائد ماده کنز ایشته بویله ترتیب ایدیه جکدر :

(۱۱) نجی نشانجی طاہوری ، ایلك اوکجه (روپنی) نك غریبنده کی
صرتی طوته جق ، صکره ، هجوم اصلی یی حمایه ایتمک ایچون (میچ) - (آنیللی)
یولنک شرقه طوغری ایلرولیه جکدر .

اگر بر آرز صکره ، اراضی قازانمق ایچون بعض کوچک اقسام
عسکریه (میچ) - (آنیللی) یولنک غربنه طوغری ایلرولمکه
مجبوریت کوره جک اولورلرسه ، طاہورک قسم کلیسی ، مذکور یولک
شرق طرفده هجوم اصلی ایله ینه ارتباطی محافظه ایلیه جکدر .
نشانجی طاہورینک یابلمسنه دائر تفصیلاتی و هجوم اصلی یی حمایه ایتمک
ایچون آله جق ترتیباتی سویلمک هپ طاہور قومانداننک وظیفه .
سیدر . ذاتاً مذکور ترتیباتی شمیددن ده کوسترمک ممکن اوله مز .
زیرا ، دشمنک طور و حرکتی دائماً نظر دفته آله جق برشیدر .
حال بوکه شو خصوصی ایودن ایویه تقدیر ایتمک آنجق ایش محالده
اوله بیلور .

لکن هر حالده ، هجوم اصلینک صوک زمانه قدر آتش ایله حمایه
ایدلمش اولمسی پک مهمدر . طوینجی هیج بر زمان شو مطلوبی صوکنه

قدر اجرا واسعاف ایده من. زیرا، صوك زمانلرده مخاصمین بر برینه اودرجه یا قلا شمش بولئورلرکه دوست ایله دشمن کیم اولدیغنی تفریق ایتک طریجی ایچون اصلا ممکن اوله من. با خصوص باروت طومانلریله هر ایکی طرف عسکرلرینی ینه بر درجه یه قدر تفریق ایتک ممکن ایکن ایلریده یعنی طومانسز باروتلی مصادمه لرده آرتق او خصوص ده امکناک خارجه حقیقه جنی ایچون طویجینک صوك زمانه قدر هجوم اصلی یی آتش ایله حمایه ایده بیامسی ده اوقدر زیاده غیر قابل اوله بقدر.

بناءً علیه، ایکنجی درجه هجومه مأمور قطعات عسکریه نك وظیفه سی اکثریا، یره یا تمش اوله رق طور مق و هجوم اصلی یه مأمور قطعات عسکریه یی کندی آتشریله حمایه یه چالیشمقدن عبارت بولانه بقدر.

شمدی بیلنه جک برشی ده اقالورکه، اوده عجباً عمایانده ایکنجی درجه هجومه مأمور قطعات عسکریه ایچون لازم کلان ترتیباتک انتخابی هر زمان قطعات مذکوره قوماندانه سی برامق ایجاب ایدر؟ ایسته بوراسیدر. بو خصوص دیدیکمز وظیفه یه تعیین ایدیله جک اولان قوماندانک قیمت شخصیه سیله اخلاقه تابعدر.

هجوم اصلی یی اجرا ایتک واحتیاطی آیرمق ایچون، المزده ده (۶۷) پیاده آلاینک (۳) طابوری وارددر. هجوم اصلی الدن کلا دیکی قدر قونلی بر صورتده تشکیل ایدلمس اولمیلیدر. بناءً علیه یالکمز بر قوماندانک اداره سنه ویریلدجک اولان ایکی طابوری هجوم اصلی یه تعیین ایدر سکز. کری یه قالان اوچنجی طابور ایسه احتیاط کز اولور. موخرأ یواش، یواش تقویه ایتک اوزره ایلک اوکجه هجوم اصلی یه

آزقوت ویرمک بیوک برخطا صاییلور. کرچک اگر او یا یا ییلورسه
 بوندن بر چوق محذورلر چیقار: اولاً، عسکرک انشراح قلبی
 کیدر؛ ثانیاً عددجه دشمنه تفوق حاصل ایدلر. اوندن بشقه شاید بر مغلوبیت
 وقوعه کلورسه بویالکز نافله یره ضایعاته سببیت ویرمک دکل، عسکرک
 قوه مغنویه سنی یرندن صارصمق کبی فنا، فنا تأثیرلر کوستره جکدر.
 هجوم اصلی یره ویریله جک هدف، دیکر قوماندانلرجه و باخصوص طوبجی
 قوماندانی طرفندن تمامله بللی اولمیدر. زیرا بو هجوم بر کره دشمن
 طوبجیسی اسکات ایدلدکن صکره ایجه بر زمان طوبجی آتشله احضار
 ایدیله جکدر. هجوم اصلی بی اداره ایدله جک اولان قوماندانک النی
 آياغنی یا غلاماق ایچون مذکور هجومک محور الحركاتی آنجق تخمین
 بر صورتده کوستریله جکدر. سائر تدابیر اجراییه هپ آنک قوماندانی
 طرفندن اتخاذ اولنه جقدر.

بو قوماندانک وظیفه سی، ایشه باشلار باشلامز تکرار کندیسنه
 بر برنی متعاقب امرلر ویرمکه حاجت قالمیه جق صورتده اولجه ده
 پک آجیق و صاغلام بر یولده کوسترلمیدر. هجوم اصلیده کی جرکاته
 یکی یکی امرلر ویره رک مداخله ایتک هوسی، کندی یا به جفی شیئی
 بشقه لرینه یابدردیغنی کورمک ایستیان بر قوماندانده پک چوقدر.

مع هذا، بر سبب مجبر اولدقجه او کی مداخله لرده بولنق
 پک دهشتلی خطا لردن صاییلور. کرچک، بو وجهله یاپلدیغنی زمان،
 هجومک وسائط اجراییه سی اولانلرک اعصاب غیرتی کیو شتمک
 تهلکه سی اولدقدن بشقه، شو بزم مسئله ده، اک مهم بر وظیفه بی
 تعقیب ایلیان ایکی طابور آره سنه قاریشقلق تخمی اکمک تهلکه سنه
 معروض اولمقده واردر. او یله ایسه بوراده هجوم اصلی بی اجرا

ایده جک طابورلره یالکز (شی یول) و (روپینی) اوزرینه توجه ایلیه جککرینی سویلمک کفایت ایدر.

لکن، (شی یول) ک غربنده کی صرت اوزرنده بزم بطریه لریمز دشمن طویچی آتشنه هدف اولدقلری ایچون، هجوم اصلی، نافله یره ضایعاتدن چکنمک مقصدیله ممکن مرتبه سرعتله یولدن آیرلق و چارلقدن برآزدها شرقه کچمک خصوصنه غیرت ایده جککدر. زیرا، شمیدیکی زمان طویچیسنک نفوذ و اقتداری معلوم اولدیغندن بطریه لک جنوبنده کی اراضی کاملاً دشمن مرملری ایله قاپلانمش اوله جقدر.

چوق زمان دشمن مرملرینه معروض قالماق ایچون، هجوم اصلی یه مأمور اولان قطعات (شاتی یون) خرابه سنک جنوبنده خان خداسنده بیوک یولدن چیقه جققلر و (غریمون) اورمانی اوزرینه توجه ایلیه جککدر. بو حرکتی اجرا ایتک ایچون، طابورلر، دشمن مرملرندن قورقدقلری مدتیجه، قول نظاملرندن بریسیله وازجمله چفت قول ویا کنیش قول نظامیله حرکت ایدرلر. بناء علیه امر شو وجهله یازلمش اوله جقدر:

(۱۱) نجی نشانجی طابوری، ایلک اوکجه (روپینی) نک غربنده کی صرتی طوته جق، صکره هجوم اصلی یه حمایه ایتک ایچون (مچ) - (آنتیلی) یولنک شرقنه طوغری ایلولیه جککدر.

هجوم اصلی، ییکباشی ک. . . اداره سنده اولق اوزره (۶۷) نجی پیاده آلاینک برنجی و ۳ نجی طابورلری طرفندن (شارلی) نک جنوب شرقی چیقیندیسی غلینه اجرا ایدیله جککدر. بوا یکی طابور درحال یولدن آیریله رق (غریمون) اورمانی اوزرینه یوری یه جککدر، بعده (شی یول) و (روپینی) استقامتی طوته جققلدر.

مذکور طابورلری نه زمان ونصل قوللانمق لازم کله جگنی
بیکباشی ك .. تعیین ایلیه جکدر .

هر نوع یا کله شلقدن چکنمک ایچون ، طابورلرکری حرکت
ایتدیرمزدن اول ، یورویش امریکزه دقتایچه برکوز کزدیرمکی
اونوتیمیکز . بوراده ایکنجی طابور کزیده اولدینی ایچون طبعی
احتیاطی او تشکیل ایده جکدر .

شمدی ده سزك نظر دقتکزی بشقه بر نقطه اوزرینه جلب
ایده جکم . بزم تعقیب ایلدی کمز مسئله ده ، هجوم اصلی پک ارکندن
یولی ترك ایتمه و پیشداردن آیرلمغه مجبوردر . بورحال اسثنائیدر .
مفرزه قوماندانی هجوم ایچون قرارینی ویردکن صکره بیله ،
قسم کلینک دها ایجه زمان یول اوزرنده قالدینی ویا لکز مستور
محللر اولما مقندن طولای آنی ترك ایتدیکی اکثریا وقوعه کلور .
یا بلمه حرکاتی نه قدر کچ باشلار ویول اوزرنده نه قدر زیاده قالنورسه ،
هجوم دها اوقدر زیاده تعجیل ایدیلور ویولنده کیدر .
قطعات عسکریه برکره ترلاره کیرنجه یورویش آرتق آغراشمغه
باشلار .

باخصوص اراضینک تشکل طبعینی ده اعوجاجلی ایسه ، اوزمان
قطعات عسکریه نك یورویشنده پک زورلق چکیلور . دشمنک طویجی
آتشی تأثیرینی آزالتمق ایچون قطعات عسکریه یی ایکیده برکاه
صاغه وکاه صوله آلمق لازم کلور . بناءً علیه یول قولنک هجوم
اصلی وایکنجی درجه هجومی قوللرینه آیرلمسنى صوك زمانه قدر
تأخیر ایلنک ایجاب ایدر . مثلاً فرقه کبی بیوک بر جزء تام ، کاملاً
یا بلمش بر دشمنه راست کلدیکی زمان ، درحال تعرضه کچمک نیتده

دکلسه ، اووقت ، هجوم امری ویرمزدن اول ، بر یایلمه امری ویرمک قابلدرد . لکن کوچک مفرزه لر ایچون بو خصوص پک نادرا ایجاب ایلمکده در . مثلاً بر طابورک یایلمسی پک آز بر زمان ایچنده اکمل ایدیلور ؛ اونک ایچون آرتق اوافق تفک مفرزه لره هجوم امرندن اول ، برده یایلمه امری ویرمکه اکثریا لزوم یوقدر ، دیورم .

برده یانه طوغری وقوعه کله جک یایلمه لره اکثریا وقت ضایع ایتک ایچون بر سبب اولدقلرینی اونوتمایدر ؛ باخصوص بر تصادفی محاربه ده شوجهتی ده ا زیاده نظر دفته آلمایدرد . بناءً علیه بن ویره جکم یایلمه امرنده ، هجوم اصلی قطع اتندن بحث ایتکدن صرنظر ایدیلورم . بالعکس اونی مذکور قطعاتک قوماندانه بر اقیورم ؛ مع هذا هر حال خصوصیده ، هجوم امرینک ، بر یایلمه امریه تقدم ایدلمش اولمسی لازم کلوب کلدیکنی سزه صور مق ایجاب ایدیلور .

استحکام بلوکی قوماندانی ، کندی قطعه سیچون بر ایش کوسترلش اولنجه یه قدر هب مفرزه قوماندانیله برابر حرکت ایدرد . اگر هجوم قطعاتنک کریسنده بعض خطوط اتصالیه یی آچق ویا یکیدن یا بمق کبی ایشلر یوق ایسه ، استحکام بلوکانک مصادمه زماننده یری احتیاط یاننده در . کرچه استحکام نفرلری پیاده لر کبی محاربه ایده بیلور لر سه ده اونلرک اصل وظیفه سی ، شمديکی مسئله ده اولدینی کبی محاربه نک جریانی تسهیل ایده جک بعض عملیات یا تمقدن عبارتدر .

بوراده خطوط اتصالیه نک عددینی تزید ایلیمک ایچون (شی یول) دن (مالوری) یه کیدن یولک شمالنده کی دره ده بر چوق کوپر یجکلرک تأسیس اولنسی پک الزمدر . (شارلی) یه هجوم ایدلدیکی آنده ، مدخللری

آچق ، قبولی قیرمق و سائرہ کبی ایشلر ایچون استحکام بلوکنک
ینه بیوک بیوک معاونتلی اوله جقدر .

بیوک بر جزء تام ایچون محاربه ترتیباتی اخذ ایدلدیکی وقت ،
صورت عمومی ده احتیاط عسکرینک طورہ جنی یرکوستریلور . بر مفرزه یه
کلنجه ، بوراده بالعکس ، پک نادرآ احتیاط ایچون یرتعین ایدیلور .
چونکہ کوچک ، مفرزه لرده مصادمه زمانی پک او قدر اوزون سورمیہ .
جکی ایچون احتیاط اگر بدایتده کریده بر اقیلورسه ، اونک کچ
کلسندن طولای نتیجه نک فنا چیقمسی محتمل اوله بیلور .

بناءً علیہ اوله زمانلرده احتیاط عسکرینی هجوم اصلی یی اجرا یه
مأمور قطعات عسکریه نک کریسندن و (۴۰۰ : ۵۰۰) متره اوزاقدن
یوریتک لازم کلور .

اراضینک شکنه و محاربه نک ایجابنه کوره احتیاط عسکری اک
صکره صاغ و یا صولدن خط حربہ داخل اولمش بولنه جقدر . اگر
هجوم منطقه سی پک واسع ایسه ، احتیاط عسکری اوزمان ، ایکسی
آره سنده کی آچیقلی اورتک و حین حاجتده خصمک مرکز علینه
یا په جنی بر مقابل تعرضه جواب یرمک ایچون هجوم اصلی ایله
ایکنجی درجه هجومی آره سنده یوری یه جکدر . اگر بالعکس حاجینک
هجوم منطقه سی محدود ایسه ، اوزمان احتیاط عسکری ، دشمنک
یانی اوزرینه یا بیله حق احاطه حرکتی تقویه و تمیدده حاضر بر صورتده
هجوم اصلینک خارجی کنارینی تعقیب ایله جکدر . بو ، دائماً بر
قاعدہ در . بزم مسئله ده ، ایکی حالدن هانکیسنی جانکز ایسترسه
اونی قبول و تطبیق ایتمکده مختار سکنز .

اگر سز ، (شارلی) نک غرب جهتده خصمک بر مقابل هجومندن

قورقورسه کز؛ احتیاطکزی هجوم اصلی قولنک صولی کیروسندن تعقیب
ایندی ریکز. یوقا کر سز اوئی صاغ طرفدن یوریتکی ترجیح ایدرسه کز
اووقت، حین حاجتده طوبجی ایله حمایه ایدلمش اولان نشانجی طابو-
رینک دشمن جهه سنی مغلوبیتده بولندیرمغه کافی اولدیغنی و (شارلی) نک
شرق کنارینی تهدید ایلکمک ولزومنده اورماندن کله جک بر باصقینه
چاره بولمق ایچون احتیاط عسکریکنک سزجه (قانی) اورمانی جهته
قالسی ایجاب ایلدیکنی سبب اوله رق کوستریکنز. باخصوص اکزدشمن
کندی احتیاطلرینی، بزمده امید ایلدیکنز کی، (شارلی) نک شرق
کنارنده وضع ایتمش ایسه اوزمان مذکور کنارک عامینه بر هجوم یایمق
اقتضا ایده جکدر. موجودی ضعیف بر مفرزه ایله دشمنه یاقلاشمه نک
نه قدر کوچ بر شی اولدیغنی طبعی بوندن آکلار سکرز.

دشمن تهدید ایدلمش اولان جناحده کندی خط حربی اوزاتمغه
موفق اولدیغنی زمان، اکثریا بر احاطه هجومه مأمور اولان قطعات
عسکریه یکی بر جهه یه قرشو محاربه ایتمک مجبوریت کوره جکدر. لکن،
خط حربک تمديد اولنان شویکی قسمی نسبة قیصه وضعیف اوله جق،
بناء علیه حاجین اونک اوزرینه آتشجه تفوق حاصل ایده جکدر.
احاطه هجومنک اک باشلیجه فائده سی ایسه، ایشته بوندن عبارتدر.
بناء علیه امر شو وجهله ترتیب ایدیله جکدر :

(۶۷) نجی پیاده آلاینک (۲) نجی طابوری و (۱۵) نجی استحکام طابورینک
برنجی بلوکی، هجوم اصلی (۵۰۰) متره مسافه ایله صاغدن تعقیب ایلله جکدر.
استحکام بلوکی شوراده احتیاط ایله برلکده عین ماده ایچنده
کوستر مکدن ایسه اونک ایچون بروجه آتی آریجه بر ماده آچقوها
ایو اولور سانورم :

(۱۵) نجی استحکام طابورینک برنجی بلوکی ، (وانی) - (روپلی) یولی ابله بیوک یول آرده سنده (شی یول) ک شمالنده کی دره جک اوزرنده کوچک کوپر یلر تأسیس ایده جکدر .

بر محاربه ده سوارینک استعمالی بحثه کانجه ، بوراده ده آنک طوپلی قوتندن استفاده ایتک ایچون یورویشده اولدینی کبی آنی پارچه لمکدن صوک درجه چکنمک لازمدر .

بو نقطه اوزرینه پک چوق اصرار ایده جک دکم ؛ ذاناً دشمنه تصادف ایتدیکمکز آنده ایکی سواری بلوککیزک نه قدر طاغیلی اولدیغی بر دوشونورسه کز بو سزک ایچون کافیدر ظن ایدرم . ایکی سواری یوز یایشسک ال آلتنده یالکیز بلوکلرینک یاریسنه مالک اولدقلمی فرض ایدرسه کز همان حقیقتی سویامش اولورسکز . ایلریده اوزون اوزادی یه بحث ایلجه جکم ، طوماسیز باروتک نأیرینی هیچده قله آمش اولسه کز بیله ، بر مفرزه محاربه سنده سواریدن پک چوق شی استفاده اولنه میه جغنی فرض ایتکده حقایسکز . سوارینک باشیجه وظیفه سی بری طرفی نأمین و دشمنی کشف ایلیمکدن عبارتدرکه بو وظیفه هجوم ائناسنده بیله دوام ایتلیدر . کرچه دشمنله ایودن ایویه تماس حاصل اولدقن صکره ، سوارینک تعیه وظیفه سی برنجی درجه وظیفه لری صرهمه کچر کبی کورینور ، لکن اوینه دیدیکمکز کبی اسکی وظیفه سده دوام ایتکده مجبوردر و ایتلیدر . زیرا ، مانورلرده اکثریا سواری طرفندن یاپلیدیغی کوردیکمز هجوملر تعایم ایچون بر واسطه اولمقدن بشقه برشی دکلدر .

عمومی امرک سواری قوماندانه کلمسی ایچون اییجه بر زمان ایستر . سواری قوماندانی مذکور امری آلدقن صکره ایسه

کندی کشف قوللرینی جمع ایتمکه واولنلری یکی باشند ویریلان امره کوره تقسیم ایلیمکه مجبوردر. اصولاً ، هاجین قطعاتنک ایکی یانیده سواری ایله ستر ایدلمش اولمق لازم کلور. لکن سواری بسبتون طاغیدلمش اولماق ایچون، قوتک اک بیوک قسمی ، دشمن سواریسنک اک چوق بولندی وداثره رؤیتک آز اولدینی جهتهده یعنی خدمتک اک مشکل بر صورتده جریان ایدهجکی طرفه کوندر. ملیدر. بناءً علیه بو جهته اپی موجودلی بر سواری قطعه سی کوندرمک لازم کلور. برده احتمال ، وضعیت عمومیه دن طولای تام هجوم قطعی زماننده خصمک تازه قطعاتیله یاییلان بر باصقینه معروض اولمقدن چکندیکی یعنی هجوم اصلینک خارجی یانی ستر ایتمک. لزومی کورلیدیکی زمان کذلک سوارینک قسم اعظمی اوجهته کوندرمک ایجاب ایده جکدر.

اگر بو جهتدن قورقیله جق برشی اولمزه و سزده سواریکیزی ایستدیککز کی قوللانمقده سربست قالمش بولنورسه کز اوزمان آنی هجوم ایچون اک الیریشلی اولان اراضی یه تخصیص ایتمکه باقیکز. بزم مسئلهده ، یولک غرب طرفنده کی اراضی (موزهل) نهرینه قدر آچیقدر؛ بناءً علیه اورایه یالکز بر قاچ کشف قولی کوندرسه کزده اوله بیلور. بالعکس ، (فانی) اورمانی جهتدن هجوم اصلنک صاغ یانی حمایه ایتمک خصوصی پک زوردر. هم اوراده خصمک تام بر سواری بلوکی وارکه ، بو بلوک بری طرفک (مەشی) جهتلرینی کشف ایتسنه طبیعی مانع اولمغه چالیشه جقدر. بناءً علیه سز ، سواریکیزک قسم کلیسنی ایشته بو جهته کوندرملیسکز. شمدی یه قدر پیشداره الحاق ایدلمش اولان سواری طاقی ، تکرار سواری

قوماندانك اداره سه چكهرك، در حال صول جناحك امنيتي استحصاله
مأمور اوله جقدر. سزك آله جفكز ترتيبات هر نه اولورسه اولسون
ويريله جك امرده، سوارى قوماندانك هر ايكي جناحك حمايه سنى
تأمين ايلمكنن قطعياً مسئول اولديغنى آچيقدن آچيغه كوسترمليدر.
مفرزه قوماندانى ايلرى يورويشده سواريسنى نه قدر زياده سربست
بولنديرمش ايسه، مؤخرآ آنك اصول استعمالنى تنظيم ايتك
خصوصنده دها او قدر زياده مشكلات چكه جكدرك. فى الحقيقه بويله
زمانلرده اكر سوارى مفرزه قوماندانك ايسنديكى يولده حركت
ايتمش بولنورسه بو بر تصادفدن عبارت اوله جقدر. شو وقتلرده
سواريدن بكنيلان الكايو خدمت، بر آن اول جبهه ايلرونى آچدقدن
سكره، هجوم ايچون كنديسنه ويريله جك او امره انتظاراً فقط ينه
استكشافه دوام ايتك شرطيله حاجين قطعاتنك يانلرينه طويلانمق واونلره
قطعى بر صورتده مربوط قالمقدر. بيوك بر جزء تامده سوارينك
بر قسمى، احتياط ياننه براقيه بيلور. حال بوكه بر مفرزهده سوارينك
بر قسمى احتياطه ترك ايتك پك نادر در.

بو كى مفرزه لرده بالعكس الله بولنديريلان كوچك سوارى
قطعه لرى ايچون جناح لر اوزرنده كوريله جك پك چوق ايشلر
واردر. بناءً عليه بر مفرزه نك احتياطى صورت عموميه ده يالكز
پياده دن تشكىل ايدر. بزم مسئله ده، سوارينك نظر دقنى الكچوق
خصمك قواى امداديه جلب ايدم بيله جكى يوللره يعنى (آنتيللى)
و (مەشى) يوللرينه متوجه اولمق لازم كلور.

بناءً عليه ايشته بزم سوارى ايچون قبول ايتديكم ترتيبات

شودر:

(۶) نجی سواری آلاینک برنجی وایکنجی بلوکلری صاغ جناحی ستر ایدم جکلر و(فانی) اورمانیل (مەشی) یولنی کشف ایتدکن بشقه (مالوری)دن کچمک (بوی) شاتوسیله (آنتیلی)یه بعض کشف قولری کوندره جکلردر. بر محاربه ایچون ویرلش اولان (۱)نجی امرده سیار خسته خانه طاقملریله جبخانه لک تجدید واکلی خصوصه دائر ترتیبات دائماً ذکر ایدیله مز. بوراده هرشی پک بسیط اولدیغندن محاربه نك نه یولده جریان ایدم جکی همان همان اولدن کشف ایدیله جک کبی برشیدر. سیار خسته خانه طاقی ، بو آندن اعتباراً (شی یول)ک جنوب شرقی مخرجده برلشه جک و یازده لیلرک عددی چوغالوبده جزء تاملرک کندی مأمورین صحیه سی آنلری باقمه کفایت ایتدیکی آندن اعتباراً دستگیره جی افرادی ایله (تسکره لرده برابر) یازده لیلر تقانه مخصوص اولان عربلری محاربه خطنه سوق ایدم جکلر. (شی یول)ک جنوب شرقی مخرجی بو خدمت ایچون پک اعلا بر یردر: بر دفعه مسکون بر محکم یقینده در. ثانیاً ، یانی باشنده بر صووار ؛ ثالثاً دشمن آتشنندن محفوظدر. سیار خسته خانه ، یالکز مفرزه قوماندانک ویره جکی امر رسمی اوزرینه تأسیس اولنه بیلور. زیرا محاربه نك هانکی جهته اک زیاده قیزیشه جفتی و بناءً علیه جزء تاملرک مأمورین صحیه سنه ، سیار خسته خانه نك نه زمان یاردم ایتسی لازم کله جکنی اوبیلور.

نشانی طابورینک (۴) جبخانه عربیه سی ذاتاً ایلروده بولنور؛ مذکور عربلرک بولنه جتی یری تعیین ایتک طابور قوماندانه دوشر. (۶۷)نجی پیاده آلاینک جبخانه عربلری ایسه (سن شی یول)ک جنوب شرقی مخرجنه قدر کندی طابورلرینی تعقیب ایلیه جکلر و موقتاً

اوراده قاله جقلردر . اگر امرده قسم کلینک بر آز توقف ایده جکی کشف اولته بیلمش ایسه ، شو توقفدن بالاستفاده جیخانه عربهلرنده کی جیخانه یی نفراته تقسیم ایتمهک چالیشماید . واحتمال براز صکره ، مثلاً (روپینی) صرتی اوزرنده دیدیکمز جیخانه لری هجوم اصلی اجراسنه مأمور اولان طابورلرک افرادینه توزیع ایتمک ایچون بر فرصت اله کچه جکدر . حاصلی نه یاپارسه کز یاپیکز ، ممکن مرتبه افرادک جیخانه سنی اولدن تزید ایتمهک چالیشکمز . زیرا ، بلوکلر بر کره آوه یایلدقن صکره اونلرک جیخانه سنی تزید واکل ایتمهکدک چوق مشکلات چکیلور . ایکنجی طابورک جیخانه عربهلری ، یالکز مفرزه قوماندانی طرفدن صرف ایله یایلدیهلجک صورتده شمديک برنوع احتیاط تشکیل ایدرلر .

محاربه ایچون ویریلان امرده بر مغلوبیت وقوعی حالنده تعقیب ایدیلهلجک خط رجعتدن اصلاً بحث اولمز . بونک اصل سابی هیچ کیمسه نك موفقیت اوزرینه بر شبهه یه دوشمش اولما سی در . لکن ، شو خصوص هیچ بر زمان مفرزه قومانداننک بر رجعتک وقوعی احتمالی ایله آنک حقنه آلنه جق ترتیباتی اولدن ده ا دوشونمسنه مانع دکدر . صورت عمومیه ده رجعت حرکتی بیوک آغرقلره طوغری اجرا ایدیلور . بوراده بیوک آغرقلردن بحث ایتمک دهلزوم سزدر . اونلرک یری ذالماً اولجه ویریلان حرکت امرنده کوسترلمشدر ؛ بوی ازنلر ایچون پک کوزل بریردر . بن آنی دیکشدر ته جک هیچ بر سبب معقول کوره میورم . شمدي کری یه قلان شی یالکز محاربه ائساننده مفرزه قومانداننک بوله جنی محلی تعیین ایتمکدن عبارتدر . مذکور محل بروجه آنی شرائطی جامع اولمق لازم کلور :

راپورلر ، مفرزه قوماندانه قولايجه واصل اولماق ايچون ، بردفعه بولنلمسى قولاي اولملى در ؛ مفرزه قوماندانى هم هجوم اصل يي وهم ايكنجى درجه هجومى كوروب اونلره نظارت ايده بيلمك ايچون ، آلان ترتيباتك همان مركزى كريسنده بولمايدر ؛

مفرزه قوماندانى يالكز كنديسنگ برنجى خطى دكل ، دشنگ حركاتى بينه ايوجه كوره بياشم اولماق ايچون مذكور محل برنجى خطه ايجه يقين اولمايدر ؛ كذلك مفرزه قوماندانى برنجى خطه وقوعه كلهك قضالردن مصون قالمق ايچون مذكور محل خط مذكوردين اولدقجهده اوزاق بولمايدر ؛

صوك سفرلرده اولدينى كبي ، بعض ياكشاقلر اوزرينه احتياط الدن چيقمش اولماق ايچون مفرزه قوماندانك يري مذكور احتياطي ترصد آلتده بولنديرمغه الويريشلى اولمايدر ؛ مفرزه قوماندانك يوريمكدن زياده ثابت قالمسنة مساعد بولمايدر ؛ زيرا ، طوروركن اطرايه نظارت ايتك دها اني اولور .

مفرزه قوماندانك چوق زمان اوراده قالمسنة مساعد اولمايدر . چونكه صيق صيق بولنديعى يري دكيشديرمك ، هم اطرائى ايوجه ترصد آلتده بولنديرمسنة مانعدر ، همده حركات عموديهك سوق واداره سنده مفرزه قوماندانك حائز اولمى لازم كلان سكونتى اخلال ايتمش بولنور . حاصل بوصيق صيق دكيشديرمك تحذورلردن يريسىده امرلك وراپورلك جيكمش اولمسنةك چوق اير ايمسيدر . اكر بتون بوشرطلى جامع برير بولنمسه اوزين هيج دكل ايسه ، هجوم اصلينك حركاتى برر برتعقيب ايتمكه مساعد برير آرامق ومفرزه قوماندانى اوراده بولنق لازم كلور . بويله زمانلرده ايكنجى

درجه هجومی بر مستور محل ایله نظردن اوزاق دوشمش ایسه ،
مفرزه قوماندانی کنديسنى مذکور هجوم ایله ده دائمی بر ارتباطده
بولنديرمق ایچون اوجهته کندی هیئت ارکائی تشکیل ایدن ضابطلردن
برقاجنی کوندرر. بوسایه ده ، مفروزه قوماندانسه لازم کلان معلوماتی
ویره میه جک درجه ده کندی وظیفه سیله بوغلمش قالمسی محتمل اولان
مادون قوماندانلرینک مساحهلری برطرف ایدیله جکدر .

اکثریامفرزه قوماندانک یری ، طویحینک برنجی موضعی جوارنده
یعنی دشمندن همان بر (۲) کیلو متره قدر اوزاقده بولنور . لکن
طویحی هجومی احضارایتمک ایچون موضعی دکیشدیرمش اوله جفی
زمان ، مفروزه قوماندانی ده یری تبدیلی ایدر . ایسته بووجهله ،
میرآلای ب . ده امرینی ویردکن صکره ، درحال سرعتلی به کچرک
(شی بول) ک غریبنده کی تپیه کیده جک واوراده (شازلی) علینده هجوم
اصلی به مأمور طابورلر (روپینی) خذاسنده یایلمش اولنجه به قدر
قاله جقدر .

امری یازمزدن اول ، بن بر کره اونک اک مهم نقطه لرینی شویله
بر اجمال ایتمک ایستیورم :

- ۱ — کندی وضعیتیزی تقدیر ایتمک ؛
- ۲ — دشمنک وضعیتیه افکار وصرامنی تقدیر ایتمک ؛
- ۳ — قرار . هجوم لازم می دکلای؟ خصمک جبهه سندی یوقسه جناحلرندن
بریسندی هجوم ایتملی ،
- ۴ — یایلمه نك امتدادینی حساب ایتمک . ایکنجی درجه هجومی نصل تحدید
ایتملی واکا حد اصفریده برجه به ویرمک ایچون نه واسطه به مراجعت ایلملی .
- — هجومک یانلری اوزرنده ویا کریلرنده قورقوله جق هیچ بر شی
یوقیدر؟ یانلرده وکریلرده موانع وارمیدر؟ خطرجه تک کسلمش اولسی ممکنه میدر؟

۶ — قسم کلی نه زمانه قدر یول قول نظامنده قاله بیلور؟ نره دن اعتباراً
هجومه باشلامق لازم کلور؟ اگر دشمن ذاتاً یایلمش بولنورسه، اولدن نره ده
یایلمق ایجاب ایدیور؟ یایلمق ایچون خصوصی بر امر یازمق لازم می، دکلی؟

(شاتی یون) خرابه سی

۲ - ۸ - ۸۹ - ۶۰۴۰ کو

مفرزه امری

۱ — تخمیناً (۲) طاہور پیاده بر سواری بلوک و بر بطریه دن عبارت اولان دشمن، بیوک یول اوزرنده (۲۰۴۰۸) راقل تپه ده موضعه کیرمش و بو موضع (شارلی) نك جنوب جیقندیسنه قدر اوزامش بولنیور . اوندن بشقه دشمن طوتدنی موضی تقویه ایدرك، بطریه سنی (۲۰۴۰۸) راقل تپه ده . سواری بلوکنی ایسه (فانی) اورماننده برلشدرمشدر.

۲ — مفرزه دشمن اوزرینه هجوم ایده جك و آنك سول جناحنی احاطه ایلیه جکدر . پیشدار قطعاتی آرتق رفع وازاله ایدلمشدر .

۳ — (۱۵) نھی سیار طوچی آلاینك برنجی طاہوری (۳ نھی بطریه اکسیك) (شی یول) ك غربنده کی تپه ده برلشه جك و دشمن بطریه سی اوزرینه آتش ایده جکدر .

۴ — (۱۱) نھی نشانھی طاہوری ، ایلک اوکجه (روپنی) نك غربنده کی صرق طوته جق ، صکره هجوم اصلی حیایه ایتك ایچون (مچ) ، (آنتیلی) یولنك شرقنه طوغری ایلرولیه جکدر . هجوم اصلی ، بیکباشی ك .. اداره سنده اولق اوزره (۶۷) نھی پیاده آلاینك (۱) ، ۳ نھی طاہورلری طرفدن (شارلی) نك جنوب شرقی جیقندیسی علهنه اجرا

ایدیله جکدر. بویکی طابور در حال یولدن
آیریلهرق (غریمون) اورمانی اوزرینه
یوریه جکدر بدمه (شی یول) - (روپینی)
استقامتی طوته جقدردر.

۵ — (۶۷) نجی پیاده آلاینک (۲) نجی
طاבורی هجوم اصلی (۵۰۰) متره
مسافه ایله صاغدن تعقیب ایله جکدر.

۶ — (۱۵) نجی استحکام طابورینک
برنجی بلوکی (وانی)، (روپینی) یولی
ایله بیوک یول آره سنده (شی یول) ک
شمانده کی دره جک اوزرنده بر قاچ کوچک
کوپری قوره جقدر.

۷ — (۶) نجی سواری آلاینک
(۲، ۱) نجی بلوکلری صاغ جناحی ستر
ایده جکدر، (فانی) اورمانیله (مه شی)
یولنی کشف ایله جکدر و (مالوری) دن
کچهرک (بوی) شاتوسیله (آنتیلی) به
بعض کشف قوللری کوندره جکدردر.

۸ — سیار خسته خانه طاقی (شی یول) ک
جنوب شرقی مخرجنده تأسیس ایدیله جک،
(۶۷) نجی پیاده آلاینک جیخانه عربده
لری ده موقتاً اوراده توقف ایله جکدر.

۹ — بن: (شی یول) ک غربنده کی تیه ده
بولنه جیم، راپورلر اورایه کوندریله جکدر.

میرآلای

ب ..

تبلیغ ایدلشدر:

قسم کلی ده کی آتلی ضابطلره
طوبیحی واستحکام قوماندانلرینه
شفاها،

بشدار ایله سواری قوماندانلرینه
ایسه، بر اهر ضابطی
واسطه سیله وتحریراً ..

مسئله کرده سزذن ، خصم اوزرینه هجوم ایتزدن برآز اول
هجوم ترتیباتی کوستر بر قروکی ده ایتستلمشدی . شو وظیفه دن
باشلیجه مقصد ، ایلک اوکجه آلمش اولان ترتیباتک متعاقباً فصل
تحول ایتدیکنی واک صکره نه شکله کیردیکنی سزه کوستر مکدر .
شبهه سز ، بو خصوصده سزذن پک چوق تفصیلات ایتستلمز . یالکز
ایستیلان شی ، هجومدن اول مختلف قطعات عسکرینه نک نه وجهله
تقسیم ایدلمش اولدقلرینه دائر بر فکر صحیح ایدینوب ایدنمدیککزی
بر یوقلامقدر . بونی آکلامق ایچونده قروکی اوزرینه برکوز
کزدیرمک پک اعلا کفایت ایدر .

صاغ جناخده بولان ایکی سواری بلوکی (بر طاقم اکسیک) ،
(فانی) اورمانیله (مه شی) جهترینه طوغری کوندریلان کشافلر
ایله ستر ایدلمش اولدقلری حالده طاقله قول نظامنده کوستر یله جکلردر .
هجوم اصلینک آوجی خطی ، (شارلی) کویندن تخمینا بر
(۳۰۰) متره قدر اوزاقده اراؤه اولنه جقدر . خط مذکور صاغه
طوغری بر تعرضی قولتی تشکیل ایده جک و طابور باشنه (۳۰۰) ر
متره حسابیله (۶۰۰) متره قدر بر کنشلی حائر بولنه جقدر .
آوجی خطنک صولی ، (روپینی) ، (شارلی) یولنه استناد ایلیه جکدر .
هر طابور برنجی خطده آزدن آز ایکی بلوک بولندیره جقدر . سز ،
هر بلوکن ایکی حتی اوج طاقم یایمقده مختار سکز . لکن قروکید ،
فصل یامش ایسه کز ، یالکز اونی کوستر مک مجبور سکز . ایکنجی
خط بلوکلری ، یاصف حربده ویا بلوکه قول نظامنده بولنه جکلردر .
بونلردن صاغ جناح طابورینه منسوب اولانلر ایسه صوله طوغری
ایلرولیره رک برنجی خطه یناشه جکلردر . بو بلوکلرده صرتک کریسنده

بولنه جقلردر . احتياط طابوري بر ويا ايكي قدمه تشكيل ايدرك كنش
قول نظامنده واك چوق (۵۰۰) متره مسافه دن وصاغ طرفدن
هجوم اصلي يه تقرب ايله جكلدر .

هجوم اصلي ايله ايكنجي درجه هجومي آره سنده سز، ايسترسه كر
بر بوشلق براقه بيلورسكز، لكن بو بوشلنك ياك ده بيوك اولماسنه دقت
ايديكز . آوجي طابوري ، دشمندن تقريباً بر (۴۰۰) متره اوزاغه
قدر ياقلاشه جكلدر .

بو طابورك اوچ بلوكي، برنجي خطده بولنه جق، يالكز (۴) نجى
بلوكي ايكنجي خطي تشكيل ايدرك (آنتيللي) بيوك بولنه استناداً
صول جناح كريسندن ايلروليه جكلدر .

طابور كندى آتشريله هجوم اصلي يي تقويه و حمايه ايتمه مجبور
اولديغندن برنجي خطده بلوكلردن هر بريسي اوچر طاقني آوه يايمش
بولنه جقلردر . آوجي خطندن يالكز بر طاقم بيوك يولك غربنده
بولنه جكلدر . آوجي طابورينك محاربه جبهه سي (۴۰۰) متره يي
كچميه جكلدر .

برسواري طاقني صول جناحده قاهره ق آني، چيقاره جي كشافلر
ايله ستر ايده جكلدر . بطريه لر كرك همان (رويني) نك غربنده، كرك
بو كويك (۶۰۰) متره قدر شرقنده موضعه كيرمش بولنه جقلردر .
بكا صورارسه كز، بن شو موضعلردن برنجيسي اوته كينه ترجيح
ايدرم . زيرا، طويجي (رويني) نك شرقنده موضع آلايني زمان، احتمال
پياده نك اوستدن آتش ايتمه مجبور اوله جكلدر . كرچه بو وجهله
حركت ايتمك ممنوع دكلدر . فقط اويله يايماق ممكن ايكن، بطريه لره
نيچون اوراده موضع آلايرملي؟ .

بونکله برابر اکر سز، ینه بطریه لر کزی ایکنجی موضعه برلشدیرمک فکرنده ایسه کز، سواری بلوکلر کزدن بریسی اوکا محافظ ویرمکی ده اونو تمام کزی توصیه ایدرم. بوسواری بلوکی، صاغ جناحک خارجی کریسنده بولنه جقدر. صورت عمومیه ده طویلی ایچون خصوصی برمحافظه احتیاج یوقدر. لکن جناحلردن بریسنده بولنان بطریه لر شو باده بر استنا تشکیل ایدرلر. ایکی بطریه نك ایکیسی ده برخذاده موضع آله جقلردر. کرک طومانسز باروتک تأثیری وکرک شمیدیکی زمان مر میلرنده منطقه مضروب نك تزایدی حسیله، اوللری پک چوق تطیق ایدیلان قدمه ترتیاتی قوللانمغه آرتق لزوم کورلر.

بطریه لرک قبالیلری ایله طوپارلاقلری، طوپلر خطک صاغی وصولی کریسنده (۲۰۰) متره قدر اوزاقده کوستریله جکلردر. بطریه احتیاطلرینه کلنجه، اولر (شی بول) جهتنده مستور برمحکم کریسنده ویول خارجنده و بطریه لر ایله قولایجه ارتباط حاصل ایده جک بر صورتده اخذ موضع ایایه جکلردر.

هر نه وقت، سز بویله بر قروکی یا یمغه مأمور اولورسه کز، ایلك اوکجه شوآتیده کی قواعدی درخاطر ایتمش اولمکزی توصیه ایدرم:

ایکی جناحی مستند اولان برقطعه عسکریه بیوک برجیه اوزرینه یا یلمق حقق حائزدر. لکن اکر جناحلردن یا لکز بریسی مستند ایسه، اوزمان دیکر جناح عمقاً قدمه لر شکلنده ترتیب اولنور. بر بلوکل محاربه جبهه سی اصلاً ۱۰۰ متره یی کچمه ملیدر. سوره کلی محاربه ده اوزون برجیه اوزرینه یا یلمق ابو دکلدر. زیرا، اوزون جبهه لرده

آوجی خطی کثیف بر آتش اجرا ایتمکه مساعد اوله میه جفی کبی
خط مذکورک بدایتده کی آتشی کیده کیده الک صکره پک ضعیف
بر حاله دوکیلور.

بر طابورک محاربه جبهه سی اعظمی اوله رق (۴۰۰) متره دن
عبارتدر. شو حاله کوره طابورک درت بلوکی بر برینه بتیشیک بولنورلر
وطابور قوماندانی محاربه نک جریانه بشقه درلو بر تأثیر کوستره بیلمش
اولق ایچون الدهه آرتق سائر بر قوته مالک دکلددر. بناء علیه اکر
طابور قوماندانی مصادمه یه ایستدیکی کبی بر تأثیر کوسترمک، ویا بعض
احوال محتمله یه جواب ویرمک آرزو ایدورسه بر ویا ایکی بلوکنی
احتیاطه براقیددر.

قاعده عمومیه اوله رق شونی بلله ییکزکه، بر طابور الک آز بر
بلوکنی ایکنجی خطه ترک ایتمکه مجبوردر. برنجی خطه قونیه لحق
بلوکلرک عددی تعیین ایتمک ایچون ایسه بر قاعده یوقدر. او احواله
تابعدر.

بدایتده ده، بلوکلری کاملاً یایمقدن چکنمیلیدر. زیرا، شدتلی
بر محاربه ده، مذکور بلوکلر طابور قوماندانک الندن اولجه چیقمش
اولدقلری کبی، کندی یوز باشلیرینک الندده پک قولایجه چیقمش
اولورلر. بلوکلرک کاملاً یایلملری آنجق صوک هجومه قالمزدن بر آز
اول وقوعه کله ییلور. مع هذا، سز شوندن بتون بلوکلرک بر آنده
کاملاً یایلمش اوله جقلری کبی بر معنا چیقارمیکنز. آجیق اراضیده،
یناشیق نظامده کی قطعات، (۸۰۰) متره دن آشانغی مسافه لرده دشمن
آتشی آلتده آنجق ایلری وکری تبدیل محل ایدرک قاله ییلورلر.
آوجی خطی (۸۰۰) متره لک مسافه یه کلدیکی زمان، آرتق آن قطعی ده

یا قلاشمش دیمک اولور. و بوندن براز صکره، ایلرولمک می، یوقسه کری دونمک می لازم کلیر بوراسی بستیون میدانه چیقمش بولنور. آوجی خطنک کشیف اولمسی بختنه یعنی یاییله جق نفرلرک عددینه کلنجه، بو خصوصده ایلک اول آتیده کی سؤالی کندیکزه بر ایراد ایدیکز: آتشم تأثیرات قطعه حاصل ایتمکه مجبورمیدر؟ یا خود یالکز دشمنی اشغال ایتمک می لازم کلور؟ برنجی حالده، خط حربیه نه قدر عسکر قوسه کزینه آذرر. بناءً علیه دوچار اوله جفکز ضایعات هر نه اولورسه اولسون سز دائماً آوجی آتشرینک شدت و کثافتی برقرارده طوتمغه دقت ایدرک، بر تأثیر اعظمی حاصل ایتمک ایچون برنجی خطه اپی عسکر یایمش بولنه جقسکز. ایکنجی حالده، ممکن مرتبه آز آدم یایمغه باقیکز؛ چونکه سز عسکر کزک جوغنی بر آز صکره کله جک اولان زمان قطعی ایچون صاقلامغه مجبورسکز. آوجی خطکزک کثافتی نه قدر آز اولورسه، شبهه سز اوغرائیله جق ضایعات ده اوقدر آز اوله جقدر.

مختلف قدمه لر بیننده کی مسافه لر، مقصد محاربه ایله اراضی به تابعدر. بزم مسئله ده یناشیق نظامده کی اقسام عسکریه، هجوم قطعی به تام زمانده اشتراک ایتش اولق ایچون آوجی خطنه ممکن مرتبه یقین بولنلیدرلر. زیرا هجوم قطعیدن صکره کچه جک زمان پک اوزون سورمز؛ اکثریا پک قیصه اولور. بوراده کی زمینک حالنه باقارسه کز، یناشیق نظامده کی اقسام عسکریه نک ایلرولمیرنی تسهیله الویریشلی اولدیغنی کورورسکز. زیرا، اقسام مذکوره ایلری به تقرب ایچون (شارلی) نک جنوبنده بعض مستور یرلر تصادف ایدرک، اولردن پک چوق مستفید اوله جقلردر.

مسئله مزی بتورمش اولق ایچون طومانسز باروت اوزرینه بر سوز دها سویلمک ایستیورم : شهسز، بویکی واسطه حربیه نك بتون نتایجی هنوز تمامیه دها میدانه چیقارلمش دکلدر . بزنتایج مذکوره بی آنجق ایلریده وقوعه کله جک بر حربدن صکره تمامی تمامه اوکر نه جکز . مع هذا ، شمیدین دها اونک تعیه جه اولان بعض فواید و محاذیرینی میدانه قویتمق یک اعلا ممکندر :

برنجی فائده — یکی باروتک محرك مریسی بر آژ دها کرکین اولور ، و بو باروت کرک نفرك اوزرنده و کرک جبخانه عربله رنده طاشینه جق اولان جبخانه لک عددینی تزئیده مساعددر ، برده مذکور باروتدن حاصل اولان جزئی طومان ، آتشک تأثیرلرینی آترمغه ده مساعددر . زیرا انداخت میدانک هواسی ، آجیق و طومانسز بر حالده قالور . بناءً علیه آتشک سوق و اداره سیله ، انداخت بخصوصی آرتق طومانندن طولایی بر صیقندی یه اوضراش بولنر . شو فائده دن شهسز ، پیاده صنفندن زیاده طویجی صنفی مستفید اولور . بناءً علیه اوندن طولایی محاربه نك صوک دورنده طویجی صنفنک ، وظایف سی کسمب اهمیت ایتمش بولنور . لکن ، آتش دها مؤثر اولدیغندن ، وسطی انداخت مسافه لری ده کذلک دها زیاده بیومش اولبور .

(۶۰۰ : ۵۰۰) متره لک مسافه لر ، شمدن صکره پیاده نك کوچک مسافه لری اوله جقدر . مؤثر بر طویجی آتشی اوکنده ، یناشیق نظامده کی پیاده قطعاتی ، اوللری اولدیغندن زیاده ارکن و یک ارکن یا یلمغه مجبوریت کوره جکلدر . لکن اویناشیق نظامده کی پیاده لر بر کره (۸۰۰) و یا (۱۰۰۰) متره لک مسافه یه کلدکدن

صکړه دشمن طوېجیسی ایچون آرتق کری چکلمکدن بشقه بر چاره
قالیه جقدر .

ایکنجی فائده — قطعات عسکریه نك قوه مغویه سی اوزرینه
ضابطلرک تاثیر ده آرتمشدر . بر طرفدن بو ضابطلر ، کندي
نفرلرینی دها ایجه کوز اوکنده بولندیرلر . نفرلرده کندي
آمرلرینک تحت نظارتنده اولدقلرینی بیلورلر ، دیگر طرفدن
ضابطلرک اهلیت شخصیه لری دها زیاده کوزه چارپار ودها زیاده
تأثیر حاصل ایدر .

اوجنجی فائده — اگر دشمن کوریلورسه ، کرک طوېجی وکرک
پیاده صنفی کندي انداختلرینی دها قولایجه تنظیم ایده بيله جکلردر .
مرمیلرک سقوط ایتدکلری نقطه لر ، دشمن طومانيله بيله آرتق
ستر ایدلمش اوله میه جقدردر . برده ؛ خصم طویلرینک باطلامه لريله
کندي مرمیلر مزمک باطلامه لری آره سنده آرتق بر قاریشیقلاق فلان
اولیه جقدر . لکن ، بو صوک فائده آشاغیده سویله جکمز (۳)نجی
محدور ایله مقایسه ایديله میه جک درجه ضعیف بر شیدر .

محدورلر :

۱ — اگر دشمن کنديسینی بر پارچه کیزيله بیلورسه ، آتی
ایودن ایویه کورمک پک زوردر . زیرا ، بولندینی موضع آرتق
انداختدن حاصل اوله جق طومانلر ایله آکلاشيله مز . بناءً علیه
سواری یایه جنی استکشافلرک ناقص نتیجه لر ویردیکنی کوره جکدر .
اوندن بشقه خصمک موضعی و موضعه نصل یرلشدیکنی ایوجه
آکلامقسنزین ، دها اوزاق مسافهلرده ایکن سواری بر چوق
ضایعانه اوغرایه جقدرکه بوخصوص هیچ شبهه یوق آنک قوه مغویه سنده

فنا تاثير لر حاصل ايدە جکدر . بناءً عليه خصمه دائر قطعی بر معلومات ايدتمش اولق ایچون ، سواری بی دها زیاده قوتلی بولندیرمق وشدتی برضابطه ویا کوچك ضابطك اداره سنه ویرمك لازم کله جکدر .

۲ — اوللری محاربینی احاطه ایدرک اونلرک صاغ وصولنده جریان ایدن شیرلی کورمسنه مانع اولان طومان ییغینلری آرتق بر طرف ایدلیدی ایچون وایکی مخاصم آره سنده کی محاربه مسافه لری آرتمش اولدینی ایچون سوادی اولکی زمانلرینه نسبتاً شمدی دشمن پیاده ویا طویچی اوزرینه باصقین ایتکده پک زور موفق اوله بیله جکدر . بوندن اکلاشیلورکه ، سوارینک محاربه ده کی وظیفه سی یکیدن بر قدمه دها آشاغی اینمش بولئور . مع هذا ، بن ینه بوسوزمله ، سوارینک پیاده اوکنده آرتق هیچ حکمنه تنزل ایتمش اولدینی دیمک ایستیمورم . کچمشدی اولدینی کبی شمیدین صکرده سواری ، خصمک بعض مساعهلرندن ، طالعینلغندن ، یورغینلغندن استفاده ایتک یولنی پک اعلا بوله بیله جکدر . سواری ، کندی یوریشنی کیزمک ایچون اوزن طولاشمه لر یاقمقدن قوقیورسه ، شو خصوصده ، اراضیدن پک بیوک معاونت لر کوره جکدر .

۳ — طومانک پک جزئی بر شیدن عبارت اولیشی ، هدفک ده پک جزئی بر صورتده کورلمسنی موجب اولور . باخصوص ، پیاده و طویچی موانعدن بالاستفاده آتشن ایدە جکلری ایچون اوزمان هدفلرک جنس و قیمتی تقدیر ایتک حقیقت پک زیاده مشکلات کسب ایدر . واحتمال هدفلری هیچ ده کورمک قابل اوله مز . حال بوکه ،

اوللری هیچ دكلسه بوموانع كريسندە كيزلنان عسكرلرك طومانی اوزرينه نشان آلمق ممكن اولوردی .

بومحدور پیاده دن زیاده طویجی صنفی اوزرنده کندیسنی کوستریور .
فی الحقیقه صنف مذکور ، ایلریده آوجی خطلری ویا موضعه کیرمش دشمن بطریه لری اوزرینه اوزاق مسافهلردن کندی انداختی تنظیم ایلمک خصوصنده بیوک مشکلاته تصادف ایده جکدر . خصمک طوب و تفکله رندن چیقان علولری کوره بیلرسی آنجیق پک مستتا و مساعد حاللرده اوله بیله جکدر .

۴ — طومانسز باروت ، اصل قوماندان اولان ذاتی محاربه یی سوق و اداره ایتمکده پک چوق مشکلاته دوشورور . زیرا بوقوماندان آرتق محاربه نك هیئت عمومیه سنی کوره میه جکی کبی ، کندی خطنی دشمن خطندن تفریق ایتمکده مقتدر اوله میه جقدر . حال بوکه و قتیله هر ایکی طرف آتشلرندن پیدا اولان طومانلر ، هر ایکی طرفک خطلرینی بر برندن پک کوزل تفریقه مساعده ایدیوردی . بناء علیه کرك برنجی خطده کی قطعاتک کوندره جکلری معلومات ، و کرك قطعات مذکوره یاننده بولنان ارکان حربیه ضابطلرینک دشمنه دائر وقوعه کلن اشعاراتی پک بیوک بر اهمیت قازانمش اوله جقدر . وضعیت عمومیه یی ایوجه تقدیر ایلمش اولق ایچون باش قوماندان اولان ذاته اولدن زیاده وقت لازم کله جکدر .

بناءً علیه محاربه نك حرکات ابتدائیه سی و بوندن طولانی محاربه نك کندیسیده ده اوزون سوره جکدر .

۵ — و قتیله ، پیاده و بالخاصه طویجی صنفک دشمن قرشوسنده

بعض حرکات اجرا ایتملرینه مساعد اولان طومان پرده لری آرتق موجود اولیه جقدر .

۶ — ضایعاتک تاثیر مغنویسی اولکندندها زیاده اوله جقدر .
زیرا هر آوجی ، هر طویجی ، اوللری طومانلر واسطه سیله قسماً بر طرف ایدیله بیلان مر میلرک تاثیرات مهلکه سنه شمدی آچیقدن آچیفه معروض قالدقلرینی پک اعلا حس ایده جکدر . اگر محاربه میدانک بر قسمی اوزرنده شمدیکی آتشلرک تاثیرات فائقه سنی جمع ایتمکة موفق اولنورسه . بو حال شهسز نتیجه نک بر آن اول میدانه چیقمش بولنمنه یاردم ایده جکدر . بناءً علیه مغلوبیته دوچار اولان هر قطعۀ عسکریه اولدن زیاده ودها چابوق قوه مغنویه سنی غائب ایدرک بیوک بر پریشانلغه دوچار اولمش بولنه جقدر .

۷ — مدانمین ، مطلوبه موافق بر صورتده تحکیم ایدلمش اولوق خصوصنده ، دها زیاده مشکلاته اوغرایه جقلردر . زیرا استحکامات خفیفه عملیاتنه هر زماندن زیاده بو زمانده ، اوزاقدن سچلمسی ممکن اوله جق صورتده بروفیلر ویرمکدن صوک درجه چکنمک لازم کله جکدر .

بو مختلف نقطه لری ایوجه بر تدقیق ایتدیککز حالده ، کوریور-سکزکه ، طومانسز باروت اوینله بعضیلرینک دیدکلری کبی تمیه یی آلت اوست ایتمش دکلدر . یالکز محاربه نک بعض قسملری ، اولجه حائر اولمدقلرندن زیاده بر اهمیت قازانمشلردر ، ایشته بوقدر !

مثلاً پیاده صنفی ایچون : اراضیدن استفاده ایتمک ، ارکندندها ، آچیق یعنی آره لقلی تشکیلات قبول ایتمک یناشیق نظامده کی اقسام عسکریه یی اوزاق بولندیرمق ؛ سواری ایچونده استکشاف خدماتنده

اوغرا نیلان ضایعاتدن طولایی پک متأثر کورینه مک ، محاربه یرلرنده
دائما متبصر و آجیق کوز اولمق ؛

طوبجی به کلنجه ، دشمن نظرندن مستوراً بطریقه لر حالنه کچمک
دشمن طوبجیسنی بطریقه لر حالنه کچمزدن اول کشف ایتک ، دشمن
آوجیلری یناشدینی زمان پک احتیاطلی طاور اتمق لزومی تحقیق ایلمشدره



اون اوچنجی فصل

«عمومی خریطه و (میچ) بافته‌سی»



وضعیت عمومی

شمال قطعاتی، اراضی ملیه اوزرنده و غیر مستحکم اولان (میچ) شهرنده اجتماع ایدیورلر. جنوب قطعاتی ایسه، (استراسبورخ) ی ترک ایله (شاتو-ساله‌ن) دن کهرک ایلرولمکده بولنیورلر.

شمال مفرزه‌سنگ وضعیت خصوصیه‌سی

(۱) - میرآلای ب. . قومانداسنده اولان شمال مفرزه‌سی (۳ طابور پیاده، ۳ سواری بلوکی، ۲ بطریه و بر استحکام بلوکی) ۸۹ سده‌سنگ $\frac{۲}{۳}$ مارت کیجه‌سی (سابلون) ده کوی اردوگاهنده کچیرمکده در (مفرزه‌سنگ ایلری قول وظیفه‌سینه مأمور اولان بر طابور پیاده، یارم سواری بلوکی (سن پی‌یر) نه‌ری اوزرنده بولنیور). مذکور مفرزه، دشمنک (سه‌یل) ایله (هوپتال) اورمانلری آره‌سندن ایلرولسنی منع ایتک ایچون مارتک (۳) نجی کونی (ورنی) و (پورنوی لاغراس) ی طلوعه مأموردر.

بودن ده قوتل و میرآلای س. . اداره‌سینه و یریلان دیگر بر مفرزه‌ده آیک (۴) نجی کونی، (قریژی) دن حرکت ایدرک (اورنی) و (غره‌و-لاهورت) ی اشغاله مأمور ایدلشدر. حالا دشمنله تماس حصوله کلمه‌مشدر؛ (سولکهنه) ده اقامت ایلایان بر کرک مأمورینک شایان اعتماد حوادثلرینه نظراً دشمن سوارینسک ده مارتک برنجی کونی اوکله دن صکره محل مذکور [عمومی خریطه] اشغال ایتش بولندی آکلاشیلور. کرک مأموری، دشمن اوراسنی اشغال ایتدکن صکره فرار ایتشدر.

اجرا اولنه‌جق وظیفه

۱ — میرآلای ب. . نک ۳ مایس ۸۹ تاریخی ایچون آله‌جی ترتیبات:

۲ — تدابیر متخذه‌سک اسبابی.

ب) - پيشدار هنوز يورويشه باشلاديني برآنده ، ميرآلاي ب.. دها شفق سوکزدن اول ، ايلري قره غوللر طرفندن کوندرلش اولان برضابط کشف قولنک آتيده کي راپورني الور :

(۲۳۷۱۱ راقلي تپه) (آويژي) اورماننک شرقلنده]

۳ — ۳ — ۸۹ — ۶ کو

بعض کوچک سواړي قطعه لري ، (شهریزه ي) دکرمني ايله (وهرني) نك شمال مخرجني اشغال ايديورلر. « عين زمانده برآز اول ذکرى کچن کمرک مأموريده شو حوادثي کتورر : » بر بطريه طويجي ايله برلکده دشمن پياده سي دون آقشام (لي بهون) ه کيردي . « آره دن اون دقيقه کچر کچمز ، برآز اول سويلمش اولديغمز ضابط کشف قولندن ايکنجی برراپور دها کلورکه اوده شوندن عبارتدر :

(تويلهري دوفلوري)

۳ — ۳ — ۸۹ — ۶ کو

« (پورنوي لاغراس) دن حرکت ايتش اولان بر دشمن سواړي بلوکی (نوتردام) دن کچرک (فلوري) اوزرينه يورپور . مذکور بلوک شمدی (نوتردام) ه واصل اولقي اوزره در . بيوک يول اوزرنده ، (لامانسه) اورماننک شمالنده ، بر دشمن سواړي طاقی ده سرعتی ايله (فلوري) اوزرينه يورپور . (لامانسه) اورماننک غربنده ايسه بر پياده بلوکی ايلروليور . بن (پوي) اوزرينه چکيليورم . »

پيشدار قسم کليسي ، (سن پي ر) کوپرسنه واصل اولدینی زمان ، شو نقطه به قدر ايلرولش بولنان ميرآلاي ب .. جنوب شرقی استفامتنده طوب سسلری ايشتنکه باشلار . وعين زمانده ، ايلريده بولنان کندی سواريسندن (پوي) دن کوندرلش اولان شو معلوماتی آلور :

« (فلوري) نك جنوبنده ، بيوک يول اوزرنده و (نوتردام) ده دشمن پياده سنه راست کلدم . همان پوي اوزرينه چکلدم .

(۲۰۱) طاپور پياده ، برسواړي بلوکی و بر بطريه قوتنده تخمين ايده بيله يکم دشمن ، (فلوري) ايله يول اوزرنده (تويلهري) به واصل اولش بولنيور . اويله آکلایورم که دشمنک پياده سي شو ايکی نقطه يی طومتق فکرنده در. دشمنک

پیاده‌سی شوایکی نقطه‌ی طومق فکرنده‌در. دشمنك سواری بلوکی، (فلوری)،
(شه‌زنی) یولنك (هوپیتال) اورمانلرینه کیردیکی نقطه‌ده بولنیور. «

عین‌زمانده میرآلای (ب.۰۰) (ژوری‌لوپوتی) دن ومیرآلای س.۰۰ طرفندن
کوندرلش اولان آتیده‌کی راپوری آلور. « اوکده‌کی دشمن، (پی‌برژو) نك
جهت شرقیسنده (۲۷۰۶۸) راقلی تپه‌ی اشغال ایدرك (قاما) اورماننه قدر
امتداد ایللیور. بن‌شمی (پی‌برژو) اوزرنده، دشمنه هجوم ایده‌جکم. «

یایله‌جق وظیفه

- ۱ - میرالای ب. . طرفندن آلان ترتیبات :
 - ۲ - آلان ترتیباتك اسباب مویجه‌سی :
 - ۳ - هجومدن اول ترتیباتك قروکی طرزنده اراشه‌سی .
- تنیه - یناشیق نظامده قطعاتك (هوپیتال) اورمانلرندن کچه‌بیلیمی یالکز
موجود یوللره منحصردر .



اون دردنجی مکتوب

ایلری، یوروش — تصادفی محاربه

وضیعت ، مارتک دها (۲) نجی کیجه سندن اعتباراً بر اجتماع امری ویرمکده استعجال کوسترمش اولمکزی طلب ایتیمور . دشمن سزدن پک اوزاقده بولنیور . بناء علیه برکون اول آلمش بولنه جغکز ترتیاتی کاملاً دکیشدیرته جک بعض حوادثک کلمی پک محتملدر . مع هذا ، شویله برامر ویرمکله بیوک بر قباحث ایشلمش اوله جق دکلسکز . لکن ، وضیعت قاریشیق اولمدیفندن کوکلم اولیله آرزو ایدیورکه ، هر شیئکنزی یالکز حرکت امریله تنظیم ایتمش بولنه سکز .

امرکزی یازمزدن اول سزه بر قاق شی تنیه ایده جکم : پک اوزاقده بولسان دشمن ایله تماس حاصل ایتک ایسانلیدیکی ایچون سواریکیزک قسم اعظمی پیشداره الحاق ایتکده معنا یوقدر . اولیله ایسه سواری مستقل بر اقیله جقدر . وبو سواری ، وظیفه سنی اجرا ایتک ایچون کمل سرعتله (صولکهنه) اوزرینه ایلر ولیه جکدر . بر قاق زمان صکره سواری پیشداردن قطعاً آیرلمش بولنه جق ، بناء علیه پیشدار اونی اوزاقدن تعقیب ایلیه جکدر . سواری بی پیشداره ملحق بولندیرمق ، مفرزه قوماندانی ایچون دشمنه دائر الزم اولان حوادثک ورودینی تأخیر ایلمک دیمک اوله جقدی . شبهه بوق پیشدارده کندی امنیت خصوصیه سی ایچون برمقدار سواری

ویرله جکدر. بنجه اوکا ایکی طاقم قدر سواری ویرمک بوراده پک مناسب اولور.

کریده مستقل سواری ایچون دها ایکی بچق بلوک قدر برشی قالورکه، آز دکدر.

پیشداره طویچی ویرمک خصوصنده ده بر سبب معقول کوره میورم. استحکام بلوکنه کلنجه اونی جانکز نره به ایسترسه یعنی کرک پیشداره و کرک قسم کلی به ویریکز: بونده هیچ بر باس یوقدر.

مسئله کزده، شمدی به قدر دشمنله تماس حاصل ایدیه مدیکی سویلنمش ایدی؛ مع هذا سز، ینه مادونلریکزه خصمک تعقیب ایتمی محتمل اولان استقامتی سویلمکدن چکنمیکز، بالعکس اونی مطلق کوستریکز. خصمک وضعیت عمومی سنی تشریح ایتک ایچون سز مطلق نم قوللاندیغ تعییری صرف ایتکده مجبور دکلسکز، بشقه تعییرلر قوللانه بیلورسکز واز جمله آنی سویله جه خلاصه ایده بیلورسیکز:

(استراسبورغ) دن حرکت ایدن دشمن، (شاتو-سالن) دن کچرک ایلرولمکده در؛ دشمنک سواریسی دون (صولکانه) به واصل اولشدر.

بوصوک حوادث امنیت شایان بر مأمور طرفندن ویرلش اولدینی ایچون طوغری کبی تلقی ایدیه بیلور. میر آلا ی ب. . نک یوروش هدفه کلنجه، سز آنی بر صورت عمومی ده کوستره جکسکز: وهر نه قدر مسئله ده (پورنوی - لاغراس) دن ده بحث اولیورسده ایلک اوکجه (ورنی) اولسی بنجه دها معقولدر. اکر دها صکره سز بو ایکی محک ایکی سنی ده اشغاله موقت اولورسه کرکه پکده محتمل دکدر؛ اوزمان مادونلرکز هدفک اوصورتله انتخاب ایدلش اولسنک

معناسنی یکدن آکلارلر . مارت آینده کولش ساعت (۶) یه طوغری
طوغار . بناءً علیه ساعت (۷) دن اول یوله چیقما ملیدر . واقعا بعض اسباب
مجبوره اولورسه (۷) دن اولده یوله چیقه بیلورسکز . لکن حمد اولسون ،
بوراده او یله اسباب مجبوره یوقدر .

پیشدار ایله قسم کلی ، هیچ کیمسه برخطوه بیه کری یوروش
یا مامق ایچون ایلریده وایکی قدمه دن هیچ بریسی دیکرینی بکلمکه
مجبور اولیه جق بر ساعتده اجتماع ایده جکلردر . اجتماع نقطه سی
اوله بیله جک وهان همان عین قیمته بر جوق نقطه لر واردر . بـم
پیشدار ایله قسم کلی ایچون انتخاب ایتدکرم بر بندن تخمیناً (۷۰۰)
متره قدر اوزاق بولنیورلر . پیشدارک بویدن بویه یوله کیرمش اولسی
ایچون (۲۲) دقیقه لازم اولدیغندن اگر قسم کلی بولندیغی یردن
(۲۰) دقیقه صکره حرکت ایدرسه ، همان همان پیشدارله اولان
مسافه سنی آلمش بولنه جقدر . ایلری قره غول سواریلری ایچونده
کذلک ایلری قره غوللر خطنک ایلریسنده بر اجتماع نقطه سی واجتماعک
وقوعه کله جکی ساعتی ده کوستریکز .

پیشدار ایله قسم کلینک اجتماعی انساننده ایلری قره غوللر
سوارسی ، جنوبه طوغری صیق ، صیق کشف قوللری کوندره رک شدتلی
بر استکشاف خدمتده بولمغه مجبوردر . ساعت (۷) یه کذبجه ،
مستقل سواری سرعتلی یوروش ایله ایلری قره غوللر خطنی کچه جک
وبو آندن اعتباراً سزک ایلرولریکزی استکشاف ایتک واوزاقدن
سزک امیدکزی استحصال ایلمک وظیفه سی آرتق اوکا عاڈدر . او یله
ایسه ، ایلری قره غوللر سوارسی ایجه ایلریده بر یرده اجتماع ایدرک
بوسایده بالسهوله پیشداره التحاق ایتش بوانه بیله جکدر . پیشدار

(پوی) دن کجەجکی زمان سوارینک ده بوکویک شال مخرجده اجتماع ایتش بولمنسی امر ایدیکز .

دشمنه هنوز تماسده بولنیه مدینفایچون بیوک آغرقلریکزی ده برابر کوتورمکزه مساعدده ایدرم . فی الحقیقه دشمنه دائر الده ایتدیکز معلوماته نظراً ، اوزرلرینه طوغری یوریش اجرا ایتکده اولدیقنر نقطه لره واصل اوله میه جفکزه واونلری ، دشمندن تعجیز ایدلمکسزین اشغال ایتش بولنیه میه جفکزه دلالت ایدر آرده ده هیچ برشی یوقدر . آنک ایچون دیورمه ، سز ، بیوک آغرقلریکزی ده برابر کوتور - ملیسکز . اک ایوسی بیوک آغرقلر بیوک یول اوزرنده اجتماع ایتلیدرلر . لکن اوילה بر ساعتده اجتماع ایتش بولنیلیدرلرکه ، (سابلون) دن کلان اقسام عسکریه کندی اجتماع نقطه لره کیدرکن ، اونلر طرفدن هیچ بر تعجیزلک فلان کورمسونلر ..

میرآلای ب .. ایله میرآلای س .. بر درجه یه قدر همان عین وظیفه یه مالک بولنیورلر : یعنی اونلرک اصل وظیفه لری دشمنی (میچ) ه کلکدن منع ایتک و شمال قطعاتنک اجتماعنی ستر ایلمک در . بناء علیه ایکی مفروضه قطعی بر ارتباط ایچنده حرکت ایتکه و دائماً کندی قرارلرینی بر برینه خبر ویرمه مجبوردرلر . بوندن طولانی ، میرآلای ب .. کندی حرکت امرینک بر صورتی ده میرآلای (س ..) ه کوندره جکدر . شونقطه یی نظر دفته آلمش اولدیقکری بللی ایتک ایچون آنی امرده ذکر ایتلیسکز . ایشته امریکز بو وجهله یازیله جقدر :

مفرزه امری

۱ — دشمن (صولکه نه) دن قالفه رق
بزمه تصادف ایتک اوزره یوروش یاپور
کې کورینیور . میرا لای س . قوما .
نداسنده بولنان بردوست مفروزه سی یارین
(قریژی) دن (غروه لاهوت) اوزرینه
یوری به جکدر .

۲ — مفروزه یارین (وهرنی) اوزرینه
ایلرولیه جکدر .

۳ — مشتقل سواری ، یارین صباح
ساعت یدیده (مانپی) نك شمال مخرچندن
حرکتله (وهرنی) و (شهرزهی) دن
کچهرک (صولکه نه) اوزرینه یوری به جکدر .
بوسواری (هوپتال) اورمانلرخی ترصد
ایتدکدن بشقه میرا لای س . مفروزه .
سیله ده ارتباطده بولنه جقدر .

۴ — پیشدار یارین صباح ساعت (۷) ده
(مانپی) نك شمالنده کی (اسکی کوپری)
دن حرکتله (وهرنی) بیوک یولنی تعقیب
ایده جکدر .

۵ — قسم کلی : باش طرفی (سابلون) نك
جنوبنده (سهیل) کوپریسندده اولقی
اوزره یارین صباح ساعت (۷) پی (۴۰)
کچه بیوک یول اوزرنده ویول قولنده
بولنه جق و (۷۰۰) متره مسافه ایله
پیشداری تعقیب ایلیه جکدر .

۶ — پیشدار باشی کندی خذالریخی

انقسام عساکر

۱ — مستقل سواری : بیکباشی . .
۱۳ نجی سواری آلای (۴ نجی
بلوک ایله ۲ نجی بلوک ۲ طاقی
اکسیک) .

۲ — پیشدار : بیکباشی ق . .
۱۳۰ نجی پیاده آلاینک برنجی
طابوری .

۱۳ نجی سواری آلاینک ۲ نجی
بلوکندن ایکی طاقم .
۱۶ نجی استحکام طابورینک برنجی
بلوک .

۳ — قسم کلی « یوروش نظامی »
۱۳ نجی سواری آلاینک ۲ نجی
بلوکندن برکوچک ضابط و ۶
سواری .

۱۳۰ نجی پیاده آلاینک ۲ نجی
طابوری .

۳۱ نجی صحرا طوپی آلاینک
برنجی طابوری (۳ نجی بطریه
اکسیک)

۱۳۰ نجی پیاده آلاینک ۳ نجی
طابوری .

کچدیکی کبی ایلری قره غوللر پیاده سی
(وهرنی) دن (سابلون) ه کیدن یول یقینده
اجتماع ایده جکدر . ایلری قره غوللر
سوارسی ایسه ، ساعت (۸) ی (۲۰)
کچه (پوی) نك شمال مخرجنده پیشداره
التحاق ایده جکدر .

۷ — بیوک آغرقلر ، معیتنده بر قاج
سواری بولنان ۱۳ نجی سواری آلاینک
ایکنجی بلوکندن بر ضابط اداره سنده
اولق اوزره صباح ساعت (۷) ی
(۴۰) کچه (سابلون) ك جنوبنده بیوک
یول اوزرنده قول تشکیل ایده جکار و قسم
کلی ی (۲) کیلومتره دن تعقیب ایلیه جکلر در .
۸ — بن قسم کلینک یاننده حرکت ایده جکم
راپورلر اورایه کوندرلیدر .

میرآلای
ب ..

قطعات عسکریه دن وایلری قره
غوللردن کوندریلان ضابطلره
یازدیرلش . بر قوپیه سی ده آیریجه
بر ضابط واسطه سیله میرآلای
(س.) ه کوندرلشدر .

یول ائناسنده میر آلائی ب.. هپسی عین مألده اولمیان بر چوق
راپورلر آلور :

برنجی راپور، دشمنله تماس حاصل ایدلیدیکی کوسترر. اوزمانه
قدر بو دشمنک یالکز (مچ) اوزرینه یه ریدیکی وسوارینک (۱)
مارتده (صولکانه) یه واصل اولش بولندینی بیلنیوردی. ایشته
شمدی کلان راپورده ایسه آیک (۲) نجی کونی دشمنک (صولکانه) بی
چکیدی خبر ویریلور. اوت، دشمن (لی یه هون) مکلشدر. سوارینسی
یقین مسافه دن پیاده قطعاتی تعقیب ایدیور. بوندن اکلشیلورکه دشمن
میر آلائی (ب..) یه بوسباح بیله تصادف ایدم جکدر. زیرا، کلان
راپورلره نظرأ (غروه لاهوت) و (شه ریزه می) دن کچرک (مچ)
اوزرینه یوروشنه دوام ایده جکنه حکم ویریله بیلور. احتمال که ینه ،
دشمنک قوای اصلیه سی ایلری یوروشلرینه دوام ایدرک
یالکز غربده (هویتال) اورمانلری جهته بر آز عسکر کوندرمکه
اکتفا ایلیمه جکدر. ذاتاً شواورمانلر ایچنده یالکز پک آز موجود
اولان یوللر اوزرنده یوریمک قابل اولدینی ایچون ، مذکور اورمانلر
بر مانع تشکیل ایده جکدر. او یله ایسه بردن (هویتال) اورمانلر-
ینک شرقدن وغربندن ایلرولمک فکریله دشمنک قوه موجوده سنی
ایکی مساوی قسمه آیرمسنه پک آز احتمال ویریله بیلور. بو برنجی
راپور، میر آلائی (ب..) نک یوروش ترتیباتی تعدیل ایتدیرمک
درجه ده بر قوتی حائر دکلدر .

بر ضابط کشف قولی طرفندن کلان ایکنجی راپور ایسه ،
هر امیدک فوقده خصمک شدتله ایلرولمکده و (فلوری) اوزرینه
یوریمکده اولدینی کوستریور. بو راپور ، ایلریده نه وار نه یوق ،

کندی کوزيله کورمك ايچون مير آلاي ب.. نك ايلري كچمسي موجب اولور. دشمنك قواي موجوده سنه دائر، شمدي يه قدر ذاتاً اولجه نه بيلينورسه، اوندن فضله هيچ بر حوادث آلنه مامشدر. دشمن سواريسندن صرف نظر ايديله رك، شمديكي حالده، بر دشمن پياده بلوكنك يول اوزرنده بولنديني محققدر. لکن بو بلوكنك ديكر قطعات عسكريه ايله تعقيب ايديلوب ايدلمديكي هنوز بللي دكلدر. كذلك، (نوتردام) اوزرينه يوريان دشمن قولك قوتی ده هنوز معلوم اوله مامشدر. بناءً عليه، مير آلاي ب.. يا تعرض ويا مدافعه ايچون بر قرار ويرمكه مجبوردر. (وه رنی) ويا (پورنوی لاغراس) موافقندن بریسی طوتمق خصوصه كلنجه بونی دوشونمك ايچون ده ا وقت وار. شمديك مير آلاي ب.. نك يالکزي آلديني امرلر داخلنده قالمی و دشمنی شماله طوغری ايلرولمکدن منع ايتمی يتيشور. بناءً عليه ديمك اوليورکه مير آلاي ب.. دشمنله تصادف ايتمك اوزره ايلري يورويشنه دوام ايدمك و بوخصوص، بر تعرضي محاربه ايله نهايت بولش اوله جقدر. اما بر شرط ايله که، دشمن عددجه يك زياده فائق اولوب ده مؤخرأ بوتعرض حرکتی هيچ بر موفقيت کورميه رك سبتون نتيجه سز بر افش اولسون.

اگر مير آلاي ب.. ده ايلك حمله ده مثلاً (هوت که نوت) ويا (ماني) نك جنوبنده کی صاغری اوزرنده مدافعه يه كچمك ايستيورسه، اوزمان امين اولسون که وطيفه سنی باشه چيقارمش اوله ميه جقدر. زیرا بو وجهله (سهيل) ايله (هوپيتال) اورمانلری آره سنده کی اراضی بی کاملاً دشمنه ترك ايتمش بولنه جقدر. يورويشه دوام ايتمك ايچون ايکنجی بر سبب ده اوارکه اوده مير آلاي س.. نك

وضعیتیدر . کرچک ، میرآلای ب .. نه قدر چوق اراضی قازانه جق اولورسه ، دشمن قوتلرینی دها او قدر زیاده کندی اوزرینه جلب ایدرک ، میرآلای س .. نك وظائفی دها او قدر زیاده تسهیل ایتمش بولنه جقدر . اگر دشمن ، مثلاً ، (فلوری) دن (شهزنی) به کیدن یولدن استفاده ایده بیله جک اولورسه ، اوزمان میرآلای س .. اورماندن کندی علیه یاییله جق بر باصقین حرکتنه معروض قالمش بولنوردی .

بناءً علیه کوریلورکه ، تصادفی بر محاربه نك وقوعه گلشی پك محتملدر . شویله بر حالده ایسه ، مفرزه ، صوك زمانده ، احتمال کندیشی ده هنوز یانلمه حرکتی اجمال ایده مامش اولان یالکز بردشمنه قرشو یانلمه مجبورت کورمش بولنه جقدر . شمدیلک دها دشمنک نه زمان وزده یانلمش اوله جنی ویا اولدینی بزجه معلوم دکلدر . بونک ایچون ایکنجی راپورده ، میرآلای ب .. نك یورویش حرکتی تأخیر ایتمش اولسنه اجرا تأثیر ایلیمه جکدر . سوارینک دشمنه تماس حاصل ایتشی دها چوق زمان سورمیه جکدر ظن ایدرم . میرآلای ب .. دشمنه دائر ایودن ایویه معلومات آلدینی زمان ، کرک تعرض ایچون یانلمق وکرک حین حاجتده برمدافعه یه کچمک خصوصنده بول بول وقت بوله جقدر .

یورویش ترتیباتنده بولانه قدر وقوعه کلان یکانه تعدیلات ، مفرزه قومانداننك ، محاربه باشلادینی زمان کندی قطعاتی یاننده بولنمق وکندی قرارینی اولره ، باخصوص پیشداره تام وقتنده بیلدیرمک مقصدیه ایلری کیتمش بولنمسیدر . میرآلای ب .. یه کلان راپورلره ومیرآلایک یورویشه دوام ایتک خصوصنده کی قرارینه دائر میرآلای

(س) ه معلومات کوندرمک لازم کلدیکنی صاقین اونوتمیکنز . بونک
 سینی البت بیلورسکز . چونکه (هوپیتال) اورمانلرینک غربنده
 نملر کچدیکنی بيلمک ، میرآلای س .. ایچون پک لزوملی برشیدر .
 اوچنچی راپور ، شوکی حالدرده بکلنلدیکندن زیاده مکمل بر
 راپوردر : دشمن مدافعهده یرلشمک ایچون (فلوری) ده یایيله جق
 کبی کورینیور . بوندن اکلاشیلورکه ، دشمن کندیسنی احتمال بزدن
 دهاضعیف بولیور . اوح ! نه اعلا ! بویله یاپارسه اوکندیسی ، میرآلای
 ب .. یی کندی اوزرینه هجوم ایتمکه دعوت ایلدکدن بشقه ، عین
 زمانده ایستدیکی ترتیاتی انتخاب خصوصنده مومی الیهی پک سربست
 برامش اولیور دیمکدر . سواری قوماندانی ، دشمن پیاده سنک قوتی
 بر ویا ایکی طابور قدر تخمین ایدیور . ایکی طابور فرض ایتسه کز بيله
 میرآلای ب .. ینه کړک پیاده وکړک طویچی صنفی اعتباریله دشمندن
 زیاده بر قوتی حائر بولیور . اولجه کورلش اولان سبیلردن طولای
 بوراده یالکز دشمن اوکنده بوش طورمق ویالکز اکلنهرک وقت
 کچورمک هیچ بر زمان مناسب دکلدر . چونکه (فلوری) ده برکړه
 ایودن ایویه یرلشدکن صکره ، دشمن (هوپیتال) اورمانلرینک
 شرق جهتنه یعنی طوب سسلرینک ایشیدلیدیکی طرفه قوای
 عسکریه سندن بر مقدارینی کوندره بيله جکی کبی دشمنک مؤخرأ
 تعرضه کچمک ایچون شمکیلک قوای امدادیه بکلمکده اولمسیده
 بعید الاحتمال بر شی دکلدر . اگر میرآلای ب .. سریع وشدید
 بر حرکت ایله (فلوری) موضعی الده ایتمکه موفقیت حاصل ایدرسه
 بو ، آنک ایچون پک کوزل بر ایش اوله جق واو آرتق وقایع اخیره یه
 سکونته انتظار ایله جکدر . بناء علیه ، میرآلای ب .. آتیده کی

وجهله بر قرار ویره جکدر : دشمن (فلوری) دن چیمش اولسه بيله الده موجود اولان عسکرک کافه سیله وکال شدتله آنک اوزرینه هجوم ایتک لازمدر .

دشمن حالا ، کندی یایلمه حرکتی ا کال ایتدی . بناءً علیه شو بحثده آکا تقدم ایتک لازمدر . بونک ایچونده سز ، هجوم ترتیباتکزی اوله ترکیب ایتلیسکزرکه تافله یره وقت غائب ایتدیرن یایلمه لره اصلا حاجت قالمسون . پیشدار طابوری ، قسم کلی پیاده سنه یایلمق ایچون لازم کلان زمان و مسافه یی قازاندرمغه چالیشه جقدر . طویچی ، پیشداره یاردم ایتک مقصدیله درحال ایلری کیده جکدر . طویچی وظیفه سنی ایفاء ایتک خصوصنده ، نه قدر آز پیاده نك معاونتته محتاج اولورسه ، ده اوقدرانی ایش کورمش اوله جقدر . طویچینک بویله درحال ایشه باشلامسی ، دشمن طویچیسنی موضعه کیرمهک مجبور ایتک مقصدی ده حائردر . مؤخرآ پیاده هجومی حاضر لایه بیلمش اولوق ایچون ، طویچی الدن کلدیکی قدر چابوق آتشجه دشمنه تفوق حاصل ایتمهک باقلیدر .

شمدی ده بر هجوم امری یازمق ایچون ، نم کچن مکتوبمده کی ملاحظاتی دوشونه رک اوکا کوره امریکزی یازمغه چالیشیکز . شو آنده (سن پی ر) کوپر یسند منخط بریرده بولنان میر آلا ی ب.. کندی هیئت ارکانی ، طویچی ، استحکام و پیشدار قوماندانلریله برلکده ایلک اوکجه یوکسک بر نقطه یه ومثلاً (هوت که نوت) ه چیقار . مومی الیه ، اگر کوز ایله کوره میورسه ، قولنک ایکی قدمه یی هانکی نقطه لرده بولنیور اوراسنی ایوجه بر حساب ایتدکن صکره هجوم امرینی اورادن ویره جکدر . شمدی کری به قالان ، (فلوری)

موضعك قيمت تدافيعه سنی تقدیر ایتك وهجوم جناخی انتخاب ایلملك
خصوصاً لیدر .

دشمن موضعی ، (تویله ری) نك شمالنده کی اولرك ایلر وسنده ،
(تویله ری) ، (فلوری) یولك اوکنده کوزل بر انداخت میداننه
مالکدر . حاصلی کویک غرب کنارینك شمال قسمی ایله ، شمال
کنارینك غرب قسمی ایودر .

بالعکس ، کویک شمال کنارینك شرق قسمی ایلر یسندنه زمینك
آز چوق طائفه لی بولمنسی ، دشمن ایچون الویریشلی دکلدر . زیر ،
شمال شرقی ایله شرق جهتده انداخت میدانی اودرجه تحدید ایدیورکه
اوندن طولایی دشمن احتمال کویک طیشاریسندنه یرلشمکه مجبوریت
کوره جکدر . اولر ، بك صیق اولدینی ایچون کویک کناری مدافعه جه
شبه سزایی اهمیت حازر بولنیور .

هیچ دکلسه بوکوی دشمن ایچون کوزل بر نقطه استناد اولور .
دشمن طویلیسی ، یا (تویله ری) ایله (فلوری) آره سندنه ویا کویک
شرقنده (۲۱۸) راقلی ته ده موضع آله بیلور . طویلی اکر بوسوک
یرده موضع آلورسه اوزمان خصوصی برحافظه احتیاج کوستره جکدر .
(فلوری) موضعی تقریباً (۸۰۰) متره اوزونلغنده برامدادی حازدر .
وغریبه (سایل) نه رینه استناد ایدیور . شرقده ایسه (هویتال)
اورمانلری ، واسع بر چورمه حرکتی یایمکزه مانعدر . بناءً علیه
کورپورسکز ، بو موضع ایجه قوتلی بر موضعه در . احتمال که ، دشمن
اوراده سزک هجومکزه انتظار ایده جکدر . موضع مذکور بر طرفدن
(سایل) دره سی ، دیگر طرفدن (هویتال) اورمانلریله چویرلمش
اولغله برابر یه جناح لرندن بریسنه هجوم ایتك پك اعلا نمکندر .

زیرا دشمنك عین زمانده هم نهره وهم اورمانلره استناد ایدم بیله جك صورتده یا بلمسنه هیچ بر زمان قوتی مساعد دكلدر .

بناءً علیه میر آلا ی ب . . اسباب آتیه دن طولای کندی هجوم اصلینسی (فلوری) نك شمال شرقی چیقندیسی اوزرینه سوق ایتمه قرار ویرر : (پوی) ایله (تویله ری - فلوری) آره سنده کی اراضی آچیقدر ؛ (بویون) وادیس بونجه ایلروملك قولایدر ؛ کوجك کوجك اورمانلردن بالاستفاده (فلوری) نك شمال شرقی سنده کی (۲۱۸) راقلی تپه یا قلاشیله بیلور ؛ (پوی) نك شرقده کی تپه ، (فلوری) نك شمال شرقی چیقندیسی عامنه سوق ایدیلان هجومی حاضر لاق ایچون پك کوزل بر طویجی موضعیدر .

مدافعینك انداخت میدان ، (فلوری) نك شمال شرقی ایلروسنده تحدید ایدلمش بولنور . والحاصل (سایل) مجراسی هاجین ایچون غیر مساعد بر مانع تشکیل ایدیور . ایکنجی درجه هجومه کلنجه او ؛ (پوی) دن باشلایه رقی بویك بولاك شرق جهتدن ایلرولیه جکدر . برده ، دشمنی (سایل) نهرینه آتمق وجوار دشمن قطع اتندن آرمق هر حالده آنی اورمانلر اوزرینه آتوبده مذکور قطعات ایله برلشدیرمکدن دها ایودر .

بویك یولدن اعتبارآ ، هجوم جبهه سنك امتدادی (۱۵۰۰) متره یی کچمه جکدر . (سایل) وادیس ای آچیق بر وادی اولدینی ایچون ایکنجی درجه هجومك خارجی یانی هایه ایتمه لزوم یوقدر . حال بوکه هجوم اصلی نك خارجی یانی ، (هویتال) اورمانلری جهتدن یا بلمسی ملحوظ اولان بر باصقیندن محافظه ایدلمك لازمدر . مفرزه کریه بوسکور تالمش اولورسته ؛ (سن بی ر) دره سی آنك رجعتی ای تأخیر

ایده بیله جکدر. زیرا، اونک اوزرنده یالکز اوج یردن کچد حرکتی یایمق ممکندر. بناءً علیه استحکام بلوک (سن پی ر) کوپریسنگ شرق جهتده بر قاج اوافق کوپری انشا ایده جکدر.

هر ایکی ساحلده حرکت ایدن قطعات عسکرینه نک اتصالی تأمین ایتمک فکریله (بویون) دره جکی اوزرنده کچیدلر یایمغه هیچ لزوم یوقدر. مع هذا اگر سز اوپله برشی یایمش ایسه کز بوندن طولانی مراق ایتمک سزی تکدیر ایده جک دکلم. پیشدار پیاده سی ایلمک اوکجه بر نقطه استناد اولق اوزره (پویی) کوینی اشغال ایده جک و بورادن بیوک یولک شرقنده قسم کلینک یایامه حرکتی، (فلوری) جهشتدن کلمی محتمل اولان بر هجومه قرشو محافظه ایایه جکدر (دشمنک شویله بر هجوم یایمی پک آز محتملدر). طوپچی بر آن اول ایشه باشلامغه غیرت ایده جکدر. بناءً علیه درحال (هوت که نوت) اوزرنده بطریه حالته کیره جک و اورادن پیاده نک ایلریدن اراضی قازانمسنه انتظار ایلیه جکدر. کرچه طوپچینک ایلمک موضعی هدفندن بر آز اوزاق بولنیور. فقط نه چاره، بدایتده اونی بوندن ده ایلری کوتورمک ایی دکلدر. (پویی) نک جنوب کناری طوتلسه فنا اولیه جق.. زیرا اوسایه ده هم دشمنک هر درلو حرکتی طور درمق ممکن اولور و هم عین زمانده اوراسنی طوتمله: «طوپچی پی دشمن پیاده آتشدن محافظه ایتمک ایچون پیاده عسکرینی ایلری سورمک لازم کلور». قاعده سی تطبیق ایدلمش بولنور.

بناءً علیه قسم کلی پیاده سی، بیوک یولدن شرقه کیدن کوچک یولک نقطه انفکاکنه یعنی (پویی) شاتوسنگ (۱۰۰) متره شمالنه کلنجیه یوقدر یول قول نظامنده قاله جقدر. تعقیب ایدیلان یول پک کنیش اولدیغندن

قسم کلی پیاده سی نصف طاقم جبهه سیله یوروش یابه بیله جقدر . زیرا ، اورایه قدر دشمن اونوی کوره مز . بعده یایلمق ایچون قسم کلی پیاده سی صوله استناد ایدم جک وایشته بو آندن اعتباراً هجوم اصلی ، ایکنجی درجه هجومدن آبرلمش بولنه جقدر . اگر سز ، قسم کلی بی (سن تی یه بولت) خذالرنده دها یولدن چقاروب (طونو) استقامتده یایمغه باشلامش اولسیدیکز ، بو ترتیبانکزه ده هیچ بر دیه جکم اولمزدی .

پیشدار طاہوری قوماندانه (پوی) بی طومقله اکتفا ایتسنه دائر امر کوندر دیککز حالدہ شہسز ، آنک بدئت حرکتی تحدید ایتمش اوله جقسکز . مع هذا . اوله یایمقده حقکز وار . زیرا ، مؤخرآ دشمنک نه کبی بر حرکتده بولنه جغنی بیلیمورسکز . سوارینک کوندر دیککی راپور ، فکریکزی آز جوق شہلی بولندیر یور . زیرا ، سز یالکز بر شی یعنی دشمنک موقناً طور دینگی ، وکیمسنک برونی قانہ مقسزین (پوی) کوینی ضبط ایتک امیدلری اولدینگی بیلورسکز . مع هذا ، اگر دشمن (فلوری) دن چیقہ رق (پوی) کوینی اشغال ایتک فکرینه دوشه جک اولورسه ، قسم کلی خط آجنجه یه قدر پیشدار طاہوری آنی طور درمغه موفق اوله جقدر . زیرا ، دشمن اورایه هجوم ایتزدن اول بر کره ترتیبات آلمغه و ثانیاً یایلمغه مجبوردر . بو ایسه طبیعی آره دن ایجه زمانک کچمسنی موجب اولور . قسم کلیکز (پوی) اوکنده بر کره خط حرب آچوب ایشه کیریشدکن صکره ، دشمنی یالکز (فلوری) اوزرینه آتمقله اکتفا ایدلیه جک بالعکس مذکور کوی علیهنده در حال بر هجوم حرکتی یایله جقدر .

بناءً علیہ میرآ لای ب .. ویرہ جک امرده وظایفی ، دشمن کرک (فلوری) ده قالسون و کرک قسم کلینک مواصلتده ، (فلوری)

ایله (پویی) آره‌سنده بولسون ، ایشته شو ایکی حالک ایکسینه ده قابل تطبیق اوله‌جق صورتده تقسیم ایده‌جکدر .

هر حالده ، امر ، خصمه نره‌ده راست کلنورسه کلنسون ، اونک اوزرینه مطلق شدتلی بر هجوم حرکتی یاییله‌جغنی ناطق اولمیدر .

شمدی برکرده بوکونکی وضعیکزی ، کچن مسئله‌ده‌کی وضعیت ایله بر مقایسه ایدیکز . او وضعیته کوره سز ، دشمنک ایوجه‌تحکیم ایتش اولدینی موضعده مطلق حال تدافعی‌یه کوره حرکت ایده‌جکمه تمامیه قانع ایدیکز . بوکونکی وضعیکز کرچه‌براز اوته‌کندن فرقلیدر . مع هذا ، سزک امرلریکزینه کچن امرلر کبی ترتیب ایدیله‌بیله‌جکدر .

زیرا سز ، مطلق هجوم ایتکه وهرنه واسطه‌ایله اولورسه اولسون مقصدیکزی تعقیب ایلکه قرار ویرمشکزدردر . بناءً علیه

مادونلریکزه ، هر نه اولورسه اولسون ، واصل اولمغه مجبور بولندقلری هدفلی کوستریکز . (فلوری) یه هجوم ایدلیکی اشناده پیشدار

طابورینک (پویی) ده قالمسنی امر ایتک بیوک بر خطادر . بویله بر امر ، اولسه اولسه ، بر موفقیتسزک حالنده ، مذکور طابور

اوزرینه طوبلانمق مقصدینی حاوی اوله‌بیلور . لکن اونک هر حالده بر خطا اولدینگی کوسترمک ایچون‌یالکز ، قوتک اوچده بری هجوم

اصلیه اشتراک ایده‌میه‌جکنی سوبیلکم کفایت‌ایدردر . لکن بیلورسکزه تعرض حرکتده برمفرزه صوک نفره قدر النده هر نه وارسه هپسنی

محاربه‌یه اشتراک ایتدیرر . اگر بشقه درلو یاییله‌جق اولورسه اوزمان تعرضدن وازچکمک ده ائی اولدینگی تصدیق‌ایلرسکز ظن‌ایدردم . ایشته

امریکزی یازییورم . بونک اوزرینه آزاجق‌ده ایضاحات ویره‌جکم ؛ اومارمکه اونلرک هپسنی جان قولاغیله دیکلرسکز .

(هوت كه نوت)

۳-۳-۸۹-۸۸ کو

مفرزه اسرى

۱- بر ويايكي طابور پياده، برسواری
بلوکه و بر بطريه قوتنده اولان دشمنك
قول باشلردن بریسی (فلوری)، بریسی ده
بیوك يول اوزرنده (تویله ری) ده بولنیور.
دشمنك سواری بلوکه (فلوری) دن
(شه زنی به) کیدن یولك (هوپتال)
اورمانلرینه کیردیكى نقطه ده توقفايلمشدر.
میرآلای س. .ك مفروزه سی (مه كلوو)ك
غربنده بر محاربه به کیریشمشدر.

۲- مفروزه دشمن اوزرینه هجوم ایده جك
و آنك سول جناحی احاطه ایلیه جكدر.
پیشدار آرتق امنیت خدمتیه اوغراشمقدن
صرف نظر ايلمشدر.

۳- (۳۱) نجی سیار طویچی آلاینك
برنجی طاבורی درحال (هوت كه نوت)
اوزرنده بطریه حالته كچه رك (فلوری)
اوزرینه آتش ایده جكدر.

۴- (۱۳۰) نجی پیاده آلاینك برنجی
طاבורی، ایلک اوکجه (پوی) کویخی
طوته جق، صکره بیوك يولك شرق جهتی
بویجه ایلرولیه رك هجوم اصلی حمایه
ایلیه جكدر. هجوم اصلی، (پوی) شاتو.
سنگ (۱۰۰) متره شاملندن یعنی شرقه
کیدن یولك آیرلدینی نقطه دن اعتباراً و
۱۳۰ نجی پیاده آلاینك (۲) نجی طاבורی
طرفندن اجرا ایدیه جكدر. مذکور

طابور ، (۲۱۸) راقلى تپەدن كچەرك
(فلورى) نك شمال شرقى چىقندىسى غلبە
سوق ايدىلە جكدەر .

۵ — (۱۳۰) نجى پيادە آلانىك
(۳) نجى طابورى ، احتياطى تشكيل
ايدە جك و (۵۰۰) مترە مسافە ايله
هجوم اصلينك صولى كرىسندن تعقيب
ايله جكدەر .

۶ — (۱۶) نجى استحکام طابورينك
برنجى بلوكى ، (سن پىر) كوپرىسندن
(۱۵۰۰) مترە شرقە قدر اولان قسم
داخلندە بعض كوپرىلر قورە جقدر .

۷ — « ۱۳ » نجى سواری آلانى ،
هجوم اصلينك صول ياتى ستر ايدرك
« هوپىتال » اورمانلريله پورنوى - لاغراس
و « اورنى » جەتلرغى كشف ايتدیرە جكدەر .
اوندن بشقە مذکور سواری ، (مولەن
دوفلورى) دن كچەرك (سەبلى) بويىچە
بعض كشافلر كوندەرە جكى كى میرالای
س . . مفرزە سیلەدە ارتباط تأسیس
ايله جكدەر .

۸ — جىخانە عربە لرى (پویى) نك شمال
مخرجنده توقف ايدە جكدەر .

۹ — بيوك آغرلقلر امرە نردە كندىلرینە
يتشە جك اولورسە اورادە توقف ايله جكدەر .

۱۰ — بن (پویى) نك شرقندە ك تپەدە
بولنە جنم . راپورلر اورایە كوندرلیدر .

میرآلای

ب . .

پیشدارە ، طویچی یە ، واستحکام
بلوکنە شفاهاً ؛ سواری یە « امر
ضابطى حسن افندی ایلە » ، قسم
کلی یە و بیوک آغرلقلرە امر ضابطى
علی افندی ایلە ، تحریراً ویرلش
و بر قوبیە سیدە بر کوچك ضابط
ایلە میرآلای (س) ە كوندرلشدر .

برنجی ماده دشمن بطریه‌سی طرفدن طوتیلان موضعدن بحث ایتیمور. بناءً علیه سزك طوبیجكز ایجه کوزینی آچغه مجبوردر. عین مادهده (هویتال) اورمانلرینك جهت شرقیه‌سندن کلان طوب سسلرینه دائر مادون قوماندانلره آرزوق معلومات ویریلدور. اوچنچی ماده (فلوری) کونیی طوبیجینك هدفی اولمق اوزره کوستریور. زیرا دشمن بطریه‌سی حالا موضعه کیرمامشدر. لکن بزم طوبیجیمز کوی اوزرینه آتش آجیدینی آندن اعتباراً دشمن بطریه‌سی شهه‌سز کندی موجب دیتی بیلدیره‌جك واوزمان طوبیجی قوماندانی کندی بطریه‌لری ایچون یکی برهدف کوستره‌جکدر.

شم‌دیکی حالد طوبیجی آتشی بر واسطه استکشافدن عبارتدر. (هوت‌که نوت) ، (فلوری) دن (۲۴۰۰) متره قدر اوزاق بولنیور. (هوت‌که نوت) ك جنوبنده (۲۱۷۹) راقلی نقطه طوبیجی موضعی اولغه لایق کبی کورنمیور. زیرا مذکور تپه‌نك ایلروسنده کی اورمان پارچه‌لری احتمال (فلوری) کونیی ستر ایدرلر.

برنجی طابور قوماندانی (پویی) دن چیقمق ایچون مناسب اولان زمانی الدن قاجیرمه‌جقدر. اگر بو فرصتی غائب ایدرسه اوکا یکی بر امر کوندرمه‌ک لزوم کوریله‌جکدر. هر حالده بو ضابط دها ایلک آندن اعتباراً (پویی) نك اشغالی، موقت برشی اوله‌جغنی بیاورسه مسعود اوله‌جقدر.

هجوم اصلی‌یی اجرا ایتك ایچون یالکزر برطابور مأمور اولدیغندن آرتق مذکور هجومی سوق ایده‌جك آمرک اسمنی سویلمه‌ک حاجت یوقدر.

سواری ایچون اولان ترتیباتده، میرالای س. . مفرزه‌سی ایله

دائمی بر ارتباط موجود اولسنی شدتله آرزو ایلدم . بونک ده سبی وار . چونکه محاربه نك اك زیاده قیزیشدینی زمانلرده اوکی ارتباطلره اکثریا خلل کلدیکی کوریلور . برده منفرد بر طاقم کشفلرک (هویتال) اورمانلرینک ایچروسندن کچهرک دیدیکمز ارتباطی حاصل ایتملری پک قولای اوله جقدر .

سیار خسته خانه یه کلنجه بن اوندن هیچ بحث ایتمدم . سبینی صورارسه کز یوقدرده اونک ایچون . . بوراده اولسه ، اولسه یالکمز صحیه مرکز لرندن بحث ایدیله بیلور . اونلری یرلشدیرمک ایسه قطعات عسکر یه نك وظیفه سیدر .

بیوک آغر لقلره کلنجه سز اونلره استر درحال توقف ایتملرینی ، ایستر (مانی) نك شمال مخرجنده یکی امرلری بکلملرینی امر ایدرسکمز: هر حاله مذکور آغر لقلر (سن پی یر) دره سنی کچمه ملیدرلر . حتی بکا قالورسه بر مغلوبیت خالنده (مانی) کوینک باشلیجه سوقاغی قبادلش اولماق ایچون بیوک آغر لقلری مذکور کویک شمالنده براقنی بیله آرزو ایدرم . اکر سز اونلری ایلک حمله ده (مچ) ه کوندرمش اولسیدیکمز بو پک فضله بر احتیاط اولوردی .

پیشدار ، (پوی) کویخی اشغال ایتمش اوله جفی زمان میرالای ب . . درحال کویک جهت شرقیه سنده کی تپیه چیقه جقدر . بوراسی عین زمانده هم هجوم اصلی یی تعقیب ایتمک ، همده پیشدار طبابوری یاننده بولنق ایچون اک ایی بر یردر . طویجی یه ده بر آرزو کره اورایه کلک ایچون امر اولنه جقدر . میرالای س . . بویازیلان امرک بر قوبیه سنی آلور . بو خصوص پک ایی برشیدر . چونکه ، (هویتال)

اورمانلرینک غربنده کچن وقوعاته دائر مونئی الیه حوادث ویرمه نك
اك قولای چاره سی اوندن عبارتدر .

بن بو دفعه هجوم ایچون یالکز بر امر ترتیب ایتدم . لکن اولجه
سویلמש اولدیغ تنبیلر خاطر کزدن چیقما مشه حربده بو قدر
مکمل امرلر ویرمک کوچ اولدیغی سزده بخله برابر اعتراف ایدرسکز
سانورم .

میرالای ب . . اول امرده پیشدار طابورینک (پویی) کویی
اشغال ایتسنی وطوبچی نك ده (هوت که نوت) اوزرنده بطریقه حائنه
کچمنی امر ایدیه یلوردی . بو قطعه عسکر یه لرك قوماندانلری شبهه سز
امرك ، وضعیت عمومی یی کوسترن برنجی ماده سنه دائر ده معلومات
آله جقلردی . بناء علیه (۶ ، ۹ ، و ۱۰) نجی ماده لرك حاوی اولدیغی
ترتیبات بر آزدها صکره اخذ ایدلمش بولنه حق وشبهه سز اونلردن
اولده وضعیت عمومی نك بر خلاصه سی یابلمش اوله جقدی . والحاصل
دشمنک (فلوری) دن چیقمیجی تمامیه آکلاشلد قدن صکره ایسه
(۴ ، ۵ و ۷) نجی ماده لرده کی ترتیبات کلش بولنه جقدی . بو ترتیبات
کذلک بر دفعه وضعیت عمومی ايله تقدم ایدیلر لرك صکره دن ده (۱۰۹۸)
نجی ماده لر ايله تعقیب ایدیله جکلردی . اگر سزک هجوم امر یکز بو
شکلده ویا بوکا بکزر دیگر بر شکلده ترتیب ایدلمش اولسیدی شبهه سز
کسه نك اوکا بر دیه جکی قالمزدی . زیرا دشمنک مقصد و مرانی ایجه
تعیین ایدمه مش اولان بر قوماندان بویله جه یایمغه مجبوردر . شواصولک
یالکز بر قصوری وارکه ، اوده اوزون اولسیدر . اگر سز یالکز بر
امر ویره جک ایسه کز ترتیباتک اسباب اتخاذه سنی سویلرکن مفرزه
قومانداننک دشمنک ، (فلوری) ده کندی هجومی بکلمکه قرار ویردیکنه

دائر تماميله قناعت حاصل ايلديكني ذكر ايديكز . هجوم امرى ايچون
 بر چوق خصوصى امرلريازارسه كز بونده پك چوق استفاده ايدە جككزه
 امين اوليكز . بونك هيچ بر فائده سى اولسه بيله يالكز سزى خصوصى
 امرلريازمغه ومادونلريكزه كندى افكار ومرامكزه كوره حركت ايتلرى
 ايچون نه كى اشعاراتده بولتمق لازم كلديكنه آليشدير مش اولسى كوچك
 بر فائده دكلدر . سزه مثال اوله رق او قيل امرلردن فرضا استحكام
 بلوكنه كوندره جككز امر نمونه سنى ايشته بوجه آتى كوسترينورم :

(هوٹ کھنوت)

۳ - ۳ - ۸۹ - ۸۱۰ کو

۱۶ نجی استحکام طاہورینک برنجی بلوکی قوماندانہ

(فلوری) دہ کوریلان دشمن اوزرینہ
مجوم ایدہ جکم . (سن پی پر) درہ سی
اوزرنده (سن پی پر) کو پر بسندن (۱۵۰۰)
مترہ شرق جہتنہ قدراولان قسم داخلندہ
بر جوق کو پر بلر یاپیکز . بن (پوی) نک
شرقندہ کی تپہ دہیم، راپورلریکزی اوراہ
کوندریکز .

میرالای

ب..

برامہ ضابطی ایلہ وشفاهاً
کوندرلمشدر .



اون در دنجی مسئله

صبح ساعت ۱۱ بمقده میرآلای ب .. قوتی ایکی ضابور پیاده، برسواری بلوکی وبر بطریه دن عبارت اولان دشمنی (فلوری) کویندن طرد ایتدی . لکن میرآلای ب .. نك طابورلری بك زیاده طاغلمش وقارشمش اولدقلرندن دشمنی آتشرلیله تعقیبدن صرف نظر ایلمشلردر . بطریه لر (فلوری) و (تویله ری) آره سنده کی یول اوزرنده توقف ایتشلر و دشمنك قارمه قاریشیق بر صورتده چكلمش اولدینی (لامانسه) اورمانی اوزرینه آتش آچشلردر . برنجی طابور عمومیتله (تویله ری) موقعی و (فلوری) نك قسم غریبسی اشغال ایدیور . (فلوری) یه هجوم ایتدیکی زمان بك چوق ضایعات ویرمش اولان ایکنجی طابور مذکور کویك قسم شرقیسی اشغال ایدیور . اوچنجی طابور ایسه کویك شرق کنارنده وباغلرک برآز شمالنده اجتماع ایتمش بولنیور . استحکام بلوکی ایله جبخانه عربهلری کویك شمال مخرجنه واصل اولمشلردر . بعض سواری کشف قوللری (هوپتال) اورمانلری ایچندن کچهرک عددجه کندیسنه فائق بردشمن ایله محاربه یه طوشمش اولان میرآلای س .. مفرضه سنك (هوپتال) اورمانی - (پودو-وهن) - (مه کلوو) خطی اوزرنده ثبات ایلمکده بولندیغنی میرآلای ب .. یه خبر ویررلر . (تویله ری) ده بولان میرالای ب .. بردشمن آوجی خطنك (لامانسه) اورماننك (۵۰۰) متره شمالنده و بیوک یوله حاکم اولان صرخی اشغال ایلمکده اولدیغنی کندی کوزیله کورور . بر دشمن بطریه سی یولک جهت شرقیه سنده موضعه کیردیکی آنده میرالای ب .. بر ضابط کشف قولنك کوندردیکی آتیده کی راپوری آلور .

« اوچ طابور پیاده وبر بطریه دن عبارت اولان بر دشمن قولی (شهریزه ی) و (پورنوی - لاغراس) دن کچن یول بونجه (فلوری) اوزرینه یوریمکده در . (اورنی) دشمن طرفندن اشغال ایدلامشدر . (پی رزو) نك جنوب شرقیسنده (۲۷۰،۸) رافقی باندنه موضع آلان ایکی دشمن بطریه سی شمال استقامتنده آتش ایدیورلر . (پی رزو) جهتنده پیاده محاربه سنك آره سی کسلمش کی کورینیور . »

یایله حق وظیفه

- ۱ — میرالای ب .. نك اخذ ایتدیکی ترتیبات ؛
- ۲ — ترتیبات متخذه نك اسبابی ؛
- ۳ — انقسام عساکری کوستر بر قروکی .

بر مدافعه موضعی اشغال ایچون امر نمونه‌سی

محل

تاریخ، ساعت

مفرزه امری

انقسام عساکر یوقدر .

۱ — دشمنه ودیگر دوست قطعاته دائر معلومات .

۲ — مفرزه قوماندانك مقصدی (مدافعه ایدیله‌جك موضعك بجملاً بیانی) .

۳ — طولی ایچون ترتیبات (آمیلاسمان، هدف ؛ سپرلر یابللق لازمه اوکا دائر معلومات) .

۴ — برنجی خط پیاده‌سی ایچون ترتیبات (منطقه لرك تقریقی ، هر منطقه نك قوتی؛ مدافعه ایشلری یعنی سپرلر یاپیله‌جق ایسه اونلرك جنسلینه دائر معلومات) .

۵ — احتیاط عمومی ایچون ترتیبات (آنی تشکیل ایدیه‌جك اولان قطعاته وبولنه‌جنی یره دائر معلومات) .

۶ — استحکام ایچون ترتیبات (مدافعه ایشلری ، موضعك کریسنده کوپرلر) .

۷ — سواری ایچون ترتیبات (سوارینك قسم اعظیله جناح‌لردن بر شیك ستری دیگر جناحده ایسه کشف قوللر سوقی) .

۸ — پیاده جیخانه عربهلری وسیار خسته‌خانه تأسیسی ایچون ترتیبات .

۹ — بیوك آغزلقلر ایچون ترتیبات .

۱۰ — قوماندانك یری .

امضا

امرك نه وجهله توزیع ایدیلدیکی

اون بشنجی مکتوب

بر مدافعه موضعی اشغالی

ساعت (۱۱) بحقده میرآلای ب . . (فلوری) یه هجوم ایتمش اولان قطعات عسکرینه نك نظام وانتظامنی یرینه کتورمکله مشغول بولنیور . زیرا یالکز دشمن موضعی الده ایتمک کافی دکل : اصل معرفت اونی الدن چیقارمه مقدر . بناءً علیه هجوم قطعاتی ، بر آز کندیلرینی طوبلادقندن صکره موضعی اشغال ایدرلر . ویکی بر وظیفه ایچون حاضرلنورلر . (۳) طابور پیاده وبر بطریقه دن عبارت یکی بر دشمنک (نوتردام) دن کچهرک (فلوری) اوزرینه یورودیکی خبر ویرلدی . بو حوادث کلیدیکی زمان میرالای ب . . (لامانسه) اورمانی اوزرینه آتلمش اولان قطعات عسکرینه نك تکرار بر محاربه ایچون حاضرلاندقلمش کوزله کورمش ایدی . بو احواله نظراً آرتق میرالای ب . . کندی تعرض حرکتی تعقیب ایتمک خصوصی خاطرینه بیله کتوره مز . اونک یاپهجنی اک بیوک ایش ، ضبط ایتدیکی موضعه ثبات ایتمک واونی دشمن انه کچورمه مکدر . میرالای (ب) نك مشاهدات ذاتیه سی وضابط کشف قولنک کوندردیکی مکمل راپور اوزرینه دشمنک نه صورتله هجوم ایده جکنه دائر اوزون اوزادی یه شبه ایتمک محل یوقدر .

اوله آکلاشیلورکه ، دشمنک اوچ طابوری بالذات (فلوری) اوزرینه هجوم ایده جک وهیچ دکلسه ، اولجه مغلوب اولان قطعه عسکریه سی ده یوزکری ایدهرک بیوک یوله استناداً یکیدن (تویله ری) اوزرینه یوریه جکدر . بناءً علیه وضعیت عمومیه اوزرینه صاغلام

بر فکر ایدنك اوقدر زور برشی دكلدر . ومیر آلاى ب .. شمیدین
اعتباراً موضعك اشغالنه دائر كندی قطعات عسكریه سنه لازم كلان
امرلری ویرمكه يك اعلا مقتدردر .

خاطر كزده قالسون كه ، برمدافعه موضعی آنجق دشمنك تقرب
یوریشی ایجه آكلاشلقدن وقوای عسكریه سنك انقسامنه دائر
بر فكر تخمینى ایدینلكدن صكره اشغال اولنه بیلور . دشمنك تقرب
یوریشی اوزرینه معلومات آلدقجه ونه وجهله هجوم ایده جکی حقنده
شهلی قالدقجه مناسب بر یولده انتخاب ایدیلان بر نقطه ده بر حاضرلق
تشکیلاتی آلمق لازمدر . بر آاز صكره دشمنه دائر ایوجه معلومات
آلدینی کبی اوزمان مدافعه موضعی قطعی بر صورتده اشغال ایدیلور .
اکثریا بوفرق واختلاف تقدیر اولنه میهرق يك ارکندن موضعه
کیرمك کبی بیوك بر خطا ارتکاب ایدلدی کوریلور . بویه ارکندن
موضعه کیرن قوماندان بر آاز صكره كندی تفصیلات عسكریه سنی
بستون دكیشدیرمكه مجبور اولدینی زمان كندی تأثیر ونفوذینك
بر قسمی غائب ایدر . مدافعه نك اك باشلیجه محذورلرندن بریسی
ایجه زمان تردد ایچنده قالمق در . باخصوص سواری طرفندن دشمنك
تقرب یوریشنه دائر کوندریلان راپورلرك كفایتسزلکی اوزرینه
ترددلر ایچنده یشامق مجبوریتی بستون جان صیقان شیرلنددر . بو
راپورلرك كفایتسزلکی تأثیری ایله اکثریا طوتیهلجق نقطه لرك يك
كچ وقت اشغال ایدلش اولملری کبی بیوك بر قاتلق حصوله كلور .
بو شمیدیكى حالده ایسه دشمنك هجوم ایتك اوزره بولندیغه
ذره قدر شهكز اولسون . اگر هجوم ایتیهك اولسیدی (هویتال)
اورمانلرینك غرب جهتدن بر طاقم تازه تازه قطعات عسكریه سنی

ایلرولتمش بولمیه جقدی . اراضی (هوپیتال) اورمانلری و (سهیل)
دره سیله چورلمش بولنیور . بناءً علیه (میچ) اوزرینه یوریان
دشمن (فلوری) یه اهمیت و برمیهرک سزک مفرزه کزه هجوم
ایتمکدن صرف نظر ایده مز . چونکه ، (فلوری) یی کندیلک کزدن
ترك ایتمه سزی مجبور ایلیمک ایچون موضعکزی چویره مز . بناءً علیه
کوزل بر مدافعه موضعک اکی ایی شرطلرندن بریسی اولان بوشرط
سزک موضعک زده و اردر .

موضعک زک مدافعه یه صالح اولوب اولدیغنی یعنی اسلحه ناریه
حاضریدن حقیقه استفاده یه مساعدی یوقسه دکلکی ؟ ایشته بوراسنی
بندن صورمق ایستورسک ز ظن ایدرم . موضعک ز ، بوکون اسلحه
ناریه نیک مدافعه جه اولان قوت و تأثیرینی کاملاً تطبیق ایتمه کزه مساعد
اکی کوزل واک متین بر موضعدر . چونکه بر دفعه کرک پیاده و کرک
طوبجی ایچون کوزل انداخت میدانی وار ، آوندن بشقه موضعک ز
کوزل نقطه استانه لرده مالک بولنیور .

طوبجینک استعمالی ایچون ممکن اولدیغنی قدر اکی آز (۳۰۰۰)
متره لک بر انداخت میدانه مالک اولمق آرزو ایدیلور . بو انداخت
میدانی دشمنی پک ایرکندن یولدن چیقارهرق پیاده سنی یوللرک
خارجنده یایمغه مجبور ایتک ایچون مذکور دشمن طرفندن تعقیب
اوانان یوللری دوکمه مساعد اولور . بو ایسه دشمنک هجومی تأخیر
ایچون کوزل بر واسطه در . اولجه (تویله ری) نیک شرقتده یرلشمش
اولان طوبجیک ز ، بالک ز ایلروده کی اراضی یی (۲۰۰۰) متره دن
زیاده مسانه لره قدر دوک بیلیمک دکل ، بالعکس بیوک یول ایله
(پورنوی لاغراس) و (نوتردام) دن سکن یولی ده پک اعلا دوک بیله

جکدر. طوبیجکز ایوجه محافظه ایدلمش اولمق ایچون یا پیاده خطنک بر آز کیروسنده بولنمق ویا کندوسنه خصوصی بر محافظ ویرملک لازم کلور .

مسئله ده بطریه لرك اولجه دهاکوی ایله (تویله ری) آره سنده کی یول اوزرنده موضعه کیرمش اولدقلری فرض ایدیلور. بناءً علیه شمدیلک اولنرك تبدیل محل ایتمسنی ایجاب ایدمک آرده هیچ بر سبب یوقدر. اوله ایسه اکر (تویله ری و) (فلوری) نك جنوب کناری پیاده طرفندن طوتلمش اولورسه بطریه لر ایچون هیچ بر قورقو تصور ایدلز. سز بوراده پك مساعد شرطلرایچنده بولنیورسکز. وامین اولیکز هر زمان طوبیجی به خصوصی بر محافظ ویرمکدن سزی صرف نظرایتیره جک بویله کوزل بر مدافعه موضعی بوله مزسکز. اراضینک تشکلی اکثریا پیاده ایله طوبیجی نك بر خذاده بولنمسی ایجاب ایدمک بوندن طولایی ایسه طوبیجی نك دشمن، پیاده آتشنه قارشو، طوبلردن تخمیناً (۶۰۰) متره ایلرو سورلمش بر محافظ ایله حمایه ایدلمسی لازم کلور، دییان تعلیمنامه نك شو ماده سنی دائماً تطبیق ایدمیه جکسکز. بناءً علیه طوبیجی پیاده محاربه سنک نتیجه سنه هر زماندن زیاده بیوک بر تأثیر کوستردیکندن بو، مدافعه ایچون اولدقجه اهمیتلی بر محذور صاییلور .

مدافعه پیاده سی اک آز (۱۲۰۰) متره امتدادند. آچیق بر انداخت میداننه محتاجدر. مع هذا، اکر اک مؤثر انداخت مسافه سی دیمک اولان (۶۰۰) متره به قدر سلاحندن استفاده ایتمک قابل ایسه بوندن طولایی ده مدافعین کندوسنی بختیار صایمالیدر. وبومنطقه داخنده هاجینک کوزل مستور محالیر بولمسی ایو دکلدر. یعنی بوکی

مستور محللر هیچ بر زمان مدافینک ایشنه گلز .

(سایل) نه‌ری جهته‌ده (تویله‌ری) نك جنوب و جنوب شرقی‌ه
طوغری ای برانداخت میدانی وار. (تویله‌ری) ایله‌کوی آره‌سنده‌کی
یفچه‌لرک ایلروسنده‌ده ینه بویله بر میدان وار . لکن، (فلوری) نك
اوکنده کوزل بر انداخت میدانی یوقدر . کویک جنوب کنارینک
ایلروسنده‌کی باغلر آوجیلری تعجیز ایتزلر. زیرا اوزوم کوتوکلرینک
هنوز یاپراق‌لری اولامشدر . (دها صکره مثلاً آغستوس آینه ایش
بویله دکدر. اوزمان یاپراق‌لر مبذول اولدینی ایچون آوجیلر اکثراً
ایلرولرینی کورمکدن عاجز قالورلر) . لکن جنوب کنارینک شرق
قسمتک همان بر آاز ایلروسنده بولنان صاغری مدافینک نظرینی
تحدید ایلر .

بناءً علیه اوجه‌تدن باغلرک بر قسمنی اشغال ایتک لازم‌کله‌جکدر.
بر طرف‌ندن ده (نوتردام) ایله (فلوری) آره‌سنده‌کی صرت هاجین
پیاده‌سنگ کویدن (۴۰۰) متره مسافیه قدر مستوراً ایلرولسنه
الویرشلی در . بونک ایچون موضعک ضعیف جهتی‌ده ایشه بوراسیدر.
مع‌هذا، سز بو موضعه‌ده یرلشمکه قطعاً مجبورسکز. برده شوراسی
خاطر‌کرده قالسون‌که بر مدافعه موضعک مکمل اولسی نادرر .

جبهه ایلروسنده بر مانع فلان یوقدر . کرچه بر قاچ دره‌جک
وارسه‌ده اونلر پک اهمیتسز شیلردر . حاضر صره‌سی گلش ایکن،
بر جبهه‌نک ایلروسنده بولنان موانع اوززینه بر قاچ‌سوز سویلیه‌م:
عجمیلر ، مذکور مانعلرک اهمیتلرینی تقدیر خصوصنده ایچه مبالغه‌یه
دوشرلر ، بناءً علیه بر مدافعه موضعی انتخاب ایده‌جک‌لری زمان
اکثراً جدی بر مانی کوزل برانداخت میدانه مالک اولان برتیه‌یه

ترجیح ایدر لر . بتون جهه‌بی ستر ایدن بر مانعدن ایوجه استفاده ایده بیلیمک پک نادر در . شو قدر وارکه ، یکانه مقصدی زمان قازانمق (دمدار محاربه‌سی ، جانبدار محاربه‌سی ، ایلرو قره‌غول محاربه‌سی) ، یاخود بعض کچید نقطه‌لرینی قیامق و یا بر مسکون محله ، بر موقوفه معین بر قطعه اراضیده قطعاً ثبات ایتمکدن عبارت اولان بر مدافعه مطلقهده بولنلدینی زمان مذکور مانعدن استفاده ایدیلور . بو کبی حاللرده جهه اوزرند بر مانع باخصوص اکر شو مانع یانلری ویا اک زیاده تهدید ایدلمش اولان یانی محیط ایسه پک فائده‌لی اولور . چونکه هاجمین پیاده‌سنگ یوروشی اوسایهده تأخیر ایدلمش بولنور . حتی دشمنک طومجیسی بیله اومانعدن طولای دوچار تأخر اولور . و دشمنک پیاده و طومجیسی مانعی کچمکه موفق اولسه بیله اونلر کندیلرینی کوچلک ایله حمایه ایده بیله جک اولان کزیده کی قدمه لردن آیرلمش بولنه جقلردر . برده مانعی کچدکدن صکره تکرار اونک اوزرینه بوسکور تلمک مجبوری حاصل اولدینی زمان بوندن بر فلاکت چقنه بیلور . اوندن بشقه دشمنک ، ضبطی محال اولان بر موضعهده سزک اوزرکزه هجوم ایتسی مشکو کدر . زیرا دشمن طاقلمش قالمش اولدیغکز مانعدن آرتق آیریه میه جغکزی بیلدیکی ایچون کندی مقصدینه محاربه ایتکسزین واصل اولمق یاره‌سنی آرایه‌جق و بناء علیه سزی طومش اولدیغکز موضعی ترک ایتدیره جک یوله مانوره یایه جقدر . اکر سز بر مدافعه محاربه‌سیله قطعی بر موفقیت استحصال ایتک ایستر ایسه کز دشمن سزک اوزر یکره هجوم ایتمکه بر آرزو حس ایده جک وجهله یرلشیکز لکن ، شو حالده نتایج مکمله و یرده میه جک اولان مدافعه مطلقهده قالمایکز . بالعکس آتشار کزله ایجه صاردمش اولان دشمنی کیرویه

پوسکورتمك وتكرار ايلرويه كلمكدن صرف نظر ايتديره بيلمك ايچون احتياط عموميكزله معين بر زمانده اونك اوزرينه هجوم ايديكز . سزك احتياطكزك بولنديني جناحك ايلروسنده بر مانع وارسه مذكور مانع سزك بو ديديككز كې بر هجوم مقابل ياپمه كزه ممانعت ايدر . اويله ايسه موانعدن استفاده خصوصنده بر آرز احتياطي اوليكز . دشمنه قارشو قويه بيله جككز اك اي مانع قيصه مسافله رده ياييلان چابوق آتش اولديغني ده اونو تمايكز .

شمدى ايسه سواريكزك دشمن يورويشنه دائر سزه ويرمش اولديني معلومات اوزرينه ياديفكز ملاحظاتك نتيجه سنه بر نظر ايده لم . اكر بو معلوماته نظر آدشمنك قواي اصليه سي سزك ضعيف عدايله ييكز جناح عليه ايلروليورسه هجوم اصلينك اوراده وقوعه كله جكي ده محقق كي بر شيدر . زيرا دشمن سزك فكريكزه و آرزوكزه مغاير حركت ايتك ايتيه جكي شبه سزدر . بو خصوصده دشمن بيك درلو سبب كوستره بيلور . مع هذا بواحياله رغام دشمنك كليني بلكديككز جهتن بر باصقيه اوغرامامق ايچون سزه طرفده متيقظ و محاربه يه حاضر بولمليسكز . (سهيل) نهري اوزرنده قوريله جق هيچ بر شي يوقدر . چونكه سز اوراده هر نه وقوعه كلورسه هپسني كوره بيلورسكز . برده دشمنك هجوم اصايسني بو جهتن سوق ايتمنه بك آراحتال بولمليسكز . زيرا ، دشمن في الحقيقه اويله ياپارسه صول ياتي (سهيل) نهري اوزرنده بولديرمش اولور . تهديد اولنان جناح ايلروسنده افق ، (فلوري) نك جنوبنده كي زمين عارضه لريله تحديد ايدلمش بولنيور . بناء عليه دشمنك حركاتنه دائر بردوزي يه سزه معلومات ويره بيلمك ايچون سواي اك زياده او جهته فعاليت كوسترمليدر .

(هوپیتال) اورمانلرینک غرب کنارندن برچویرمه حرکتی یابلمق خوفندن دهامینسکز. چونکه مذکور اورمانلر اوایل بر حرکت یاسیله میه جق درجه ده کشف در. لکن مادامکه، دیگر بر طاقم دشمن قطعاتی مذکور اورمانلرک شرق جهتده محاربه یه طوئشمش بولنیورلر، او طرفندن ده پک کوشک طاوورانما مکز، بالمکس دائمی بر ترصدده بولنمکزی توصیه ایدرم. سواری ایچون آله جفکز ترتیباتده بو خصوصی سویلمکی اونوتمایکز. مع هذا، جناحلر بکزه حدندن آشوری اوغراشمکزی ایستم. چونکه، صول جناحده (فلوری) کوبی ایجه قوتلی بر نقطه استناددر. کوزل بر انداخت میداننه مالک اولان (توبله ری) ایسه صاغ یانکزی پک اعلا ستر ایدیور. ومادامکه، دشمنک صول جناحه طوغری تقریبی تسهیل ایده جک یوللر وار، مذکور جناحی احتیاط واسطه سیله حمایه ایتمکده سزک ایچون بورجدر صانورم. بر آرز صکره بزنگرار بو بحثه کلور: سزکله ده ایجه ودها درین قونوشورز.

شمدی ده موضعک کیرولرینی ایجه بر تدقیق ایلمک لازمدر. موضعک کیروسنده کی اراضی قابل حرکتدر. خط رجعت ایسه جبهه یه عمود بولنیور. (سن پی ر) دره سی اوزرنده بر چوق یکیدلر وارددر. اوندن بشقه بر مغلوبیت حالنده مفرزه (پوی) ده ایکنجی بر موضع طوته بیلور.

شمدی بر آزده جبهه نک امتدادندن بحث ایدرم. کجن هجوم ایچون (۱۵۰۰) متره لک بر جبهه قبول ایتمش ایدک. لکن بوراده اگر معیندانه بر مدافعه یایمق ایستیور ایسه ک (۱۲۰۰) متره امتدادندن زیاده بر جبهه طوئماغه چالیشملی یز. درجه کافیه ده

احتیاطلر بولندیرمق لزومی عمقاً ده‌ا زیاده قدملر بولندیرمغه بزى مجبور ایدیور . مدافعه‌ده جبهه‌نك ايلك اوكجه محدود اولسی ده‌ا ایودر . بر آز صکره احتیاطلر ایش باشینه کچجه او کندی کندینه کنیشلک پیدا ایدر . بوراده موضعکز شو نقطه نظردن کوزل بر موضعدر . زیرا قوش باقی ايله آنک (تویله‌ری) و کوبک شرق کناری بینده‌کی جبهه‌سی تخمیناً (۸۰۰) متره‌در . بدایتده بوسزک ایچون کایدیر . میرالای ب.. کندی صول جناخی قوشادان بر حرکت مطلقاً و یا امتدیاً قارشو قویه بيلمک ایچون احتیاط عمومیسنی (فلوری) کونیک شرقده محاربه‌یه صوقدینی زمان مذکور جبهه طبعی اوزامش بولنه جقدر .

بیاده‌یی تقسیم ایتک ایچون موضع منطقه‌له آیرلش بولنور . و بولردن هر بریسک مدافعه‌سی برطابوره حواله ایدیلور . منطقه‌لرک عدد و امتدادلری ایچون ثابت بر قاعده یوقدر . صورت عمومیه‌ده بر موضع نظری تحدید و بر جناحدن دیگر جناحه حرکتی تصعیب ایلان عرضانی موانعه نه قدر چوق مالک ایسه او اوقدر آز مدافعه‌یه صالح اولور . بویله زمانلرده مذکور موضع بر چوق منطقه‌له آیریلور که بالطبع اولردن هر بریسک امتدادی ایجه آز بولنور . بزم مسئله‌ده (تویله‌ری) و (سهیل) آرده‌سندده‌کی قسم، پک قولای مدافعه‌ایدیلور بونک ایچون اورایه آز عسکر ویریلور .

(فلوری) نك مدافعه‌سی ایسه ده‌ا کوجدر . بناءً علیه اورایه ده‌ا چوق عسکر تعیه ایتک لازم کلور .

ایشته یالکز بوندن طولایی، موضعی یکنسق بر صورتده اشغال ایتک لازم کلدیکی آکلاشیلور . بالعکس، هر منطقه‌یه مخصوص عسکری

مساوی بر طرزده تقسیم ایتکدن چکینلملیدر . اوندن بشقه خط مدافعه اوزرنده یالکز مهم اولان نقطه لر اشغال اولنمیدر . بناءً علیه کرک (توبله ری) وکرک بونکه کوی آره سنده کی باغچه لر اولدقجه محکم بر صورتده اشغال ایدیله جکلردر . آره ده کی منطقه یه کلنجه او پک ضعیف بر صورتده اشغال اولنه جقدر . حتی اون یالکز ترصد ایندیر مکه بیله اکتفا ایتک ممکندر . زیرا اونک ایلریسنده کی زمین ، دیگر اشغال ایدلمش نقطه لر طرفدن پک اعلا دوکیله بیلور . طوبچی بوراده پیاده اوزرندن انداخت ایدمه جکندن جبهه ده اوکا بریر تخصیص ایتک لازم کلیور . بناءً علیه ، طوبچی عین زمانده اوزرنده بولندینی منطقه نك مدافعه سنه ده اشتراک ایدمه جکدر . اوپله ایسه ، اوزرلرنده طوبچی بولنه جق اولان منطقه لر بالطبع اوته گیرندن دها کیش اوله جقدردر . وسطی اوله رق بر بطریک جبهه سی ۸۰ متره در . طوبچی آره سنده (۲۰) شر خطده آره لق بر اقیلور حین حاجتده بوقاصلر (۲۰) خطوییه قندر ایندیریلور .

قهر منطقه نك کندی احتیاط خصوصیتی اولمیدر . بواحتیاطلرک قوتی احواله کوره دکیشور . مذکور قوت منطقه جبهه سنک امتدادی اوزرینه اجرای تاثیر ایدر . بر طابور صورت عمومیه ده (۴۰۰:۲۰۰) متره نك بر جبهه مدافعه ایدمه بیلور . بر طابورک جبهه سی آنجق بعض احوال خصوصیه موجود اولدینی زمان (۴۰۰) متره دن زیاده اوله بیلور . از جمله طابورک منطقه سنده طوبچی وارسه دیدیکمز کی بومنه نك جبهه سی (۴۰۰) متره دن دها بیوک اولور . اگر بوراده ، (توبله ری) ایله کویک غرب کناری آره سنده کی منطقه بر طابوره حواله اولنورسه بومنه نك جبهه سی (۵۰۰) متره قدر بر شی ایدمه جکدر . بواپسه

هر حالده قبول اولنور . زيرا بطريه لرك ايکيسي ده (تويله ري) نك شرقدنه يرلشمش لردر . قوش باقیمی حسابيله (فلوری) نك جنوب کناری تخمیناً (۴۰۰) متره قدردر . مذکور کویک دشمن هجوم اصليسنه هدف اوله جنی احتمالی نظر دفته آنورسه بوراسی اولدقجه بیوک بر منطقه تشکیل ایدر . لکن ، الده موجود اولان قوتلر کویي ایکی پارچه یه آیرمغه مساعد دکلدلرلر . بناءً علیه برنجی خطده ده اضعیف بر محافظ یعنی بر طابور عسکر بولندیره رق اوسایه ده تام بر طابوری کیروده احتیاط عمومی بر افاق ده ایدر . بو طابور کویک محافظه یاردم ایدیه بيله جک صورتده بریره يرلشديريلور .

اگر مسئله کزده اوچ طابور یینه درت طابور ویرلش اولسیدی ؛ کویده ایکی طابور بولندرمقدن ايسه یینه کیرویه ایکی طابور احتیاط عمومی بر افاق ده ائی اولوردی . کرچه بوندن طولانی سزک برنجی خطکزر بر آاز ضعیف قالوردی . لکن اوکا مقابل قوتی بر احتیاط عمومی یه مالک اولوردیکز .

بناءً علیه مادونلری کزدن هر بریسی جبهه نك فلان ویا فلان قسمی ، فلان یولی ویا فلان مسکون محلی کیم مدافعه ایدیه جکدر ، بوراسی ایوجه بيله جک صورتده منطقه لری کزی دقت واعتنا ایله تحدید ایدیکز . بوجهله ویره جککز امرلرده (داخل اولدینی ویا داخل اولدینی حالده) تعبیرلینی صیق ، صیق تکرار ایتمکدن چکنمیکز .

اوله ايسه طابورلردن بریسی احتیاط عمومی یی تشکیل ایدیه جکدر . بر مفرزه ده احتیاط عمومی صورت عمومیه ده یالکز پیاده دن تشکل ایدر . زیر اسواری و طویچی کاملاً برنجی خطرده قوللانیلور . یالکز بیوک جزء تاملرده سواری و طویچینک برر قسمی احتیاط

عمومی به تفریق اولنه بیلورلر . احتیاط عمومینک یری تهدید اولنان جناح کریسنده و آچقنده بولنور . زیرا موضعه بولنان بر مفرزه به هجوم ایچون الک مرجع بر اصول تشکیل ایدن احاطه حرکته چاره بولق یعنی اوکا مقابله ایده بیلیمک خصوصنده الکایی رایشته اودیدیکمز یردر . احتیاط عمومی تعرضه کچمک ایچون مستور بولندی یردن مشکلاتسز بر صورتده جیقه بیلجک وجهله یرلشدر بولمیدر . احتیاط ایله ، تهدید ایدلمش اولان جناح بیتنده کی مسافه ایجه بیوک اولمیدر . بونک ده سببی احتیاط ، احاطه حرکتی یانان دشمنک یاتی آله بیلیمک ایچون کندی ایلرو سنه طوغریدن طوغری به یورو به بیلیمش اولمیدر . بناءً علیه دشمنک هجوم اصلی استقامتی بیلندکجه احتیاط عمومینک یرینی تعیین ایتک غیر ممکندر . نظریات ، مدافعه دن تعرضه کچمک لازم کلدیکنی سوبلیور . لکن ، عملیآنده بونک تطبیقی پک قولای دکلدیر . وقت صلحده یاپیلان مانوره لر مزده بیله بز خصوص مذکور ی باشه چیقاره میورز . اگر بالتصادف مدافعین ، خصمنی جبهه دن کیر و پوسکورتمک ایچون بولندی یر مستور محلدن طیشاری چیقمق ایستیورسه او آنده مدافعه نک بتون فوآندندن واز کچمش بولنور . فی الحقیقه بو وجهله حرکت ایده جک مدافعین ایچون بر دفعه کندی آتشی کسمک وایلرو به طوغری یوریشنده خصمک مجتمع و متقارب آتشرینه معروض اولق لازم کله جکدر . حتی بو حرکتدن طولانی هاجین فسا حاده صار صلمش اولسه بیله اوکی بر حرکت شمیدی زمانک بیوک منزلی و سریع انداختلی سلاحلرینک تأثیر و قوتیله پک چابوق قانی بر مغلوبیته منجر اولور . لکن اگر مقابل هجوم ، هاجمینک یاتی آلان بر احتیاط طرفندن اجرا ایدیلورسه اوزمان ایش بشقه لاشور .

چونکه او حالده موضعك آتشلری احتیاطك حرکتيله مزج وتالیف ایدلمش بولنور. مع هذا، يك مقبول اولمقله برابر بواصول مدافعین طرفدن دائماً تطبیق ایديله مز. زیرا، مدافعینك قوای موجوده سی، دائماً بر چوق عسکری احتیاطه ویرمسنه مساعد دکلدر. بناءً علیه مدافعه ده قائمه راضی اولان طرف، اك ضعیف بولنان ویا هیچ دكلسه، تعرضه چكمك ایچون کندیسنده قوت کور میان طرفدر. اوله ایسه، شو فکر لردن طولای مدافعه ده قالدیغنی بیلن جهت، محاربه ائناسنده بيله کری به ترك ایتدیکی عسکرینی اکثریا یالکز طوتدینی موضعی الدن چیقارما مق خصوصنده استفاده چالیشه جقدیر.

بز بوراده احتیاط عمومی یی یرلشدرمك ایچون ایکی یره مالک بولنور. برنجیسی، (فلوری) نك شمال شرقی چیقندیسنك همان شرقنده، ایکنجیسی کویك شرقنده و (۲۱۸) راقملی تپه نك کریسنددر. کرچه، بولنرک ایکیسی ده، کوی احاطه ایتك ایستیان بر هاجین علینه تعرضه چكمه يك اعلا مساعددر. لکن ایکنجیسی دشمنه برذن هجوم ایتمکه دها الویریشلیدر. بکا قالورسه بن بنه برنجیسی ترجیح ایدرم. چونکه احتیاط اوراده یرلشورسه، نسبةً ضعیف اولان کوی محافظی طوغریدن طوغری به حمایه ایدلمش بولنور.

مسئله کزه نظراً ایکنجی طابورك (فلوری) هجومنده يك چوق ضایعات ویرمش اولدیغنی البت بیلورسکز. انك ایچون کویك مدافعه سی کبی اك کوچ واک مهم بر وظیفه یی اوکا حواله ایتك بنجه ایی برشی دکلدر. اك ایوسی مذکور طابوری احتیاط عمومی به براقیکز. اوسایه ده بو طابورده ایجه کندیسنی طویلا دقدن صکره، بر آزدکنور واوغرا دینی ضایعاتك تأثیری "اونك اوزرنده یواش، یواش آزالمغه یوز طوتار.

برنجی طاہور، کندی عسکریک قسم اعظمی زده ایسه شہسز
ینہ اورادہ قالہ جق . و بر آن اول نظام و انتظامہ کیرمکہ چالیشہ جقدر .
ہجومدن صکرہ برکرمدہ (فلوری) کوینک سواقلرینی واولرینی
فکراً اولسون کز مکنزی رجا ایدرم . بر برینہ قاریشمش اولان جزء
تاملری انتظامہ صومق ایچون اک بسیط واسطہ برنجی طاہوری کوینک
غریبندہ ایکنجی طاہوری کوینک شہاندہ جمع ایتک ایچون ویریلہ جک
قوماندالردر .

اوجنجی طاہور کچن ہجومدہ ذاتاً احتیاط اولدینی ایچون کوینک
شرق کناری اوزرندہ اولجہ دہا اجتماع ایتمش بولنیور . بناءً علیہ
(فلوری) کوینک بو طاہورلہ اشغالی شہسز دہا منتظم بر صورتدہ
وقوعہ کلیر . لکن ، اگر بز کوینی ایکنجی طاہورہ اشغال ایتدیرمش
اولسیدق او زمان شویلہ بر انتظام آرایہ مز ایدک . چونکہ
مذکور طاہورک بلوکلری حالا قارمہ قاریشیق بر حالہدر .
ایکنجی طاہورک یرینہ اوجنجی طاہورک کچرلسی ہیچ بر محذورہ سبب
اولہ مز . چونکہ دشمنک اوزاقدہ بولندینی سزجہ معلومدر .

(فلوری) کوینی اشغال ایتدکدن صکرہ اوجنجی طاہور ایچون
شہسزالدہ چوق بر زمان قالیہ جقدر . لکن ، بونکہ برابر مذکور
طاہور اک مہم مسافلری تقدیر ایتک ، اولچمک و اوافق تھک دال
بوداقلری و چالیلری کسہرک انداخت میدانی آچق خصوصندہ بتون بوش
و قتلرندن استفادہ ایدہ جکدر . اوندن بشقہ مذکور طاہور آتش
باشلامش اولنجہ یہ قدر ایشہ دوام ایتک اوزرہ بعض سپرلر بیلہ
قازمغہ باشلایہ جقدر . اسلحہ حاضرہ نک تأثیرات فوق العادہ سندن
طولانی اک کوچک بر سترہ صناعی بیوک بر اہمیتی حائردر .

برنجی طابورده کندی منطقه سینه واردینی زمان کذاک کرک
(تویله ری) و کرک کویک ضربنده کی باغچه لرده یراشمکه باشلیه جقدر.
بناءً علیه میرالای ب.. ویردیکی امرده ایکی منطقه نك درحال مدافعه
حاله و وضعی امر ایده جکدر. امرده بوکبی شیلردن بحث ایتک
فائده سز برشی دکدر. بالعکس یک مهمدر. چونکه قطعات عسکریه
اودرلو مدافعه ایشلرندن یک اوقدر خوشلانمزلر. اویله ایسه بو
ایشلری اونلره یایدیرمق ایچون مطلق امر ایتک لازمدر.

ایشلرک اک مشکل اولدینی و ماہر ایش-جیلره لزوم کوریلان
نقطه لرده استحکام عسکری پیاده صنفنه یاردم ایده جکدر. یعنی بوراده
بومعاونت اک چوق کوی ایله (تویله ری) ده اوله جقدر. استحکام
قازمه جی نفرلرینک تقسیمی خصوصی کندی یوز باشلیرینه براقیله جقدر.
اگر هنوز ایش باشنده ایکن آپ آنسزین شدتلی بر آتش باشلارسه
استحکام عسکرلری ده همان سلاحه صاریلره رق مدافعه یه اشتراک
ایده بیلورلر. چونکه اونلر پیاده کبی آتش ایتکه مقتدردرلر.

مع هذا، شو صروده اک ایوسی اونلری کیرو آلمقدر. زیرا
ینه تکرار ایدرمکه، اونلرک اصل وظیفه سی ایش ایشلمکدر. واونلر
یالکز یک مستثنا حاللرده محاربه ایتکه مجبوردرلر. فی الحقیقه اگر
استحکام بلوکی محاربه ائساننده برچوق ضایعاته اوغراسه بر آز
وقت صکره بوندن متأثر و متأسف اوله جق ینه سزسکز.

طویجی آتسه دوام ایتکه مجبور اولدیغندن اونک سپرلر یامغه
وقتی یوقدر. یالکز طویجی آتش ایتدیکی زمان طوپ نفرلری دشمن
آتشندن کندیلرینی قورومق ایچون دیز چوکه بیلورلر.

والحاصل میرالای ب.. کچن هجومده ایجه صرف نظر ایدلمش

اولان جبخانه لركا كمال و مجديدي ده تا مين ايلمكه مجبوردر. چونكه كوي آدم عقللى مدافعه ايدم بيلمك ايچون الده جوق جبخانه بولمق شرطدر. بناء عليه ميرالاي ب.. جبخانه عربله رينك كتوردىكى جبخانه لرى توزيع استديره جك و بو عربله رك (فلورى) نك شمال مخرجه كلكلرينى امرنده ذكر ايله جكدرد.

بر مدافعه محاربهنده جبخانه لرى آتش خطى اوزرنده سندقلرده، چانله لرده و سائر بشقه درلو بر صورتله احتياطه بر اقلورلر. اولورلر ويا ياره ليلر اوزرندن آلان جبخانه لرى محاربينك جيلرينه قونيلور. اكر ميرالاي مثلاً كويك محافظلى ايچون بر جبخانه احتياطى تشكيل ايتمك فكرنده ايسه، بو خصوصده، ايكنجى طابورك (احتياط) جبخانه عربله رينى قولالانور. جبخانه عربله لرى بوشالقلرى كې تكرار طولدير لمق ايچون (ميچ) هكوندريلورلر. بلوك عربله رندن اخذ ايديلان جبخانه لرى ايله افرادك جبخانه لرينى تهديد و اكالم ايتمك وظيفه سى طابور قوماندانه عاندر. طوپچى صنفى طوبارلاقلردن و برنجى قدمه دن اخذ ايديلان جبخانه لرى تهديد و اكالم ايتمك ايچون لازم كلان وسائله بطريه احتياطلرنده مالك بولنور.

بوشالمش اولان سندوقلرك جبخانه سنى اكالم ايتمك طوپچى طابور قوماندانك وظيفه سيدر.

طوپچى جبخانه سنى اكالم و تهديد خصوصنده بر وجه آتى نقطه لرى نظر دقتده بولنديركز: طوپچى موضعه كيرديكى زمان ايلك مرميلرينى طوبارلاقلردن آلور. هر بطريه يك برنجى قدمه سنده ايكي قاپاقلىنك بريسي ايكنجى طوپك اون خطو كيروسنده، ديكرى ينه عين مسافه ايله بشنجى طوپك كيروسنده بولنور. طوبارلاقلر

ایکی قباقلینک مواصلتی آننده دها کیرویه کوندریلورلر . ومکن اولدجه بطریه نك جناحلی خارچنده وبرنجی قدمه نك اقسام متباقیه سیله برلکده دشمندن محظوظ بولمغه چالیشورلر . اگر ستر اولنه جق محل یوقسه اوزمان اولنری طویلرک اچق (۲۰۰) متره قدر کیروسنه کوندرمک اصولدندر . طابور ، طابور اجتماع ایتش اولان بطریه احتیاطلری تخمیناً (۶۰۰) متره قدر کیروده وسربست بر اقلمی . ایجاب ایدن یوللرک خارچنده قدمه حالنده طورلر . بطریه احتیاطلرینک قوماندانی بعده هر بطریه نك برنجی قدمه سنه ایکی قباقلی کونددر . برنجی قدمه نك بوش قباقلیلری بطریه احتیاطلرینه التحاق ایدرلر . والک یقین جیخانه محلینه کیدوب جیخانه آلق ایچون طویلانورلر . میرالای ب.. (تویله ری) ده بولنیور . مومی الیه شمذیلک اوراده قاله جقدر . چونکه بتون محاربیه وقوعاتی اورادن درجه کافیه ده کوره بیلور . لکن هاجین کویک شرق کنازی علینه یایلمش اولدینی زمان میرالای ب.. مصادمه قطیعه آننده اخذ ایدیله جک ترتیباتی آلق ایچون کندی احتیاط عمومیی جوارنده بولنق اوزره (فلوری) نك شرقده (۲۱۸) راقلی تپیه کیده جکدر .

امر (تویله ری) ده ویریه جکدر . بناءً علیه میرالای ب.. طابور قوماندانلری ایله طوبجی طابوری قوماندانی واستحکام بلوکی قوماندانی یاننه چاغیره جقدر . سواری پک اوزاقده اولدینی ایچون امر بالطبع اوکا تحریراً کوندریله جکدر . امر آله جق ضابطانک طویلانمی ایچون تخمیناً (۵) دقیقه لازمدر . بناءً علیه سز صباح ساعت (۱۱) ی (۳۵) کچمزدن اول امریکزی ویره میه جکسکنز . بودفعه ده مفرزه نك حال ووضیعتی اوکرنمش اولق ایچون میرالای س.. ینه امرک بر انسخته سی کوندریله جکدر .

ایشته امرکز بو وجهله ترتیب ایلمش بولنه جقدر :

(توپله ری دوفلوری)

۳ - ۳ - ۸۹ - ۱۱۰۳۵ کو

مفرزه امری

۱ — مفرزه طرفندن مغلوب اولان دشمن قارمه قاریشیق بر صورتده (لامانسه) اورمانی اوزرینه چکلدی . بر دشمن بطریه سی (لامانسه) اورماننك شمال غریپسندنه کی صرت اوزرنده موضع آلدی . تازه قطعات عسکریده دن اولق اوزره دشمنك اوچ طابور پیاده وبر بطریه دن عبارت بر قوتی (پورنوی لاغراس) - (نوتردام) دن کچهرک (فلوری) اوزرینه یوریور .

میرآلای س . . (هوپتال) اورمانلری و (مبلکو) خطلی اوزرنده ثبات ایدیور .
۲ — مفرزه (توپله ری) - (فلوری) خطنی طوته جقدر .

۳ — بطریه لر اولدقلری موضعه ده قاله جقلر و (لامانسه) اورماننك شمالنده کی دشمن بطریه سی اوزرینه انداخت ایده جکلزدر .

۴ — (۱۳۰) نجی پیاده آلاینك برنجی طاבורی (توپله ری) داخل اولق اوزره (توپله ری) ایله (فلوری) نك غرب کناری بیننده کی منتطقه یی اشغال ایده جکدر . کویک غرب کناری بو منطقه دن خارجدر . اوچنجی طابور کوی مدافعه ایده جکدر . موضع درحال مدافعه حاله قونیه جقدر .

۵ — (۱۳۰) نجی پیاده آلاينك ايكنجی
طاہوری (فلوری) نك شمال شرقی چیقند.
یسندہ اجتماع ایدہ جك واحتیاط عمومی
تشکیل ایدہ جکدر .

۶ — (۱۶) نجی استحکام طاہورینك
برنجی بلوکی برنجی واوجنجی طاہورك
منطقہ لرنندہ تحکیمات تدافیعہ خصوصاً لرنندہ
مذکور طاہور لره یاردم ایدہ جکدر .

۷ — (۱۳) نجی سواری الای صول
یانی ستر ایدہ جك و (هوپیتال) اورما .
نرلیله (پورنوی لاغراس) جہتی کشف
ایتدیرہ جکدر . اوندن بشقہ مذکور الای
(سہیل) نہری بونجہ ، (آویژی)
اورمانی جہتدہ بعض کشافلر چیقارہ جنی
کبی میرالای س . . نك مفرزہ سیلہ دہ
ارتباط حصولہ کتیرہ جکدر .

۸ — (فلوری) نك شمال مخرجندہ بولنان
جیخانہ عربہ لری در حال بوشالہ دیلہ جقلردر .
۹ — راپورلر بکا (تویلہری) دہ واصل
اولہ جقدر .

میرالای ب . .

سواری بہ بر امر ضابطی واسطہ
سیلہ تحریراً ، طولانمش اولان
دیگر ضابطانہ شفاہا ؛
میرالای (س . .) ہ بر امر ضابطی
واسطہ سیلہ تحریراً تبلیغ ایدلشد :

اولیه بر وضعیت بولنیورسکزکه ، امر ویرلدیکی آند ده
 موضعک هر طرفدن ومکمل بر صورتده اشغالنه باشلانمی مجبوری
 واردر. بونک ایچون میرآلای ب . . شمدیکی حالده یالکز بر امر
 شفاهی ویره جکدر . زیرا بر چوق امرلر ویرمک زمان غائب
 ایتدیرر . بوندن طولایی ایسه اخذ ایدیلجهک ترتیباتک اجرا
 وتطبیق کجیکمش اولور . قطعات عسکریه پک طاغنیق اولدقلری
 زمان اونلرک هپسنه هاند یالکز بر امر ویرمک لازمدر . بر مدافعه
 موضعک اشغالی خصوصنده بو وجهله حرکت اولنور .
 بو وضعیتده مادون قوماندانلر کنیدیله عاند اولان ترتیباتی
 کندی قومشولرینک وظیفه سیله توحید ایده بیلیمک ایچون، سائر
 احوالدن زیاده ترتیباتک هیئت عمومیه سنی مفصلاً بیلیمک محتاجدر لر .
 بر آزاریشیق وزور بر مدافعه تشکیلاتی یایمق لازم کلدیکی زمان قوماندان
 اولان ذات دها زیاده تفصیلاته کیریشمکه وهرکسک وظیفه سنی کمال
 دقله کوسترمکه مجبوردر . زیرا بویله یابلمزسه ایلروده ظهور
 ایده جک بر یاکلشلق سیبیله اتحاد حرکت خلل کلش اولور. مع هذا،
 مادون ضابطلرک بساتون صلاحیتلرینی اللرندن آلماق ایچون بعض
 اوافق تفک تفصیلاتک اجراسی ده اونلره بر افاق لازم کلور. بناء علیه
 پک مختلف تعبیه وضعیتلرنده عینی بر اصولک خدمت کوره بیلجهکنه
 اینانمقدن احتراز اولملیدر . چونکه تعبیه ده احوال خصوصیه دن
 بشقه بر شی یوقدر. بو حاللردن بریسنه تطبیق اولان شی اوته کینه اویماز.
 بن بو سوزی نه قدر تکرار ایتسم ینه آذرر . شو بولندیغمز
 حالده امرک (۴) نجی ماده سی موضعک اصول اشغالی اوزرینه
 آز چوق تفصیلاته کیریشمش اولسیدی بوندن هیچ بر قنالق
 چیقمزدی .

تعرض ایچون اولدینی کبی برمدافعه امری بر برینی متعاقب
تدقیق ایدلسی لازم کلان بر جوق ملاحظاتدن صکره ویرمک لازم
کلور . ملاحظات مذکوره ایسه شونلردر :

- ۱ — مدافعه موضعی اشغال ایتک زمانی کلشمیدر ؟
- ۲ — دشمن انتخاب ایدیلن موضعه هجوم ایتک مجبورمیدر یوقسه مذکور
موضعه هیچ اهمیت ویرمه مزک ایده بیلوری ؟
- ۳ — موضع کرک طویچی و کرک پیاده نک مؤثر آتش اجرا ایتسنه مساعدمیدر ؟
طویچی درجه کافیه ده حمایه ایدلش بولنیوری ؟
- ۴ — ایلروده بولناک فلان ویا فلان مانعک قیمتی نهدر ؟
- ۵ — دشمن عجباً هجوم اصلیسنی هانکی جهندن سوق ایده جکدر ؟
- ۶ — ایکی یان درجه کافیه ده مستورمیدر ؟
- ۷ موضعک کبروسنده کی اراضی قابل مشی و حرکتیدر ؟ خطر رجعت نره دن
کچیلور ؟ ای بر التجا موضعی وارمیدر ؟
- ۸ موضعک جبهه امتدادی نه قدردر ؟
- ۹ موضعک منطقه لره تقسیم ؟
- ۱۰ — احتیاط عمومی نصلی قولانیله حق و نره ده یرلشدیر یله جکدر ؟
کله جک مسئله دیگر بعض نقطه لردن دها بحث ایده جکدر . بومشله یی
یتورمزدن اول سزدن ایستیلان قروکی اوزرینه بر ایکی سوزدها
سویلیمک ایستیورم . بوقروکی برنجی خط . منطقه احتیاطلری ،
و احتیاط عمومی قطعاتی پک آجیق و صحیح بر صورتده کوسترمش
اولمیدر .

صاغ جناحده (سایل) وادیسی اوزرنده برقاج کشف قولک
کوندردلدیکنی اشارت ایتلیسکنز . برنجی طابور منطقه سنده ایکی بلوک
برنجی خطده بولنیورکه بونلردن بریسی (تویله ری) یی دیگر کی کویک
غریبنده واک جنوبده کی باغچه یی اشغال ایدیور . منطقه نک احتیاط
خصوصیسنی تشکیل ایدن دیگر ایکی بلوک منطقه مذکوره نک خارجی

یانی کیروسنده و (تویله‌ری) نك آرقه‌سنده مستور بولنورلر .
 برنجی خطك ایکی بلوکندن هر بریسی بدایتده برر طاقم یایه‌جقلردر .
 استنادده قالان دیگر طاقلر آوجیلرک کیروسنده مستور محللرده
 یرلشمش بولنورلر . بناءً علیه محاربہ‌نك بدایتده محاربہ جبهه‌سی
 ضعیف برکثافتی حائزدر . لکن هاجینک هجومی تمامیه‌کندینی
 کوسترمه‌ک باشلادینی آندن اعتباراً، آتسه شدت اعظمیسی ویره‌جک
 صورتده، برنجی خط تقویه اولنور . اگر دشمن ده‌ا بیوک مسافده
 ایکن واسع و متحرک برهدف تشکیل ایدپورسه آنی مؤثر بر صورتده
 دوکه‌بیلیمک ایچون برنجی خطده ممکن اولدینی قدر زیاده تفنک
 بولندیریلور . باخصوص دشمن پک آز بر زمان ایچون کوریلورده
 تکرار کندیسینی کیزلرسه بوکا ده‌ا او قدر زیاده اهمیت ویریلور .

اگر سزك استادلریکز (تویله‌ری) نك کیروسنده قیرلمیوبده
 ده‌ا آرقده بر اقلمش اولسه‌لردی، اوزمان خط‌حربه کیرمک خصوصنده
 دشمنک مؤثر آتشی آلتنده آجیق بر اراضیدن ایلرولمه‌ک مجبور
 اوله‌جقلردی . وشبه‌سز اولنلرک اوغرامش بولنه‌جقلری ضایعات
 جدیه کلن امدادلرک قوتلرینی ده‌ا او قدر زیاده آزالتمش بولنوردی .
 استادلر ایچون مناسب یوللر اولمدینی زمان‌ک ایسی اولنری یا آوجی
 خطی اوزرنده ویا آنک بر آز کیروسنده طوتمقدر .

ایکی بطریه (تویله‌ری) ایله کوی آره‌سنده وبرخزاده اولوق
 اوزره کوستریله‌جکلردر . طوبارلاقلر و برنجی قدمه‌نك قاپاقلیلری
 بطریه‌لره توجیه ایدیلان آتشلردن متأثر اولماق ایچون جناح‌لرک
 کیروسنده وضع اولنه‌جقلردر . بناءً علیه بر بطریه‌نك کیلری
 (تویله‌ری) نك شمالنده‌کی زمین عارضه‌سنگ کیروسنده، دیگر بطریه‌نك

کیلری ایسه (توله ری) دن (فلوری یه) کیدن یول جهته ده کی اولرک
کیروسنده یرلشدیر یله جکلردر. بطریه احتیاطلرینه کلنجه (پوی) نک
جنوب مخرجنده بیوک یول یقینده و آنک بر آرز خارجنده بولنه جکلردر.
(فلوری) طابوری کذلک ایکی بلوکنی برنجی خطه قویمشدر.
صاغ جناح بلوکی طاقلرندن بریسنی آوه چیقارمشدرکه مذکور طاقم
(نوتردام) یولنه حاکم اولوق اوزره کویک جنوب کناری اوکنده کی
صرت اوزرنده در. بونک استادی ایسه کویک کنارنده ویوک یقینده در.
ایکنجی بلوک بر طاقنی آوه چیقارم رق کویک شرق مخرجی
جنوبنده کی باغلر ایچنده بولندیریور. بونک استادی کویک جنوب
شرقی چیقندیسنده در. طابورک دیگر ایکی بلوکی منطقه احتیاطنی
تشکیل ایدرلر و جنوب شرقی مخرجنک شمالنده کی میدانلقده طوردرلر.
اونلر بوسایه ده برنجی خطی تقویه ایده بیله جکلری کبی حین حاجتده
کویک مخرجلرینی ده مدافعه ایده بیله جکلردر.

برکوبی اشغال ایتمزدن اول بر کره یالکز کویک کنارینی
مدافعه ایتمکله می اکتفا ایده جکسکز یوقسه مقاومتکزی ایچروده
بعض اولره قدرمی تمدید ایلیه جکسکز، ایشته بوراسنی قطعاً بیلیمکز
لازم کلور. یالکز وقت قازانق آرزو ایدلدیکی زمان مادامکه،
ایرکیج کوبی تخلیه ایده جکسکز، اویله ایسه اولری اشغال ایتمکدن
چکینکز. زیرا بر رجعت وقوعی حالنده او اولرده یرلشمش اقسام
عسکریه احتمالکه تام وقتنده کیرویه چکیلهمیه جکلردر. بوراده میرآلای
ب.. کندی وظیفه سنی باشه چیقارم بیلیمک ایچون (فلوری)
کوبنی معنده نه بر صورتده مدافعه ایتمک مجبوردر. بونک ایچون اگر
کویک کنارندن طرد ایدلمش ایسه، دشمنی کیروپوسکورتمکله مأمور

اولان احتیاط عمومیسنک بووظیفه سنی تسهیل ایتک ایچون کویک
ایچورلرنده بیله دشمنله دوکوشمکه دوام ایلیه جکدر . بناء علیه محاربه دن
اول وحتی محاربه ائناسنده فلان ویا فلان سوقاقلری یان آتشنه آلمغه
مساعد ویا کندیلرینک اصول انشالری ویا منفرد بولنشرندن طولای
ای بر مدافعه یه الویریشلی اولان اولری تام زماننده طوتمق ایچون
لازم کلان تربیات آلنور .

اونلری منطقه احتیاطی اشغال ایدمک ؛ لکن یالکز خریطه یه
باقه رق خانه لک خواص تدافعه سنی طامیق واکرتمک تمکن دکدر .
بن شو نقطه اوزرینه سزک یالکز نظر دقتکزی جلب ایتمکه اکتفا
ایده جکم . (تعیه رهبری) نام اثرک کوی محاربه لرینه عائد فصللری
بر کره ده کوزدن کجیررسه کز فنا ایتماش اولورسکز . احتیاط
عمومی طابوری یا چفت قول نظامنده ویا کنیش قول نظامنده اوله رق
کویک شمال شرقی چیقندیسنده وضع ایدیه جکدر . اگر مذکور طابور
کنیش قول نظامنده وضع ایدلمش ایسه بوندن سزک یالکز بر خط
اوزره واک کنیش برجه ایله مقابل برتعرض یایمق فکرنده بولندیگزی
آکلاتمش اوله جقسکز . حال بوکه چفت قول نظامنی قوللانش
اولسیدیکز او زمان هیچ دکسه ، بر ویا ایکی بلوککزی ایکنجی
خطده براقق فکرنده اولدیگکز آکلاشیله جق ایدی .

سواری بلوکلرینه کلنجه اولرده خط قول نظامنده اولق اوزره
(فلوری) خذاسنده (هوپتال) اورمانلرینک یقیننده دشمندن
مستوراً طوررلر .

حقیقت حالد پیاده کز ، ایلک اوکجه اک مهم نقطه لره یالکز دوت
طاقم قدر بر شی یایمش اوله جقدر . قوتک متبایسی دشمنک تقرینه
انتظار ایلیه جکدر .

بوسایه ده قطعات عسکریه هاجینک حرکاتی ایودن ایویه آکلاشلمش اولنجه یه قدر قوماندانک الی آلتند قالمش اولور. مدافعینک وظیفه سنی اودرجه کوچلشدیرن شیلردن بریسی، قوای عسکریه یی صوک زمانه قدر صاقلی بولندیرمق، تصرفله اداره ایتک و اوندن بشقه بتون ترتیبانک عددجه مدافعیندن اکثریتله ده اچوق اولان دشمن ترتیبانک کوره آلتیق لازم کله جکی مجبوریتیدر. شمعدیکی زمانه اسلحه ناریه سنک بونجه فوایدینه رغماً مدافعه ده ینه بر چوق محذورلرک موجود اولدینی انکار ایدیله من.

صغوق قانلیق ایله آتش ایدن بر پیاده یالکنز یانلری استنادسز اولدینی زمانه دوچار مغلوبیت اوله بیلور. نقطه استنادلر بولمیدینی حالده، منطقه احتیاطلری و یا احتیاط عمومی برنجی خطک یانلرینی حمایه ایتمکه مأمور اولورلر. ایشته بونک ایچون برنجی طابورک منطقه احتیاطی صاغ جناحک کیروسنده، احتیاط عمومی ایسه صول جناحک کیروسنده بولنمش اوله جقدر. استنادلر آوجی خطنه ممکن اولدینی قدر یقین بولنورلر. برنجی خط ایله احتیاطلر آره سنده کی مسافه کذلک الدن کلدیکی قدر قیصه اولمیلیدر. بو مسافه لردن مقصد برنجی خطی سریعاً تقویه ایتلرینه مساعد اولقله برابر احتیاطلری دشمن آتشدن مصون بولندرمقدر.

طوبجی هجوم اصلی یی اجرا ایدن قطعات عسکریه اوزرینه آتش ایتش اوله جنی یعنی مذکور قطعات کویک غربنده کی باغچه لرو بوستانلر ایله ستر ایدلمش بولنه جنی زمانه قدر موضعه ده قاله جقدر. اوندن صکره طوبجی زمانه قطعیده کندی پیاده سنه یاردم ایده بیلیمک ایچون کویک شرقده (۲۱۸) راقلی تهیه کیده جکدر. طوبجی یی برنجی

موضعده براق و دشمن طوپیچی اوزرینه آتشی دوام ایتدیرمک شبهه سز بر خطا اولوردی . هجوم اصلی دشمن پیاده سی طرفندن ایودن ایوبه میدانه چیقمش اولدینی زمان مذکور هجومی نتیجه سز براق ایچون الده موجود اولان بتون وساطتی قولانمق لازم کلور . طوپیچی موضعنک دیکشدرلمسندک کی مشکلات وبو ائنده دشمن طوپیچسینک آتشنه معروض قالان دوست پیاده سنک دوچار اوله جفی تهلکلر اوزرینه اصرار ایتک فائده سزدر .

مدافعه ده طوپیچکزک ، بدایت محاربه ده موضعکز ایلروسنده کی اراضی یی و تقرب یوللرینی دوکسی کافی دکلدر . بالعکس زمان قطعیده ، هجوم اصلی اجرایه مأمور اولان دشمن پیاده سی اوزرینه سریع بر آتش اجرا ایده بیلیمسی ده لازمدر . اگر طوپیچی موضعنی دیکشدر - مکسزین شو وظیفه یی کوره بیلورسه نه اعلا ! شو صره ده طوپیچینک اساسلی وظیفه سی صدمه قطعیه یی اجرایه مأمور اولان پیاده اوزرینه انداخت ایلمکدر .

سواری یه کلنجه ، تعرضی محاربه ده اولدینی کبی بر تدافعی محاربه سی ائناسنده ده اوینه کندی کشف و امنیت خدما تنه دوام ایتک مجبوردر . مع هذا ، سوارینک تعیه وظیفه سی مدافعه ده تعرضدن زیاده مهمدر . فی الحقیقه ، سواری ، دشمن مدافینک اک مؤثر آتش منطقه سنه کیرمش اولدینی زمان هجوم قطعیدن بر آز اول آنک یانلرندن بریسنه باصقین ایدرک اونی توقفه مجبور ایتک چالشمیلدر . واقعا شو صره ده کندیمی ایجه ضایعاته اوغرار ، لکن باس یوق . . . اوندن بشقه سواری ، احتیاط اصلی ایله اجرا اولنان مقابل هجوم هاجمینتی کیرویه پوستورتمک خصوصنده معاونت ایتک ایچون بر هجوم

یامغی ده بکلیه بیلور . آ کسزین یاپیلان بر سواری هجومی بر کپرو
چکمه حرکتی هزیمته تحویل ایده بیلور . بناءً علیه سواری کندی
پیاده سندن چوق اوزاق بولنماملیدر . اونک ال ایو یری تهدید
اولنان یانده ویا بو یانک کپروسنده و آجیغنده در . بو شمدیکی حالده
سواری (فلوری) نک شرقنده (۲۱۸) راقلی تپه نک کپروسنده
یرلشه جکدر .

برحاضر لوق موضعى اشغال ايتىك ايچون ويريلاڭ امر نمونه سى

محل

تارىخ ، ساعت

مفرزه امرى

(انقسام عساكر يوقدر.)

۱ — دشمنه و دوست قطعاته دائر
معلومات .

۲ — مفرزه قومانداننىك مقصدى
(مفرزه نىك اك بيوك برقىمى هانكى نقطه
اوزرنده بر اجتماع نظامنده بولنه جنى
كوستريلور. يورويش ترتيباتى رفع ايديلور).
۳ — سوارى ايچون ترتيبات (اكثريا
دشمنه طوغرى كيدن يوللر اوزرينه بلوكلر
طرزنده اقسامه آيريلور. ويا مجتمع برحاله
بولنور وثابت يا خود متحرك كشافلرله
ستر اولنور).
۴ — طوبجى ايچون ترتيبات (طوبجى

دشمن طرفندن تعقيب ايدىلان مختلف يوللرى
دوگه بيله جك صورتده برصرت آرقه سنده
و اجتماع نظامنده قالور. ويا سپرلر انشا
ايدر. يا خود پياده ايله برابر قالور).

۵ — پياده ايچون ترتيبات (اراضينىك
بللى باشلى نقطه لرى اشغال اولنور. پياده نىك
قسم كايسى ايكنجى ماده ده بيان اولنان
مستور محلك كيروسنده و مجتمع بولنور).

۶ — موضعك مدافعه حالته وضعى ايچون
ترتيبات [اكر بايله جق ايسه] مؤخرأ
كندولرى طرفندن تحكيم ايدىلش اولان
نقطه لرك مدافعه سته مأمور اوله جق قطعات

عسکریه پیننده ایشلرک تقسیم، استحکامه

کوستریله جک مشکل وظیفه) .

۷ — پیاده جیخانه عربهلری ایچون

ترتیبات و (مستثنا اوله رق) سیار خسته

خانه لرک تأسیسی ایچون ترتیبات .

۸ — بیوک آغرقلر ایچون ترتیبات .

۹ — قوماندانک یری .

امضا

امرك اصول تبليغ و يادرسالى .

اون بشنجی مسئله

«عمومی خریطه ایله (غراوه لوت) یافته سی

بعض دشمن قطعات عسکریه سی (وه ردون) دن (میچ) موقع مستحکمی اوزرینه ایلرولورلر. میرآلای ب.. قومانداسنده اولان بر مفرزه (۱) کانون اول (۸۹) تاریخنده ، (قونفلان یارینزی) ده (اورن) اوزرینه کیدن شمندوفر کوپرسی تخریب ایتک ، (وه ردون) و (ته تن) یولاری ترصد ایلمک مقصدیه (ایرون) [عمومی خریطه] نه ری اوزرینه کوندرلشدر. بو مفرزه، دشمن یوروشنه دوام ایتدیکی حالد ، محاربه ایتکسزین ، یواش یواش (روزه ری یول) دن (میچ) اوزرینه چکلمک ایچون ده امر آلمشدر. اوکله دن صکره دیدیکمز شمندوفر کوپرسی تخریب ایدیلور ؛ سواری ایلمک اوکجه (اورن) بونجه عدد اکندیسندن آزر دشمن سوارینه ؛ بعده ، (قونفلان یارینزی) نك (۵) کیلومتره غربنده کی خصم پیاده سنه راست کلور. پیاده غوارینک ایلرولسنه مانع اولور. اسیر ایدیلان بر دشمن پیاده غری ، کندی طاوورینک شمندوفرله (ته تن) کورتورلیدیکی ومنسوب اولدینی آلاینک جنگ طاوورلری ده عین نقطه یه ، اندیرلکری سوبیلور. قراقلق یاصدقی آندیه سواری ، (قونفلان - یارینزی) - (فری یوویل) - (هانوویل) - اوپاسناز) جنگلک هان بر (۲) کیلومتره غربنده دشمن پیاده ایلری قره غوللری اوزرینه دوشدر .

میرآلای ب.. کندی مفرزه سیله یولک هر ایکی جهتده توقف ایدر . هوا ، ایجه صغوق اولدینی ایچون ، کندی قطعات عسکریه سی آتیده کی سوبیله جگمز وجهله قوناقلره برلشدیرر .

میرآلای ب.. نك هیئت ارکانی (ویون ویل) .

(۸) نجی آوجی طاووریه (۱۵) نجی (هولان) } دونقور یارینزی) .
(۲) نجی بلوکی } ایلری قره غوللر: (مولی نهل)
آلاینک (۲) نجی (هولان آلاینک (۲) نجی بلوکلر } دن (دروواطومون) قدر .

(۵) نجی هولان آلاینک (۲) نجی بلوکلر } (سن مارسل) .
چیقاریلان محابره پوسته سی

۶۷ نجی پیاده آلاینک (۳) نجی طاووریه } (ویل سور-بورن) پوکی بو
(۱۵) نجی هولان آلاینک برنجی سواری بلوکی } خطی اوزرنده ایلری قره -
غولده .

(۶۷) نجی پیاده آلاینک برنجی طاہوری. { (طرون ویل) .

(۶۷) نجی پیاده آلاینک (۶۵) نجی
بلوکلریہ طوپچی طاہوری ارکانی و (۱۵) نجی (وی یون ویل) .
سیار طوپچی آلاینک (۴) نجی بطریہ سی .

۶۷ نجی پیاده آلاینک ۷ و ۸ نجی بلوکلری. { (قلاینجی) .

(۱۵) نجی سیار طوپچی آلاینک (۵) نجی
بطریہ سی ، (۱۵) نجی استحکام طاہورینک { (رہ زون ویل) .
برنجی بلوکی و سیار خستہ خانہ طاقی . . .

... (غراوہ لوت) موقی، (سہنت - روین) ایلہ (روزہ ری یول) دن کچن
بر تلغراف خطیہ (مچ) قصبہ سنہ مربوطدر .

آقشام اوزری ، (ایسپون ویل) لک اوتہ لرینہ قدرایلرولش اولان ہر ضابط
کشف قولی آقشامک ساعت (۱۰) ندہ ویردیکی بر خبردہ (مارس لاطور)
دن (۶) کیلومترہ اوزاقدہ بر دشمن اردو کاہی کوردیکیکی ویانان آتشلرک
عددینہ نظراً اورادہ کی عسکر درت طاہور قدر تخمین ایلدیکیکی بیلدیریور .
(۸۹) سنہ سی کانون اولک (۲) نجی کونی صباخ ساعت (۱۰) دہ میرآلای
ب .. (سن مارسل) دہ کی مخابرہ پوستہ سی واسطہ سیلہ (۸) نجی آوجی
طاہورندن آتیدہ کی حوادثی آلور :

(دوققور- یارینزی)

کانون اول ۸۹- ۹۱۲۵ کو

» (۱۵) نجی هولان آلاینک (۲) نجی بلوکی، بر جوق طاہورلر ایلہ بر
بطریہ دن عبارت بر دشمن قولنک (اورن) وادیسنہ طوخری ایلرولدیکیکی
وصباح ساعت (۱۰) دہ (قونفلان ریانیزی) یہ واصل اولہ جغنی بیلدیریور .
بن ، درحال (غراوہ لوت) اوزرینہ چکلپورم [۰] »

عین زماندہ (۱۵) نجی هولان آلاینک برنجی سواروی بلوکی طرفندن
و (هانوویل- اوپاساژ) دن کوندریلان آتیدہ کی وجہ ایلہ بر راپور آلنور :

[۰] میرآلای ب .. (۸) نجی آوجی طاہوری طرفندن کلان شوحوادثی
(مچ) والیسنہ تبلیغ ایدر .

«موجودی همین ایدیلهمه مش اولان قوتل بر دشمن قولى بيوك يول اوزرنده ايلرو ليور . مذکور قول صباح ساعت (۱۰) سولرنده (هانوويل-اوپاساژ) واصل اوله جقدر .»

«صبح ساعت (۱۱) ی چيرك كچه ميرآلاى ب . . (غراوله لوت) ده (مچ) واليسندن آتیده تلغرافی آلدینی زمان مفرزه (مچ) اوزرینه اولان رجسته باشلادی .

صبح ساعت (۱۰) ی (۱۰) كچه كوندرلمش اولان تلغرافنامه كزی آلم . (سن كه نئن) اوزرنده كی عملیات تدافیه حالا اجرا ایدلگده در . بوكونلك دشمنی (مونت وو) دره سنك غربنده طور درمغه چالیشكز »

شو ائشاده وضعیت بروجه آتیدر : قسم كلینك قول نهایت ، (مانس) . واصل اولشددر . استحکام بلوكی بوراده كی ایشلرینی اكمال ایتش بولنیور .

(۸) نجی آوجی طابورینك (دوتقور-یارنیزی) دن عزیمتی برآز كچيكمش اولدینی ایچون مذکور طابور آنجی (مالمه زون) ه واره بیلشددر . میرآلاى ب . . خصمه دائر ده بر جوق معلومات آلدی . مذکور معلوماته نظراً دشمنك جنوب قولى ، غالباً ، بر مقدار سواری ایله تقویه ایدلدیكى ایچون (مارسلاطور) ی كچمكده و (۴) نك طابور پیاده ، بر سواری بلوكی و بر بطریقه قدر تخمین ایدیلان شمال قولى ایسه هان (دوتقور-یارنیزی) جنوبنده باش كوسترمكده در . دشمن قواهی عسكریه سنه دائر بیلینان شی بوندن عبارتدر .

آقشام ساعت (۱) ی چيرك كچه وضعیت ایجه وضوح پیدا ایدر . یالكز سواری قوماندانی مستثنای اوله رق دیگر جزء تام قوماندانلرینك هپسینی یانه طویلالمش اولان میرآلاى ب . . دشمنك (غراوله لوت) ده ، (۲) طابور پیاده ایله بر بطریقه ؛ و (ماله زون) ده (۴) طابور پیاده ایله یاتمق اوزره بولندیغنی ، سواریسینی ایسه شو ائشاده (اوج باش) اورمانلریله (ژه نی وو) اورمانلرندن كچرك (پووان دوژور) ه قدر نافله یره ایلرولدیكنی بیلور .

میرآلاى ب . . عین زمانده (غراوله لوت) دن حرکت ایدن بر دشمن آوجی خطنك بيوك يوك هر ایکی جهته (سن هوه رت) علیه یوریدیكنی و (موغادور ك) شمالنده كی تپه دن حرکت ایدن دیگر بر آوجی خطنك ده ، ایکی دشمن بطریقه سی (موغادور ك) جنوب شرقیسنده موضع آلدقلى ائشاده ، (مانس) خندقنه متوجهاً شرقه طوغری ایلریلیدیكنی ده تصدیق واثبات ایلر .

(غراولوت) ك جنوبنده يالكز دشمن سواريسى كوريلور. (۱۵) نجى هولان آلاينك (۲) نجى بلوكى بروجہ آتى معلوماتى ويرر : « اوج دشمن پياده طاپورى (مال مہزون) ك شرق كنارى مہكزننن آبريلان يول بويخہ (ژہنى وو) اورمانى اوزرينہ ايلرولكده در.»

ياپيله جق وظيفہ

(۸۹) سنہسى كانون اولنك (۲) نجى كوفى ايجون مير آلاى ب .. طرفندن اخذ ايديله جك اولان ہر نوع ترتيبات .
آلنان ترتيباتك اسبابى وطوتيلان موضعلك قروكىسى .
(دونقور - يارنيزى) دہكى قطعانہ عائذ اولان ترتيبات ، تعليمات صورتندہ ويرلش اولہ جقدر .

خاطر كزده قالسون : (موزہل) نہرينك صول ساحلندہكى اورمانلر پك .
صيقدر .

اون آلتنجى مکتوب

رجعت، حاضرلىق مۇۋەپپەقىيەت، مەدافىئە مۇۋەپپەقىيەت.

(۸۹) سەئىدى كەنىن اولكە بىر ئىچى كۆنى مېر آلاى ب .. شەندوفىر
كۆپىنى تەخرىب و دىشەنك (مىچ) اوزرىنە اولان يوروشنى كەشف
ايدىرك وظيفە سەنك باشلىغە بىر قەسمنى ايفا ايلدى . اسىر ايدىلش اولان
دشەن پىادە سەنك وىردىكى حوادىث نەزەر مەطالەئە يە آلەجىق اھمىيەت
خاۋەردىر . باخسوس ، مەنسۇب اولدىنى آلايك دىكرى طابورلىرىنك
(ئەتەن) . كەش بولندىقلىرى حەقەندەكى حوادىثى ھېچ خاۋەردىن چىقار .
مەملىدەر . اكر بومەلومات اسىركە دىدىكى كې طوغرى ايسە اوجەتەندەكى
دشەن قەتەئى ، ايرتسى كۆنى سەبەكى كرك (دوئوقور - يارنىزى) دن
كرك بىر آرز دەھاشەلدن اولان (ژوۋايل) ؛ سەكرە (وەرنەۋىل)
ياخود (آمان ۋىلەر) دن كچەرك يوروشلىرىنە دوام ايدە جەكەر كې
كۆرىنىور . (دوئوقور - يارنىزى) دە بىراقىلان آۋجى طابورى
كەندىسەنە الحاق ايدىلان (۱۵) ئىچى ھولان آلاينك (۲) ئىچى
بىلوكى واسطە سىلە شو خەسوسى مەيدانە چىقارە بىلە جەكەر .

دىكر جەتەن ، (ايسپون ۋىل) ك اوتەلرەندە بولنەش اولان ضابطە
كەشف قولى ، (مارس لاطور) ك (۶) كىلو مەترە قەدر جەتە غەرىبە .
سەندە بىرچوق طابورلردىن عەبارت بىر دشەن اردوگاھى كەشف ايلەمشەدەر .
بىنئەئە ئەلە دشەنك بوقەم عەسكىرىنك ايرتسى كۆن (مارس لاطور)
بىلوك يولى بونجە (مىچ) . يورى يەجىكى فەرض اولە بىلور . شەندەن
آكلاشلىور كە ، مېر آلاى ب .. اغلەب اھتەمالە كۆرە ايرتسى كۆن سەبەكى

ایکی یول اوزرنده کندیسنه پك فائق اولان بر دشمنه قرشو حرکتیه
مجبور اوله جقدر .

شبهه سز، بتون شو معلومات ایکی کره ایکی درت ایتدیکی کجی
محقق برشی دکدر . یالکز قطعاً آشکار اولان برشی وارسه اوده
دشمن ایله تماس حاصل ایدلمش اولمسیدر . اسیرک ویردیکی حوادث
احتمال طوغری دکدر . وسواری ضابطی ده احتمال دشمن اردوگاهنک
وسعت و امتدادی اوزرینه آرز چوق یا گلش اوله بیلور . زیرا ،
کیجه لری ، کوریلان اردوگاه آتشرینه باقهرق دشمنک قوه صحیحه سنه
حکم ایتک پك زور برشیدر . بناءً علیه ، میرآلای ب .. (میچ)
والیسنه ده ارنکندن معلومات ویره بیلمش اولمق ایچون ، ایرتسی
کون صباحین دشمنک قوت و مرانیه (باخصوص) (میچ) اوزرینه
یوریمک خصوصنده آلدینی ترتیبانه) دائر معلومات صحیحه ایدنمکه
مجبوردر . میرآلای ب .. نک سواریسسی کندیسنه ، دشمن حقنده
لازم کلان حوادثی تدارک ایتک ایچون بو دشمنک یورویشنه داخل
اولمش بولنمی ایجاب ایدر . سواری ، اول امرده ، خصمه دائر
یکیدن بیوک برشی اوکرنیه جکدر . زیرا ، دشمن سواریسسی کرییه
پوسکورتدکن صکره ، غیرمتحرک اولان دشمن پیاده سنه چارپمش
اوله جقدر . لکن ، دشمن بر کره یوله کیردیمی ، آرتق سواری
ایچون بویله اولمز . اگر بو کوندن یارینه قدر دشمن سواریسسی
تقویه ایدلمش ایسه ، سزک سواریکز ، دشمن قوللرینک یانلرینی
آلمغه و اوسایه ده دها صحیح وجدی معلومات ایدنمکه موفق اوله
بیله جکدر . زیرا ، شمیدییه قدر دشمن سواریسسک عددجه
سزک کندن آشاغی اولدینی کوریلور . بونک ایکی دلیلی وارکه بریدی .

(اورن) واديسنده دشمن سواريسنك كندى پياده سنك كرلرندە بر التجا موصى آرامغه مجبور اولسى ؛ ديكرى (وہ ردون) بيوك يولنك هرايكي جهتده ينہ مذکور سواريدن بر جوق اثر كورلمەش بولمسيدر .

اكر دشمنك قوت وافكارينى آكلامق ايجون ميرآلاى ب.. بر ضابط كشف قولى كوندرمك ايستيورسہ ، اوزمان هر نوع محاربه دن چكنمكدن عبارت اولان كندى وظيفه سى خلافتده حركت ايتمش بولنہ جقدر . ديكر جهتدن ؛ مومى اليه ، دشمن (مچ) اوزرينہ صحيحاً يورويشنہ دوام ايدييورمى ، يوقسہ ايتيورمى بوراسنى ايودن ايويه آكلامزدن اول رجعتده ايتمه مليدر . بناءً عليه كوريلوركه ، بوراده باشليجه وظيفه سوارى يہ عائددر . مفرزنك قسم متباقيسى ، شايد ايلريده دشمن بزم سواريمزه قائق برسوارى ميدانه چيقارہ جق اولورسہ ، اوزمان سواريمزى اوزرينہ ظولايہ جقدر . بناءً عليه مفرزه قوماندانك ويرديكى قرار شوندن عبارتدر :

اكر هر درلو مأمولك خلافتده دشمن یرندن قلداميه جق اولورسہ ، ميرآلاى ب.. ده عين وجهله حركت ايدرك يالكز ، شدتله كندى استكشاننہ دوام ايله جقدر . اكر بالعكس ، دشمن (مچ) اوزرينہ اولان يورويشنہ دوام ايدييورسہ ، اوزمان ميرآلاى ب.. الدن كلديكى قدر هر نوع محاربه دن چكينه رك درحال رجعت ايله جقدر .

لكن . بوصوك حالده ، رجعت حركتك بك ايركندن باشلامسى لازم كلور . چونكه اويله ياپامزسہ دشمن ايله مناسبت كسليميه رك مذکور دشمن بردن برہ عددجه قائق قوتلر ايله رجعت حركتك

اوکنه دوشه بیلوردی . باخصوص خط رجعت (غراوه لوت) ک
 غریبندہ منحط بر اراضیدن کچدکدن سکره ، (مانس) خندقده
 تصادف ایتدیکي ایچون اوجہت دها او قدر زیاده نظر دقہ آلمق
 لازم کلور . بوندن آ کلاشیلورکه مفرزه ، ایلک اشارتده حرکت
 ایدہ بیلہجک صورتده حاضر طورمغه مجبوردر . اوزرنده عزیزیت
 آئی بکلیہجککز مواضعک خواص تدافیعہ سنی قالہ آلمق
 فائده سزدر . چونکہ سز ، اورا ده دوکوشہجک دکاسکرزده اونک
 ایچون .. بناءً علیہ ، سزک اجتماعکز یالکز رجعت ایچون اویغون
 کلہجک بر صورتده اجرا ایدلمش اولہجقدر . بوندن طولانی ، بر مفرزه ،
 اگر منقسم اولدینی قدمہلردن هر بریسی ایچون عینی یول اوزرنده
 آیری آیری اجتماع محللری وارسه ، بتون اقسام عسکر یہ سیلہ عین
 زمانده حرکت ایتش اولہ بیلور . بناءً علیہ بن بتون مفرزه ایچون
 یوروش یولی اوزرنده یالکز بر اجتماع محلی تعیین ایتک فکرندہ
 دکم . زیرا ، بو اجتماع محندن یول قولہ کچمک خصوصی پک چوق
 زمان غائب ایتدیرمش اولہجقدر . مختلف اجتماع محللری ، هیچ کیمسہ
 برخطوہ بیلہ کری یوروش یایمہجق صورتده انتخاب ایدلمش
 بولہجقدر . اولہ ایسہ قسم کلی (دہ زون ویل) ک شرق مغر جندہ ،
 دمدارایسہ (وی یون ویل) ک شرق مغر جندہ اجتماع ایلہجکدر . اجتماع
 امرندہ ، انقسام عساکری ده کوسترمایسکر . سز دشمنی طوردرمغه
 دکل ، بالعکس ، هر نوع محاربہدن چکنمکہ مجبور اولدیککز ایچون
 ایلری قرہ غولنردہ کی پیادہ کزی ارکندن کری آلیکز .

اگرکندی افکار ومقاصدیکیزی دشمنہ بلای ایتدیرمہمک ایچون
 سز ، بو ایلری قرہ غول عسکرینی موقہ یرلی یرندہ ترک ایدہجک

اولورسه کز ، دشمن شدتلی بر تعرضه بکدیکی حالده جناح قطعاتی
احتمال تام زماننده بیوک یول اوزرنده کری به چکلمش اوله میه جقدردر .
بناءً علیه دمدار ، تهلکه به دوشن قطعاتی کندی اوزرینه طوبلایه
بیلک ایچون الکصره ، کندی آرزوسی خلافتده اوله رق محاربه به
کیریشمه مجبوریت کوره جکدر .

دمدار بر کره محاربه به کیریشدی ، اوندن صکره قسم کلینک
باشندن نه بجه جکفی برالاهدن بشقه هیچ کیمسه بیله میه جکدر . ایلری
قره غوللر سوارینه کلنجه ، او اولسکی کبی یالکز دشمنله اولان تماسی
محافظه ایتک دکل ، بلکه ، دشمن نزدنده وقوعه کلان هر نوع تبدلاتی
اوکرتک و ممکن اولدینی قدرایلری قره غوللرک کری چکلمسنی کیزلک
ایچون شفق سوکر سوکر درحال یولک هرایکی جهنده استکشافه
قویوله جقدر .

کانون نانیده کونش تخمیناً ساعت (۸) صولرنده طوغار . خصمک
بوندن ارکن یوله چیقمش اولسنه پک آز احتمال ویریله یلور .
میر آلا ی ب .. شو ساعتده کندی مفرزه سنی طوبلایه بیلمش اولق
ایچون دشمندن هیچ دکلسه (۶) کیلو متره قدر اوزاق بولنمه
چالیشه جقدر . صفوق پک شدتله حکم سوردیکی ایچون میر آلا ی
ب .. دشمنک یتیلانی خلافتده اوله رق کندی قطعات عسکریه سنه مختلف
مسکون محللرده کیجه نی بکورتدی . مومی الیهک شوبله یایمغه حق
واردی . چونکه اکر بو درجه صفوق بر کیجه نی آجیق اردو کاهده
ویاکوی اردو کاهنده بکورمش اولسیدی ایرتسی کون بر چوق
نفرلرندن ال ییقامسی لازم کلوردی .

میر آلا یک بوجسارنده بولنیشی (ایرون) دره سی اوزرنده کی

ایلری قره غول موضعنک محکم ومتین اولیشندن ده ایلری کیش کیدر .
اوندن بشقه خصمک، هیچ طانیمدینی براراضی یه کیجه لین باصقین ایله
هجوم ایتسنه ده پک احتمال ویریله من . اگر ایرتسی صباح ، بعض
اقسام عسکریه کون طوغمزدن اول، کندی قوناقلرینی ترک ایدرک .
برخیلی زمان سلاح الده اجتماع محللرنده بکلمکه مجبوریت کورورلرسه
بیله بو، برکیجه اولکی راحتہ نظراً اودرجه شکایت ایدیله جک برمحذور
دکلدر .

(۸) نجی آوجی طابوریلہ (۱۵) نجی هولان آلاینک (۲) نجی
بلوکی ، منفرد مفرزه کبی تاقی اولنمیلدرلر . بناءً علیہ ، مسئلہ ده
سویلندیک کبی اولنره خصوصی تعلیمات ویرلمک لازم کلور .

اشبومفرزه بدایت رجعتده قسم کلی طرفندن تعقیب ایدلمش اولان
خطدن (۶) کیلومتره قدر اوزاق بولنمقله برابر وضعیت ایجابندن
اوله رق آنی صاغ جناح جانبداری کبی قوللانمغه مجبوریت کوریلور .
بو (۶) کیلومتره ک مسافه یه کلنجه اوندن هیچ بر وقت کوزیکز
ییلماسون . چونکه او، (غراولهوت) اوزرینه ایلرولندکجه آزاله جق
واک صکره اوراده صفر حالته کلهرک قولک ایکی قطعه سی بربرینه التحاق
ایتمش اوله جقدر .

بتون جزء تاملرک بیوک آغرقلری، ایکی ساعت اول کوندریله-
جکلدر . واقعا شو خصوص قطعات عسکریه ایچون آز چوق
بر صیقندی یی موجب اوله جقدر . لکن نه چاره! بوراده اوله یایمغه
مجبوریت واردر . مذکور آغرقلر ، مختلف قوناقلردن چیقهرق اک
کریده کی قدمه یاننه کله جکلر و بناءً علیہ (رهزون ویل) ک شرق
مخرجنده قول تشکیل ایده جکلدر .

(۸) جی آوجی طابوریلہ (۲) نجی سواری بلوکنک بیوک
آغریقلرینہ کلنجه اونلر، دیکرلرینہ (غراولوت) ده التحاق
ایلیه جکلردر. بیوک آغریقلری (مچ) داخلنه صوقمیکنز؛ بالعکس،
یکی بر امره قدر اونلری شهرک خارجنده برطرفده براتیکنز. زیرا،
یارین اقشام اونلره برده احتیاج حاصل ایتمش اوله جنکزی هنوز
بیلیمورسکنز.

استحکام بلوکی تهلکده قله جق حربهلری تهلکدن قورتارمق
مقصدیله بیوک آغریقلر (مانس) خندق کچمش اولتهجهیه قدر اونلره
رفاقت ایدم جکلدر. مذکور بلوک اوندن بشقه، دشمن تعقیبده یک
بیوک شدت کوستردیکی حالده آنک یوروشنی تأخیر ایتک ایچون
بو نقطهده بولی قاباق فکریله بعض تدارکاتده بولنه جکلدر. بونلری
یادقدن صکره ایسه، میرآلای ب. . اوندن (مچ) اوکننده
استفاده ایدیله بیلیمش اولق ایچون استحکام بلوکی قسم کلی بی دیدیکمز
خندق حصارنده بکلیه جکلدر.

رجعت حرکتی ایلک اشارتده باشلایه بیلیمک ایچون، مادون
قوماندانلریکنز صباح ساعت (۸) ده طویلانمش اوله جکلردر. اوپله
ایسه، قسم کلیدهکی ضابطان میرآلای ب. . نک بولندینی دمدار
نزدینه کله جکلردر.

(سن مارسل) دهکی مخبره پوستهسنه کلنجه، آردهده قطع
ایدیله جک مسافه یک بیوک اولمديغندن، کرچه ایو بینجی برضابط
بوراده یک چوق خدمتار کوره بیلور. لکن مادامکه اوپله برمخبره
پوستهسی تشکیل ایدلمشدر؛ اوحالده مذکور پوستهدن مفرزه نک ایکی
قطعهسی بیننده تأمین مخبره ایدیله جک صورتده استفاده اولمیدر.

سز آنجق يوللارك حالى ايوچه برتدقيق ايتدكدن صكره - زيرا قيش موسمنده يز - بوراده وولوسيدجى فئرلرك ، بوسويلديكمز بوسته يرينه قوللانلمسى ترجيح ايديلوب ايديله ميه چكنى آكلايه بيلورسكز . مسئله كز ، (دونقور - يارنيزى) يه قوماندا ايدن ذاته تعليمات كوندرلمش اولمىنى طلب ايديور . خدمت سفر يه ده سويلنلديكى كچي بوكچي تعليماتلر آنجق پك مستتا قوللانيلور .

تعليماتلر ، غير معين بر زمانده تطبيق ايديله چك اولان بر طاق امرلر ديمكدر . بونلر الك زياده آمر ايله مأمور آره سنده كى مسافه نك بيوكلكى حسييله ، مخبرات و مناسبلك بر دوزى يه جريانى غير ممكن اولدينى زمان قوللانيلور . واوليله زمانلرده قوماندا هيئت ، على العاده حاللرده اولمديغندن زياده ، مادونى سربست و مستقل بر اقمه مجبوردر . تعليماتلر امرلردن ، بعض تفصيلات جهتيله فرق ايدرلر . مذكور تعليماتى و برن آمر ، ايلريده كنديسنه امر كيتمديكى زمان بيله ، كنديلكندن ايش كوره بيله چك صورتده مادوننه آچيقدن آچيغه وضعيتى و تعقيب ايلديكى مقصدى سويلر .

سز محاربه دن چكنديكز حالده بيله ينه محاربه ايتك مجبور يته دوشه بيلورسكز . آنك ايچون اكر ، بر آن اول يايلمه حركتى اكمل ايتك فكريله نصف مسافه و نصف طاقم جبهه سيله يورى يهرك ، يول قولككزك درينلكنى آزالتمنى دوشونمش ايسه كز بوكا قرشو بنم نهديه چكم اوله بيلور ؟ ايكي يوليكنزكده كيشلكى بويله بر تشكيلات آلئكزه پك اعلا مساعد كچي كورينيور . اوندن بشقه ، دشمن يقينده اجرا ايديلان بر رجه تده لزوم كوردلديكى زمان سريعا ياييله بيامك ايچون يورويش قولنك جبهه نى بيولتلك پك ايو بر شيدر .

بن ویردیکم امرلرده اوندن بحث ایتیمورم . زیرا ، یالکز بر خریطه یه کوز کزدیرمکه ، یولک بویله بر تشکیلات قوللانمغه الویریشلی اولوب اولدیغنی آکلامق ممکن دکدر . اوندن بشقه ایلریده مسکون محلردن کچیله جکی ائاده تکرار یول قولنک جبهه سنی تنقیص ایتک مجبوری کوریلوب کوریلهمه جکی بیلنهمور . اگر فی الحقیقه او یله بر مجبوری حسی ایدیلورسه بوندن بر چوق تأخر لر وجان صیقندیلری حاصل اوله جقدر . بر یوروش قولنک درینلکنی تنقیص ایتمکه برابرینه دایما یولک برکنارنده ، امرکتوروب کوتورن منفرد سواریلرک یوروش قولی تعجیز ایتکمزین وسریع یوروشلرله کچه بیله جک قدر ، آچیق بریر بولندرمق لازم کلور . چونکه اگر او یله بر آچیق ترک ایدلمزسه اوزمان امرلری وراپورلری نقل ایتک مشکل ویا بسبتون محال اولوردی . بناءً علیه بر یوروش قولنک درینلکی تنقیص ایدیله جکی زمان شو خصوصی نظر دقته آلمق ومختلف مسکون محلردن کچیله جکی صره ده یولک اورالرده کی کنشکنی ایوجه بر دوشونمک لازم کلور . بوبابده شهه سز ، اولجه بعض استکشافلرک یابلمسی ایجاب ایدم جقدر . لکن بوراده کی یول اولجه میرآلای ب .. طرفدن تعقیب ایدلش اولدینی ایچون یول قولنک جبهه سنی تزید یعنی عمقی تنقیص ایتک خصوصی پک اعلا قبول اولنور برشیدر . او یله ایسه ایشته سزک ویره جککز امرایله تعلیمات شوندن عبارتدر :

(وی یون ویل)

۱- ۱۲- ۸۹- ۱۱ کی

مفرزه امری

۱ — یارین صباح ساعت (۸) ده قسم
کلیسنگ قول باشی (وی یون ویل) ک
شرق مخرجنده اولن اوزره، دمدار (مچ)
بیوک یولی اوزرنده یول قولنه کیرمش
بولنه جقدر . عین ساعتده ، مفرزه قسم
کلیسی ده قول باشی (ره زون ویل) ک
شرق مخرجنده اولن اوزره عینی یول
اوزرنده یول قولنه کیرمش اوله جقدر .
عسکرک کافه سی یوروش یاغمه حاضر
بر حاله بولنه جقدر . صاغ جناح جانبدا.
رینه ؛ خصوصی تعلیمات ویریلیور .
۲ — (۱۵) نجی هولان آلاینگ برنجی
بلوک، شفیق سوکدبکی آنده (وه ردون)
بیوک یولی اوزرنده استکشافه باشلايه جق
و (دونقور- یارنیزی) ده صاغ جناح
جانبداريله تأمین ارتباط ایلیه جقدر .
۳ . . . (۱۵) نجی استحکام طابورینگ
برنجی بلوک ، صباح ساعت (۶) ده
(ره زون ویل) ک شرق مخرجندن حرکتله
(مانس) خندقته قدر بیوک آغراقلره
محافظلک ایده جک و (مانس) کچیدنده
یولی سدایمک ایچون لازم کلان وسائلی
حاضرلادقندن صکره اوراده قسم کلی یی
بکلیه جقدر .
۴ — معیننه بر قاچ سواری ویریلان
(۱۵) نجی هولان آلاینگ برنجی بلوکنه

انقسام عساکر

۱ — اولدن کوندرلشدرد : یوز
باشی د . . (۱۵) نجی استحکام
طابورینگ برنجی بلوک .
۲ — قسم کلی و یوروش نظامی :
(۱) سیار خسته خانه طاقی .
(۶۷) نجی پیاده آلاینگ (۲) نجی
طابوری .
(۱۵) نجی سیار طوپچی آلاینگ
(۵) نجی بطریقه سی .
(۶۷) نجی پیاده آلاینگ برنجی
طابوری .
(۱۵) نجی هولان آلاینگ برنجی
بلوکنندن برکوچک ضابط ایله
سکزر سواری .
۳ — دمدار : بیکباشی ب . .
(۶۷) نجی پیاده آلاینگ (۳) نجی
طابوری .
(۱۵) نجی هولان آلاینگ
(۱) نجی بلوک .
(۱۵) نجی صحرا طوپچی آلاینگ
(۴) نجی بطریقه سی .
۴ — صاع جناح جانبداري :
بیکباشی ق . .
(۸) نجی آوجی طابوری .
(۱۵) نجی هولان آلاینگ
(۲) نجی بلوک .

منسوب بر ضابط قوماندا سنده اولان
دمدار و قسم کیمی بیوک آغراقلری صباح
ساعت (۶) سنده (ره زون ویل) ک شرق
مخرجنده قول تشکیل ایده جکلردر .
بعده (مچ) بیوک یولی بونجه چکیلرک
(غراوه لوت) ده صاغ جناح جانبداریه
برلشه جکلردر. مذکور آغراقلرک کافه سی
یکی بر امر ویریلنجه یه قدر (لوتزه ویل-
لومچ) ک شرقی مخرجنده طوره جکلردر .
ه — امر ؛ دمداره . صاغ جناح
جانبدارینه و قسم کلینک جزء تام قوماندا .
نلرینه صباح ساعت (۸) ده (وی یول ویل) ک
۵۰۰ متره غربنده کی تپه اوزرنده
ویریله جکلدر .

میرآلای

.. ب

قطعات عسکریه دن امر آلتی
ایچون کلانلره یازدیرلشدیر .

(۸) نهي آوي طابوري قومانداني بيكباشي (ق . .) ه تليات
(وي يول ويل)

۱ - ۱۲ - ۸۹ - ۱۱۰۴۰ کی

د آلتان خبرلره نظراً دشمنك پياده ايلري قره غوللري (هانويل
اوپاسازك) (۲) كيلومتره غربي بنده تأسيس ايدلشلردر. (مارس لاطور)ك
(۶) كيلومتره غربي بنده بر دشمن اردوكاهي واردر؛ اني كشف ايدن
ضابط اوراده (۴) طابور قدر دشمن عسكري بولنديغي تخمين ايدور.
دمادام كه سزكده او ككزده (اورني) وادي سنده دشمن پياده
وسواريسي واردر. بوندن، دشمنك (نه تن) و (وهردون) يوللري
اوزرندن كلديكي آكلاشيلور. دشمنك قوتي هنوز صحيح بر صورتده
تقدير اولنه مامشدر. بنم فكر بجه، شمدليك بزم او كزده، هر يول
اوزرنده برز آلايدن بر آز زياده پياده ايله برز سوارى وطويچيدن
مركب ايكي دشمن قولى واردر. شمدى به قدر كلان حوادثلره نظراً
دشمن سواريسنك بزمكندن آز اولديني آكلاشيلور. في الحقيقه
سزك او ككزده كي دشمن سواريسي، كندى پياده سى اوزرينه چكلديكي
كبي بنم او كده كي دشمن سواريسي ده (وره دون) بيوك يولى اوزرينه
چكلدى. حالا دشمنك قوتلى سوارى قطعاتى كوريله مامشدر. بناءً
عليه دشمن قوتنه دائر آلتان معلوما تى اكمال ايتك ايچون بزمكندن
اولديني قدر سواريمزك دشمن سواريسنه اولان بوتفوق عدديسندن
استفاده ايتكه چاليشه جنز.

د اويله ظن ايدورم كه، دشمن شمدى ايكي يوك ايكي سوارى اوزرنده ده
شدله ايلري آتلمه باقه جقدر. يوقا كر دشمن يالكز بر يولى
تعقيب ايدم جك ايسه، اوزمان ذاتاً هر نوع محاربه دن چكمنك
ايچون امر رسي آلديم ايچون، بنده (مچ) اوزرينه چكيله جكم.

بناءً عليه يارين صباح سوار بمزله دشمنك (مچ) اوزرينه يورويشه دوام ايدوب ايتديكني ممکن اولديني قدر سريماً آكلامق ايستم.

داكر دشمن ايلروليورسه ، بزدرحال كرى چكيله جگزر . يارين صباح ساعت (٨) ده دمدار ايله مفرزه قسم كليسي ، برنسخه سنى آلمش اولديفكز امرده كوستريلان محللرده اجتماع ايتمش بولنه جقلردر . بناءً عليه سزده بنمله عين ساعته حركت ايدم بيلمك ايجون حاضر بولنيكز ومؤخراً دشمنله صيقيدن صيقي به طوتشمليرينه حاجت قالماق فكريله ايلرى قره غول بلوكلريكزى مناسب بر زمانده كرى آلمغه چاليشكز . صكره سز ، (مال مه زون) دن كچرك صاغ جناح جانبدارلكى وظيفه سنى ايفا ايدم جك و (غراولوت) ده بزمله برلشه جكسيكز . دشمنله بر محارب به طوتشمقندن احتراز ايديكز . سواريكز واسطه سيله ايلك اوچكه (اورن) واديسى ، صكره شمال استقامتى ايوچه بر كشف ايتديريكز .

داكر ، هر مأمولك خلافتده ، دشمن يارين صباح ايلرى يورويشنه دوام ايتمه جك اولورسه بزده موقت بر زمان ايجون غير متحرك بر حالده قاله جغز و آنك افكار و مرامنى آكلامغه چاليشه جغز .

دشمنك حرکاتنه دائر هر نه كورورسه كز ، درحال بكابيلديريكز ! بنده اكر دشمن ، (وهردون) يويله ايلروليجهك اولورسه اوکا دائر هر نه كورورسه م سزه خبر ويره جكم . صباح ساعت (٨) ده (وى يون ويل) ك (٥٠٠) متره ضربنده كى تپده ويره جكم امرلرى آلمق ايجون بر ضابط كونديريكز .

داكر دشمن سزك عليه كزه يورى به جك اولورسه ، سزى (غراولوت) اوزرينه مى تعقيب ايدور ؟ يوقسه (قونفلان —

یاریزی (دن اعتباراً (ژوآویل) اوزرینه می ایلرولور؛ بونی مطلق بیلیمک ایسترم. بو حوالده خصمک یوروش ترتیباتی بکا بیلدیریکمز. بیوک آغرقلریکزی ایجه ارکندن یوله چیقاریکمزکه ، صباح ساعت (۶) یی (۳۵) کچه بزمکیلرله (غراولهوت) ده برلشمش اولسونلر. صباحک ساعت (۸) ندن اعتباراً سزک بکا کوندره جککمز راپورلر (وی یون ویل) ک (۵۰۰) متره غربنده کی تپیه کوندرلسونلر. رجعت اناسنده بن اولادمدار ایله ، صکره قسم کلیله برابر حرکت ایدم جکم. میر آلا ی ب ..

(۸۹) سنه سی کانون اولک (۲) نجی کونی میر آلا ی ب .. دشمنه دائریکی حوادث بکلمک اوزره (وی یون ویل) ک غربنده کی تپیه توقف ایدر. صباحک ساعت (۱۰) نده مسئله ده کوردیکمز ایکی راپوری آلا دینی کبی میر آلا ی درحال رجعت امرینی ویرر. وسوارینک یالکمز دشمنله تماسی محاذله دکل بالعکس ، آنک ایکی قولندن ایکسینک ده یانلری اوزرینه ایلرولمسنی تپیه ایلر. امر ، پک چوق ملاحظاته حاجت قالمقسزین ، درحال ویریله بیلور؛ لکن قسم کلی (۴) کیلو متره قدر اوزاق بولندینی ایچون ساعت (۱۰) ی (۱۰) کچه دن اول یوله کیره میه جکدر. حتی حرکتیه باشلانمق ایچون اولجه ده بعض اشارتلر قرارلاشدیرلمش وآره یرده بعض متوسط نقطه لر قولنلمش اولسه بیله ینه بو دیدیکمز ساعتدن اول یوله چیقماق ممکنسزدر. قسم کلینک قول باشی (غراولهوت) ه قدر (۳) کیلو متره ک بر یول آلفه مجبوردر. بناءً علیه اورایه آنجق ساعت (۱۱) ده کله بیله جکدر. اولجه کشف ایدلمش برمانع ، بر تأخر وقوعه کلزسه ، جانبدار قسم کلییه (غراولهوت) ده التحاق

ایله جقدر. فی الحقیقه بوجانبدار، صباح ساعت (۹) ی (۲۵) کچه (دونقور - یارنیزی) دن حرکت ایدرک ساعت (۱۰) ده (قولر) ده، ساعت (۱۱) ده ایسه (غراولوت) ده بولنه جقدر. دمدار قسم کلیسنک امتدادی (۶۱۵) متره [۳ بلوک ایله بر بطریه] در. بناءً علیه قول نهائی مفرزه قسم کلیسنک قول باشندن تخمیناً (۲۵۰۰) متره قدر اوزاقده بولنه جقدر. بومسافه یی (۲۰۰۰) متره ایندیرمک ایچون دمدار، درحال یوروش یاغمه مجبور اوله جقدر.

آوجی طابوری قوماندانی، نهوجهله حرکت ایده جکنه دائر بر تعلیمات آلمش اولقله برابر، سزینه اوکا (غراولوت) اوزرینه رجعت ایچون بر امر کوندره جکسکز. وبالخاصه کشف وترصد ایله جکی منطقه یی سویله جکسکز. بوسایه ده، برکون اول قرارلشدرمش اولدیغکز حرکات یرینی بولش اولور.

بیکباشی ق. . . بوجهله دیگر قدمه لکده وظیفه سنی اوکرشمش بولور. ینه بوندن طولای درکه، قسم کلی ایله دمداره کندی صاغ یانلرینک تحت امنیتده بولندیغنی کوسترمک ایچون امرده جانبداردن ذکر ایتمک لازم کلیور.

بر رجعت یوروشی ایچون ویریه جک امرلره دائر بنم کچن مکتوبلر مده نه دینلمش اولدیغنی شبهه سز، تکرار تکرار او قومشکزدرد. او یله ایسه بوراده آرتق اولردن بحث ایتمکه لزوم کور میورم. سز شمیدیکی ترتیبات ایله کچن حللری بر مقایسه ایده جک اولورسه کز، کورک دیکنکنه مربوطیتی کبی، او یله بر دوزی یه عینی قلبیشه لری، عینی اورنکلی طبقی طبقینه تطبیق ایلمدیکی تصدیق

ایلر سیکز. اوندن بشقه سزده، یالکیز عجمیلره بر یول کوستر مکدن.
عبارت اولان، بئم بعض امر نمونه لریمی حرفی حرفه قوییه ایتمک.
آلیشمیکز. مسئله لر ایله اونلرک خللر نده کوردیککیز بو بیوک تبدلات،
تعمیه مسئله لرینی حل ایتمک ایچون بر طاقم اصلا دکیشمز اصوللر
آرامق، فکر سز وینسز انسانلرک ایشی اولدیفنی سزه آپ آشکاره
کوستره جکدر.

وی یونویل « ک » ۰۰ - ۰۰ متره غربنده کی تبه

۱۲ - ۸۹ - ۱۰۶۰ کو

مفرزه امری

۱ — دشمن ، « اورن » وادیسندن
« قونفلان-یارنیزی ، اوزرینه ، «وهردون»
یولی بونجه ایسه « هانونویل- اوپاساژ »
اوزرینه ایلیلمکده در .

۲ — مفروزه ، درحال « میچ » اوزرینه
چکیله جکدر .

۳ — قسم کلی ، شمعی بیوک یول
بونجه « میچ » اوزرینه یوروش یامغه
باشلایه جق و « روزه ری یول » ایله
« مه زون-نو » دن کچه جکدر .

۴ — دمدارده شمعی حرکت ایدرک
قسم کلی بی « ۲ » کیلومتره مسافه دن تعقیب
ایلیه جکدر . دمدارکشف قوللری واسطه .
سیله دشمنه اولان تماسنی محافظه ایستادن
بشقه « ویل سور-ایرون » ایله « بوکسی بو »
جهت لرخی کشف وترصد آلتنده بولندیره جقدر .

۵ — صاغ جناح جانبدارای مفروزه
« غروالوت » ده التحاق ایلیه جکدر .
بو جانبدار دشمنه اولان تماسنی کشف
قوللری ایله محافظه ایلیه جکی کی « درووا -
طومون » ایله ژو آویل « جهت لرخی ده کشف
وترصد ایندیره جکدر .

۶ — بن دمداوله برابر بولنه جنم راپورلر
اورایه کوندریله جکدر .

میرالای

ب ..

قسم کلی ایله دمدار قوماندانه
شفاها تبلیغ ایدلش ، برنسخه سی
براص ضابطی واسطه سیله صاغ
جناح جانبدارینه کوندرلشدر .

(مچ) واليسنك تلغرافى ميرآلاى (ب. .) يە دشمنى (مونت وو) واديسنك غربيئە طوتىنى امر ايدىيور. بوندن طولاي ميرآلاى ب. . مناسب برمدافعه موضى انتخاب ايتىمكه مجبوردر. بناءً عليه ميرآلايك وظيفهسى، شمدىكى حالده بيوك برتبدله اوغرامش ديمك اوليور. زيرا دشمنله بوى اولچمكه، غوغا ايتىمكه مأذون اولمش بولنيور. مع هذا، يئنه يالكىز زمان قازانمق فكريله دشمنى طوردرمقدن بشقه برشى ايستلميور. زيرا مفرزه جددجه دشمندن پك چوق ضعيف اولدىنى ايچون آنكه اوزون اوزادى يە بر محاربه يە كيريشه مز.

بوراده ايلك اول مسئلهده ويرلمش اولان معلوماته كوره يول قولنك مختلف قدمه لرى ساعت (۱۱) ى (۱۰) كچه زرده بولندينى ايوچه بر حساب ايدىكز. خريطه دن آكلاشديغنه نظراً ميرآلاى ب. . دشمنى طورديرمق ايچون شمدى سويله جكمز ايكى موضعدن بريىنى انتخاب ايدى بيلور. بوموضعلردن برنجيسى شمالده كى اراضى داخل اولمق اوزره (غراوله لوت) موضعدر. ايكنجيسى ايسه (مانس) خندقك غربيئە (موسقو) چفلكندن تقريباً (پووان دوزدر) خرابه سنه قدر اولان موضعدر. كذلك شوموضعلر ايكيىسندن ده استفاده ايتىمك يعنى اونلرى متعاقباً مدافعه ايلمك جهتي ده خاطرە كله بيلور.

اكر دشمن (مچ) اوزرينه يوريمك ايستيورسه، بو ديدىكمز موضعلرك هانكيىنى اشغال ايدرسه ايتسون ميرآلاى ب. . اوزرينه هجوم ايتىمكه مجبور اولديغنه اصلاً شبه ايديله مز. اوندن بشقه شمالده كى دشمن قولنك (ورنه ويل) دن كچه زك ميرآلاى ب. . مفرزه سى

طرفدن مدافعه ایدیلجك موضی چویرمك فكرینه دوشمی
خصوصنه ده اصلا احتمال ویریلهمز. زیرا، دشمن ~~کندی~~
اتحاد حرکاته خلل ویره جك اولان اوپله بر ماتوره به تشبث ایتمکدن
ایسه، طوبی قوتلر ایله دشمن اوزرینه تعرض ایتمک البت مرجح
کوره جکدر.

شمندی ده ایکی موضعك فائده و محذور لرینی ایوجه بز تدقیق ایدیکز؛
بیم کچنکی مکتوب، شو خصوصده سزك رهبریکز اوله جقدر. اصل
روح ماده ایله اوضه اشمش بولمق ایچون؛ بوکجه تفرعات اوزرینه
سوز سویلمکدن واز کچورم.

برنجی موضع، (موغادور) تپه سنده یرلشه جك اولان طوبیچی به
غرب ایله جنوب غربی استقامت لرینی و دشمنك جنوب قولی طرفدن
تعقیب ایدیلان (ره زون ویل) — (غراوه لوت) یولی مؤثر بر صورتده
دو ککه مساعددر. لکن بو موضعدن، شمال غربیده کی (ماله زون) —
(دوقور — یاریزی) یولی علیه آنجق پاك ضعیف آتشلر توجیه
اوله بیلور. دشمنه کلنجه، او یالکز (غراوه لوت) — (ره زون ویل)
یولك هرا یکی جهتده ایی طوبیچی موضعلری بوله جقدر. معلوم اولان
قوتلرینه بناء، میر آلا ی ب.. یالکز (غراوه لوت) — (موغادور)
جبهه سنی اشغال ایده بيله جکدر. بو حالدده ایسه، میر آلا یك موضی
شمالدن کلان دشمن قولی طرفدن پك قولای بر صورتده احاطه اوله جقدر.
حتی مذکور دشمن قولی هیچ بر فضله حرکت یاپمیه رق یالکز شمندی
تعقیب ایلدیکی یول بونجه ایلرلیدیکی حالدده بو احاطه حرکتی بالسهوله
اجرا ایده بيله جکدر.

غرب کناری ایجه آچیق اولمديغدن طولای (غراوه لوت)

کوی مدافعه‌یه الویریشلی دکلدر. زیرا ایلریده‌کی منفرد اولر، مدافعه‌یه کوجلشدیره‌ک کوی محافظیننی طاغیل طومغه مجبور ایدرلر. لکن، بوموضعک اک بیوک قصوری، هرایکی جهتده صیق آغاجلری حاوی واوزندن کچله‌جک یالکز بر یولی موجود اولان (مانس) خندقه آرقه ویرمش اولسندن عبارتدر. فی‌الحقیقه، اگر مفرزه کری چکلکه مجبوری حاصل ایدرسه، اوزمان رجعت حرکتی، باخصوص منحنی یردن کچله‌کدن صکره (پووان دوزور) طوغری کیدن یقوشلری هپ دشمن آتشلری ایچنده چیقماق لازم کله‌جکندن طولایی، پک فنا بر حالده اجرا ایدلمش بولنه‌جقدر. یالکز رجعت حرکتده کوریله‌جک اولان بو مشکلات بيله قوماندا هیئتیه قطعات عسکریه‌نک قوه معنویه‌نی آزالتمغه واونلرده ایشه باشلامزدن اول ده‌ها، موضع حقنده فنا بر فکر اوایاندرمغه کفایت ایدر. بو حال ایسه، اک صکره بیوک ضایعات ایله برابر بیوک برهزیمتی موجب اوله‌بیلور.

(موسقو) چفلکنه طوغری اولان ایکنجی موضعه کلنجه، یوراسی طویجی‌یه (غراوله‌لوت) یولی‌علینه باخصوص (غراوله‌لوت) ک شرقنده‌کی قسمی ایله خندق کچیدی اوزرینه ای بر تأثیر کوسترمکه الویریشلیدر. واقعا اورمانلر سببیه، طویلریکزک (مال مه‌زون) استقامتده‌کی تأثیرلری آز اوله‌جقدر. مع‌هذا، بو استقامتده‌کی طوب تأثیرلری یه هیچ دیمک دکل، بر درجه‌یه قدر کافیدرلر. بوموضعه یاقلاشمزدن اول دشمن (مانس) خندقک ایکی وهر-لساننده‌کی اورمانلری کچمه‌ک مجبور اوله‌جق که، بو آنک قسماً اارتباطنی غائب ایتدیرمش بولنه‌جقدر.

دشمن اورمانلردن چيقمق ايسنيه جي آندە ، بردن بره پياده
آتشلرينه هدف اوله جقدر . چونكه موضع بو اورمانلرك كنارينه
قدر موجود يقوشلرك كافه سني دوكمكه مساعدر . سرك يانلركردن
بريسي احاطه ايتكمده دشمن ايچون قولاي برشي اوليه جقدر . زيرا
(موسقو) كوينك اطرافنده كي انداخت ميداني پك مكمل اولدقن
بشقه (پووان دوزور) طاش اوجاقلري مدافمين ايچون كوزل كوزل
سپرلر تشكيل ايدر .

بتون شو سابلردن طولاي ، بو موضعه وقوعه كله جك هجوم
حقيقت ، پك بيوك مشكلاته اوغرايه جقدر . بتون جبهه اوزرنده
(مانس) خندق كي بر مانعك بوليشي بوراده پك ايو بر شيدر .
زيرا ، اصل مقصد ، دشمني توقيف ايتكمدر . يوقسه ، بوراده برتيجه
قطعيه حاصل ايدم جك صورته مقابل هجوم يايتمق فكرنده بولنميور .
دشمن ، (غراولهوت) ك شرق ايله جنوبنده و (موغادور) ده
شبهه سز پك كوزل طولايي موضعلري بوله جقدر .

لكن بو موضعلر ، (موسقو) دن (۲۴۰۰) متره قدر اوزاق
بوليورلركه بومسافه ، مرميلرك نقطه سقوطلريني ترصد ايتكم ممكن
اوله بيلان مسافه لرك حيد اعظمي سيدر . دشمن طولايي آنيق محاربته
صوك دورينده يعني پياده سي (مانس) خندق كريدنه بر اقديني
زمان دها زياده ياقلاشمش اوله بيله جكمدر . (سن - هوبه رت) ك
غربنده كي طاش اوجاقلري هاجين پياده سنك تقربني تسهيل
ايدم جكمدر . لكن ، (سن - هوبه رت) مدافميني يقين مسافه لردن
اجرا ايدلمش اولان شدتلي آتشلريه خصمك مذكور اوجاقلردن
چيقمسنة مانع اوله بيله جكمدر .

(سن هو بهرت) چفلكى محكم بر صورته اشغال ايديله رك مدافعه موعى اقسامدن معدود اوله جقدر . بو طيعته نقطه لر (چفلكر ، اورمان پارچه لرى ، اورمانلر ، چقور يوللر ، وسايره) موضع اصليدن اى اوزاق بولندقلرى زمان ، هاجين اوللرى بر كره الله ايتدكن صكره ، آنك تقرى بك زياده تسهيل ايدرلر . بناءً عليه موضع اصليدن اودرجه اوزاق اولان مذكور نقطه لرى موضع اصليتك اقسامدن عدايمه لك لازم كلور . شبهه سز ، مدافعين كندى خط اصليرينك ايلريسنده كى بوكى نقطه لرى اشغال ايتك فكريله اقسامه آيرلماقنى دها زياده سور ؛ وبناءً عليه او چشيد نقطه لرى اشغال ايامكدن صرف نظر ايلر ؛ لكن بوراده شو محذور ، (سن هو بهرت) چفلكنك موجب اولدنى بيوك بر فائده ايله بر طرف اوليور . زيرا مذكور چفلك ، مدافعينك اك مؤثر تفك آتشلى ايله دوكلان بر منطقه داخنده بر كجيددن نكمله مجبور اولان هاجينك تعقيب ايلديكى يولى دوكمكه بك الويريشليدر .

مع هذا ، (سن هو بهرت) ك قيمت تدافعيه سنده بك مبالغه به دوشمه مليدر . زيرا شويله بر نقطه هر شيدن اول دشمن طويحيسنه هدف اولور . بروجه كه طويحي آتشى اونى همان طوتامسى ناقابل بر حاله قويهرق اك صكره ، پياددنك ايلك احاطه هجومى آنك سقوطنى ايجاب ايتش بولنور . بناءً عليه (سن هو بهرت) ك مدافعه سى بوراده آنحق بر خاصه موقته يى حائر اوله بيلور . ايلك او كجه دن دها بورانك محافظ عسكرندن بر قسمنى فدا ايتك مجبورتى كوريله جكدور . هر حاله بو چفلكنك مدافعه سى زمان قازانديره جقدر . زيرا ، دشمن آنحق بو نقطه يى ضبط ايلدكن صكره موضع اصلى به هجوم ايديله جكدور .

برده، (سن هوبه رت) هجومی، هاجمین آرم‌سندۀ او یله برقراریشیقانی موجب اوله جقدرکه، هجوم اصلی به انجیله جکی آندمه آرتق هاجمین قطعاً تونده انتظامدن اثر قالمیه جقدر.

موضعک کریلرنده دیگر بر مانع یعنی، (مونت وو) وادیسی وارد. لکن بومانع، (مانس) دره سی قدر برنجی موضعه یقین دکلدر. مع هذا، (موسقو) دن (شائل سن زه رمن) اوزرینه وقوعه کله جک رجعت حرکتی بر خیلی مشکلاته اوغرایه جقدر. بونکده سببی دره یه اینن میلرک دیکلکی ویا لکز بر قاج یولدن بشقه هیچ بر محملرندن کچلمک قابل اولیان غرب و رساننده کی صیق اورمانلردر. حال بوکه، رجعت حرکتی صول جناحدن (روزه ری یول) اوزرینه اجرا ایدیه جک اولورسه دهاکوزل شرطلر ایچنده اجرا ایدلش بولنه جقدر.

شو ایکی موضعک فائده و محذورلری بر بریله مقایسه ایدیلنجه، ایکنجی سنک برنجی به تفوقی آشکار اولور. بوراده بر سؤال وارد اولورکه، اوده عجباً شو ایکی موضعی یکدیگرینی متعاقباً مدافعه ایتمک ایومی در، فنامیدر؟ اصل مقصد، زمان قازانمقدن عبارتدر. او یله ایسه، اگر دشمن بر دفعه (غرا و لوت) اوکنده یاییله رق اوراسنی ضبط ایتدکن صکره ایکنجی بردفعه ده (پووان دوزور) اوکنده یاییله جق اولورسه، ایستیلان زمان بالسوهله قازانامش اولور. لکن، (مانس) دره سندن رجعت ایتمک او درجه زور برشیدرکه، بوندن طولانی حاصل اوله جق ضایعاتدن صرف نظر، تمییه ارتباطلرنجه بیوک برکیوشکلکه ده سببیت ویره جکدر. و (پووان دوزور) طرفلرنده بر التجا موضعی اشغال ایتدیرمدکجه او یله بر رجعت حرکتی اجرا ایتمک ممکن اوله میه جقدر.

اوزمان ایسه میر آلا ی ب .. کرک (غراولهوت) و کرک (پووان دوژور) موضعلرندن بریسنی موضع اصلی کی انتخاب ایدمه بیله جکدر. برنجی حالده، (پووان دوژور) موضعی التجا موضعی اوله جق، ایکنجی حاله کورده ده (غراولهوت) بر ایلری خط طرفندن اشغال ایدلمش بولنه جق ایدی. لکن شویله بر پلان سزک قوتکزی انقسام ایتدیرمش اولورکه، بو خصوص بتون قوای عسکریه یی موضع اصلیده طوبلامق لزومنی کوسترن قاعده اساسیه مغایردر. برنجی حالده، کری چکیله جکلری کندی اوزرلرینه طوبلامغه مأمور اولان قطعاتی، تام زماننده اشغال ایدیله جک موضعه کیرمش اولق ایچون، پک ارکندن کریلره کوندرمک ایجاب ایدمه جکدرکه بوخصوص، اک بحرانی بر آنده سزک اولرک معاوتندن محروم قالمکزه سبب اولور.

ایکنجی حالده (غراولهوت) بر ایلری خط ایله، مثلا بر دمدار ایله اشغال ایدلمش اولسه، اووقت بو مفرزه، تام زماننده موضع اصلینک جبهه سنی آحق خصوصنده پک چوق مشکلاته اوغرایه جقدر. زیرا، اورمانلر آره سندن کرک (موسقو) و کرک (پووان دوژور) طاش اوجاقلری اوزرینه اجرا ایدیله جک بر رجعت حرکتی اوقدر مشکلاتی موجب اوله جقدرکه، ایلری خط چاره سز دره دن کچن یکانه جاده اوزرینه دوشمش بولنه جقدر. بر دفعه وضعیتی دوشونیکز: عجبا (غراولهوت) دن طرد ایدلمش اولان قطعات موضع اصلی اوزرینه نه حالده کله بیله جکاردر؟ بو رجعتی تماشا ایدنلرک قوه مغنویه سنده، قطعات مذکور دنک اوحالی، نه کی تأثیرلر حاصل ایدمه جکدر. دشمن عسکرینک قوه مغنویه سی قولای بر موفقیت ایله تزئید واعلا ایدلرکدن صکره، عینی کونده بر ایلری خط تشکیل

ایتمش اولان قطعاتی بر دفعه دهها قوللانه بیلیمک ممکن اوله جفتی ظن ایده میورم. بتون شوسبیلردن طولانی، میر آ لای ب.. (غراوله لوت) ی مدافعه ایتمیه جک، بالعکس کندی مفرزه سنی (پووان دوزور) موضعنده جمع ایلیه جکدر.

بر محاربده ایلرولمش پوسته لر [موضع] ایله، بر ایلری خط بیننده نه کبی فرقلر اولدیغنی اصلاً خاطر دن چیقارماق ایچون بوسویلیه جکمز مثال حفظ کزده قالسون: (سن هو بهرت) چفلکی بوراده ایلرولمش بر موضع مقامنده در؛ موضع اصلینک مؤثر پیاده آتشری طرفندن پک اعلا دوکیله بیلور. اگر (غراوله لوت) ده بعض قطعات عسکریه کزی ترک ایدرسه کز، بوقطعات سزک ایچون بر ایلری خط وجوده کنوره. جکدر در. زیرابو موضع، پیاده وحنی دیه بیلور زک طوپچی آتشرینک بیله منزلی خارجنده در. اصولاً ایلرولمش پوسته موقعلرینی اشغال ایتمکدن هیچ بر زمان صرف نظر اولسه مز. زیرا اونلری باد هوا دشمنه ترک ایتمک کیمسه نک الندن کلز. بالعکس، کرک ایلری قره غولر، کرک بر پیشدار ویا دمدار طرفندن تشکیل ایدلش اولان ایلری خطرلردن صرف نظر ایتمک ایجاب ایلر. کندیکنزی کری یه چکمکده اوغرایه جگنکز صعوبت ایله رجعت ایدن اقسام عسکریه یی تعقیباً دشمنک موضع اصلی کنارلرینه قدر یا قلا شمعده کی سهولتی وسزک شو آنده دشمن اوزرینه آتش ایدمه مکزی هیچده قاله آلمسه ق بیله ایلری خطرلرک پک دهشتلی بر فزانی وارکه اوده یالکنز باشنه کری یه چکیله میان بر ایلری خط قطع تنک امدادینه قوشدیشکنز حالده، محاربۀ قطعیه یی موضع اصلینک خارجنده بر یرده ویرمک مجبوریتنه دوشمش بولتمکزدن عبارتدر.

(۱۸) آگستوس (۱۸۷۰) تاریخنده وقوعه ککش اولان بر میدان محاربه سنک بر قسم اراضیسنی بوراده مخصوص انتخاب ایتدم. اصل فکرم مسئله کزی حل ایدرکن خاطرات تاریخیه کزدن مستفید اولمش بولتمکزدرد .

(۱۸) آگستوس کونی ، فرانسلر (غراولهوت) ی اشغال ایتدیلر . بالعکس ، (سن هوبه رت) چفلکنی طوتدیلر . بو چفلک مدافعینی پک چوق ضایعات ویردکدن صکره ، اوراسنی تخلیه یه مجبور قالدیلر . لکن ، هجومده موفق اولدقدن صکره هاجین قطعاتنده کوریلان انتظامسلرلق ، مؤخرأ موضع اصلی اوزرینه تعقیب ایدیلان هجوملرده موفقیتسلرلکی ایجاب ایدن اسبابک باشلیجه لرندن بری اولمشدی .

بو میدان محاربه سی بزه برایلری خطایچوندده بر مثال ویرپور : بو خط ؛ (سن پرپوا) موضع اصلیسنک ایلروسنده (سهنت — ماری اوشه) خطیدر . هاجین بو کوبه عددنجه پک بیوک قوتلرله هجوم ایتدیلر . مدافعین پک آز وقت صکره آنی تخلیه یه مجبور اولدیلر . بوجله فرانسلرلر طرنندن قازانیلان زمان پک بیوک برشی اولدی . اوندن بشقه ، (سهنت — ماری — اوشه) کونی محافظیننی قورتارمق ایچون برخیلی تشبثلرده بولندقدن صکره (سن پرپوا) مدافعینی ایلری خطلرینک هزیمتی عادی سیرجیلرکی اوزاقدن تماشایه مجبوریت کوردیلر . ایکی حالدهده ایلری سورلمش اولان قطعات عسکریه نک هزیمت مشئومانه لری ، موضع اصلیده کی عسکرک قوه معنویه سنی شهسز ایجه تزلزه دوشوره جکدر . بونک ایچون الدن کلدیکی قدر یالکیز بر موضع طوتمقله اکثفا ایدیکز ! بن شونی تکرار ایتمکدن بردم خالی قالمیه جغم .

صوك مکتوبمده سزه آکلاتمش ایدم که ، بر موضع تدافعی بی اشغال ایتک ایچون بر کره هاجیمینک آلدینی ترتیبات ایله قوای عسکریه سنک نه وجهله تقسیم ایدلش اولدینی ممکن مرتبه بیلیمک لازمدر. دشمن سواریمی تقویه ایدلش ایدی. بوايه بزم ایچون ایو برشی دکلدر. زیرا ، بزم سواریمز ، دشمن قوللرینک موجودی آکلايه بیلیمک خصوصنده مذکور قوللره ایجه یاقلاشمغه موفق اوله مامشدی خصمک شمالده کی قولنه دائر اولان معلوماتز پک ده فنا دکلدر؛ اما ، جنوب قولی اوزرینه ایدندیکمز معلومات پک جزئی برشیدر. تأسف اولنه جق دیگر برشی دها وارکه اوده ضابط کشف قولنک دون بر دشمن اردوگاهنه دائر ویرمش اولدینی حوادثک شمعی یه قدر هیچ بر طرفدن تصدیق ایدلش بولنما مسیدر .

شمیدلک میرآلای ب . . نک بیلدیکی شی ، دشمن قوللرینک هر بریسنده بر جوق طابورلر بولندیفندن و شمال قولنده فضله اوله رق برده بطریقه کورلیدیگندن عبارتدر . بناءً علیه بوراده یاپیله جق یالکیز برشی وارکه ، اوده وضعیت آب آشکاره اولنجه یه قدر بر حاضرلق موضعی طوتمقدر .

حاضرلق موضعی دیمک ، قطعات عسکریه نک اجتماع نظاملرندن بریسیله ، قوماندانلری قطعياً بر موضع طوتمغه بر هجومه ویا نالان وفلان استقامتلرده کری چکلمکه قرار ویرمش اولنجه یه قدر اشغال ایتش اولدقلری ردیمکدر. مؤخرأ بر موضع تدافعی طوتمق ایستندلیکی زمان اکثریا بوکجه بر حاضرلق موضعی آلئور .

اجتماع نقطه سی انتخاب ایدلزدن اول ، بر کره ، قباطاسلاق اولسون ، مدافعه خطی تعیین ایتک لازم کلور . بو خط تعیین

ایدل دکن سکره . آرتق دشمنک اوکا قرشو نه یاه بیله جکی پک اعلایا
دوشونیه بیلور .

میر آلائی ب .. (پووان دوزور) تپه لرینی مدافعه ایتک ایستور .
مومی الیهک اشغال ایتک فکرنده اولدینی برنجی موضع تخمیناً
(موسقو) دن (پووان دوزور) خرابه سنه قدر امتداد ایلر . بوندن
آکلاشیلورکه موضعک جبهه سی (۱۰۰۰) متره قدر برشیدر .
میر آلائی ب .. مفرضه سی ایسه بویله برجه بی قولای قولای مدافعه
ایده بیلور . احتمال که ، برآز سکره ، دشمنک یان هجوملرینه قرشو
قویه بیلنک ایچون موضعک شو امتدادی آرتمش اولور . فقط
شمیدلک اوکبی هجوملرک قطعاً اجرا ایدیلوب ایدلیه جکی بیلنمیور .
اویله ایسه ، میر آلائی ب .. ایلک اوکجه حد اصغریده برمدافعه خطی
کوسترملکه اکثفا ایدر .

دشمنک ، (سن هوبه رت) ه یالکز جبهه دن هجوم ایتسنه پک احتمال
ویریه مز . قوای عسکریه سنک قسم کلیسی ، کیددن جیقماق خصوصنده
پک چوق زحمت چکر . لکن دشمن ، (موسقو) چفلکنه ویا (پووان دوزور)
جهتده صول جناحه هجوم ایدرک بو هجومی ، جبهه دن (سن هوبه رت)
اوزرینه یاه جنی هجوم ایله ترکیب ایده بیلور . (موسقو) چفلکنه
هجوم ایتک ایچون شمالده کی دشمن قولنک (مال مه زون) ایله
(ژهنی وو) اورمانلرندن کچمسی کافیدر . اوجهتده موجود اولان
بر قاق بول ایله (موسقو) چفلکنک شمالده کی زمین عارضه سی دشمنک
بو حرکتی آز چوق تسهیل ایدرلر . لکن ، میر آلائی ب ..
(موسقو) چفلکنه استناداً خصمک او حرکتده مقاومت حاضره
بولنه جقدر . اگر بالعکس ، هجومه اوغرایان صول جناح ایسه ، اوزمان

میرآلای ب . . (پووان دوژور) طاش اوجاقلرینی اشغال ایدرک
 اووجهله طوتدینی خطی تمید ایلجهکدر . شو صروده ایسه دشمن
 ایلک اوکجه ، یالکز بر قاج کچی یولندن بشقه بر شیئه مالک
 اولیان (اوج باش) اورمانلری ایچندن کچمکه ، بعده اوجه
 محفوظ ومستور اولان بر مدافینه قرشوپک مشکل بر هجوم حرکتی
 یایمغه مجبور اوله جقدر . فقط اگر دشمن ، صحیحاً ، بویکنچی
 حل قبول ایده جک اولورسه بوراده صول جناحک کریسنده
 بولنارو (روزه ری یول) دن کچن خط رجعت اصلی یی جدی بر صورتده
 تهدید ایلجهکدر . خط رجعتکز شو وضعیتی خصم ایچون فائده لیدر
 لکن نه چاره !

ایشته بو سویلدکلریمزدن آکلاشیلورکه ، خصمک نه درلور حرکت
 ایده جکنی ، نه یایه جفنی ده ا اولدن وقطعی بر یولده کشف ایتک
 قابل دکلدر . مع هذا ، شمدی یه قدر تعقیب ایلمش اولدینی استقامته
 باقارسه کز ، (موسقو) چفلکی بوراده هر یردن زیاده خصم ایچون
 بر هدف تشکیل ایلدیکنی حس ایدرسکز . بناءً علیه ، اک ابو
 اجتماع نقطه سی ، موضع تدافینک مرکزی کریسنده هر هانکی
 بر مستور محلدن عبارت اوله جقدر . لکن هر حالده شو اجتماع محلدنه ،
 موضع تدافینک مختلف نقطه لرینه بالسوهله کیده بیلیمک ایچون بر قاج
 یول اولمق لازم کلور . بوراده مفرزه نک اجتماع نظامی ، (۳۴۵۰۲)
 راقنک شرقده اخذ ایدیلجهکدر . پیاده نک قسم کلیسی ایکی خط
 اوزره بولنه جقدر . (طابورلر چفت قول نظامنده) .

پیاده ، ایلک اوکجه ، دشمنک استقامتی ، نه اولورسه اولسون ،
 هر حالده بالمجبوریه بر وظیفه کوره بیله جک اولان استناد نقطه لرینی

اشغال ایدر . بو استناد نقطه لرینه ایجه قوتلی عسکرلر تمین ایدیلر .
 بونلر ، مؤخرأ بولندقلری نقطه لرده محکم بر صورتده یرلشمک ایچون
 الده کی زماندن استفاده ایدرلر . مع هذا ، شو نقطه لره پک چوق
 عسکر ویرمک ایو دکلدردر . زیرا ، صکره الکزده پک آرز عسکر
 قالمش اولور . بوراده دیدیکمز استناد نقطه لرینک بریسی (موسقو) ،
 دیکری (سن هوبه رت) در .

(موسقو) چفلکنه یالکز بر بلوک ویرسه کز کافیدر . (سن هوبه رت) ه
 کلنجه اورایه ، مؤخرأ استفاده اتمه کز ایچون شمیدین ده . ایکی
 بلوک تخصیص ایده بیلورسکز . اگر سز بدایتده ، (سن هوبه رت) ه
 تخصیص ایدیلان عسکرک هپسنی ویرمیه جک اولورسه کز ، صکره
 کری به قالان قوت ، مذکور چفلکه طوغری کیدن میللری دشمن
 آتشی آلتده اینکه مجبوریت کوره جکدر . جزء تاملرک مؤخرأ
 بر برینه قارشمش اولملرندن احترازأ ، شمیدیک نقطه استنادلره
 تعیین ایدیلان بلوکری ، صکره ، منطقه لریم مدافعه ایده جک اولان
 طابورلردن آلملیدر . بناءً علیه میرآلای ب . . ، موضعک منطقه لره
 تقسیمنی ، و بو منطقه لردن هر بریسنی هانکی طابورلره اشغال
 ایتدیره جکنی اولجه ذهنأ بر محاکمه ایتلیدر . (موسقو) چفلکی
 محافظینی تدارک ایده جک اولان طابورک منطقه سی مذکور چفلکک
 (۴۰۰) متره جنوبنده کی طاش اوجاغنه قدر اوزایه بیله جکدر .
 شو منطقه نک اورایه قدر کلسی ، ایکی بطریه نک ده مذکور منطقه
 داخلده بولیشندن ایلری کلیور .

(سن هوبه رت) ک مدافعه سنه مأمور اولان طابور ایسه بوخطی
 مذکور کویک شرقنده بیوک یولک دیرسک نقطه سی یقینه قدر اوزاته

بیلہ جکدر . و احتمال مدافعه خطی دھا جنوبہ طوغری اوزاتمش
اولق ایچون اوجنجی بر طابورہ بیلہ احتیاج کوریلہ جک ؛ لکن ،
بو خطک نہایت بولہ جنی نقطہ تمامیلہ احوالہ تابع اولہ جقدر .
پیادہ نک منطقہ لرہ تقسیمی ، دھا صکرہ یعنی موضعی طوتمق ایجاب
ایتدیکی زمان اجرا ایدیلہ جکدر .

قطعات عسکرہ طوتہ جقلری یرلرہ نہ قدر ارکندن کلورلر سہ
موضعک تشکیلات تدافیعہ سی دہ او قدر ارکندن باشلامش بولہ جقدر .
(سن ہوبہرت) ایلک هجوملرہ معروض بولندی ایچون ، ایشلرک
اک عجلہ یابلق لازم کلدیکی یردہ شہہ سز اوراسیدر .

بناءً علیہ اک مهم نقطہ لر ، ایلک اول کلش اولان برنجی وایکنجی
طابورلر طرفندن طوتیلہ جق وبالخاصہ (سن ہوبہرت) جفاکنی مدافعه
ایدہ جک طابورہ (۲) نجی طابور اولہ جقدر .

سواری استکشافہ دوام ایلہ جکدر . دشمن ، یکی راستقامتہ
کیرمک ایچون ، تعقیب ایلدیکی یولدن چیقمش اولہ جنی زمان سوارینک
بر راپور کوندرمسی پک چوق مهم برشیدر . میرآلای ب . .
اوسایہ دہ دشمنک هجومنہ دائر بعض فکرلر ایدنمش اولہ بیلہ جکدر .
بناءً علیہ ، ایکی سواری بلوککزرہ ، طرق تقریبہ نک ہر ایکی جہتندہ کی
اراضی بی ایوجہ ترصد ایتک ایچون امر ایدیکز . (۲) نجی بلوک
(ژوویل) ، (سن مارسل) استقامتلیخی ، (۱) نجی بلوک ایسہ
(فلاوینی) . (وی یون ویل) اورمانلری و (اورغون) استقامتلیخی
کشف ایلہ جکدر .

فرصت کلش ایکن ، شونی دہ خبر ویرہیم کہ ، حاضرلق موضعلرندہ
اکثریا اک ابو بر صورتہ کشف اولتمق لازم کلان جہتلرہ ، دشمنک

صوك زمانده كوردليكي نقطه لره ووضعت عموميه ايجابندن اوله رق، خصمك ترتيبات تقريبيه باشلامق احتمالي بولنان استقامته تام موجودلی. سواری بلوكلری كوندرلمكده در سواری یی، طاغیق بولندیرمقدن احتراز ايتك قابل اوله ميه جق، وبو صنفك استعمالی، آرتق بر هجومده. ویا اولجه اشغال ایدلش بر موضعك مدافعه سنده اولدینی كبی دكلدر.. اولجه سزه سويلمشدم: بوكی حالدرده سواری اك زیاده قوللانلمسی. محتمل اولان بر جناحك كریسنده وطوبلی بولنور، دیگر جناحده. ایسه، كشف قوللری بولندیرر.

حاضرق موضعنده اصولاً هر استقامتك اهمیتی بر كیدر.. آنك ایچون مذکور استقامتلك هپسنی عین دقتله كشف ایتدیرمك. لازم كليور. یوق اكر، احوال سواریکزی طوبلی بر حالده. طومتغه سزه مساعد ایسه، نه اعلا! بویله زمانلرده حاكم نقطه لره یرلشمش اولان بعض ثابت كشافلر (یاخود ضابط كشف قوللری)، طرق تقریبه اوزرنده لاینقطع بر كشف وترصد اجراسیله مشغول بولندقلری صره ده، بعض متحرك كشف قوللری ده خصمك تحریری ایله مشغول بولنه جقلدرر.

طوبیجی، كندی مؤثر آتشنك اك بیوك منزلدن استفاده ایده بیله جکی بر نقطه یه قونیه جقدر. بناءً علیه طوبیجی یه، ممكن اولدینی قدر اك آز (۳۰۰۰) مترلك بر انداخت میداننه مالك اولوق ووقتدن اول دشمنی یولدن طیشاری چیقارمق ایچون طرق تقریبه نك كانه سنی دوكه بیلمك لازمدر. بوراده نظر دفته آله جق (غراوله وت) و (مال مه زون) یوللریدر. بولرك هر ایکیسی ایسه، (موسقو) چفلكندن بك اعلا دوکیله بیلورلر. بناءً علیه بزم طوبیجی طابورینك

یرای ، تمامیلہ آشکار اولمش دیمکدر . لکن اونی کوسنرمک ایچون طوبیجی طابور قوماندانسه . (موسیقی) جهتیده ، دیمک لازمدر ، واکا بوقدری الورر . بطریه لرك اصل بولنه جقلری یرلر ، اوراده یعنی موضمده طابور قوماندانی طرفندن انتخاب ایدیله جکلردر .

بوراده اولدینی کبی ، کرچه ایکی بطریه نك یان یانه وضع ایدیلیشی قوماندانی تسهیل اید یورسده ، دائماً اولیه برتبیات آلمغه لزوم یوقدر . مثلاً بوراده ده ، اگر (غراوه لوت) یولنی ده ا یو دوکمک ایچون بطریه لردن بریسنی (۳۴۵۰۲) راقی یاننده یرلشدرمک ایجاب ایتسه ایدی ، اولیه یایمقدن هیچ چکنمیکز . لکن شو کبی برحالده ، طابور قوماندانی بطریه لرك انقسامی یوزندن آتشلرك ده انقسام ایتمه می خصوصی تأمین ایتک ایچون لازم کلان تدایره مراجعت ایلیه جکلدر . برده طوبیجی ایچون انتخاب اولنان موضع ، دشمنک طوبیجی موضعلری اوله بیلیمک احتمالی اولان یرلری مثلاً ، بوراده (موغادور) ایله بونک شمالنده کی اراضی یی دوکه بیلملیدر . یالکزر بر موضعک بتون شو شرطلری جمع ایتمش اولسی پک نادر در .

در حال متریسلی انشا ایتدیر یله جکلدر . لکن بوانشا آته طوب غفرلرینه مستور محللر یایمقدن باشلانیه جکلدر . صحرا محاربهلرنده طوبیار لقلر ایله برنجی قدمه قباقلیری ایچون صنعی مستور محللر انشا ایتک پک نادر در .

خصمک طوتمش اولدینی استقامت بللی اولنجه یه وقطعات عسکریه سی کوریلنجه یه قدر بطریه لر حین حاجتده سریعاً محاربہ نظامنه کچه جک صورتنده کندی محاربہ آمپلاسمانلرینک کریسنده ومستوراً بولنه جقلردر . بناءً علیه بطریه لر ، آمپلاسمانلرینه نه قدر زیاده یقین

بولتورلر سه . محاربه نظامنه كچملى ده اوقدر زياده چابوق اوله جقدر .
مدافعه موضعى حتى ، اولدن تشكيل و تحكيم ايدلمش بولندينى حالده بيله .
برحاضرلق موضعى ايسته بوسويلديكمز وجهله اشغال ايدلمش اولمليدر .
طوبچينك ايو برجهه آله بيلمسى و وقتندن اول نازله يره تبديل
موضع ايتك مجبوريتنده قالماسى ايچون يكانه واسطه بوندن عبارتدر .
برحاضرلق موضعه ، بطريه لك آله جقلى اجتماع نظاملى زمينك
حاله تابع اولدقدن بشقه خصوص مذكور بطريه قوماندانلر ك رآينه
براقامشدر .

طاقم قوماندانلريله ، طوب قوماندانلرينه و نشاخيلاه محاربه نك
بدايتى آنده نه يابه جقلىنى اولدن دهاسويلمك پك اعلا ممكندر .
مسافه لر تخمين ايديله جك وبا خصوص ، دشمن طوبچيسنك
(موغادور) چهته ده اشغال ايتسى محتمل اولان موضعه مسافه سى
ايودن ايويه تقدير اولته جقدر . اكر لزومى وارسه ، انداخت ميدانى
تميزلنه جك و طوپلر ك ايلريده طوته جقلى آملاسمانلر جوارنده
جبخانه لر طوپلانه جقدر . بونك ايچون طابور قوماندانى ، بطريه
احتياطلرينى (ايكنجى قدمه) (موسقو) چفلكنه كتورده جكدر .
دشمن كورنديكى زمان طوبچى ، فوق العاده برسرعتله خصم
طوبچيسى خط حرب آچزدن اول بطريه لر حاله كيرمك ايچون
هر نوع تداركات اجرا اولته جقدر . اكر طوپلر ده اولدن بطريه
حائنه كچسهر احتمال كه دشمن طوبچيمزى پك ار كندن كورمش
اولوردى .

طومانسز باروتك تاثيرندن بحث ايلديكم زمان ، بوخصوصك
نه قدر بيوك مخدورلى اولديغى سزه آكلاتمش ايدم .

اگر سز ، هر درلو احتمالاً جواب ويره بيله جك صورتده
برطوبجي موضعي بوله من ايسه كز ، اوزمان بطريه لر ، وضعيت تماميله
آكلاشيلنجيه قدر پياده قسم كليسنك ياننده ويا كريسندە براجماع
نظامي آله جقدر در .

بوراده موضع انتخابي اوزرينه تردد ايتمكه محل يوقدر . بناءً عليه
سپرلر انشاايدرك ، مستور محللر قازهرق ويا خود جاده ايله (موسقو) دن
كلن طريق اتصالك خندقلريني اصلاح ايدرك درحال مذكور موضعك
تشكيلاتنه باشلانيله جقدر . صكره ده ، مسافه لري اولچمك ، و موضعك
جواريني سيلوب سوپورمك لازم كلور . ايكي چفلكك تشكيلات
تدافيعسي بو حسابه داخل ، دكلدر . اونلرك تحكيم و تشكيل صره سنده
استحكام ، پياده لره ياردم ايله جقدر .

اصولاً هر طابور يالكز كنديسنك مدافعه ايده چكي منطقه نك
تحكمي ايله اوغرا شور .

مير آلاي ب .. جنوب استقامتده هنوز نره لره قدر ياييله جفتي
بيامدنيكي ايجون ، هرا احتمالاً چاره بوله بيايمك فكريله ، كندی موضعي
موقناً طاش اوجاقلرينه قدر تحكيم ايله بيله جقدر . مع هذا ، بو ،
مؤخراً مذكور موضعك هر نقطه سني اشغال ايده جك ديمك دكلدر .
جنوب منطقه سي ، پك چوقايشلره محتاج دكلدر ؛ بناءً عليه اوراسني ،
دمدار تشكيل ايتش واك صكره كئش اولان (۳) نجبي طابوره احاله
ايتك نمكندر . اكر مدائنه موضعي ايجه انتخاب ايديله رك عملياته
باشلانمش اولسيدى ، بوبوك برخطا صايلوردى . زيرا ، تحكيم ايدلمش
اولان بر موضعه باغلانمغه ، وبوسيله دها وقتندن اول ، مانوره
بيايمقدن واز كچمكه قطعات عسكريه نك ايجه ميلي واردر .

برحاضرلق موضعنك اشغالی ايله ، مدافعه موضعنك تحكیمی
 خصوصنی توفیق وتطبیق ایتك بوراده اولدینی کبی دائماً بسیط برایش
 دکدر . خصمك یایلمسی اوزرینه ده صحیح وجدی حوادث بکلمکه
 مجبوری حاصل اولدینی ، برحقوق مدافعه موضعلری آره سنده متردد
 قالدینی ، حاصلی آنجق پک کج وقت برقرار آله بیلدیکی زمان ،
 موضعی ایوجه تحکیم ایتك ایچون اکتریا پک آز وقت قالور . بناء علیه
 دشمن عملیاتك دوامی منع ایده جک صورتده بزه یا قلاشمش اولمزدن
 اول کجه جک زمانی تخمینی اولسون نظر دقه آلمق لازم کلور .
 بوراده خصم پیاده سی (زه نی وو) اورمانلرینک شرق کناری اوزرینه
 کلنجه یه قدر چالیشیله بیلور . (موسقو) چفلکنی تحکیم وتنظیم ایلیمک
 خصوصنده صرف ایدیه جک زمانی، ایشه بو طرزده حساب ایدرسکز .
 سز امرکزی نقل وتبلیغ ایتدیکنز انشاده ، مفرزه رجعتده دوام
 ایدور . (موسقو) چفلکنه کیتك ایچون برنجی طابور ، تخمیناً
 (۲۵) دقیقه صرف ایده جکدر . بناء علیه اورایه ساعت (۱۱) ی
 (۴۰) کجه صولرنده واصل اوله جقدر . ایشه بوساعت ایشه باشلامه نك
 ایلک ساعتدر . اگر شمالده کی دشمن قولنک بعض قسملری (موسقو)
 اوزرینه ایلرلیبورلرسه ، (زه نی وو) اورماننک شرق کنارینه آنجق
 آقشامک ساعت برینه طوغری واصل اوله بیله جکلردر . لکن بواقسام
 عسکریه ، اوندن بشقه اورماندن کچمکه ومقابل کنارده یایلمغده مجبور
 اوله جکلردر . بناء علیه سز ، (موسقو) چفلکنک تحکیمی ایچون
 (۱) بجق ساعتق برزمانه مالک بولنه جقسکز . واحتمال که بوندن زیاده
 برزمانه بیله مالک اوله جقسکز . زیرا ، حقیقت حالده خصمك ایلری
 یوروشی ده ابطی اوله جقدر .

مدافعین یاننده اک چوق مقدارده جبخانه بولندیره بيلمک
ایچون پیاده جبخانه لری در حال بوشال دیله جقلردر ، بوایشلری
یایمقی ایچون بول بول زمانکز واردر . اکر میر آلا ی ب .. برجخانه
احتیاطی تشکیل ایتمک ایستورسه ، احتیاط عمومی یه ترك ایدیله جک
اولان آوجی طابورینک جبخانه لری نی کندی یاننده توافظه ایدیله جکدر .
سیار خسته خانه طاقنک یری ، آیمیق دشمنک هجوم اصلی استقامتی
بالی اولدق - ن صکره تعیین ایدیله بیله جکدر . بناءً علیه ، سیار خسته خانه
طاقمی ده اوتکی قطعات عسکریه کبی امرلره انتظار ایدیله جکدر .

بیوک اغرلقلره کلنجه ، اونلر نرده ایسلر اوراده قاله جقلردر .
آنک ایچون ، اونلردن بحث ایتمکه لزوم یوقدر .
میر آلا ی ب .. نك طوره جنی یر ، بولمنی قولای اولمایدیر .
دیگر جهندن ، میر آلا ی حاکم بر نقطه اوزرندم بولمغه ده مجبوردر .
(سن هو بهرت) ک شرقنده کی بولک دیرسک نقطه سی نجه شو خصوص ایچون
پک الویریشلی کبی کورینیور .

ویردیکی امرک (۲) نجی ماده سنده میر آلا ی ب .. اولجه رجعت
ایتمکدن عبارت اولان فکرینه مفایر شمدی بر حاضرلق موضعی طوتمغه
کندیسنی اجبار ایدن اسبابی ذکر ایدرسه پک انی اوله جقدر .
بوسایه ده کندیسنی ، نه یایمقی ایستدیکنی بیامه مکله اتهام ایتمک
ایستین مادونلرک آغزینی قاپامش اوله جقدر .

(میچ) ایله ایودن ایویه ارتباطده قالمق ایچون (روزه ری یول) دن
اعتباراً تاغراف قوللانمغه دوام اوله جقدر . تلغراف خطنک (غراوه لوت)
ایله (روزه ری یول) آره سنده کی قسمی بویولده آلتلرله تجهیز ایدلمش
بولنان استحکام بلوکی طرفندن تخریب ایتدیر یله جکدر . ایشته سزک
امریکنر شویله یازیله جقدر .

(غراوه لوت)

۲ - ۱۸ - ۸۹ - ۱۱۰۲۰ کو

مفرزه امری

۱ — خصك شمال قولى بزی (دونقور یارنیزی)، جنوب قولى ایسه (مارس لاطور) استقامتجه تعقیب ایدیور .

۲ — آلدیم بر امره نظراً ، مفرزه دشمنی طور دیرمغه مجبوردر . بونك ایچون (پووان دوژور) ك (۵۰۰) متره شمال شرقیسنده (۳۴۵۰۲) راقی یاننده برحاضرق موضی اشغال ایده جکدر . یورویش ترتیباتی آرتق خذف والفا ایدلشدر .

۳ — (۱۵) نجی هولان آلاینك (۲) نجی بلوکی (ژوآی) ، (دونقور - یارنیزی) جهتلریله (سن مارسه ل) ك اوتهلری ؛ برنجی بلوکی ایسه (مارس - لاطور) ، (فلاوینی) ، (اوغنون) و (وی - یون ویل) اورمانلری جهتلری کشفه دوام ایله جکدر .

۴ — (۱۵) نجی صحرا طوپچی آلاینك (۲) نجی طابوری (موسقو) جهتلرنده متریسار انشا ایدرك ، بونلك برآز کرپسندہ اجتماع نظامنه کیره جکدر .

۵ — (۶۷) نجی پیاده آلاینك برنجی طابوری بلوکلرندن بریسیله (موسقو) چفلکنی ؛ (۲) نجی طابوری ایسه بلوکلرندن ایکسیله (سن هویره ت) ی اشغال ایتدیره جکدر . پیاده نك کری یه قالانی ایله

سیار خسته خانه طاقی (پووان دوژور)ك
شمال شرقیسنده (۳۴۵۰۲) راقنك شرقنده
اجتماع نظامنده بولنه جقردر .

۶ — (۶۷) نجی پیاده آلاینك برنجی
طاپوری ، (موسقو) چفلکی داخل اولقی
اوزره ، (موسقو) دن (۴۰۰) متره جنوبه
قدر ؛ (۲) نجی طاپوری ، بونقطه دن
اعتباراً (سن هو بهرت) ك شرقنده بولك
دیرسك نقطه سنه قدر ؛ (۳) نجی طاپوری
ایسه بوسوك نقطه دن ، (پووان دوژور)
داخل اولماق اوزره (پووان دوژور)
اوجاقلرینه قدر اولاف مدافعه خطلرینی
تحکیم ایله جکلردر . (۱۵) نجی استحکام
طاپورینك برنجی بلوکی (موسقو) و (سن
هو بهرت) ایشلرینه یاردم ایتدكن بشقه
(مانس) دره سی اوزرنده کی یول کچیدینی
سد ایله جك و (غراوه لوت) دن ، (روزه -
ری یول) داخل اولماق اوزره (روزه -
ری یول) ه قدر تلفراف خطی تحریب
ایده جکلردر .

۷ — (۶۷) نجی پیاده آلاینك جیخانه
عربه لری بوشالتیله جق ، آوجی طاپورینك
جیخانه لری ایسه ، بنم الم آلتنده قاله جقردر .
۸ — بنم ایچون راپورلر ، (سن هو بهرت) ك
شرقنده کی دیرسك نقطه سنه کوندزیه -
جکلردر .

میرآلای

ب ..

تبلیغ ایدلشدور :

قسم کلی قوماندانرینه شناها ،
دمداره ، امراضاطبی (م. .) ایله
صاغ جناح جاندانرینه ایسه امر
ضابطی (ن. .) ایله وتحریر آ . .

میرآلای ب.. دشمنك (موسقو) اوزرینه یایه جنی هجوم اصلیسنك
(غراولهوت) بیوك یولی بونجه بر ایکنجی درجه هجومیله ترکیب
ایدیله جکندن قطعاً امین اولنجه کندی طوبیجیسی (موغادور) ده برلشن
اوج خصم بطریه سی علیه آتش آچغله مشغول بولنه جنی ائنده ،
اوده همان مدافعه موضعی اشغال ایده بیله جکدر. طوبیجی بو آتشی، خصم
بطریه لرینك آتشی (سن هوبه رت) دن چکدرك (موسقو) اوزرینه
جلب ایتمك ایچون اجرا ایده جکدر. مسئله ده، خصمك تقرب یوروشی،
بطریه لرمن آنك قوللرینی طوب آتشنه آلمق ایچون فرصت بوله میه جق
بر مهارتله اجرا ایدلدیکی فرض اولنشدیر.

بناءً علیه ایلک طوب انداختی مفرزه قوماندانك امریله اجرا
ایدلش بولنه جقدر؛ بو بر قاعدۀ عمومیله در. دشمنك اوفق تفك
اقسامی علیه وقتندن اول طوب آتشی اجرا ایتمك ابو دکلدر. چونکه
دشمن اوسایه ده بزم بطریه لرمنك موضعی آکلامش اولور. دشمن
پیاده سی، آنجق هجومه قالدینی زمان، هدف اتخاذا ایدیه جکدر.
ممکن اولدینی درجه ده قوتلی براحتیاط عمومی الده بولندیره بیلمك
ایچون میرآلای ب. (غراولهوت) دن تعرضه باشلایه جق اولان
دشمن طابور لرینه مقاومت خصوصنده ایکنجی طابورك کفایت ایده جکنی
دوشونه رك برنجی خطه یالکزر (۲) طابور قویه جقدر. مذکور
(۲) نجی طابور (سن هوبه رت) دن بشقه، تخمیناً (۴۰۰) متره لك
بر جبهه مدافعه ایده جکدرکه، بوامتداد بر طابور ایچون حدا عظمیدر.
اگر دیدیکمز جبهه یی، جنوبه طوغری اوزاتمق لزومی کور بولورسه
بوخصوص ایچون ایجاب ایدن اقسام عسکریه احتیاط عمومیدن
آله جقدر. احتیاط عمومی بر قاچ صورتله قوللانیله بیله جکدر.

بورایه قدر اونك یری مدافعه خطنك مرکزی کریسنده ایدی .
شمدی ایسه بشقه بر یره قونیله جقدر .

اگرایسترسه کز ، (۲) طابوری اک زیاده تهدید ایدلش بولنان
جناحك کریسنه قویه بیلورسکزرکه ، بر مقابل هجومده قوللانمق آرزو
ایتمدیککز حالده ، مؤخرأ اونلره اوراده بروظیفه تدافعه کوسترسکزر ،
اگر محاربه ائناسنده ، صول جناحی اوزاتمق لازم کلورسه ،
بووظیفه یه مأمور اوله جق طابوره ویریله جک امر پک کچ قالمایدر .
زیرا ، آنک قطع ایدم جکی مسافه ایجه برشیدر . اکر سزبدایتده
دها ، صول جناحکزر حقنده تردد وخوف ایچنده بولنیورسه کز ،
احتیاط عمومیکزی ایکی یه آیرمق و (۶۷) نجی پیاده آلاینک (۳) نجی
طابورینی (بووان دوزور) دن (روزه ری یول) ه کیدن یول جوارنده
مستور بر محله بولندرمق خصوصنده سربستسکزر . بو ترتیبائی حقلی
کوسترمک ایچون یالکزر مفرزه نك دشمنی کری یه پوسکورتکم
ایستدیکنی وکال شدتله مدافعه دن تعرضه کچمک فکرنده اولدیفنی
سویلکمز یتیشور .

(غراولهوت) ده کی دشمن قطعات عسکریه سنک قوه موجوده سی
صحیح اوله رق بیانمیور . مسئله یه نظرأ ، میرآلای ب .. اینی طابور
دشمن عسکرینک (غراولهوت) ده خط حرب آچدقلرینی بیلور .
حال بوکه برکون اولی آقشام اوزری ، بر ضابط کشف قولی
جنوبده کی یول جوارنده قورلمش اولان اردوکاهده خصمک درت
طابور قدر عسکری اولدیفنی خبر ویردی . بناءً علیه اوילה
آکلاشیلورکه ، بو ضابط خطا ایتمشدر . لکن میرآلای ب ..
بوکا قطعاً امین اولیه جقدر . ایشه بعض احوالده ، شهلی بر-ووادنک

موجب اولدینی تأثیر بویله در . شو حوادث ، احتیاط عمومینک ایکیه آیرلسنی ایجاب ایده جک بر سبب یرینی طوته بیلور . اوندن بشقه سزینه ، بوندن طولایی خط رجتمکزک وضعینی فنا دوشدیکنه و آنی پک خصوصی بر صورتده محافظه ایتمک لازم کلدیکنه ده ذاهب اوله بیلورسکز . اوپله ایسه شمیدیکی حالد بن ، مستبنا اوله رق ، احتیاط عمومینک انقسامنه قرار ویرپورم .

سواری آزار ، آزار تهدید ایدلمش اولان جناحه طوپلانه جق واوراده استکشافانه دوام ایله مذکور جناحی تأمین ایلیه جکدر . (غراولهوت) ک جنوببده کی امنیت خدماتنه کلنجه ، او خصوصده کشف قوللری استخدام ایدیلهرک ، مذکور قوللر دشمنک اوجهتدن جدی قوتلره یاپه جفی حرکتلرینه دائر راپورلر کونده جکلردر .

سیار خسته خانه طاقی ایچون هر درلو شرائطه جواب ویره جک صورتده بر یر بولمق کوچ اوله جقدر . اغلب احتماله کوره ضایعاتک اک چوغی صاغ جناحده وقوعه کله جکدر . لکن اگر سیار خسته خانه طاقی بوجناحک کریسنده مثلاً (شاتل — سن زه رمن) ده تأسیس اولنورسه ، یقوشلرک سرتلکندن ویوللرک فالغندن اوتری آغر یارملی اولانلری اورایه نقل ایتمک پک زور اولوردی . دیگر جهتدن ، (روزهری یول) کوی ده (موسقو) چفلکندن ایجه اوزاقدردر . نظریاتجه ، خسته خانه طاقی مثلاً ، (پووان دوزور) ک شرقنده کی اسکی طاش اوجاغنده (آله — اشتاین بروح) یرلشدرمک لازم کلوردی . چونکه بر دفعه خسته خانه اوراده دشمن آتشدن مصون قالور . ثانیاً ، اورایه کوزل یوللر کیدر . لکن ، اوراده صو اولمدینی کبی ، جوارده مسکون محللرده یوقدر . اوپله ایسه بن ،

ایسترا ایستمز، خسته خانه طاقی (روزه ری پول) ک غرب مخرجنده
یرلشدیرمه مجبورم. کچن امرده (۸) نجی نشانجی طاوورینک
جیغانه عربهلرندن بحث ایدلش اولقله، میرآلای ب. . بوکرده
اونلرک طوره جقلری یری کوسترمه مجبوردر. میرآلای شوخصوصده
بر قاج یردن بریسی انتخابده مختارددر. مثلاً بر یر، (۳۴۵۰۲)
رافنک کریسنده یعنی موضعک مرکزی آرقه سنده، دیگر بر یر،
(موسقو) چفلکنک (۵۰۰) متره شمالنده تهدید ایدلش اولان
جناحک کریسنده کی درت یول آغزنده وارء هانکیسنی ایسترسه کز
اونی انتخاب ایدیکز. چونکه قیمتلی همان برکیدر.

میرآلای ب. . نک کنیدیسی الک چوق تهدید ایدلش اولان
جناحک کریسنده بوله جقدر. ایستیلان قروکی به کلنجه، بوخصوصده
مکتوبلرمده سوبلنمش اولان تنیپلره مراجعت ایدیکز. موضعک
نه وجهله طوتلمش اوله جغه بر کره قرار ویردیگکز کبی، قروکی
دنیلان شی اوندن صکره، اوفاجق بر تفصیلاتدن عبارت قالور.
عسکرک نه وجهله تقسیم ایدلش بولندیی یکنظرده آ کلاشلمش
اولق ایچون قروکیده قطعاتک کوزل وآچیق بر صورتده کوسترلش
اولملری کافیدر.

(سن هو بهرت) ك شر قنده كى يولك ديرسك نقطه سى

۲ - ۱۲ - ۸۹ - ۲۰ ۱۵ كى

مفرزه امرى

- ۱ — دشمن (اغراوه لوت) دن كچه رك
ايكى طابورله (سن هو بهرت) اوزرينه ،
و (مال مه زوف) كچه رك درت طابورله
(موسقو) اوزرينه يور يور . دشمنك
ايكى بطريه سى ، (موغادور) ك جنوب
شرقيسنده موضعه كيرمش بولنيور .
- ۲ — مفرزه ، (موسقو) دى اعتبار آ ،
(سن هو بهرت) ك شر قنده ، بيوك يولك
ديرسك نقطه سنك (۲۰۰) متره جنوبنه
قدر اولان موضى مدافعه ايده جكدور .
- ۳ — (۱۵) نجي صحرا طولمى آلاينك
(۲) نجي طابورى درحال خصم بطريه لرى
عليه آتش آجه جقدر .
- ۴ — (۶۷) نجي پياده آلاينك برنجى
طابورى ، درحال ، (موسقو) چفلكى ده
داخل اواق اوزره ، مذكور نقطه ايله
(۴۰۰) متره جنوبنده طاش اوجاغى
آره سنده كى منطقه يي اشغال ايده جكدور .
(۶۷) نجي آلايك (۲) نجي طابورى ايسه
طاش اوجاغندن ، (سن هو بهرت) ك شر قنده
يولك ديرسك نقطه سنك (۲۰۰) متره
جنوبنه قدر اولان منطقه يي طوته جقدر .
(سن هو بهرت) چفلكى صوك درجه يه قدر
مدافعه اولنه جقدر .
- ۵ — (۸) نجي آوجى طابورى ، (۶۷)
نجي پياده آلاينك (۳) نجي طابورى

و (۱۰) نجی استحکام طاہورینک برنجی بلوکی، احتیاط عمومی تشکیل ایدہ جکلردر.

(۸) نجی نشانجی طاہوری (موسقو)

چفلکنک (۵۰۰) مترہ شمال شرقیسنده کی

دورت پول آغزینہ کیدہ جک، دیگر ایکی

جزء نام ایسہ، (پوان دوزور) ک جنوب

شرقیسنده کی طاش اوجاغندہ بولنہ جکلردر.

۶ — (۱۵) نجی هولان آلائنک (۱۲) نجی

بلوکی (مال مہزون) جھتلینی کشف

ایدرك، (لاپسیق) دہ صاغ جناحی

ستر ایدہ جک، برنجی بلوکی ایسہ طاقلرندن

برسی واسطہ سیلہ (غراولوت) ک

جنوبندہ استکشاف خدمتی کورہ جکلدر.

دیگر اوج طاقی دہ (۲) نجی بلوکی یانہ

طویلانہ جقدر.

۷ — سیارخستہ خانہ طاقی (روزہ ری پول) ک

غرب مخرجندہ برلشدیریلہ جکلدر. (۸) نجی

آوجی طاہورینک جیخانہ عربہ لری، کندی

یانندہ قالہ جقدر.

۸ — راپورلر (موسقو) چفلکنہ

کوندریلہ جکلدر.

میرآلای

ب..


اجتماع ایدن جزء نام قوماندانلرینہ

آغزندن سویلنمش، ایکی سوارى

بلوکندن بریسنہ امر ضابطی

(م..) دیگرینہ دہ ینہ امر ضابطی

(ب..) ایلہ کوندرلشدر.



اون آلتنجی مسئله

« عمومی خریطه ایله (غراولهوت) بافته سی »

بر (شرق فرقه سی) (۸۹) سنه سی ایلولنك برنجی کونی (آی) ایله (هاغونداڭ) آره سنده آتیلان برکوپری اوزرندن (موزهل) نه ریخی آتلادقن صکره ؛ (پی یروپله رس) و (مالانقور) دن کچهرک (اورن) استقامتنده ایلرولپور . مقصدی ، ممکن ایسه (بری یه) اوزرینه یوریدیکی آکلاشیلان دشمندن اول اورایه وارمقدر . فرقه نك صول یانی اوزرینه کوندرلش اولان بر مفرزه ده عین زمانده (مه زی یه) ، (برون وو) ، (سن پریوا) دن کچهرک (اوبوئه) اوزرینه ایلرولمکه مجبوردر .

بومفرزه میرآلای ب . . قومانداسنده در . واساساً (۳) طاپور پیاده برسواری بلوکی ، (۲) بطریه ، براستحکام وبرخسته خانه طاقندن ترکب ایدر . صباح ساعت (۹) ده مفرزه نك پیاده اوجی ، (صولنی) دن (سن پریوا) یه کیدن یول اوزرنده محاربه یه کیرشدیکی زمان اورایه یتشمش اولان میرآلای ب . . شمال استقامتنده برتقک آتشیه برلکده شدتلی طوب سسلری ایشیدر وبربری اوزرینه آتیده کی راپورلری آلور :

(ماره نفو) و (آمان ویله ر) دن کچهرک ایکی قولده وکال سرعت وشدتله (سن پریوا) اوزرینه ایلرولش اولان سواری بلوکی ، (سن پریوا) اوکنده دشمن آتشنه معروض قالدیغنی یلدریور . (روتقور) ده هنوز دشمن قطعاتی کورلدی ، شمدی یه قدر بوکویک اطرافنده منفرد دشمن کشافلرندن بشقه هیج برشیته تصادف ایدلمه مشدر .

(باتیلی) دن (اوبوئه) اوزرینه ایلرولش اولان برضابط کشف قولی ، بربطریه ایله برلکده بردشمن پیاده قولک (اوبوئه) دن (سه نت - ماری - اوشن) اوزرینه یوریدیکنی وقول باشینك صباح ساعت (۹) بچق صولرنده اورایه واصل اوله جغنی خبر ویریور . (مونطووا - لامونتان) اوزرینه ایلرولش بولنان دیگر برکشف قولنك کتوردیکی حوادلدن ایسه بوموقعك دشمن پیاده سی طرفندن اشغال ایدلش اولدیغنی ومذکور پیاده نك (مالانقور) اوزرینه کیشف برآتش توجیه ایدرکی کورندیکی آکلاشیلور .

یاسیله جق وظیفه

- ۱ — وضعیت عمومیه نك تقدیر و محاکمه سی .
 - ۲ — میرآلای ب.. نك آلدینی ترتیبات .
- خاطرکزده قالسون : (ژومون) اورمانلری اودون کسیلن اورمانلردند

اون یدنجی مکتوب

ایزایان مفروزه سنه هجوم



بو مسئله ایچونده بنینه سزه مخصوص عین زمانده هم عمومی خریطه یی، همده (۱:۲۵۰۰۰۰) مقیاسنده کی خریطه یی قوللانه جق صورتده بریر انتخاب ایتدم. سز او سایهده مقیاسلری مختلف خریطه لر اوزرنده چالیشمه نك یولنی اوکره نمش بولنه جقسکز. بدایتده، بعض اوافق تفك مشكلاته راست کله جك اولورسه کز بیله، مراق ایتیک پك آز وقت ایچنده اونلره غلبه ایده-کسکز. وبو وجهله سز یواش، یواش (۱:۱۰۰۰۰۰۰) مقیاسنده کی خریطه اوزرنده زمینک تفصیلات و تشکلاتی اوقومغه آلیشقدن ماعدا، ویریه جك تعییه قرارلری اوزرینه اونلرک نه کی تأثیرلرکوستره بیله جکلرینی آکلایه جقسکز. شمدی یه قدر بنم یالکز (۱:۲۵۰۰۰۰۰) مقیاسنده کی خریطه لر قوللانیشمک سبی مبتدیلرک النده اوقونمسی قولای خریطه لر بولندرمق ایستدیکم ایدی. بوندن صکره، سزی بر آزده (۱:۱۰۰۰۰۰۰) مقیاسنده کی خریطه یه آلدیره جغم. زیرا عملیاتده الکزده اکثریا بو خریطه بولنه جقدر.

بوراده کوریه جك ایلک ایش، وضعیت عمومییه یی تقدیر وادرا کدن عبارتدر. یالکز مفروزه نك وضعیتنی اوکره نمک کافی دکل، بالعکس، میر آلا ی ب ..، ویره جکی قرار تعقیب اولنان مقصده اوینون کلک ایچون بر آزدها اوزاق کورمه، دها بشقه شیلر بیلیمکه محتاجدر. بوندن آکلایشیلورکه، شمدیکی مسئله نك حلی خصوصنده، یالکز

مفرزه كزك وضعیت واحوالی بيلمكه اکتفا ایدمه چکسنگز. مسئله ده
 (شرق فرقه سی) نك دشمندن اول (اورن). کلسی لازم کله جکی
 سویلنیور. بولزوم احتمال، نهري آتلامق، بعده (بری به) نك
 تا اوتله رینه قدر ایلرولك مقصدینه منی در. بناء علیه بوفرقه تعرضه
 کچمك ایستور، دیمکدر. شمدی به قدر خصمه دائر کلان معلوت
 قطعی حوادلردن دکلدرد. زیرا، یالکز برشی بیلنیور که اوده
 خصمك (بری به) اوزرینه یوریمکده اولدیغدن عبارتدر؛ لکن،
 هیچ برشی دشمنك (بری به) به واصل اولدیغنی تصدیق ایدمه میور.
 مفروزه (موزهل) نه رینك غربنده اولمه دق بردشمنه راست
 کلدیکی زمان هنوز طاغلق اراضیدن قورتلماش بولنیور. عین زمانده
 شمالدن کان شدتلی تفك وطوب سسلری فرقه نك جدی بر محاربه به
 کیریشدیکنی اثبات ایدن اماره لردندر. آکلاشلیغنه کوره دشمن
 بر مدافعه موضعی اشغال ایدیور. زیرا، کشف قولنك کتوردیکی
 خبرده، خصمك (مونطووا - لامونتان) کونینی طوته رق شرق
 استقامتده آتش ایتدیکی بیلدیریلیور.

بناءً علیه میر آلا ی ب .. نزدنده شرق فرقه سنك هنوز طاغلق
 و آغاجلق بریرده کلیتی عسکر ایله محاربه به کیریشمش بولندیجی مجهول
 برشی دکلدرد. اگر دشمن، شرق فرقه سنك بوغاز دن چیقمنی
 منع ایتك اوزره تعرضه کچمش اولسیدی، کشف قولنك راپوری
 شبهه سز آنك بوحرکتی بیلدیره جکدی؛ شمدیلک دشمنك مدافعه
 حالنده بولیشی فرقه ایچون پك ابو بر اشارتدر. کرچه (مونطووا)
 موضعه ده دشمنك زهدن کلدیکی محقق بر صورتده بیلنیور؛

لكن ، (بری‌یه) دن كلن طرق اتصالیه به نظراً بودشمنك (اورن) صوینی (هومه‌قور) ده كچمش اولسی لازم كلیور .

بو آنه قدر مفرزه ، دشمنك یالكز (سن‌پریوا) ده بولندیغنی اثبات ایدمه بیلمشدر . بر آز شمالده کی (رونقور) نقطه‌سی دشمن طرفندن هنوز طوتلماشدر . دیگر جهندن ، سواریکز ، (آمان‌ویلر) دن یعنی جنوبدن كچه‌رك ، هیچ بردشمنه فلان راست كلکسزین (سن‌پریوا) اوزرینه ایلرولمش بولیور . بناءً علیه ، اوککزده کی دشمن قطعه عسکریه‌سك شمديك یالكز (سن‌پریوا) نی اشغال ایلمکده اولدیغنی فرض ایتیمکده حقكز واردر . بو قطعه عسکریه ، (اورن) صوینی شه‌سز (اوبونه) ده آنلادقدن صکره (سه‌نت — ماری — اوشن) دن كچه‌رك ایلرولمشدر . احتمال‌که ، مذکور قطعه ، ضابط کشف قولك ، (اوبونه) دن كچه‌رك (سه‌نت — ماری — اوشن) اوزرینه یوریمکده اولدیغنی بیلدیردیکی دشمن قولی اقسامندندر . اوزاقلره کوندرلمش اولان بو قطعه شه‌سز ، پیش‌داردر : (سن‌پریواده) کی دشمن عسکرینی (مونطووا — لامونطان) قوه عسکریه‌سندن آیرلمش فرض ایتیمکدن زیاده بو شمديکی فرضیه‌نی قبول ایتك فکر مزه دها ملایم کلور . زیرا ، اويله اولسیدی ، مذکور قوه عسکریه ، (رونقور) ده‌ده بر آز عسکر ترك ایتمش بولنه‌جقدی .

شمدي‌یه قدر خصمك (سن‌پریوا) ده طوبیجیسی اولدیغنه دائر هیچ بر حوادث آله‌مامشدر : لكن مستور محالرده دشمنك طوبیجیسی بولندیغنی ووقتندن اول کندی موجودیتی آکلاتماق ایچون کشف خدمتده کی سواری بلوکزه آتش ایتك ایستمدیکنی قرض و قبول ایلمك خصوصنه هیچ برشی مانع دکدر . هر حالده خصمك طوبیجیسی اولدیغنی احتمالی نظر دقه آلق لازم کلور .

نظر دفته آله جق دیگر بر احتمال دها وارکه اوده: (سنت- ماری- اوشن) اوزرینه یوریان دشمن قولك كندی بطریه سنی سوارینك حمایه سنده اولمق اوزره کندیسندن اول یوللامش اولمسیدر. دیگر جهندن سواری بلوکمز پیاده ایله طوتلمش اولدیغنی صورت قطعیده اعلان ایلدی. مناسبت دوشمش ایکن (پیاده کورلمش اولدیغنی) خبر ویرمکه ساده جه کشف قوللری ویا کشافلر (دشمن آتشنه اوغرامشلردر) دیمك آره سنده کی فرقه دقت ایدیکز. اکر سواری پیاده کورمش اولمسندن قطعاً امین اولسه ایدی آنک کوندرمش بوله جنی راپور فنا ترتیب ایدلمش اوله جقدی. زیرا دشمن آتشی دنیلان شی مطلق پیاده به عائد اولمق لازم کلز. بالعکس احتمال، که بو آتش یایاجنك ایدن بر سواری طرفندن اجرا ایدلمش بولنور.

بر دفعه، (سن پرپوا) اوزرینه کشف قوللری کوندردیکی زمان، کندیگری سواریکز یرینه قویکز. کوی کنارینك مختلف نقطه لرندن آتش ایدیلیور. مختلف جهتلردن قورشون سسلی ایله بعض کورلمه لر ایشیدیلیور. لکن بیلورسکزه انسانی آلداته جق بعض عکس صدار وار: دشمن مستور بولنور، آوجیلری ترصد ایتك ایچون زمانمز یوقدر، سواریکزك اوغرا دیغنی ضایعات آنلری کری چکلمکه مجبور ایدر. بناءً علیه سواری دشمن طرفندن اشغال ایدیلان منطقه لری و آتش خطنك کثافتی قولای قولای تخمین ایده مز. اوندن بشقه بو کونکی کونده آرتق آوجیلرک طوتدقلری یرلری کوستره جنك کوچك طومان ییغینلری یوقدر. بو شرطلره نظر آا اکر سزك سواری بلوککزك قوماندانی (سن پرپوا) نی اشغال ایدن عسکرک پیاده دن

عبارت اولدیغنی اثبات ایدمه بیللمش ایسه کندیسنی بختیار صایمیلدر .
طومانسز باروت قولالاندیغنی زمان ، کشفده بولنان سوارینک ،
دشمن پیاده سنی کشف ایتمش اولمسی قوماندانلقجه پک مهم برشیدر .
بولک اک بیوک اهمیتی دشمن پیاده سنک وضعیت اخیره سنی تعیین ایتمه
خدمت ایتمسندن عبارتدر .

شمی ده سلسله تفصیلاتکزه دوام ایدیکز . ضابط کشف قولی
یوروش حالده بولنان پیاده قولک یالکز بر بطریه بی حاوی اولدیغنی
سزه خبر ویریور . بومعلومات اغلب احتمال کوره طوغریدر . زیر
ضابط کشف قولی بیوک بر طولاشمه حرکتی یابدقن صوکره بوقولک
یانی اوزرنده حاکم بر نقطه یه چقمغه وایستدیکی کی آنی ترصد ایتمه
موفق اولدی .

اگر سز بوخبرک طوغریلغنی قبول ایدرسه کز بوندن ، کندیکزک
کرک بر مفرزه قسم کلیسنه ، کرک بیوک بر جزء تامک پیشدارینه قارشی
حرکت ایتمکده اولدیغکزی استدلال ایدرسکز . لکن مذکور خبردن هیچ بر
زمان دها زیاده بطریه لری جامع اولمسی لازم کلان بیوک بر جزء تامک
قسم کلیسنه قارشی بولدیغکز آکلاشماز . بناءً علیه ، (سن پریوا)
پیاده طرفندن اشغال ایدلمش بولندیغندن و دشمنک عینی یول اوزرنده
ایکی پیشدار یوروتمسی قبول ایدیله جک برشی اولدیغندن (سنت -
ماری - اوشن) اوزرینه یوروش اجرا ایتدیکی خبر ویریلان قولک
(اورن) کچیدندن طولانی مسافه سنی غیب ایتمش اولان مفرزه قسم
کلیسندن بشقه برشی اولماسی لازم کلور . بوقسم کلینک پیشداریه ک ،
برطابور پیاده و بر آرز سوار یی حاویدر ؛ (سن پریوا) موقعی اشغال
ایتمکده آرزوق استعجال ایتمش دیمکدر . دیگر جهتدن اکر (سنت -
ماری - اوشن) اوزرینه ایلرولیان قول عادی بر مفرزه دن عبارت

ایسه اوزمان آنک منسوب اولدینی جزء تامک (مون ظووا-مونتان) ده بولنسی محتملدر . نته کیم (رونقور) ک شمالده ایشیدلمکده اولان طوبجی محاربه سی بونی تصدیق ایدر کبی کورینور . شمدی به قدر کلان خبرلری مختلف صورتلر ایله تأویل ایتک ممکندر . لکن امین اولکدز که بزم ایتدی کمز فرضیاتدن بشقه هر فرضیاتک طوغری اولماسی ده ا زیاده محتملدر .

بناءً علیه شمدی به قدر طویلانان معلوماتدن اغلب احتماله کوره دشمنک (اورن) دردسنی ایکی قولده کچمش اولدینی استنتاج ایدیلور . جنوبده کی قول ، نهردن هنوز ایجه اوزاق اولیان شمالده کی قولدن بر آز ده ایلروده بولنیور . شمالده کی قولک طور تدافعیسی استدلا . لاتمزی بر آزده اوزاغه کوتورمکه مساعددر .

دشمنک بو قطعه عسکریه سی آرقه سنی بر نهره یعنی بر کچیده ویرمش بولنیور . بو ، مذکور قولک بشقه درلو یاه مامش اولدیغنه وکندی اوزرینه عددجه فائق قوتلر سوق ایدن شرق فرقه سنه راست کله رک توقف ایتککه مجبوریّت کورمش بولندیغنه بر اشارتدر . اکر بویه اولسه ایدی : دشمن شبهه سز شرق فرقه سنی ، کندیسنک کوچ حال ایله چیقدینی کچید ایچنه آتمق ایچون تشبثلرده بولنه جقدی . بناءً علیه بوراده بری دیگرندن اوستو کلکه چالیشان ایکی خصمک بر برینه تصادفدن بحث اولنیور دیمکدر . شبهه سز ، دشمن قوتلرینک قسم کلیسی هنوز (اورن) دردسنی آتلامق اوزرهدر . لکن بیوک بر قسمی اورمانک تشکیل ایتدیکی بوغازدن خروجنی هنوز اکمال ایتامش اولان شرق فرقه سی ، دشمنی (که متصل امداد آلیور) طرد ایتک واونی ممکن اولدینی قدر سرعتله (اورن) دره سنه آتمق

وبعد مذکور درهنگ کجید نقطه لرینی ضبط ایلمک ایچون کال شدله
تعرضه یکمکه مجبوردر .

مسئله ده ویریلان معلومات پک آز مکمل اولمقله برابر بز تخمیناً
اولسون وضعیت اوزرینه بر فکر پیدا ایده بیلورز وشه سز هیچ
بر زمان یالکز او معلومات ایله بر فکر قطعی ایدینه بیله جکمز
ادعا ایتیز. چونکه او یله بر ادعاده بولنقی بر خیال آرقه سنه قوشمق
دیمکدر . (سن پریوا) دن اجرا ایدیلان آتشرک طومان ایله مشترک
اولمی و (رونقور) ک شمالنده کذلک بعض طومان طبقه لری
کور یله بیلمش بولنمی بزم ایچون طبیعی دهایی بر شیدر. چونکه
بز اوسایه ده (سن پریوا) کوبنک کناری اوزرنده کی آتش خطنک
کثافتی تقدیر ایتمه وشرق فرقه سنک یا بلمه امتدادینی آکلامغه
موفق اوله بیلور ایدک . اگر بتون عسکرینی (سن پریوا) علیه
کوتورمش اولدقدن صوکره میرآلای ب .. مذکور نقطه نک آنجق
پک ضعیف بر صورتده (که پک ممکندر) طوتلمش اولدیغنی آکلامش
بولنورسه شه سز بوندن هیچ نمون قالمیه جقدر . مع هذا ینه کال
شدله محاربه یه کیریشمکه مجبوردر . زیرا بشقه درلو یا پارسه کندی
شبه لرینی حل ایتک ایچون پک چوق زمان غائب ایده جکدر . بناء علیه
استقبالده تصادفک تأثیری اسکی زمانلرده اولدیغندن زیاده بیوک
اوله جقدر . اوندن بشقه سوارینک استکشافی اکثریا ناقص نتیجه لر
ویردجه او تأثیری طرح وتنزیل ایتک ده اوقدر زیاده کوچ
.. اوله جقدر . بوندن طولانی سوارینک کشفده کی کفایتسزلکنی هجوم
ایدیله جک مسکون محللر اوکنده دشمن قوای عسکریه سنی میدانه
چیقارمغه مجبور ایتک ایچون پیشدار طوپیچی و پیاده سنک یا بله سیله

قیامتی لازم کله جکدر . لکن اگر اراضی مدافینه پک الویرشلی و دشمنک برنجی خطی ایجه مستور اولور ، اگر احتیاطلری کورلمکسزین کتوریله بیلور و بطریه لری ده آپ آکسزین میدانه چیقا بیلورلر ایسه شمدی سویلدی کمز وسائلط غیر کافی اوله جقلردر . محاربه ائناسنده قوماندا هیئت کندی اوکنده دشمنک نه قدر قوتی اولدیغنی اسکی زمانلردن ده آز بر صورتده بیله جکدر .

ناقص بر طاقم اماره لر اوزرینه بر وضعیتی میدانه چیقارمق خصوصنده باش قوماندانک قابلیت و قطعات عسکرینه ک قیمتی هر وقتدن زیاده موفقیتک شرائط اساسیه سندن اوله جقلردر . اوندن بشقه طالع و تصادفک تأثیری ده اسکی زمانلردن زیاده بیلو ک اوله جقدر . شمدی ده میر آلا ی ب . . طرفندن ویریله جک قراره کله لم : اوله کورمش ایدک که ، هرشیدن اول فرقه نک بوغازدن چیه بیلمش اولسی و یا بیلمی ایچون لازم کلان مسافه یی قزانش بولنمی ایجاب ایدر . فرقه نک بووجهله تعقیب ایتدیکی مقصد مفرزه یه ده کندی وظیفه سنی کوستریبور . مفرزه نک محاربه یه مجبور اولسی کندی حسابی ایچون دکل بالعکس منسوب اولدیغنی جزء تامک منفعتی ایچوندر . بناءً علیه فرقه کندی وظیفه سنی باشه چیقاره بیامک ایچون مفرزه بتون قوتیله اوکا یاردیم ایتمکه مجبوردر .

• یان مفرزه سی دشمن قوای عسکریه سنی کندی اوزرینه نه قدر زیاده چکرسه فرقه نک وظیفه سنی ده اوقدر زیاده تسهیل ایتش اوله جقدر . مدافه نک بوراده هیچ بر فائده سی یوقدر . زیرادشمنک بسبتون حرکتده سربست قالمسنی موجب اولور . طوغریسنی سویلمک لازم کلورسه ، بوراده مدافه عطالت ایله مرادفدر . یالکمز

(سن پریوا) علیه یاپیله جق شدتلی بر تعرض حرکتی مؤثر اوله جقدر. باخصوص یوقاریده یادیغمز محاکمه نك نتیجه سی اوله رق (سن پریوا) نك اغلب احتماله کوره یالکز بر طابور ایله طوتلمش اولسی بوتعرضك نه قدر زیاده لزوملی بر حرکت اولدیغنی کوسترر .

اگر (سن پریوا) محافظی مفرزه دن پك ضعیف ایسه مفرزه نك یایلمق ایچون صرف ایده جکی زمان کاملاً ضایع اوله جقدر . کرچه بو تأسف ایدیه جك بر شیدر . لکن یوروش حالنده بولنان دشمن قولی مفرزه علیه یوریمکه مجبور ایتك ایچون کویك اوتله رینه قدر بیله ینه اوندن آز شدتلی بر تعرض حرکتی سوق ایدلمش اولیه جقدر . ایسترا ایستمز بوقولك کوی محافظینه یاردیمه قوشمسی لازم کله جکدر . بوا یسه آنی (مونطووان - لامونتان) دن آیره جق و شرق فرقه سنده ویریلان محاربه یه اشتراك ایتکدن منع ایلیه جکدر .

اگر بالعکس (سن پریوا) میرالای ب .. نك ظن ایتدیکندن زیاده بر قوت ایله طوتلمش ایسه ، (سنت - ماری - اوشن) اوزرینه یوریان قول (سن پریوا) یه جلب ایدلك شرطیله ، وضعیت ینه بزم ایچون دهافنا اولیه جقدر . یالکز مفرزه نك کندیسنی بسبتون تهلکیه دوشورمش اولماق ایچون دریندن درینه محاربه یه کیریشمکدن احتراز ایتسی لازم کله جکدر .

هر حالده (سن پریوا) علیه ویریلان محاربه نك (سنت - ماری - اوشن) قولی خط حربه واصل اولمزدن اول بیتمش بولنسی آرزو ایدیه جك بر شیدر . بناءً علیه یالکز هجوم ایتك کافی دکل چابوق وشدتلی بر صورتده حرکت ایتك لازمدر . بناءً علیه میرالای ب .. یایلدینی انشاده وقتی ایجه قولالانغه و تردسز هجوم ایتکه

مجبور در . چونکه ویردیکی قرارك تعقیب ایدیلان مقصد عمومی به موافق اولدیغندن امیندر . اگر مومی الیه امرلر بکلمکه قالدیشه جق اولورسه پك قیمتلی اولان برزمانی الدن قاچرمش بولسه جقدی . ضابط کشف قولنك کوندردیکی راپوره نظراً دشمن قولی ساعت ، طقوز بچقده (سنت - ماری - اوشن) واصل اوله جق و بناءً علیه بطریه سنك سرعتلی به کچهرك کندیسندن اول کیده بیله جکنی حساب قاتمقسنین ، مفرزه نك ساعت (۱۰) ی چاریك کچه (سن پریوا) اوکنه کله بیله جکدر . مفرزه (ماره نفو) دن حرکت ایدن پیاده سنی الك آز (۳۰) دقیقه دن اول هجومه سوق ایده مز . بناءً علیه (سن پریوا) هجومی اصلاً صباحك ساعت (۹) بچقندن اول باشلایه میه جقدر . اگر ساعت (۱۰) ی چاریك کچه کوی الده ایدیلورسه بونی بر بختیارلق صایمیدر .

تعقیب ایدیله جق یوللر نه قدر قیصه ایسه مؤخرأ یاییله جق یا یلمه لرده ده اوقدر سریع و دکرلی اوله جقدر . هجوم ایتک ایچون الك قیصه یول الك ایوسی (سن پریوا) نك شرق کناری اوزرینه یوریمکدر . مع هذا بونی خاطره بیله کتورمک لازم دکدر . زیرا (سن پریوا) ایجه مستور یالکز اوج بلوک طرفدن طوتلمش اولسه بیله اولنرك اجرا ایده جکلری آتش آچیقده ایلرولیه جک اولان هاجمین اوزرینه اوقدر بیوک بر تاثیر کوستره جک ایدی که هاجمین عددجه پك بیوک برتفوقی حائز اولسه بیله هجوم پك بیوک ضایعاته اوغرایه جق و پك مشکلات ایله ایلرولیه بیله جک ایدی .

بناءً علیه میر آلا ی ب . پك چابوق یورویه جکم دیه بر مونقیتسزلکه دوشمکدن چکنماید . مومی الیه کویك شرق کناری مدافعتینی

آتش واسطه سیله احاطه ایدم جک وشوکی بر حالدہ نصل ایجاب ایدرسہ او وجہلہ کندی هجوم اصلیسنی (سن پریوا) نک یانلرندن بریسی علیہنہ سوق ایتمکہ قرار ویرہ جکدر .

بیادہ اوجی ہنوز (مارہ نغو) یہ واصل اولمش بولندی نی ایچون مفرزہ نک قسم باقیسی حالا (ژووامون) اورمانندہ ویول قولندہ بولنیور . شمیدیکی حالده مفرزہ نک بورادہ مختلف قدمہ لرینک بولندقلری یرلرک پک اہمیتی یوقدر . زیرا یولک استقامت عرضانیسجہ بر نظامہ کیرمک غیر ممکن اولدقدن بشقہ اورماندن کچن عرضانی یوللر استفادہ اولنہ میہ جق شیلردن عبارتدر . حتی بونلرک جہتلی مفرزہ نک حرکتی ایچون الویریشلی بولنسہ ایدی بیلہ ایجہ بر کشف ایتزدن اول اونلردن استفادہ ایدوب ایتامک خصوصندہ تردد اولنہ جقدی . زیرا آتاجلر آلتندہ بولنان یوللر انسانی قولای قولای یا کلتورلر . بو ایسہ شہہ سز بعض تہلکہ لی نتیجہ لرہ سبب اولور . بورادہ ایلک اول [یاپیله جق شی بتون قولی اورمانک طیشاریسنہ کوتورمکدر . بونک ایچوندہ اک امین واک سریع واسطہ بیوک یولی تعقیب ایلیمکدر . بناءً علیہ هجوم قطعہ لرندن کافہ سنک یا یلمسی (مارہ نغو) دن اعتباراً اجرا ایدیله جکدر . کویک شرق کناری علیہنہ یاپیله جق جہہ هجومی بیوک یولک شمالنہ تخصیص اولنہ جقددر . لکن ایکی یاندن ہانکیسنک هجوم اصلی یہ ہدف تشکیل ایدہ جکنہ قرار ویرمزدن اول بر کرہ اونلری یکدیگری متعاقباً مناقشہ ایدہ لم .

صاغ یاندن باشلا یہ لم . (ژہ روزالہم) دنیلان مجتمع اولرک کنارندن اعتباراً بیوک یول اوزرندہ کویک مدخلنہ قدر، دشمن،

جنوبه طوغری (آمان ویلەر) دن کلان شمندوفرلرک اوتهلرینه قدر آچیق برانداخت میداننه مالکدر. جنوب شرقی جهتلرنده کذلک انداخت میدانی صورت عمومیهده ایدر و (آمان ویلەر) ایله (زهروزالهم) آرهسندهکی یولک یاریسنده بیوک جاده اوزرنده تصادف اولنان بر زمین عارضهسندن بشقه هیچ بر شی ایله تحدید ایدلماشدر. بو نقطه دن اعتباراً هاجمین ایچون تخمیناً (۹۰۰) مترهک بر مسافه یی آب آچیق بر اراضیده قطع ایتک لازم کله جکدر. (مارهغو) دن بوزمین عارضهسنه قدر اولان یوروش ایجه ضایعاته سبب اوله جقدر. بناءً علیه دشمنک صاغ یانی علیهنه پایله جق هجوم پک مشکل بر هجوم اوله جقدر. هاجمین (زهروزالهم) اوزرینه یابه جفی بر حرکتله مدافعینک خط رجعتی پک اعلا تهدید ایده جکدر. لکن بوفائده ظاهری برشیدر. زیرا کویک محافظینی (هومه قور) دن کچهرکده رجعت ایده بیلور. کندی هجومه بویله بر استقامت ویردیکی حالده، هاجمین شاید یورویشده بعض تأخرات وقوعه کلورسه، (سنت — ماری — اوشهن) دن کلان دشمن قوی تام وقتنده (سن پریوا) نک جنوبندهکی مبانی عالییه واصل اولدیغنه نظراً مذکور قول طرفندن یان آتشنه آلتق تهلکسنه معروض قاله جقدر. زیرا او دیدیکمز نقطهیه قدر هاجمین کذری جههسنی یایمش اوله میه جقدر. بناءً علیه بو وجهله هاجمینک صول یانی علیهنه بر مقابل هجوم یایمقده دشمن ایچون بر چوق امیدلر واردر. زیرا اگر هجوم اصلی (زهروزالهم) علیهنه سوق ایدلش ایسه (مارهغو) مستور محندن چیقیدنی آنده بستیون میدانده قاله جقدر. حاصلی دشمنک مجموع قوتنک صاغ جناح منتهاسی (زهروزالهم) ده بولنق ملاحظه سی ده

میرآلای ب . . نك او جهندن هجوم ایتمكه قرار ویرمسنه کافی اولیه جقدر . زیرا هر شیدن اول اوکا لازم اولان (سن پریوا) یی ضبط ایتمکدر . صکره دن یاپلمسی ایجاب ایدن شیرل آنی متعاقب نظر دفته آله جقدردر .

دشمنك صول یانه یعنی کویك شمال جبهه سنك شرق قسمی اوزرینه هجوم ایتمك موفقیت ایچون دهها زیاده امیدلری جامعدر . حتی اگر دشمن ، جبهه ده ایجه یرلشمش اولقله برابر کندی خطنی شماله طوغری اوزاده جق اولورسه ، اوزمان هجومی بوسویلدیکمز شمال جبهه سنك قسم اعظمی علیه سوق ایتمك لازم کلوردی . (سن پریوا) نك شمال شرقی چیقندیسی یقینده کی یولك دیرسك نقطه سندن اعتباراً بر صرت شماله طوغری چیقیورکه بو صرت شمال شرقی استقامتده شمال جبهه سنك انداخت میدانی (۳۰۰ : ۵۰۰) مترهك بر امتداده ایندیریور .

مذکور صرت (ماره نفو) ده نهایت بولان بیوک بر قوس دائره رسم ایدیور ؛ بر صورتده که ، هاجمین بو مستور محلك کریسنده (سن پریوا) دن (۴۰۰) متره یه قدر یناشمغه موفق اوله بیله جکدر . بو خصوصه آنک ایچون ، اول امرده ، (ماره نفو) دن اعتباراً (ژومون) [اشتاین بر] طاش او جا قلرندن کلان یوله قدر اورمان کنارینی تعقیب ایتمك و صکره مذکور یولی هجوم اصلینك محوری کی قبول ایلمك یتشور . هجوم اصلی قطعاتی بووجهله صولک زمانه قدر کیزی طوتلر قلرندن (سنت — ماری — اوشن) دن کلن دشمن قوی محاربه یه کیریشمزدن اول ایجه زمان متردد بولنه جقدر . حتی ، هجوم اصلینك یانی آلمق ایچون ، (رونقور) اوزرینه آتلمغه

تثبت ايتسه بيله مذکور قول شرق فرقه سندن طولايي ينه پک جوق احتياط وتدير ايله ايلرولمکه مجبور اوله جقدر. (سن پريوا) نک کرک صاغ وکرک صول جناحنه هجوم ايچون قطع ايديله جک مسافه مان بربرينک عيدير. صول جناحه طوغری کیدن يوللر، سریع بر موفقیت قازانق ايچون دها الويريشلیدرلر. زیرا، اونلر دشمن نظرندن مستور و محفوظ بولنورلر.

شمديک خصمک، جنوب غربی جهته آتلمش اولمقدن ايسه، شمال غربی جهته آتلمش اولمسنده کی فائده يی نظر دقته آلمقه احتیاجز یوقدر. بو ملاحظه يی دها صکره، داخل حساب ایدرز. شمدي بر کرده کریلریمزه بر عطف نظر ایدلم. (ژومون) اورمانی یکی تیشن آغا جلری حاوی اولدینی ایچون، بر رجعت حالد، قطعات عسکریه یالکز موجود یوللری تعقیب ایدمه بيله جکلردر. اورمان ایچنده ايسه حمد اولسون ایجه یول واردر. دشمنی جبهه سندن اشغال ایتمه مأمور اولان پیشدار طابوری (ماره نفو) اوزرینه رجعت ایدمه جکلر. صکره، (برون وو)، (فهو) یوللریله حین حاجتده (نوروی - لووه نور) یولنی ده قوللانه جقدر. هجوم اصلی قطعاتی و بر مغلوبیت حالده، احتیاط عسکری ایلک اوکجه (ژومون) طاش اوجاقلری بعده، (پیرویلر) اوزرینه چکلمکه مجبور اوله جکلردرکه بوصوک محله احتمال که اونلر کندیلرینی، اوزرینه طولایه جق اولان شرق فرقه سنه التحاق ایتمش بولنه جکلردر. اوندن بشقه (ژومون) اورمانک غرب کناری، حین حاجتده مفرضه يی اورایه طولایه بیلیمک ایچون مدافعه يه پک صالح بریردر. بناءً علیه میرآلای ب. . نک قراری ایشته بویه اوله جقدر :

دشمنی ، (سن پریوا) نك شرق كناری اوزرنده . اشغال ایتك ،
(وسن پریوا) ده عددجه فائق دشمن قوتلرینه تصادف ایدلمش اولسی
تهلكه سنه باقیه رق ، عین زمانده كوك شمال شرقی چیقندیسی علیه
سریع و شدید بر هجوم اصلی اجرا ایامك . .

لكن ، اخذ ایدیلن ترتیباتك ، آرزو ایدیلن سرعت ایله موفق
اولسی ایستیلیورسه ، پیشدار طابوری (ماره نغو) ده یابلدینی ائشاده ،
طوبچی بی ده سریعاً ایلرو کوتورمك لازمدر .

چونكه (سن پریوا) ده خصمك ده طوبچیسی واریسه ، طوبچی نك
ایلك اوچكه خط حربه کیرمسی ایجاب ایدر . کوی عاينه اجرا
ایدیله جك ایلك طوب انداختی اوزرینه ، دشمن طوبچیسی ، اوزمانه
قدر بریده کیزلی طوتلمش ایسه ، آرنق کندیسینی کوسترمك اوزره
میدانه چیقه جقدر . بوحالده مفرزه نك بطریه لری ، پیاده کز بوراده
ناكمانی بر هجوم تشبثنده بولمغله برابر ، ینه هیچ تردد ایتمکسزین
دشمن طوبچیسی کندیلرینه ایلك هدف اتخاذا ایده جکلردر .
فی الحقیقه . بوراده هجوم اصلی پیاده سنك اوزرینه طوغری یوریدیکی
نقطه بی درحال دوكمك ایستلمیور .

بالعکس ، مؤخرآ پیاده کزی هجوم قطعی یامققدن منع ایده بیله جك
اولان سبیلردن بریسنی اورته دن قالدیرمق آرزو اولئیور .

بو پیاده ، صوك (۴۰۰) متره لك مسافه ایچنده اوافق تفك بعض
اهمیتسز عارضه لردن بشقه آدم عقلای هیچ بر مستور محل
بوله میه جفندن ، حتی عددجه کندیسندن پك آز فقط (سن پریوا) نك
شمال شرقیسنده کی صرت اوزرینه یرلشمش اولان طوبچیسی
طرفدن ایوجه حمایه ایدلمش بر پیاده علیه یوریدیکی زمان بیله

دوچار مغلوبیت اوله بیله جکدر. طوپچینک بوکونده ترقیاتی بر درجه یه وارمشدرکه، انداختنی پیاده آتشله ترکیب ایتمش اولدینی زمان آنک آتشی آلتنده ایلرولمک حقیقت پک زور بر شیدر.

بناءً علیه، بوراده کی غوغا ایلک اوکجه، پیاده نک یاردیمی اولمقسزین، یالکز طوپچی ایله اداره وحمایه ایدلمش بولنه جقدر. پیشدار طابوری، قسم کلی پیاده سی (ماره نفو) جهتده یناشیق نظاملر ایله خصمک صول جناحی اوزرینه ایلرولمکه چالشدینی ائئاده، خصم آتشدن محفوظ اولدینی حالده ایلک اوکجه بطریه لره استنادلق خدمتی کورمه جکدر. اکر دشمن (سن پرئوا) ده طوپچیسنی میدانه چیقارمزسه، هجوم شبهه سز، پک بسیط بر صورتده اجرا ایدلمش بولنه جقدر. بطریه لر درحال، کوپک شمال شرقی چیقندیسی اوزرینه آتش ایدمه جکلر و بوندن طولانی پیشدار پیاده سی ده کذلک درحال محاربه یه کیریشمش اوله بیله جکدر. لکن، بردن بره چیقمسی محتمل اولان دشمن طوپچیسنک آتشی طرفندن باصامش اولماق ایچون طوپچی دیدیکمز آتش ائئاسنده ایجه دقتلی بولنمه مجبوردر. بویله بر حال پک اعلا وقوعه کله بیلور. چونکه (سنت — ماری اوشن) استقامتدن کلان قول کندی بطریه سنی ایلریدن کوندرمه بیلور.

هر حالده، طوپچی، (سن پرئوا) نک شمال شرقی چیقندیسی بر هدف ابتدائی کبی تلقی ایلیه جکدر. اکر بر آرز صکره دیگر بر هدف انتخاب ایتمه لزوم کوریلورسه، اوینه دأئما، انداختنی پیاده نک هجوم نقطه سی اوزرینه تنظیم ایلمش اولق جهتیه بونتیجه یی ده استحصال ایلمش بولنه جقدر.

طوپچی طابور قوماندانی، مفرزه قوماندانی یاننده یعنی

(ماره نفو) ده بولنیور . مفرزه قوماندانی اوکا دوکله جک هدف کو سترر .
 و صورت عمومیه ده بطریه لرینه (ماره نفو) ده بر موضع آدی رقی لازم .
 کله جگنی سویلر ، لکن ، بطریه لرك بوله جقلری یرلری انتخاب ایتک
 خصوصنده اونی سربست بر اقور . بطریه لر ، سرعتی ایلر و لیله جقلری
 ائنده ، طویجی قوماندانی ، (ماره نفو) نك شمال و جنوبنده کی اراضی یی
 ایوجه بر کوزدن کچورمک ایچون درت نعل پور و یشه کچه جکدر . مومی ایلر ،
 بوکشی یاپارکن ، ممکن اولدینی درجه ده کنیدیسی دشمنه کوسترمه مکه
 چالیشه جقدر . بطریه لرك یرلرینی انتخاب ایتک خصوصنه کلنجه ،
 بوشمیدیکی حالدیه بر مغلوبیت وقوعه کلدیکی زمان طویلر بیوک بر تهله کیه
 دوشمیه رك رجعت ایده بیلیمک ایچون ، اونلری اورمانه کیرن یوللردن
 پک اوزاق انتخاب ایتمه میلدر . (ماره نفو) نك شمالنده کی صرت اوزرنده ،
 طاش اوجانی جهتنده ، کوزل آمپلاسمانلر واردر .

دشمن طویجیسی حقنده بر فکر صحیح موجود اولدیفنه بناءً
 طویجی طابوری قوماندانی حتی آتش آچق خصوصنده بر آرز
 کیکمش اولسه لر بیله ، ینه هر شیدن اول بطریه لرینک دشمن
 نظرندن مستوراً بوله جقلری یرلره طوغری ایلر و مللرینه چالشمیلدر .
 بونقطه نظرندن یاپیله جق اک کوچک بوتدیرسزک دائماً پک بهالییه
 چیقار . اگر دشمن طویجیسی ذاتاً موضعه کیرمش بولنیور و سزک
 طویلریکیز اوزرینه آتش ایدیورسه ، شهه سز ، طوب سسلرینی
 ایشیده جک و مرملرک هانکی استقامتلردن کلدیکنی کوره جکسکز ،
 لکن دشمن بطریه لرینک موضعی ایودن ایویه کشف ایتک خصوصنده
 سزک ایچون ده اییجه بروقت لازم کله جکدر . اوزمانه قدر سز قطعاً
 سلاح سز کی ایش طورده جقسکز ، یعنی هیچ آتش ایتیه جکسکز .
 والحاصل ، دشمن بطریه لرینک موضعی بللی اولدینی زمان ، سز ینه

ایلك نظرده اوکک زده کی طوپلرک عددنی تعیین ایتمش اوله میه جقسکز .
حتی طوپلرک آغزندن چیقان علولری ایو بردوربین سایه سنده کوزل
کوزل تفریق ایده بیلدیککز حالده بیله برباقیشده اوکک زده نه قدر طوپ
اولدیفنی ممکن دکل آکلایه میه جقسکز . بن مخصوص شوکی تفصیلاته
کریشیورم ؛ مقصدم ، ایلك طوپچی موضعنه کله بیلمک ایچون نه قدر
تدیرلی حرکت ایتک لازم کلدیکی سزه کوستر مکردر . عین زمانده ،
طوپچینک نتیجه قطعیه استحصالنده کی اهمیت عظیمه سی اوزرینه نظر
دقتکزی جلب ایتک ایستیورم . اگر وضعیت پیاده هجومک آب
آنسزین اجرا ایدلمش بولمنسی ایجاب ایدیورسه ، مذکور هجومک
هر زماندن زیاده بوکون طوپچی واسطه سیله احضار ایدلمک لازم کلدیکی
اصلا اونو تاملی یز .

ایکنجی درجه هجومنه عائد ترتیباته کلنجه اوراده اوپله هجوم
اصلیده کی کبی اینجه المکه ، اینجه طوقومغه حاجت یوقدر . آتی سوق
واداره ایده جک اولان ضابط ، (ماره نفو) ده کی مستور محلی ترک ایتک
ایچون مناسب اولان زمانی انتخاب ایتدکدن صکره طوغریجه (سن بریوا)
اوزرینه یوری یه جکدر .

قسم کلی پیاده سنی محاربیه صوقزندن اول وضعیتک براز کسب وضوح
ایتمی بکلنه جکدر . بناءً علیه میر آلا ی ب .. ویره جکی ایلك امرده
وظیفه لری توزیع ایتمکه اکثفا ایلیه جک وبوندن صکره سنی مادونلره
براقه جقدر . چونکه ایشک اوته سی دشمن طوپچیسنک تأثیرینه و پیاده سنک
آتشنه تابع اوله جقدر . هجوم اصلی یی سوق واداره ایتمکه تعیین ایدیلان
ذاتی ، کندی منطقه سنی شماله طوغری یایمق و هجوم زمانی انتخاب

ایتمک خصوصندہ سربست براقلیدر . اویله ایسه میرآلای ب ..
 بو هجوم اصلیہ مأمور اولان قطعاتہ (مارہ نفو) دن اعتبارآ (زومون)
 اورماننک غرب کناری بونجه ایلرولمکی و سکرہ (سن پریوا) نک
 شمال شرقی چیقندیسنی کندیلرینه هدف انتخاب ایتمکی امر ایتمکله
 اکتفا ایلہ جکدر .

احتیاط طابوری هجوم اصلینک کریسندہ وطاشقینجه بر قدمہ
 تشکیل ایدہ جکدر . بوجہله کویک شمال جہہسنی احاطہ ایتمک
 یاردیم ایدہ بیله جک و یاخود (سنت — ماری — اوشن) استقامتدن
 کلہرک محاربہ یہ اشتراک ایدہ جک اولان دشمن قطعات عسکریہ سی
 علیہنہ قولالانیله جقدر .

هجومک اجراسی انسانندہ سواری بلوکی اوچ وظیفہ ایلہ مشغول
 بولہ جقدرک بونلردن بریسی شرق فرقه سیلہ تأمین مواصلہ ایتمک
 ایکنجیسی شرق فرقه سی طرفندن تعقیب اولتان محاربہ نک کیدیشنه
 دائر معلومات ایدنمک، اوچنجیسی (مونظووا — لامونتان) ده کی دشمن
 قطعہ عسکریہ سی طرفندن ایدیله جک معاونت لک کاهسنہ دائر مفرزہ
 قوماندانہ خبر ویرمک ...

اوندن بشقہ بو سواری بلوکی (رونقور) ایلہ (سن پریوا) نک
 جنوبندہ کی اراضیدن دشمن قولی برکرہ (سنت — ماری — اوشن) ی
 کچدکن سکرہ آنک یانلری اوزرینه بعض کشف قوللری ده کوندرہ جکدر .
 (سن پریوا) نک جنوبندہ کوندرلمش اولان کشف قوللری بو کویک
 جنوبندہ کی صاغری اوزرنده دشمن سواریسنه مقابله ایدہ بیلیمک
 ایچون ایجه قوتلی اولمیدر . مذکور کشف قوللری بو نقطہ ده
 یرلشدکن سکرہ ایلرودہ کی اراضی یی (سنت — ماری — اوشن) لک

اوتورینه قدر کاملاً کوره بیله جکلردر. سواری بلوکنک قسم اعظمی هجوم اصلینک یانی اوزرنده بولنهجق ومفرزه نك صاغ جناحی ایله شرق فرقه سی آره سنده کی بوشلنی قیایه جقدر .

امرکزك هیچ بروجهله مشکلاتی حاوی اولمیان مواد سائره سی کچوروم . لکن بو مسئله یی براقردن اول سزه صوگ بر ملاحظه بیان ایتمک ایستیورم : دیگر بر مفرزه علیه تعرضه کچمک ایستیان بر مفرزه هجوم ایدیهجك جناحك انتخابی اوزرینه تردد ایده بیلور . عجباً خارجی جناح علیه ایلروملک دها ای بر شیمیدر ؟ موفقیت حالنده دشمن بووجهله کندی قوه اصلیه سی اوزینه آیلور . وعین ضربه ایله دشمن قوای مجموعه سنک یانسه دوشلمش اولور . بالعکس دشمنك ترتیبات عمومیه سنده موجود اولان بر بوشاقدن استفاده ایدرک ، بزم بوراده یایدیغمز کی ، اوکده بولنان قطعه عسکریه نك داخلی جناحه هجوم ایتمک ایچون مذکور بوشلغه کیرمکی دها مرجحدر ؟ بزم جوابم يك بسیطدر : هر حال خصوصییه قابل تطبیق اوله جق صورته قواعد ثابته یوقدر . اصولاً هر شیدن اول دشمنی دوکنک وبوندن طولای موفقیته خصوصنده اک زیاده امیدل ویرن بر نقطه یی هجوم نقطه سی انتخاب ایامک لازمدر . اگر دشمنك ایکی جناحیه موفقیته ایچون مساوی امیدل ویریووسه اوزمان مفرزه نك حرکتی ، منسوب اولدینی جزء تامک وظیفه سی هانکی جهندن اک ای بر صورته تسهیل ایدیورسه ایشته اوراسی هجوم نقطه سی انتخاب ایدیهجکدر .

خلاصه اوله رق ایشته سزك امریکز بویه یازیه جقدر .

(ماره نفو)

۱ - ۹ - ۸۹ - ۹۵۱۰ کو

مفرزه امری

۱ — (سن پریوا) ده دشمنك پیاده سی وار ؛ دیگر بردشمن پیاده قوی بر بطریه ایله برلکده (اوبوئه) دن (سن ماری - اوشن) اوزرینه یوروش اجرا ایدیور. شرق فرقه سی (مونطووا - لامونطان) اوکنده محاربه یه طوشمشدر .

۲ — مفرزه صول جناخی احاطه ایدرك (سن پریوا) یه هجوم ایده جکدر. شمیدی پیشدار لغو ایدلشدر .

۳ — ۳۱ نجی سیار طوپیجی آلاینك برنجی طاבורی (۳ نجی بطریه اکسیك) درحال (ماره نفو) ده بطریه حاله کچه جك (و) (سن پریوا) نك شمال شرقی چیقندیسی اوزرینه آتش ایده جکدر .

۴ — ۶۷ نجی پیاده آلاینك برنجی طاבורی بیوك يولك شمالده ایلرولیه جك و عین آلایك ۲ نجی طاבורی طرفندن یاپیله جق اولان هجوم اصلی یی تسهیل ایده جکدر . بویکنجی طابور (ژومون) اورمانك غرب کناری بونیجه ایلرولیه جك وبعده (ماره نفو) دن اعتباراً (سن پریوا) نك شمال شرقی چیقندیسی اوزرنده یورویه جکدر .

۵ — ۶۷ نجی پیاده آلاینك ۳ نجی طاבורی واستحکام طاقی، ۲ نجی طابورك (۵۰۰) متره صاغی کیرو سندن آنی تعقیب ایلیه جکلردر .

۶ — ۱۳ نجی دراغون آلاينك برنجی
 بلوكی شرق فرقه سی ایله ارتباطی تأمین
 ایدیه جك و (مونطووالا - مونطان) ایله
 (سن ماری - اوشن) استقامت لرخی
 بالترصد هجوم اصلینك صاغ یانی ستر
 ایلیه جکدر . اوندن بشقه مذکور بلوك
 (سن پروا) نك جنوبیده کی تپه دن کچه رك
 (سن ماری - اوشن) دهه بعض کشافلر
 کوندره جکدر .

۷ — سیارخسته خانه طاقی (ماره نفو) ده
 یرلشه جکدر .

۸ — بم اینجون کوندریله جك راپورلر
 (ماره نفو) یه کوندریله جکلردر .

میرآلای

ب ..

پیشدار ایله طوپیچی یه شفاها ؛
 سواری بلوکنه امر ضابطی م ..
 ایله ، قسم کلی یه امر ضابطی ل ..
 ایله ، شرق فرقه سنه ده کذلک
 بر امر ضابطی ایله وتحریر آ تبلیغ
 ایدلشددر :



ساعت (۱۰) ی (۳۵) کچہ (وہرنہ ویل) ک غرب مخر جندن دشمنک
(وہرنہ ویل) جہتترینہ یواش ، یواش ایلرولکدہ اولدینی وضعیف بردشمن
آوجی خطنک صباح ساعت (۱۰) ی (۲۵) کچہ (قولر) ایلہ (وہرنہ ویل
یولنک اورتہ سندنہ کی اورمانجی اشغال ایتش بولدینی حوادثی آلنور .

یاییلہ جق وظیفہ

- ۱ — میرآلای ب .. وظیفہ سنی نہ کبی واسطہ لرلہ ایفا ایتک ایستیور؟
 - ۲ — یوقاریدہ کی معلوماتی آلدینی زمان نہ یاپہ جق ونہ امرلر ویرہ جکدر؟
 - ۳ — اخذ ایدیلاں ترتیباتک اسبابی ،
- خاطرہ — پیادہ (موزہل) نہرینک صول ساحلندہ کی اورمانلری یواش ،
یواش وطاغنیق نظامدہ کچہ بیلور ؛ چونکہ اورمانلر صیقدر .

اون سکزنجی مکتوب

پیشدار محاربه سی

کچن مسئلہ بی حل ایتک ایچون سز عین زمانده هم (۱: ۲۵۰,۰۰۰) وهم (۱: ۱۰۰۰,۰۰۰) مقیاسنده کی خریطه بی قوللان دیکز. بوشمدیکی مسئلہ به کلنجه اونک ایچون (۱: ۱۰۰۰,۰۰۰) مقیاسنده کی خریطه دن بشقه برخریطه قوللانمه مکزى سزه توصیه ایتدم. کرچه سز بووجهله بعض مشکلاته راست کلش اوله جقسکز، لکن بردفمه ایشکز بیتدکدن صکره ۰ (۱: ۲۵۰,۰۰۰) مقیاسنه مراجعتله، آلتان ترتیباتک طوغری اولوب اولمادیغی پک اعلا کوره بیلورسکز.

سزه بویه ایکی مختلف خریطه اوزرنده مسئله حل ایتدیرمکدن یکانه مقصدم، سزی پرکار استعمالنه دها زیاده آلیشدرمش اولمقدرد. سوارینک ایلک راپوری کلدکدن صیکره، پیشدار قوماندانی، درحال برقرار اتخاذ ایتک لازم کلدیکی آکلار. زیرا، فرقه قوماندانی، کندیسندن امر ایستیله میه جک درجه ده اوزا قدر. حتی امر ایستیلسه بیه مومی الیهک کونده جکی جوابلر آنجق پک چوق کچ واصل اوله بیلورلر. پیشدار، کاملاً کندی کندیسنه براقلمشدر. زیرا، سزه سویانمه مش اولان بعض سبیلردن طولای قسم کلی ایکی ساعت قدر کچ قالمشدرکه میرآلای ب.. شومدت ظرفنده اوندن برهماونت کورده میه چکندن امیندر. میرآلای ب.. فرقه نک اورماندن خروجی ستر ایتکه مأموردرد، بووظیفه کندیسنه حواله ایدلیدی زمان ایسه، دشمنک وضعیتی هنوز ایوجه بیلنمیوردی. مسئله نک وضع وترکیبده نظراً فرقه قوماندانی محضاً پیشدار

الى نهايه يورويشه دوام ايتمش اولسون ديه يولنده توقف ايتمه مشدر.
 بالعكس اونك نزدنده ، پيشدار ، فرقه نك اورمانلر مخرجنده
 يايلمسنى ستر ايدم بيله جك بر نقطه يه كلدىمى وظيفه سنى يامش ديمكدر.
 دشمنك ايلرى يورويشى خبر ويرلش اولدينى ايچون ، پيشدار ،
 شهبه سز ، تعرضه كچرك و دشمنى (وهرنه ويل) ك اوتله رينه آتمغه
 چاليشه رق فرقه نك اورمانلردن خروجنى تأمين ايدم بيلورزدى . لكن بونك
 ايچون ، استحصال ايدلش اولان معلوماتدن ، محقق بر صورتده دشمنك پك
 دون اولدينى آكلاشلق لازم كلوردى كه . بوراده هيچ بر زمان
 اويله دكلدر . فى الحقيقه ، بر كره . (قولر) ايله (غريزى يهر)
 آرمه سنده كى مسافه يى اولچيكنز . كورورسكز كه ، بومسافه (۵) كيلو
 متره دن زياده برشيدر . وهان همان دشمن قولك درينلكنه مساويدر .
 ايلك مسئله لرده ياييلان حسابلرى تكرار كوزدن كچوررسه كز ، بر دفعه
 (۴) كيلو متره نك (۳) طابور پياده ايله بر بطريه يه ، (۴) بچق كيلو
 متره نك ايسه تقريباً (۴) طابور ايله (۲) بطريه يه مقابل دوشديكنى
 كورورسكز . دشمن قولى ايچون كوسترلش اولان درينلكنه نظراً ،
 آنك (۵ : ۴) طابور پياده و (۲) بطريه طوپ قدر بر قوتى حائر اولديغنى
 تقدير و تخمين ايدم بيلورسكز . اوندن بشقه ، بوفرضيات ، سوارينك
 تقدير اتى ايله ده توافق ايدبور . بناءً عليه دشمن همان سرك اداره كزده
 بولنان پيشداره مساوى بر قوتى حائر دركه ، آنى هيچ دكلسه كرى يه
 پوسكورتمش اوله بيلمه كز ، شهبه ليدر . لكن ، پيشداريكنز ، هيچ
 بر زمان ، قسم كللى به قدر سرايت ايدم جك اولان بر مغلوبيته معروض
 قالمغه مجبور دكلدر . زيرا ، اووقت ، قسم كاى آنچق پك بيوك
 ضايعات ايله اورمان مخرجلرندن چيغه بيلوردى . بناءً عليه ، پيشدار كز

ایچون ، دشمنی متین بر یرده بکلمک ولزوم کورلیدیکی زمان فرقه کندیسنه یاردم ایدم بیلیمک ایچون اوندن [فرقه] دن ممکن اولدینی قدر آوازاق دوشمک اک امین بر یول تشکیل ایدر .

ایشته بوندن آکلاشیلورکه ، میر آلا ی ب .. نک وظیفه سی ، تماماً تدافعی بروظیفه اوله جقدر .

مدافعه موضعی اولوق اوزره پیشدار ایچون آتیده کی موضعلری کوستره بیلورز :

۱ — (آمان ویلر) اوجاقلرندن (ماره نغو) ویا (صولنی) اورمانه قدر ؛

۲ — (آمان ویلر) دن (سن پر یوا) ویا (موتینی — لاغرانش) قدر ؛

۳ — شمالده وجنوبده کی صرتلردن استفاده ایتک شرطیلا (نون وی — شامبه نووا) خطی .. بونلردن بشقه ، برده (ورنه ویل موضعی وار ؛ لکن او ، فرقه دن یک زیاده اوزا قدر . برده شمد کوره جککیز وجهله ، پیشدار نه اورایه واصل اوله بیله جک ، نه د (شامبه نووا) یه قدر کیده بیله جکدر .

اگر دشمن یورویشی هیچ بر تأخره فلان اوغرامز ایسه پیشدار اوجی ساعت (۹،۳۵ + ۰،۴۵) ده یعنی عدد صحیح اوله رة صباحك ساعت (۱۰) نده (ورنه ویل) ك شرق کنارینه واصل اوله بیلور . (قولر) دن (ورنه ویل) ه قدر اولان مسافه کرجلد

تخمیناً $\frac{3}{4}$ کیلومتره قدر برشیدر . ساعت (۱۰) دن (۱۰) ی (۲۰)

کجه یه قدر میر آلا ی ب .. آنحق (۲) کیلومتره قطع ایدم بیله جلد و بناءً علیه (آمان ویلر) ه بیله واصل اوله میه جقدر .

صكره ، (وهرنه ويل) ۶ كيلو متره [كلك ايجون ده اوکا بر ساعتدن زياده زمان لازم اوله جقدر . بناءً عليه اكر مير آلاى ب.. (وهرنه ويل) ه هجوم ايتك فكرنده ايسه، دشمن اوراده يايلمش اولمق ايجون لازم كلان زمانه بول بول مالك اوله جقدر .

ديكر جهتدن ، (قول) دن (شامپه نووا) يه قدر (۷۲) دقيقه ده واريلور ؛ بونك ايجون دشمن اوجى ، مذكور نقطه يه صاح ساعت (۱۰) ى (۴۷) كچه واصل اوله بيلور . مير آلاى ب.. ايسه ، (شامپه نووا) يه قدر (۵) كيلو متره دن آز بر مسافه قطع ايدى جكي ايجون اورايه كندى اوجيله آنجق صباح ساعت (۱۱) ده واصل اوله بيله جكدر . ايكي طابوريله طوبجيسى حاضر بولندرديني آندن اعتباراً پيشدارك غوغا ايدى جك بر حالده بولنديقى فرض ايتسه ك بيله محاربه آنجق بوندن (۲۷) دقيقه صكره باشلايه بيله جكدر . فى الحقيقه :

متره

۴۰۰	پياده اوجندن كرى يه اولان مسافه
۱۰۰	برپياده بلوكى
۴۰۰	كرى يه مسافه
۳۰۰	پيشدار (برنجى طابور دن (۳) بلوك)
۱۱۰	باشى ۱ واستحكام بلوكى
۵۰۰	كرى يه مسافه
	برقاچ سوارى (صايلى دكل)
۴۰۰	۲ نجى طابور
۵۷۰	برنجى طوبجى طابورى (بطريه احتياط لرى اكسيك)
۸۰۰	۳ و ۴ نجى طابور
۳۷۵	۳ بطريه احتياطى
۱۱۰	سيار خسته خانه طاقي

پيشدار
قسم كلى

۲ نجى طابورك آلتنه برچيزكى چكدرك يوقايردن آشاغى يه قدر

اولان رقلری بر جمع ایدرسه کز $\frac{1}{4} \times ۲ = ۰.۵$ متره
 $= ۲۷$ دقیقه بولورسکز .

۸ نجی هوسار آلاینک (۳) بلوکی دشمنه دائر اولان ایلک
 معلوماتی (وه رنه ویل) ک غربنده کی بر نقطه دن کوندریور . بوسواری
 بلوکلرینک ، دشمن یوروشنی جدی بر صورتده یواشلاشمش اولدقلرینی
 فرض ایتمکده حقکز وار .

یالکز بر سواری بلوکی اولدینی ایچون ، دشمن کمال تدبیر ایله
 ایلرولمکه مجبوردر . زیرا ، عددجه فائق اولان سواریکز ، آنک
 استکشافاتی منع و تحدید ایلر . نه قدر آز ماهر اولسه ده ، سواریکز
 یایا جنک ایدرک ، احتمالکه ، اپی بر زمان (وه رنه ویل) ک غرب
 کنارینی الده بولندرمش اوله جقدر .

لکن ، سز ، لازم کلان زمانی قازانه بیله جککزدن امین دکلسکز .
 اگر سواریکز ، دشمنی طوردرمغه موفقیت حاصل ایده مزسه ،
 اوزمان سزک پیاده اوجیکز ، دشمنک اوجنه (شامپه نووا) جهتلرنده
 راست کله جکدر . بوندن ایسه ، سز مدافعه ده قالمق ایستیورکن ،
 اوموله دق بر تصادفی محاربه چیه جقدر .

بو تصادفی محاربه نك نتیجه سی مشکوک بولنه جقدر . فی الحقیقه ،
 (شامپه نووا) موضعنده بیوک بر محذور وارکه او ، (شانترمن)
 اورمانی ایله (شانترمن) کونک شرقدده و (وه رنه ویل) ک شمال
 شرقیسندده کی اورمانلرک چفلکلره پک زیاده یاقلاشمش بولملرندن
 عبارتدر . بو ایسه ، دشمنک بر احاطه حرکتی یایمسنی تسهیل ایدر .
 (موزل) نهرینک صول ساحلنده کی اورمانلر ، حقیقت ، پیاده نك

کچمسنه پک آز الویریشلیدر لر . لکن ، ینه دائما بو کبی مانعلری
کچمکده موفقیت حاصل اولدینی کوریلور (۱۸۹۱۶ آغستوس ۱۸۷۰).
دیگر بر محذور دهاوارکه ، اوده ایجه خاطری صاییلور شیلردندر:
(شامپه نووا) ، (فهو) اورمانندن ابی اوزاق بولنیور . آنک ایچون
فرقه نك ، تام زماننده کندی پیشدارینی محافظه ایده بیللمسی اومولور
شیلردن دکلدر . او یله ایسه ، (شامپه نووا) به قدر کیتمکدن چکینکز!
نی دیکلر سه کز ، (آمان ویلهر) اوجاقلری موضعی ایله (آمان
ویلهر) ک غربنده کی موضعدن بریسی انتخاب ایدیکز . یکنظرده
اوجاقلر موضعی ، تمییه جه فنا بر موضعه بکزه میور . کرچه (صولنی)
اورمانی صول جناحدن بر هجوم اجرانسی تسهیل ایدیور ؛ لکن مثلا
(موتینی) دن حرکت ایدن هاجمین ایلک اوجکه (راپ) اورمانی
[۲۵،۰۰۰ : ۱] مقیاسنده کی خریطه [کچمکه ، بعده (صولنی) اورماننک
ایلک طار پارچه سنده ایلر و لمکه مجبور اوله جقدر . بو اورمان پارچه سنده
ایسه بر چوق صرب یرلر واردر . اوندن بشقه ، اگر محاربه ایدرک
یوریمک لازم کلورسه ، اووجهله حرکت ایتمک ایچون چوق زمان ایستر؛
برده هر نزع ارتباطک غائب اولمسنی انتاج ایلر . اگر بو موضعی انتخاب
ایده جک اولور سه م بن اووقت صول یانم ایله هیچ مشغول اولیه جفم .
زیرا دشمن کندی هجومی یا بمزدن اول ، اغلب احتماله کوره فرقه
واصل اولش بولنه جقدر .

لکن بو موضع ، اورمانلرک مخرجنه پک یقیندر . پیشداریکزک
اوجاقلردن (ماره نفو) نك هر بنه قدر یایلمش اولدینی فرض ایدیکز .
بو اوجاقلر ، یالکز مدافعه مطلقه یه الویریشلی اولدقدن بشقه ، یایلمق
ایچون آنجق اوجاقلر ایله (سن پرئوا) یولی آره سنده کی طار اراضی به

مالك اوله جق اولان فرقه نك هر مانوره سنی ویا هر تعرض حرکتی
تصعیب ایله جکدر . بتون قطعات ، اوجاقلرک شمالنده کی بوغازدن
کچمکه مجبوریت کورمش اوله جقلردر . (۱۰۰۰۰۰۰ : ۱) مقیاسنده کی
خریطه نك طرامه لری (۲۵۰۰۰۰ : ۱) مقیاسنده کی نك منخیلری کبی
سزه اوجاقلر ایله (سن بریوا) آره سنده کی زمین عارضه لرینک جدی
بر مانع ویا سزه تشکیل ایدمه جک صورتده پک اهمیتسز شیلر
اولدقلرینی پک اعلا کوستریور . اگر دشمن (آمان ویلر) ک شمالنده
مثلا (۳۲۲) راقی جوارنده ، تیمور یولی یاننده (۲۵۰۰۰۰ : ۱)
مقیاسنده کی خریظه (بطریقه نظامنه کیره بیلورسه ، اوزمان دشمن
طویخیسی ایله بوغازک مخرجی آره سنده کی مسافه آنجق (۲۵۰۰)
متره قدر بر شی اوله جقدر . بناءً علیه فرقه قسم کلیسنک منتظم
بر صورتده یاییله بیلیمسی غیر قابل اوله جقدر . ایشته بوندن طولانی
اوجاقلر موضعی انتخاب ایتمه مک لازم کلیور .

برده ، (۱۴) نجی فرقه نك حال ووضعی سزک بر آزدها غریبه
بر موضع آلکری ایجاب ایلدیکنه بر دقت ایدیکنز . بیلورسکنزکه ،
بو فرقه آنجق آقشامک ساعت برنده (مولن - له میچ) ه واصل
اوله بیله جکدر . بناءً علیه مذکور فرقه ساعت (۲) دن اول (یووان
دوژور) تپه لرنده (۵ کیلومتره) بولنه میه جقدر . لکن ، سواریکز ،
قوتلی بر دشمن قولنک (مارس لاطور) دن کچرک (وی یون ویل)
اوزرینه یورودیکنی سزه خبر ویردی . بو قولک باش طرفی نره ده
بولندیفی هنوز محقق بر صورتده بیلنمیور . لکن سز اگر دشمنک
آنجق صبا . ساعت (۹) ی (۳۵) کچه (مارس لاطور) دن حرکت
ایلمش اولدیغی بر فرض ایدرسه کنز ، اوزمان مذکور قول اوکلنه

طوغری (پووان - دوزور) ۰ [۱۳۰۵ کیلومتره] یتیشه بیله جکدره .
[بوده آنک (مچ) اوزرینه یوروشنه دوام ایلیدیکنی قبول ایتمکله .
اولورکه ، بونده هیچ برشبهه من یوقدر] .

مذکور دشمن قولى بوتپه لری طوتدینی حالده ، (موزهل) ،
وادیسنگ برخیلی یقوشلرینی چیمغه مجبور اولان (۱۴) نجی فرقه یی
بك زیاده تضییق ایده بیله جکدر .

دشمن ، هیچ شبهه یوق ، کندی سواریسى واسطه سیله بوفرقه نك
یوروشندن خبر آله جقدر . اوندن بشقه بو حوادثی اهلیدن بیله
اوکره جکدر ، زیرا کنیدی دوست مملکتده بولنیور . بناءً علیه ،
اگر دشمن قولى کندی قومشوسنك (ودرنه ویل) ایله (آمان ویلهر)
آره سنده جدی بر دشمن ایله غوغایه کیریشیدیکنی خبر آلورسه ،
(مانس) دره سنی آتلامزدن و کندی صول یاتی برهجوم تهلکه سنه
معروض بولندیره جق وجهله (پووان دوزور) ده بر موضع آلمزدن .
اول بر کره وقوعاته انتظار ایلیه جکدر .

اوندن بشقه دشمن ، کندی مملکتده حرکت اییدیکی ایچون
بزم (هـ - وقونقور) ده (موزهل) نهرینی کچمش اولدیغمزی البت
بیلیور . اکر هر مأمولك عکسنه اوله رق دشمنك جنوب قولى ، کندی
قومشوسنی قوتلرینك قسم کلیسی ویا بر قسمی ایله حمایه ایده جك
اولورسه (۱۴) نجی فرقه ایچون نه اعلا ! اوله ایسه وضعیت عمومیه یه
نظراً . میر آلاى ب . . (آمان ویلهر) ك غربنده یرلشمکه واورادن
آیرلامغه مجبوردر . مومی ایله بو وجهله (پووان - دوزور) موضعك
یانه دوشمش بولنیور دیمکدر .

میر آلاى ب . . (قولر) دن اعتباراً هنوز دشمنك یوروش ترتیباتی

بیلمدیکی کبی آنک هجوم ایدوب ایتیمه جکئی ده . بیله مدیکندن (آمان ویلهر)ك
غربنده بر اجتماع نظامنه کیره جکدر . خریطه یه ایوجه برکوز
کزدیرر سه کز ، بو اجتماع نظامی ایچون انتخاب ایدیله جک اولان
نقطه یی پک اعلا بولورسکزر .

دشمن ، (آمان ویلهر) ده جدی قوتلرک بولندیغنه دائر معلومات
آلدیغندن ، (ورنه ویل) - (آمان ویلهر) یولنی کندی تعرضی
ایچون بر محور الحركات اتخاذ ایتسنه و بووجهله برجهه هجومیله اکتفا
ایلمسنه پک آز احتمال ویریله بیلور . بو یول ، ذاتاً منحنط اولدینی
کبی (آمان ویلهر) ك جنوب غربیسنده کی (۳۳۱) راقلی صرته
[۱ : ۲۵۰۰۰۰ قیاسنده کی خریطه ده ۱ : ۳۳۰۰۰] و برآز ده
شرقه کی اراضی یه محکوم بولنیور . آکلاشیلدیغنه کوره ، دشمنک
جهه هجومی کرک جنوبدن و کرک شمالدن اجرا ایدلمش اولان بر احاطه
حرکتیله ترکیب اولنه جقدر .

برنجی حالدده ، دشمن مانوره سی (ورنه ویل) ك شمال شرقیسنده کی
اورمان پارچه لری ایله (ورنه ویل) شمندوفرینک جنوبنده کی کوچک
کوچک اورمانلر ایله تسهیل ایدلمش بولنه جقدر . مع هذا ، (آمان ویلهر) ك
(۶۰۰) متره غربنده کی تپه ده یرلشهرک بو اورمانلر آره سنده کی آچیق
ارضی یی دوکک پک اعلا تمکندر . بناءً علیه میر آلا ی ب ..
(آمان ویلهر) دن (هابون ویل) ه کیدن یول اوزرینه یرلشهرک
دیدیکمز یری ده اشغال ایله جکدر .

اگر دشمن جنوبدن بر احاطه هجومی یایمق ایستیه جک اولورسه
اغلب احتمالاً کوره (نهن وی) چفلکی اوزرینه یوریمکه راضی اولیه جقدره
چونکه صوکنده پک جدی ضایعاته اوغرامش بولنمق تهاسکسنه

دوشه جکدر . بناءً عليه ، دیدیکمز کبی یا یقندن ایسه ، (فولی)
جهتده کی زمین عارضه سندن بالاستفاده ، چفلکك شمال غریب سنده کی
(۳۴۰) راقلی تبیهی ضبط ایده بیلک ایچون (شاترن) دن
کچرک بر طولاشمه حرکتی اجرا ایده جکدر .

شو حالده . میرآلای ب.. نك مدافعه موضعی ۳۳۱ راقندن
(موتینی لاغرانش) شاتوسنه قدر [بوشاتوده داخل اولق اوزره]
امتداد ایله جکدر . بوموضع ایسه ، مدافعه ایچون حیرته شایان
برقابلیتی حائزدر . دشمنك بوصوك استقامتی قبول ایتمش اولسی پك
مأمولدر . چونکه اوسایه ده دشمن ، (وی یون ویل) دن کچن جنوب
قولی یعنی اصل قول ایله ارتباطده قالمش اوله جقدر . میرآلای
بشقه هیچ برشی ایستمه ملی ، یالکمز بوجهته خصمنی بکلمکله قناعت
ایتملدر . زیرا (موتینی) شاتوسی کندی صول جناحی ایچون اعلادن
اعلایه بر نقطه استناد تشکیل ایدر . اگر بالتصادف میرآلای ب . .
شمالده کی موضعی طومغه مجبورت کورمش اولسه ایدی ، اوزمان
احتمال که حددن آشوری اوزامق احتیاجنه دوشمش بولنه جقدی .
بناءً عليه سزك ایچون ایکی موضعدن هر هانکی بریسی اوزرینه
اولورسه اولسون اورایه چار چابوق کیدیه بیله جك صورتده بر نقطه
اجتماع انتخاب ایلمك لازم کلور :

ایشته ونقطه ؛ (آمان ویله ر) ک غرب مخر جیدر . اوراده قطعات عسکریه کز
ایلریده کی صرت ایله ده پك اعلا ستر ایدلمش اوله جقدر . سز یاده کزک
اک بیوک بر قسمنی ایشته اوراده جمع ایده جکسکز . یاشداریکز
۴۰۶۵ متره ک یعنی عدد صحیح اوله رق (۴) کیلومتره ک بر قول
تشکیل ایستدیکندن و برده (۳) کیلومتره ک بر مسافه ده (هپسی

۴ + ۳ = ۷) قطع ایتکه مجبور اولدیغندن بو نقطه ده ساعت (۱۱) ی (۲۰) کچه اجتماع ایتمش اوله بيله جکدر .

شمدی بر کرده ده (۲۵۰۰۰۰:۱) مقیاسنده کی خریطه یی آلیکزه کچن شیرلی اورایه تطبیق ایدیکز . سز بو وجهله محاکماتک ترک طوغریلغی کوره جک و بعض تفرعاتک قیمتتیه دها ایی آکلایه جقسکز . پیشدار قوماندانی ، حاضرلق نظامنه کیرمک ایچون لازم کلان ترتیباتی شمیدین دها تعین ایتکه مجبور دکدر . اک ایوسی برکره طوتیسه جق اراضی یی طانیق و صکره اوکا کوره امرلر ویرمکدر . مادامکه ، عجله ایتکه بر احتیاج فلان یوقدر ، اوله ایسه عسکرک کانه یی یوروشنه دوام ایتلیدر .

وظیفه یی اک زیاده کسب اهیت ایتک اوزره اولان سواری یه و یله جک امره کلنجه او خصوصده بشقه درلو حرکت ایدیه جکدر . اوچ سواری بلوکی مضاعف بر وظیفه تعقیب ایلیه جکدر . یعنی دشمنک یوروشنی تأخیر ایتک و میرآلای ب .. ایکی موضعدن بریسنی تام زماننده اشغال ایده بیلیمک ایچون وقیله خصمک هجوم ترتیباتی اوزرینه معلومات ایدنمکدر .

دشمنی کجیکدیرمک ایچون اک ابو واسطه ، آنی (وهرنه ویل) ک غرب کناری اوزرنده قاراینه آتشنه طوتمقدرد . چونکه او ، بوندن طولانی پیاده سنی یا یمغه مجبور اوله جقدر . کذلک سواری هجوملری ایله ده خصمک یوروشنی تأخیر ایتک نمکندر ، لکن بو اصول بری طرف ایچون پک بهالی دوشر و موجب اولدینی نتایج ، ایدیلان فداکارلق ایله نسبت ایدیه میه جک صورتده کوچک اولور . بر سواری هجومی ، موفقیت حاصل ایتدیکی زمان بيله دشمن پیاده سنی چوق زمان تأخیر

ایده مز ، چونکہ اونک امتدادی حد ذاتندہ یک قیصہ برشیدر .
 خریطہ یہ نظر آ ، ای مستور محللر اولق اوزرہ ، سز یالکنز
 شاتونک حولی دیوارلرینی دکل ، بالعکس (وہرنہ ویل)ک غرب کنارندہ
 سائر برطام قسملر دہا بولہ جقسکز . اوکندہ کی قطعاً تک جنسیلہ
 قوتنہ دائر خصمی محقق بر صورتہ آلداتہ بیلہ جککز دن امین دکلسکز .
 سواری قوماندانکزک کندیسہ شہسز ، (وہرنہ ویل)ک دشمن
 یوروشنی تأخیر ایتمکہ الویریشلی اولدیننی آ کلابہ جقدر . مع هذا ،
 اورایہ یک حقوق دہ اہمیت ویرمہ مایسکز . وبالخاصہ امریکز .
 (وہرنہ ویل) دہ امتدادی آز بر محاربہ نک اجرائی لازم کلدیکنی
 سویلملیدر . اگر سواری قوماندانیکز ، سزک فکریکزی آ کلامش
 وسزک امرلریکزدن اول او خصوصہ امرلر ویرمش ایسہ ، سزینہ
 او مادہ دن بحث ایدہ جکسکز ؛ لکن بو سواری قوماندانک جانی
 صیقمق ایچون دکل ، بالعکس ، آیاقدہ جنک ایچہ سورمیہ جکنی
 بیلمسی ایچون سویلنہ چکدر . دشمن عددجہ فائق قوتلر یایدیننی آندن
 اعتباراً سواری آیاقدہ جنک ایتمکدن فارغ اولہ جقدر . زیرا ، سواری
 بلوکلرینی جدی ضایعاتہ اوغراتمش اولمفلہ او ، ہیچ بر زمان قوماندہ
 ہیئتک کوزینہ کیرہ مز .

فرصت کلش ایکن رجا ایدرم ، سواری تعلیمنامہ سندہ آیاقدہ
 جنکہ عائد اولان بجنی بر کرہ دہا کوزدن کچوریکز .
 شمعیکی حالہ ، بلوکلردن بریسی ، آتلی احتیاط اولق اوزرہ ،
 کریدہ قالہ جقدر . بو بلوک ، دشمنک یوروشنی کوزتمکہ وبالخاصہ
 یانلرینی نظر دقتدہ بولندیرمغہ دوام ایدہ جکدر . زیرا ، (وہرنہ ویل)ک
 شمال غربی وجنوب غربی جہتلرنندہ کی اورمان پارچہ لری ، کوی

علیه یابیله جق ناکهان بر هجومی تسهیل ایده بیلدکرندن طولای ،
 دائمی بر ترصد آلتند قالمغه محتاجدرلر . مذکور سواری بلوکی
 یالکز کشف قوللری چیقارمقلا کتفا ایتک دکل ، دشمن کشافلرینی
 پیاده سی اوزرینه آتیه بیلکم ایچون طاقلر بیه افراز ایلیه جکدر .
 دیگر ایکی سواری بلوکی آیاقده جنک ایده جکارددر .

یره اینسلرک بارکیلری ، آوجیلرک یقیننده ، لکن هیچ بریسی
 ایلریده کی یوکسک نقطه لردن کورلمش اوله میه جق وجهله کوی ایچنده
 محفوظ و مستور بولنه جقلرددر .

آیاقده جنک ایدن بر سواری بلوکی ایشته شو یولده قسملره آریلور :
 سواریلرک یاریسی ، یدک بارکیلری طوتارلر . بونستی آزالتمق یالکز
 مستتا حالر ده اوله بیلور . زیرا ، یدک بارکیلرک متحرک کلکی تأمین
 ایلمک صورت عمومیه ده بیوک برتدیرددر . بلوکل دیگر یاریسندن ایسه
 ایکی آوجی طاقی تشکیلی ایدیلور . بناءً علیه ، (وهرنه ویل) ک غرب
 کناری یایا جنک ایدن درت طاقم ایله مدافعه ایدلمش اوله جقدر .

مختلف سبیلردن طولای بر سواری بلوکنک موجودی هیچ بر زمان
 (۱۲۰) نفری آشمز . بناءً علیه هر سواری بلوکی بوراده (۶۰) ر
 آوجی تفریق ایده بیلور که هپسی ۱۲۰ آوجی ایدر . بو آوجیلر در حال
 کوک کنارینی طوته جقلر واستناد قدمه لری ، فلان ، اولیه جقدر .
 اگر یدک حیوانلرک متحرک کلکی تأمین ایلمک فکرندن صرف نظر
 ایدیلور سه اوزمان سواری تعلیم نامه سنده دینلیدیکی وجهله حرکت
 اوله هرق آتش خطنک کثافتی تزئید اوله بیلور .

(وهرنه ویل) ک تام زمانده تخلیه ایدلمش اولمسنه نظارت ایتک
 خصوصی سواری قوماندانه عاقددر .

مومی الیه بو ایشک سوکنده ، آرتق یالکز وظیفه سنک ایکنجی قسمی یعنی دشمنک محاربه ترتیباتی تعیین ایتمک خصوصی دوشونه جکدر . و بو باده کی استکشافاتی ، دشمنک آتی منع ایلمک ایچون اخذ ایلدیکی تدابیرمه نظر آیو ، فنا بر نتیجه ویره جکدر . هر حالده ، (شامپه نووا) و (آنوکس - لاغرائش) آره سننده کی اراضی ایله (شامپه نووا) و (ماله زون) آره سننده کی اراضی ثابت کشف ایله تحت ترصده آله رق در حال دشمنک ، یورودیکی یولک شمالیه می یوقسه جنوبیه می عسکر چیقاردیغنی اوکرنمکه چالیشیله جقدر .

برده میر آلا ی ب.. ایچون ، (غرا و لوت) دن (وئ یون ویل) کیدن بیوک یول اوزرنده نهلر اولور . نهلر بیتر اوراسنی بیامکده لازمدر .

ایلمک دفعه سزه حاضرلق موضعلرندن بحث ایلمش اولدیغ زمان بوقیل بر موضعک ایلیسینده یاسوارینک وظیفه سی ایکی یولده اجرا ایدیله بیله جکنی کوسترمش ایدم : سواری بلوکلری دشمنک مختلف یوروش یوللری اوزرینه ایلری یه کوندریلور لرکه بوسوارینک انقسامنی موجب اولور ، و یا خود سواری بریده طوبلی بولنه رق یالکز دشمن طرفندن تعقیب ایدیلان یوللر اوزرینه ثابت ویا متحرک برطاقم کشف قوللری کونددر . بوشمیدیکی مسئله ده سواری قوماندانی نصل ایسترسه او یله یاه جقدر . پیشدار قوماندانی . امری ویره جکی ائشاده ده سواریسنی قوللار ائق ایچون ک ایو اصول هانکیسی اوله جقنی بیله میه جکدر . بالعکس سوارینک وظیفه سی یالکز صورت عمومیه ده سویلیه جکدر . بناءً علیه بوراده اینجه دن اینجه یه تفصیلات اجرائییه کیریشمک ویا سواری یه (وئ نه ویل) ی بوشالته دن صکره نره یه کیتمک لازم کله جکنی سویلمک

بر خطا اولوردی . بالعکس، سواری قوماندانه پیشدارك فلان ویا فلان ساعتده، فلان ویا فلان محلهده بر حاضرلق ترتیبائی آلدیغنه و بناءً علیه راپورلرینی زمه یه کوندرمه جکندۀ اثر معلومات ویریله جکدر . (غرا و ملوت) یولی اوزرینه بر ضابط کشف قولی کوندرمک خصوصنه کلنجه ، آئی مطلق امرده ذکر ایتک لازم کلورکه ، سواری قوماندائی اورایه هر هانکی بر فکر دن طولای بر ویا بر قاچ طاقم کوندرمه مجبور اولدیغنی ظن ایتسون .

اوندن بشقه (۱۴) نجی فرقه ایله ارتباطی تأمین ایتک ایچونده سواریکزه امر ویریکزه . اگر امریکزده اوئی ذکر ایتکدن صرف نظر ایدرسه کز ، ترتیبات متخذۀ نک اسبابی سویلیه جککزه زمان ، بو خصوصده لازم کلان امرلری ده (موزل) وادیسنی ترک ایتزدن اول ویرمش اولدیغکزی بیان ایدیکز .

سواری یه کوندریله جک امر ده ایلک راپور کلدیکی آندن اعتباراً و ممکن اولدیغی قدر سرعت ایله کوندریله جکدرکه ، بو امر سواری یه (ورنه ویل) ی جکمز دن اول واصل اوله بیلسون . دیدیکمز امر بر خبرنامه اوزرینه یازیله رق بر امر ضابطی واسطه سیله کوتوریله جک ویا بو ضابط مذکور امری جیب دفترینه نوطه ایدمه جکدر . اودرجه مهم اولان بر امر اصلاً شفاهاً تبلیغ ایدلمه ملیدر . و بو وظیفه ، کندی قوماندانک فکر و مرامنه واقف اولان بر ضابط ایله یعنی بر ارکان حرب ایله کوندریله جکدر . اوندن بشقه بو ارکان حرب ضابطی سواری قوماندائی پیشدارك وضعیت عمومیه سندن ، فرقه نک کجیکمسی اسبابندن، قوماندایه یئتک فکر و مرامندن ده آگاه ایدمه جکدر . و کری یه دو تنجه مومی ایله ، سواری ایله برلکده اولدیغی

زمان کوردیکی شیلری پیشدار قوماندانه بیلدیره جکدر . قطعات
عسکریه امر کوتورمکه مأمور اولان ارکان حرب ضابطلری
حین حاجتده کوتوردکلری امرلری شرح ایتمکه وعودت ایتدکلری
زمان ایسه ، یانلرنده بولندقلری مادونلرک راپورلرینی اکال ایتمکه
مقتدردرلر .

برقرار ویرمک وامرینی یازدرمق ایچون پیشدار قوماندانه
(۵) دقیقهلق برزمان لازمکلدیکنی ومذکور امری کوتورمکه مأمور
ضابطک ساعتده (۳) کیلومتره یول آلدیغنی قبول ایدر ایسهک
حالا (وهرنهویل)ک غریبنده یعنی (آمانویلهر) اوجاقلرندن (۷)
کیلومتره اوزاقده فرض اولسان سواری امری (۲۱) دقیقهصکره
آلهجقدرکه اووقت صباح ساعت (۱۰) ی (۲۶) دقیقه کچور
دیمکدر .

ایشته امریکز شویله یازیله جقدر :

آمان ویلەر اوجاقلری

۱-۹-۹۱ ۱۰۰۵ کی

۱ — پشدار ، (آمان ویلەر) ك همان
غربنده بر حاضرلق موضعی اشغال
ایده جکدر . پیاده اوجی بورایه صباح
ساعت (۱۰) ی (۳۵) کچه واصل
اوله جقدر .

۲ — (۸) نجی هوسار آلائی، جدی
ضایعاته اوغرامقدن چکینمک شرطیله ،
(وهرنه ویل) ی آیاقدنه جنك ایله مدافعه
ایدرك دشمنك یورویشنی تأخیر ایده جکدر .
اوندن بشقه مذکور آلائی (آنوکس -
لاغرانش) ، (بانیو) و (مال مهزون)
استقامتلینه کشف قولاری کوندره جکدر .
بر ضابط کشف قولی ده (غراوه لوت) ایله
(وی یون ویل) دن کچن یولی ترصد
ایلیه جکدر . آلائی ، (۱۴) نجی پیاده
فرقه سیله اولان ارتباطی تأمین ایده جکدر .
۳ — بئم اینچون راپورلر ، (آمان ویلەر) ك
جنوب غریبسنده (۳۲۱) راقلی محله
کوندریله جکدر .

میر آلائی

ب . .

بر اصر ضابطی ایله وتحریراً
کوندرلشدر .

سواری به بویه بر امرک کوندرلمش اولسلیه پیشدار قوماندان
وظیفه سی بیتمش دیمک دکدر . البت خاطر کزده قالمشدرکه .
اجرا اولنه جق وظیفه لری سویلدیکم زمان : « پیشدار قوماندان
یا به جق ! .. » دیه بر سؤال ایراد ایلمش ایدم . بن بونکله ، دوشونیه
بر چوق شیلریکنز اولدیغنی سزه آکلا تمق ایستمش ایدم . میرآ
ب .. دشمنه راست کلش اولدیغنه دائر یالکنز فرقه قومانداننه ،
(۱۴) نجی فرقه ایله برابر یورون قول اردو قومانداننه ده
ویره جکدر .

بوکجی برخبر ، حتی احوال و زمانک تأثیر یله اهمیتسز بر حوا
عبارت اولسه بیله آنی ینه ایکی قولک ایکسینه ده بیلدی
لازمدر . چونکه هنوز کندیسی حقنده ایجه معلومات آله .
اولان بر دشمن ایله ایلک تصادفدن بحث اولنیورکه ، شو
قوماندانلرجه بیانمی طبیعی لازمدر . حتی شویله بر معلومات
اولدقلرندن طولانی او قوماندانلرک بر « اوح ! شکرلر اولسون
دیه جکلرینه امین اولیکز .

استکشانه کوندرلمش اولان بر ضابط ویا کوچک ضا
بر کشاف قوماندانی ، منسوب اولدقلری قطعه عسکریه قوما
وضعیت ایله دشمنه دائر فنامعلومات ویرلدیکی حالده مومی
قطعات عسکریه یی ایوجه سوق و اداره ایدمه میه جکنی اصلا خا
چیقار ماملیدرلر . راپورلری یازمق و کوندرلمک خصوصنده ا
بری نه قدر کوزل شیلر سویلنمش و یازلمشدر ! مع هذا ، ین
صلحده یاییلان مانوره لرده نظریاتدن تطبیقاته کچمک نه قدر
اولدیغنی پک اءلا آکلا یوروز . راپور یازان آدمک رتبه سی

بوك ايسه ، وضعت حقده آنك ويره جكي خبرلر ده اوقدرامين
 آچيق اولميدرلر . بر راپور كوندرن ضابط ، هر يازديغي وهر
 يديكي شيدن يالكنز كنديسى مسئولدر . بوضابط ، ويرديكي خبرلر
 نبغى سويلمكه واكلر ايجه بيوك رتبه لى بر ضابط ايسه ، آبروجه
 وله رق ، وضعت ايله نه وجهله حركت ايده جكنه دائر اولان
 لاحظاتي ابراز ايتمه مجبوردر . بو مطلق لازمدر؛ چونكه اصل
 وماندان اولان ذات اوسايده كندى مقاصدينى تصديق واثبات
 يتديره جكي كې ، مذكور مقاصدى يكي امرلر ايله تعديل واصلح
 يتديره جك وينه او مقاصدى تأمين ايچون لازم كلان ترتيباتى اخذ
 يتمش بولنه جقدر .

اويله ايسه ، بوراده سوارينك راپورلرى برسفرده آرزو ايديله-
 يله جك قدر مكمل وقطعيدر ، لكن اونلر بيوك برقصورى واركه
 وده وضعت عموميه اوزرينه لازم كلن تقدير اتدن خالى اولدقلرى
 كې ، اونلرى كوندرن ذاتلر افكار و مرامنى ده جامع دكلدرلر .
 پيشدار قوماندانى طرفدن كوندريلن امر ك كيده جكي يره وارمق
 ايچون (۲۱) دقيقه لك بر زمانه محتاج اولمى ده آريجه تأسف ايديله-
 برشيدر . مير آلاى ب.. ايچون راپورينى كوندر دكلن صكره سوارى
 قوماندانك نه يابه بيلمش اولديغى بيلمك پك لازم ايدى .

سواريسى طرفدن تدارك اولنان معلوماته استناداً مير آلاى ب..
 (وهرنه ويل) اوزرينه يوروين دشمن قطعات عسكريه سنك قوتى ،
 يول قولنك تركينى وبوقولك باش طرف ايله نهايت طرفنك بولندينى
 نقطه لرى بيلديره جكلدر .

فرقه قوماندانی بوندن بشقه ، (یارنی) یولی اوزرنده دشمن کورلمش اولدیغنی بیللمکه محتاجدر . چونکه اوسایه ده شمذیلک کورلمش اولان دشمن قطعاتنک یالکز ، کندی پیشداری اوکند کیلردن عبارت اولدیغنه اطمئنان حاصل ایدر .

کذلک ، قوتی غیر معین بر دشمن قولک (مارس لاطور) دز کلکده اولدیغنی فرقه قوماندانه خبر ویرملیدر . زیرا ، بو معلومات (۱۳) نجی فرقه به ، (۱۴) نجی فرقه (موزل) وادیسی یقوشلریخ چیقجهنی ائناده آنک شو حرکتی تسهیله مجبور اولدیغنی آکلاتمشر بولنه جقدر .

ایشته کورپورسکزکه . میر آلا ی ب . نک کوندره جکی راپور ایلک اوکجه (۸) نجی سواری آلاینک کوندرمش اولدیغنی راپورینو عیناً حاوی اوله جقدر . بعده میر آلا یک بر حاضرلق موضعی طومتغا اولان قرارندن وبوموضعک نیچون (آمان ویلدر) ک غریبنده انتخاب ایدلمش اولمسندن بحث ایده جکدر . برده ، فرقه قوماندانی (آمان ویلدر) واصل اولوبده محاربه نک سوق واداره سنی کندی اوزرینه آله جنی زمان اولجه سواری طرفندن اخذ ایدلمش بولان استکشاف ترتیباتو آکلامش اولق ایچون سواری به حواله ایدیلن وظیفه ده راپورد ذکر ایدیله جکدر . اوندن بشقه ، دیگر بر راپورک قول اردو قوماندانه کوندرلدیکی ده اشبو راپوره یازیله جقدر .

بوآندن اعتباراً پیشدار ، آرتق فرقه قسم کلیسی و قول اردو قوماندانی (۱۴ نجی فرقه) ایله اولان ارتباطی اصلاً غائب ایتمه جکدر . اکر سز بو خصوصی امر آتلیلری ایله تأمین ایتمک ایسترسه کز مذکور آتلیلر اوزون یول قطع ایتمه مجبور اوله جقلردر . زمان

قازانمق وقوت تصرف ايتمك ايچون (محاربه مخابره پوسته لرى)
تأسيس ايتملىسكز . بو نقطه نظردن (فەو) (هوقونقور) ايله ،
(لورى) ايسه (مچ) ايله ارتباط حاصل ايدە بيلور .

دها صكره ، (لورى) مخابره پوسته سنى (شاتەل سەن ژەرمەن)
نقل ايتمك و (فەو) پوسته سنى قالديرمق لازىمى دكلى بوراسنى سزە
وقوعات كوسترە جكدرد . بناءً عليه ، (فەو) دە بر محاربه پوسته سى
تأسيس ايدلمش بولنديغنى فرقه يە بيلديرملى كە ، فرقه اوندن استفادە .
ايتسون . يوللر اى اولديغى زمان سوارى مخابره پوسته لرى يرينە
(ولوسپيت) سوارلرى قوللانمق پك اعلا ممكندرد . بو شمديكى
مسئله معلومات نقلى خصوصندە (ولوسپيت) سوارلرك نە قدر مهم
بر خدمت كوردكلرينى سزە كوسترمك ايچون ترتيب اولمشدرد .
پيشدارك ايلك راپورى بو وجهە يازلمش اولە جقدرد :

راپور (نومرو - ۱)

فرقہ قوماندانی (ب ..) یہ ..

آئیدہ کی راپور (۸) نجی ہوسار آلابندن کلشدر :

« بردشمن قوی (سن - مارسہل) دن کچیور. قوتی (۴:۵) طاہور پیادہ (۲) بطریہ ویالکنز برسواری بلوکی اولہرق تخمین ایدلشدر. صباح ساعت (۹) ی (۳۵) کچہ دشمنک پیشدار باشی (قولر) دن (وہرنہ ویل) اوزرینہ یوریمکہ باشلادی. دشمن قولنک قول نہایتی (غریزی بر) دہ در.

برنجیستندن دہا قوتلی اولان ایکنجی برقول، (مارس لاطور) دن کچہ رک (وی یون ویل) اوزرینہ ایلرولمکدہ در. (دوتقور - آن - یارینزی) یولی اوزرندہ (یاری) دہ دشمن کورلمدی. »

(۸) نجی ہوسار آلابنہ آیاقدہ جنک ایدرک دشمنی (وہرنہ ویل) دہ طور درمسنی امر ایتدم. (آمان ویلہر) ک همان غربندہ برحاضرلق موضعی آلہ جنم. صباح ساعت (۱۰) ی (۳۵) کچہ قول باشیم اورایہ واصل اولہ جقدر. (آمان ویلہر) اوجاقلری باندہ طور مق ایستمدم؛ چونکہ اونلر اورمانلرک مخرجنہ پک یقیندر. (آمان ویلہر) ک غربندہ دشمنہ مقاومت ایدہ جکم. (آنوکس - لاغراش) ، (بانسو) ، (مال مہزون) و (غراولوت - وی یون ویل) استقامت لرینی کوزہ تہ جکم. (فہو) دہ بر محاربہ مخابرہ پوستہ سی تأسیس ایدیورم. بوکا دائر (۱۴) نجی فرقہ ایلہ برلکدہ حرکت ایدن قول اردو قوماندانہ دہ معلومات ویریورم.

میر آلالی

ب ..

راپورك كوندردليكي ساعت ظرف اوزرينه اشعار ايديله جكدرد .
 + + + اشارتي امرى كوتورن نفره اعظمى برپورويش ايله
 يوريه جكنى كوسترمه جكدرد . مذكور نفره آتیده كى استقامت
 ويريله جكدرد . (فهو) - (سه مه قور) - (مه زى يرله مچ) - (هو
 قونقور) . فرقه قوماندانى بوسوك موقعه در . بوراپورك اهميتندن
 طولايى ، بوراده آنى يالكز عادى برنفرله كوندرمىك ابي دككدر .
 بالعكس ياننده برنفر اولدينى حالده كوچك برضايط ايله كوندرمىلدر .
 اوسايه ده ، شايد فرقه قوماندانى (هوقونقور) ده اولسه بيله راپورك
 كنديسنه واره جغه امنيت حاصل ايديله بيلور . بودرجه مهم برراپور
 يالكز برنفر ايله كوندردليكي زمان آنك كيدم جى يره اصلا كيتمه مى
 وياخود كيتسه بيله كچ وقت كيتمى ايچون يالكز باركرك باشنه برقضا
 كلك كافيدرد . بوراده مختلف يوللردن كچمك اوزره عيني راپورك
 برقاچ نسخه سنى كوندرمىكه حاجت يوقدر .

قول اردو قوماندانسه كوندردلش اولان راپورك ايلك ياريسى
 هوسار آلايندن كلن راپورك عييدرد . ايكنجى ياريسى ايسه ايشته
 بوججهله يازلمشدر :

« پيشدار (آمان ويله ر)ك غربنده دشمنه مقاومت ايدم جك و(آنوكس-
 لاغرانش) . (بانو) ، (مال مه زون) و(وى يون ويل) استقامتلىخى كوزمه-
 جكدرد . فرقه قسم كليسنك يورويشى (۲) ساعت قدر برتأخره اوغرادى .
 (لورى - له مچ) ده بر(محاربه مخابره پوسته سى) يرلشد يريله جكدرد . »

بوتريياتك اوزون اوزادى يه اسبابى ذكر ايتمكه حاجت يوقدر
 ظن ايدرم . بوراپورده اوته كينك نقل ايدليكي وجهله نقل اولنه جقدرد .
 شو وظيفه يى ده اكال ايتدكدن سكركه ، ميرآلاى ب.. امرلرني

ویرمزدن اول ، برکرمه افقی نظردن کچورمش اولقی ایچون معیت ارکانی ایله وکال سرعتله (آمان ویله ر) ک جنوب غریبسنده کی (۳۳۱) راقلی تپیه کیدر . مومی الیه ، حاضرلق موضعنک اشغالنه دائر لازم کلن تعلیماتی ویرمک ایچون طوغریدن طوغری یه مادونلری اولان ذواتی اورایه چاغرر . بووجهله ، ایضاح اولغسی لازم کلن نقطه لر هرکسک اوکنده بربرر سویانلمش اولور .

بو آدملق ، میر آلا ی ب . . سوارسی طرفندن کوندرلمش اولان ایکنجی راپوری آلور . بومعلومات ، مومی الیه ک فکر وقرارنده هیچ بر تبدل وقوعه کتورمز . چونکه یالکز برشیئی کوستیریورکه اوده پیشدار قومانداننک تخمینلرینک تحققی اتمسی خصوصندن عبارتدر . سواریمزک تفوقندن طولای دشمنک یوروشی ایجه بیوک بر تأخره اوغرادلمش بولنیور . بر وجهله که حاضرلق موضعی آرتق هیچ برمانع فلان اولقسزین طوتیله بیلور . وضعیت هنوز تمامیه بللی اوله مامشدر ؛ بناءً علیه قطعی بر صورتده موضع آلمق ایچون هنوز وقت کلامش دیمکدر . ایکنجی راپورک فرقه قوماندانه مطلق کوندرلمسی لازم دکدر . چونکه اوکایی برشی اوکره تهجک دکلدده ، اونک ایچون . . مع هذا ، مذکور راپورده مومی الیه کوندرلمسه فنا اولمز صانورم . زیرا ، فرقه قوماندانی اوسایده ، پیشدارک ، برنجی راپورده اشعار ایدلایکینه کوره (آمان ویله ر) ک غریبنده دشمندن هیچ بر تضییق فلان کورمیه رک حاضرلق موضعنه کیره جکنی آکلایه . جقدر . بالعکس ، قول اردو قوماندانه یکی بر راپور کوندرمکه هیچ لزوم یوقدر .

ایشته فرقه یه کوندرلمش اولان ایکنجی راپور شوندن عبارتدر :

۱۳ نجی پیاده فرقہ سی (آمان ویلہر) لک جنوب غریبستدہ (۳۳۱) راقملی تپہ
پیشدار ۱ - ۹ - ۹۱ - ۴۰ - ۱۰۵ کو

راپور (نومرو — ۲)

فرقہ قوماندانی (ب ..) یہ ..

آئیدہ کی معلومات (۸) نجی ہوسار آلایندن کلشدر :

«دشمن (وہرنہ ویل) ہ طوغری اولان یوروشندہ پک آز ایلرولیه بیلمشدر۔
ضعیف بر آوجی خطی صباح ساعت (۱۰) ی (۲۵) کچہ (قولر) ایلہ (وہرنہ ویل)
آرہ سندنہ کی یولک همان اورتہ سندنہ کائن اولان اورمان پارچہ سنی اشغال
یلدی .»

شو اثنادہ بنم پیشدار باشیم (آمان ویلہر) دن چیمق اوزرہ در .

میر آلائی

ب ..

بوراپور غادی بر امر آتلیسی ایله کوندریله جک و بو آتلی (فو) قدر کیده جکدر. چونکه اورادن اعتباراً راپور آرتق مخبره پوسته سی نفر لردن بریسیله کوتوریه جکدر. دیدیکمز راپور کوندردلکدن صکره پیشدار قسم کلیسی (آمان ویله ر) ی تجاوز ایتدیکی آنده ، هر کس نه یاه جغنی بیلمش اولق ایچون حاضرلق موضعنک اشغالنه دأثر بر امر ویریه جکدر .

بووجهله ، باخصوص ایلری سورلمسی محتمل اولان اقسام عسکریه نک ایشنه یارایه جق بر زمان قازانیله جقدر. زیرا ، امر ویرلمش اولمزدن اول ساعت (۱۰) ی (۴۵) کچمش بولنه جق وشو ساعتده اوج . (۳۳۱) راقلی محلك همان شرقنه کلمش اوله جقدر .

مادون قوماندانلری کاملاً ، پیشدار قوماندانی نزدینه کلمش بولنیورلر. بونلر ، سوارینک دشمنه تصادف اتمش اولدیغنی آنجق اجتماع امریه اوکره جکلر ددر. و دشمنک قونی اولره تخمینی بر صورتده سوبلنه جکدر.

مادون قوماندانلر (۱۴) نجی فرقه نک (هج) دن کچرک ایلمش اولدیغنی ذاتاً اوله ویرلمش اولان حیرک امرنگن بیلورلر. بناء علیه انی امرده تکرار ذکر ایتک فائده سزدر . لکن اوراده (۱۳) نجی فرقه نک یورویشته اوغرا دینی تأخری ذکر ایتک ایجاب ایلمر. زیرا ، کرچه ، بوحوادث ایی برحوادث دکل ایسه ده هر کس ، پیشدارک موقتاً مک باشنه حرکت مجبور اولدیغنی بیلملیدر؛ آنک ایچون آنی سوبلمک ایجاب ایدر دیورز .

بوحوادث اوندن بشقه ، مادون قوماندانلره نه یولده حرکت ایدم جکلرینی وقوای عسکریه نک تصرف ایله قوللانلق لازم کلدیکنی

تعیین ایلیه جکدر. بناءً علیه ، بوشمدیکی حال او یله بر حالدرکه ، اوراده
 « فسا حوادثری ممکن اولدینی قدر مادونلره سویلمکدن چکنمک
 لازمدر. » قاعده سنی حرفیاً تعلیقہ چالیشق بیوک بر خطا اولوردی.
 سواری ذاتاً کندی وظیفه سنی بیلور، بناءً علیه اونک اصلا یکی
 امرلره احتیاجی یوقدر. مع هذا، سواری به امر ایدلش اولان استکشاف
 خدمته دائر امرده بر ایکی سوز سویلیه جکم. بوده هر کسک ، شو
 خصوصده نه وجهله حرکت ایدلش اولدیغه دائر بر فکر ایدنسی ایچوندر.
 محاربه ویرمک لازم کلنجه ، باشلیجه وظیفه طوپیچی به عائد
 اوله جقدر. زیرا بوراده مقصد زمان قازانمقدرد. طوپیچی اوزاق
 مسافه لدن آتش آچهرق بوسایه ده دشمن (وه رنه ویل) دن کچهرک
 شماله ویا شرقه طوغری ایلرولمک ایستدیکی وقت آنی یوروشنی تأخیره
 مجبور ایده جکدر. او یله ایسه ، طوپیچی نک اک اعلا حاضرلق موضعی
 (۳۳۱) راقلی محکم کریسی اوله جقدر.

بوشمدیکی حالده سپرلر و متریس لر یایمغه حاجت یوقدر صانورم.
 اول امرده ، اوکی شیلر یایمق ایچون وقتکز مساعد دکدر. چونکه
 بیلورسکز، طوبلر ایچون سپر یایمقده پک یموشاق اراضی اولورسه
 (۳۰) دقیقه ، براز سرت اراضی اولورسه (۶۰) دقیقه به لزوم واردر.
 اوندن بشقه ، اولدن ده هر بطریقه نک کندیسنه مخصوص اولان آمپلا-
 سمالنرخی تعیین ایتمک غیر ممکندر.

زیرا ، قطعی بر صورتده هنوز زرده موضع آلتیق لازم کله جکی
 بیلنه میور. او یله ایسه طوپیچی یالکز دشمنک حرکاتی ترصد ایلمکله
 اکتفا ایلیه جکدر.

محاربه نک کیدیشی هر فصل اولورسه اولسون (۳۳۱) راقلی

حملك اوراده بر وظیفه سی اوله جقدر . بناءً علیه بوراسی ایلک اول
کله جک اولان پیاده اقسامی طرفدن طوتیله جقدر . بن بدایتده دها
مؤثر آتشلر استحصال ایتک و طوبیجیمزی بطریه حاله کجه جکی انشاده
خصم پیاده سنه هدف اولمقدن منع ایتک ایچون مذکور محله (۳۳۱)
راقم (ایکی بلوک وضع ایده جکم . پیاده استنادینی ده ایجه ایلری
(۶۰۰ : ۵۰۰ متره) سورمک لازم کلور . بونک اصل نرمه قدر
کیتسی ایجاب ایده جکی اراخیده آکلاشیله جقدر .

(آمان ویلر) کونی بیله مدافعه یه پک چوق الویریشلی برکوی
دکلدر . زیرا اوکنده ایی بر انداخت میدانی یوقدر . بناءً علیه مذکور
کوی ایلریامش بولنان اقسام عسکریه یی کند ، اوزرینه طوبیلا مقدر
بشقه بر فائده یی موجب اوله میه جقدر . اوله ایسه ، آنک کناری الدن
کلدیکی درجه معنده نه بر صورتده مدافعه ایدمک لازم کلور . بونک ایچون
آنک غرب قسمی در حال استحکام بلوکی واسطه سیله تحکیم ایتدیرمک
ایجاب ایدر . باخصوص ، (۳۳۱) راقم محل مستثنا اولمق اوزره ،
بشقه هیچ بر نقطه مدافعه حاله قونیله مدینی ایچون [چونکه اشغال
ایدیله جک موضع حقنده هنوز برقرار قطعی ویرمه مشدر] دیدیکمز
کناری ایوجه تحکیم ایتمکده بیوک فائده واردر .

سیار خسته خانه طاقی اغلب احتماله کوره (آمان ویلر) ده
یرلشه جکدر ؛ لکن بن اوکا بو امری ویرمک ایچون بر آاز دها
بکلیه جکم . خصمک هجوم استقامتی ایوجه بللی اولدینی زمان بوکبی
امر لر ویرمک ایچون الله بول بول و قتلر دها بولنور . بالعکس ، جبخانه
عرب لرینک بوشالدمسنی شمیدین دها امر ایتک ، پک ایودر . زیرا ،
دها صکره بویله بر وقتک اله کجه جکنه دائر الکزده بر سند یوقدر .

پیشدار قوماندانی، طابورلردن بریسنک جبخانه عربهلرینی احتیاط صورتسده ترك ایدهلور. (۱۳) نجی فرقه نك بیوك آغرقلریله برلکده ایجه اوزاقده به لئان بیوك آغرقلره ویریله جك هیچ بر امر یوقدر. اونلر لازم کئن امرلری فرقه قوماندانندن آله جقلردر. هوسار آلانی، دیگر قطعات عسکریه یه کوسترلمش اولان وظیفه یی تاوکر نئمک ایچون امرک بر قوبیه سنی آله جقدر. ایشته پیشداره ویریله جك امر بویله یازیله جقدر :

(آمان ویله‌ر) ك جنوب غریب‌سندە (۳۳۱) راقلى محل

۱ - ۹ - ۹۱ - ۴۵ - ۱۰ كو

پیشدار امری

۱ — برق‌چ طابور ایله ایکی بطریه
قوتنده بردشمن‌قولى (قولر) ایلروسندن
(وه‌رنه‌ویل) اوزرینه یوریمکده‌در .

۲ — پیشدار آنجق ایکی ساعت صکره
تقویه ایدلمش اوله‌بیله‌جکدر . بوپیشدار
(آمان ویله‌ر) ك غربنده حاضرلق موضعه
یرلشه‌جك ، ویورویش ترتیبائی آوتق
رفع ایدلمش بولنه‌جقدر .

۳ — (۸) نجی هوسار آلایى (آنو-
کس - لاغرانش) ، (بانىو) ، (مال‌مه-
زون) و (وی‌یون ویل) استقامت‌لرنده
استکشاف اجرا ایده‌جکدر .

۴ — (۲۲) نجی سیار طوپچی آلایىك
برنجی طابوری (آمان ویله‌ر) ك جنوب
غریب‌سندە (۳۳۱) راقلى محلك همان
شرقنده برحاضرلق موضعی آلتق ایچون
اورایه سرعتلى ایله کله‌جکدر .

۵ — (۱۵) نجی پیاده آلایىك برنجی
طابوری درحال (۳۳۱) راقلى تپه‌یى (۲)
بلوك ایله اشغال ایتدیره‌جکدر . پیاده‌نك
کری‌یه قالانى ایله سیار خسته‌خانه طاقى
(آمان ویله‌ر) ك همان غربنده بر اجتماع
نظامنه کیره‌جکلردر .

۶ — استحکام بلوکی ، (آمان ویله‌ر) ك
غرب کنارینى تحکیم ایده‌جك ، ۱۵ نجی

پياده آلاينك برنجي طاپوري ده (آمان
ويله) ك جنوب غريبسنده كي (۳۳۱)
راقلي تپه يي تحكيم ايليجهكدر .

۷ — بلوكلك جبخانه عربهلر درحال
بوشالديله جقلم؛ يالكز (۱۵) نجی پیاده
آلاي (۴) نجی طاپورينك كيلري بم امرمده
اولق اوزره شمديلك بوشالديله جقلمدر.

۸ — راپورلر ، (آمان ويله) ك جنوب
غريبسنده كي (۳۳۱) راقلي تپه يه
كوندرلليدر .

ميرآلای

ب . .

تبليغ ايدلشدور .

طوپلانمش اولان مادون قو-

ندانلره شفاهاً ؛

۸ نجی هوسار آلاينه ايسه

برامر ضابطی ايله وتحریر آ .



بن سواری آلائی (شامپه نووا) یاخود (آمان ویله) که غربنه چاغرمق و پیشدار پیاده سی اجتماع نظامی آلدینی ائشاده طوبچی به ، آنی یالکز سواری ایله ستر ایدرک ، موضع آلدیرمق فکرکنده دکل . طوبچی بوججهله بر باصقینه اوغرامق تهلهکسه معروض قالور ، زیرا ، یالکز اوچ سواری بلوکی اوکا استنادک ایتمک ایچون غیر کافیدر . شبهه سز شمدی به قدر خصمک یالکز بر سواری بلوکی کورلمشدر . فقط نه بیلورسکز ؟ بلکه براز صکره دشمن سزک کینه فائق بر سواری اورته به چیقارمش اولور .

• بوتربیاتی (۱۶) نجی مکتوبده کی ترتیبات ایله بر مقایسه ایدیکز . آرده کی اختلاف شوراده بزه رهبرک ایدن اصول وقواعدی ده ایو میدانه قویمش اوله جقدر . (مانس) دره سنک (۱۵ نجی مسئله) شرقده بر حاضرلق موضعی طومغه قرار ویردکن صکره ، وضعیت عمومی به کوره مفرزه قوماندانی (موسقو) — (پووان — دوژور) خطدن بشقه نظر تدقیقه آله جق دیگر بر مدافعه موضعی بوله مامشدی . دشمنک آله جفی ترتیبات آنی یالکز . یا شماله و یا جنوبه طوغری بر آز یایلمغه مجبور ایلیه بیلوردی .

لکن ، اوینه بتون ایشلری ، بتون عملیاتی (موسقو) چفلکی ایله (پووان — دوژور) بیننه حصر ایتمک و برده موضعک ایلریده نصل اشغال ایدلمش بولنه جغنی کوسترمکه مقتدر اوله بیلوردی . بوندن صکره کری به قالبده تنظیم ایدلمسی لازم کله جک تفرعات یالکز منطقه لرك تحدیدندن عبارت ایدی . لکن سز بوراده ، ایکی موضعدن هانکیسنی اشغال ایتمش اوله جنگیزی ، قطعاً بیامیورسکز . یالکز (۳۳۱) راقلی تبه اوراده شمدیدن ده بعض ایشلر ترتیب ایتمک مساعد کی

کورینیور. چونکه محاربہ نہ شکله کیرسه کیرسون، ینہ الہ چوق دشمن هجومه اوغرامق احتمالی اولان بوراده یالکز بوقطه در. دیگر استناد نقطه لری یالکز دشمنک اونلره هجوم ایتمکه حاضر لاندینی کوریلورسه اوزمان اشغال اولنه جقلردر. مثلاً، درحال (موتینی لاغرائش) نقطه سنی طومتق فائده سزدر. چونکه بوراسی خصمک شمالدن برهجوم حرکتی یاه جفنه دلالت ایدر بر قوتی حائر دکلدر. مؤخرآ (۳۳۱) راقلی محلاک جنوبندن زیاده شمالنه طوغری یابامق لازم کلوب کلیه جکی خصوصی امر ویرلدیکی زمان بیلنه مز. بوندن طولای قوماندان اولان ذات نلان ویا فلان موضعک فائده لرینه قانلمقدن چکینرک، بتون سربستی حرکتی کندی قرار قطعیمی ایچون صاقلامش بولمیلدر. (۱۵) نجی مسئله نک حلنده موضعک مدافعه حالنه وضعی قطعاً امر ایدلمشدی. لکن بوراده میرآلای ب.. اگر اولدن دهاییکی موضعدن برینی انتخابه قرار ویرر و آنی سپرلر آیله هان تحکیم ایتمکه باشلامش اولورسه پک بیوک برخطایه دوشمش بولنوردی. زیرا، پیاده تعلیمنامه سی شویله سویلور: «وقتدن اول عملیات تدافیه اجرا ایتمک محذوردن بشقه هیچ بر فائده سی یوقدر. بوکی شیلر قوماندان اولان ذاتک ایشنه یارامق دکل اونک الی، آباغنی باغلارلر.»

مع هذا، بو، (آمان ویلر) ک تحکیمات تدافیه سنه تطبیق ایدیله جک برحال دکلدر. زیرا اوراده یاییله جق مدافعه ایشلری، مذکور کویک ایلریده بر رجعتکاه کی قوللانیله بیله جکی حالنه کوره یاییله جقدر. بناءً علیه برنجی خطک وضعیت قطعیه سی هانکیسی اولورسه اولسون بوکویده اجرا ایدیله جک عملیات تدافیه ینه ایشه یارامش اوله جقلردر. بر رجعت حائنده، (آمان ویلر) ی طومتق ایچون شمیدین دهایی

قطعات عسکریه تعیین ایتک ایورشی اولدینی خاطر کزده قالسون. بتون عسکر یکنزله محاربه ایتکه مجبور بولندیکنز بر صرده نافله یره بر قطعه عسکریه بی، کریده براقق طوغریسی بیوک خطالردندر.

(۱۵) نجی مسئلهده (موسقو) اولدن دها طوبجی موضی اولمق اوزره کوسترلش ایدی. زیرا، بونقطه دن عین زمانده هم (غراولوت) ی وهم (مال مه زون) ی دوکمک ممکندر. بوراده ایسه طوبجی (۳۳۱) راقلی تپه نك کریسنده ایلک اوکجه بر حاضرلق ترتیباتی آلیور. زیرا، بونقطه دن (وهرنه ویل) دن (آمان ویلر) ه کیدن یولک هر ایکی جهتده کی اراضی بی دوکجه بیلور. لکن، دشمن کندی احاطه حرکتی یایمغه باشلادینی آندن اعتباراً، آرتق اوراده طوبجینک یالکز بر قسماً قاله جقدر. زیرا، بونقطه دن خصمک کلسی محتمل اولان مختلف استقامتلی اوجه بر صورتده دوکمک ممکن دکلدرد. کذلک، دشمن طوبجیسینک زرده یرلشه جکنی کشف ایتک محالدر. زیرا، (وهرنه ویل) ک جنوبنده اولدینی کبی شالنده ده موضعلر واردرد. بناءً علیه، بزم طوبجیمز، دشمنک قطعاً طوتدینی استقامته یوزچویرمش اوله بیلنجه یه قدر سیرجی کبی طوره جقدر. (۱۵) نجی مسئلهده کی حاله کوره ایش بسبتون بونک عکسی ایدی. زیرا اولدن ده، دشمن طوبجیسینک انتخاب ایتش بولنه جنی موضی کشف ایتک ممکن ایدی. ینه بومسلهده سواری مختلف استقامتلی تعقیب ایدن ایکی دشمن قولک یوروشنی ترصد ایتک وظیفه سه مأمور ایدی. انقسامک بونجه محذور لریله برابر، سواری بلوکلرندن هر بریسنه خصوصی برر وظیفه کوسترمک ایجاب ایتش ایدی. زیرا اونلر طویلی براقلمش اولسه لردی

اوزمان مختلف تقرب یوللریخی باخصوص بویوللرک هر ایکی جهتده کی اراضی بی ایوجه کشف وترصد ایتمک محال اولوردی .

بوراده ایسه پیشدار یالکز بر دشمن قوله مقاومت ایدم جکدره؛ زیرا شمیدلک (وی یون ویل) ایله (غراولهوت) بینده کچن شیلر اونک نه سنه لازم! بناءً علیه سواری بوراده یولک صاغ ویا صول طرفه بعض دشمن اقسام عسکریه سنک صاپوب صاپمدیغی آ کلامق ایچون کشف قوللری کوندرمک شرطیله ، طویلی برحاله بولنه بیلور. برده ، پیشدارک اقسام سائر سنه هیچ برامر ویرلمزدن برچوق زمان اولدها سوارینک وظیفه سنی تنظیم ایتمک لازم کلدیکنه دقت ایدیکز. زیرا ، سواری یالکز استکشاف خدمتی تأمین ایتمک دکل، سزه وقت قازاندرمغهده مجبور ایدی. (۱۵) نجی مسئلهده ، بالعکس، مفرزه نک بتون اقسامنه عائد اولمق اوزره یالکز عمومی برامر ویرلمکله اکتفا اولنه بیله جکی کبی سوارینک بو امری تام وقتنده آله جغه امنیت ایدیه بیلوردی. زیرا ، سواری اوزمان ذاتاً ترصد ایتمک مجبور اولدیغی یوللر اوزرنده حرکت ایدیوردی .

وظیفه کزی بیتورمک ایچون ، آتیده کی کوچک مسئله بی حل وتدقیق ایدرک . پیشدار طرفدن اجرا ایدیه جک وظیفه بی تعمیق ایلمکری توصیه ایدرم :

« (۱۱) ی (۱۵) دقیقه کچه هوسار آلا بی آشاغیده کی راپوری کوندرر : (وهرنه ویل) ی اشغال ایتمک اوزره بولسان بر دشمن طابوری اوکنده چاره سز اوراسنی تخلیه ایدیورم .
(وهرنه ویل) ک تخمیناً (۱۵۰۰) متره ضربنده کی برتبه اوزرنده موضعه کیرمش اولان دشمن بطریه لری اوزرمزه آتش ایتمکده در .

(۳) طابور پیاده قدر تخمین ایتدیکم بردشمن قوی قولر) —
(لاهای — اومور) یولی اوزرنده ایلرولمکده در . بودشمنك قول
باشو، (وهرنهویل) — (غراوهلوت) یولی خدااسنده در . بن (نهنوی)
چفلکی اوزرینه رجعت ایدیورم . «

کلهجک مکتوبمه ، شومسئلهنك حلنی یازمیه جغم . سز کندی
کندیکزه اونی حل ایده جکسکزر .



اون سکزنجی مسئله

« عمومی خریطه ، (وەرنی) و (آرس - سور - موزەل) بافته لری . »
 برقول اردو ، دشمن مملکتتده (رەمیللی) [عمومی خریطه] دن کچن
 (استراسبورغ) یولنی تعقیب ایدرک (مچ) موقع غیر مستحکمى اوزرینه
 یوریمکده در . برقول اردو ، (هوپیتال) اورمانلرینک غربدن کچرک (مچ)
 اوزرینه یوریمک مقصدیلە (وینى) جهتنه ایکی سواری بلوکی وایکی بطریه ایله
 تقویه ایدلش اولان برپاده لواسی تفریق ایلدی . بولوانک پیشداری ، ایکی
 طاہور پیاده ، ایکی سواری بلوکی و بربطریه دن تشکل ایتش بولنیور . آقشامک
 ساعت (۲) سنده یعنی اوج (پوین) یه واصل اوله جنى زمان لوا قوماندانی
 توقف ایتکە وکندی قسم کلیمسی (وەرنی) ، (شەریزه ی) و (وپورنوی -
 لاغراس) ده قوناقلره یرلشدرمکە قرار ویرر .

موی الیه ، پیشدار قوماندانی میرآلای (ب . .) یه قول اردونک ایلری
 قره غولاریله ارتباط حاصل ایده جک اولان ایلری قره غوللرینی یرلشدریمک
 ایچون امر ویرر . قول اردو ایلری قره غوللری (آرس - لاکنەسی) -
 (شامپەل اورمانی) - (قره پی) ده داخل اولق . اوزره (قره پی) اورمانک
 شمال چیقندیسی) خطی اوزرنده تأسیس ایدلشلردر . پیشدارک قسم متباقیسی
 (فلوری) ده قوناقلره یرلشه جکدر . آکلاشلدیغه کوره ، (تی یون ویل) دن
 کلن دشمن ، پیاده سی ایله (سابلون) ی اشغال ایتش بولنیور . (قریژی) ،
 (بهووی - لاهوت) : (هورکنه - او - سابلون) (هرانس - اوزورم) ده
 و (اونی) نک جنوبنده دشمن کشف قوللری کورلمشدر .

یایله جق و طیفه

- ۱ — میرآلای ب. . نک پیشدار امری .
- ۲ — پیشدار قسم کلیمسک (فلوری) ده قوناقلرده کیجه لمسی (پوسته لرک ،
 نوتجیلرک یرلریله اجتماع محللرینی کوستره جک اولان قروکی طرزنده) .

پیشدار امری نمونه‌سی

محل

تاریخ » ساعت

پیشدار امری

انقسام عساکر یوقدر .

۱ — دشمن ایله دوست قطعاته دائر معلومات (اصل قول قسم کلیسی ایله پیشدار قسم کلیسنک اقامت ایتدکلی محله دائر) .

۲ — ایلری قره غول قومانداننک تعیینیه اونک اداره سنه ویریه جک قطعات .

۳ — ایلری قره غوللر قومانداننک وظیفه‌سی و تعلیمات خصوصیه . برمفرزه ایلری قره قوللرینک برقاچ منطقه‌یه آیرلمش اولسی پک نادر در ؛ دشمن هجوم ایتدیکی زمان نه وجهله حرکت ایدیه جک . خصوصی بریولده طوتیه جق اولان مسکون محللر ، کذلک خصوصی بریولده کوزه دلسی لازم کلن نقطه لر) .

۴ — ایلری قره غوللر خدمتنه مأمور ایدله مش اولان پیشدار قطعاتی ایچون ترتیبات ؛ قوناق قومانداننک ، ونوچی ضابطنک تعیی ؛ - پیشدار قسم کلیسنک امنیتته دائر ترتیبات . پیشدار قسم کلیسنک اجتماع نقطه‌سی .


۵ — بعض حاللرده ، بیوک آهرلقلر ایچون ترتیبات خصوصیه (ایلری قره - غوللر التحاق ایده جکلی ، یوقسه

ایتمه جگړی .

۶ — پښدار قوماندانانك بولنه جنی پر .

امضا .

احراك قطعات عسكریه نه وجهله
تبلیغ ایدلیدیکی .



اون طقوزنجی مکتوب

بر پیشدارك قوناقلرده کیجهلمسی. ایلری قره غوللر

عجمیلر ایچون اك كوچ اولان امرلر ایلری قره غول امرلریدر. بونی کندی نفسمده تجربه ایتدم؛ آنك ایچون شمدی یه قدر اونلرك سمتنه بیله یناشمق ایستمه مش ایدم. بر ایلری قره غول امری ترتیب ایتمزدن اول بر کره وضعیتی ایودن ایویه تعمیق ایامك لازمدر. شو وضعیتی ایوجه بر آکلادقدن صکره، آرتق سزك ایچون کری یه قالان شی یالکز خدمت سفریه ده کوردکلر یکزی تطبیق ایلمکدن عبارت اولور. بر قاچ درلو حلالره اك زیاده قابلیتی اولان مسئلهلر شبهه سز، ایلری قره غول مسئلهلریدر. بناءً علیه، سزك بوله جفکیز حل ایله بنمکی آره سنده کور یله بیامسی محتمل اولان اختلافلردن طولایی جانکزیك اوقدر صیقلمسون؛ حتی بنم حلم ایله سزککی ینتسده کلی اختلاف اولسه بیله ینه ضرر یوق.. بنم سزدن اصل ایستدیکم جهت، بستیون خدمت سفریه نظامنامه سنك شموللری پك واسع اولان اصول وقواعدینه مخالف حرکت ایتمه مکزدر. مذکور اصول وقواعد، ایلری قره غوللر خدمتی تأمین ایتمک ایچون انسانده مخصوص اوقدر بیوک بر مأذونیت بر اقیورلر.

فی الحقیقه، ایلری قره غول خدمتلرنده تصادف اولنان احوال خصوصیه نك تبدیلی، بو خدماتی قواعد ثابتیه ربط ایتمک مساعده کلدر. بو مسئله ده سواری وطوبجی ایله تقویه ایدلمش وقوتلی بر پیشداره مالک اولان بر پیاده لواسی کوستریشمزدن اصل مقصد، ایلری قره غوللرك وضع و ترتیبه دائر بر پیشدار امری ویره بیامکدر.

وجودی بودند آزا اولان عادی مفرزه لر پک نادر برطابور ایله بر مقدار واریدن فضله بر پیشداره مالک بولنورلر. اکثر احوالده بوقوت ملا ایلری قره غوللر خدمتی ایچون لزوملی کوریلرک عموماً یخدمته تعیین اولنور.

واوزمان پیشدار قوماندانی ایلری قره غوللر قوماندانی اولور. پیشداره ویریلان امر آرتق ایلری قره غول امریله توحید ایدیلور. بنی بر آزا دهها شرح ایدیم: پیشدارک هپسی ایلری قره غوللر تأسیسنه مجبور اولدیفی زمان، یالکنز بر امر ویریلرکه، اوده ایلری قره غول مریدر؛ لکن اگر پیشدارک بر قسمی الله قالمق لازم کلورسه اووقت لم پیشدار ایچون، همده ایلری قره غوللر ایچون آیری آیری برر مر ترتیب ایتک ایجاب ایدر. بر آزا صکره کوره جککنز کی بوراده بلری قره غوللر ایچون یالکنز برطابور ایله برسواری بلوکی کافیدر. ویله ایسه سز شمدی ایکی امر ویرمکه مجبور سکیز. بن بوراده ایلری ره غوللر امرندن بحث ایتیمه جکم، بالعکس آنی کله جک مکتوبمه ماقلا یورم.

لوا توقف ایتدیکی زمان، سواری حالا کندی استکشاف خدمتیله اک زیاده مشغول بولنیور. سواری بو استکشاف خدمتی آنجق یواش واش ترک ایدم جکدر. زیرا، ایلری قره غوللر یکیزی یرلشدیرکن لازم کلن امنیت استحصال ایتک دشمن ایله تماسده قاله جق کشف نوللرینک وظیفه سیدر. اگر ایلری قره غوللره الحاق ایدیلر جک سواری اقسامی هنوز الله حاضر دکل ایدیسالر، شمیدیلک سزک خطکنزک ایلر وسندم بولنانلر اوته کیلری کلنجه یه قدر استحصال امنیته دوام ایله جکلر در.

پیشدار باشی آرتق لغوایدلمشدر. پیشدارده ایکی قدمیه آیرلمشدرکه،
بولردن بریسی پیشدار قسم کلیسی، اوبری ایلری قره غول وظیفه سنه
مأمور اولاندر.

پیشدار قوماندانی، بیوک یول اوزرنده (پوی) نك جنوبنده
بریرده بولنور. مومی الیه، خریطه یه باقرق والدن کلدیکی قدر
چابوق برصورتده امرینی ویرر. بویله برزمانده کجیکمک هیچ ایو
دکدر. چونکه اوسبیله عسکرک پک زیاده محتاج اولدینی استراحتلر-
ینک برقسی ضایع ایدلمش بولنور. یوروش بیتجه هرکس یانه جنی
اوه، یاخود اوطوره جنی قوبله یه بر آن اول کیرمکی ایستر وبوندن
پک چوق حظ ایدر.

یوریمی بر یوروشدن صکره امرلری بکلمک ایچون ویریلن
موله لر قدر عسکرک جانی صیقان هیچ برشی تصور اولنه من؛ بولر
عادتا صبر و تحملمک فوقده برطاقم اوزون تیلردر. بناءً علیه آله جق
ترتیباتی بر آن اول آلمق لازم کلور، بو ترتیبات ایچنده آزچوق
تصحیح ایدیله جک یرلر وارسه اولرده صکره دن تصحیح اولنورلر.
بودیدکلامک چوق ایلری قره غول قوماننده عائددر. مومی الیه پیشدار
امرندن زیاده تفصیلاتی احتوا ایدمک اولان کندی امرینی ویرمزدن
اول برکره بتون افقی کوزدن کجورمک ایچون یوکسک بر نقطه یه
چیقمغه مجبور اولقله برابرینه شونصیحتلریمی جان قولاغیله ایشتمیلیدر.
پیشدار قوماندانی قول اردونک ایلری قره غوللری (قره پی) ده
داخل اولمق اوزره (قره پی) اورمانک شمال چیقندیسنه قدر امتداد
ایلدیکی خبر آلدیغندن، خریطه یه باقرق، کندی ایلری قره غو-
للرینک ده، کندیلری ایچون کوزل براستناد نقطه سی بوله جقلری

(سەيل) دره سەنە قدر اوزامق لازم كەلەجكنى آكلایەققدر . ایلری قرەغوللر قوماندانە بوندن فضلە سويلامك فائده سزدر . كنديسە ويريلن وظيفەنك بتون تفرعاتى تنظيم ايتك ، يولە قويتمق ھې اوکا دوشەر .

دشمن بالسەولە (فلورى) كوينە كلوب اورايە باصقين ايدە بيلەجك درجەدە بزە يقين اولديغندن يالکز يوللری سد ايتك دکل ، بلكە ، دشمن سزك خبركز اولە دن اورالە كشف قوللری ويا دھا مھم اقسام عسكریە كوندرمش اولماق ايچون مذکور يوللر آردەندەكى اراضى يىدە كوزلجە كشف وترصد ايتدەرمك لازمدر . دشمن كندى مملكتتە حرەكە ايتديكندن وچار چابوق سزك حقكزده ايجاب ايدن معلوماتى اھالى واسطە سويلە آلە بيلە جكندن بو اھالى يى ترصد ايلامك واوللری (مچ) . كيتەمكەن منع ايتك لازم كلور .

ايشتە بوندن طولايى مكمەل بر مختلط ایلری قرەغول شىكەسى تشكىلى ايجاب ايتديكى ظاھر اولور . كوزە تيلەجك جھە تخميناً (۵) كيلومتريى كچەديكى زمان صورت عمومىەدە بر طابور برسوارى بلوكى كافيدر . كلەجك مکتوبمەدە كوءجككز كچى بالخاصە امنيت دنيلان شى ايچون يك آرسوارى يە احتياج واردر . مع هذا ، بورادە ایلری قرەغوللرە تام برسوارى بلوكى ويريلەجكدەر . زيرا ، دشمن يك يقين اولديغندن كون باتمزدن اول سوارينك مھم بر حرەكە تشبث ايتمش اولسى محال دكلدر . بناءً عليه اوکا مقاومت ايتك ايچون قوتلى بولتمق لازمدر . اكر سوارى يك ققط اولور ويا مفرزەنك سواريسى كچن كونلردە زيادە جە يورويش يايتمش بولنورسە اوزمان بر بلوكەن آرسوارى قوللانيلەققدر .

ایلری قره غوللره طویجی ویرمک پک نادر در . مثلاً ، اگر مهمربوغازی طوتمق لازم کلورسه ایلری قره غوللره طویجی ویریلور . لکن بو طویجی ایلری قره غوللر نزدنده یالکنز کوندوزین قالور . کیجه اولنجه پیشدار قسم کلیسنه دونر .

ایلری قره غوللریکنزه ویریله جک قوتی حساب ایدرکن ایلری قره غوللرده کیجه یی کچورمن هر نفر و حیوانک کندیسنه لازم اولار . استراحتدن محروم قالدیغی و ایرتسی کون برکون اولکی کبی قوتلر اولمادیغی خاطر دن چیقارمیکنز . بوراده بز ، قوتلری صوک درج تصرف ایله قوللانمغه و ممکن اولدیغی قدر اک آز آدم ایله ایشک ایچندز چیقمغه دقت ایدمک بورا ده شو قاعده نك عکسنه حرکت ایتدیکم ذاهب اولورسکنز . برسواری بلوکنک قسم اعظمه ، ایرتسی کوز اونی تکرار دینچ وتوانا برحالده بولمق ایچون ، درجه کافیده ، فصل استراحت ویرلدیکنی سز بزم کله جک مکتوبمده کورورسکنز . اگر سز ، یالکنز برقاچ نقطه دن کچلمسی ممکن اولان برمانه (صومجراسی ، رطوبتلی چاپرلر و سائره) اوزرنده موضع آله بیلور اگر ایلریده اراضی یی کاملاً کورمکه مساعد و تپه لردن مرکب برخط مالک بولنور و اگر جناح لریکنز یا کچلمسی ناقابل موانعه یا خود دوست قطعاته ایوجه استناد ایتمش اولورسه اوزمان قوتکزده تصرف ایدرسکنز . بناءً علیه ترصد خطکزی انتخاب ایتک ایچون بواوچ نقطه یی نظر دقته آلیکنز .

بومناستدن طولای نظر دقتکزی مهم بر نقطه اوزرینه جلب ایدیورم . ایلریده ، (سن پی یه) دره سی کبی برمانع اولورده ،

ایرتسی کون تکرار یوروشنه دوام ایتک ایستلیدیکی زمان، قسم کلینک یوروشنی ایرتسی کون تأخره دوشمه مک مقصدیله، اکثریا آنک کیکد نقطه لرینی طوتمق ایچون برکون اولندن دها پیشداری ویا هیچ دکلسه ایلری قره غوللری بومانلک اوتنه سنه سوره لرلر . بوراده ایسه اوپله یاپمغه حاجت یوقدر . زیرا ، پیشدار قسم کلیسی (فلوری) ده کیجه بی چکورمک ایچون امر آلمشدر .

حتی ایلری قره غوللری (سن پی ر) نهرینه ویاخود اوتله رینه قدر سورمه کده حاجت یوقدر . بویله یابلدیغی حالده بیوک برشی قازانمش اولمز . زیرا ، اووقت اک ایوسی (مایخی) نک شمالنده (سهیل) دره سنه قدر ایلرولمک لازم کلوردی که بده پک اوزاق دوشمش اولوردی . کذلک ، قونجه تصرف ایتک ایچون (سن پی ر) دره سندن استفاده ایتک لازم می دکلی ، بویله بر سؤال ده کندی کندیگزه ایراد ایده . بیلورسکز . سزه طوغریسنی سویلیهیم ، بن اوفکرده دکلم ؛ زیرا بوصو مجراسی برحق نقطه لری اوزرندن پیاده ایچون کیکد ویردیکندن طولانی کیجه بیله اوراسنی بالسهوله آتلامق ممکندر . شبهه سز ، دشمن نتیجه سی مجهول اولان برشیدی تجربه ایتکه قالدیمه جقدر ؛ لکن اگر سز بو دره نک ساحل لرینی اشغال ایتمش اولسیدیکز بیله ینه صول جناحکزی ایجه اوزاقده اولان (سهیل) دره سنه استناد ایتدرمک لازم کله جک ایدی که بو . اوته طرفدن قازانه جفکز بللی دکل ایکن بری طرفدن غائب ایتک دیمک اولوردی .

بناءً علیه بن ، (هوپیتال) اورمانلریله (سهیل) دره سی بیننده کی تپه لرك طوتلمسنی ترجیح ایدرم . اونلر بر دفعه پک اوزاقلره قدر اولان اراضی بی کورورلر ، ثانیاً او وضعیتده سزک صول جناحکز

دریه استناد ایله جکدرکه ، بو خصوص عسکر یکنزی تصرفله قوللانمه کزه یاردم ایده جکدر .

(سەیل) دره سنده سزک ایشیکزه یارایه جق اولان نقطه لر شونلردر : (مارلی) ، (کووری دکرمنی) و (فلوری دکرمنی) . (مارلی) کوپریسنگ تخریب ایدلش اولسنى مناسب کورمیورم . واقعا بو کوپری تخریب ایدیلنجه اساساً سزک امنیتکنزک آرتمنسه خدمت ایده جکدر . لکن آنک رفع وازاله سی ایو دکلدر . زیرا کیجه لین (سەیل) دره سنک غربنده کی اراضی یی کوزه تمک و یارین صباح ینه او طرفلری کز مک ایچون سزک اوکا احتیاجکنز واردر . بعض دشمن کشفلرینک (اونچی) نک جنوبنده کورلش اولدقلرنی البت اونوتما . مشسکنزدر . بناءً علیه بو طرفده کوزیکزی درت آچه کز لازم کله جکدر . (کووری) دکرمنندن باشلایان و (سەیل) دره سنک ایکی قولی آتلايان کچی یولی یالکنز قوری هوالرده ، وینه یالکنز ، پیاده نک کچمنسه مساعددر . زیرا ، چارلر ایچندن کچيور . بناءً علیه استکشاف خصوصنده اونى داخل حساب ایتمیکن . احتیاط اولق اوزره (کووری) دکرمنی کوپریسنى تخریب ایتمک ممکندر . (فلوری) دکرمنی کچیدینه کلنجه سز اونى ایستر تخریب ایدر ، ایستر استکشاف خدماتکنزی تسهیل ایچون صاغلام براقورسکنز .

بوصوک حالده اورایه پیشدار قسم کلیکزدن بر مستقل پوسته آیریکز ؛ زیرا بونقطه ایلری قره غول خطکنزک حارخنه در . اگر ایلری قره غولاریکنز بر هجومه اوغرامش بولنورلرسه ، مذکور قره غولار حین حاجتده پیشدارک کیرو قالان قسمی ایله حمایه ایدلش بولندقلرندن ، لوا قسم کلیدی محاربه ایتمک ویا یوریمکه حاضر

اولنجه به قدر دشمنی توقیف ایتکه مجبور اوله جقلردر . کندی وظیفه سی تأمین ایتک ایچون پیشدار قوماندانی شو سویله جکمز ایکی موضعدن برنی انتخاب ایتکده سربستدر : مومی الیه اکر (فلوری) کونی کنديسنک باشلیجه مدافعه م: بضی کبی تلقی ایدرسه ایلری قره غوللر اراضی یی خطوه ، بخطوه مدافعه ایدره ک یواش ، یواش اورایه چکیله جکلردر . بالعکس اکر مومی الیه ایلری قره غوللر خطی اوزرنده ، مقاومت ایتک ایستر ایسه (فلوری) ده کی اقسام عسکریه مذکور خطی حمایه ایتک ایچون ایلری کیده جکلردر . بوصوک حالده ، ممکن اولدینی قدر زیاده زمان (پوی) ده قالمق لازم . کله جک . بوکوی بردفعه بیوک یول اوزرنده بولندیغدن ، بردفعه ده (سهیل) دره سنه استناد ایدره ک شمال وغرب جهتلرنده کوزل برانداخت میدانه مالک اولدیغدن اهمیتی برکویدر .

دیدیکمز کربی ایجه زمان الده بولندرمق خصوصی . (پوی) ایله (هوپتاک) اورمانلری آره سنده کی اراضی یی ایلک حمله ده دشمنه ترک ایتک ایچون برسبب اوله مز . بناءً علیه مدافعه خطی بو اورمانلره قدر اوزادلمش بولنه جقدر . (پوی) موضعی (فلوری) موضعدن مرجحدر . اويله ایسه پیشدار قوماندانی ویره جکی امرده خط مقاومتک (پوی) ایله (۲۱۷،۹) راقلی تپیه استناد ایله جکنی رسماً سویله جکدر . ایلری قره غوللر بووجهله پیشدار قسم کلیسی طرفندن حمایه ایدیه جکلرندن امین اولورلر .

وضیته نظراً (میچ) جهتده کی اراضینک (مانی) اوزرینه کوندرلمش اولان اقسام عسکریه ایله ترصد آلتنده بولندرمق لازم کلدینی شپه دن بریدر . اکر ایلری قره غوللر قومانداننک (سهیل)

دره سنك غربنده کی اراضی به ایجه اهمیت ویرمسندن قورقیورایسه کز، اوزمان امرکزده اونندن نه بکلدی بکلزی آچیقندن، آچیغه سویله ییکز. (سایل) دره سنك شرقنده (مچ) جهتده کی اراضی به دائر سوز سویلمکدن صرف نظر ایدیورم. بوخصوصی بالعکس ایلری قره غوللر قوماندانه براقیورم. لکن (سایل) دره سنك غربنده کی اراضی به کشافلر کوندرمسنی اوکا امر ایده جکم.

پیشدارک ایلری قره غول وظیفه سنده قوللانلمیان اقسامی (برپیاده طابوری، برسواری بلوکی، بربطریه)، (فلوری) ده یرلشه جکلردر. شمدی بیلنمسی لازم کلان دها برشی قالورکه اوده اقسام مذکورده نك اوراده کوی اردوگاهنده می؟ یوقسه، عادی قوناقلرده می؟ ویاخود طوبی قوناقلرده می کیجه بی بکیره جکلرندن عبارتدر. اردوگاه اصولیه اقامت ایدیانجه کرچه، قطعات عسکریه ال آلتده وحاضر برحاله بولنور. لکن، بوفانده مقابل اوتیه طرفده عسکر استراحتندن محروم براقیلور. کوی اردوگاه اصولی ایسه عین زمانده یناشیق قوناقلرده، طوبی قوناقلرده واردوگاهلرده کی اصول اقامتلی جامعدر. بویک مشهور بر اصول اقامت دکلدز. مع هذا، اردوگاهلردن دها ایودر. وقطعات عسکریه نك اکثریتله ال آلتده بولنمسنه مساعددر.

علی العاده قوناقلر، استراحت ایچون اک الویریشلی اولان بر اصول اقامتدر؛ لکن امنیت نقطه نظرندن اک فسا بر اصول اقامت وارسه اوده بودر. زیر اقطعات عسکریه بی طولیلاق واونلره برمحاربه ترتیبی آلدرمق ایچون اپی زمان لازمدر. اگر سز، وقوعی محتمل بر هجومه قرشو قطعات عسکریه کزی قطعاً وچار چابوق ال آلتده بولندرمق مجبوریتنده ایسه کز، استراحتکزی قسماً امنیت

اغورینه فدا ایدرک ، طوبلی قوناقلری تطیق ایدیکز . بوراده کی مقاومت خطی ، ایلری قره غوللرک عددجه کندیلرندن فائق اولان بردشمنی بیلہ اپی زمان تأخیر ایتلرینه مساعددر .

پیشدار قسم کلیسی کندیلرینی حمایه حاضر برحالدہ بولنجه یه قدر اولرک دشمن طرفندن بیوک برتضیقہ اوغرامش اولمزلندن قورقلمز . اولہ ایسه فضلہ براحتیاطہ رعایت ایتمش اولمکیز ایچون بوراده برسبب معقول کورہ میورم . وبوندن طولانی (فلوری) ده کی قطعاتک ایوجه استراحت ایتمش اولمزلرینه مساعدہ ایدرسبکز مأمول ایدرم . بناءً علیہ پیاده کزک بر قسمی طوبلی قوناقلرده بولنه جقدر ، مثلاً بر بلوک ، کوک شمال قسمندہ کی بیوک اولرندن بریسنده ، دیگر بر بلوک ایسه بیوک یول اوزرنده و (تویله ری) ده یرلشمش اوله جقدر . بر باصقین ظهورنده ، (فلوری) و (تویله ری) نک شمال کناری اوسایه ده کال سرعتله اشغال ایدلمش بولنه جقدر . وسزده ، اگر ایجاب ایدرسه ، ایکی بلوک قدر عسکر یکزی ایلری قره غوللرک امدادینه کوندره بیلہ جکسکز .

حاضر لائق ایچون هر حالده اپی زمانه احتیاجلری اولان بطریقه ایله سواری بلوکی دشمن (فلوری) کوینه هجوم ایده بیلمش اولمزلدن اول حاضر لانه جقدر . ایشته بنم قبول ایتدیکم ترتیبات بودرکه اول ، بیوک بر امنیت استحصاله کافیدر . ثانیاً ، پیشدار قسم کلیسنک بیوک بر قسمنک وبالخاصه آتلی صنفلرک امین و یک راحت بریوله قوناقلره یرلشمسنه مساعددر .

میر آلا ی ب .. رتبه جه الک بیوک ضابط اولدیغندن (فلوری) ده قوناق قوماندانخی اوزرینه آلفه مجبوردر . بر آلا ی ک قوماندانی

اولمق حیثیتله مومی الیه ایسترسه امرادن بریسنی کندی یرینه قوناق قوماندانی یاپه بیلور . (فلوری) مختلف صنفدن قطعات عسکریه ایله اشغال ایدلمش بولنه جفی ایچون کویک عسکر بیننه تقسیم ، خدمت داخلیه ، امنیت خارجیه وبرباصقین وقوعنده اجتماع خصوصنده لازم کلن بتون تدابیری اجرا ایتک هب قوناق قوماندانه دوشر .

میر آلا ی ب . . نك قوناق قوماندانلغی امرادن بریسنه یرمیوبده اوخصوصده لازم کلن تفرقاتی نوبتی ضابطنه تحمیل ایله اکتفا ایلدیکنی فرض وتصور ایدلم .

مسکون محللاری اولدن ده مختلف اقسام عسکریه بیننده تقسیم ایتک میر آلا ی ب . . ایچون غیر ممکندر . اوله ایسه مومی الیه اووظیفه یی نوبتی ضابطنه ویره جکدر . بوضابط بیلدی ککز وجهله ، هر قطعه عسکریه نك قوناقچیلری برلکده اولمق اوزره ایلرودن حرکت ایله جکدر . قوناقلره یرلشه جک قطعات عسکریه بوراده اولدینی کبی عددجه آزا یسه ، او وقت نوبتی ضابطی دیدیکمز ذات بریوزباشیدن عبات اوله بیلور . بوضابط پیاده صنفدن انتخاب ایدلمک لازمدر . زیرا ، قوناقلرک یقیندن امنیت استحصا ل ایتک وظیفه سی اوکا عائددر . حال بوکه ، پوسته لرك قسم اعظمی بیلورسکیزکه پیاده دن تشکیل ایدیلور؛ اوله ایسه ، نوبتی ضابطی ده پیاده صنفدن انتخاب ایتک لازم کله جکی حقیقتی کون کبی آشکار اولور .

اکر (موله ن دوفلوری) = کوپرسی تخریب ایدلمه مش ایسه پیشدار قسم کلیسنی (سهیل) دره سنک غربندن کله جک برباصقینه قرشو ستر ایتمش اولمق ایچون (فلوری) دن اوزایه کوچک برضا بط قومانداننده اولمق اوزره مستقل برپوسته کوندزیه جکدر .

بیوک آغرلقلره کلنجه ، اک بیوک مافوقدن اوخصوصده برامر
فلان کلدیکی حالد ، عربله قطعات عسکریه دن هر بریسنه می (ایلری
قره غوللرده داخل) یوقسه یالکز پیشدار قسم کلیسنه می کوندریله -
جکلردر ، بوراسنی تعین ایتک وظیفه سی پیشدار قوماندانه عائددر .
اگر دشمن سزی تهدید ایلله جک برحالد اولسه یدی ، مذکور
آغرلقلره (فلوری) نک جنوبنده توقف ایتک ایچون امر کوندریله جک
ویالکز کویده قوناقلره یرلشمش اولان قطعات عسکریه نک عربله ری
ایلری سوق ایدیلله جکلردی . زیرا ، ایلری قره غوللر هیچ بر زمان
کندی بیوک آغرلقلریله صیقندی یه دوشه رک اک صکره اونلری غائب
ایتمک تهلیکه سنه معروض قالمایدرلر . دیگر جهندن ، قطعات عسکریه
برقاج ساعتق بر زمان ایچون اولسه بیله ، اگر ممکن ایسه ، هرکون
کندی بیوک آغرلقلرینه عربن احتیاج ایدرلر . مثلاً ضابطلر کندی
صندقلرینه ، نفرلر ایسه بیوک آغرلقلرده بولسان ارزاق وسائر یه
محتاج اوله بیاورلر . اگر بو عربله موجود ایسه هیچ اونو تمیکزکه ،
انلرک بوموجودیتی بر احتیاج حقیقی یه علامتدر .

بناءً علیه کونش باتدقندن صکره اونلردن استفاده ایتک بحثنده
وعلى الخصوص ایلری قره غوللرک کیجه لین باصقینه اوغراملری پک
نادر برشی اولدیفندن بیوک آغرلقلری ایلری خطلره کوتورمکده
پک زیاده احتیاط کارلغه دوشمک ایودکلدر . دشمن سزه نسبتاً یقین اولمقله
برابر یه بوراده بیوک آغرلقلری پیشدار قسم کلیسنه حتی ایلری
قره غوللره قدر کوتورمکده اصلاً تردد ایتیه جکم . ایلری قره غوللر ،
مذکور آغرلقلری ، یالکز کندیلرینه لازم اولدینی درجه ده یانلرنده
طوته جقلردر . آغرلقلرک هانکی ساعتده کندی جزء تاملری یانه

کیده جکلرینی وینه هانکی ساعتده کری یه چکیله جکلرینی بیان ایتک
ایلری قره غوللر قوماندانک وظیفه سیدر .

وضعیت دها قورقیل و اراضی دها مشکل ویا دشمن بوراده کیندن
دها یقین اولدینی زمان ایلری قره غوللر ، پیشدار قسم کلیسی وحتی
مفرزه قسم کلیسی بیله بمضاً یکدیگرینی متعاقب برقاقچ کون کندی
بیوک آغرلقلرندن واز کچمکه مجبوریت کوره جکلردر . لکن بوندن
طولانی هرکس ایچون بیوک بر صیقندی حاصل اوله جقدر .

بناء علیه ، پیشدار قوماندانی بیوک آغرلقلری ایلک اول بیوک
یول بونیجه (فلوری) کوینک (تویله ری) سنه قدر ایلرولته جکدر .
ومذکور آغرلقلر اوراده (فلوری) وایلری قره غول قوماندانلرندن
لازم کلن تعلیماتی آله جکلردر .

میرآلای ب . . کندیسنه کوندریله جک اولان راپورلرک کمال
سرعت و سهولتله واصل اولملرینی تأمین ایتک ایچون کیجه بولنه جنی
نقطه یی قطعی بر صورتده مادونلرینه بیلدیره جکدر .

خلاصه اوله رق پیشدار امریکز بروجه آتی ترتیب ایدلمش
بولنه جقدر :

(پوڻي) نڪ جنوبنده بيوك يول

۱ - ۷ - ۸۹ - ۲۵۰ کی

پيشدار امري

۱ — (سابلون) ده دشمن پياده
عسڪري وار کي ڪورينپور ؛ (بهووي -
لاھوت) ، (هورڪنه - اوسابلون) ،
(غرائش - اوزورم) ايله (اوني) نڪ
جنوبنده دشمن ڪشف قولاري ڪورلشدر .
قول اردومن ڪندي ايلري قره غولاريني
(آرس لاکنه ڪسي) - (قره پي) ده داخل
اولق اوزره (قره پي) اورماننڪ شمال
چيقتديسي (خطي اوزرنده تأسيس ايله مشدر .
لوا قسم ڪليسي (وه رني) ، (شاري زه)
(پورنوي - لاغراس) ده يرلشمشدر .
پيشدار قسم ڪليسي (فلوري) ده قوناقلرده
کيجه ايله جڪدر .

۲ — بيڪباشي ق .. (۹۸) نجي پياده
آلاينڪ برنجي طابوري و (۹) نجي دراغون
آلاينڪ برنجي باوڪي ايله ايلري قره غولار
خدمتي تامين ايله جڪدر .

۳ — ترصد خطي ، (قره پي) داخل
اولماق اوزره (قره پي) اورماننڪ شمال
چيقتديسندن (سهيل) دره سنه قدر
امتداد ايله جڪدر . (سهيل) دره سنڪ
جهت غريبه سنده (موتيني) و (سابلون)
اوزرينه ڪشف قولاري ڪوندريله جڪدر .
(سهيل) دره سنڪ (ڪووري) دڪرمي
ياننده ڪي ڪوپريسي تخريب ايديله جڪدر .
اڪر دشمن بر هجوم ياقم ايستيه جڪ

اولورسه، (پویی) نك شر قنده (۲۱۷:۹)
را قلی تیه دن (پویی) ده داخل اولق اوزره
(پویی) یه قدر اولان موضع طوتیله جقدر.
۴ — (۹۸) نجی پیاده آلاینك (۲) نجی
طاپوری، (۹) نجی دراغون آلاینك
(۲) نجی بلوكی و (۳۱) نجی سیار
طوچمی آلاینك برنجی بطریقه سی (فلوری) ده
قوناقلره یرلشه جكلدر. (۹۸) نجی پیاده
آلاینك (۲) نجی طاپورندن بر بلوك
(فلوری) نك شمال مخر جنده، دیگر بر بلوك
ایسه بیوك یول اوزرنده (تویله ری) ده
طوبلی قوناقلره یرلشه جكلدر.

یوزباشی د. . . (فلوری) ده قوناق
نوتجی ضابطی اوله جقدر. موئی ایله
قطعات مختلفه قوناقلریله برلکده درحال
اورایه کیدرك هر قطعه نك بولنه جنی محلی
تعین ایله جكلدر. اوندن بشقه، امنیت
استحصالنده لازم کلن هر درلو تدابیری
اخذ ایله، (سهیل) دره سنك (موله ن-
دو فلوری) ده کی کچید محلی کوچك
برضابط قومانداسنده بولسان بر مستقل
پوسته ایله محافظه ایتدیره جكلدر.
۵ — بیوك آغر لقلر، (فلوری) کونك
(تویله ری) سنه قدر ایلرولیه جكلدر
واوراده لازم کلن تعلیماتی آلدقدن صکره
پیشدار قم کلیسنه وایلری قره غولاره
التحاق ایده جكلدر.

۶ — راپورلر (فلوری) بلدییه داشر سنه
کوندریله جكلدر. میر آلای
ب..

تبلیغ ایدلشد:
سواری یه بر امر ضابطی ایله و تحریر آ؛
دیگر قطعات عسکریه قوماندانلرینه
شفاها.

قول اردونك ایلری قره غوللر خطنه دأثر دهآ زیاده تفصیلات ویرمه لزوم یوقدر. زیرا آنی بیلمكدن لوا ایچون هیچ بر فأنده حاصل اولمز. ایلری قره غوللر سواری بلوكنی کیجه (فلوری) ینه کتورمك نیتده ایدیه کز، مذکور بلوكن قوناقلری حاضر ایدلمش اولق ایچون امرده اوندن بحث ایتمه کز لازم کلوردی. کله جك مکتوبده سز کله بونقطه اوزرینه دهآ زیاده قونوشه جغمی وعد ایلرم. زمین اوزرنده یاییله مدافعه ایشلری ایلری قره غول بلوکلری طرفندن تعیین ایدلمش اوله جقلردر. بر بطریه موضعی تشکیل ایتمه کز لزوم یوقدر. امرک (۴) نومرولی ماده سی بعض ایضاحاته محتاجدر. بن آنی شمعی سزه ایضاح ایلرم. (فلوری) قوناقلرینک اصول تحکیمی، سزدن بر قروکی طرزنده ایستلمش ایدی. سز مختلف طرامه لر واسطه سیله [۵] مختلف جزء تاملر طرفندن طوتلمش اولان منطقه لری تقریق و اشعار ایده جکسکز.

اگر بر منطقه مختلف ایکی صنف طرفندن (مثلا پیاده و طوبجی) اشغال ایدلمش ایه مذکور صنف لری کومترین طرامه لر یکدیگری اوزرینه و چاپرازلامه بر صورتده چیز یله جکلردر. یابه جفکز قروکی به برده اشارات مخصوصه جدولی علاوه ایده جکسکز. اولجه کوردیکمز کبی (فلوری) نك اوزون اوزادی به تقسیاتی یایق ایچون وقت بولنه مامش ایدی. بونکله برابرده عسکرک استراحتی کیکیدیرمك لازم دکلدر. یوز باشی د.. پیشدار امرینی آلدقندن صکری طوغریجه میرآلای ب.. نك یانه کیدر. مومی الیه اکا یالکز لازم اولان

[۵] یعنی کویده مختلف جزء تاملرک بولندقلری یرلری قروکیده جهتلری عکسی طرامه لر ایله کومستره جکسکز.

شیلرک بر آن اول یایلمسنى سويلمکله اکتفا ایلر. یوز باشى د .. اوندن صکره طابورک و بطریه نك قونا قجیلرینی طوبلار (سواری بلوکنک قونا قجیلری بر آز صکره بونلره التحاق ایدم جکدر) و آتلی ضابطان ایله چارچابوق (فلوری) کوینه کیدر. ایشک پک تفرعانه کیریشمینرک در حال کویی بر استکشاف ایدر :

(تویله رء) بز بلوکه تخصیص ایدلمشدر. کویک سوقاقلری، مسکون محلی اوچ منطقه ایرمغه مساعددر. دشمن تعرضه اک چوق معروض اولان شمال و شمال غربی منطقه سی پیاده یه تخصیص اولنمشدر. اک امین اولان جنوب منطقه سی طوبچی یه ویرلمشدر ؛ طوبچی اوراده پارق تشکیل ایدم جکدر. کویک اورته سنى عین زمانده هم سواری وهم پیاده یه ویرمک ممکندر. چونکه سواری اوراده کی آخورلردن استفاده ایدم بیلور. کویک شمال شخر جنده کی بیوک بنالردن بریسی بر بلوکنک طوبلی قوناغی اولمق اوزره تخصیص ایدلمشدر. تفصیلات سائر هر قطعه نك کندى قونا قجیسی طرفندن تنظیم ایدیله جکدر. بو اولدقدن صکره قطعات عسکریه آرتق (نلوری) یه کیره بیلورلر. هر جزء تامک قونا قجیسی قطعات عسکریه کویه کلدکلری زمان نر یه کیدم جکلرینی بیلمک ایچون الدن کلدیکی قدر چابوق بر صورتده اولری و سوقاقلری تقسیم ایدم جکلردر. اگر بوتقسیمده کوستریلن عجله دن اوتری بعض قطعه لرک نسا یرلشدیرلمش اولدینی کوریلورسه اونلرینه بشقه کره تلافی مافات ایدیلور.

یوز باشى د .. نك وضع ایدم جکی قره غوللر، نظام قره غولی ایله برقاج خارجی پوسته دن عبارتدر. مومی ایله ایلک اوکجه نظام قره غولنک یرلشدیرلمسى و آنک چیقاره جنی نوبتیلرک عددیله مشغول اوله جقدر.

نظام قره غولی الدن کلدیکی قدر ضعیف تشکیل ایدیله جک و طبقی وقت صلحه قیشله لرده کی کبی حرکت ایلله جکدر . پیاده طابوری . بونظام قره غولی ایچون برکوچک ضابط [نظام قره غولی قوماندانی] بر بوریزن ، سنجاق اوکنه برنوتجی ، اشیا اوکنه [جبخانه عربله ری ، اجزای طیه عربله ری ، آغراق وارزاق عربله ری که بونلر کویک آجیق یرلرندن بریسنده یارق تشکیل ایدم جکلردر .] برنوتجی تخصیص ایلله جکدر . سواری بلوکی کندی عربله ری محافظه ایچون برنوتجی تدارک ایدم جکی کبی بطریقه کندی طویلرینی و قاقیلرینی [بونلر « نوتردام » جهتنده کی مخرجه یارق تشکیل ایدم جکلردر] و دیگر عربله ری کوزه تمک ایچون برنوتجی چیقارم جکدر . (فلوری) ده اقامت ایدن عسکرک آزلغندن طولای پولیس خدماتی ایچون خصوصی کشافلر تدارک ایتک وظیفه سی ینه پیاده طابورینه دوشردی .

طابورک نوتجی ضابطی ایله سواری بلوکی و بطریقه نک نوتجی کوچک ضابطلری یوزباشی د . . نک یانسه کلدکاری زمان اونلره نظام قره غولنک بولندینی یر سویلنه جکدر . اوندن بشقه بوضابطلره خارجی پوسته لر ایچون اخذ ایدیلان ترتیباته ، بریاصقین وقوعنده اجتماع نقطه لرینه دائر معلومات و یریله جکی کبی ایجاب ایدرسه بعض تعالیمات خصوصیه ده و یریله جکدر .

قطعات عسکریه (فلوری) ده بولندقلری صره لردن چیقمش اولزدن اول یوزباشی د . . نک تکمیل امرلرینی و یرمش بولنسی آرزو ایدیله جک برشیدر . چونکه اوسایه ده عسکر طاغیدلمه دن هرکسه بولنه جفی یری سویلمک ممکن اولور . مختلف منطقه لری قونا قجیلر بینه تقسیم ایتدکن و کویک داخنده (الدن کلدیکی قدر مرکزنده)

نظام قره غولنك تأسيس واقامه سی ایچون بر محل بولدقن صکره یوز باشی د .. خارجی قره غوللرک وضع و تاسیسلری خصوصندہ لازم کلن ترتیباتی تعیین ایلمک مقصدیلہ بر کرده کویک اطرائتی ایوجہ طولاشور و کوزدن کچورر . نظام قره غولی پیاده طابوری، سواری بلوکی و بطریہ نوبتخیرندن و اونلری دیکشدرمک ایچون لازم کلدیکی قدر نفرلردن ترکب ایتدیکی حالده خارجی پوستہلر بالخاصہ پیاده دن تدارک اونلورلر . بونلرک قوتی متحولدر وایلری قره غول پوستہلرینک وظیفہ سی کی بر وظیفہ یی ایفا ایدرلر .

کویک شمال جبهہ سی الک بیوک تہلکہ یہ معروضدر ، بناء علیہ اونک محافظہ سی بر ضابط طرفندن قوماندا ایدیان بر پوستہ [طوبی قوناقلرہ یرلشمش اولان بلوکن آلسان بر ضابط ایلہ یارم طاقم] یہ حوالہ ایدیلہ جک و مذکور پوستہ کویک شمال مخرجنہ اقامہ اولنہ جقدر . کندی نوبتندہ بو پوستہ دہ چفته نوبتخیر و کوچک پوستہلر [کوچک بر ضابط قوماندہ سندہ] ایلہ کنديسنی محافظہ ایلہ جکدر . اشته بن بو پوستہ نی شو و جہلہ تقسیم ایدیورم :

پوستہ نک بالخاصہ کنديسی شمال جبهہ سنک اورتہ سندہ کی مخرجدہ بولنور؛ سلاح چاتیلرینک اوکنده بر نوبتخیسى واردر .

بر کوچک پوستہ (نومرو - ۱) (فلوری) نک شرقندہ یولک آیرلدينی نقطہ دہ (۲۱۸) بولنور؛ وظیفہ سی (هوپیتال) اورمانلری جہتندہ کی اراضی یی کوزہ تمکدر .

بر چفته نوبتخی (نومرو - ۲) تخمیناً (۳۰۰ : ۴۰۰) مترہ ایلریدہ (طونو) استقامتندہ .

دیگر بر چفته نوبتخی (نومرو - ۳) کویک یانمال غربی

چیقندیسندہ ویا بوچیقندینک همان شمالندہ (فلوری) یی جادہیہ ربط
ایدن یول اوزرندہ۔ اصل پوستہ نک، کندیمی دہ (ھوپیتال) اورمانلری
جہتہ کشافلر کوندردہ رک وایلری قرہ غولار قسم کلیسیلہ ارتباط
حاصل ایدرک بودیدیکمز امنیت ترتیباتی دہا زیادہ اگال ایلیہ جکدرہ
کویک تہلکہیہ اک آرز معروض اولان شرق، غرب و جنوب
جہہلرینہ کلنجہ، اورالرہ یالکز آنلرک جوارندہ قوناقرہ یرلشمش
بولنان بلوکلردن تدارک ایدیلہ جک کوچک پوستہلر [کوچک ضابطلر
قوماندہ سندہ] کافیدر۔

برکوچک ضابط پوستہ سی [نومرو - ۱] برکوچک ضابط ایلہ
۹ نفر [ھوپیتال اورمانلرینہ کیدن یولک مبدأ نقطہ سنہ یدلشد یریلہ -
جکدرہ۔ بوپوستہ، یوزی اورمانلرہ متوجہ و تخمیناً باغلرک چیقندیمی
یانندہ (تخمیناً ۴۰۰ مترہ قدر ایلریدہ) اولقی اوزرہ برچفتہ نوبتجی
چیقارہ جقدر۔ اوسایہ دہ بو نوبتجی کیجہ انسانندہ (۲۱۸) راقلی
محل یانندہ یولک آیرلدینی نقطہیہ وضع اولنان پوستہ ایلہ ارتباط حاصل
ایدہ بیلہ جکدرہ۔ برنومرولی پوستہ اوندن بشقہ، (ھوپیتال) اورمانلری
جہتہ کشافلردہ کوندردہ جکدرہ؛ بناءً علیہ $۳ + ۶ = ۹$ نفردن
عبارت اولہ جقدر۔

برکوچک ضابط پوستہ سی (نومرو - ۲) (برضابط ایلہ ۹ نفر)
کویک جنوب مخرجنہ قونیلہ جقدر۔ بوپوستہ (نوتردام) یولک
دیرسک نقطہ سنہ برچفتہ نوبتجی چیقارہ جق و باغلرک جنوبندہ (ھوپیتال)
اورمانلرینہ طوغری کشافلر کوندردہ جکدرہ۔
بناءً علیہ اونک دہ قوتی اوتہ کیسی کی (۹) نفردن عبارت بولنہ جقدر۔
(تویلہری) جہتندہ کی مخرجی طوتمق لازم دکلدر۔

(تویله‌ری) ده طوبلی قوناقلرده کیجه‌ی چکوره‌جک اولان بلوک (فلوری) به آیریلان یول یاننده‌کی اوه برکوچک ضابط پوسته‌سی (برکوچک ضابط ایله ۹ نفر) قویه‌جقدر . بوپوسته ایلریده بیوک یول اوزرینه برجفته نوبتچی چیقاره‌جق و (پوی) استقامته ده بعض کشافلر کوندره‌جکدر . عینی بلوک (موله‌ن‌دو‌فلوری) به‌ده برکوچک ضابط ایله ۱۲ نفر تفریق ایلیه‌جکدر . بوپوسته کوپری اوزرنده برجفته نوبتچی بولندیره‌جق و (کووری) ایله (قووان - لوکووری) جهته کشافلر کوندره‌جکدر .

بناءً علیه قوتی $۱۲ = ۳ + ۳ + ۶$ کیشیدن عبارت اوله‌جقدر . یوزباشی ... بتون شو پوسته‌لری کندی اداره‌سی آلتنده بولندیره‌جقدر . مومی‌ایله اونلری یرلشدیره‌جک ، اشارت‌لرینی سوبیله‌جک وکیجه ، کوندوز اونلری کندیس‌ی زیارت ایلیه‌جکدر . یوزباشی ... به معاونت ایچون بردوریه ضابطی تفریق ایتک‌ده ممکن اولور .

یوزباشی ... بر باصقین ظهورنده قطعاتک اجتماع نقطه‌لری نرم‌لری اوله‌جق اونلری‌ده کوستره‌جکدر . بونقطه‌لر بروجله‌اتخاب ایدملش‌لردرکه ، بر هجوم وقوعنده قطعات عسکریه‌دن هیچ بریسی دیکرینی تعجیز ایتمک‌سزین وچار چابوق اورالر جمع اولنه‌بیله جکدر .

(تویله‌ری) باوکی اولدینی محله طوبلانه‌جق و بیوک بنایی اشغال ایلیه‌جکدر . مذکور بلوک بوجهله کویک غرب جهه‌سی اورتمش بولنه‌جقدر . دیکر اوچ بلوکک اجتماع نقطه‌سی کویک شمال جهه‌سک اورته‌سنده‌کی بیوک خراج اوله‌جقدر . زیرا اغلب احتماله‌کوره یالکز کویک بوکناری طوتیله‌جق کی کورینور . سواری بلوکی سواق‌لردن

یریسندہ اجتماع ایتھکن ایسہ کویک طیشاریسندہ اجتماع ایلیہ جکدر . چونکہ سوق قار پک طار اولدیغندن اورادہ دونیش حرکتلری یایمق محالدر . (نوتردام) جهتده کی مخرج سواری بی تعجیز ایتمه مک وکندیسی ده تعجیز ایدلمه مک فکریله بطریقه تخصیص ایدلایکندن سواری بلوکی ایچون یا (تویله ری) جهتده کی مخرجی ویا (هویتال) اورمانلرینه کیدن یولک مبدائی انتخاب ایتمه کدر . سر استسکرز . لکن اورمانلر جهتده کی مخرج بلوکک اجتماعه کفایت ایتمه مک درجه ده طار اولدیغندن اک ایوسی (تویله ری) جهتده کیسینی انتخاب ایتلمیسکرز . طویچینک اجتماع نقطه سی دائما ، دشمنک کلدی محتمل اولان استقامتک عکسی جهتده واقع کندی پارق محایدر . بوراده طویچینک اجتماع نقطه سی (نوتردام) جهتده کی مخرج اوله جقدر .

خلاصه ، پیاده صورت عمومیه ده مسکون محل ایچنده ومدافعه ایدیله جک منطقه یاننده ، سواری ایله طویچینی ایسه مسکون محلاک خارجنده ومختلف نقطه لرده اجتماع ایدرلر . هر جزء تام ایچون کوستریان اجتماع نقطه سی ایله ، برهجوم وقوعی حالنده ، اگر امر ویرلمش ایسه ، عموم عسکرک طویلانمنسه مخصوص اولان تجمع نقطه سنی برندن فرق ایتک لازمدر . امرده عموم ایچون بویله بر جمعیتکاه کوسترلیدیکی زمان مختلف قطعات عسکریه یکی امرلر بکلمکسزین طوغریجه اورایه قوشارلر . بوراده پیشدار قوماندانی عسکرک عمومونه شامل اولمق اوزره بر جمعیتکاه کوستر مکدن صرف نظر ایلدی . چونکه پیشدار قسم کلیدی قطعاتندن هر بریسنک کنندی اجتماع محللارنده امر بکلملری لازم کلدیکی دها مناسب عد ایدیور . لکن اگر سز پیشدار قسم کلیسینی ممکن مرتبه دها چابوق بر صورتده جمع ایتک ایستیور ایدیسه کز ، امرده : « جمعیتکاه

(پویی) نك جنوب مخر جیدر ، كبی برشی علاوه ایتمکن لازم کایدی .
 بوحاله نظراً اقسام عسکریه دن هر بریق ایلک اوکجه کندی اجتماع
 محله ده طویلانه زق صکره چار چابوق وینه یناشیق نظامده اولق
 اوزره (پویی) نك جنوب مخر جنه کیده جک ایدی . یالکز بر هجوم
 حالده دشمنه مقاومت ایچون قطعات عسکریه نك هپسی عین نقطه دن
 حرکت ایتمک ، عین محله دن ایشه باشلامغه مجبور اولدقلری زمان
 بر جمعیتگاه کوستریلور .

سوزیمی کسه دن اول شونی ده سویله یمکه ، یوز باشی ده . نك
 تنظیم ایدیله جک بوندن بشقه دها بر سوری ایشاری واردر . از جمله هر قطعه نك
 نوبتچی ضابطه ویا کوجک ضابطه ، استکشافه ، خدمت داخلینه یه ،
 قویولر و چشمه لرك عسکر آره سنده توزیعنه ، یم وارزاق تدارکنه ،
 سواققلرك تنویرینه ، مدافعه ایشلرینه و بالخاصه مخرج و مدخللرده
 متحرک سدلر وضعنه ، بیوک آغرقلرك یرلرینه ، برباسقین ظهورنده
 بونلرك نه وجهله حرکت ایده جکلرینه دائر تعلیمات و یرمک هپ اونك
 وظیفه سیدر .



اون طقوزنجی مسئله

شمدی مطالعه ایتدیگمز پشداد امرینی اساس طوتهرق بیکیبائی ق . .
 طرفندن وبریله جک ایلری قره غول امری یازیله جق وکوندوز وکیجه ترتیباتی،
 نوبتجیلره وارنجه یه قدر کوسترمک اوزره برقروکی چیزیله جکدر . قروکینک
 برکنارینه اشارات مخصوصه ایله آقسام مختلفه نك قوتلری کوستریله جکدر .
 آقسامک ساعت (۴) نده ایلری قره غول سواری بلوکنندن آتیده کی
 راپور کلور :

« دشمن (سن پرپوا) [« مونتنی نك جنوبنده] نك جنوب مخرجنده ،
 (سابلون) نك جنوبنده بیوک یولک (سهیل) دن کچدیکی کوپری اوزرنده
 و (بهووی لاهوت) ک غربنده کی تیه ده قازاق اصولنده (۸ : ۶) سواریلک پوسته لر
 وضع و تأسیس ایلمشدر . (مونتنی) نك جنوب مخرجنده ، سواری قیشله سنک
 شرقنده تخمیناً برسواری طاقی قدر عسکر وارددر . (سابلون) دن (مایچی) یه
 کیدن بیوک یولک مخرج نقطه سننده ایسه (۲ : ۳) طاقم سواری وارددر .
 اها لیک دیدیکنه کوره (سابلون) و (مونتنی) ده خصمک برر پیاده بلوکی
 اولدینی آکلاشیلور . »



مختلط ایلری قره غوللر ایچون امر اورنکی

محل

تاریخ ، ساعت

نومرو — ۱

ایلری قره غول امری

۱ — دشمن ایله دوست قطعاتی اوزرینه معلومات. (مفرزه ویشدار قسم کلیرینک نرده اقامت ایتدکلی ، اکر وارسه ، جوار ایلری قره غوللرک یرلری) .

۲ — ایلری قره غول قوماندانی طرفندن اخذ ایدیلن قرار (قولانیله جق اقسام عسکریه هانکیلریدر ، وصورت عمومیه ده ترصد ایدیله جک خط نردن نره یه قدر طوتار . . .) .

۳ — ایلری قره غوللر سوارسی ایچون ترتیبات (دشمنله تماس حاصل ایتکه چالیشق ، صورت عمومیه ده امنیت خطی هانکیسیدر ، مطلق کوزه دیله جک یوللر هانکیلریدر . کشف ایدیله جک ویا کند . یریله ارتباط حصوله کتوریله جک مسکون محللر . پیاده یه الحاق اولنه جق سوارى اقسامی . . .) .

۴ — ایلری قره غول بلوکلی ایچون ترتیبات (صاغدن باشلایه رق ، بلوک منطقه لرینک تحدیدی ، تقریباً بولنه جقلری یرلرک بیانی) .

۵ — ایلری قره غول قسم کلسی ایچون

ترتیبات (ترکیبی ، محلی ، اگر ایجاب
ایدرسه ، طوغریدن طوغریه بوقسم کلی
طرفندن آلنه جق امنیت ترتیباتی) .

۶ — بر هجوم وقوعنده نه وجهله حرکت
اولنه جقدر (طوتیله جق خط ویا مسکون
محللر) .

۷ — ایلری قره غول قوماندانک یری
(صورت عمومیه ده قسم کلیده) .

امضا

امراء قطعات عسکریه نه وجهله
تبلیغ ایدلدیکی .

تنییه — ایلری قره غول قوماندانک ایکی امر ویرمسی قاعده دندر .
برنجیسی علی العجله خدمتک جریانی تأمین ایتک ایچون الک اول یاپلمسی لازم کلن
ترتیباتی حاویدر . ایکنجیسی برآز صکره یعنی آلنان ترتیباتی اراضی اوزرنده
برقتیش ایتدکن صکره ویریلور . وبو واسطه ایله ترتیبات عمومیه اکمال
ایدلش بولنور .

عمل

تاریخ ، ساعت

نومرو — ۲

ایلری قره غول امری

۱ — دشمنه دائر معلومات (اگر برنجی امر ویرله کدن صکره بشقه بر حوادث آلتش ایسه) .

۲ — ایلری قره غولر سوارسی (بر باصقین ظهورنده نه وجهله حرکت ایده جکی . کیجه عودت ایله جکی ساعت و طوته جنی یر — کیجه ائساننده کی وظیفه سی . کوندوز یرلرنی تکرار اشغال ایتک ایچون ایرتسی کون نه زمان حرکت ایده جکی . شفقله برابر کوندریله جک کشافلر) .

۳ — ایلری قره غول بلوکلری (بر باصقین ظهورنده نه وجهله حرکت ایده . جکلری ، کیجه یرلری هانکی ساعتده اشغال اولنه جقلردر . اگر لزوم کوریلورسه ، کیجه کشافلرینک تعقیب ایده جکلری استقامت لر ، جوار قطعات ایله تأسیس ایدیله جک ارتباط — ایرتسی کون تکرار کوندوز یرلرینک اشغالی) .

۴ — ایلری قره غول قسم کلیسی (نه . وجهله حرکت ایده جک ، اگر ایجاب ایدرسه کیجه لین آلتنه جق ترتیبات ، ایرتسی کون سلاحه صارلق ایچون هانکی ساعتده حاضر بولنه جقدر) .

۵ — قبو پوسته لرینک وضع ایدیله جکلیری

یوللر .

۶ — اگر ایجاب ایدرسه مدافعه ایشلری

ویوللرک سدی .

امضا

احمک قطعات عسکریه یه نه وجهله
توزیع ایدلدیکی ..



يکرمنجي مکتوب

ایلری قره غوللر — ایلری قره غوللار ترتیباتی کوستر برقروکی .
 پیشدار توقف ایتدیکی زمان پیاده اوجی (پویی) یه واصل اولور .
 سوارینک ایلریده ایجه اوزاقلرده بولندیغی و (پویی) نك شمالنده کی
 اراضی یی طرامقده اولدیغی کچن مکتوبده کورمش ایدک . ایلری
 قره غوللر صورت عمومیهده یرلرینه یرلشمش اولنجه یه قدر مذکور
 سواری بو استکشاف خدمته دوام ایدم جکدر .
 بیکباشی ق .. پیشدار امرینی آلدیغی زمان ایسترسه ، بلوک
 قوماندانلرینی یاننه چاغردقدن صکره . برنجی امرینی یالکیز خریطه یه
 باقهرق درحال ویره بیلور . واکر زمان غائب ایدلمش اوله جغندن
 برقورقوسی فلان اولمزسه ، اووقت بردن بره ایلری کیدرک ، اشغال
 اولنه جق اراضینک قسم اعظمی کورمکه مساعد یوکسک برنقطه یه
 چیققدن صکره امرینی ویرر . بوکی حاللر ده سواری یه اکثریا
 تحریراً امر کوندریلور ؛ زیرا ، اوزاقده بولنیور و آنی یانکزه
 چاغرمق هیچ برزمان سزک ایشکزه کمز .

بوراده بیکباشی ق .. بلوک قوماندانلریله برابر ، (پویی) نك
 شمالنده کی تپه یه کیتمک ایچون همان درت نعل یوروشنه کچه جکدر .
 افقی ایوجه برکوزدن کچوردکدن صکره مومی الیه ویره جکی امرلری
 آرتق خریطه سنه کوره ویره بیلور . شبهه سز ، ایلری قره غوللرک
 بولنه جقلری یرلری بدایتده دهاقطعی برصورتده تعیین ایتمک ممکن
 اولوردی ؛ لکن بونک ایچون ایلک اوکجه اراضی یی ایودن ایویه
 برکشف ایتمک لازم کلوردی ؛ بوايسه بیلورسکز چوق زمان ایستره .

حال بو، که البت خاطر کزده قالمشدر؛ بن کچن مکتوبمده ، اصل ایش امنیت ترتیباتی کمال سرعتله آله رق وقت ضایع ایتمکسزین هر کسی استراحت ایتدیرمکدن عبارت اولدیغنی ایضاح ایلش ایدم . فصل اولورسه اولسون، ایلری قره غول قوماندانی اشغال ایدیله جک خطی مؤخرأ بر کز مکّه مجبور اوله جق دکلیدر؟ اوله ایسه مومنی الیه اوزمان تفرعاتده کوریله جک قصورلری تصحیح ایده جکی کبی، لزوم کوریلورسه بعضی ترتیبات متممه ده اخذ ایتش بولنه جقدرد .

اولجه آلمان ترتیباتی کوکندن صارصه جق وجهله تعدیلات جدیده ده بولنمقدن چکنمک لازمدر .

ختلط ایلری قره غوللر: ایلری قره غوللر سواریسنی، ایلری قره غول بلوکلرینی و ایلری قره غول قسم کلیسینی حاویدر. اوله ایسه، بیکباشی ق . . ایلک اول بو اوج قسمک یرلرینی برصورت عمومیه ده تعیین ایتمکه مجبوردر. اولجه ده ، یالکنر بللی باشی یوللری ترصد ایتدیرمکه اکتفا ایلیمک دکل، بالعکس دشمنک یقینلقدن طولانی ، مومی الیه ک قول اردو ایلری قره غوللرینه ارتباط حاصل ایده جک صورتده مکمل بر ایلری قره غول ترتیباتی آلمغه مجبور اولدیغنی سویلمش ایدم .

ارتباط نقطه سنده (قره پی) اورماننک غربنده (قارره) اورمانی واردر. بوندن صکره خط ، (هوت که نوط) ایله تعیین ایدلش بولنیور . خریطه یه نظرأ بوتپه دن (سن پی یر) دره سنک وادیسی کاملاً کوردلیکی آکلاشیلور. (مانی) نک جنوب شرقیسنده کی (۱۹۴۰۷) راقلی محله کلنجه بوراسی ده ها شمالده بولنان اراضی یی ستر ایده جک کبی کورینیور . (۱۹۴۰۷) راقلی تپه دن (بهووی —

لا هوت (تپلری ایله (سهیل) وادیسند (مائی) یه طوغری
اولان اراضی ایجه کوریلور. (مائی) نك غربنده (سهیل)
وادیسی (هوت بوتان) ایله ستر ایدلش بولنیور. بناءً علیه هرشیدن
اول شو اوچ تپه دن سواری ایچون نه یولده استفاده ایدیله جکتی
بر آکلامق لازمدر. اگر (هوت که نوت) اوزرنده بر ترصد
پوسته سی قونیلور سه ذاتاً (بهووی-لا هوت) و (هورکنه - اوسابلون) ده
کورلمش اولان دشمن کشافلرینی (۱۹۴۰۷) راقلی تپه یه یا قلا شمدن
بر آز منع ایده بیله جکسکز. حال بوکه دشمن کشافلری اگر فی الحقیقه
دیدیکمز تپه یه کله جک اولور لسه آلتان امنیت ترتیباتنک هیچ دکسه
بر قسمی کشف ایتمش بولنه جقلردر. بناءً علیه ایشته کوربورسکز،
سز دشمن کشف قوللرینک اورایه قدر کلرینی منع ایتمه کججورسکز.
باخصوص امنیت منطقه سی داخلنه کیرمی قابل اوله میان (بهووی -
لا هوت) صرتلرندن بر آز صکره ایلری قره غوللرکز طرفندن اخذ
ایدیله جک ترتیباتنک بر قسمی کشف اولنه بیلدجه، سزک بو مجبوریتکز
دها او قدر زیاده کندینی کو ستر مکده در.

بناءً علیه (۱۹۴۰۷) راقلی تپه یی طوتمق و بورایه کوندریله جک
سواری، (سن بی ی) دره سندن طولایی، دیگر سواری قطعه سندن
آیرلمش بولنه جنی ملاحظه سنه اهمیت ویرمه مک لازمدر. ذاتاً بودره نك
بلکه هریرندن کچمک قابلدر. (سهیل) دره سنک (مارلی) ده کی
کورپسی خصوصی بر صورتده اشغال ایدلمکه محتاجدر. بورایه مأمور
ایدیله جک قسم، (سهیل) دره سنک غربنده کی اراضی بی کوزه تمک
وظیفه سیله ده مکلف اوله جقدر. او یله ایسه بیکباشی ق. . کندی
سواریسنه (۱۹۴۰۷) راقلی تپه - (هوت بوتان) - (مارلی)
خطی کو ستره جکدر.

سواری بی دها ایلری سورمک فائده سزدر. زیرا اگر بویله یاپاسه سواری دشمنه پک یقین دوشمش اوله جقدی که، بوندن قرشو طرف سواریسیله لاینقطع بر طاقم چرقه جیلقلر ظهور ایدرک اولر سببیه امنیت خدماتنده کی قطعاً تک بوش یره وایکیده بر سلاح باشنه ایتیری کبی بیوک بر محذور چیقاردی. اوندن بشقه سزک اوقدر یقینده برلشمه کزه خصمک مساعده ایده جکی ذاتاً قبول اولنور برشی دکلدرد. برده نوبتخیلرک وظیفه سی اصل دشمنی ترصد ایتمک دکل، بالعکس اولنرک اصل ایشی ایلریده کی اراضی ایله اتصال یولارینی کوزه تمکدن عبارتدر. یوقسه دشمنی اساساً کشف و ترصد ایلیمک وظیفه سی کشف قوللرینه عائددر.

یالکز پک مستتاً زمانلرده ومثلاً همان دشمن یقینده اقامته مجبوریت کورلدیکی وقت نوبتخیلر هم اراضی بی وهم دشمنی کوزتمک وظیفه سیله مکلف بولنورلر.

ایلری قره غوللر سواری بلوکی ذاتاً اراضی اوزرنده بولندیغندن مذکور بلوکک چیقارمه جنی مختلف پوستلر کندی برلرینه کیتمک ایچون پک آز وقت صرف ایتمش اوله جقلردر. اغلب احتمالاً کوره بو پوستلر، پیاده نک کیلری کندی برلرینه واصل اولمزدن اول وارمش بولنه جقلردر.

پیشدار امری دها اولجه (پوی) نک شرقلده کی (۲۱۷،۹) راقلی تپه دن، (پوی) ده داخل اولمق اوزره (پوی) یه قدر اولان خطی طومتق لازم کله جکنی آ کلاتمش ایدی. بشقه درلو حرکت ایتمک ایچون بر طاقم اسباب خصوصیه اولد قجه ایلری قره غول بلوکلری بو خطی اشغال ایده جکلردر. زیرا، کریده استراحت ایتمکه اولان قطعات عسکریه نک محاربه ترتیباً تنه کچملری ایچون لازم کلن زمانی

قازانديره جق بالخاصه مذکور بلوکلرک مقاومتيدر. ايلرى قره غول بلوکلرينک خط مقاومت اوزرنده يرلشملى قاعده دندر ، بر هجوم حالنده ايلرى قره غول قسم کليسى ايسه اونلرک احتياطنى تشکيل ايدر. صورت عموميه ده بو ايلرى قره غول قسم کليسى خط مقاومتک کريسنده ومناسبتليجه انتخاب ايدلمش اولان بر نقطه ده بولنور .

ايلرى قره غول قسم کليسنک خط مقاومتى اشغال ايتمش اولمى پک نادر حالدر دندر . بوکي زمانلرده ايسه ، ايلرى قره غول بلوکلرينه محاربه ايدرک مذکور قسم کلى يه چکلملى امر ايديلور .

پياده يى (سن پير) دره سنه قدر سورمکده بر فائده اولمديغى اولجه کورمش ايدک . بوخصوصده مقدما سويلديکمز اسبابدن بشقه نظر دقته آله جق ديگر بر سبب ده ها وارکه اوده ايلرى قره غول قوماندانک (پوي) نک اوتهلرنده بر محله يرلشه مه مسيدر . بوکويدن (سن پير) دره سنه قدر ايسه تخميناً ۱۸۰۰ متره لک بر مسافه واردرکه بر ايلرى قره غول قسم کليسى ايچون بومسافه صورت عموميه ده پک بيوک بر مسافه در . شبهه سز خدمت سفر يه نظامنامه سى ايلرى قره غوللرک اقسام مختلفه سنى يکديکرندن آيران مسافه لرک قطعيتى بحثده بر شى سويلميور . بوايسه البس سزک اليکزي آياغیکزي باغلاماق ايچون دوشونلمش بر احتياط در . چونکه مذکور مسافه لرى اراضينک واوراده کى مقصدک حال وشانه کوره تعيين ايتک سزه بر اقلمشدر . لکن ، بن ايلرى قره غول قسم کليسنک ايلرى قره غول بلوکلرى خطندن بر کيلو متره دن زياده اوزاق بولمى فکر ننده دکلم . چونکه اگر فى الحقيقه اويله اولورسه او وقت کيجه اثناسنده بلوکلر وقسم کليک متحداً حرکت ايده بيلملى امکاني، آرهدن قالقمش بولمق تهلکه سنه معروض قالنور .

کذلك (هوت که نوط) — (سن تی به بولت) خطنک ایلری قره .
 غول بلوکلی طرفندن اشغال ایتدیلمسی مناسب دکلیدر؟ کبی برسئوال
 ایراد اولنه بیلور (اوزمان صول جناحی «پوی» نک غربنده ،
 «سهیل» نهینه استناد ایتدرمک لازم کلوردی) .

شو حالده کوچک پوسته لک (ایلری قره غول طاقلری) (سن-
 پی ر) دره سنه قدر سورملری ایجاب ایده جکدی . بوخطک پک چوق
 عسکره محتاج اولان وسعت عظیمه سندن صرفنظر ، (هوت که نوت)
 خط مقاومتدن (۸۰۰) ، (سن تی به بولت) ایسه تقریباً (۱۱۰۰) متره
 قدر اوزاق بولنیورلر . دیمک اولیورکه ، بویکی موضعی ایلری قره .
 غول قسم کلیدسندن آیران مسافه حد اعظمی به تقرب ایتیش اوله جقدی .
 بناءً علیه ایلری قره غول بلوکلرینک کیجه لین خط مقاومت اوزرینه
 رجعتی اودرجه مشکل برشی اولوردی که اوزمان امرده سویانلیدیکی
 وجهله (پوی) ده بیله ثبات ایتمک شبهلی بولنوردی .

ایوجه دوشونیلنجه کوریلورکه بوراده قاعده عمومی دن آیرلمی
 ایجاب ایده جک برسبب معقول یوقدر . باخصوص (قردن) اورماننک
 شمال چیقندیسندن (پوی) نک غربنده (سهیل) دره سنک دونک
 نقطه سنه قدر ایلری قره غول بلوکلی خطی (۳) کیلو متره به ایندیلمش
 ومذکور خطک هرایکی جناحی ده ایوجه استناد ایلمش اولدیفی حالده
 بوکا دها اوقدر زیاده احتیاج کورلمز .

ایلری قره غوللر ترتیباتنک درینلکنه کلنجه ، مبتدیلر بوخصوصده
 اکثریا مذکور ترتیبانه لزومی قدر عمق ویرمه مک کبی برخطایه
 دوشمکده درلر . قطعات عسکریه نک استراحتده نائل امنیت اولملری
 طوغریدن طوغری به ، ایلری قره غول خدماتنده عمیق بر ترتیبات

۱۰. اخذ ایتمه و ابسته در . ایلری قره غول قسم کلیسیله ، بلوکلری آرمسند (۵۰۰ : ۱۰۰۰) متره و بلوکلر ایله طاقلر بینده کذلک عین مسافه ، کوچک پوستلر (طاقلر) ایله نوتخیلر خطی بینده (۲۰۰) متره فرض ایدرسه کز ایلری قره غول ترتیباتنک قسم کلیدن نوتخیلر خطه قدر اولان درینلکی ۱۴۰۰ : ۲۴۰۰ متره یعنی وسطی اوله رق (۲) کیلو متره قدر برشی ایدر . کوندوزین ایسه پیاده نك ایلروسنده سواری ده واردر .

استراحت حالنده بولنان اصل قسم کلی بی تهدیده مقتدر اولمزدن اول دشمن ، بوسویدیکمز مسافه بی کاملاً محاربه ایدرک قطع ایتمه مجبور اولدینی کبی اوندن بشقه ایلری قره غول قسم کلیسندن اصل قسم کلی یه قدر اولان مسافه بی ده قطع ایتمه مجبوردر .
اوله ایسه ، بن آرتق امرلره کچه رک درحال اولرک هیئت عمومیه سنده ایلری قره غوللرک اقسام مختلفه سنه عا ند اولان نقطه لری ذکر و بیان ایده حکم . ایکی امر ایچون بر آز یوقاریده کوردیکمز نمونه لر اولردن هر بریسه نه کبی شیلرک عا ند اولدیغنی سزه کوستر مه مساعد درلر .

- (۱) نجی ماده : پیشدار امرینک عین ماده سنه مطابقدر .
- (۲) نجی ماده : تروصد اولنه حق خطی پک عمومی بر صورتده کوسترور ، بونک تفصیلاتی سز اونه کی ماده لرده بوله جقسکز . ماده مذکوره شویله یازلمشدر :

« ۹۸ نجی پیاده آلاینک برنجی طا بوریه ۹ نجی دراغون آلاینک برنجی بلوکی ایلری قره غوللر خدمتیه مأمورددر . بو ایلری قره غوللر (قره پی) اورماننک شال چیقندیسندن (سهیل) دره سنه قدر اولان خط اوزرنده یرلشه جکلردر . »

(۳) نجی ماده : بروجله ترتیب ایدلمشدرکه بتون تفرعات، اراضی به ایوجه آیشمش اولان سواری بلوکی قوماندانك فکرینه براقلمشدر . متحرکلهکی حسیله ایلری قره غول سواری بلوکی ، ایلری قره غول پیاده سنه نظراً کندی ایلک موضعلرینه دهآز باغلی بولنور . سواری بلوکندن یالکز برنی ایستلیورکه اوده شودر: پیاده ، برهجوم وقوعنده حاضر بولنه بیلک ایچون اولدقجه وقتنده اوکا معلومات ویرمک .. سواری بلوکی (بهووی - لاهوت) ، (کولو) به (سابلون) ه کیدن یوللری طبعی ترصد ایدم جکدر ؛ لکن سواری بلوکی طرفدن کوندریله جک کشف قوللرینك ایچه اوزاغه کیده جکلرینه دهآز یاده امین اولق ایچون امرده بوخصوصی ذکر ایتسه کز فنا اولمز ، ظن ایدرم . هر حانده (سایل) دره سنك غریبنده (سابلون) و (مونتینی) جهتلرینه طوغری اولان اراضینك کشف وترصد ایدلمسی وجوار قره غوللر ایله ارتباطك تأمین اولغسی لزومنی مطلق امرده ذکر واصرار ایدم جکسکز .

مخبره سواریلرینه کلنجه بولنردن ایلری قره غول قسم کلیسنه (۴ : ۶) ، ایلری قره غول بلوکلرندن هر بریسنه ده کذلک آزینه بوقدر ویریله جک طاقلمه ایسنه ، ایلری قره غول بلوکلرندن آلتق اوزره یالکز (۲) شر سواری الحاق اولنه جقدر . طاقلمك عددی ایله ، بوندن طولای ، سوارنی به اوله جق لزوم و احتیاجی اولدن قطعی بر صورتده تعیین ایتك قابل اوله میه جغنی خاطر دن چیقارمیکنز . بناء علیه بوسواریلری تصرفه قوللانمغه باقیکنز .. بر بلوکه یالکز (۴) سواری ویره بیامك ایچون امر ویرلدیکی زمان ، مذکور باوكل ساده بر طاقم چیقارمش اوله جفندن (مثلا اراضی آچیق و کلمسی قولای ایسه) قطعاً

امین بولمە كز لازم كلور. ایلری قره غول قسم کلیسنه (۴) سواریدن
 زیاده ویرمك پك نادر در ، چونكه بوسواریلر اوراده یالکز امر
 کوتورمك وظیفه سنه تعیین ایدلمش بولنیورلر؛ اونك ایچون یالکز (۴)
 سواریله مذکور وظیفه یی کورمك پك اعلا ممکندر . دیگر جهندن،
 مهم بریول اوزرینه یرلشدیرلمش اولان بلوکلر ، کیجه لین ایلری یه
 طوغری سوارى کشافلری کوندرمکه مجبور درلر . بناءً علیه ایکی
 طاقه ویريله جك سوارینك عددی (۴) قبول ایديله جك اولورسه
 اوزمان بوبلوکلردن هر بریسنه (۶) شر سوارى فضلّه ویريله رك
 بونلردن (۳) ر آتلی (۲) کشاف تشکیل اولنه جقدر . شو حسابّه کوره
 هر بلوکه (۱۰) عدد . واری ایله بونلره قوماندایتمك اوزره برکوچك
 ضابط ویرلمش اوله جق دیمکدر . بوندن طولایى آرتق اونلره مخابره
 خصوصنده قوللانمق ایچون (۲) شر آتلی دها ویرمك لزومسزدر .
 لکن بلایى باشلى یعنی مهم بریول اوزرنده یرلشمش اولان هر بلوك
 ایچون بویه (۱۰) سوارى ویرمك ثابت برشى دکلدر . هر حال
 خصوصیده سوارینك عددینى شدت لزومه کوره حساب ایتلی در .
 بوسواریلر کندى خدمتترینى اوکره ندکلری کبی همان پیاده اقسامى
 یانه کیدرلر . بناءً علیه اك قیصه یولدن درحال کندیلرینه کوستریلن
 قطعه یه مراجعت ایدرلر . لکن اورایه اصل اولنجه ، ینه درحال
 یوروش یایمغه یعنی بریره مأموراً کیتمکه مجبور دکل ایسه لر ، هم
 کندیلرینى وهم حیوانلرینى استراحت ایتدیره بیلورلر . هر قدمه
 یاننده کی سواریلردن یالکز بریسی دائماً بینوب کیتمکه حاضر
 برحاله طوره جقدر . کوندوزلری ، ایلری قره غول بلوکلری ایله

ایلری قره غول قسم کلیسی آره سنده تأمین ارتباط ایلیمک ایچون
(وه لوسیت) سوارلر قوللانیله جقدر .

لکن ، اصولاً دشمن استقامته کوندربلن سواری کشف قوللری
اکثر احوالده امنیتی استحصاله غیر کافی اولورلر . بناءً علیه سواری به
کیجه لین بیله دشمن ایله اولان تماسنی محافظه ایلمسنی امر ایتک
لازمدر .

شمدیکی حالده (مانی) — (لوسابلون) و (مارلی) — (مونیتی)
استقامتلی الک مهم استقامت لردر . اگر دشمن ایله اولان تماسی
یالکز ایلری قره غول بلوکلرندن کوندربلش اولان سواری کشف
قوللری واسطه سیله محافظه ایتک ایستیورسه کز ، بو خصوصده موفقیت
حاصل ایدم جککز پک شبه لیدر . (پوی) دن (سابلون) ه قدر اولان
مسافه ایجه بیو کدر . بناءً علیه سز ، حیوانلری کزی بر آزیورمش
اوله جقسکز . (مارلی) و (مونیتی) آره سنده ایسه خدمت ده
مشکل اوله جقدر . آنک ایچون کوچک سواری قسملری ایله ایلری
قره غول پیاده سنک ایلروسنده کی بعض نقطه لری دائمی برصورتده
اشغال ایتدیرمک ده عملی در . مذکور نقطه لر بوراده (مانی) ایله
(مارلی) نک غرب قسمیدر .

بودیدیکمز سواری اقسامی بو وجهله پیاده نو تجیلر خطنک ایلروسنده
بولنش اوله جقدردر . شمدیکی حالده بن دشمن ایله اولان تماسی ده ایا
تأمین ایتک ، سواری بی تصرفله قوللانمق فائده سنی حاوی وهرثانیه ده
ایلری قره غول بلوکلرینی تعجیز ایتمکه حاجت براقسزین دشمن
کشف قوللرینی بوسکورتیمکه مساعد اولان شو اصولی قبول ایدیورم .
طبیعی بوسواری اقسام عسکریه سی کیروده کی پیاده بی بالقوه

محافظه ایتمک وظیفه سیله مکلف دکلدرلر. بناءً علیه شاید اونلر دشمن طرفدن کیرویه پوسکورتیه جک اولورلرسه رجعت ائناسنده هانکی استقامتی طوتارلرسه طوتسونلر. بونک اهمیتی یوقدر. کپروده کی قطعاً اتمک امنیتی استحصال ایلتمک وظیفه سی پیاده ایلری قره غول بلوکلری خطنه عائددر .

برده مذکور سواری اقسامی بولندقلری یرلره باغلی دکلدرلر. احواله کوره، دشمنک حرکتنه نظراً، حرکت ایتمک اونلرک الندهدر . بو ایکی سواری پوسته سنه قوماندا ایتمک ایچون یالکیز برضا بط یتیشور. بیوک یول اوزرنده کی ایلری قره غول بلوکی کرک (مانی) ده وکرک (مارلی) نک غرب قسمنده یرلشمش اولان سواری پوسته لری ایله ارتباطده قالغه مجبور اولدیغندن کندی مخبره آتیلیرندن فضله ده ا یکی سواری کشافی آله جقدر. بوکشافلر، یالکیز امنیت ترتیباتی داخلنده کزینه جکلری ایچون، یالکیز ایکیشر سواریدن (قوماندان ایله برابر) عبارت بولنه جقدر . او یله ایسه بیوک یول اوزرنده کی ایلری قره غول بلوکی بو خدمت ایچون درت سواری آله جقدرکه ، بو وجهله اونک یاننده کی سواریلرک عددی (۸) . چیقمش اوله جق دیمکدر .

ایلری قره غول بلوکلری طرفندن طوتیه جق خط (قره پی) اورماننک شمال چقیته سیندن باشلار و (پوی) نک غربنده (سهیل) دره سنک دونک نقطه سنه قدر امتداد ایبار . خط مذکورک منطقه لره تقسیمی طرق اتصالیه شیکه سنه تابعدر. ممکن اولدیغی قدر دشمن جهته کیدن یوللاردن هر بریسی بر بلوک طرفندن طوتلمش بولنلیدر . بر وجهله که ، دشمنک مهم قطعات عسکریه سی سرعتله یوروش یایمق ایچون یوللر اوزرنده قالغه مجبور اولدیغندن (باخصوص کیجه لین

بر باصقین یا به جق اولور لر سه) بالضروره ایلری قره غول بلوکلرندن
بر یسی اوزرینه دوشمش بولنورلر . بیوک یوللرک خارچنده اجرا
ایدیله جک تشبثاته کلنجه ، بولنر آنجق کوچک قطعات عسکریه طرفدن
یا بیله بیلورلر . حتی . ایلری قره غوللری تعجیز ایتکه مقتدر اولسه لر
بیله مذکور قطعه لر اصل قسم کلی ایچون بر تهله کی یی داعی دکدرلر .
(پونی) دن (میچ) ه کیدن بیوک یول بوراده دشمنک یا قلاشه جفی
بللی باشلی بر یولدر . بناءً علیه اورایه بر بلوک قونیه جقدرکه مذکور
بلوک کویک شمال کنارنده یرلشه جک واونی مدافعه ایلیه جکدر .
بو بلوک کاملاً ، یوز باشیسی طرفدن انتخاب ایدیله جک بر محله آچقده
قونه جقدر . ینه بو بلوک یری دیکرلرک یرینی تعیین ایتک ایچون سزه
بر نقطه اساس تشکیل ایده جکدر .

بر ایلری قره غول بلوکی کوچ اولیان بر اراضیده (۲) کیلو
متره قدر برجیه یی ستر ایده بیلدیکندن اشبو بلوک (سهیل)
دره سنک دونک نقطه سندن (بویون) دره سینه قدر اولان منطقه
تخصیص اولنور . بوجهله بلوک منطقه سی پک واضح بر صورتده
تحذید ایدلمش دیمک اولور . ایلری قره غول خطنک (قره پی)
اورمانه قدر دیکر قسمی تخمیناً (۱۶۰۰) متره امتدادینی حائردر .
بو منطقه دیکر بر بلوکه حواله ایدیله جکدرکه ، مذکور بلوک (۲۱۷،۹)
راقلی تهده یرلشه جک واونی الده بولندیره جقدر . بلوک بولنه جفی
یر ، براز اول دیدیکمز کی ینه کندی یوز باشیسی طرفدن انتخاب
اولنه جقدر . بو منطقه دن دشمن جهته کیدن هیچ بر مهم یول یوقدر .
یا لکنز (هوت که نوت) ک شرق میللرینی (مانی) ویا (قره پی) یه
ربط ایدن بر اتصال یولی براز نثار دفته آلفه مستحقدر . لکن

کیجه ائناسنده بیله اوزرنده برکشف قوئی بولندیرلمسی ایجاب ایدم جک قدر مهم بر یول اولدیغی ده سزه خبرم ویریرم . بناءً علیه بو بلوکه کشف خدمتی ایچون فضله سواریلر ویرمه که لزوم یوقدر .

اصلاً خاطر دن چیقارمیکز که ، سواری کشف قوللرینک کیجه ائناسنده قوللانلمسی یالکیز باشلیجه طرق اتصالیه اوزرنده اوله بیلور . زیرا اگر سز کوندوزین ایوجه یورولش اولان حیوانلره کیجه لین دخی بر خدمت کوسترمه جک اولورسه کز ، بو حیوانلر ایرتسی کون آرتق جدی بر ایش کورمه غیرمقدر بولنورلر . بوراده کی سواریکز عددجه آز اولنجه سز بو سوبلدی کمز خصوصه ده اوقدر زیاده اهمیت ویرملیسکز . اوله ایسه ایکنجی منطقه ده سواری کشفلری یرینه پیاده کشفلری چیقاریله جقدر . بولر کیجه ائناسنده یقینه کی پوسته یعنی (قره بی) اورماننک شرقنده کی قدمه ایله تأمین اتصال ایدم جکلردر . اگر پیاده دن کشفلر چیقارمقله برابر سزینه بو بلوکه بر سواری کشفی الحاق ایتک ایستیورسه کز ، اوزمان مذکور بلوکه (۷) سواری ویرملیسکز .

کندی امنیتلرخی ، قوتلرخی متحول کوچک پوسته لر واسطه سیله استحصال ایتک بلوکلره عائددر . ایلری قره غول قومانداننک بو خصوصه ویریه جک امرلری یوقدر . لکن ، بعض احوالده مومی الیه کشفلرک ، اوته سنه کچمامکه مجبور اولدقلری خطی کوسترر . صورت عمومیه ده پیاده کشفلری نوبتخیلر خطدن اصلاً برکیلو متره دن ده اوزاغه کیده مزلر . ذاتاً عسکر کوندوزین یورغون اولدینی ایچون اوندن پک چوق شی ایستیمک ایو دکلدر . باخصوص نفرلر کیجه استراحت ایدرک اعاده قوت ایتدکلری حالده ینه ایرتسی کون اونلردن

دها برچوق مساعی بکنیله جکدر. نو بخیلر خطی تقریباً (هوت که-
نوت) و (سن تی به بولت) دن کجدیکی ایچون پیاده کشفلرینک
(سن پی بهر) دره سنک اوته سنه کچما ملری پک اعلا امر اولنه بیلور.
قارشی ساحلده بولنان سواری سزک بو خصوصده کی نقصانکزی
اکال ایدم جکدر.

ایلری قره غوللری ایوجه بر صورتده یرلشدیرمک خصوصده
اک چوق زحمت چکن پیاده اولیان ضابطلردر. بناءً علیه امنیت
ترتیباتی تنظیم ایلیمک خصوصده تعقیب ایدیله جک اصولی سزه
سویلیمک ایستیورم. ایلک اوکجه ایلری قره غوللر منطقه سنی قطع
ایدن یوللرک اک باشلیجه سنی آراییکز. اونو بولنجه هان اورایه بر بلوک
قویه رق مذکور بلوک کندی منطقه سنی کوستریکز. صکره اراضینک
کیرویه قالان قسمنی دیگر بلوکلریکز آره سنده تقسیم ایدیکنز، بر شرط
ایله که، بلوکلردن هر بریسی محافظه ایدیله جک (۲) کیلو مترلک
بر یره مالک اولسون. بلوک منطقه لرینه حدود اولق اوزره اک ایوسی
خندکاری، دره لری، بطاقلی چایرلری و سائره نی کوستریکز. لکن
طرق اتصالیه بی هیچ بر زمان بومقصد ایچون قوللانماییکز. بیوک
بر یول اوزرنده بولنیمان بلوکلر، ممکن اولدقجه ینه یوللردن بری
اوزرنده یرلشدیرلملیدرلر.

اگر - اهمیتلری مساوی بر قاچ یول ایلری قره غوللر منطقه سنی
قطع ایدیورسه اونلرک ایچندن نلان ویا فلان یولی عادی بر پوسته ایله
ترصد ایتدیرمک کافی اولوب اولدیغنی ایوجه بردوشونیکز. خلاصه
هر یرده اولدینی کبی بوراده ده تصرف قوت قاعده سنه رعایت ایتمکزی
توصیه ایلرم.

ایلری قره غول قسم کلیسی دشمن نظرندن مستور بولنملی والدن کلدیکی قدر مقاومت خطك کیروسنده اک باشلوجه یول اوزرنده یرلشدرلش اولمیدر. بوقسم کلی یرلشدیکی نقطه دن خط مقاومتک هر هانکی یر نقطه سنه اولورسه اولسون ، کمال سرعتله یاردم ایدم بیلملی در. ایلری قره غول قسم کلیسی سلاحه صارملق ایچون حاضر طورمقده کی مجبوریته کوره یا آچیقده ویا قوناقلرده کیجه یی کچیرر . بوشمدیکی حالده قسم کلی (پوی) نك جنوب کنارینك غرب قسمنده و آچیقده یرلشه جکدر .

بوراده مذکور قسم کالی (بهووی - لاهوت) و (مری - له مچ) جهتلرندن کورلیه جکی کبی اک زیاده تهلمکله معروض اولان منطقه نك کیروسنده باشلیجه بولی الده بولندیره جقدر. بوراده دشمنك یقین اولسی ایلری قره غول قسم کلیسی ایچون کرك عادی قوناقلر وکرك طوبلی قوناقلرک تطبیق ایدلمسینه مانعدر . بالهکن آچیقده قولندینی زمان بر نمرولی ایلری قره غول بلوکنی حمایه ایتمک دایمدا دها زیاده حاضر بولنیه جقدر . حالبوکه ، اکر ایلک اوکجه بلوکاری اولردن وحوایلردن چیقارتمق وصره اونلری کویک سواقلرندن بریسنده طوبلامق لازم کلسه ایدی ؛ اوزمان بر نمرولی بلوکی حمایه ایتمک خصوصنده ایجه کیج قالینوردی .

یاغمور یاغدینی ویا پک صفوق اولدینی وقت بویله حرکت ایدلمز . اوپله زمانلرده قطعات عسکریه یی تأثیرات هواشیدن قورومق لزومی ، بعض محذورلری نظر دفته آلمیه رق ، ایلری قره غول قسم کلیسی طوبلی قوناقلره یرلشدریمکه مجبورایدردی . وبونقطه نظرندن (پوی) ده برچوق اولر انتخاب اولنوردی . بناء علیه کمال سرعتله سلاحه صارملق

لزومی ده بعضاً احوال مجبره دن طولانی نظر دفته آلمش اوله میور . عملیاتده قوماندان اولان ذاتک طبیعتی بیله بوکی شیرده داخل حساب ایدیلور . مثلاً قورقاق برضابط اولور ، کندی قطعه عسکریه سنی ائک فنا برهواده بیله آچقده یاتیرر . اوتهدن دیگر برضابط چیقار ، ائک کوزل بریاز کیجه سنده عسکریخی اولره طیقار . بوراده حقیقت حالی ایستر ایسه کز . ایشک اورطه سنی بولمه چالیشکیز . اکر دشن پک یقین اولور و سزده کندی امنیتکز دن قورقیور ایسه کز ، هوا نفراتک مختلرنده جدی برسوء تأثیر کوسترمیه جک قدر فنا دکلسه ، ایلری قره غول قسم کلیکزی آچقده قوندیریکز . شو حالده تعیه وضعیتک ، نه اولورسه اولسون ، آچقده قالمی ایجاب ایدمه جک درجه ده فنا اولوب اولدیغنی کندی کزدن برصوریکز . اکثریا ایلری قره غول قسم کلیکزی کوی اردوگاهلرینه ویا طویلی قوناقلره یرلشدیرمک ممکن اولدیغنی کوره جکسکز .

بوراده ایلری قره غوللر غربدن (سهیل) دره سنه استنادایتدیکندن و (۱) نومرولی ایلری قره غول بلوکی شرقده امنیتتی استحصاله کافی اولدیغدن قسم کلی مستقل پوسته لر کوندرمهک احتیاج کورمز . بوقدر محدود اولان برمنطقه ده ایلری قره غول قسم کلیسنک امنیتتی استحصال ایچون خارجی پوسته لر قوللانمغده لزوم بوقدر . مذکور قسم کلی یالکیز کندی نظام قره غولی ایله اکتفا ایدمه جکدر . بونظام قره غولی برنوبجی سنجاق اوکنه دیکه جک وهرکیم اولورسه اولسون طیشاری چیمقدن منع ایتک ایچون (پوی) کوینک جنوب کناری مخرجلرینه برر چفته نوبجی قویه جقدر .

قسم کلیده کی نفرلر چانطه لرینی یره ایندیره جکلر و دشمن حالا

ایچه اوزاق اولدینی ایچون افرادک کافه سم، چورباشی پیشوره جکدر.
ایلری قره غول قسم کلیسنه ایرتی کون صباحین ساعت قاجده
سلاح آلتده بولنه جغنی سویلمک پک فائده لیدر . بلوکلر اوکا کوره
کندی ترتیباتلرینی اخذ ایده جکدر . (۲) نومرولی امر (۱)
نومرولی امر دن اک آز ایکی ساعت صکره ویرلش اوله جقدر .
آره لقدمه ایلری قره غوللر قوماندانی ایلری قره غول خطی کزه جک
واوراده شفاهاً لازم کلان تفرعاتی یوزباشیلره سویلیه جکدر . بواننده
شبه سز ، سواری طرفندن کوندرلش اولان بعض راپورلر کله جکدر .
بوراپورلرده مندرج حوادث و معلومات ایلری قره غول بلوکلرینک
اشنه مارادقله ، حالدہ داخل ، حساب ایدله حکدر .

(پوي) نك شمالنده بيوك يول

۱ - ۷ - ۸۹ - ۱۰ » ۲ كي

نومرو — ۱

ايلرى قره غول امرى

۱ — (سابلون) ده دشمنك پياده سى
 وار كي كورينيور. (به ووى - لاهوت) ،
 (هوركنه - اوسابلون) ، (غرانس -
 اوزورم) و (اونى) نك جنوبنده دشمن
 كشف قوللرى كورلشدر. منسوب اولديغمز
 قول اردو كندى ايلرى قره غوللرىنى
 (آرس - لاكنه كسى) - (قره پى) ده
 داخل اولمق اوزره (قره پى) اورمانك
 شمال چيقتيسندن كچن خط اوزرنده تأسيس
 ايلمشدر . لوا قسم كليسى (وه رنى) ،
 (شه ريزه) ، و (پورنوى - لاغراس) ده ؛
 پيشدار قسم كليسى ايسه (فلورى) ده
 قوناقلرده كيجه يى كچوره جكدرد .

۲ — (۹۸) نجى پياده آلاينك
 برنجى طابورى ايله (۹) نجى دراغون
 آلاينك برنجى بلوكى ايلرى قره غوللره
 مأمور در . بو ايلرى قره غوللر (قره پى)
 اورمانك شمال چيقتيسندن (سه يل)
 دره سنه قدر امتداد ايله جكدرد .

۳ — برنجى سواري بلوكى (قره پى) ده
 داخل اولمق اوزره (قره پى) اورمانك
 شمال چيقتيسى - (مانى) نك جنوب
 شرقيسنده كي ۱۹۴۷ راقلى تپه - (هوت
 بوتان) - (مارلى) خطك ايلروسنده

همان دشمن ايله تماس حاصل ايدە جکدر .
 مذکور بلوک (به ووی - لاهوت) ،
 (کولو) و (سابلون) دن کچن یوللری
 ترصد ایلیه جک و (قره پی) اورماننک
 شرقنده کی ایلری قره غوللر ايله ارتباطی
 تأمین ایلیه جکدر . اوندن بشقه (۹۸) نجی
 پیاده آلاینک برنجی بلوکنه (۴) ، ایلری
 قره غول قسم کلیسنه ینه (۴) ، (۹۸) نجی
 آلایک (۲) نجی بلوکنه ایسه (۸) سواری
 تفریق ایدە جکدر .

۴ — برنجی بلوک (پوی) نك شرقنده
 ۲۱۷۰۹ راقلی تپه ده یرلشه رک (قره پی) ده
 داخل اولق اوزره (قره پی) اورماننک
 شمال چیقنتیسی ايله (بویون) ده داخل
 اولق اوزره (بویون) دره سی اوکنده کی
 منطقه یی کوزه ده جکدر . ایکنجی بلوک
 (پوی) نك شمال کناری اوزرنده یرلشه .
 جک و (بویون) دره سی ايله (پوی) نك
 غربنده (سه یله) دره سنک دیرسک
 نقطه سی آره سنده کی منطقه یی کوزه ده
 جکدر .

۵ — ایلری قره غول قسم کلیسی (۳)
 و ۴ نجی بلوک) .

(پوی) نك جنوب غربی کناری یقیننده
 و آچیقده قونه جقدر . مذکور قسم کامی
 یالکزی میکلرک حاضر ایدلسیچون آتش
 یاقه جقدر . نفرلرک کافه سی عین زمانده
 چوربه پیشوره جکلردر .

۶ — برهجوم وقوعنده ایلری قره غول
 بلوکلری (پوی) نك شرقنده (۲۱۷۰۹)

رافل تپەدن ، (پوی) دە داخل اولق
 اوزره (پوی) یه قدر اولان موضی
 طوته جقلردر .
 ۷ — راپورلر ایلری قره غول قسم کلیسنه
 کوندریله جکلردر .

بیکباشی

ق . .

تبلیغ ایدلشددر :
 ۱ — بلوکلره شفاها ؛
 ۲ — سواری بلوکلره برام
 آتلوسی ایله وتخیر آ .

(پویی) نك جنوب غریبسنده کی اردوگاه

۱ - ۷ - ۸۹ - ۱۵۰ کی

نومرو — ۲

ایلری قره غول امری

۱ — (سن پریوا) نك جنوب غر جندمه
بیوك یول اوزرنده، (سابلون) ك جنوب
بنده کی (سایل) کوپریسنده و (بهووی -
لاهورت) ك غریبنده کی تیه ده دشمنك
بعض كوچك سواری قسملری یرلشمشدر.
(مونتیی) نك جنوب غرجیله (سابلون) ده
ایسه دها مهم سواری اقسامی بولنیور .
اهالینك دیدیكنه باقیلورسه بوسوك ایکی
موقعك هریریسندنه دشمنك برر پیاده
بلوکی واردر .

۲ — برنجی سواری بلوکی درحال ،
(کووری) دکرمننده کی (سایل) کوپر -
یسنی تخریب ایده جکدر . آقشام ساعت
(۷) بمقده مذکور بلوك (پویی) نك
جنوب قسمنده طویل قوناقلره یرلشه جکدر .
(مانی) ایله (مارلی) نك غرب قسمی
کیجه لین (۱) ضابط ایله (۱۲) سواری
طرفندن اشغال ایدیله بکلردر . سواری
بلوکی کندی کوندوز موقعلرینی تکرار
صبح ساعت (۵) ده طوته جق و صبح
ساعت (۴) دن اعتباراً کشف قوللری
کوندره جکدر .

۳ — ایلری قره غول بلوکلری ، کیجه
موقعلرینه آقشام ساعت (۷) ده یرلشه .

جکلردر . کیجه اثناسنده (۱) نجی بلوک
(قره پی) اورمانسک شرقنده کی ایلری
قره غوللر ایله ، (۲) نجی بلوک ایسه
(مانی) ده و (مارلی) نلک غرب قسمنده کی
سواری پوسته لریله ارتباط حاصل ایده جکلدر .
پیاده کشفلری (سن پی یو) دره سنه
قدر کیده جکلدر . کوچک پوسته لریله
نوتجیلر صبح ساعت (۵) ده کری
جکیده بیله جکلدر .

۴ — ایلری قره غول قسم کلیسی سلاح
آلماق ایچون صبح ساعت (۵) ده حاضر
برحاله بولنه جکلدر .

۵ — (قیو پوسته لری) (پوی) دن
(میچ) ۵ — کیدن بیوک یول اوزرنده
تأسیس اولنه جکلدر .

۶ — (پوی) نلک شرقنده (۲۱۷۰۹)
راقلی تپه ایله (پوی) نلک شمال کناری
درحال مدافعه حاله وضع اولنه جکلدر .

بیکیباشی
ق ..

ایلری قره غول قسم کلیسندن امر
آلفه کلنلره یازدیرلش ، وایلری
قره غول بلوکلیله سواری بلوکنه
وه لوسیت سوارلر واسطه سیله
تحریر آکوئدرلشدر .

پایه جفکز قروکی آلتان ترتیباتک هیئت عمومیه سیله تفرعاتی حقندہ
فکریکزی تمامیلہ میدانہ قویہ جقدر. بو وظیفہ بی باشه چیقارمق ایچون
ایچه دوشونمک وزمان صرف ایتمک ایستر. بناءً علیہ قروکینک بالخاصہ
کوزلور سامانہ بر صورتدہ چیزلسی جهتنه پک اوقدر اهمیت ویرمیکز.
ایلری قرہ غوللر منطقہ سنده کی مسکون محللر، اتصال یوللری، صو
مجرالری و طاغلرک کافہ سی طبیعی تنظیم ایدیلہ جک قروکیدہ کوستریله.
جکلردر. تپلرہ کلنجه، اوللری اشعار ایتمک ایچون بالکز بر قاج
طرامہ ایله اکتفا اولنه جقدر. بوجنس قروکیدہ اک برنجی درجہ دہ
آرانیلان شی قروکینک سادہ و آچیق اولمسیدر. ایلک باقیشدہ انسان
اورادہ سواری بی پیادہ دن و کیجه موضعلری کوندوز موضعلرندن
تفریق ایدہ بیلملیدر. بن بالخاصہ قروکیدہ بالکز کیجه طوتیلہ جق
یرلری کوسترمکزی ایسترم؛ کوندوز یرلری دیگر بر کاغد اوزرینه
کوسترلسون. ایلری قرہ غول سواری بلوکنک کوندوز طوته جنی
یرلردن باشلا یلم.

انقسام عساکرہ عائد اولان تفرعاتی سواری بلوکی قوماندانی
تنظیم ایدر. هرشیدن اول مومی الیه، امرده ذکر ی بکن یوللری
ایوجه ترصد ایتدرمکی دوشونور. بناءً علیہ سواری، پیادہ نک کیجه
انساننده یایدینی کبی، کوندوزین کندی پوستلری بالذات یوللر اوزرندہ
قومغه مجبور اولماقلہ برابر سوارینک وظیفہ سی ینہ شیکہ طرفہ نظرآ
تعین ایدلش اولور.

بر ایلری قرہ غول سواری بلوکی بر ویا ایکی قسم کلی یه (ایکی
مستتا اوله رق) آیریلور. بونلر ایلک اوکجه بر ویا بر قاج نوبتی ایلہ،
سکرہ دن ایسه کوچک ضابط ویا ضابط قومانداسندہ اولان کوچک

پوسته‌لر (طاقلر) ایله محافظه اولنورلر. بوصولک قسملرده کندیلریخی. نوبتچیلر، قازاق اصولنده پوسته‌لر و کشافلر ایله محافظه ایدرلر. سوارى بلوکى قوماندانى بلوکى ایکی پارچه‌یه می آیره‌جق یوقسه یالکیز بر پارچه‌هالنده می براقه‌جق ایلك اوجکه بوکا قرار ویرمیلدر. اگر اراضی بوشمدیکی مسئله‌ده کی کبی پک واسع و عارضه‌لی اولمزشه اووقت سوارى بلوکى یالکیز بر پارچه‌هالنده قالور. ایکی‌یه بولنمز. اگر بلوک ایکی‌یه بولندیکی حالده، ایلریده کی اقسامی تام زماننده حایه ایتکده پک چوق زحمته دوشولورسه اووقت بلوکدن ایکی قطعه تشکیل اولنور.

بوراده بن بلوکى ایکی‌یه آیریمه‌جقم واونی (سن تی‌یه بولت) چفلکنک کریسند بولندیره‌جقم. بلوک اوراده سوارى امنیت ترتیباتنک همان مرکزنده و باشلیجه بولک یقینده بولنه‌جق ومهم نقطه‌لره سرعتله کیتمک ایچون لازم کلن یوللره مالک اوله‌جقدرد. اگر هوا انی ایسه، سوارى قسم کلیسی مذکور چفلکنک حولیسنه یرلشدیرمیکیز: چونکه اورادن سهولت و سرعتله چیقه‌مز.

بالعکس اگر هوا فنا ایسه، بارکیرلریکزی اوستی قاپالی بر یرده بولندرمق می یوقسه آچیقده طوتمق می لازم کله‌جک اوراسنی دشمنک طور وحرکتی بللی ایدم‌جکدر.

برقاج سوارى چفلکده بلوکک کافه‌سی ایچون چوربه پیشوره. جکلردر (کوچک پوسته‌لرده داخلدر). بلوکک مختلف اقسامی، نوبت ایله، حیوانلرک اگر لریخی آله‌رق اونلره صو ویم ویره‌جکلردر. اگر سوارى قسم کلیسی چفلکنک کریسند بولنده ایسه، اوزمان یالکیز بر نوبتچی کفایت ایدر. بونوبتچی نا (مارلی) یولی اوزرنده، یابر پنجره‌ده

ویا بر طوان آرسته طور ورق وظیفه سنی ایفا ایلله جکدر. کسک
بر اراضیده ویا اکر سواری قسم کلیسی چفلک ایچنده بولنسه ایدی
اوزمان کندیسنی هر نوع باصقیدن قورومق ایچون قاراینه لری برابر
بر ویا بر قاچ چفته نوتجی بولندیرمق لازم کلوردی .

اکر (بهووی - لابس) تپه لرندن کورلمکدن قورقیورسه کز،
سواری قسم کلیکزی پیاده ایلری قره غول بلوکی یاننده (پوی) نک
شمال کنارنده وضع ایدیکز . بن اولجه سزه اشارت ایتش اولدیم
فائده لرینه بناء، سواری قسم کلیسی (سن قییه یولت) ده ترک ایتکی
ترجیح ایدرم . جوارده اشغال ایدلمسی لازم کلن یرله کوچک
ضابط پوسته لری کوندریله جکدر. بویرلر ده اوزاق اولنجه اووقت
مادون قوماندانلرینی براز چوقچه سربست برامق ایجاب ایدر .
اوکی حاللرده ضابط قومانداننده بولنان کوچک پوسته لر چیقاریلور
(برطاقم) . بوراده (قره پی) اورمانندن (هوت بوتان) . قدر
کوچک ضابط پوسته لرله اکتفا ایدیله بیلور .

لکن ، (مارلی) نک شرق قسمنه بن بر ضابط پوسته سی (طاقم)
کوندرمک نیتندیم . اکر سز ، (مارلی) نک شرق قسمنه افراز
اولنان قطعه یی سواری قسم کلیسنک تام وقتنده حمایه ایده بیله جکنی
اومیورسه کز ، اورایده بر کوچک ضابط پوسته سی کوندریکز .
بناء علیه سز ایستدیککزی یاقمده پک اعلا سربست بولنیورسکز .
برده سواری قسم کلیسی کندیسنی ستر و محافظه ایتک ایچون ایستر
ضابط پوسته لری ، ایستر کوچک ضابط پوسته لری قولالاسون بونده
اوقدر بر بآس یوقدر . اصولک اهمیت یالکز چیقاره بیله جککزی پوسته لر
عددننده در . بناء علیه سواری ایلری قره غول ترتیبانده

وسواری قسم کلیسنک مطلق برضابط پوسته سی چیقارمغه مجبوردره دیانلره اینانمیکیز .

(هوت که نوت) ک شرق میللری اوزرنده بر پوسته قومغه لزوم یوقبره زیر (قره بی) استقامتده کی اراضی بی کوزه تمک ایچون اولجه (قره بی) اورمانک شمال چیقندیسنده یرلشدرلمش اولان پوسته کافیدر . بناءً علیه یا (مانی) جهتلرنده ویا (۱۹۴۰۷) تپه سنک برکوچک ضابط پوسته سی . قونیه جقدر . اکر سز بوتپه بی اشغال ایده جک اولورسه کز (سابلون) یولنی نظارت آلتنده بولندیرمق ایچون (مانی) نک شمال مخرجنه ، اک آز بر نوبتجی قویه جفکیز . چونکه (۱۹۴۰۷) راقلی تپه نک نظارتی (مانی) نک اولری وباغچه لری ایله قبادلمش اولدیغندن مذکور نوبتجی دیدیکمز یولی ده ایو بر صورتده کوزه جکدر .

نم فکریمه قالورسه ، بوکوچک ضابط پوسته سی (مانی) نک شمال مخرجنده یرلشدرلملی که اوراده عین زمانده قبو پوسته سی وظیفه سنی ده کورمش اولسون . شو پوسته (۱۹۴۰۷) راقلی تپه نک (۲۰۰) متره شرقنده کی یول آغزینه ایستر (۳) سواریدن عبارت برکوچک قره غول ایستر برکوچک ضابط قومانداسنده (۴) سواریدن مرکب اولان قازاق اصولنده بر پوسته قویه جقدر . اوندن بشقه سز اکر ایستر سه کز ، بودرت یول آغزینه (۸ : ۱۰) سواریلک برکوچک پوسته قویه رق آنی عین زمانده کشافلر واسطه سیله ، جوار قوللر ایله ارتباط حاصل ایتکه مأمور ایدرسکز (بووظیفه بی کزیده کی سواری قسم کلیسنه اجرا ایتدیرمکی مناسب کورمدیکمز وقت) .

ایشته کور یورسکز ، ایلک پوسته لک وضعی شایان قبول برقاق

صورتله اجرا اولانه بيلور. شمديكى حالده، هنوز سزه سويلمش اولديغ
ايكى نقطه دن هر بريسته اولدقجه قوتلى برر كوچك ضابط پوسته سي
قويه جفم (۱۵) نومرولى پوسته ۱۹۴۰۷ راقلى تپه نك شرفنده كي يول
آغزينه « ۲ » نومرولى پوسته ايسه (مايي) نك شمال مخرجنه .

اكر سز ۱۹۴۰۷ راقلى تپه نك شرفنده كي درت يول آغزينه
(۳) سواريلك بر قره غول قويغى ترجيخ ايدرسه كز، بوسواريلك
(۲) سي يره ايسه رك يول كنارنده كي آغلرك كريسند طوره جقلردر.
حتى بولردن بريسي اوزاقلري ايوجه كورمك ايچون آغلاردن برينه
چيجه جقلدر. (۳) نجى سوارى ايسه صرتك كيروسند، باركيلري
طوته جقلدر. نفرلر تبديل ايديله جكلر. بناء عليه اكر ديديكمز
قره غولده هر ايكي سيده آت صرتنده قالمغه مجبور يالكز (۲) سوارى
بولنمش اولسي حالته نظراً باركيلر اووجهله دها زياده حسن استعمال
ايديلور ايدى. اكر بالعكس، سز بنم ياپديغم كي ايكي كوچك ضابط
پوسته سي قبول ايدرسه كز، بولردن هر بريسي برر قره غول چيقاردقن
صكره، كيرويه قالان سواريلر يره اينمش بولنه جقلردر.

ايكى كوچك ضابط پوسته سنك قوتى تعيين ايتك ايچون اونلرك
كشاف كوندره جكلري استقامتلى وهر كشاف ايچون (۳) سوارى
قوللانه جقلري خصوصى برنظر دفته آليكر. (۳) سواريلك برقره.
غول = ۲ كشاف، ۹ سواريلك بر پوسته خصوصه كتوررلر. بو پوسته
بر كوچك ضابط طرفندن قوماندا ايديلور. (مايي) نك شمال مخرجنه كي
پوسته يه ايستر ايسه كز (۱۲) سوارى ويررسكز (بو پوسته لردن بحث
ايتديكمز زمان « باركيلر » تعييري قوللانمقن چكينكز، بالعكس،
دائماً « سواريلر » ويا « نفرلر » ديكز).

پوسته‌لرک موجودینی حساب ایتک ایچون (۳) سواریلک برقره غولک دیکشدر یلمسنی تأمین ایتک خصوصندە لازم کلان نفرلرک عددینی قطعاً نظر دقتە آلمق فائده‌سزدر . زیرا ، اگر قره‌غولده‌کی سواریلرک (۲) سی یره اینشلرسە ، اونلرک بارکیرلری طیبی یورلماش دیمک اولور . بناءً علیہ اونلر ، پوسته‌نک اولجه کشفالقدە قوللاندینی سواریلری طرفدن دیکشدر یله‌جکلردز . لکن ، اگر برقره‌غول یالکز (۲) سواریدن عبارت ایسه اوسواریلرک (۲) سی ده حیوان اوزرنده‌قاله‌جکلردر . شو حالده ، سز بارکیرلری پک چوق یورولتماق ایچون (۲) شر سواریلک قسملر درکنار بولندیره‌رق اووجهله مذکور قره‌غولی دیکشدر یله‌جکسکز . پوسته باشنه چیقاریله‌جق کشفلرک عددینه کلنجه سز فضلہ برکشاف چیقارسه‌کز بیلہ بونک پک اوقدر برزیانی یوقدر .

بم فکر مه قالیرسه ، (۳) نومرولی کبچک ضابط پوسته‌سنی (هوت بوتان) اوزرنده ، قویمق ایو دکلدز . اويله ایسه ، بن اونی شمال غربی ده کی صرتک (۱۸۶ راقلی) شرق قسمی اوزرنده یرلشدیره‌جکم . زیرا ، بونقطه‌دن (سەیل) وادیس (هوت بوتان) ده اولمادیغدن زیاده ایو کورینور . بو پوسته برکوچک ضابط ایله (۴) سواریی حاوی اوله‌جقدرکه ، سواریلرک (۲) سی یره اینهرک کمال دقتله (سەیل) وادیسنی ترصد ایلیه‌جکلردر . بوجه‌تلره کشاف کوندرمک لزومسزدر . زیرا ، مذکور کشفلرک اوتەسنه‌کجه‌میہ‌جکلری ، دریه‌قدر اولان اراضی تماميله کورینور .

(مارلی) نک شرق قسمندە برطاقم قوتندە ، برکوچک پوسته (۴ نومرولی) بولندیریورم ، بوپوسته ، براز منفرد برحاله‌قالدینی

ایچون قوماندائی زیاده سربست برافق لازم کلور . بناءً علیه اوکا برضابط قوماندا ایدم جکدر . مومی الیه دیدیکم کبی تام برطاقم ویریورم . چونکه ، (مارلی) دن (۲) کیلومتره ادر اوزاقده بولان سواری قسم کلیسندن درحال بر معاونت کوره جکندن امین دکدر . بوکوجک پوسته یی یرلش دیرمزدن اول برکره یا (سن بریوا) جاده سی بونجه ، یا (فره سقائی) ، (اورلی) و (اویچی) دن کچهرک (مونتی) دن بعض دشمن اقسام عسکریه سنک کله بیله جکنی نظر دفته آلمق لازم کلور . طبعی بوکوجک پوسته کندی نظر دقتی بالخاصه (مچ) جهته عطف ایدم جکدر . مذکور پوسته ، برکوجک سواری پوسته سنک درت دیوار ایچنده قانوب قالمقدن چکنمک لازم کلدیکی قاعده سنی نظر اعتنایه آلهرق (سهیل) کوپرسنک همان یانی باشند یرلشه جکدر .

بو پوسته یی (سهیل) دره سنک اوتله رینه ومشلا یوزی (بایه ته ری) یه متوجه اولمق اوزره (مارلی) نک غرب قسمی مخرجنه قدر سورمک فکره دکلم . پوسته (مارلی) نک شرق قسمنده اوقدر چوق راحتسز ایدلمیه جک ، کوپری طرفدن آرقه سی کسلمک تهلکسه . دوشمیه جک وبوندن بشقه یا برهجوم ویا آتش ایله کوپری دن کچمک ایستیان دشمن اقسام عسکریه سنی کپویه پوسکورتیه بیله جکدر .

کندی امنیت خصوصیه سی ایچون بوکوجک پوسته بالذات کوپری اوسته برنوبجی قویه جق وقارشی ساحله قازاق اصولنده پوسته لر کوندره جکدر . از جمله (۶) سواریلک برپوسته (مارلی) نک غرب قسمنده کی مزارلغه (کم) ، ینه عین قوتده دیگر برپوسته (مارلی) نک جنوب غریب سنده (۱۸۹۰۲) راقلی تپیه کوندریه جکدر . قازاق

اصولده ترتیب ایدیلان بوایکی پوسته (لاغرانش - اوزورم) ، (پایه-تهری) و (اونی) آره سنده کی اراضی بی کاملاً ترصد ایده بیلورلر .
 باختصو سوارى پوسته لری قاعده ثابت بر نقطه یه یاغلی اولدقلری ایچون بودیدیکمزك طوغریلنی ده اوقدر زیاده میدانه چیقار .
 بوایکی پوسته بی برقره غول ایله بربرینه ربط ایتك لزومسزدر .

(مارلی) کوچك پوسته سنك كشافلری (غرائش - اوزورم) ،
 (پایه تهری) ، (سن پرپوا) ، (فره سقانی) و (اورلی) دن كچرك
 (سابلون) اوزرینه وحی (مونیتی) و (مچ) جهتلرینه ایلرولیه -
 جكلردر . بوكشافلر (سابلون) ده (۴) نومرولی کوچك ضابط
 پوسته سنك كشافلرینه تصاف ایده جكلردر .

ایشته کوریوردسکزکه ، (مارلی) ده کوندوز ترتیاتی ایچون
 ایجه عسکره لزوم واردر . بناءً علیه اورایه برضابط قومانداسنده
 اولق اوزره برطاقم ویریلور . بالعکس ، کیجه خدماتسنده اوراده
 یالکز برقاج كشاف بولندیرمق کافیدر . اگر بز (مارلی) ایچون
 (۱۲) دیزيلك برطاقم یعنی برضابط (۳) کوچك ضابط و (۲۴)
 سوارى حساب ایدر ایسه ك ، سوارى كندی امنیت خدمتی ایچون
 هپسی برضابط ۵ : ۶ کوچك ضابط ۴۰ : ۵۰ سوارى قوللاشمش
 اوله جنی آكلاشیلور . بوقوت ایسه (۶) کیلومتره لك برجه بی ترصد
 آلتده بولندیرمغه کافیدر .

ضابط ویا کوچك ضابط پوسته لری طرفندن کوندربیلان كشافلر
 صورت عمومیه ده دشمن ایلری قره غوللرینی کورنجه یه قدر ایلرولرلر .
 لکن ، بوندن اوزاغه کیتمزلر . دشمنه ده زیاده یاقلاشمق لازم کلدیکی
 زمان سوارى بلوکی قوماندانی بوخصوصده سوارى قسم کلیسی نفرلریله

بعض ترتیبات خصوصیه اخذ ایدر. کرک کوچک پوسته لر و کرک مخا بره ایچون پیاده الحاق ایدیلان سواریلر ایلری قره غول امرینی آلدینی و در حال ایش محله کلدیکی زمان دها سواری بلوکی قوماندانی طرفندن تعیین ایدیلور. سواری بلوکی قوماندانی بعده کندی کوچک پوسته لرینی بر زیارت ایدر. ایجاب ایدر سه بعضیلرینک لرینی دیکشدر. و یا تعدیلات اجرا ایدر. مومی ایه اوندن بشقه پیاده ایلری قره غول بلوکلرینک ترتیبانه داتر معلومات آلور و کندی ترتیباتی اونلر بیلدیرر. بر قروکی ایلر برابر ایلری قره غول قوماندانه آیرمجه بر راپور کوندورر. براز صکره، قونا قجی مغرزه سی ایلر برلکده کیجه قوناقلرینی حاضر - لامق ایچون (پوی) به بضابط گوندورر جکدر .

شو ائنده ایکی پیاده ایلری قره غول بلوکی، ایلری قره غول امرنده تقریباً کندیلرینه کوسترلمش اولان موقعلره واصل اولورلر . برنجی بلوک قوماندانی اوکه کچرک کندیسنجه دها مناسب عد ایدیلر جک بریر بولمق ایچون ایلری کیدر. مومی ایه بلوکنی ۲۱۷۰۹ راقلی تپه نك شرقده کی میل اوزرنده مستطیل اورمانک شمال غربی چیقنتیسی کیر و سنده یرلشدیرر. بلوک سلاح چاتار و جانطه لر یرم ایندیریلور .

نفرلرک بر قسمی چوربه پیشورر؛ دیگر قسمی سلاحه سارلمغه حاضر بر حالده طورر. سواری بلوکی طرفندن کوندریلان مخا بره آتیلری بلوک یانه کلدکلری زمان بار کیرلرینک باشقلری واکرلری آله رق صو ویم ویرلملرینه مساعده اولنور. لکن، مذکور نفرلر یار کیرلرینی اکر سز طومتغه مساعده ویرلمز. پیاده بلوکی بوکلان سواریلرک و بار کیرلرینک ییه جکلرینی تدارک ایدر. بلوک قوماندانی بعده، ایلری قره غول سواریلرینک پوسته محللرینی ذهندنه قرار -

لاشدير مق ايچون (هوت كه نوت) اوزرينه چيقار. ذاتا بر آرزولره ايلري قره غول سواريسنك ترتيباتنه دائركنديسنة معلومات ويريله جكدرد. بلوك قومانداني شايد (قره بي) دن كله جك بر دشمن قطعه عسكر يه سنك باصقينه اوغرامقدن قورقيورسه (ايلري قره غول سواريسنك بك متحرك و سيار بر حالده بولنيسندن طولايي بو احتمال ممكن اولان برشيدر)، در حال كيجه يي بلكمكسزين (۹) نفر و بر كوچك ضابطدن عبارت بر كوچك پوسته يي (قاره) اورمانك شمال شرقي كوشه سنه كوندره جكدرد. بو پوسته (قره بي) استقامتده بر چفته نوبتي قويدقدن بشقه كنديسني كشافلر ايله ده ستر ايله جكدرد. بوراده بر ضابط پوسته سي چيقارمغه لزوم يوقدرد. كندي امنيت خصوصيه سني تاامين ايتك ايچون بلوك سلاحلر اوكنه بر نوبتي ديكه جكدرد. بونوبتي مستطيل اورمانك غرب چيقتيسنده بولنه جق و (قاره) اورماني ايله (هوت كه نوت) استقامتلريني ترصد ايله جكدرد.

مخبره آتليارندن بريسي كندي سوارى بلوكي ياننه كيده رك بولنديني پياده ايلري قره غول بلوكنك يريني اوكا خبر ويره جكدرد. ديكر پياده بلوكنه ده بو خصوصه دائر معلومات ويريله جكدرد. بر قروكي ايله برلكده ايلري قره غول قوماندانه بر خبرنامه كوندريله رك اوراده كوندوز مواقعي ايله كيجه ايچون تصور ابديلان مواقع كوستيله جكدرد. بناءً عليه باوك آقشامك (۶) سني (۴۵) كچه قدر استراحت ايده جك و ايلروده كي سوارى يه استنادلق ايله جكدرد. بر ضابط ايله نفرلر ك بر قسمي مستطيل اورمانك شمال كناريني و ۲۱۷،۹ راقلي ته يي مدافعه حاله قويمغه مأمور اوله جقلردر.

(۲) نجى بلوك قومانداني كذلك بلوكنى اك اسكى ملازملرندن

بريسنه امانت ايده رك (بوي) يه كيدر. بلوك ارارايه واصل اولدني كبي هان (بوي) پارقك شمال قسمنده يرلشور. سلاحلر اوكنه پارقك شمال شرقى كوشه سنده برنوتجى قور. امنيت ايچون بشقه ترتيبات آلفه لزوم يوقدر. زيرا، سواري قسم كليسى بو بلوك هان ايلروسنده بولنيور. اوكله دن صكره پارق حوليسنك شمال قسمى مدافعه حالته وضع اولنه جقدرد. بر آزيوقاروده سويلديكمز كبي بوبلوك ده كرك سواري وكر ك برنجي بلوك ايله ارتباط تاسيس ايلييه جكدرد. وقروكي ايله برلكده بر راپور ايلري قره غول قومانداننه كوندريله جكدرد.

ايلري قره غول قسم كليسى، ايستر بالذات ايلري قره غول قومانداني وايستراك قدملى بلوك قومانداني واسطه سيله امرده كوستريلان نقطه ده يرلشديريله جكدرد. نفرلر سلاح چاتاچقلر وچايله لرني يره اينديره جكلردرد. حفظ الصحه يه رعايتاً جوارده كي چارلغده وشميه جك صورتده اردوكاه قوريله جقدرد. ايلري قره غول قومانداني حيوانلرينك باشقلريني واكرلريني آلق اولنره صويم ويرمك ايچون مخابره آتلىينه امر ايده جكدرد.

بلوك قوماندانلرندن بريسي اردوكاه نوتجى ضابطلكنه مأمور اولور. مومى ايله اولجه سويلديكمز نظام قره غولى ايله خارجي قره غوللري وضع وتعيين ايدر.

آقشامك ساعت (۷) سنده ايلري قره غول بلوكلى كنديلرينك كيجه موقعلريني طوتمغه مجبور درلر. بوكيجه موقعلرندن بحث ايتمزدن اول، ايلري قره غول بلوكلى ايله كوچك پوسته لرك وضعي ائناسنده نظر دقته آله جق بعض قاعده لر سويليه جكم:

۱ — تربياتك كافه سى طرق اتصاليه شيكه سى اوزرينه مؤسدر.

بر بلوك منطقه سندن دشمن جهته كيدن يوللردن هر بریسی كوزه -
 دیله جك استقامتك اهمیتله متناسب یا بر كوچك پوسته ایله ویا بر چفته
 نوبتجی ایله محافظه ایدلمش اولمق لازمدر. صورت عمومیهده ایکی یول
 آره سنده کی اراضی یا لکزر کشافلر واسطه سیله کشف ایدیلور ؛

۲ — چفته نوبتجیلر صوزت عمومیهده كوچك پوسته دن اك زیاده
 (۴۰۰) متره اوزاغه یرلشدیریلورلر. بومسافه دن ده ا بیوك مسافه لره
 بر كوچك ضابط قومانداسنده اولمق اوزره (۶) کیشیلک بر پوسته
 کوندریلور ؛

۳ — اکر بوقیل بر پوسته کشافلر چیقارمغه مجبور اولورسه،
 اووقت ینه بر كوچك ضابطك اداره سنده اولمق اوزره مذکور پوسته یه
 (۹ : ۱۵) نفر ویریلور. شو حالده بو پوسته طوغریدن طوغری یه
 ایلری قره غول بلوکی طرفدن کوندرلمش بولنور .

۴ — صورت عمومیهده چفته نوبتجیلرک آرالنی ۴۰۰ : ۵۰۰
 متره یی کچمه ملیدر . اکر آرالق بوندن زیاده ایسه اوزمان بر چفته
 نوبتجی یرینه مرجحاً (۶) نفرلک بر پوسته قوللانیلور ؛

۵ — ایلری قره غوللر خطنك اك مهم ویا خصوصی بر صورتده
 تهدید ایدلمش اولان نقطه لری (منفرد چفتلکله ، کوریلر ، کجیدلر ،
 اورمان پارچه لری) بر ضابطك قومانداسنه ویریلان بر كوچك پوسته
 ایله طوتیلورلر . ایلری قره غوللر خطنده داخل اولیان مهم نقطه لر
 ایسه مستقل پوسته لر ایله اشغال اولنورلر. بوچشید پوسته لر اکثراً
 یابریانی اورتمك ویا جوار بلوکلردن بریسی ایله ارتباط حاصل ایتك
 ایچون منطقه لرك نهایت اوچلرنده ده قوللانیلورلر ؛

۶ — طوغریدن طوغری یه ایلری قره غول بلوکلرینه تابع

اولان ھر نوع كوچك پوستلر ياخود بوبلوكلرك يانلرنده يرلشد يريلان پوسته نادرآ مذكور بلوكلرك (۸۰۰) ياخود (۱۰۰۰) متره ايلرولر ينه سورولورلر. بو پوستلر بلوك داخلنده (ياخود سوارى بلوكى) نومرو آلورلر. قازاق بيجيمندهكى پوستلر ايله بر قاق كيشيدن تركب ايدن پوستلر و كوچك پوستلردن چيقاريلان چفته نوتيجلر (قره غول) منسوب اولدقلرى كوچك پوستلر داخلنده نومرو آلورلر.

(بو قواعد الكچوق پياده يه تطبيق اولنور؛ زير اسوارى سرعت حركتدن طولايى، كندى امنيت خدما تئنده دها واسع بر مقياس قوللانمىلور).

شمى ده كيجه ايچون قبول ايديلان تعديللارنى سويلهلم: برنجى بلوكك منطقه سنده دشمنه طوغرى اوچ يول كيدر: برنجيسى، (قاره) اورمانلار و ۲۰۲ راقلى تپه دن كچه رك (قره پى) اوزرينه كيدن يول؛ ايكنجيسى، (هوتكه نوت) ك شرق اتكلرى، بونجه كيدن (مانجى) يه واران يول؛ اوچنجيسى، (بو يون) دره سنى تعقيب ايدهرك (سن پى يه) كوپر سندن كچن يولدر. بو يوللر ك ايكي اولكيسى، پك اهميتلى اولماقلا برابر، ينه ايوجه محافظه ايدلمكه محتاجدرلر. اكر امرده برنجى بلوكك منطقه سى، (بو يون) ده داخل اولمق اوزره (بو يون) دره سنى قدر اوزايه جق دنيلمه مش اولسيدى، اوچنجى يولى محافظه ايتكمى، يوقسه ايتماكمى لازم كله جك بو خصوصه شبيهه دوشيله جكدى.

كوندوزين ذاتاً برنجى يول اوزرنده (قاره) اورماننك شمال شرقى چيقتيسنه وضع ايدلمش بر خصوصى پوسته واردر. بو پوسته كيجه ده يرنده قاله جق و (۱) نومرولى كوچك پوسته نامنى آله جقدر.

مذکور پوستانه (قره پی) اوزرینه برکشاف کوندره جک و (قره پی) اورماننک شمال چیقنیتسندہ یرلشمش اولان جوار ایلری قره غوللر ایله تأمین ارتباط ایلیه جکدر . بناءً علیہ بوکوچک پوستانه دیدیکمز کشفادن طولانی فضله (۳) نفر ویریلہرک مذکور پوستانه برکوچک ضابط اداره سندہ (۱۲) فردن ترکیب ایتمش بولنه جقدر .

(هوت که نوت) ک شرق اتکلرندن کین یول طوغریدن طوغری یه دشمن موضعندن بلوک اوزرینه کلیور . بناءً علیہ اونک برنجی یولدن زیاده ایه بر صورتده محافظه ایدلمسنه احتیاج واردر .

اورایه برصابط قومانداسنده اولق اوزر دیارم طاقم قوتنده برکوچک پوستانه (۲ نومرولی) قونیلہ جقدر . بوپوستانه (هوت که نوت) ک شرق میللرینک کیرو سنده تک یول یاننده وایلری قره غول بلوکندن تخمیناً (۷۰۰) متره اوزاقده یرلشه جکدر . دشمنک برهجومی وقوعنده ، درحال (هوت که نوت) ی اشغال ایدہرک اوکا برایلک مقاومت کوستره جکدر .

(۲) نومرولی کوچک پوستانه سلاح چاتیلری اوکنده برنوبجی بولندیره جق و (هوت که نوت) اوزرینه کیدن یولک آیریلدینی نقطه یه ده برجفته نوبجی ویار پوستانه قویه جقدر . بئم فکریمه قالورسه ، اورایه برپوستانه (۱ نومرولی) وضع ایدرم ؛ زیرا بونقطه ایله (۱) نومرولی کوچک پوستانه موقعی بیننده کی آراق (۴۰۰) متردن زیاده در و (بویون) درسنه قدر (۸۰۰) متردن زیاده برمسافه واردر . بالذات (بویون) دره سی اوزرنده ، جاده دن آیریلان یول مذکور دره پی (سن تی یه بولت) خذاسنده قطع ایلدیکی محله (۲) نومرولی کوچک پوستانه طرفدن برپوستانه بولندیریلہ جق و یاخود ایلری

قره غول بلوکی اورایه یکی برکوچک پوسته چقارده جقدر . برنجی
 حالده ، مذکور پوسته (۲) نومرولی کوچک پوسته نك (۲) نجی
 پوسته سی اوله جقدر . بنم فکریمه قالورسه ، اورایه (۳) نومرولی
 برکوچک پوسته قویمق دها ایودر . زیرا بوپوسته دن (سن پی بر)
 دره سنه قدر کشفلر کوندرمک و (۲) نجی بلوکه تأمین ارتباط ایلمک
 لازم کله جقدر . بن مذکور پوسته یه ایکی کشفلر ویریورم ؛ بوسایه ده ،
 حتی شمال شرقی استقامتده (سن پی بر) دره سنک ایکی کچیدنقطه سنه
 طوغری بیله کشفلر کوندره بیله جقدر . اکر سنز ، بوپوسته یی (۲)
 نومرولی کوچک پوسته دن تدارک ایتمک جهتی ترجیح ایتمش
 اولسیدیکنز ، اوزمان (بویون) دره سی بونجه کشفلر کوندرمک وظیفه سی
 (۲) نومرولی کوچک پوسته یه دوشردی . بناءً علیه کورپورسکزکه ،
 ایلری قره غول بلوکی طرفدن چقاریله جق اولان برکوچک پوسته
 بوراده ایشاری ایجه تسهیل ایدر .

(۲) نجی بلوکه نظر دقتی بالخاصه بیوک یول اوزرینه معطوف
 اوله جقدر . دیگر یوللر مثلاً ، (سن تی به بولت) ک جنوبدن طولاشه رق
 (مارلی) یولی ایله برلشن یول ایله (پویی) دن قالقه رق شمالده (سهیل)
 دره سی کنارنده کی باغلری طولاشان دیگر بریول اهمیتسز شیلردندر .
 بیوک یول اوزرنده ، طبیعی برضابط قومانداسنده اوله رق
 برکوچک پوسته قونیه جقدر . بوپوسته ایلری قره غول بلوکنک
 (۵۰۰) متره ایلروسنه (طونو) اوزرینه کیدن یولک آیرلینی نقطه یه
 قدر سوریه جقدر . بالذات ، یول اوزرنده ایسه برقبو پوسته سی (۱
 نومرولی) قونیه جقدر . بوپوسته کوچک پوسته دن (۴۰۰) متره
 ایلروده (مارلی) اوزرینه کیدن یولک آیرلینی نقطه ده (۱۹۶) راقلی

تپه (یرلشدیریله جکدر. بوایکی پوسته دینکرلرینی تعیین ایتک ایچون
بزه نقطه اساس اوله جقلردر.

بولدن (بویون) دره سنه قدر تخمیناً (۶۰۰) متره قدر مسافه
وارددر. بالذات دره اوزرنده اولجه دها برنجی بلوک (۳) نومرولی
کوچک پوسته سی قونلمشدی . بناءً علیه (۲) نجی بلوک (۱) نومرولی
کوچک پوسته سندن دره ایله بیوک یول آره سنده (سن پی یر) کوپرینه
طوغری کشافلر کوندرمک وایکی بلوک اک کنارده بولنان پوسته لری،
دیگر کشافلر واسطه سیله ارتباط حاصل ایتمش اولق بوراده کافی کبی
کورینور .

بیوک یولک غربنده (مارلی) یولنه منتهی اولان کوچک یول ده
طوتیله جقدر. اکر سز بویول اوزرنده کوچک پوسته خذاسنده برچفته
نوبتجی (۲ نومرولی) قورسه کز بونوبتجی کوچک پوسته دن (۵۰۰)
متره دن زیاده بولنه جقدرکه، بومسافه معین اولان مسافه لره خارجنده در.
بناءً علیه سز اورایه ده عادی برپوسته (۲ نومرو) قویه بیلور سکزه
بوسایه ده مذ کور پوسته پی برازدها اوزاغه ومثلاً چایرلنک کوشه سنه
سورمک سزک ایچون ممکن اوله جقدر .

(۲) نجی بلوک (۱) نومرولی کوچک پوسته سی کندی سلاحرلی
یاننده برنوبتجی بولندیره رق کندیسنی طوغریدن طوغری به آنک
ایله تأمین ایده جکدر. مذ کور پوسته نك کشافلری (سن پی یر) دره سی
ایله (سن تی به بولت) دن کچهرک (هوت بوتان) قدر کیده جکلردر.
غربده (مارلی) یولنی تمقیب ایده جک اولان کشاف (سن تی به بولت)
(۱) کیلومتره قالنجه به قدر ایلرلیه جکدر .

(سهیل) دره سنه قدر امنیت خدماتی (۲) نجی بلوک طرفندن

اجرا ايڏيڪ لازمدر. درمك بونجه برجي يولي كيدوركه، اورياه
آره صرہ برکشاف كونديريلهك اولورسه مذکور يول درجۂ كافيهده
ترصد ايدلمش اوله جقدر. شمالده باغلري طولاشان يول (۱) نومرولى
كوچك پوستهدن پك اوزاق بولنيور.

بناءً عليه ہو پوستانہ آنی ترصد ایلمک وظیفہ سنی کندی اوزرینہ آلہ مز۔
اوہلہ ایسہ ، اورایہ دیگر برکوچک ضابطہ پوستانہ سی (نومرو ۲) وضع
ایدیلہ رک ہو پوستانہ ک کشافلری (سہیل) وادیسنی تعقیب ایدہ جک
وباغلرک شہاندمہ کی اراضی بی (مارلی) استقامتندہ آرایوب طرایہ جقلردر۔
بوکوچک پوستانہ نک (پوئی) نک جهت غریبہ سندنہ برآز دہا یقین ویا
دہا اوزاق وضع ایدلمش اولسندنہ بر زبان یوقدر۔

ایلری قره غول قسم کلیسی کوندوز موقعی محافظه ایدد جکدره .
 لکن نفرلر سلاح چایلرله چانطه لرینه بر آزدھا یقین بولنه جقلردر .
 اردو کاھده آتشار و جاقلرینک زرده تشکیل ایدملک لازم کله - چکی آریجه
 بیلدرله جکدره .

ایلری قره غول سواری بلوکی ، پیاده کیجه موقعلرینی اشغال ایدوبده ایلک کشفلرینی ایلری سورمش اولدینی آندن اعتباراً کندی پوستلرینی یگری به چکه جکدر .

ایلری قره غول امرینه نظر آ سواری بلوکی (سن تی به بولت) ی
آ قشام ساعت (۷) بمقده ترك ایدرك اولجه قوناقلرینك حاضر ایدلش
بولندینی (بونی) کوینه دونه جکدر .

سوزیمی بیتورمزدن اول، دشمن (مچ) • ککش بولنه جق یرده
حالا (تی یون ویل) ده ویا (مچ) ایله (تی یون ویل) آره سنده
اولدینی فرضیاتنه کوره ، پیشدار ، ایلری قره غول امر لرله امنیت

خدماتك كافة ترتيباتى تنظيم ايلمكزى توصيه ايدرم. بو بحث اوزرينه -
تفرعانه كيرشمك ايستميورم. فقط آ كلايورسكزكه بوراده ده پيشدار
امرى همان اولكى پيشدار امرى كې اوله جق؛ يالكز پيشدار قسم
كليسى قوناقلره بر آز دها ايني يرلشمش بولنه جقدى. ايلرى قره غول
امرندە ايسه سوارينك كوزته جكي خط هيئت عموميه سى اعتباريله
ينه اولكى ايلرى قره غول امرندە كى ترصد خطبه يقين برشى اوله جقدى.
مع هذا، مر حالده سوارى كشف قوللرينك هدفلى بر آز دها اوزاق
ويريله جكدى وضابطلر طرفدن قوماند ايديلن سوارى پوستلرى
كيجه لين دشمنه دها زياده ياقلاشديرلمش بولنه جقدى. كيجه ايجون
پياده دن مكمل بر ايلرى قره غول شبيكه سى تأسيس ايتمك لازم
كليه جكدى. ايكي بلوك بر آز يوقايرده سويلديكمز موقعلى اشغال
ايدە جككردى. لكن آره يردە كى اراضى يى هيچده قاله آلمه رق يالكز
ايكي بللى باشلى يولى محافظه ايله جككردى .

(۲) نجى بلوك آچيقده قونميه جق، بالبعكس (بويى) نك شمال كنارندە
برطوبلى قوناق اشغال ايدە جكدى. اكر سز يالكز (بويى) ده طوبلى
قوناقلره يرلشديريله جك بر بلوك ايله اكنفا ايتمك و (۱) نومرولى بلوكى
قالديرمق ايستمش اولسه ايدىكز بو ترتيباتى ده قولاي قولاي حقل
كوسترمك ايجون سبيلر بوله بيله جكدىكز. مع هذا ، اودرلو يايديغكز
وقت جوار قره غوللرله ارتباطى محافظه ايتمك وعين زمانده بيوك يول
ايله (هويتال) اورمانلرى بيشندە كى اراضى يى ده كوزه تمك ايجون
مذكور بلوكه ايجه مقدارده سوارى ويرمك ايجاب ايدە جكدى. اوندن
بشقه ، كوچك پوستلر يرينه ، قوناقلر ك امنيتى تأمين ايلمك ايجون
خارجى قره غوللر وضع ايديله جكدى. آرتق پياده دن كشافلر كوندرمىك

لزوم قالیه جق ایدی. زیرا امنیت خدمتی بستیون ایجه اوزاقلره کیتمش
اولان سواری یه عائد بر وظیفه اوله جق ایدی. ایلری قره غول قدم
کلیسی آچقده قونیه جق ایدی. بوندن طولای، یاپیله جق قروکیده
بستیون بشقه بر منظره بی حاوی اوله جق ایدی.



يکرمنجی مسئله

(عمومی خریطه ایله « ۱ : ۲۵۰.۰۰۰) مقیاسنده کی « میچ »

و « غراوله لوت » یافته لری)

دوست مملکتده حرکات عسکریه اجرا ایدن برفرزه یورجی بریور ویشدن
صکره (۱) کانون اول (۸۹) تاریخنده (موزل) نه ریخی (میچ) شهرنده
کچمش بولنیور . بومفرزه قسم کلیسنگ قول باشی آقشام ساعت (۱) ده
(مه زون- دوبلانش) [« میچ » دن « مه زی-یر- له میچ » ه کیدن یول
اوزرنده] ه واصل اولدینی زمان دشمنک ایکی قولده « مه زی-یر- له میچ »
و (سه مه قور) اوزرینه رجفت ایلدیکنی و دشمن پیاده سی (هو قونقور) ایله
(مه زی-یر- له میچ) [بیوک خریطه] ی اشغال ایتدیکی ائشاده بعض کوچک
سواری قطعات عسکریه سنک (آه لانش) ، (سه مه قور) و (فه و) ده توتف
ایدرک (میچ) اوزرینه کشف قولاری کوندردکلرینی خبر آلور . اها لیدن
سوزینه اعتماد ایدیلور برداتک ویردیکی معلوماته نظراً ، دشمنک (تی یون وبل) دن
بعض قوای امدادیه آلدینی آکلشیلور . وقت ایچه ایلرولش اولدینی ایچون ،
مفرزه قوماندانی بوکونلک دشمن اوزرینه هجوم ایتمه مکه ، بالعکس ، تیمور-
یونلک شرفنده (ده وان- له پون) اولرنده قوناقلرده کیجه لمکه قرار ویرر .
یوندن طولایی موی ایله ، بیکباشی ب .. یه برطابور پیاده ایله برسواری
بلوک ترفیق ایدرک ، تقریباً (موزل) ایله (ووی) دن کچن بر-نط اوزرنده
ایلری قره غول ترتیباتی آلسنی امر ایدر . ایلری قره غولر بردفعه یرلشدیر-
لدکن صکره ، ایرتسی کون صباحه قدر دشمنه دائر یکیدن هیچ بر حوادث
آلنه منر .

یایله حق وظیفه

- ۱ — بیکباشی ب .. نک آله جنی ترتیبات و بونک اسباب ده غده سی .
- ۲ — کیجه وکوندوز ترتیباتی کوسترمک اوزره منفصل برقروکی (چفته
توتجیلر وقره غولرده قوتلرله برلکده کوستریله جکدر) .

يکرمی برنجی مکتوب

یلری قره غول امری

بوراده پیشدار کاملاً ایلری قره غوللر خدمته تعیین ایدیله جکدر.
 بناءً علیه ایلری قره غوللر امریله پیشدار امری یالکنز بر امردن
 عبارت اولور. بیکباشی ب.. یورویش حالنده ایکن دهاء ایلری قره غول
 خدمته تعیین ایدلمش بولندیغنه دائر امر آلور. شوآنده قسم کلینک
 قول باشی (مهزون - دو - پلاش) ده بولنیور؛ پیشدار قسم کلینسک
 قول باشی ایسه، (۱۰۰۰) متره ده اوزاقده (مسافه: ۷۰۰ + اوچ
 بلوک ایچون ۳۰۰ متره) یعنی (مهزون - نوو) ک جنوب مدخلنده در.
 پیاده اوجینه کلنجه (مهزون - روژ) ک جنوب مدخلنه واصل
 اولمشدر. (اوجدن پیشدار باشینه قدر ۴۰۰ متره، پیشدار باشی
 ۱۰۰ متره، کریه مسافه ۵۰۰ متره)؛ سواری بلوکی ده ایلریده
 ایچه اوزاقده در.

اک صوک کان حوادثلره نظر آ دشمنک توقف ایلیه رک ایلری
 قره غوللر ایله ستر ایدلمش بولندیغنه حکم ایدیله بیلور.
 یورویش یولینک هر ایکی جهتده کی اراضی تمامیه دوز اولدیغندن
 بیکباشی ب.. اطرافنی کوزه تمک و تعیین جهت ایتک ایچون ایلری
 کیتمکدن بیوک برشی قازانه جق دکلدز. بناءً علیه ایلری کیتمکه لزوم
 کورمکسزین همان خریطه یه باقهرق کندی ایلری قره غول امرینی
 ویره جکدر.

ترصد منطقه سی بروجه آتی یکاییکرندن ایوجه آیرلمش ایکی

پارچه به آریله بیلور: برنجیسی، دوم دوز و آپ آجیق اولان (موزمل) وادیسی، ایکنجیسی، (ده وان - له پون) - (سه قونور) خطنک غربنده کی اراضی. بوضوک پارچه اورمانقلی و طاعلقی اولدیفیچون طبیعی اطرافه نظارتی یوقدر.

برنجی پارچه بی ترصد ایتک ایچون آز انسان قوللانق کافیدر. لکن ایکنجیسی پک یقیندن ترصد ایدلمک محتاج اولدیغندن اورایه اپی انسان صرف ایتک لازمدر. باخصوص دشمن سواریسنک (فهو) ده بولنسی شو دیدیکمزک ده دقلی برصورتده اجرا اولنسنی ایجاب ایدر برشیدر. چونکه دشمن اورادن کرك (ووی) اورماننک شرقندن، کرك (نوروی - له ووه نور) یاخود (صولی) دن کچهرک بعض کشافلر سوق ایده بیلور. اوندن بشقه اگر دشمن، پیاده سیله سزک ایلری قره غوللریکزه کیجه لین بر باصقین حرکتی یا بمق نیتده ایسه بوخصوصده آجیق بر اراضیدن زیاده عارضه لی و طاعلق بریده موفق اولسی مأمولدر.

دشمن یقیندر؛ اوندن بشقه یورویشنک صوکلرینه طوغری بعض قوای امدادیه آلمش کبی کورندیکندن آکا قرشو مکمل بر ایلری قره غول ترتیباتی آلمق لازم کله جکی پک طبیعیدر.

مع هذا، ایلری قره غول خطنک ایکی منطقه سنده عین قوتک وضع ایدلسی ایجاب ایتمز. اووه ده یالکز دشمنک تقرب ایده بیله جکی یوللرینی کوزه تمک کافیدر. طاعلق و کسیک اراضیده ایسه ده بشقه درلو حرکت ایتک لازم کلور.

مختلف ایلری قره غول قدمه لرینک یرلرینی تعیین ایتک ایچون بیکباشی ب.. ایلک اوکجه خریطه اوزرنده (میج) دن (موزیر) ه

کیدن بیوک یول ایله آنک یان طرفلرینی ایودن ایویه برکوزدن
کچوره جکدر. مومی ایله اوراده آیری آیری ایکی یغینه تصادف
ایدر: برنجیسی (مهزون - روژ)، (مهزون - نوو)، (ووی)،
ایکنجیسی (سن رهمی)، (بهل وو)، (لادون شان)، برنجیسنک
ملحقاتندن اولمق اوزره (موزل) جهتنده (سن - ثلوی) [۱۶۵]
راقلی محلك غریبنده [ایله (توری) کویلی واردرد. ایکنجیسنک
ملحقاتی ایسه اوچدرکه بریسی (تاب) لر، دیکری شمالده (فرانق لون
شان)، اویری ده شرقده (ماکس) در. ایکی یغیندن هر بریسی
ملحقاتیله برلکده برخط تشکیل ایدر. بناءً علیه اووده دشمنک
یوروشی آنجق مسکون محللرده مقاومت کوسترملکله طور دیر یله جغیندن
بیکباشی ب.. بو ایکی کوی یغینندن هانکیسنی اشغال ایتک ده مناسب
اولدیغنی کندیسندن بر صوره جقدر.

ایکنجی خط مومی الهک (موزل) دن (ووی) - (نوروی) -
له ووه نور) یولنه قدر یعنی خط مستقیم حسابیله ۶ کیلو متره قدر
یایلمسنی ایجاب ایده جکدر. حال بوکه برنجی خطک امتدادی آنجق
(۵) کیلو متره در. یالکز بو سیدن طولایی (مهزون - روژ)
(ووی) دن کچن خطی اشغال ایتک اوته کینه ترجیح اولنور. ده
ایلریده بر موضع طوتمه نك باشلیجه ایکی بیوک محذوری واردرد.

برنجیسی اوراده اراضی ده واسع برامتداد اوزرنده مروری
کوچلشدیرر؛ ایکنجیسی ایلری قره غوللر سوارسی، آنجق دشمن
سوارسی بوسکورتلکدن سکره ایلری قره غول! بلوکلرندن درجه کافیه ده
برمسافه ایله ایلری سور یله بیله جکدر. بو نتیجه تازانلسه بیله بیوک برشی
استحصال ایدلمش اولیه جقدر. زیرا، دشمن سوارسی صنعتی ایجابندن

اوله رق کندی ایلک موقعلرینی تکرار طومغه چالیشه جفندن بزم ایلری قره قوللریمیزی راحتسز ایتمکدن بدم خالی قالمیه جقدر .

بناءً علیه بیکباشی ب .. پیاده سنی برنجی موضعه یعنی الیقین اولانه، ایلری قره غوللر سوار یسنی ایسه ایکنجی موضعه یعنی اکاوازا ق اولانه یرلشدیرمکه قرار ویرر .

(موزل) دن (بهول وو) یه قدر اولان اراضینک سواری طرفندن اشغال ایدیله جکی شبهه سزدر . لکن بیلنمسی لازم کلن دیگر برشی وارکه اوده بواراضینک غریبه (ووی) دن (سن پریوا) یه کیدن یوله قدر ومثلاً تخمیناً (صولنی) یه قدر اوزانمق ایجاب ایدرمی یوقسه ایتزمی ایشته بوراسیدر . (ووی) اورماننک شرقنده کی آجیق منطقه ده سوارینک حرکتی پک مؤثر اوله بیله جکدر . حال بوکه ، طاعلق اراضیدن عبارت اولان دیگر منطقه ده سوارینک حرکتی بالعکس پک محدود قاله جقدر . بناءً علیه اکریسز سواری بلوککزی (موزل) دن (صولنی) یه قدر اولان اراضینک هپسنی ترضد ایتمکه مجبور ایدمک ارلورسه کز، اوزمان بلوکک کزیده یالکز برمزکز یعنی برقم کلی براقسی حاندره کوچک پوسته لر خطنده وقوعه کله بیله جک اولان احتمالاته کوچ حال ایله جواب ویریه بیله جکدر .

(ووی) ده سواری بلوککدن ایکنجی برقم کلی تشکیل ایتکده بیوک برایشه یارامیه جقدر . زیرا ، هرهانکی براستقامتده قوای امدادیه کوندره بیلیمک ایچون طرق اتصالیه نک حانله نظراً او ایکنجی قسم کلی بی، ذاتاً پیاده نک قونلمش بولندینی بالذات (ووی) یه یرلشدیرمک لازم کله جکدر . واقعا خدمت سفریه ، شویله برتدیرک اجراسنده مساعددر . لکن ، بوراده اوندن صرف نظر ایدیله جکدر .

زیرا بزم مسئله مزه قابل تطبیق دکل ده اونك ایچون. بزم فکریمه قالورسه، سواریدن آنجق آجیق اولان منطقه ده استفاده اولنه بیله جکدر، طاعلق اولان منطقه نك سترو تأمیننه ایسه پیاده مأمور ایدیله جکدر. (نوروی له وه نور) ایله (صولتی) اوزرینه کشافلر کوندره بیلمش اولسی مقصدیله شو پیاده به مقدار کافی سوارینك ویرلسنی ده مناسب کوریورم. بناءً علیه (ووپ) ده کی پیاده کندی کوندوز امنیت کندیسی استحصاله چالیشه جقدر. غریبه طوغری دها زیاده اوزامغه لزوم یوقدر. کرچه دشمنك بعض سواری اقسام عسکریه سی (آمان ویلر) دن (لوری) به کیدن یولدن طولاشه رق (ووپ) به قدر یناشه بیله جکلردر؛ لکن (ووپ) ده کی قطعات عسکریه خصمك شوتدیرینه برچاره بولق و آتی نتیجه سز براق ایچون لازم کلن ترتیباتی اخذ ایده جکلردر. بر امنیت ترتیباتك یانلرینی حمایه ایتمك ایچون فصل یابیلورسه یابلسون، بو خصوصده ینه اوتله رینه کچله میه جك بعض حدلر واردر.

اوو ده ایلری قره غوللر پیاده سی (توری)، (سن-ته لوی) [۱۶۵ راقلی محلك غریبنده]، (مه زون - روز) و (ووپ) استاد نقطه لرینی مدافعه ایده جکدر. کرچه (ووپ) کوی اورمانلره مستند ویا لکز شمال کنارینك بر قسمی مدافعه به مساعد ایسه ده ینه تحت اشغاله آله جقدر. فی الحقیقه مذکور کویك شمال غربی و غرب کنارلری ایلریده کی اراضی به محکوم اولدیغندن انداخت میدانلری بك محدوددر. لکن (ووپ) بوکی یوللرک عقده نقطه سنی تشکیل ایتدیکی ایچون سویلدی کمز محدودرله باقلمق مزین ینه هر حالده اشغال ایدیله جکدر.

اولجه قبول ایدیلن قاعدهٔ عمومییه کوره، پیاده ایلری قره غول بلوکلری مقاومت خطی اشغال ایدم جکلردر ؛ ایلری قره غول قسم کلیسنه کلنجه او ، خط مقاومتک برچوق نقطه لرینه کیدن طرق اتصالیه نك مرکزنده یعنی (مه زون نوو) ده یرلشه جکلدر .

شمدی سزك ایچون کری به قالان، آلتان ترتیباتک هیئت عمومییه سی درجهٔ کافییه ده برعمقی حائز می دگلی ایشه اوراسنی پرکار واسطه سیله برتحقیق ایلمکدر .

ترتیبات صورت عمومییه ده برکره اخذ ایدلدکن صکره، بیکباشی ب . . آرتق اونلرک تفصیلاتنه کیریشور . مومی الیهک اداره سی آلتنده ۱۳۰ نجی پیاده آلاینک (۲) نجی طابوری و ۱۳ نجی دراغون آلاینک (۲) نجی بلوکی اولدیفنی فرض ایدیورم . بیکباشی ب . . طرفندن ویرله جک امرک ایلک ایکی ماده سی هیچ برمشکلاتی موجب اولیه رق شووجهله ترتیب ایدیه جکلردر :

« ۱ — دشمن ایکی قولده (مه زی بر - له یچ) اوزرینه و (سه مه قور)ک اوتله رینه چکلدی . و (تی یون ویل) دن قوای امدادیه آلدقن صکره (هوقونقور) و (مه زی بر) ی پیاده ایله ؛ (آمه لانش) ، (سه مه قور) ، (فهو) موقع لرینی ده کوچک سواری اقسامیله اشغال ایلدی . مفرزه قسم کلیسی ، (ده وان - له پون) ک تیمور یولینک شرقنده کی قسمنده کیجه یی قوناقلرده کچوره جکلدر .

« ۲ — شمدیکی پیشدار ، ایلری قره غول خدمته مأموراً (موزهل) - (ووی) خطی اوزرنده یرلشه جکلدر . »

بواشعارات سواری به هیچ برشی اوکره تمش اولیه جقدر ؛ لکن اونلر پیاده ایچون بك لازمدر . زیرا ، پیشدارده کی ضابطلردن هپسینک کلن خبرلره دائر معلوماتلری اولدیفنی قبول ایدیه مز .

سوارینک وظیفه سینه کلنجه، کندی قطعه عسکر به سنی ایستدیک کی
تقسیم ایتمکده سواری قوماندانی سربست بر افرق اولره بالکز
کوره جکلری خطی بر صورت عمومیه ده کوستر مکه اکتفا ایدیکز .
فی الحقیقه ، سواری قوماندانی ذاتاً اراضی ایله ایوجه آلیشمش اولدینی
ایچون اونی سربست بر افرق لازمدر . زیرا، او، زمینک احوالی بالکز
خریطه دن کوروب تقدیر ایدن ایلری قره غول قوماندانندن ده
کوزل بر صورتده زمینک تشکلات عمومیه سنی تقدیر ایتش بولنیور .
سواری بلوکنک کوزه ته جکی طرق اتصالیه کلنجه، بونلر ایچنده
اک مهملری شبهه سز، (مه زی پر) و (سه مه قور) بیوک یوللری در .
دیگر جهتن، (موزل) بویجه کیدن یول ایله (غران - تاپ) دن
(آمه لانش) کیدن یول ده اونودلما ملیدر . حال بوکه ، (بهل وو) دن
آیریلان اسکی یول ایله (ژولی پر) اورماننک غربندن کچه رک
(ووی) دن طوغریلجه (فهو) کیدن اهمیتسز یولدن هر ایکسی
کوندوزلری جوار یولرده حرکت ایدن کشافلر واسطه سیله کشف
اولنه بیلورلر . ایلری قره غول بلوکلرینه ویریه جک سواریلرک عددینه
کلنجه ، بلوکلرک نه وجهله تقسیم ایدیه جکلری و آنلرک اقسام مختلفه
سنک وظیفه لری قرارلشدیرلنزدن اول آنی تقدیر وتعیین ایتک
قابل اوله مز .

شمیدی مسئله یه کوره ، پیاده یه استراحت ایتک وچور به سنی
پیشورمک ایچون اپی بر زمان قالمق مقصدیه سواری بی الدن کلدیکی
درجه کچ وقتده کری چکمک لازمدر . کانون اولده کونش آقشامک
ساعت (۴) دینه طوغری باتار . اولیه ایسه ، بن سواریمی (۴) بچقه
کری چکه جکم . بروجهله که . پیاده کرک کندی کیجه موقعلرینی آقشام

ساعت (۳) ی (۴۵) کچه اشغال ایتمه باشلار . وگندی اراضینه ساعت (۱) بمقده کلدیکی فرض ایدیلورسه استراحت ایتمک ایچون (۲) ساعتدن بر آرز زیاده برزمانه مالک اولمش بولنهجق دیمکدر .

شبهه سز بو، آزرده؛ لکن جوربه یایمق ویورویش یوزندن قنا خالده صارصلمش اولان عسکری بر آرز دیکلندیبره رک کیجه نك مشکل خدمتی ایچون اولنره بر آرز قوت ویرمک خصوصنده کافی بر زماندر . بناءً علیه، بنجه پیادهیه بردن بره کیجه موقعلرینی اشغال ایتدیرمه مک ونسبه آرز بر زمان ایچون اولمقله برابر ، سوارییه موضع آلدیرمق موافق کبی کورینیور .

هر نه وقت عسکرلریکنز یمکله رینی حاضرلامغه مجبور اولورلرسه بونک ایچون وقتلری اولوب اولمدیغنی سز ایوجه بر حساب ایدیکنر . پیاده لرک اعاشه لری ایچون یانفرلرک کندی طاشیدقلری (اوچ کونلک تعیین خلاصه) تیمور باش ارزاقدن ویا بلوک عربه سنک کتوردیکی (نفر باشنه بر تعیین) تازه ارزاقدن استفاده اولتور . تیمور باش ویا احتیاط تعیین دیدکله ریمز آنجق بر مجبوریته صحیحه حس ایدلیدیکی یعنی دیکرلری بولمیدیغنی زمان ومفرزه قومانداننک امر رسمیمی اوزرینه صرف ایدیلور . بزم مسئله ده ، تیمور باش تعیینلری صرف ایتمه بر لزوم واحتیاج کورلیور . طابورک بش ارزاق عربه سی (بلوک باشنه بر عربه ایله برده صاتیجی عربه سی) بر آرز وقت صکره کله جک اولان بیوک آغرقلرده در . مذکور عربه لر کلنجه اولنردن عسکرک اعاشه سی ایچون لزومی درجه ده ارزاق آنوره ؛ لکن ، بوصرف ایدیلن ارزاق ممکن ایسه ده اوکونایلری قره غوللرک اشغال ایتدیکلری مسکون محللرده تکالیف حربیه طرحله اکمال ایدمیلیدر .

سواری کیجه باصمزدن اول نه جور به سنی پایه جق، نه ده بار گیر لری
 بسلیه بیه جکدر. احتیاجه مدار اولق اوزره سواریده نفر و حیوان
 باشینه برر احتیاط تعیین ویریلور. هر سواری بلوکنک، نفر
 و حیوان باشنه برر تعیین طاشیان بر ارزاق و بریم عربیسی واردور.
 پیاده نك تعیین جهت ایلمسی ایچون اقشامدن صکره موجود
 اولان خفیف آیدینلق کافیدر. کانون اولده یز، بناءً علیه لزوم قطعی
 کورلمدکجه سواری آچیقده قونیمه جقدر. بوراده ایسه مذکور صنف
 ایچون لازم کلن آخورلر اکسیک دکلدور. اوندن اوتری سواری پی
 بوراده هیچ آچیقده برافغه لزوم یوقدر. اک ایوسی بوراده سواری پی
 ایلری قره غول قسم کلیسنده یعنی (مهزون - نوو) ده قوناقلره
 یرلشدیرمکدر. لکن یازیق که (مهزون - نوو) ده لازم کلدیکی قدر
 آخورلر یوقدر. ایشته بوندن طولای درکه، بز، امنیت بر آزاآز
 اولقله برابر اوخصوصده (ووی) پی انتخاب ایدیلور. اگر (ووی) ده
 بر پیاده ایلری قره غول بلوکی وارسه (شمدی کوره جککز کی
 فی الحقیقه بر بلوک واردور) اوزمان سواری بلوکی آنک
 حمایه سی آلتده کویک اک امین اولان جنوب قسمنده
 طوبلی قوناقلره یرلشه جکدر. کندی امنیت بر آزاآز ترید
 ایتک ایچون مذکور بلوک (لوری - له میچ)، (لوشن) و (قوبیون)
 اوزرینه کیدن یول مخرجلرینه نوبتیلر قوجقلر و حین حاجتده اولنری
 باریقادر ایله سد ایله جکدر. سواری بووجهله کنديسنی دشمن
 سواريسنک هر نوع تشبثاتندن قورومش بولنه جقدر. دشمن پیاده سنک
 کیجه لین اوزون بر طولاشمه اجرا ایدرک (ووی) نك جنوب قسمنه
 باصقین یا بمسنه ایسه احتمال ویريله مز، باخصوص بورایه قدر دشمن

هېچ رجعت ايدوب كېتمش ايكن آنك شويلا بر جرأته بولمسنه
بن هيچ عقل ايرديره ميورم . مع هذا ، دشمنك جرأته باعث اوله جق
امدادلرك آلمسنه سزك ممانعت ايتمش بولمغه كزده شرطدر .

سابقاً اولديني كېي بوراده ده كيجه لين دشمنله تماسك محافظه ايدلمسنه
دقت ايتك لازمدر . بونك ايچون پياده خطك ايلروسنده ايستر
(سن رومي) يه ، ايستر (بل وو) يه وضع ايديله جك برسواري مستقل
پوسته سي (۹ ويا ۱۲ سواري ايله برضايط) كافيدر . بو پوسته ،
ايكي بيوك يول ايله شمندوفر بويجه (مه زي ير) و (سه مه قور) اوزرينه
كشافلر كوندره جكدرد . (سن رومي) (تي يون ويل) . كيدن يوللرك
الك مهمي اوزرنده كائن اولديني ايچون بن مستقل پوسته نك اورايه
وضعي ترجيح ايدرم . ديكر يوللر اوزرينه پياده ايلري قره غول
بلوكلرينك تا اوزاق مسافه لره قدر كشافلر كوندرمش اولملري شرطيله
بو يول اوزرنده تماسي محافظه ايتك كافيدر .

شمدي ده طرق اتصاليه شيكه سني اساس طوته رق پياده يه تخصيص
ايديلن اراضي بي بلوك منطقه لرينه آييره جقسكز . بولنديغمز موسمده ،
ايلري قره غول بلوكلريني طوبلي قوناقلره يرلشديره رك هوانك
تأثيراتندن محفوظ بولندرمق لازمدر . چونكه بواصول شوراده تبعيه جه
الويريشلي بر اصولدر .

(مه زون — روز) ك بر بلوك طرفندن طوتيله جني آب آشكاره
برشيدر . چونكه الك مهم ايكي اتصال يولي ايله شمندوفر اورايه منتهي
اوليورلر . بناءً عليه شوقظه بزم اساس نقطه من اوله جقدرد .

(مه زون — روز) دن (موزل) قدر خط مستقيم حسابيله
تخميناً (۳) بچق كيلومتره بر مسافه واردر . بومسافه ايله ، الك مهم ايكي

ایچون یالکز بر بلوک یتیشور ، لکن بوراده درت مهم یول دها وارکه .
اونلری ده ستر ایتک لازمدر . اوندن بشقه (ووی) نك شمانده کی
اراضی ترصدی قولای بر اراضی دکدر . بناءً علیه سز (ووی) ده .
بیله اوچنجی بر بلوک یرلشدره جکسکزکه ، وظیفه سی شرق کناری
(مه زون — روز) منطقه سی تشکیل ایدن بالخاصه بوکوی ترصد ایتک
اوله جقدر .

بو اوچنجی بلوک (نوروی — له وه نور) ایله (صولنی) دن کلن
ایکی یولک برلشدیکی نقطه ده یرلشه جکدر .

ایلری قره غول بلوکلرینه و یریله جک سواریلرک عددینی تعیین
ایتک ایچون ، کچن مسئله ده کی کبی ایلک اوکجه کیجه لین اوزرلرنده .
کشافلر بولندرمق لازم کلن مهم یوللر هانکیلری اولدیننی تعیین
ایدیکز ! صاعده کی بلوک یالکز (ماکس) دن کچن (آمه لانش)
یولی اوزرندن کنیدیسی قورومغه و بناءً علیه ینه یالکز او یولی کشف
ایتدرمهک مجبوردر . اگر بوبلوک کنیدیسی ایچون (۲) سواری طوته رق
مذکور یوله (۲) سواریلک برکوچک پوسته کوندر دکن صکره آریجه
برکشاف ایچون ده (۳) سواری قوللانہ جق اولورسه اوزمان اوکا
و یریله جک سواریلرک عددی (۷) یه چیقمش بولنور . لکن ایلری
قره غول قوماندانی بلوکلک ایکنجی برکوچک پوسته چیقارمغه لزوم
کوروب کورمیه جکئی بیلمدیکنندن احتیاطاً اوکا برکوچک ضابط ایله
(۹) سواری ویره جکدر .

(مه زون — روز) ده کی ایلری قره غول بلوکلک کیجه سواری
کشافلری چیقارمغه بزاحتیاجی یوقدر . زیرا اوکنده ، (سن رهمی) ده
برکوچک سواری پوسته سی وارکه یالکز پیاده کشافلری چیقارمغه

آنکله ارتباط حاصل ایدم بیلور . ایکی بۈك یول بریرینه اودرجه یقیندرلرکه یالکز برکوچك پوسته اونلوك ایکینسی بردن ترصد ایتمکه کافیدر . بناءً علیه بوبلوکه یالکز (۴) سوارى ویریله جکدر . مع هذا اگر سز ، (سزده می) ایله ارتباطى تأمین ایتمک ایچون اوکا ۲ سواریلک برکشافده الحاق ایدم بیلورسکز ، بزم اوکا هیج برده جکم اولمز . اوله ایسه مذکور بلوکه اوزمان (۶) سوارى ویرمیسکز . (ووی) دهمكى بلوك کوندوزین ایکی یول اوزرینه کشافلر کوندرمکه مجبوردر ، دیگر جهتدن اونك چیقاره جنی کوچك پوسته لرك عددینى اولدن دها تعیین ایتمک ممکن اوله مز . بونك ایچون ، اوکا هیج طور . میکز (۲) کوچك ضابط ایله (۱۶) سوارى ویریکز . او ، بوسایه ده کوندوزین کندى چفته نوتجیلرینك ایلرینه قازاق اصولنده پوسته لر کوندربیله جکدر . کیجه ائساننده ایسه ایکی یول اوزرینه یالکز برکشاف کوندرمکه اکتفا ایله جکدر .

پیاده کشافلرینك کوندربیله جکلری استقامتله کلنجه اونلری تعیین ایتمک بلوك قوماندانك ایشیدر . بونك ایچون امرده بن اونلردن هیج بحث ایتیه جکم .

قیو پوسته لری اك مهم یوللر اوزرینه وضع اولنه جقلردر . بوندن آکلاشیلورکه یوللردن هر بریسی اوزرینه برز (قیو پوسته سی) قومه لزوم یوقدر . اگر یالکز بر قیو پوسته سی برقاچ یولی بردن اداره ایدم بیلورسه نه اعلا ! سز بوراده یوللرك اك مهمی اولان (مه زی بر) یولی اوزرینه اونلردن بر دانه قویه جقسکز . بناءً علیه (سه مه قور) دن کلن اشخاص (مه زی بر) یولی اوزرینه سوق ایدیله جکلردر . (ماکس) دن (آمه لانش) یولی ایچون بر (قیو

پوسته سی) دها ایجاب ایدوب ایتدیکنه برباقیکز! بنم فکریمه قالورسه.
بو یول ایچون اولیه بر پوسته یه پک اوقدر لزوم یوقدر. زیرا او یول
ذاتا جوق قوللانامیور.

بالعکس، (نوروی - لووه نور) یولی اوزرینه بر قپو پوسته سی
قویه جقسکز؛ (صولنی) دن کلنر بو یول اوزرینه سوق ایدیله جکلردر.
اولیه ایسه سزک ایکی قپو پوسته کز اوله جقدر. بریسی (مه زی بر)
یولی اوزرنده او بری (نوروی - لووه نور) یولی اوزرنده، (مه زون
نوو) ده طویلی قوناقره یرلشمش اولان ایلری قره غول قسم کلیسی
بر ویا برقاچ چمنه نوبجی واسطه سیله محافظه ایدیله جکلدر. بو خصوصه
جانکز هر فصل ایستره اولیه یاییکز. اگر ایلری قره غول قسم کلیسی
(شن) ویا (قوی یون) جهندن کله جک باصقینلردن قورقیورسه
برکوچک ضابط قومانداسنده اولمق اوزره (قوی یون) ک غرب
مخرجینه بر مستقل پوسته کوندره جکلدر. بن بورتیی قبول ایدیورم.
ایلری قره غول بلوکاری طرفندن طوتیله جق اولان مسکون
محللر حال تدافعی یه وضع ایدیله جکلردر. (۵) نجی بلوک دشمن
طوغریجه (دهوان - له یون) اوزرینه ایلرولیه بیلشم اولماق ایچون
(توری) و (سنه لوی) نقطه لرینی مدافعه ایدیله جکلدر. بونی امریکزده
سویلیکزر.

مسئله یه نظراً، ایرتشی کون صباحه قدر یکی حوادث آلمیه جقدر.
بونی (۲) نومرولی امریکزده ذکر ایدیکز که هرکس (۱) نومرولی
امر ویرلیدکندن بری یکی بر حوادث اولمدیغنی اوکره نسون و (۲)
نومرولی امر وقیله ویرلملیدر که بلوکار مشکلاته اوغرامق سزین سویلنن
ساعتده کندی کیجه موقع لرینی اشغال ایده بیلسونلر.

(مہزون - نوو)

۲ - ۱۲ - ۸۹ - ۱۰۱ کی

نومرو — ۱

ایلری قره غول امری

- ۱ — دشمن ایکی قولده (مہزی یر -
 له میچ) . اوزرینه و (سہمہ قور) اوتہ لرینہ
 طوغرئی چکلدی . و (تی یون ویل) دن
 قوای امدادیہ آلدن صکرہ (ہوقون -
 قور) و (مہزی یر) ی پیادہ سی ایلہ
 (آمہ لانش) ، (سہمہ قور) و (فہ و)
 موقعلرینی دہ کوچک سواری قسملریلہ اشغال
 ایتدردی . مفرزہ قسم کلیدی (دہ وان -
 لہ پون) ک شمندوفر یولنک شرقتدہ کی
 قسمنده کیجہ یی قوناقلردہ کچورہ جکدر .
 ۲ — شمدیکی پیشدار ایلری قره غول
 خدمتتہ مأموراً (موزہل - ووپی) خطلی
 اوزرنده یرلشہ جکدر .

- ۳ — (۲) نجی سواری بلوکی دشمنلہ
 تماسی محافظہ ایدہ جکدر . بناءً علیہ
 (موزہل) - (سنرہ می) - (ووپی) داخل
 اولماق شرطیلہ (ووپی) اورمانی خطلی
 اوزرنده یرلشہ جک و (موزہل) نہری
 بونجہ کیدن یوللر ایلہ (آمہ لانش) ،
 (مہزی یر) و (سہمہ قور) کیدن یولاری
 ترصد ایلہ جکدر . اوندن بشقہ درحال
 (۵) نجی بلوکہ برکوچک ضابط ایلہ (۹)
 سواری ؛

- (۶) نجی بلوکہ (۴) سواری ؛

ایلری قره غول قسم کلیدنه (۴) سواری؛
(۷) نجی بلوکه ده (۲) کوچک ضابط ایله
(۶) سواری ویره جکدر .

۴ — (سن ته لوی) ده [۱۶۰ راقلی
محلك غربنده] طویلی قوناقلره یرلشه جک
اولان (۵) نجی بلوک (موزهل) ایله، (سن -
ته لوی) ده داخل اولق اوزره (سن ته -
لوی) ک شمال غربیسنده کی چایرک کناری
پینده بولنان منطقه یی محافظه ایده جکدر.
(مه زون - روژ) ده طویلی قوناقلره
یرلشمش اولان (۶) نجی بلوک شمدی
سویلدیکمز چایرک کناریله (ووی)
داخل اولماق اوزره (ووی) نک شرق
کناری آره سندنه کی منطقه یی کوزه ته جکدر.
(نوروی - له وه نور) یولی ایله (صولنی)
یولینک برلشدیکی محله (ووی) ده
طویلی قوناقلره یرلشمش اولان (۷) نجی
بلوک (ووی) ده داخل اولق اوزره
(ووی) نک شرق کناریله، (صولنی)
یولی اوزرنده (واش حاوز) ک ۵۰۰ متره
قدر جنوبسده کی بر نقطه آره سندنه کی
اراضی یی کوزه ته جکدر .

۵ — ایلری قره قول قسم کلیدی (۸) نجی
بلوک، (مه زون - نوو) ده طویلی قوناقلره
یرلشه جک ویرکوچک ضابط قومانداسنده
(قوی یون) ک غرب مخرجنه بر مستقل
پوسته کوندره جکدر .

۶ — بر هجوم وقوعنده، ایلری قره غول
بلوکلری (توری) ، (سن ته لوی)

[۱۶۵ راقلی محلك غریبده] ، (مهزون-
روژ) و (ووی) نقطه لرینی طوته جقلردر .
۷ — راپورلر ایلری قره غول قسم کلیسنه
کوندریله جکلردر .

بیکیباشی

ب ..

تبایغ ایدلشدرد :

- ۱ — بلوکه قوماندانلرینه شفاها؛
 - ۲ — سواری بلوکینه طابور
- قول اغاسی واسطه سیله و تحریر آ.

(مهزون - نوو)

۲ - ۱۲ - ۸۹ - ۳۰ کی

نومرو — ۲

ایلری قره غول امری

۱ — دشمنه داثر یکی بر حوادث یوقدر.

۲ — (۲) نجی سواری بلوکی آقشام

ساعت (۱) بچقده (ووی) نك جنوب

قسمنده طویلی قوناقلره یرلشه جکدر .

کیجه لین (سن رهی) ده برکوچک ضابط

ایله (۹) سواری بولهرق دشمنله تماس

محافظه اولنه جقدر . یارین صباح ساعت

(۸) ده تکرار کوندوز موقعلرینه کچیله .

جکدر . کشافلر صباح ساعت (۷) ده

کوندریله جکدر .

۳ — ایلری قره غول بلوکلری آقشام

ساعت (۴) ده کندی کیجه موقعلرینه

یرلشه جکدر . کوچک پوسته لر ایله چفته

نوبتیلر یارین صباح ساعت (۸) بچقده

کری چکیله جکاردر .

۴ — ایلری قره غول قسم کلیسی، صباح

ساعت (۸) ده سلاخلری آله جقدر .

• — (مهزیر) یولی ایله (نوروی-

له وه نور) یولی اوزرنده برر (قبو پوسته سی)

قونیه جقدر .

بیکیاشی

ب ..

تبلیخ ایملشدرد :

۱ — (۸) نجی بلوکه شفاها ؛

۲ — سواری بلوکی ایله دیکر

ایلری قره غول بلوکارینه تعریراً

ووه لوسیئت سوارلر واسطه سیله .

لویدور موقملری

سواری قسم کلیسی (لادونشان) پارقك جنوبنده یول اوزرنده
 وضع ایدیه جکدر. بو وجهله دشمنك نظرندن مستوراً ك مهم یوله
 یقین بولنه رق حین حاجنده (غرانت - تاب)، (سن رومی)، (هل -
 وو) ایله بونك اوتله رینه وکال سرعت ایله ایلرولسته جکدر. مذکور
 قسم کلی کندیخی محافظه ایچون پارقك شمال کنارینه قاراینلری یاننده
 اولمق اوزره برجفته نوبتجی وضع ایده جکدر. بونوبتجی آنك ایله سس
 واسطه سیله مخبره ایله جکدر. (هل - وو) و (سن رومی) نك شمال
 بحر جلری یالکز برر کوچك پوسته ایله (بر کوچك ضابط و ۹ نفر
 «ژیلر» و وینه بر ضابط ایله ۹ نفر «سن رومی» به) اشغال ایدلش
 بولنه جقدر. زیرا بو ایکی نقطه سواری قسم کلیسنك طوردی
 (لادونشان) کوبندن ایجه اوزاق دکلدرلر. (سن رومی) پوسته سی
 عین زمانده ایلری قره غول پوسته سی وظیفه سنیده کوره جکدر. دیگر
 بر کوچك ضابط پوسته سی (۱۲ سواری) (واش حاوز) ك غربنده
 (قاله ن بورغ) و (پووان - دوزور) و آریلان یول اوزرنده
 قونیه جقدر.

مذکور پوسته غربه یعنی (نوروی - له و نور) استقامته متوجه
 بولنه جقدر. قسم کلیدن بر آز اوزاق اولان (غرانت تاب) لرده
 بر ضابط کوچك پوسته سی (بر طاقم) [نومرو - ۱] قویه جقسکز.
 بر سواری کوچك پوسته سنك درت دیوار ایچنه قبانوب قالمسی اصلا
 جائز اولمایدندن مذکور پوسته چفلك ایچنده یرلشمیه جکدر. بالعکس
 کندیسنی کوستر مکسزین چفلك جنوب جهته یرلشه جکدر. و سلا حله

اوکنه برنوبجی چیقاره جنی کبی برکوچک ضابط قومانداسنده (۶:۴) سواریلک برقازاق پوسته سی ده (موزهل) ك صوك ساحلنده (اوغلی) نك غربندن کچن یول اوزرینه قویه رق کندیسنی اووجهله محافظه ایله جکدر. اوندن بشقه (پوتیت - تاب) لرك شمال گوشه سنه ده (۳) کیشیلک برقره غول (وده دت) قویه جقدر.

غرب جهتدن محافظه ایدلمک ایچون سواری بلوکی او طرفه کیدن طرق اتصالیه اوزرنده دائمی کشف لر قوللانم جقدر. برده شومهم قاعده خاطر یکنزده قالسون که، ایلری قره غول خدمت لرنده سواری کندی موقعلرینه باغلی دکل، بالعکس ایستدیکی زمان مذکور موقعلری دیکشیدیر بیلور. کوچک پوسته لریکنزه (طاقلر) صاغدن صوله طوغری نومرو قویه جفکنز کبی، هر کوچک پوسته داخلنده قزاق اصولنده کی پوسته لریله (وده دت) لره ده ینه بویله جه نومرو قونیه. جقدر. برنجی خطده قوللانلمش اولان سواریلرک عددینی ایوجه حساب ایدنجه کیده سواری قسم کلیسی ایچون چوق برشی قالدیقنی کوره جکسکز.

کوندوزین (۶۵۵) نجی بلوکلر، کوچک پوسته لر چیقارمغه لزوم قالمیه جق درجه ده سواری طرفندن ستر ایدلمش بولنیورلر. مع هذا، (۵) نجی بلوک درحال (توری) یه بر یارم طاقم افراز ایده رک بونصف طاقم کندیسنی بر چفته نوبجی ایله محافظه ایتش اولدینی حالدده اوراده یرلشه جکدر.

بالذات بلوکه کلنجه (سن - تلوی) اولرندن استفاده یه مجبور اولدیغندن اوده الك آز بر چفته نوبجی افراز ایده جکدر.

(۶) نجی بلوک (مه زون - روز) ده بیوک یوللردن هر بریسی اوزرینه بر چفته نوبجی قویه جقدر.

(نوروی - لهوه نور) ایله (صولی) جهته ایلرو سنده هیچ سواریتی بولمیان (۷) نجی بلوک دها احتیاطی بر صورتده حرکت ایلیه جکدر. اوندن بشقه کومه کومه اغاجلر ایله اورمان پارچه لری آنک نظارتی ستر ایدرک دشمنک کوندوز و کیجه ایلری قره غوللر جوارینه قدر صوقلوب کلسنه مساعدرلر. شوکی حاللرده محدود بر دائره ترصد ایچنده قاله جق اولان برخیل پوسته لردن زیاده دائمی کشافلر قوللانمقدن فائده کوریلور. بوندن طولای یالکز یوللار اوزرینه پوسته لر چیقاریله رق آرده کی اراضیده ایسه دائمی صورتده کشافلر کزدیریله جکدر. بناءً علیه ایکی بیوک یولدن هر بریسی بر کوچک پوسته طرفدن محافظه ایدیله جک و (نوروی - لهوه نور) یولی اوزرینه قونیله جق اولان پوسته (نومرو - ۲) درجه کافیده آجیق بر انداخت میداننه مالک اولق ایچون ایجه ایلری سورلش بولنه جقدر. او یله ایسه او، یوزی (ووی) اورماننه متوجه اوله رق کوچک صرتک کیرو سنده یرلشه جک و برهجوم وقوعنده بو صرتی اشغال ایده جک و باخصوص اورمانلر ایله کول آزه سنده کی بوغازی دوکه جکدر. مذکور پوسته یول اوزرنده کولک جنوب شرقی کنارینه طوغری بر کوچک ضابط ایله (۶) نفردن عبارت اولان برقو پوسته سی (نومرو - ۲) کوندره جکدر. وکندینک شرقده دها صاغده یرلشمش اولان (۱) نومرولی کوچک پوسته ایله ارتباط حاصل ایتک ایچون اورمانک کنارینه طوغری چفته بر نوبتجی (نومرو - ۱) بولندیره جقدر. کوچک پوسته نک غربنده یوللرک برلشدیکی محله وضع ایدیان دیگر بر چفته نوبتجی (صولی) طاش اوجاقلرینه (ایشتان بروخ) کیدن یولی ترصد ایلیه جکدر.

(۳) نومرولی کوچک پوسته (صولتی) یولی اوزریده (واتش
 حاوز) ده بولنه جقدر. بو پوسته سلاح چاتیلری اوکنه برنوبجی
 دیکه جک و (شهن) اوزرینه کیدن یولک آیرلدینی نقطه یه برکوچک
 ضابط قومانداسنده (۶) کیشیلک بر پوسته (نومرو - ۱)
 چیقاره جنی کبی بو عرضانی یولک (لوری - له میچ) - (وپی) یولی
 ایله برلشدیکی نقطه یه کذلک عین قوتده بر پوسته (نومرو ۲) چیقاره جقدر.
 اولجده سویلدیکم کبی (صولتی) یولک همان شالنه بر پوسته
 قویمغه لزوم یوقدر ظن ایدیورم. چونکه بو طاغلق و عارضه لی یرده
 هیچ بر یولدن فلان اثر یوقدر. پیاده پوسته لرینک ایلروسنه ایسه
 بالعکس، برکوچک ضابط قومانداسنده اوله رق (۶) کیشیلک برقزاق
 پوسته سی (ویله رس - له پله سنووا) نک جنوبنده توپله ری (زه غل) یه
 وضع ایدیه جکدر. (۴) کیشیلک دیگر بر پوسته و یا خود برکشاف
 ایسه صولتی نک شمال مخرجنده ترصد حالنده بولنه جقدر.

سواری بلوکی ایله ایلری قره غول بلوکلری دها زیاده تفصیلات
 آلمق ایچون کچن مکتوبمده کی تعلیماته مراجعت ایده جکلردر.
 (مهزون - نوو) ده احتیاطده بولنان (۸) نجی بلوک ایلک اوکجه
 کوک شال کنارینک درت یول آغزینه قونلمش اولان برچفته نوبجی
 ایله محافظه ایدیه جکدر. اوندن بشقه مذکور بلوک (قوبی یون) نک
 غرب مخرجینه افراز ایدیه جک اولان مستقل پوسته یی ده درحال
 کوندره بیله جکدر. بو پوسته ، (صولتی) یولی ایله عسکری جاده
 (قریغ اشتراسه) نک برلشدیکی نقطه یه برچفته نوبجی قویه جق
 و (صولتی) ایله (پلایه ویل) اوزرینه کشافلر کوندره جکدر. مذکور
 پوسته نک قوتی برکوچک ضابط ایله (۱۲) کیشیدن عبارت اوله جقدر.

کچه موقعلری

(توری) کوچک پوسته‌سی (نومرو - ۱) اولاً، برکوچک ضابط اداره‌سنده (۹) کیشلیک برپوسته (نومرو - ۱) (موزمل) کیدن یول اوزرینه (هانکی نقطه‌سنه اولورسه اولسون) کوندره جکدر.

ثانیاً، برکوچک ضابط ایله (۶) کشیدن عبارت برپوسته (نومرو - ۲) (توری) نك ۴۰۰ متره شمال شرقی‌سنده اتصال یولی اوزرنده قونیه جقدر. ثالثاً، برکوچک ضابط ایله (۶) کیشلیک برپوسته (نومرو - ۳)، (ماکس) لك الك جنوبده کی قسم ملحقه وضع ایدیه جکدر. بووجهله، مذکور پوسته لردن هر بریسی جوار پوسته دن (۶۰۰) متره اوزاق بریول اوزرنده برلشدرلش بولنور. بوراده کی اراضی يك فنا برارضی اولمديغدن مذکور اوچ پوسته ایله درجه کافیه ده ترصد و محافظه ایدلش اوله جقدر.

(۵) نجی بلوك بوندن بشقه (سن - تلوی) دن (فرانقلون شان) کیدن یول اوزرنده (سن تلوی) نك ۷۰۰ متره شمال شرقی‌سنده خندق اوزرینه قورلمش اولان کویری به برکوچک ضابط پوسته‌سی (نومرو - ۲) [برکوچک ضابطله (۹) نفر] وضع ایده جکدر. (مسافه ایجه اولدینی ایچون بورایه چفته برنوتجی قومیق کافی دکلدر). بوکوچک پوسته (۱) نومرولی کوچک پوسته دن چیقارلمش اولان (۳) نومرولی پوسته دن تخمیناً ۶۰۰ متره قدر اوزاقدر.

دیگر برکوچک ضابط پوسته‌سی (نومرو - ۳) [برکوچک ضابطله ۹ نفر] ۵ نجی بلوك (۶) نجی بلوكه ربط ایده جکدر. بوپوسته چایرك شرق کناريله خندق برلشدیکی تقضیه وضع اوله بيله جکدر.

طوغرايىنى سۆيلىمك لازم كلورسه ، بو پوسته يە قطعياً براحتياج يوقدر .
 زیرا ، اوطرفده برکړه يول موجود دکلدر ، ثانیاً دشمنك خندقلر
 ايله کسلمش اولان براراضی یه کیجه لین صوقيله بيلمسی پک او قدر
 محتمل دکلدر . هر حالده (مه زون - روز) ده کی (۶) نجی بلوک
 (ما کس) یولی اوزرنده ۶۰۰ مترو ایلری یه برکوچک پوسته
 (نومرو - ۱) [برکوچک ضابط ايله ۹ : ۱۲ نفر] کوندره جکدر .
 بناءً علیه (سن - ثلوی) ک همان شالنده کی اراضی هر درلو ترصد
 آلتنده بولندیر یله حق دیمکدر .

بر برینه پک یقین اولان ایکی بیوک یول ايله شمندوفری محافظه
 ایتمک ایچون برکوچک پوسته (۶ نجی بلوک ، نومرو - ۳) کافیدر .
 اگر بو پوسته (مه زی ر) یولی اوزرینه قونیه جق اولورسه آتی
 آچیقده بولندرمق لازم کله جکدر . بناءً علیه ایکی ایوسی اونی (سن -
 آدل) ه قویمق و (مه زی ر) یولنی برکوچک ضابط اداره سنده بولنان
 برپوسته ايله (نومرو - ۱) [۲ نومرولی پوسته دن آیرلمش] کوزتمکله
 اکتفا ایلمکدر . بو پوسته (برکوچک ضابط ايله ۶ کیشی) عین
 زمانده قبو پوسته سی وظیفه سنی ده کوره جکدر . مذکور پوسته نی
 یایول اوزرنده کوپری یه قویه بیلورسکز و یاخود (لادون شان) ده
 زیاده یقین اولق ایچون آتی بر آاز ده شاله کوتوره بیلورسکز ؛
 بونک او قدر بیوک بر اهمیتی یوقدر . زیرا ، یول « سن ره می » ده کی
 سواری پوسته سی طرفدن درجه کافیه ده محافظه ایدلمشدر . و ذاتاً
 بوسواری پوسته سی کیجه نی اوراده کچوره جکدر .

(۲) نومرولی کوچک پوسته سلاحلر اوکنه برنوتجی دیکدیکندن
 آیریجه برچفته نوتجی (نومرو - ۲) تیمور یولی اوزرینه ، دیگر

برنوتيجي (نومرو - ۳) ده (سەمەقور) بيوك يولى اوزرنده (سەنت -
آدەل) ك ۳۰۰ : ۴۰۰ مترە شىمانە وضع ايدە جىكدەر. واقعا بونوتيجىلر
بىر بىرىنە ايىچە يقين اولە جىقلىردىر ؛ لىكن شوايىكى مەھم اتصال يولىنىك
يالكىز بىر نوتيجىنىك نظارتى آلتىدە بىراقلاماسى لازم كىلدىكى آب آشكارە
بىرىشدر .


(۷) نجی بلوک کندی کوندوز موقعلرینی محافظه ایدمک و بوندن بشقه (۶) نجی بلوک ارتباط حاصل ایتمک و (ووی) نك شالنده کی آجیق اراضی بی ترصد ایتدیرم بيلمک ایچون (سەنت - آدەل) ك ۶۰۰ متره غەربنده کی یول شعبەسنە برکوکچ پوستە (نومرو - ۱) [برکوکچ ضابط ایلە ۱۲ نفر] کوندرم جکدر . سوارى قازاق پوستەلری کری چکیله جک واونلرک خدمتلى کیجه لین، (نوروی - له وە نور) ایلە (صولنی) یه قدرایلر ولیه جک اولان کشافلر طرّفدن کورلله جکدر .

ایشته کیجه ترتیب تی بویه اوله جقدر . یاه جغکز قروکیده
(سن رمی) ده براقیلان پوسته ایله سوازی بلوکنک (وپی) ده
اخذ ایلمش اولدینی امنیت ترتیبائی کوسترملکی اونو تمیکز. بو ترتیبات
(لوری له میچ)، (شن) و (قوی یون) ه متوجه اولان مخرجلرده
رلشدیرلمش پانا اوچ قزاق پوسته سی طرفدن اجرا ایدیله جکدر.



يکرمی برنجی مسئله

عمومی خریطه ، (مچ) و (وهرنی) یافته لری .



فکر عمومی .

بر شرق فرقه سی دشمن مملکتند . حرکات عسکریه اجرا ایدپور . مذکور فرقه (موزله) نهرینک غربنده برچوق شدتلی محاربهرلر ایتدکدن صکره ، (مچ) شهر غیر مستحکمندن کچهرک (سار بروک) اوزرینه چکیلپور . بر غرب فرقه سی ایسه آتی تعقیب ایدپور .

غرب مفروضه عائد فکر خصوصی .

غرب فرقه سنک پیشدار باشی (پیشدار : ۴ طاہورلی برپیا ده آلاپی ، ۳ سواری بلوکی ، ۳ بطریه ، کوپرنجی طاقیه برلکده ، براستحکام بلوکی ، برسیار خسته خانه طاقی .)

نیسانک برنجی کونی آقشام ساعت (۴) ده (بوردرلرک شرق مخرجنده کی مسافر خانه یه (قروغ) واصل اولور . ایجه صارصلمش بولسان دشمن (لووالی پر) ، (لاپلانشت) و (قولومیهی) دن کچهرک (واللی پر) دره سنک کریسنه چکلدی . مع هذا ، دشمنک پیاده سی هنوز (لووالی پر) ، (لاپلانشت^۲) موقعلریخ الله بولندردقدن بشقه ، (قووانسی) نك غربنده کی تپه یی ، (قونی یون) « لووالی پر ک شالنده ای و (اوپینی) بی الله بولندیره رق کندی موضعلریخ حال تدافیه وضع ایلمکده در . (لائی تیه - بیره خانه سی) و (قووانسی) نك غربنده بطریه آمپلاسانلری تدارک اولنیور . برچوق دشمن سواری کشف قوللری دره نك صاغ ساحلی اوزرنده بردوزی به کزینوب طورپورلر . اهایلدن بعض اعما ده شایان اولانلرک ویردکلری معلوماته نظر آ ایکی طاہور پیاده ایله بر بطریه نك پک پریشان و غیر منتظم برصو رتده واصل اولدقلری (مونطوی) موقعنده توقف ایلدکلری آکلاشیلپور . دشمن (قووانسی) و (فلانویل)ی اشغال ایتدی .

برچوق پیا ده آلاپی ایله برچوق بطریه لر (قورسه ل) اوزرینه رجعت

ایلمش لر در . شدتله اغنش اولان یا غمور لر دن طولای (والی یز) دره سی ایجه طاشقین بر حاله کلشدر . پیاده اونک او زرن دن کو پر یسز کچید حرکتی یاپه من . (لاپلاشته) کو پر یسی بر هوا ایتدیرلدی . (قو پی یون) دن (او بی نی) یه قدر اولان دیگر کو پر یلر باریقادلانمشلر در .

پیشدار قوماندانی بر آز اولجه سویله یکمز ساعتده فرقه قوماندان دن آشاغیده کی امری آلور : « (میچ) ده قوناقلره یرلشک ایچون فرقه مه هنوز امر ویرمش بولنیورم ؛ پیشدار (سهیل) دره سنک شرتنده کی مسکون محللری اشغال ایده جکدر ؛ (وانطو) دن (بورنی) اورمانه قدر اولان جبهه یی بر صورت عمومیه ده کوزه دیکز . فرقه قسم کلیسی یارین استراحت ایده جک ، سز ایسه شدتله دشمنی تعقیبه دوام ایلیه جکسکز . »

یاسیله جق وظیفه

- ۱ — پیشدار قوماندانک کیجه ایچون ویره جکی امر (امنیت ترتیباتیله کشافلرک تعقیب ایده جکلری استقامتلری مفصلاً کوستر بر قروکی ایله برابر) .
- ۲ — دشمن جهتنده یکی بر شی اولدیغنی فرض ایدرک ، ایرتسی کون ایچون ویریه جک امر .



يکرمی ايکنجی مکتوب

ایلری قره غوللر — برصو مجراسنه هجوم .

~~~~~

بیلورسکیزکه تعییه غیر متحول قاعده لر قبول ایتمز ؛ لکن شمدی .  
کوره جککیز کبی ، دیکشمسی غیر ممکن بر قانون آلتنه قونلمسی الک  
مشکل اولان شی ده ایلری قره غول خدماتیدر . کچن ایکی مسئله ده .  
جزء تاملرک تقسیماتی و بر برینه اولان مسافه لر یله بر لکده کوردیککیز  
ترتیبات ، سز جه احوال عادی ده تطبیق اولنور بر اصول کبی ظن  
ایدلمشدر . بوراده ایسه قطعاتک یرلرینی تعیین ایتمک ، تقسیماتی بایمق  
و آره لرنده کی مسافه لری کوسترمک خصوصنده اراضی ایله آنک  
خواصندن بشقه هیچ برشیئی طانییه رق دشمنک وقت ایله مسافه سنی قاله  
آلمیه جق اولان بر اصولدن نه قدر چوق احتراز ایلمک لازم کلدیکنی  
کوره جکسکیز .

ایلری قره غول ترتیباتی تعیین ایتمک ایچون وضعیت عمومییه ایله  
قوماندا هیئتک آمال و مقاصدینی یعنی مذکور ترتیباتک تأمین ایدمجه کی  
مقصدی داخل حساب ایتمک لازم کلور .

( ۱۹ ) نچی مکتوبمک صوکلرینی مطالعه ایدرکن ، دشمن ده  
اوزاق بر مسافه ده اولسه ایدی ، قبول ایدیلن ترتیباتک جدی بر تعدیلاته  
اوغرامش بولنه جغنی البت آکلامشسکیزدر .

شمدیکی حالده ، اولجه آلینان ترتیباتدن فرقلی بر صورتده اخذ  
ایدیله جک اولان ترتیباتی تعیین ایدمجه ک الک چوق وضعیت عمومییه  
وسکره ایلری قره غوللره کوستریلن وظیفه اوله جقدر .

اويله ايسه، بوراده پيشدارك آيره جنى ايلرى قره غوللارك وظيفه سى نه در ؟ رجعت ايتمش وپك فنا حالده قوه معنويه سنه خلل كلش اولان دشمنك بوكيجه فرقه يي ويا هيچ دكلسه آنك پيشدارنى باصقن ايتمكه قالمسسه براحتال ويريله بيلورمى ؟

دشمن فرقه سنك قسم اعظمى، مغلوب اولدقدن صكره (فورسهل) اوزرينه چكيليور . اويله ايسه ، قطعياً كسديرلمه مكله برابر ، دشمنك (واللى ير) دره سنده قوتلى بولمى غير ممكندر . بالعكس ، وضعت عموميه به نظراً ، اكر دشمن يورغينلقدن بى تاب دوشمش اولان قطعات عسكريه سنى ، برطرفدن تعجيز ايدلمكسزى ، (مانطوى) ايله (واللى ير) دره سى اوزرنده استراحت ايتدرمكه ونظام وانتظامه كيردرمكه موفق اولورسه بونى كنديسى ايچون بر بختيارلق بيامليدر . دشمن موقتاً ، تعقيب حركتى طورديره بيلمك ايچون اغلب احتمالاه كوره كندى قطعات عسكريه سنك الك اى برقسى ايله (واللى ير) دره سى خطى طوته رق اوراده بعض اوافق تفك استحكاملر يادرمش اولسه كر كدر . برده ، تخریب ايتديكى كوپريلر ايله سد ايلديكى كوپريلر آنك بر تعرضه كچمك ويا بر باصقن يايىق فكرنده اولمديغى بك اعلا كوستيورلر .

زيرا ، ياغوردن طولايى صولرى ايجه آرتمش اولان دره يى كچمك خصوصنده كى وسائى او ، كندى آرزوسيله آرمدن قالدرمش بولنيور . دشمنك (ميچ) استقامته برقاج پياده كشف قولى كوندرمش اوله جنى مختلدر ؛ لكن بوده ينه يالكز بر مقصد تدافى ايچون يعنى كنديسى بر كيجه باصقنندن محافظه ايتمك ايچون اوله جقدر . مع هذا ، شوخصوصده ايلرى قره غوللركزك مذكور كشافلىرى بك اوزاغه قدر

ایلو ولمکدن منع ایتملری کافیدر . بناءً علیه سزك آله جفکنز امنیت .  
ترتیباتی کچن مسئله لرده کوردیککنز کبی مکمل برایلری قره غول .  
شبیکسنه عرض احتیاج ایتیه جکدر . دشمنک یقینغلیه برابر ، ایکی  
مهم یولدن هر بریسنی برر بلوک طرفدن محافظه ایلمکله اکتفا  
ایده جکسکنز . بوبلوکلر شبهه سز ، کوچک پوسته لر ایله ستر ایدلمش  
اولدقلری حالده کندیلری قوناقلره یرلشه جککدر . او ایله ایسه ، بر بلوک  
( سه باستوپول ) چفتلکنده ، دیگر بر بلوک ایسه ( بهل - قرووا )  
چفتلکنده یرلشه جکدر . بوبکلر پیشدارله اولان ارتباطلرینی کشفلر  
واسطه سیله محافظه ایلیه جککدر . سز بوجله لزومی یامش  
اوله جقسکنز . ایلروده بوندن فضله پیاده بولندیرمق ایسه ، قاعده  
تصرفه مغایر دوشمش بولنه جغنی پک اعلا بیلورسکنز .

پیاده نك ایلروسنده سواری بولندرمغه کلنجه ، بوقطه یاً لزوم سز  
برشیدر . شمدی یه قدر سوارینک ویردیکی معلومات ، وضعیتی درجه  
کافیه ده میدان چیقارمشدر . او خصوصده فضله معلومات ایدنمکه  
احتیاجکنز قالمامشدر . اوندن بشقه برجه تدن ، ( سه باستوپول ) ایله  
( بهل - قرووا ) آرمسندکی مسافه ، دیگر جه تدن ، بوجفتاکلر ایله  
( وائی یر ) دره سی ییتنده کی مسافه سوارینک کچن مسئله لرده کی کبی  
بروظیفه ایله مکلف اولسنی ایجاب ایتیه جک درجه ده قیصه در . بناءً  
عایه یالکنز بلوکلره برقاچر سواری الحاق ایتک و دشمنله تماس ، محافظه  
ایچون لازم کلن ترتیباتی آلمق یتیشور .

شمدی برکرده کیجه لین وشفق سوکدیککی اشاده خصمک  
جناح لرینی طولاشه رق کر یلرنده نه لر وار ، نه لر یوق اوراشی  
آکلامق ایچون پیاده نك جناح لرنده کوچک سواری اقسام عسکر یه سی .



بولدیرمغه لزوم وارمی یوقی ایسته اوراسنی بردوشونیکز . بیلور - سکزرکه ، سواری دشمن جبهه سنه طوغری ایلرولیه مدیکی آندن اعتباراً ، آرتق خصمك جناحلرینی طولاشمەنك چارە سنی آرامغه باشلار . بوراسی ایسه ، ایسته اصل بوقاعده نك اك چوق تطیق ایدیلەجکی بریردر . چونکه علی الخصوص تعقیلرده سوارینك وظیفه سی دشمنی راحتسز ایتك وجناحلری اوزرینه یوکنمکدن عبارتدر . بووظیفه ایچون بز يك آز مقدارده سواری ویره بیلورز . زیرا ، پیشدارك یارین ایچون ، باخصوص سواری یه کوردیریلەجك يك زور بروظیفه سی واردر . اگر سز بویکجه ایلری قره غوللرده تام بلوکلر قوللانەجق اولورسه کز ، شهبه سز یارین اولردن چوق برشی ایستمکه حقکز بولنمیه جقدر .

دیگر جهتدن ده اگر دشمنك برچوق کشافلری ویا قازاق اصولنده پوسته لری وارسه اولنری کری یه پوسکورتە بیلمك ایچون ایلری قره غوللرک جناحلرینه کوندیریلەجك سواری اقسام عسکریه سنك درجۀ کافیه ده قوتلی بولنملری لازمدر . او یله ایسه بوجناحلردن هر بریسنده یعنی ( قریشی ) ایلە ( وانطو ) یه بر طاقم وضع ایتمکه قرار ویریورم . ( قریشی ) طاقی ( آرس - لاکنه کسی ) بیوک یولی بویجه ( اوبینی ) جهتلرینی استکشاف ایدەجك ، ( وانطو ) ده کی طاقم ایسه ( واللی بر ) دره سی بویجه کیدن یول ویاخود ( مهی ) استقامتنده ( قوی یون ) ( نوبی ) جهتلرینی کشف ایلەجکدر .

برایلری قره غول قسم کلیسی تشکیل ایتك بوراده لزوم سزدر . بریسی ( بورنی ) نك شرق مخرجنده ، اوبری ( بوردلر ) ك شرق مخرجنده طولی قوناقلره یرلشمش اولان ایکی بلوک يك اعلا اونك

یرینی طوته بیله جکلر در . مذکور بلوکلر ، اکر هراحتمالک فوقنده دشمن ایلریده کی بلوکلر اوزرینه فائق قوتلرله برهجوم یاهه ق اولورسه ، آنلری تام وقتنده حایه ایده بیله جکلر در .

قرار : بوراده برایلری قره غول قوماندانی تعیین ایتمه لزوم یوقدر . ایلری یه سورلمش اولان بلوکلر ، ( بورنی ) و ( بوردر ) ده کی قوناق قوماندانلری طرفدن دکیشدیر یله جکلر در . عین وجهله ، ایکی سواری طاقندن هر بریسی ، کندی زاپورلرینی یانی باشنده بولندیغی یعنی منسوب اولدیغی بلوکی چیقاران قوناق قوماندانه کوندره جکلر . لکن هر حالده پیشدار قوماندانک امری ، امنیت ترتیباتک مختلف اقسامی آره سنده بولنه حق ارتباطدن ایوجه بحث ایتش اولمیدر .

ترتیباتکزی قلمه آلمق ایچون ، شبهه سز ، ( ۱۷ ) نجی مکتوبمک نهایتده کوسترلمش اولان امر نمونه سنه مراجعت ایلله جکسکز ؛ لکن امید ایدرمکه ، اونمونه ناک بوراده اصلا قابل تطبیق برشی اولمیدیغی در حال تصدیق ایده جکسکز بن شومسئله یی مخصوص بویه وضع و ترتیب ایلدم . چونکه ویردیکم ، نمونه لرك حرفی حرفینه تطبیق ایدمک ایجاب ایتدیکنه دائر قناعت وجدانیه حاصل ایتش بولنمکزی ایسترم .

پیشدارک مختلف اقسامنک بولندقلری قوناقلره و امنیت خدمته مأمور قطعات عسکریه یه کیریشمزدن اول ، برکزه دشمنه دائر آلان حوادثی سویلمک لازمدر . زیرا ، بوکی حوادثلردن اک چوق مستفید اوله حق ایلری کوندریان اقسام عسکریه در . ایلک مکتوبده سزه سویلدیکم کی ، مکمل بر صورتده مغلوب اولمش بولنان خصمک قوه معنویه سی فنا حالده بوزلیدیغی سویلیکمز . مع هذا ، بودشمنک ( واللی یر ) دره سی خطنک کریسنده بعض استحکاملر یاهه رق طور دینی ده علاوه

ایدیکز. چونکه هرکس، اوراده دشمن طرفدن بر مقاومت کوريله جکني بيلميدر.

مسئله ده کی معلوماته نظراً پیشدارقوناقلره يرلشمک ایچون (کولو) (بورنی)، (بەل طانش)، (پلانی پر) و (بوردر) کویلرینه مالک بولنیور. عسکریکزی پک چوق طاغنامق و حین حاجنده آنی ممکن مرتبه جابوق برصورتده جمع ایدیه بيلمک ایچون بن (کولو) به هیچ عسکر يرلشديرمه جکم.

هم ذاتاً اورایه عسکر يرلشديرمه که لزوم یوق، چونکه اوتەکی مسکون محللرده عسکریکزک اقامتی ایچون بول بولرلر واردر.

قطعات عسکریه نك انقسامی ایچون برکزه دهابنم (۴) نجی مکتوبی کوزدن کچورمليسکز. هر حالده سواری و طوبجی بازگیرلری محفوظ و طوبجی تحت امنیتده بولنه جق برصورتده يرلشديرلمش اولمق لازم کلور. بناءً علیه طوبجی بی (بورنی) به قدر کوندرميسکز. عسکری نه یولده تقسیم ایتش اولديغی ویره جکم امرده بوله جقسکز. «عسکرک کيجه ایچون وقوعه کله جک انقسامی ایرتسی کونکی حرکاتی نظر دفته آلهرق اووجهله اجرا ایدلمش اولمی «قاعده سینه کوره پیشدارک قسم اعظمی (قولومبه ی) یولی بویجیه قوناقلره يرلشه جکدر. بونک نیچون بویه اولديغی برآز صکره کورورسکز. امرده، کذاک دشمنله تماسک محافظه ایدلمک لازم کلدیکی سویانه جکدر. بوخصوصه رعایت ایديله جکندن امین اولمق ایچون (بورنی) ویا (بوردر) دهکی مادون قوماندانلرک بدئت ذاتیه لرینه پک او قدر کووه نميسکز.

زیرا مغلوباً رجعت ایتکده اولان دشمن هر واسطه دن استفاده

ایدرك سزك تعقیب کزدن قور تلمغه چالیشه جق واحتمالکه سزك الیکزدن یقینی صیبر مق ایچون کیجه دن بيله مستفید اولمغه غیرت ایدمه جکدر .

مع هذا ، ( واللی یر ) دره سنك حال تدافعی به وضع ایدلایکمه باقیلورسه دشمنك اولیه بر دوزی به وقاچار جه سنه رجعت ایتك فکرنده اولدینی آکلاشیلور . سزك آلمش اولدیغ کزدیکر ترتیبات بودیدیکمزی تصدیق ایدر کی کورینور . لکن ، حربده دشمنك او موله دق بر شیئه قرار ویرمه جکنه اصلا امنیت کوستریله مز . بتون قوای عسکریه سیله دشمنك یقه سنه صارلق و آنکله اولان تماسی غائب ایتمه مکه چالیشمق پیشدارك وظیفه سیدر . بونقطه نظر دن کوستریله جك اک کوچک بر مساحه پک فنا نتیجه لرک ظهور ایتسنه سبب ویره بیلور . بناءً علیه بوراده . امنیت ترتیباتنك ایلروسنه سوریلن سواری اقسام عسکریه سنه عائد اولان تنبیهاتی تطبیق ایلمک لازمدر .

ممکن اولدینی قدر بودیدیکمز سواری اقسامی ضابطلرک قوماندانسنده بولمیلدرلر . وکنیدیلرینه کوستریان یرلره باغلانوب قالمیه رق ، بالعکس دشمنك حرکته کوره ایش کورمیلدرلر . اولرک طوته جقلری یرلری کنیدیلرینه بالذات پیشدار قوماندانی کوستره جکدر . بناءً علیه پیشدار قوماندانی بوراده ( بورنی ) ایله ( بوردلر ) ده کی مادون قوماندانلرک بدئت ذاتیه لرینه بر آاز طوقتمش اونقندن چکنیه جکدر . اوندن بشقه کشاف و مخابره خدمتلرنده قوللانمق ایچون ( سه باستو پول ) ایله ( بل - قرووا ) باوکلرینه برقچار سواری ویریه جکدر . پیشدار قوماندانی بوترتیباتی کنیدیسی اخذ ایدرك واونلری بتون مادونلرینه بیلدیره رك اوسایه ده اولرک ترتیبات عمومیه حقنده بر فکر صحیح ایدنمش اولملری لزومی یرینه کتورمش اولور دیمکدر . باخصوص

بوجهت بوراده دها اوقدر زیاده جالب دقتدر. چونکه خدمت ایکی مختلف قوماندانک الینه تقسیم ایدلمش بولنیور. بعض احوالده قطعات عسکریه یه قوناقلرینه واصل اولمزدن اول، بر باصقین وقوعنده نه یولده حرکت ایده جکلرینی بیلدیرمه نك نیچون فائده لی برشی اولدیغنی (۱۸) نجی مکتوبدن آکلامشسکزدر ظن ایدرم. اکر امرده شو خصوصه دائر هیچ برشی ذکر ایدلمه مش ایسه اوزمان هر جزء تام کنیدلکندن وطوغریدن طوغری یه اجتماع نقطه سنه کیدر. بن بتون پیشدار ایچون عمومی برتجمع محلی کوسترک فکرنده دگم.

فی الحقیقه، اکر مأمولک خلافتده دشمن کیجه لین سزک اوزریکزه هجوم ایتک ایستیه جک اولورسه، یا ایکی بیوک یولی ویاخود اولردن یالکز بریسی تعقیبه مجبوریت کوره جکدی. بوکی برحاله آنک طوته جغنی استقامت هانکیسیدر، آنی اولدن کشف ایتک ممکن اوله مز. بناءً علیه یالکز بر نقطه اوزرنده طوپلانش بولمغه محل یوقدر. برده. ایکی بیوک یول آره سنده، بویولر ایله درجه کافیه ده اتصالاتی اولان بر عمومی تجمع محلی بولنه مز. اونک ایچون اییوسی قطعات عسکریه بی کنیدی خصوصی اجتماع نقطه لرنده براقده در.

پیشدار قوماندانی، راپور کتوره نلر کنیدیسی قولایجه بوله بیلیمک ایچون. بیوک یول یاننده (پلاتییر) ده اقامت ایلده جکدر. قوناق قوماندانانی وظائفی کورمک رتبه جه اک بیوک اولانه دوشمکله برابر، مومی الیه مذکور وظیفه لری امرادن بشقه بریسنه کوردیره جکدر. چونکه بویله یایمق حقنی حائر در. (بوردرلر) ده قوناق خدمتی، امرده سویلمکه لزوم کورلمکسزین اوراده رتبه جه اک بیوک اولان ذات طرفدن امر ایدیلده جکدر.

یکی بر امر قلمه آلمقدن چکنمک مقصیدیه ، جزء تاملرک وضع  
 وتقسیمندن اول ، ایرتسی صباح اونلردن هر بریسنک اجتماع ایدمچکی  
 محلی بیان ایتمکی مناسب کورممشسکزدر ظن ایدرم . بو طبعی بر آرزودر ؛  
 لکن اکثریا تحقق ایدم میان بر آرزودر . چونکه ، مثلاً بوراده هنوز کون  
 بیتمدیکی ایچون احتمال که سز ، وضعیتی اساسندن تعدیله لزوم کوستره جک  
 بر معلومات آلورسکز . او یله ایسه ایرتسی کونکی اجتماع ایچون برقرار  
 قطعی ویرمه دن اول ، بر کره دشمن جهته سورلش اولان اقسام  
 عسکرینه نک کوندره جکی راپورلری بکلیکیز . اونک اوزرینه آقسام  
 اوستی یکی بر امر ویرسه کز . نه اولور . .  
 امریکز ایشته شو یولده ترتیب ایدلش اوله جقدر .

( بوردلر ) ک شرق مخرجی

۱ - ۴ - ۹۱ - ۱۰ - « ۴ کی

### پیشدار امری

۱ — مغلوباً رجعت ایتکده اولان دشمن  
 یا غمورلردن طولانی صولری آرتمش  
 بولنان ( والایر ) دره سنک اوته سنه  
 چکلدی . دشمن ( اوینی ) ده ، ( قووا -  
 نی ) نک غربنده کی تپه ده ، ( لابلان شته ) ،  
 ( لوالییر ) و ( قوینیون ) ده بعض مدافعه  
 استحکاملری یاپسور . برقچ پیاده آلای  
 ایله برقچ بطریقه ( قورسهل ) استقامتده  
 چکلمش لردر . اها لیک دیدیکنه باقیلورسه  
 ایکی دشمن طابورینک ( مونطوی ) ده  
 اقامت ایله یکی آکلاشیلیور . بزم فرقه من  
 ( میچ ) ده اقامت ایدیور .

۲ — پیشدار آتیده کی وجهله قوناقلره

یرلشه جکدر :

۹۸ نجی پیاده آلاینک برنجی طاہوری،  
۹ نجی دراغون آلاینک برنجی بلوکی  
( بورنی ) ده ..

۹۸ نجی پیاده آلاینک ۲ نجی طاہوری،  
هیئت ارکان و ۹ نجی دراغون آلاینک  
۳۰۲ نجی بلوکاری ( بوردلر ) ده .

۹۸ نجی پیاده آلاینک ۳ نجی طاہوریلہ  
هیئت ارکانی ، ۳۴ نجی سیار طوپچی  
آلاینک هیئت ارکانیلہ برنجی وایکنجی  
بطریہ لری ( پلاتییر ) ک شمال منطقه سنده .

۹۸ نجی پیاده آلاینک ( ۴ ) نجی  
طاہوری ، ۳۴ نجی سیار طوپچی آلاینک  
( ۳ ) نجی بطریہ سی . سیار خسته خانه  
طاقی ( پلاتییر ) جنوب منطقه سنده ..

۱۶ نجی استحکام طاہورینک برنجی  
بلوکی ایله کوپریجی طاقی ( بهل - طانش ) ده ..  
۳ --- ( بورنی ) دن ( قریژی ) نک شرق  
کنارینه برطاقم سواری کوندریله جکدر .  
بوطاقم ( آرس - لاکنه کسی ) دن کچہ رک  
( اوبینی ) اوزرینه کشافلر کوندردہ جکدر .  
( بورنی ) دن برپیاده بلوکی ( ۴ ) سواری  
ایله برلکده ( سه باستوپول ) ده یرلشه جک  
( قولومبہ ی ) یولی کوزہ تہ جکدر .

( بوردلر ) دن برپیاده بلوکی ، ( ۱۰ )  
سواری ایله برلکده ( بهل - قرووا ) یه  
کوندریله جک و ( لاپلانشت ) ایله ( لووالییر )  
یولارینی ترصد ایلیه جکدر .

برسواری طاقی ، ( وانطو ) نک شرق  
مخرجینه یراشه رک ( قوی یون ) اوزرینه

کشافلر سوق ایدمه جکدر .

ایلری کوندریله جک اولان قدمه لر  
بربریه دائمی ارتباطده بولنه جکلردر .  
ضابط کشف قوللری ایسه ( قولومبه ی )  
و ( لایلاشه ت ) یوللری اوزرنده دشمن  
ایله تماسی محافظه ایلیه جکلردر . بر بلوک  
( بورتی ) نلک شرق مخرجنده دیکر بر بلوکده  
( بوردلر ) ک مخرجنده طویل قوناقلره  
یرلشه جکدر .

۴ — بر هجوم وقوعنده ( بورتی ) و ( بهل -  
قرووا ) خطی طوتیهله جکدر .

۵ — ( سه باستوپول ) و ( بهل - قرووا ) -  
ده کی محافظلرک کی مستثنی اولقی اوزره بیوک  
آغز لفلر قطعات عسکریه یه التحاق ایدمه جکلردر .

۶ — راپورلر ، ( یلانشته ) غاز فابریقه سنه  
کوندریله جک و یکی امرلر آلتی ایچون  
اورایه آقشام ساعت ( ۱۰ ) ده کلینه جکدر .  
( پلاتییر ) قوناق قوماندانی :

۹۸ نجی پیاده آلایندن

بیگباشی ن ..

تبلیغ ایدلمشدر

۱ — اجتماع ایتیش اولان طابور

قوماندانلرینه شفاهاً ؛

۲ — سواری بلوکلرینه مخبره

ضابطلری واسطه سیله وتحریراً .

مسئله کز ، سزدن پیشدارک امنیت ترتیباتی کوسترد بر قرووی  
ایستیور . بن شو فرصدن بالاستفاده ایلریده کی قدمه لر طرفدن اخذ  
اولان امنیت ترتیباتنک بالذات قوناقلرده یرلشن قدمه لریک اخذ ایدمه جکی  
ترتیبات ایله لصل اکال ایدلمش بولندقلرینی کوستره جکم . اولیه ایسه  
صاغ جناحدن ایشه باشلایه لم :

( قریژی ) ده کی سواری طاقی عادتاً بر کوچک پوسته کی حرکت



ایده جنگ و (آرس - لاکنه کسی) به متوجه اولان مخرجده یرلشه جکدر.  
مذکور طاقم سلاحر یاننده برنوتجی بولندیره جق و بیوک یول اوزرنده  
( غرائش - اوبووا ) به برقازاق پوسته می کوندرد جکدر . اکر سر  
آنی بوجله ۲ کیلومتره قدر ایلری کوندرد می براز اوزاق بولیور .  
سه کز دها یقینه کتوریکز و ( غرائش - اوبووا ) یارقینک غرب کناری  
اوزرنده کی کوچک کوپری به قویکیز . بعض کشفلر ( آرس -  
لاکنه کسی ) دن کچهرک ( اوبینی ) اوزرینه ایلرولیه جک . به نیلری ده  
( بورنی ) ایلر ارتباط تأسیس ایده جکدر . بوجهتک امنیتنی استحصال  
ایچون بوتربیات کافی کله جکدر .

( سه باستویول ) بلوکی چفالکک اوکنه برچفته نوتجی قویه جقدر .  
ایکی یجق طاقم طویلی قوناق اصولنده چفالکده یرلشه جکدر . یارم طاقمدن  
عبارت برکوچک پوسته ( قولومبه ی ) یولی اوزرنده ( بل - قرووا ) به  
کیدن یولک آیرلدینی نقطه به وضع ای دیله جکدر . بو پوسته کندیسنی  
سلاحر اوکنده بولندیره جنی برنوتجی ایلر حمایه ایده جکدر . برچفته  
نوتجی ( نومرو - ۱ ) ( غرائش - اوبووا ) یولی اوزرینه قونیه جقدر .  
کوچک پوسته اوندن بشقه ، برقچ کیشیدن مرکب و برکوچک ضابط  
قومانداسنده اوله رق ( فرانسوزیشه دن کمال ) نقطه سنه بر پوسته ( نومرو - ۲ )  
چیقارده جقدر . کشفلر ( بل - قرووا ) ایلر ارتباطی تأمین ایده جکلری  
کبی ( غرائش - اوبووا ) ، ( قولومبه ی ) ، و ( آله ده مور )  
[ طودن آله ] طوغری ایلرولیه جکدر . بوبلوک الحاق ایدس  
اولان ( ۴ ) سوارینک ( ۲ ) سی کوچک پوسته به ویریه جک دیگر  
ایکیسی ده بلوک یاننده قاله جقدر .

( بورنی ) ده قوناقدر یرلشمش اولان سواری بلوکی ( قولومبه ی ) ک

شرقه برضايط کشف قولی ( برضايط ۶۰ سواری ) کوندره جک .  
 بوکشف قولی هم دشمنله تماسی محافظه ایده جک و هم کوچک پوسته لر  
 ایله ارتباطده قاله جقدر . بناءً علیه اووجهله بر ترتیبات اختدایله جکدر .  
 ( بهل - قرووا ) بلوکی برچفته نوبتجی ایله محافظه ایدیله جکدر .  
 بر کوچک پوسته ( نومرو - ۱ ) [ یارم طاقلق ] ( بهل - قرووا ) نک  
 شرقنده کی یول شعبه سنه قونه جقدر . بو پوسته کندی سلاحرلی اوکنده  
 بر نوبتجی بولندیره بقدر . بر کوچک ضابط قومانداسنده اولمق اوزره  
 بر قاچ کیشیلک بر پوسته ( نومرو - ۱ ) ( آله - ده مور ) [ طوددهن -  
 آل ] ک شمال اوجینه ، دیگر بر پوسته ده ( نومرو - ۲ ) ( لورالی یر )  
 یولی اوزرنده تخمیناً ( ۲۰۰ ) متره ده ایلروده وضع ایده جکدر .  
 اونان بشقه ( لاپلانسه ) و ( لورالی یر ) اوزرینه ده بعض کشافلر  
 کوندره جکی کبی ( سه باستوپول ) ک شرقنده کی کوچک پوسته ایله ده  
 ارتباط حاصل ایده جکدر .

دیگر بر کوچک پوسته ( نومرو - ۲ ) [ بر کوچک صابط اداره -  
 سنده و ۱۲ کیشیدن عبارت ] ( بهل - قرووا ) نک شمال شرقیسندن  
 تخمیناً ( ۷۰۰ ) متره ایلروده یوللرک برلشدیکی نقطه یه وضع ایدیله جکدر .  
 مذکور پوسته ( لورالی یر ) ایله ( لاتور ) دکرمنی اوزرینه کشافلر  
 کوندره جک و ( وانطو ) ده کی سواریلر ایله ارتباط حاصل ایده جکدر .  
 بوبلوکه ویرلمش اولان سواریلر بوجه آتی تقسیم ایدیله جکلردر :  
 (۱) نومرولی کوچک پوسته یه (۲) ، بلوکه کذلک (۲) ؛ دیگر (۶) سواری  
 ایسه کشافلقده قوللانیله جق واونلر آره صره ( لورالی یر ) بیوک یولی  
 اوزرینه سوق ایدیله جکلری کبی بلوکه ایلروسنه سورلمش اولان  
 ضابط کشف قولی ایله ده ارتباط حاصل ایده جکلردر . ( بوردلر ) ده کی

سواری بلوکلرندن بریسی طرفدن چیقاریلان بوضابط کشف قولى  
( برضابط ایله ۸ سواری ) بیوک یول اوزرنده (بلانشهت) طوغری  
ایلرولیه جکدر ، بروجهلهکه هم ( لوالی یر ) استقامتی کوزتمکه وهم  
دشمنله اولان تماسی غائب ایتمه مکه چالیشه جقدر .

( وانطو ) دهکی سواری طاقی کویک شرق مخرجنده یرلشه جک  
وبرکوکچ پوسته فصل حرکت ایدرسه اوده اولیه حرکت ایده جکدر .  
بردفعه سلاحلر اوکنه برنوتجی چیقاره جق ، ثانیاً ( واللی یر ) دره سی  
وادییسی ایچنده ( مهی ) ه کیدن یولک آیرلیدیغی نقطه ده برقازاق  
پوسته سی بولندیره جقدر . بعض کشفلرده ( قوی یون ) اوزرینه  
کوندریله جکلردر . ( مهی ) دن کچهرک ( نوبی ) استقامتده کشفلر  
کوندرمکده آرزو اولنور برشیدر . لکن ، اراضی ایله یولک فناللی  
کیجه لین اوطرفه کشفلر کوندرمکه مساعد دکلدر .

بوتریتانک کریسنده کندیلرینی خارجی قره غوللر ایله محافظه  
ایدن برطاقم قوناقلریکز واردر . ( بورنی ) دشمنه اکیقین اولدیغندن  
اکزاده احتیاطکارانه برصورتده حرکت ایتمه مجبوردر . ( قریژی ) ،  
( سه باستویول ) و ( بوردلر ) اوزرینه متوجه اولان مخرجلر پیاده دن  
چیقاریلان کوچک ضابط پوسته لریله طوتیه جقلردر . بو پوسته لرک  
قوتلری بولندقلری یرلرک اهمیتنه کوره دکیشه جکدر .

( قریژی ) یه متوجه اولان مخرج اسکی وتجربه لی برکوکچ  
ضابطه حواله اولنه جقدر . بو کوچک ضابط برچفته نوتجی ( قریژی )  
یولی اوزرینه ؛ دیگر برچفته نوتجی ده کویک جنوب شرقی چیقندیسه  
وضع ایده جکدر . اوندن بشقه ( قریژی ) ایله ( بورنی ) اورمانی  
اوزرینه بعض کشفلر کوندرمه جکدر . بناءً علیه آنک اداره سنده کی

کوچک پوسته نك موجودی (۱۸) کیشیدن عبارت اوله جقدر .  
(سه باستوپول) ائ یقینلی کوپك شرق مخرجنی ایجه امنیت آلتنده  
بولندیر یور . اوله ایسه اورایه بر کوچك ضابط اداره سند (۶) کیشیلک  
بر پوسته یرلشدیر سه کز کافیدر . بو پوسته کوپك شمالی شرقی چیقندیر سه  
بر چفته نوبتجی قویه جقدر . (قولومبسی) یولی اوزرنده نوبتجی  
بولندرمق و کشافلر کز دیرمك لزوم سزدر .

(بوردرلر) و (پلاتییر) کیدن یول شعبه سی اوزرینه  
ایدلمش اولان پوسته نك ده آز چوق براهیتی اوله جقدر . بو پوسته یالکیز  
(بوردرلر) یولی اوزرنده (واش حاووز) لشرقده کی کوپر یجکه بر چفته  
نوبتجی قویه جقدر .

(بورنی) نك شمال کناری ایچون بوندن زیاده برشی یامغه لزوم  
یوقدر اعتقادنده ایم : لکن اکر سز ، بوجهتده و تمامیه وسطده اوله رق  
کوچك بر ضابط قومانداسنده (۶) کیشیلک بر پوسته قویمش ایسه کز  
بوندن طولایی سزی تعیب ایتمکه حقم یوقدر .

(بوردرلر) دیدیکمز یره کلنجه اوراسی طولانی برمسکون محلدر که  
کوپك کنارلرندن بریسی دشمنه متوجه بولنیور . حال بوکه جنوبده کی  
بیوک جبهه سی (بورنی) ، (بل-قرووا) ، (بل-طانش) و (پلاتییر)  
ده اقامت ایدن قطعات عسکریه ایله درجه کافیه ده ستر ایدلمش  
دیمکدر . شماله متوجه اولان دیگر بیوک جبهه سی کذلک ، کچلمسی  
نا قابل بر مانع تشکیل ایدن ، (واللی) یر دره سی ایله ستر ایدلمش  
بولنیور . بناء علیه بوراده محافظه ایدیه جک یالکیز بر شرق جبهه سی  
واردر . بونک ایچون بر کوچك ضابط ایله (۱۲) نفر لک بر پوسته  
شرق مخرجنده کی (قروغ) نقطه سنه وضع ایدیکنز . بو پوسته بیوک

يول اوزرئنده برچفته نوبجي بولديره جق، ( بورنى ) ايله ( بهل - قرووا ) استقامتلرنده ايسه كشافلر كزديره جكدرد . عين قوتده ديكر برپوسته ( نه قروويز ) چفتلكنه يرلشديريله جكدرد . بو پوسته ( لوريان ) ده برچفته نوبجي وضع ايدم جك و ( طرو - دولي يهور ) ايله ( واللى ير ) استقامتلرينه كشافلر كوندرد جكدرد .

( بهل - طانش ) ده استحكام بلوكى ايله كوپريجي طاقى واردرد . اوراده بوندن زياده بر قوت اسكان ايتديريله مز . چونكه بردفعه يالكنز استحكام بلوكك ( ۱۷ ) بار كيرى وار ؛ كوپريجي طاقينك ( ۸۷ ) دن زياده اولان بار كيرلى ده علاوه اوانورسه ( ۱۰۴ ) حيوان قدر برشى ايدركه ، آز برمتداز دكلدرد . بو چفتلك دشمن جهتدن ( بورنى ) ايله ستر ايدلمش اولديغندن ، امنيتده بولنيور ديمكدرد . يالكنز چفتلك ، بجه سنك جنوب شرقى چيقتنديسنه بر چفته نوبجي قومق وحتولى ايچنده بر قرووول نفرى كزديرمك كانيدرد . بوراده كشافلر ، ولانلر كوندردمكه هيچ لزوم يوقدر .

( پلاتى ير ) ه كلنجه اوراى ايجه واسع بريراولدندن بشقه اساساً ايكنى بيوك بارچه دن متشكلدركه ، بر بارچه سى ( مچ ) دن ( بورنى ) يه كيدن بيوك يول كنارنده اوتدى ايسه ينه ( مچ ) دن ( قريزى ) يه كيدن يول كنارنددرد . برنجيسنك شرق اوجنده ( بوردلر ) اوزرينه كيدن يولك شعبه سنه بر كوچك ضابط ايله ( ۹ ) كيشيك بر پوسته وضع ايدم جكم . بو پوسته كنديسنى بر نوبجي ايله قورويه جق واوندن بشقه ( بورنى ) اوزرينه كشافلر كوندرد جكدرد . ايكنجيسنه كلنجه او ، شرق جهتده ( بهل - طانش ) و ( بورنى ) واسطه سيله درجه كافيه ده ستر ايدلمش بولنيور . جنوب كنارنى

محافظه ایتمک ایچون برکوکچک ضابط اداردسندله اولوق اوزره (۹). کیشیک برپوسته شرق مزارلنک (اوست کیرشوف) جنوب شرقیسنده کی درت یول آغزینه قونیه جقدر. بو پوسته بر آزا یلریده بر چفته نوبچی بولندیره جق و (قریزی) استقامته برکشاف کوندره جکدر.

ایشته حمد اولسون، بوجان صیقیجی امنیت ترتیباتک صوکنه کلیورز. پیشدارک اخذ ایلمش اولدیغی ترتیباتی سزه بویه اوزون اوزادییه کوسترمکدن مقصدم، ایلرییه سورلمش اولان بلوکره مربوط بولان خارجی قره غوللرینک پیشداری هر نوع باصقیندن محافظه ایتمکه بول، بول کفایت ایلدیگرینی کوسترمکدر.

بوکون دشمنه دائریکی بر حوادث آلتقسزین نهایت بولدی. او یله ایسه یارین صباح اوکا (قورانی) نک غربنده کی تپلر اوزرنده (اوبینی. (لاپلانشت)، (لووالی ر) و (توپ یون) ده (واللی ر) دره سی مدافسه یه حاضر برحاله راست کله جکمز مأمول قویدر. کون طوغمزدن دشمنک کر، چکلمش اولمسنه پک آز احتمال ویریله بیلور. چونکه او یله اولسه ایدی، اوراده بوش بوشنه استحکاملر یایمش اولیه جقدی. وضیمت عمومیه بالعکس، دشمنک پک زیاده صارصلمش اولدقن صکره (قورسهل) استقامتده چکلمش اولان قسم کلیسنه برکونلک براستراحت ویرمهک محتاج اولدیغی کوستریور. بوندن طولایی دشمنک پیشداری (واللی ر) دره سی اوزرنده محاربه یی قبول ایتمکه مجبور اوله جقدر. او یله ایسه، منفرداً دشمنک تعقیبه کوندرلمش اولان پیشدارمزنک وظیفه سی بو خطه هجوم ایتمکن عبارت اوله جقدر.

یاغمور دن طولایی ایجه طاشمش اولان دره او یله برمانع

جدی تشکیل ایدیورکه اورایه طوغریدن طوغری به وقوعه کله جک برهجوم آنجق پک چوق مساعی ایله اوراسنی الده ایده بیله جکدر . یازیق که ، جناحلردن بزسی اوزرینه حرکت ایدرک دشمنی کندی موقعنی براقوب کیتمه مجبور ایتمهک امکانی یوقدر . شبهه سز ، دشمنه جبهه دن هجوم ایتک ایستیلور برشی دکدر ؛ لکن ، کرک شمال وکرک جنوبدن یاییله جق اولان برچویره حرکتی پک اوزون وطولاشیقلی بر حرکت اوله جقدر .

اگر ( مهی ) ویا ( نوبی ) جهلرندن ایلرولمک ایستورسه کز ، اوزمان ( نوبی ) جوارنده کی منحنط یرلره دوشمش اولوردیکزکه دشمن ( مونطوی ) دهکی قطعات عسکریه سنی ( آمی تی بهیره خانه سی ) طرفدن وتام زماننده کتورنجه بوتشبت سزک ایچون پک بهالی دوشردی . دیگر جهلدن ، ( آرس لاکنه کسی ) دن یاییله جق بر چویره حرکتی ده اگر دشمن ( قورسه ل ) دن کچن خط رجعتک جنوبنه تام وقتنده یتشه جک اولورسه پک مشکل برهجومه منجر اولوردی . هرایکی حالده ده کوریلورکه ، خصمک صوک مقاومتی کسر ایتک ایچون فرقه قوماندانی طرفندن تعقیده کوسترملش اولمسی ایجاب ایدن شده خلل کلمش بولنوردی . اگر سز دشمنی چویر . مک فکرنده ثبات ایدر ایسه کز و دشمن ده هر نوع امیدک خلافتنه اوله رق جسم قطعات عسکریه ایله ( واللی یر ) دره سی خطندن کچر سه ، کذیلرینی ستر ایتک وظیفه سیله مکلف بولندی کز قطعات ، اراضینک فنا لغندن طولانی احتمال ، پک فنا بولده رجعت ایتکه مجبوریت کورمش اوله جقدردی . پیشدارک هجوم ایتسنه مساعد بر صورتده دشمنه دائر آلمان مکمل حوادثلر خلافتده اوله رق

ینه اک ایو تدیر دائماً شدتله وایا تیا طله ایش کورمکده در . زیرا ،  
اک زیاده اعتماد شایان اولان حوادلر دائماً یا کلش ویا ناقص حقیقه  
بیلماک احتمالی حائر در .

هرشی ایودن ایویه موازنه ایدلدکن صکره ، بوراده کوریلورکه ،  
اک چوق موفقیت امیدلری واک سریع نتیجه لورین اصول دره علینه  
بر هجوم یا بمقدن عبارتدر . برچویرمه حرکتی بوراده خصمک ایشنه  
یارامقدن بشقه بر تائیر حاصل ایدمز . چونکه او یله بر حرکت ایچون  
چوق زمان صرف ایتمهک مجبور اوله جقسکر . حال بوکه ، دشمنک  
جدی بر مانعک کیریسنده موقع طوتمش اولمسندن مقصد اصلیمی ،  
بیلورسکر ، وقت قازانق فکرینه مستدر . برده احتمالکه ، کجید  
نقطه لرنده بیله ، قوؤ مغویه سی اولکی مغلویتلردن طولایی پک فنا  
زده لشمش اولان ضعیف قطعاتدن بشقه بر شیئه تصادف ایدلیه جکدر .  
نهرک هر هانکی بر نقطه سنده برقایی کوپری قورمق فکرینه بر تانیه  
بیله دوشمش اولیه جفکزی اومیورم . بویله بر فکر نتیجه سی  
فلا کته منجر اوله حق بر نکردر ؛ زیرا سز او کوپری یی دشمن  
آتشی آلتده قورمغه مجبوریت کورده جکسکر .

دشمن ( واللی یز ) دره سندن بر کره قوغلدن صکره ، کجید  
یرلریکزی آرتیرمق ایچون کوپریجی طاقکیزک بر قسمندن استفاده  
ایتمه جکسکر دیمک ایستمیورم .

دره نک مختلف کجید نقطه لرنده ، اغلب احتماله کوره ضعیف  
بر طاقم اقسام عسکر یه دن بشقه برشی یوقدر . زیرا آلدیغکز اعتماد  
شایان حوادلره نظراً ، دشمن فرقه سنک قسم کلیسی اوکله دن  
صکره چکلمشدر . عجا بوفرقه زردیه قدر چکلمشدر ؛ واقعا سز



اونی بیلیمورسکز؛ لکن اوشمدی هیچ شبهه یوقدرکه ایجه اوزاقده بولنیور . یارین ایسه ، اغلب احتماله کوره سز یالکز دشمنک دمدا . ريله محاربه ایتش اوله جقسکز . ( مونطوی ) ده یالکز ایکی طابورک کیجه لمکده اولدیغی بیلدیککزدن سز بودمدارک قوتی تخمیناً تقدیر ایده بیلورسکز . اوندن بشقه ( قوی یون ) ایله ( اوبینی ) آره سنده کی جبهه نك برصورت متساویه ده طونامش اولمسی پك آز محتملدر . خط مستقیم حسابیله بوجهه نك طولی تخمیناً ۴ کیلومتره در . بناءً علیه اونی براوجندن اوته کی اوجنه قدر عسکرله طوناتمی ایچون بفرقه یه احتیاج واردر .

دشمن یاغوردن طولایی صولری طاشمش وایجه اوزون ویالکز برقاق نقطه ده کچید حرکتی یایمغه مساعده اولان بردردی مدافعه یه مجبوردر . دشمنک شوکی حائلره قابل تطبیق اولان اصولره کوره حرکت ایده جاك یعنی کچید نقطه لرینه ، سزك طرف کزدن یاپیله جق هر نوع تعرض حرکتی کشف ایتکه وقوتلی بر احتیاط قطعه عسکریه سی کلوبده اوته ساحله آتمش اولنجه یه قدر سزی طوردرمغه مأمور بعض کوچك مفرزدرلر یراشدیره جکدر . اولیه ایسه دشمنک بواحتیاط عسکر مدافعه ترتیبات عمومیه سنک همان مرکز ی کریسنده ویوللرک عقده نقطه سنده قونامق لازم کله جکدر . کچید نقطه لر یاننده وضع ایدلمش اولان اقسام عسکریه صورت عمومیه ده پیاده دن تشکل ایدرلر . بولنره یالکز دو مجراسی بویجه کشف اجرا ایتک ومختلف قدمه لر ی بربرینه ربط ایامک خصوصنده برقاق سواری ویریلور .

اونلره طویچی ویرلمک پك مستثنا حائلدره واقع اولور . مثلاً اگر بر نقطه هاجینک بهمه حال اورادن کچمسنی ایجاب ایده جك درجه ده

مکمل فائده‌ری حائز ایسه اوزمان اونقطه‌یه طوبیجی ده ویریلور . پیاده و طوبیجیدن مرکب اولان احتیاط هر درلو واسطه‌له مراجعت ایدرک مختلف پوسته‌لر ایله ارتباطده بولنور . بوخصوصده اک زیاده مخابره پوسته‌لری ، کشافلر ، خفیف عربهلر ، وهلوسیپتله ، تلفون و تاغراف کبی واسطه‌لر قوللانیلور .

شمی برکزه دشمنک ترتیبانه داتر ایدندیککنز معلومات ایله سزه مختصراً سولدیکنز اصوللری یکدیگریله مقایسه ایدیکنر . کچید نقطه‌لرنده استحکاملره یرلشمش اولان پیاده اقسام عسکریه‌سی ، ( مونطوی ) ده اقامت ایدن قطعات عسکریه‌نک امنیتی استحصال ایتک مقصد یکانه‌سیله تأسس ایدن بر ایلری قره‌غول خطندن پک بیوک بر امتدادی حائزدر . دشمنک بووجهله مختلف کچید نقطه‌لرینی الده ایتک آرزوسنه دوشمش اولسی احتمال سزکله محاربه ایتک ، احتمال سزه طولاشیقلی بر حرکت یادره‌ق هوسندن ایلری کلش برشیدر . ( قوی‌یون ) محافظی ( نوی ) یولی سد ایلمکدن بشقه بروظیفه ایله مکلف اولدمز ؛ بونک ایچون ایسه یالکنز برطاقم پیاده کافیدر . ( مونطوی ) ده اقامت ایدن قطعات عسکریه‌ی دشمن ترتیبات عمومیه . سنک احتیاطی کبی تلقی ایده‌بیلورسکنز . زیرا . اوراده‌کی قطعات عسکریه (۲) طابوردن عبارت بولنیور . بوراسنی بلله‌دکدن صکره آلاک قسم متب‌قیسی ( والی ) یر دره‌سی بونیجه تقسیم ایدلمش بولدیغی‌ده قولای قولای آکلایه بیلورسکنز . بطریه ناهه دشمنک یالکنز بر بطریه‌سی اولدیغنه داتر خبر آلمشدر . لکن . ایکی مختلف نقطه‌ده طوبیجی آمپلاسمانلری یالیدیغی کورلیدیکندن دشمنک ده‌هازیاده بطریه‌لری اولدیغنه پک اعتلا حکم ویریلدیلور . باخصوص دم‌دار

قطعاتی یاننده ممکن مرتبه چوق عددده بطریه بولمق لازم کلدیکی البت خاطر کردن چیقمامشدر. مع هذا ، شوراده خصمک اوج بطریه دن زیاده برطوبچی به مالک اولمسی محتمل دکدر ، زیرا اهالیدن آلتان معلوماته نظراً دشمن فرقه سنک قسم کلیسی آردنجه ( قوره سهله ) اوزرینه برچوق بطریه لک چکلمش بولندینی آکلاشلمشدر. دشمن سوارینه کلنجه ، سز بو خصوصده یالکز برشی بیلورسکزکه اوده آنک دره بونجه قتادی کشف خدماتیه مشغول بولمشدن عبارتدر. اوندن بشقه ، یارین صباح بودشمن سوارینه (قوبیون) کُ شمال و (او-بینی) نک جنوبنده راست کله جکککز مأمول قویدر. زیرا ، بیلور-سکزکه آنک باشلیجه وظیفه سی سزک یاپه جککز هر درلو چویرمه حرکتلرینی کشف ایامکدن عبارتدر .

بناءً علیه ، اگر غرب قطعات عسکریه سنک قوماندانی برجهتدن دشمنی کندی موضعنی ترکه مجبور ایده جک برچویرمه حرکتی یامقدن واز کچر ودیکر جهتدن پک چوق ضایعات ویرمک خوفیه برجبه هجومی اجرا ایتکدن قورقیور ایسه آنک ایچون آرتق شو ایکی واسطه دن بریسنی انتخاب ایتکدن بشقه برچاره قالمز :

برنجیسی ، کچید نقطه لرندن بریسنه تکمیل عسکر ایله هجوم ایدرک ( مونطوی ) دهکی احتیاط عسکری خط حربیه داخل اولمه دن اول اوراده کی دشمن عسکرینی کری به پوسکورتکم . اگر بو حرکت ، دشمن طرفندن کشف اولنورسه ( که محال برشی دکدر ) هاجمین اوزمان مدافعنیک احتیاط عسکر یاده اوغراشمغه و بناءً غایه استحصال ایدیه جک نتیجه ایله غیر متناسب ضایعاته دوشمکه مجبور اوله جقدر .

ایکدنجه یسنده دهها زیاده مونقیت امیدلری واردر . بوا یسه .

حقیقی هجومی بشقه بر نقطه دن سوق ایدمك دشمنك احتیاط  
عسکرینی ده یا بلغمه مجبور ایدمك صورتده شدتلی بر جعلی هجوم  
یا بمقدر . بن بونی بر نخیسنه ترجیح ایدم . بوراده جعلی هجوم  
یا بلغمه مأمور اولان قطعاتك وظیفه سی ، تعرضی محاربه دن بحث ایدن چکن  
مسئله لرده کوردیککنز کی ، ایکنجی درجه دن بر هجوم اجراسنه مأمور  
عسکرلرک وظیفه سنك عینی اولیه جقدر .

جعلی هجوم دن مقصد دشمنی آلداتمی و اوکا هجوم اصلی ایله  
مشغول اولدیغمیزی ظن ایتدیرمکدر . بناءً علیه اونی بر نتیجه ایله نهایتله  
جکمش کی سوق و اداره ایتك لازم کلور . اکر اولیه یا بلغمه دشمن  
احتیاط عسکرلرینی هجوم ایدلمش اولان نقطه یه سورمکدن صرف نظر  
ایلر . جعلی و ساخته بر هجوم یا بلدینی ائشاده هجوم ، اصلی یه مأمور اولان  
قطعات الدن کلدیکی درجه ده ، هجوم ایدمك جکلری نقطه یه تجاوز مستور  
بر محلك کریسنده طویلانمش بولنورلر . برده ، ساخته هجوم دشمن  
آنحقی صوگ زمانلرده هجوم اصلینك فرقه واره بیله جك صورتده  
آنك نظر دقتی جلب ایلیمکه جالیشه جقدر . بناءً علیه حقیقی هجوم دن  
اول باشلایه جق و نقطه عزیمتی هجوم اصلینك تشبث اولنه جنی محل دن  
الدن کلدیکی درجه ده اوزاق بولنه جقدر .

هجوم اصلینك نقطه غریمتی تعیین ایتم دن اول ، درمك قرشو  
ساحلنده دشمن طرفدن طوتلمش اولان اراضی یی ایوجه بر ملاحظه دن  
چکوریکزکه ، کورپی یه برکره حاکم اولنجه ایلک هجوم قطعانکزه  
اوجهده یرلشه رك ، هرامیدك فوقنده دشمن احتیاط عسکری یه  
کلمش ایسه ، آنك مقابل هجوملرینه مقاومت ایدم بیلمش اولسونلر .  
اگر دشمنك بو احتیاط عسکری ، تام وقتنده هجوم اصلینك فرقه

وارمش ایسه ، اووقت قرشو طرفه چکن ایلك هجوم قطماتی عددجه اوندن آز اولدینی حالد . اولری احتمالینه دره نك بری طرفه آتیهله جکدر . بوجشید بریان هجومنی کریه دفع ایتک ایچون هاجمین بری ساحلده یرلشمش اولان طوبجیسنی قوللانه جقدر . اویله ایسه ، هجوم اصلینک نقطه عزیمتی ایکی شرطی جامع اولق لازم کلورکه ، بریسی : مستور بر محلدن یاییله جق بر باصقین حرکتیه الویریشلی اولمی ؛ ایکنجیسی ایسه قرشو ساحلده حین حاجتده دشمنه مقاومت کوسترمکه مساعد بر موضع بولنلی ..

دشمنک بر هجومه اوغرامق تهله کسندن ال زیاده چکینه جکی نقطه کندیسینک ال کسیدیرمه خط رجعتی اوزنده بولنان (لایلا نشهت) کوی اولق لازم کلور . لکن بیلورسکنز که بوراده کی کوپری تخریب ایدلمشدر . بناءً علیه بونقطه اوزرنده وقوعه کله جک بر تشبث دشمنی اوقدر تهدید ایدمه جکدر . بناءً علیه سز بوجهتدن نه حقیقی ونه جعلی بر هجوم حرکتی یابه بیلورسکنز . سز اوجهتدن یالکنز خصصک نظر دقتی جلب ایتک ایچون برنمایش یایمقله اکتفا ایدمه جکسکنز .

دیگر کوپریرلر وبالخاصه (لوالییر) و (قولومبهی) کوپریرلرندن هر بریسی بیوک بریول اوزرنده بولنیور .

برکرده بولنردن برشی استفاده ایدوب ایدمه جکمزیر بر کوردلم . (لوالییر) علیه آچیقندن آچیغه اجرا ایدیلن بر هجوم ، قطعات عسکریه (بهل - قرووا) دن اینمکه باشلایه جقلری آندن اعتباراً ، (آمی تییه) دن کورلمش اوله جقدر . اوایسه بو (لوالییر) هجوم اصلی اجراسنه الویریشلی بریر دکلددر .

(قولومبهی) ده وضعیت ده اعلادر . هجوم اصلییه مأمور

اولان قطات عسکریه ( فرانسوزیشه دنکمال ) تپه سنک کریسنده اجتماع ایدمه بیله جکلردر . اورادن اعتباراً مذکور قطعات ( قولومبه ی ) یارقینک آره سندن کچن مستور بریوله مالک اوله جقلردر . احتمال ایلریده بیوک یول اوزرنده کی کوپری یی الده ایدمه بیله جکلردر . بوهجومه مأمور قطعاتک بر قسمی ( موله ن — رووینه ) [ خراب دکرمن ] یی ضبط ایدمه بیله جکلر ، صکرده ده ( اویینی ) شتوسنی الده ایتمه کچالیشه جقلردر .

بیوک یول ایله ( اویینی ) آره سنده کی درین وچقوریر ، ( قولومبه ی ) دن کچن قطعات عسکریه نک دشمن دن کورینمکسزین اراضی قازانمسی تأمین ایلیه جکلر . ( اویینی ) ده دشمن آرقه سی کسلمک خوفیه موضعی تخلیه ایتمه کباشلایه جقلر [ جهبه دن ( موله ن رووینه ) دن اجرا ایدیان هجوم ائناسنده ده ا تخلیه ایتمه مش ایسه ] . بورادن کچمکده ده باشقه فائده لر واردر . زیرا ، هاجمین قطعاتی اوسایه ده بربرینه یقین ایکی موازی یول الده بولندیره جقلر . بوایسه اونلرک قوتله قرشو ساحله کچرک اوراده برلشوب قالمیرینه یاردم ایدمه جکلر ( دکرمن کوپری سنک تخریب ایدمه مش اولدیغی فرض ایدرک ) . اگر دشمن احتیاطی ( قروانسی ) جهتن دن کله جک اولورسه ، ( قولومبه ی ) کهمان غریبنده بولنان تپه دن طوب آتشنه آله بیله جکلردر . اويله ایسه جعلی هجوم ( لووالییر ) علینه سوق ایدلمش اولدیغدن ، بوراده کی وضعیت عمومی هجوم اصاینک ( قولومبه ی ) دن اجرا ایدلمسی ایجاب ایدیور .

لکن بوندن آکلاشیلورکه ، جعلی هجوم دشمنی آلداته بیامش اولوق اینون آچیقدن آچیغه بر صورتله اجرا ایدلمه ملیدر ، اگر اويله

یایله جق اولورسه ، ( لایم قییه ) بیرمخانه سنه قونیان بر مترصد ،  
 ( بهل - قرووا ) دن اینن اقسام عسکریه بی برر ، برر صایه بیلوردی .  
 بناءً علیه دشمن چار چابوق کندی قرشوسنده پیشدارك پک ضعیف  
 بر قسمی بولند بنگل فرقیه وارهرق آنک الک مهم قسمی بزده اولدیغی  
 دوشونمکه باشلايه جقدر . اوندن بشقه سز ، دشمن مملکتنده بولنان  
 خصمک فرقه کزک موقتاً ( معج ) ده استراحت ایتمکه قرار ویردیکنی  
 اوکرنمش بولندیغی قبول ایدم سز سکز . بالعکس ، دشمن آنک کاملاً  
 ( واللی بر ) دره سنک اوکنده چیقوب کورینه جکنی امیدایدیور . بناءً  
 علیه اکر بر چوق عسکرک کلدیکنی کورمیه جک اولورسه ، بو آنک  
 دها زیاده مقاومت ایتسی ایچون فضلہ بر سبب اوله جقدر . دشمن  
 احتیاطینک ( لووالی بر ) جهتنده محاربه یه طوتشمسند بزه دها چوق  
 فائده وار ، چونکه ساخته هجومه مأمور اولان قطعانک موجودینی  
 ایوجه اوکرنمش بولنمیه جقدر . بناءً علیه ساخته هجوم شفقدن بر آز  
 اول باشلاملی که کون طوغدینی آندن اعتباراً هجوم اصلی یایمغه  
 باشلانمش اولسون .

بن بتون پیشدار طرفدن کیجه لین بر باصقین حرکتی یایمقی ایستیانلر  
 ایله هم فکر دکم . واقعا شو بولندیغمز حالده ، بر باصقین حرکتی یایمقی  
 ممکندر . لکن بن ینه اوفکری تجویز ایتیمورم . بوراده قرا کلقدہ  
 اجرا ایدیله جک بر هجومک فائده و محذور لرندن بحث ایدم جک دکم .  
 شویله بر بنجه کیریشمکدن چکنمکه برابر ، کیجه هجوملرینک پک  
 نادر اولان محبانیه هم افکار اوله میه جغمی تکرار ایدیورم . واقعا کیجه  
 هجوملرینک ، ایوجه تعلیم و تربیه ایدلمش قطعات عسکریه طرفندن  
 باشه چیقاریله جغه اعتقاد وار ؛ لکن بن بر درلواو هجوملری سوه میورم .

(غراولهوت) ده کچورمش اولدیغمز آجی تجربه ، اولیه برحبتیه دوشمه مکلم ایچون بوده کافیدر .

لکن بر حرکت شفقدن اول باشلامق و قرا کلقدن بالاستفاده هجوم اصلییه مأمور قطعاتی جمع ایدرک شفق ائساننده مذکور هجومی یایمق اصلاً بر کجه هجومی اجرا ایتمک دکلدر . زیرا ؛ بوراده یالکز بتون قطعاتک اجتماعی و بر قسم عسکرک محاربه یه طوتشمسی ایچون استفاده اولنمشدر . یوقسه اصل هجوم شفق سوکد کدن یعنی هر طرفی ایوجه کورمک ممکن اولدقدن صکره اجرا ایدیه جکلدر .

بوراده ایکی هجوم نقطه سه ، بینده کی بیوک آچیقاقدن و محاربه جبهه سنک ایدراندن پک اندیشه یه دوشمیکز . عادی بر هجوم ایچون بوامتداد شبهه سز پک بیوک صاییلور و اوزمان پیشدار قوماندانی امرلر واسطه سیله توحید حرکتی تأمین ایده مز . لکن بوراده قطعاً بر بردن آیری ایکی هجوم یایمق ایستیلدیکنی اونوتمیکز . بونلرک مطلق بر بردن ، آیری اولملری بزه هیچ برزیانی موجب اولدقدن بشقه بالعکس فائده مز اووجهله حرکت ایتکده در . اشته بوده سزک ایچون تعلیمنامه قواعدینک حرفی حرفینه تطبیق اولنه میه جفی بر حال اشنائیدر . سز بونک کبی ده بر چوقلرینه تصادف ایدرسکز .

خلاصه . ایشه سزک اخذ ایده جکلکز قرار شودر :

( قولومه ) ی دن کچرک ( اوینی ) علیه هجوم اصلی ؛ کون طوغزدن اول ( لوالییه ) عاینه اجرا ایدلمش بر ساخته هجوم ؛ ( لابلانشهت ) اوکنده ، جزئی بر عسکر طرفندن برنمایش ..

امرلر یکزی و بررکن ، دقت ایدیکزکه ، مسئله ده دشمنه دائر یکی معلومات آلمدینی فرض ایدیلرک پیشدار قوماندانی طرفندن یارین



صبح ایچون نه کبی ترتیبات قبول ایدیله جکی سوریلور . مع هذا ، پیشدار قوماندانی نیشانک برنجی کونی آقشامی تاریخله امرلرینی ویره جکی اثناده وضعیت کجه لین دکیسوب دکیشمیه جکنی بیله مز . بونک ایچون اکر مومی الیه ایلک اوکجه کندی قطعات عسکریه سنک ایکنجی نقطه ده یعنی ( بوردرلر ) کوینک شرق یخرجیله ( سه باستوپول ) ده اجتماع ایتمس اولملرینی امر ایتمکدن باشلایه جق اولور سه پک اعلا ایدیه جکدر . لکن پیشدار قوماندانی هجوم ایچون اولان امرلرینی آنجق ایرتسی کون صباحین ویره جکدر .

نیشانده ، کوانس ساعت ( ۵ ) ده طوغار . بناءً غلیه اجتماع ساعتی ، ساخته هجومه مأمور اولان قطعات ساعت ( ۵ ) دن اول ( لوالییر ) و ( لاپلانشت ) اوکنده یایلمش اوله جق صورتده حساب ایدلمش بولنه جکدر . مذکور قطعات تخمیناً ( ۳ ) کیلومتره قدر برشی قطع ایتمکجه مجبور اولدقلرندن صباحک ساعت ( ۴ ) نده حرکتیه حاضر برحاله بولملری لازم کله جکدر . هجوم اصلی به مأمور اولان قطعات ده عن ساعتده اجتماع ایتمش بولنه جقلردر . بوقطعات درانسز استاتوسنه ( ده نکمال ) طوغری ایلرولیه جکلر واوراده ( لوالییر ) اوکنده کی محاربه نک ایوجه قیزیشمه سنه انتظار ایلیه جکلردر .

ایکی هجوم یاییله جنی ایچون امر علی العاده بر صورتده ویریان هجوم امرلری نمونه سندن آز چوق آیریه جکدر . سز ایکی نقطه ده اجتماع ایدیه جک اولان قطعاتی ( صاغ قول ) و ( صول قول ) تعبیر لیه اشعار ایدیه جکسکز . وبوقوللر مادامکه ، توحید حرکت ایدیه جکلردر ؛ اولیه ایسه هر بریسی دیکرینه ویرلمش اولان وظیفه نی بیامکه مجبوردر . تعبیر دیکرله مذکور قوللرک ایکیسنه عمومی بر امر ویریه جکدر .

قطعات عسکریه بی محاربه به طوئیشه جقلری یرلره قدر کوتورمک ایچون نه بر یورویش امری ترتیب ایتمک ، نه ده رسول قولی کوسترمک خصوصنده ( جانبدار ) تعیری قوللانمق فکر ندهیم . بوکا ذاتاً لزوم یوقدر . چونکه بر دفعه یابه جفکز یورویش قیصه بر یورویشدر ؛ ثانیاً بوراده جانبداره فلان حاجت یوقدر . هم جانبدار تعیرینک بشقه جه بر معناسی وار . بناءً علیه اکر بوراده جانبدار عنوانی قوللانیهلحق اولورسه ایشک ایچنه بر مهیمیت کیرمش بولنه جقدر . اولیه ایسه انقسام عساکر کزده ( جانبدار ) دن بحث ایتمک ، معناسز برشی اولور .

بناءً علیه ، ایکی قولیکزی ترکیب ایدرکن دشمنی آلداتمه واکا ساخته هجومی هجوم اصلیدر ، دیه قبول ایتدرمکه باقیکز . بو خصوصده موفق اولمق ایچون اک ايو واسطه ، ( لووالی یر ) اوکنه زیاده طوبیحی یایمقدردر . زیرا ، صورت عمومیه ده طوبیحی نرده زیاده ایسه ، پیاده نك اوراده چوق اولدینی فرض ایدیلور . بوندن طولانی رسول قوله ایکی بطریه الحاق اولنه جقدر . و ( اوبینی ) اوزرینه یاخود خصمک احتیاطاری عاینه آنش ایتمک ایجاب ایتدیکی زمان قوللانمق ایچون هجوم اصلی ایله برابرده بر بطریه قله جقدر .

پیاده نك اک بیوک قسمی هجوم اصلیده قوللانیهل جقدر . ایوجه سوق واداره ایدمک شرطیله ، ساخته هجوم ایچون یالکیز بر طابور کافیدر . ( لووالی یر ) عاینه اوچ بلوک ، ( پلانشته ) عاینه ده یالکیز بر بلوک سوق ایدملیدر . دیگر اوچ طابور درجه کافیه ده بر قوت تشکیل ایده جکلردر . حتی هر درلو احتمال فوقده اونلر دشمنک احتیاطاریلده غوغا ایتمکه مجبور اولدقلری حالده بیله ، دره بی سریعاً

چکمه موفق اولمق شرطيله ، ينه کافی بر قوت عد اولنه جقلردر .  
 سوار يکزرک وظيفه سی تضعیف ایدلمش بولنه جقدر . اولدقجه قوتلی  
 بر سوار ی قطعه سی اوراده دشمنی طوتمق مقصديله ( قوی یون )  
 اوکنده یاا جنک بيله ایدمه بيله جقدر . شفقک سونوک ضیاسی ، دشمنه  
 اوکنده کی قوتک نه مقدار اولدیغنی آ کلامغه مساعدده ایتمه جقدر .  
 اکر بر آز وقت صکره دشمن ( قوی یون ) ی تخایه ایدمه جنک  
 اولورسه ، اوزمان سزک سوار یکنز آنک صاغ یانی عاینه حرکت  
 ایلملیدر . بونک ایچون صول قوله ایکی سوار ی بلوکی ویرسه کز یک  
 اینی ایتمش اوله جقسکزه . لکن ، صاغ جناح قولنکده سوار ی یه احتیاجی  
 وار ، اونک بستیون سوار یسز قالمسی ابو دکلدردر . زیرا اکر هجومده  
 موفق اولورسه ، جنوب طرفدن دشمنک خط رجعتی تهدید ایامک  
 ایچون سوار ی یه لزوم واردر . خلاصه ، موفقیت حالنده سوار یکنزک  
 دشمنک ایکی جناحی ده تضییق ایلمسی لازمدر . بناءً علیه صاغ قوله  
 ( قرینزی ) یه بر طاقم چقارمش اولان سوار ی بلوکی ویریکز که ایرتسی  
 کون صباحلین تام موجودلی بر سوار ی بلوکی اولسون .  
 استحکام بلوکی قسملره آیر یله جقدر : صول قوله بر طاقم ویر یله جنک  
 بو طاقم ( لووالی ر ) ده کی باریقادلری ییقمق وظیفه سیله مکلف  
 اوله جقدر .

دیگر ایکی طاقم ایسه ، ( قولومبه ی ) ه طوغری کیدن ایکی یول  
 اوزرنده ( اکر ایجاب ایدرسه ) عین وظیفه یی ایفایه جالیشه جقلردر .  
 فرقه کویر یچی طاقنک بدایت محاربه ده هیچ بر ایشی اولمه جقدر .  
 احتمال صکره دن سزک اوکا بر احتیاجکنز اولور . بناءً علیه اونو  
 ( سه باستو پول ) ده بر اقیکنز محاربه نک صوکنه قدر اوراده طورسون .

کوپریجی طاقی، کوزیورسکزه، صاغ قولک اجتماعه اشتراك ایدیه جکدر. سیار خسته خانه طاقی ده کذلک بوقوله ویریه جکدر. زیرا، اغلب احتماله نظر آ، اک چوق یاره لیلر بوقوله ظهور ایده جکدر.

ایلری قره غوللر محاربه نك باشلانغیچینه قدر یرلرنده قاله جقلردر. بونلر، قوللرک اجتماعلریله ایلک یایلمه لرینی ستر ایده جکلردر.

بیوک آغر لقلر ایچون انتخاب ایدیه جک نقطه، بر موفقیت حالنده عربهلر کندی قطعات عسکریه لرینی بالسهوله تعقیب ایده جک صورتده انتخاب اولنلیدر. اوילה ایسه اولنلری (قورسهل) جاده سی یاننده طوبلاییکز. بیلورسکزه خدمت سفریه بیوک آغر لقلره، منسوب اولدقلری قطعات عسکریه نه صره ایله یوریورلرسه اوصره ایله یوریملرینی تنیه ایدیور. لکن بوراده ایکی قول وار. بناءً علیه یالکیز بر قول اوزرنده حرکت ایدن بیوک آغر لقلره، هانکی عربهلری باش طرفده یوریده جکنی آچیقندن آچیغه سویلملیسکز. اگر بوکی تفرعاته کیریشمک ایستیمورسه کز، اوزمان ترتیبات متجذده نك اسبابی ذکر ایده جککیز صرده او مثللو تفرعاتی آغر لقلر قوماندانسه براقش اولدیغکیزی بیان ایدرسکز.

امر آلمق خصوصنده مادون قوماندانلرینک کلسی ایچون تعیین ایدیه جک ساعت بر وجهله تعیین ایدملی که اونلر امر آلدقندن صکره حرکت ساعتدن اول کندی قطعاتی یانسه دونه بیلیمش اولسونلر. بناءً علیه مذکور قوماندانلر، اجتماع محللرینه نسبتله مرکزی بر نقطه ده یعنی (بورنی) نك (بوردر) م توجه اولان مخرجنده وصباح ساعت (۳)ی (۴۰) که طوبلانه جقلردر. قطعات عسکریه نك مختلف ایکی نقطه ده اجتماع ایده جکلری ائشاده اجتماع ایچون ویریه جک امرده شبهه سز هر نقطه ده هانکی قطعاتک طوبلانه جخی سویلمنه جکدر.

ایشته اجتماع امریکز بویه یازیله جقدر:

( پلانتي يرم )

۱ - ۴ - ۹۱ - ۱۰ - كي

### پيشدار امرى

- ۱ --- دشمنه دائريكي برحوادث يوقدر.
- فرقه مزيارين (ميج) ده اقامت ايده جكدر.
- ۲ --- پيشدار يارين صباح ساعت (۴) ده ايكي قولده يعنى صول قول ( بوردلر ) ك شرق مخرجنده . صاغ قول ايسه ( سه - باستوپول ) ك بر آرز غربنده اجتماع ايده جكدر .
- ۳ ايلري قره غولار يكي بر امر وير . يئنه يه قدر يرلرنده قاله جقلردر .

بيوك آغرلرله عيتنده برقاج آتلى بولسان برنجى بلوك ضابطلرندن بريسنك قومانداسنده اولاق و باشده صاغ قولك كيلري بولمقى اوزره يارين صباح ساعت (۷) ده (سه باستوپول) چنلكينده برقول تشكيل ايده جكلردر .

۵ قطعات عسكريه قوماندانلري بارير صباح ساعت (۳) ي (۲۰) كچه امر آلمه كده جكلردر .

اجتماع محل ( بورنى ) نك ( بوردلر ) متوجه اولان مخرجى اوله جتدر .

ميرلوا

ب..

- افسام عساكر
- صول قول: بيكباشى ب..
- ۹۸ نجى يياده آلاينك ۲ نجى طا
- ۹ نجى سواري آلاين (۱۱) ۴۱
- نجى بلوكلر اكسيك ) .
- ۳۴ نجى سيار طوپنجى آلاينك
- نجى طابورى ( ۳ نجى بطريه ا كسيك ) .
- ۱۶ نجى استحكام طابورينك
- برنجى بلوكندن برطاقم .
- ۲ --- صاغ قول: مير آلاي ق..
- آلاين (۲) نجى
- طابور اكسيك ) .
- ۹ نجى سواري آلاينك برنجى بلوكى .
- ۳۴ نجى سيار طوپنجى آلاينك
- ۳ نجى بطريه سى .
- ۱۶ نجى استحكام طابورينك
- برنجى بلوكى ( برطاقم اكسيك ) .
- فرقه كو پريجي طاقى .
- برسيار خسته خانه طاقى .
- امر آلمق ايچون كوندريانلره يازديرلشدر .

هجوم ایچون ویریله جک امرده صول قوماندانه یالکیز بر ساخته  
 هجوم یامغه مجبور اولدیغی حس ایتدیرمه ملی. بالعکس بوهجوم ،  
 مقصده ایرمک ایچون، الدن کلدیکی درجه ده شدتلی بر صورتده اجرا  
 ایدلمش بولمیلیدر. اوله ایسه ، ویره جککیز امرده ( ساخته هجوم )  
 تعیرینی قوللانمقدن چکینکیز. سز، ( لووالی یر ) علیه یاپیله جق اولان  
 بوهجومدن مقصد نه اولدیغی صکره ، ترتیبات متخذنه ک اسبابی  
 ذکر ایتدی ککیز وقت سویار سکز. اوندن بشقه ، هجوم امری صول  
 قولک در حال هجومه باشلامغه مجبور بولاندیغی ده آچقندن آچغه  
 کوسترملیدر. صول قول قوماندانی، کندی قطعۀ عسکریه سنی فصل  
 منا. کورورسه اوله قوللانه جقدر. بالعکس، اوجهتده پک چوق  
 عسکر یایماق ایچون دشمنی، ( لاپلانته ) ده اشغال ایتمکه اکثفا  
 اولته جقنی امرده ذکر ایتمک معقول برشیدر .

صول تولده کی سواریدن اصل مطلوب اولان شی ( قوی یون ) ده کی  
 دشمنی ایجه زمان اشغال ایدرک ، آنی ( لووالی یر ) ه امداد ایلمکدن  
 منع ایللمش اولمیلیدر. بدایتده ( قوی یون ) ضبط ایدلمش ویا ایدلمه مش  
 بونک اهمیتی یوقدر. زیرا اگر دشمن ( لووالی یر ) دن قوغیلورسه  
 اورا سی کندی کنیدیسنه تخلیه ایدلمش بولنه جقدر. بناءً علیه سواری  
 جدی ضایعاته اوغرایه جق صورتده حرکت ایتمکدن چکنمیلیدر .  
 بن امرده بوندن بحث ایده جکم. وظیفه سنی ایفا ایتمک ایچون سواری  
 یایا جنکه مجبور اوله جقدر. زیرا ، نه دردنک جاری اولدیغی طاروادی  
 ونه ( مهی ) ایله ( نوبی ) آره سنده کی اراضی سوارینک هجوم یامسنه  
 مساعددر. مع هذا ، یایا جنک سوارینک استکشافه نقیصه ویرمش  
 اولمامیلیدر. اراضینک تشکلاتی ایجابندن اوله رق بو استکشاف خدمتی  
 یالکیز کشافلر واسطه سیله تأمین ایدیله جکدر .

پیشدار قوماندانی، تفرعات ایله اوغراشمغه مجبور اولمق سزین  
ایکی قولک ده حرکاتی تعقیب ایده بیلیمک ایچون صاغ قولک سوق  
واداره سنی خصوصی بر آمره تودیع ایتک لازم کلور . امرده آنجق  
(لووالی ر) ده کی محاربه دشمن احتیاطلرینک او طرفه سوق ایدملرینی  
ایجاب ایده جک وجهله بر شدت پیدا ایتدکدن صکره صاغ قولک  
هجومه باشلایه جنی ذکر اولنه جقدر . او آنه قدر صاغ قول، محاربه یه  
کیرمه حاضر بر وضعیتده وحاضرلق نظامنده قاله جقدر . لکن ،  
هجوم اصلینک باشلایه جنی آن، (لووالی ر) محاربه سنک آله جنی  
شکله تابع اولدیغندن و بو آنک انتخابی ایسه بر تقدیردن عبارت بولند .  
یغندن، اختلاف آرا اولماق ایچون، هجوم اصلی اشارتی ویرمک  
حقنی کندمه براقه رق هر درلو تلاشک اوکنی آلمش بولنه جقم .  
امر ، صول قول قوماندانی ، صاغ قول هجومنک فصل اجرا ایدیه .  
جکنی بیله جک صورته ترتیب اولنه جقدر .

ایلری قره غوللر ، هجومه قطعاتی اونلرک بولندیفی خطی  
کچمش اولنجه یه قدر یرلرنده قاله جقدر ، بعده منسوب اولدقلری  
طابورلره التحاق ایده جکلردر .

محاربه نیک یکه زیاده قیزیشمش اولق احتمالی اولدیغندن بلوکلرک  
جیخانه عربهلری اجتماع نقطه لرنده بوشالیدیله جکلردر . بونی یایمق  
ایچون حرکندن اول اپی زمانه مالک اولنه جقدر .

محاربه اثناسنده سیار خسته طاقینک یرینه کلنجه ، بن اوئی اولدن  
تعین ایتیه جکم . چونکه اونک انتخابی محاربه نیک آله جنی شکله کوره  
وقوعه کلک ایجاب ایدر .

اگر هجوم اصلی دره اوزرنده کی موانی بالسهوله آتلار ومثلا

(اوبینی) ایله (قوانسی) آرمسند شتلی برمحاربه اجرا ایدلدیکی  
 آکلاشیلور ایسه ، اوزمان سیار خسته خانه طاقینک یری (قولومبهی)  
 اوله جقدر ، بالعکس اگر دره اوزرنده جدی ضایعاته اوغرائیلورسه  
 اووقت سیار خسته خانه طاقنی (سه باستوپول) ده قویمق ده امر جقدر .  
 اوپله ایسه یار خسته خانه طاقنی موقت (سه باستوپول) ده قاله جقدر که  
 اوسایه ده اگر لزوم کوریلورسه بالسهوله صول قوله یاقلاشدیر یله جقدر .  
 (واللی یر) دره سی ایچنده کی وضعیت نه اوله جفی تمامیله بللی اولنجه یه  
 قدر . کوپریمی طاقنی ده (سه باستوپول) ده قاله جقدر . مؤخر آبوندن  
 استفاده ایدلسی لازم کله جک اولان نقطه یه کلنجه شمیدیک اونک  
 حقنده برشی دیندله مز . صره سی کلش ایکن سزه شونی ده خبر  
 ویره می که ، بفرقه کوپریمی طاقیله برکوپری قورمق ایچون دائماتام  
 موجودلی بر استحکام بلوکنه احتیاج واردر . بریوریشده بو کوپریمی  
 طاقنی بر استحکام بلوکنه ملحق بولور ، یاخود که یاقسم کالی ویا پیشدارک  
 نهایتدن یورور . اوندن بشقه اونی بیوک آغرلق لرله برلکده  
 یوریتکده ممکندر .

پیشدار قوماندانی ، ایکی هجومک ایکسینی ده کندی کوزیله کوره  
 بیله جک صورتده بریر انتخاب ایده جکدر که ، بوراده مومی الیه کی یری  
 (قولومبهی) ک شمانده کی چام آغاچلرینک یانی اوله جقدر . بووجهله  
 مومی الیه ایکی قوله مساوی مسافده ، اوله جفی کی ، آرانلدینی زمانده  
 بالسهوله بولنه بیله جکدر .

ایشته هجوم امریکز شویله یازیله جقدر :



( بهل - قرووا )

۲ - ۴ - ۹۱ - ۴۰ » ۳ کی

### پیشدار امری

۱ — دشمنه دائریکی هیچ بر حوادث یوقدره .

۲ — پیشدار ( واللی یر ) دره سی  
اوزرنده دشمنه هجوم ایدیه جکدر .

۳ — سول قول در حال ( لو والی یر )  
هجوم ایدیه جک ویالکز دشمنی ( لاپلانشت ) ده  
اشغال ایتکله اکتفا ایدیه جکدر . بوقولاک  
سوارسی ( قوپی یون ) ه یا یا اوله رق  
هجوم ایدیه جکدر . مذکور سواری جدی  
ضایعات ویرمکن چکینه جک ( و مهی )  
استقامتیه ( نوبی ) جوتلرینی کشف ایلیه جکدر .

۴ — صاغ قول در حال ( فرانسوزیشه -  
نکمال ) ک غربنده بر حاضرلق تربیانه  
کیره جکدر ( قولومبی ) یارقيله ( قولو -  
مبی ) ک جنوبنده خراب دکر مندن کچرک  
( قووانسی ) و ( اوبنی ) نک غربنده کی  
تیه لره هجوم ایتک اینچون بنم امرلیمی  
بکلیه جکدر . بوقول ( آرس لاکنه کسی ) نک  
اوتلرینی استکشاف ایدیه جکدر .

۵ — ایلری قردغولار منسوب اولدقلری  
قوللره التحاق ایدیه جکدر .

۶ — جبخانه عربهلری همان شمدی  
بوشالیدیه جقارددر . سیار خسته خانه طاقی  
وکوپرچی طاقی یکی امر ویربندیه قدر  
( سه باستوپول ) ده قانه جقارددر .

۷ — راپورلر ( قولو بی ) ک شمالنده کی  
چام اورماننه کوندریله جکارددر .  
میلوا ب..

قول قوماندانلرینه شفاها تبایه  
ایلدشدر .

سوزیمی بیتورمك ایچون شونی ده سویلهیم که ، یادیغکز هجومك کورلدیسی ( مونطو)یه واصل اولدینی آنده برکزه کندیکزی دشمن قوماندانك یرینه قویکیز .

برکون اولکی محاربه لر ایله رجعت حرکتی دشمن قطعات عسکریه سنی فنا حالد یورغون دوشورمشاردی . مذکور قطعات ( والاییر ) دره سنه کلدکاری کبی ایسه آقشامه قدر سپرلر قازمق ، استحکاملر یایمق وظیفه لر ایله مکلف اولمشردی . کیجه لینده اولدقچه مهم اقسام عسکریه ایلری قره غول خدمتته مأمور ایدلمش ایدی . بناءً علیه کور یورسکزه دشمن عسکری استراحت ایتمه مش برحالد بولنیور . بتون شو یورغینلقلر طبیی مذکور عسکرک ذاتاً بوزوق اولان قوؤ مغویه سنی ده ا زیاده ننا بر درجه یه کتورمکه سبب اولمشردر . دشمن قوماندانی بونک بویه اولدیغنی بیلیور ، نقطه نه یاپسون !

ایشته باق ، شمدی ده یعنی شفق سوکر سوکر شدتلی برتفک سسی ییچاردنك قوللاقدرینی چاتلادیور ! کندیلرندن قوتلی دشمن قطعات عسکریه سنك ( لوالییر ) ایله ( لاپلانشته ) عامینه شدتلی هجوملر اجرا ایتکره اولدیغنی کندیسنه خبر ویریورلر ! اوندن بشقه زوالی قوماندان ( قوی یون ) جهتده کی تفک سسلرینی ده ایشیدیور . تفک آتشرینك انکسکین ، انشدلی اولدیغنییر ( لوالییر ) اولدیغنی آکلایور . ( بدل - قرووا ) ده کی دشمن طوحیسنك هدش ده یسه بونقطه اولدیغنی کور یایور . شفق سونوك وخفیف نیای داجینك ایوجه قوتتی آکلامغه مساعدد ایتیور . ( قولومبه ی ) و ( اویینی ) جهتلرنده سکونت حکم سور یورکن ، هر ثانیه ده ( لوالییر ) انک ضبط ایدلدیکنی کورمك تهلمکسی شدتله حکمفرما اولیور .

بوحالره قرشو دشمن قوماندانك ايلك عقلنه كله جك شي، بتون  
الده موجود اولان بطريه لريله ( بهل - قرووا ) ده كي دشمن  
طوپخيسنه جواب ويرمك و پياده سنه ايسه چار چابوق سلاح آلديره رق  
همان ( لووالی ير ) محافظينك امدادينه قوشمق اوله جق دكيدر ؟  
مومى اليه ، دشمن قطعات عسكريه سندن ( لووالی ير ) ده صاغ ساحله  
كچه بيلمش اولان ايلك اقسامى كرى پوسكورتلك ايچون بر تشبثده  
بولنميه جقميدر ؟

بوقرارا ايجه طيبي برقراره بكنزيور. حتى دشمن اكر اويله برقرار  
ويرمه مش اولسه بيله ينه نظردقتي ( لووالی ير ) و ( لاپلانشت ) ده كچن  
وقوعاته منجذب اوله جقدر. بروجهله كه، دشمن احتياطلري ( قووانسى ) يه  
كلبك ايچون وقت بولمزدن اول ( قووانسى ) و ( اويني ) عليهنه  
يا بيله جق بر باصقين ايجه اميدلى بر باصقين اوجقدر. اكر دشمنك  
طوپخيسيله پياده سنك بر قسمى ( لووالی ير ) ك امدادينه قوشه جق  
اولور لرسه بوايلك بر موفقيت يرينه كچه جقدر .

زيرا ، دشمن ( قووانسى ) يه نه قدر آزقوت كتوره جك اولورسه  
هجوم اصلى ده اوقدر زياده قولايقله اجرا ايدلمش بولنه جقدر .



## تنبیہ — ۱

درون کتابدہ موجود اولان تاریخلرک بزم اصولہ کورہ فصل  
ترتیب ایدیلہ جکلرینی آکلامق ایچون یالکز شو مثالری ذکر ایتک  
کافیدر .

صحیفہ — ۳۴

(د) ک شمالندہ کی اردوگاہ

---

نيسان ۱۱ سنہ ۳۱۶ ساعت ۴ کو

§

صحیفہ — ۷۶

(لی بهون) ک جنوبندہ کی اردوگاہ

---

تموز ۲ سنہ ۳۱۶ ساعت ۳ کی

§

صحیفہ — ۷۸

فرقہ قرارگاہ عمومی (ویوی پر)

---

تموز ۵ سنہ ۳۱۶ ساعت ۴،۱۰ کی

§

صحیفہ — ۱۰۵

(قولینی)

---

تموز ۵ سنہ ۳۱۶ ساعت ۵،۱۵ کی

§

صحیفہ — ۱۰۶

(قولینی) نك شالنده يوللرك برلشديكى نقطه

تموز ۶ سنه ۳۱۶ ساعت ۱۱۰۲۰ کی

§

صحیفہ — ۱۴۲

(سنت بارب)

آگستوس ۱ سنه ۳۱۶ ساعت ۴ کی

§

صحیفہ — ۱۴۴

(غراس) ك شرق شماليسنده کی تبه

آگستوس ۲ سنه ۳۱۶ ساعت ۱۱ کی

§

صحیفہ — ۱۴۵

(سنت بارب)

آگستوس ۱ سنه ۳۱۶ ساعت ۴ کی

§

صحیفہ — ۱۵۲

(اوبینی) نك شرقنده کی تبه

حزیران ۳ سنه ۳۱۶ ساعت ۲۰۴۰ کو

§

صحیفہ — ۱۶۹

(محبت = آمی تی به) پیره خانه سی

حزیران ۳ سنه ۳۱۶ ساعت ۳۰۱۰ کو

§

صحیفہ — ۱۹۷

( ماری پول )

---

آگستوس ۱ سنہ ۳۱۶ ساعت ۴:۳۰ کی

§

صحیفہ — ۱۹۹

( ماری یو ) ك ( وہزون ) متوجہ مخرجی

---

آگستوس ۲ سنہ ۳۱۶ ساعت ۱۰:۱۰ کی

§

صحیفہ — ۲۱۹

( س رہمی ) نك شمالندہ کی اردو کاہ

---

آگستوس ۳ سنہ ۳۱۶ ساعت ۱۰:۱۵ کی

§

صحیفہ — ۲۲۱

( سہ نت اغات ) ك جنوب مخرجی

---

آگستوس ۳ سنہ ۳۱۶ ساعت ۱۱ کی

§

صحیفہ — ۲۵۱

( پونطوی )

---

تموز ۱ سنہ ۳۱۶ ساعت ۴ کی

§

صحیفہ — ۲۷۲

( پونطو )

---

تموز ۱ سنہ ۳۱۶ ساعت ۵:۲۰ کی

§

صحیفہ — ۲۷۷

( پونطوی ) ك غرب مخرجی

تَمُوز ۲ سنہ ۳۱۶ ساعت ۱۰،۲۰ کی

§

صحیفہ — ۲۷۹

( آرس — سورموزہل )

آگستوس ۴ سنہ ۳۲۶ ساعت ۳،۱۰ کی

§

صحیفہ — ۲۹۴

( سہنت روفین )

آگستوس ۴ سنہ ۳۱۶ ساعت ۴،۳۰ کی

§

صحیفہ — ۳۰۲

( سہنت روفین ) غرب مخرجی

آگستوس ۴ سنہ ۳۱۶ ساعت ۱۱،۲۰ کی

§

صحیفہ — ۳۲۳

( فہی )

شباط ۲ سنہ ۳۱۶ ساعت ۴ کی

§

صحیفہ — ۳۲۴

( فہی ) ك شمال مخرجی

شباط ۳ سنہ ۳۱۶ ساعت ۲ کون

§

صحیفہ — ۳۳۵

( سن ژولی ن — لہ میچ )

---

آگستوس ۱ سنہ ۳۱۶ ساعت ۴ کی

§

صحیفہ — ۳۸۶

( شاتی یون ) خرابہ سی

---

آگستوس ۲ سنہ ۳۱۶ ساعت ۰،۲۰ کو

§

صحیفہ — ۴۰۰

( تویلہ ری دوفلوری )

---

مارت ۳ سنہ ۳۱۶ ساعت ۰،۴۵ کو

§

صحیفہ — ۴۰۶

( سابلون )

---

مارت ۲ سنہ ۳۱۶ ساعت ۴ کی

§

صحیفہ — ۴۲۴

( هوت کہ نوت )

---

مارت ۳ سنہ ۳۱۶ ساعت ۲،۵۰ کو

§

صحیفہ — ۴۴۴

( تویلہ ری دوفلوری )

---

مارت ۳ سنہ ۳۱۶ ساعت ۵،۳۵ کو

§



صحیفہ — ۴۶۹

( وی یون ویل )

کانون اول ۱ سنہ ۳۱۶ ساعت ۴:۳۰ کی

§

صحیفہ — ۴۷۱

( وی یون ویل )

کانون اول ۱ سنہ ۳۱۶ ساعت ۵ کی

§

صحیفہ — ۴۷۶

( وی یون ویل ) لک ۵۰۰ مترہ غربندہ کی تپہ

کانون اول ۲ سنہ ۳۱۶ ساعت ۴ کو

§

( مارہ نفو )

ایلول ۱ سنہ ۳۱۶ ساعت ۳:۱۰ کو

§

صحیفہ — ۴۷۰

( آمان ویلہر ) اوجاقلری

ایلول ۱ سنہ ۳۱۶ ساعت ۴:۱۰ کو

§

صحیفہ — ۴۵۲

( آمان ویلہر ) اوجاقلری

ایلول ۱ سنہ ۳۱۶ ساعت ۴

§

صحیفہ — ۵۵۵

( آمان ویلہر ) نك جنوب غریبسنده ۳۳۱ راقلی محل

ایلول ۱ سنہ ۳۱۶ ساعت ۴۰۴۰ کو

§

صحیفہ — ۵۸۳

( پویی ) نك جنوبنده بیوك یول

تموز ۱ سنہ ۳۱۶ ساعت ۸۰۳۰ کو

§

صحیفہ — ۶۱۵

( پویی ) نك شمالنده بیوك یول

تموز ۱ سنہ ۳۱۶ ساعت ۸۰۴۰ کو

§

صحیفہ — ۶۱۸

( پویی ) نك جنوب غریبسنده کی اردوگاه

تموز ۱ سنہ ۳۱۶ ساعت ۱۳۰۳۵ کو

§

صحیفہ — ۶۵۴

( ۹۰ زون — نوو )

کانون اول ۲ سنہ ۳۱۶ ساعت ۷۰۵۰ کو

§

صحیفہ — ۶۵۷

( ۹۰ زون — نوو )

کانون اول ۲ سنہ ۳۱۶ ساعت ۹ کو

§

صيفه — ۶۷۵

( بوردرلر ) ك شرق مخرجى

نيسان ۱ سنه ۳۱۶ ساعت ۱۰.۱۰ كو

نليه — ۲

اثر ك ترجمه سى ( ۷۰۰ ) صيفه لك بر حجنم تشكيل ايتديكى ايجون  
دروننده سهو قلم ويا مرتب خطاسى اولق اوزره بعض اوافق تفك  
ياكلشلك بولنمى طيعيدر . اوندن بشفه خريطه لرده كرك اسملك  
نقطه لرنده وكرك سائر ارقام خصوصنده بعض كوچك ياكلشلك واردر .  
بونلك هپسى اك صوك خريطه ايله برلكده كتابه علاوه ايديله جك  
اولان ( خطا ، صواب ) جدولنده كوستريله جكلردر .





4  
5  
6

7